



BIBLIOTECA NAZ.

Vittorio Emanuele III

XLI

E

110

NAPOLI

110 11
115
112





FRANCISCI
PETRARCHAE
POETAE ORATORISQUE

clarissimi de Remediis vtriusque
Fortunæ Libri I I.

*In quorum priore prospera fortuna refutatur: in
posteriore vero aduersa defenditur.*

Iam denuò accuratius quàm antea ab in-
numeris mendis repugnati &
emendati.



LVGDVNI,
APVD CARIOLV M PESSNOT.
M. D. LXXXIIII.

Det. by Christy

AD LECTOREM

EPIGRAMMA.



*Vt n' lector precio leui libellum
Thesaurum potius tibi parare,
Cræsi qui superat, Midææ gazas.
Cræsi diuitias, opes Luculli
Qui te perpetuò beare possit,
Fortuna eximias prosaci iras,
Falsas blanditias docens cauere,
Vitam & viuere sanctitate anita
Æquandam Curii erunt quot, & sunt.
Hæc remedia sortis utriusque
Petrarchæ, eximij illius Poetæ,
Cui tantum tribuis vel in pudendis.
Compara, lege, perlege, emulare..*



FRANCISCI PE-
TRARCHAE POETAE ORA-
TORISQUE CLARISSIMI

*de remediis utriusq; Fortune,
ad Azonem epistola-
ris Praefatio.*

* *

QUAM res, fortunásque hominum
cogito, incertósque & subitos
rerú motus: nihil ferme fragi-
lius mortalium vita, nihil in-
quietius inuenio. Ita cunctis a-
nimantibus naturam miro remedij genere
consuluisse video, ignorantia quadam fui:
nobis solis memoriam. intellectum, prou-
dentiam, diuinas ac praeclaras animi nostri
dotes in perniciem, & laborem versas. Tam
superuacuis enim semper nec inutilibus
modó, sed damnosis atque pestiferis curis
obnoxij, & praesenti torquemur, praeterito
futuróque angimur, vt nil magis metuere
videamur, quam ne quando fortè parum
miseri simus. Tanto studio miseriarum
causas, & dolorum alimenta conquirimur,

quibus vitam, quæ si rite ageretur, feliciſſima prorsus ac iucundiſſima rerû erat, miserandum ac triste negocium efficitur, cuius initium cæcitas & obliuio possidet, progressum labor, dolor exitum, error omnia. Quod ita esse, quisquis vitæ suæ cursum, acri iudicio remetiatur, intelliget. Quem quietum quæso? Quem tranquillum? Quem non laboriosum magis atque anxium diem egimus? Quod unquam tam securum, aut tam lætum mane vidimus, ut non ante crepusculum, sollicitudo, merorq; surriperet? Cuius mali & si ipsis in rebus multa insit occasio, nisi tamen nos fallit amor, nostri causa maior, siue (ut inhenuè fateatur) culpa omnis, in nobis est, ut verò fiteam reliqua omnia quibus undique trudemur, quod illud est bellum? quàmque perpetuum quod cum fortuna gerimus, cuius nos poterat facere virtus sola victores? Nos ab illa volentes, scientesque desciimus. Soli igitur imbecilles, exarmati, non æquo Marte cum implacabili hoste cōgredimur. quos illa vicissim, ceu leue aliquid, attollit ac deiecit, & in gyrum rotat ac de nobis ludit, vinci tolerabilius foret, nunc etiam ludibrio habemur. Id verò quid aliud, quàm leuitas, & mollicies nostra fecit? Idonei visi sumus, qui pilæ in morem, huc illuc tam faciliè iactaremur, animalia æui breuissimi, solitudinis infinitæ,

et, quibus insciis. Cui puppim littori, cui animum consilio applicemus: pro consilio interim sit pendere, ac præter præsens malum, & à tergo quod doleat, & ante oculos semper habere quod terreat. Quod præter hominē, animantium nulli accidit, quibus præsentia euasisse plenissimam securitatem tribuit. Nobis ob ingenium & acumen animi semper quasi cum Cerbero tripliciter hoste luctandum est. Ut ratione caruisse prope melius in nosmetipsos, æthereæ naturæ præstatoris arma vertentibus, huic malo obstare subdifficile est, vetustate iam & consuetudine radicato. Enitendum tamen in quam rem præter generosi animi conatum cui nihil est arduum, nihil inexpugnabile, & sapientum hominum crebra colloquia (quamvis id genus iam rare scat) & multò maximè iugis lectio ac perui gil, scriptorūque nobilium monumenta profuerunt modò salubribus monitis consensus animi non desit, quem vnum in terris sani consilij, viuum fontem asseuerare non verear. Quamobrem si vel plebeis scriptoribus pro affectu nudo, gratiam aliquando habitā scimus, siue pro eo, quod iter aperuisse sequētibz visi erant: quanta (oro te) gratia claris ac probatis scriptoribus est habēda, qui multis ante nos in sæculis terram versū, diuinis ingeniis institutisque sanctissimis nobiscum

viuunt, cohabitant, colloquuntur? Intérque
perpetuos animorum fluctus, ceu totidem
lucida sidera, & firmamento veritatis affixa,
ceu totidem suaues, ac fœlices aures, totidem
industrij, ac experti nautæ, & portum nobis
quietis ostendunt, & eò voluntatum nostrarum
lenta carbasa promouent, & fluitantis
animæ gubernaculum regunt, quoad tantis
procellis agitata consilia quidē sistat, ac temperet.
Hæc enim vera philosophia non quæ
fallacibus alis attollitur, & steriliū disputationum
ventosa iactantia per inane circumuoluitur, sed quæ
certis & modestis gradib⁹ compendio ad salutem pergit.
In hoc te studium hortari, amicum fortē, sed profectò
necessarium non est. Nam te variæ lectionis,
multiplicisque notitiæ audum fecerat fortuna, quæ
(vt aiunt) magnæ rerum partis imperium tenet,
turbido quodam ac profundo negociorum, & curarum
pelago iactandum dedit. Cæterum non vt legendi ocium
sic noscendi desiderium eripuit, quo minus semper
literatorum hominum delectatus amicitia, & conuictu,
& occupatissimis diebus ociosas horas quotiens
lieuit furatus quotidie instructior, quotidie rerum
memorabiliū doctior fieri velles. Vbi illa qua nulli
cedis memoria, sæpe te pro libris vti solitum
ipse tibi sum testis. In quod si ab ineunte æta
te pro

te pronus eras, eo nunc putandus es pronior
 quo serotinus, matutino viatore seruentior,
 atq; animo saltem promptior esse solet, quan-
 do quidem hæc vulgaris est quærela crescere
 iter, diemque decrescere, quod utique nobis
 in hoc vitæ tramite accidit ad vesperam pro-
 pinquantibus, & vitæ multum superesse cer-
 nentibus. Non mihi igitur es hortandus, vt
 facias, quod semper auidissimè fecisti, admo-
 nuisse suffecerit, vt intendas animum, ne qua
 te hinc humanarum rerum cura dimoueat,
 quæ pleròsque mortalium, post egregios la-
 bores, in ipsa consummatione maximorum
 operum auertit. Hoc adiecto, vt quia simul
 omnia, vel legere, vel audire & meminisse
 non potes, vtilissimis quidem, & quādo bre-
 uitas est amica memoriæ, breuissimis quoq;
 te fulcias. Non quòd ego suadeam operiosa
 illa & maiora sapiētiae cōsulta negligere, qui-
 bus te in ordinario (vt ita dicam) fortunæ
 certamine tueare, sed vt his interim breuib;
 ac præcisis sententiis, quasi quibusdam expe-
 ditis atque continuis armis, contra omnes in-
 sultus, omnémq; repentinum impetum hinc
 illinc iugiter sis instructus. Duplex enim est
 nobis duellum cum fortuna, & vtrobiq; quo-
 dammodo par discrimen: cuius non nisi par-
 tem vnicam vulgus nouit, eam scilicet quæ
 vocatur aduersitas. Philosophi, & si vtranque

nouerim, hanc tamen ipsam difficiliorem arbitrantur. Itaque notum illud Aristotelis in Ethicis suo iure diffinientis, Difficilius esse tristitia sustinere, quàm à delectabilibus abstinere. Quem secutus Seneca ad Lucillum scribens, Maius est, inquit, difficilia præstringere, quàm læta moderari. Quid dicam? Autim ne tantos inter viros hiscere? Durū quidem & temeritatis parata suspicio nouo homini vetusta tangenti. Hinc autoritate igitur, hinc ætate promoueor. Sed alterius magni cuiusdam, & antiqui viri succurrit autoritas. Neque enim impetrari potest, quin quale quidque videatur, & talem quisque de illo opinionem habeat. Marci Bruti sunt verba scribentis ad Atticum, quibus vix aliquid verius dici reor. Quid enim de re qualibet iudicare possum, nisi quod sentio? nisi fortè compellat, vt iudicio iudicem alieno, quod qui facit, iam non ipse iudicat, sed iudicata commemorat. Ego itaque reuerenter tantorum hominum, omniumque sic sentientium iudicia præteruectus, si de proprio loqui velim, scio quidem alias variè de virtutibus disputatum, neque semper difficilioribus principatum dari, neque fortuito vltimum inter virtutes locum obtinuisse modestiam, siue cum temperantiam dici mauis. Quantum tunc ad id de quo agitur, attinet difficilior

pro

prospera fortunæ regimen existit, quàm
 aduersa, aliquantòq; fateor apud me formi-
 dosior, & (quod constat) insidiosior est for-
 tuna blāda, quam minax. quod, vt sic opiner,
 non me scribentium fama, non verborum la-
 quei, modiq; sophismatum, sed rerum expe-
 rimneta, vitæq; huius adigunt exēpla & ma-
 gnum difficultatis argumētum raritas. Nam
 qui damna qui pauperiem, qui exilium, qui
 carcerem, qui supplicium, qui mortē, & peio-
 res morte graues morbos, æquo animo tuler-
 unt, multos vidi: qui diuitias, qui honores,
 qui potentiam, nullum. Ita sæpenumero me
 spectantem contra omnem aduersæ fortunæ
 violentiam inuictos ludo facili prosperior
 strauit, humanique robur animi quod minæ
 non fregerant, inflexere blanditiæ. Nescio
 enim quomodo mox vt mitior esse cœperit
 fortuna, incipit mens emollita tumidior fie-
 ri, & suæ sortis obliuionem adiuncta prospe-
 ritate concipere. Neque de nihilo dictū est,
 iamque apud nostros homines in prouerb. ū
 venit magni laboris esse, ferre prosperitatē.
 Neque à casu Flaccus ait. Bene ferre magnū
 disce fortunam. Difficilem nempe censebat
 artem, quæ nisi studio adhibito nesciretur.
 Cæterum Seneca ipse fortunę partem illam,
 quæ sibi difficilior visa erat, & est haud dubiè
 prima fronte rigidior breui admodum ser-

monē pertrinxerat. Is libellus passim in manibus vulgi est. Cui ego nil addere, nil detrāhere meditor, quōd & magno ingenio confiatum opus nostram dedignatur lūam, & mihi meis rebus intento nec comere aliena, nec carpere est animus. Sed quoniam & virtus & veritas publicē sunt, neq; studiū antiquitatis obesse debet posteritatis industriæ. Cui excitandæ atque adiuuandæ noscitur institutum, de hoc ipso tecum loqui aliquid quōdq; ille Gallioni tunc præstitit, id Azoni meo nunc, quantum hoc defesso iam & occupato semper ingenio dabitur, præstare propositum est mihi: insuper & partem alteram ab illo, seu obliuione, seu iudicio prætermittam attingere. Vtique autē sciens pauca permiscui, non fortunæ, cuiuspiam, sed virtutis, aut vitij excellentiæ, aut defectus, quod & si extra propositum, ipsa quidem effectu tamen haud dissimili, & lætos quoque, mœstosque animos factura viderentur. Quibus in rebus quo me gesserim ingenio, tu censebis occupationum memor ac temporis, qui paucissimis diebus cœptum perfectūque opus admirans videris. Ego solius fidei iudex sum. Studui hercle non vt vnum quodque mihi speciosus, sed vt tibi atque aliis (si tamē alius quisquā hæc attigerit) vtilius visum est conquirere. Denique finis meus, is qui semper in
hoc

hoc genere studiorum fuit non tam scilicet scribentis laus, quàm legentis utilitas, si qua ex me percipi, aut sperari potest ad id maxime respexi, ne armarium euoluere ad omnem hostis suspicionem ac strepitum sit necesse: quin mali omnis, & nocentis boni, atque vtriusque fortunæ remedium breue, sed amica confectum manu quasi duplicis morbi, ut non inefficax antidotum in exigua pixide omnibus locis atque temporibus ad manum (ut aiunt) & in promptu habeas. Nam ut dixi, vtraque fortunæ facies metuenda, veruntamen vtraque toleranda est. & hæc quidem freno indiget, illa solatio: hinc animi elatio reprimenda, illic refouenda, ac subleuanda fatigatio. Hanc ergo varietatem cogitandi mihi, non modò, cum de hoc vellem aliquid scribere, tu occurrebas dignis eo munere, quo vterque nostrum cõmuniter vteretur, ut ait Cicero, sed etiam tu me solus ut scriberem excitabas, non quidem verbo, ut qui cæptorum mihi conscius sis tantorum, sed rebus ipsis, & in vtranque partem abundante materia. Multos in equulco fortunæ habitos multos in deliciis scimus, multos magno impetu rotatos, nec scandentiũ defunt exempla, nec ruentium, nec sum nescius quosdã ex ultiore fastigio prolapsos. Quot Romani Imperatores, quot externi reges vel hostiũ vel suorũ

manibus è summo folio detracti vitā simul,
& imperium amifere? Anne omnia à veru-
state metuemur, & exules nuper, & captiuos
& in acie cæfos, & domi capite truncos,
(quodque durissimum relatu est) & laqueo
enectos, fœdèque, laniatos reges nouimus?
Tibi cui cor regium natura dederat, nec de-
dit regium fortuna, nec abstulit, at quem in
cæteris illa tam variè egerit, vix quòd sciam
nostra ætas inueniet. Iam imprimis valetudi-
ne prosperrima & corporis viribus dudum
fretus, vîq; ad stuporem omnium qui te no-
rant intra non multos annos ter desperatus à
medicis; ter vitam ac salutem tuam in solo
medici cœlestis auxilio posuisti, sic ab illo
tandem sanitati redditus, vt penitus tuum il-
lud pristinum robur amiseris, non inferiore
miraculo dexteritatis eximix, atque insolitæ
grauitatis, vt qui olim penè Aeripes fueris,
nunc accliuis aut feruorū manibus equi ter-
go impositus, aut humeris nixes lentis terrā
passibus metiaris. Patria tua vno prope tem-
pore te dominum vidit atque exulem. Ita ta-
men vt nihil obscurior exilio videretur. Nul-
li fere nostrorum hominum par principum
fauor, nulli par fuit iniuria, vt cū paulo an-
te certatim in amicitiam tuam niterentur,
iidem ipsi de nulla alia re cōcordes, in tuam
mox exitium quasi communicato consilio,
conspi-

conspirarent. Et pars quidem tuum caput in
fidiis peteret, auro prius, ac gemmis, largi-
fluisq; muneribus tot per annos propitia, ac
fauētis fortunæ, & (quæ his omnibus grauior
iactura est) amicis atque clientibus, vniuer-
saq; familiæ duris quidem, sed diuersis tor-
mentoribus, ac mortuū generibus spolatum,
pars quæ clementior fuit, illud ingens patri-
moniū, terras, homines, domos, oppida, in-
uaderet, vt qui modò te viderant, mox è sum-
mis opibus ad inopiam redactū, ceu aliquod
fortunæ prodigium mirarentur. Amicorum
(vt dixi) pars periit. In superstitibus periit fi-
des fugitq; (quòd assolet) cum prosperitate
fauor hominum, vt dubitare posses an ami-
corum prius, an fidei fieres interitū. Aecessit
in medio rerum æstu ægritudo penè vltima,
& tam mortī proxima, vt quem viuere am-
plius non posse persuasum esset, extinctum
fama vulgaret. Et hic morbus, hæc paupertas
hic laborum cumulus, pulsū patria, procul
domo in alienis terris, ac laribus circumto-
nante bello, semiobscūm oppresserant, ne
quod omnino interim tibi cum his amicis, si
quos aut virtus fecerat, aut fortuna dimise-
rat, seu colloquij, seu literarū posset esse com-
mercium. Nihil omnium præter carcerem
defuit, ac mortē, quamuis nec carcer defue-
rit, dum fidissima coniunx, & pars tuorum

viscerum noti omnes, nataq; ab hostibus capti essent, nullo prorsus tibi relicto solatio tantæ prolis. Nec mors, quidē, dum & tu secum assiduè luctareris, & vnus ex filiis iam tunc teneram, & insontem animam in carcere posuisset. Quid multa? impletum in te vno vidimus, quod de duobus summis viris Caio Mario, magnoq; Pompeio legimus, quid boni scilicet & quid mala possit haud vnquam læta tristibus miscentum in te, tuisque pignoribus secretim, explicuisse fortunam, cuius olim, quum blanditias nō tam insolenter, vt plerique foeliciū, tum verò minas nuper atque impetum, tam forti, tamque inuicto animo tulisti, vt vel ob hoc vnum multis, qui antea tuum nomen oderant, te amandū, mirādūque præbueris. Habent enim hoc propriū virtus, vt in amorem sui bonos erigat in stuporem malos. Idq; cum omnis virtus habeant, tum præcipuè fortitudo, cuius inter fortunæ turbines, ac tenebras rerum terribilium, & tranquillitas gratior, & lux ipsa conspectior est. Mihi verò non solum ad antiquum tui amorem quod impossibile factu rebar, multum nouæ beniuolentiæ adieceris sed alio festinantem calamum, ad hæc non suo tempore scribenda deflexeris, vt & in scriptis meis animo tui vultum velut in speculo contempleris, & si quid ibi minus exultum

tum apparuerit, quod bona fide displiceat, ad hunc modum formes, atq; ita te inst. tuas vt seu solitis, seu nouis artibus, quæ innumera- biles ei sunt, tecum posthac fortuna varia- uerit, nulla te spes rerum turbet. Sed para- tus ad omnia, promptus ad singula dulcia pa- riter & amara despicias, fidentissimè ab ad- uerso Maronianū illud exclamās. Non vlla laborum ô virgo noua mi facies inopinâ ve surgit. Omnia percepi, atque animo mecum antè peregi, Nec me fallit, vt in corporibus hominum, sic in animis multiplici passione affectis medicamēta verborum multis inef- ficacia visum iri. Sed nec illud quoque me præteat, vt inuisibiles animorum morbos, sic inuisibilia esse remedia. Falsis opinionū- bus circumuenti, veris sententiis liberandi sunt, vt qui audiendo ceciderant, audiendo consurgant. Ad hæc qui quod habuit libens egenti obtulit amico, quatumcunque est pleno amicitie functus est munere. Animum enim spectat amicitia non rem, quæ parua li- cet, magni amoris indicium esse potest. Ego quidem, vt magnificum quodque tibi opto, sic quid aptius hoc tempore largiar, non ha- beo: quod si validum senseris, ipsa quæ per- cium rebus facit, utilitas commendabit. Sin inualidum, excusabit amor nostri. Sic autem ad legendum venies, quasi quatuor illæ famo

fiores consanguineæ passionēs animi, spes, seu cupiditas, & gaudium, metus, & dolor, quas duæ sorores equis partibus prosperitas & aduersitas peperere, hinc illunc humano animo insultent: quæ verò arci præsidet ratio, his omnibus vna respondeat, clypeoque, & galea, suisq; artibus, & propria vi, sed cœlesti magno auxilio cū confrementia hostiū tēla discutiat. Ea mihi de tuo ingenio spes est, vt vnde victoria stet facile iudices. Non te diutius traham, sed vt propositum meum noscas, index operis epistola premittenda erat, quam si ascribendam duxeris, vtrunque metiens videto, ne lōgior prefatio libellum breuem non aliter quàm prægrande caput, xiguum corpus premat. Nihil est enim sine mensura ac partium proportionē formosum.

DE AETATE FLORIDA DIALOGVS PRIMVS.

GAVDIUM, ET RATIO.

GAVDIUM.



ET A S florida est, multum
supereſt vitæ. RATIO. En
prima mortalium vana ſpes,
quæ multa hominum millia &
ſefeilit, & fallit. GAV. Florida
eſt ætas.

est ætas. R. Inane gaudium & breue, flos iste dum loquimur, arescit. G. Aetas integra est. R. Quis integrām vocet cui multum deest, & quantulum sit, quod restat, incertum est? G. Atqui lex est certa viuendi. R. Quis hanc legem tulit, aut quod istud legitimum tempus est vitæ? iniquissima verò lex, quæ non omnibus vna est. Immo tā varia, vt nihil incertius in hominū vita, quàm ipsius vitæ modus sit. G. Est tamen & modus aliquis, & vitæ meta quam sapientes statuerunt viri. R. Metam vitæ statuere, nō qui accipit, sed qui dat illum Deus potest. Intelligo autē septuagesimum, aut si natura potentior est, octuagesimum cogitatis annum, atq; ibi metā figitis, quo prouectos maneat labor & dolor; nisi fortè longius spem promouit is qui ait, Numerus dierum hominū, vt multum centū anni, quo, quàm rari veniant, videmus, sed vt sit omnium, quod paucorum est, quantulum tamē nunc etiam id est? G. Multum sanè. Est enim iuuenum vita securior, & à senectute remotior & à morte. R. Falleris. Et si nil tutū homini, illa tamen periculo sior vitæ pars, quam securitas nimis reddit incautā. Nil est alteri viciniū quàm mors vitæ. Cū distantissimæ videant contiguæ sunt. Semper illa præterlabitur semper hæc instat. Quocunq; fugeritis præstò est, & ceruicibus imminet.

G. & Spes. Iuuenta nūc saltem præsens est & absens. R. Nil mobilius iuuenta, nihil insidiosius senectute. Illa non stat, mulcendōq; fugiens abit, ista per tenebras, atq; silentiū pedetentim subiens improuidos ferit, & dū lōginqua fingitur, in foribus est. G. Aetas in ascensū est. R. Insidiosissimę rei fidis. Ascēsus iste descensus est. Vita breuis, tēpus instabile, furtim nullo pedum strepitu inter somnū & iocos effluit, & O, si hęc temporum celeritas, vitæq; breuitas, vt in fine, sic in principio nota esset, nunc intrantibus infinitum quiddam, exeuntibus nihil, & quot sæcula videbantur, vix totidem sunt momenta. Sic tum demū fraus noscitur, dum vitari nequit; vnde est, quòd sæpe frustra huic consulitur ætati, incredula simul & inexperta est, & contemptrix alieni consilij, inops sui. Itaque iuueniles errores licet innumerabiles & immensos, his ipsis tamen occultos, & incognitos, quorū sunt, nil melius quàm senectus detegit, & dissimulantium conuiuentiumq; luminibus ingerit, nec prius quod esse debuistis, aduertitis, quàm quod esse voluistis, effecti estis, si rīque iam aliud non potestis. Quòd si quī in tēpore, aut per semetipsum intelligere posset, aut docēti credere, ille mihi vnus ex milibus præclarus, ac fœlix surgetet adolescēs, nec tam multis anfractibus ageret vitam, cu

ius unica ruta, & recta per virtutem via est. G. Aetas indecerpta est. R. Quomodo indecerpta est, quæ ex quo esse cœperit, assidue carpitur, & quæ minutissimis portiunculis, dum datur eripitur? Siquidem motu perpetuo cœlum rotat, momenta horas, horæ diē rapiunt. Is alium diem trudit, isque alium, & nunquam quies. Sic menses prætereunt, sic anni, sic & ætas currit, & properat. Et ut Cicero ait, Volat. Quodque ait Maro. Celeres neque commouet alas. Ita ceu naui iter agentibus, nec sentientibus, qui vehuntur, sepe nec cogitantibus finis adest. G. & Spes. Aetas incipiens, ab extremo proculabest. R. Intra brevis viæ spaciū nihil est procul. G. A. & Spes. At nulla pars à fine distantior quàm principium. R. Nulla quidem, sed tunc rectè diceretur, quando omnes æquis spaciis viuerent. Nunc pluribus viis, & sæpius prima ætas in mortē incidit: quo fit, ut plerunque vicinior sit extremo, qui remotior videbatur. G. & Spes. Certè florētissima est ætas. R. A. Et si ad hoc pauci animum aduertant, tamen ex quo loqui cœpimus mutatio aliqualis incessit, & modò per singulos syllabarum tractus, vitæ aliquid excidit, aliquid de caduco ætatis florē subtrahitur. Quid autē quæsiō? Plus habet hic mollis, & nitidis adolescens, quam ille durus, & squamosus senex, præter hūc, quem

loquimur, ætatis breuem scilicet & caducū, immo assiduè cadentem florem? Vbi quid tam dulce, tam iucundum non inuenio, cū sciat dicto citius se futurum quod ille nunc est, vel si nescit insaniat, nisi forrè è duobus aliàs capitali simul supplicio addictis, ille fœlicior est habendus, qui nouissimè iussus est dare colla securibus, qui mihi quodammodo ipsa dilatione, miserior videatur: quam non est par horum conditio, & illorū, huic enim interuenire aliquid potest, vnde collegæ supplicium euadat, & viuat. Iuuenē senio eripere sola mors potest. Ad summam, paruo temporis in spacio nō stat magna fœlicitas, & ingentibus animis breue nihil optabile est. Expergiscimini cōsopiti, tēp⁹ est, caligantēsq̃ue oculos aperite. Assuescite iam tandem æterna cogitare, & amare, & optare, simul autem peritura contemnere. Condiscite ab his spōte discedere, quæ nobiscum diu esse non possunt, & animo illa relinquere antequam relinquamur. G A V. & Spes. Aetas est stabilis virēsq̃ue. R. Mentiuntur, qui nescio quam ætatem stabilem dicunt. Nihil volubilius tempore: tempus verò est vehiculum ætatum omnium, & hoc stabile fingitis. O vanitas, nihil est stabile, nunc maximè raperis, &c.

Forma corporis eximia est. R. A. Nihilo
firmior est illa, quàm tempus cum cove
niens cum eodem fugit. Siste si potes tēpus,
poterit forsan & forma consistere. G. Forma
corporis egregia est. R. Fragili niteris fun
damento. Corpus ipsum umbræ in morem
præterit, tu momentaneum corporis acci
dens tibi mansurum spondes? Ruere queunt
accidētia stante subiecto, nequeunt illo tuē
te, non ruere. Atqui cunctis ex qualitatibus
quæ mortali cum corpore fugiunt, nulla ve
locior quàm forma, quæ mox ut amœnum
stoluculum ostenderit, ipsos inter oculos mi
rantium, atque laudantium evanescit, brevis
hunc pruina percusserit, levis hunc aura de
cusserit, subito vel inimicæ manus vngue de
cerpitur, vel prætereuntis morbi calce depri
mitur. Denique gloriare, & exulta, ut liber,
venit ecce magnis passibus, quæ te velo te
nui latentem detegat, quanti esset forma vi
ui hominis mors ostendit, nec mors sola, sed
senectus, & paucorum spatium annorum, im
mo vel vnius lucis repentina febricula. Po
stremò ut nihil externum incidat, per sese
stando durandóque consumitur, & in nihi
um redit, neque tantum gaudij veniens tu

lit, quantum fugiens fert doloris. Hęc ni fallor, expertus erat aliquādo formosus ille Romanus princeps Domitianus, qui amico scribens, scias inquit, nec gratius quicquam decore, nec brevius, quanuis etiam si durabile perpetuūmq; naturæ donum esset, non intellico, quid tantopere expectēdum habeat iste non solidus, nec in ipso homine nisi superficie tenuis fulgēs decor, multaque foeda contegens, & horrenda, leuissimēque cutis obtentu, sensibus blandiens, & illudens. Veris igitur ac mansuris bonis delectari conuenit, non falsis; atque labentibus. G. Forma corporis elegantissima est. R. Habes ve'um oculis, laqueum pedib⁹, alis viscum, haud facilè, seu vera discernere, seu virtutem sequi poteris, seu in altum euolare animo. multos ad honesta pergentes forma detinuit, detorsitque contrariam in partem. G. A. Forma corporis mira est. R. Bene; ais mira. Nam quid hac vanitate mirabilius? quot delectabilius abstinent formosi iuuenes? quot suscipiunt labores? quanta sibi inferunt supplicia, vt formosiores non sint quidem, sed appareant, vnius formæ studio, & valetudinis, & voluptatis immemores? quantum verò inter commendandum tempus effunditur, quot honesta interim? quot vtilia, quot postremo necessaria negliguntur? Tuum igitur breue caducūque

geu bonū, & inane gaudiū, sine inuidia tibi habeto. Habes hostē tuum domi (quodque peius est) delectabilem, ac blandum. Habes raptorem quietis, ac temporis, perpetuūq; tortorem, habes materiam laboris, vberri-
 mam discriminum causam, fomenta libidinum nec minorem querēdi odij, quā amoris aditum. Fies mulierculis forsā amabilis, odiosus viris, aut fortē suspectus. Nulla re magis quā forma corporea coniugalis zelus accenditur. Nulla enim res ardentius appetitur quam forma. Nulla animum mouere potentior, atque ideo nulla suspectior. GA. Forma corporis magna est. RAT. Solet hęc stultos adolescentes quo nō expedit virgere, dum bono suo vt libitum, sic licitum frui putant, neque quid deceat attendunt, quæ sæpe iam multis acerbi, ac turpis interitus causa fuit. GA. Forma corporis rata est. R. Ad breuissimum tempus erit, quando oris habitus hic, colorq; mutabitur. Cadet flaua cesaries, reliquæ albescēt, teneras genas, & serenā frōtem, squallentes arabunt rugæ, lætas oculorū faces, & lucida sidera mœsta teget nubes. leue dentium ebur, ac candidū, scaber situs obducet atque atteret, vt non colore tātum, sed tenore alio sint, recta ceruix atq; agiles humeri curuescent, guttur leue crispabitur, aridas manus, & recuruos pedes suspiceris

tuos nō fuisse. Quid multa? Veniet dies, quo te in speculo nō agnoscas. Et hęc omnia, quę abesse multum existimas, ne quid improvisis monstris attonitus, non prędictum dicas. Hinc iam tibi si viuis d. cto citius euentura denuncio, qui si mihi nūc credis, tunc te parcius miraberis transformatum. G. Interim forma clara est. R. Quid hīc dicam breuius, quā illud Apuleij Madaurensis? Expecta paulisper & non erit. G. Forma corporis hātenus excellens est. R. Quam mallem formā animi excellentē. Est enim & sua animę pulchritudo multo suauior certiorque quam corporis, & ipsa quoque suis legibus decore ordinis, atq; apta suarū partium dispositione subsistens. Illam optare, illi operam impendere dignū erat, quā nec dies lōgā deterret, nec morbus extingueret, nec mors ipsa. Nūc caduca miramini. G. Certē nunc saltem insolita forma est. R. In hac vt in aliis multis optanda mediocritas. Sin hac tali forma, nec tibi placueris, nec nisi qua decet aliis placere curaueris vsusque fueris castē, sobriē, modestē, non exigua tuę laudis accessio est futura. G. Preclara facies animum honestat. R. Immo quidem probat, & sæpius in periculum trahit. Quid verò attinet gloriari, eo quod neque tuum sit neque diutius seruare possis, quod habuisse, nulli, proiecisse multis

tis gloriosum fuit. Mitto alios, spurinam non naturalis forma nobilitat, sed accersita deformitas. G. A. Ut virtus animi corporis formæ iuncta sit studeo. R. A. Si id effeceris, tum demum verè mihi, tunc undique fortunatus fueris, formæq; clarior videbitur, & virtus gratior. Quàvis enim errare sibi visum esse, qui ait Grator est pulchro veniens in corpore virtus, scribit Seneca, mihi tamen iure reprehensus videretur, si dixisset maior, aut perfectior, aut altior. Nunc quia dicendo grator, non re ipsam, sed spectantiū iudicia respicit non mihi visus est errare Virgilius, qui hoc ait. Et ad summā, ut nihil in se solidum habet formæ gratia, nihil optabile, sic si ultro obuenit virtuti addita, neq; vtriusque de precio error sit, hæc illius ornamenti dici patiar, vel non inamænū visui breue tamen ac fragile. Solam vero pondus animi dixerim atq; infæustum tristis infigne ludibrij.

De valetudine corporis. Dialog. III.

G. A. V.

Quid quodd valerudo pro spera est. R. A. Quicquid de forma modò diximus, repetitum puta. G. Valetudo corporis forma est. R. A. En senectus ab aduerso mille morborū armata generibus, cōtra valetudinem,

interea voluptas militat familiare certamen.
 G. Valetudo corporis laxa est. R. Inconsulta
 iucunditas quæque negligentes, & incautos
 facere solat possessores suos & sæpe mor-
 bos accersere quos valetudini propriæ diffi-
 dentis intentio declinasset. G. Valetudo cor-
 poris bona est. R. Bene vtere. Alioquin leue
 bonum: quin, & graue malum, si vt solita est,
 culpæ cuiuspiam causa sit. Multis periculosa,
 & pestilens sanitas fuit, qui tutius ægrota sset.
 G. Valetudo corporis optima est. R. Res per
 grata, multumque utilis, seu corpore quid a-
 gendum, seu animo est. Sed vt quarūdam ra-
 dicibus herbarū inest vis veneni, quæ dum a-
 liarum rerum immixtione purgata est, salu-
 bre poculum è pluribus fit, quod ex vno pe-
 stiferum fuisset. Sic corporea sanitas ne no-
 xia sit habenti, non aliter quàm adiuncta a-
 nimi prospera valetudine temperanda est.
 Nusquam peius quàm in sano corpore æger
 animus habitat.

De sanitate restituta. Dialog. IIII.

GAV.

Longa ægritudine liberatus, gaudeo. R.
 Gratiorem fateor sanitatem redditam,
 quàm retentam. Ingratissimi mortales bona
 vestra vix aliter quàm perdendo cognosci-
 tis, & perdita ergo vos cruciant & recuperata
 lætificant. G. Grauißima febris me destituit.

RA.

R. Grauiſſimas febres medici dicunt, quę ipſis in oſſibus & medullis æſtuant. Quanto illę ſunt grauiores, quę in anima intus latent, his te maximè liberatum velim. G. Aegritudo abiit. R. Aegritudo præſens ſæpe profuit, dum debilitatis viribus corporis, animæ ſanitatē peperit. Conſequenter igitur, & digreſſa nocuit, & animæ lumen imminuit, & corporis auxit inſolentiam : quanuis mala, quanuis peſſima ægri- tudo videatur, optabile malum, tamen, quod mali remedium ſit maioris. G. Tandem ægri- tudo longior finem habet. R. O ſtultiſſime, ſic tu reris mortē eſſe fugiſſe ad quam curris aſſiduè? nunc propinquior morti es, quam dum illi contiguus videbaris. Irremeabile vobis eſt iter, neque vlla eius in parte ſubſiſtitur, neque diuerſoriū, neque lentior uſquam greſſus, & ſomnus, & vigilia, & labor, & requies, & morbus, & ſanitas, æqui ſunt gradus ad mortem. G. Ancipiti ægri- tudine abſolutus ſum. R. Creditricē habes inſallibilem, dilata ſolutionis dies eſt, ſed non ceſſa ratio. Habes ægrotare iterum & mori.

De viribus corporis. Dialogus v.

GAV.

Vrium ſatis, immo multum contigit. R. Quę de forma ac valetudine dicta ſunt

relege. Similium similis disciplina est. G A. Multum est virium. R A T. Vide ne quid aggrediare virium fiducia, quo imbecillis appareas. G. Abundè est virium. R. Taurina gloria. G. Plurimum est virium. R. Plusculum elephantum. G. Virium nimis est. R. Facile crediderim id quidem, Super excessus autem in vitium vergit, seu ipsum est vitium. G. Nimis est virium. R A. Nimiètas hæc si ad mediocritatem redeat bene erit. Quid si ad defectum transeat? Quid si hoc robur fragilitas insignis excipiat? Crede mihi nullæ tantæ usquam corporum vires, quæ vel labore immodico, vel morbo acri, vel cuncta vincente senio frangantur. Infatigabilis & inuicta vis animi est. G A V. Ingens robur est corporis. R A. Nemo Milone robustior, clariores multi. G A V. Vastum, & præualidum corpus est. R A. Præstantissima rerum virtus mole corporea non eget in animis habitans. G. Nihil his viribus difficile. R A. Immo impossibilia permulta, atque illud imprimis, ut qui in corpore spem posuit in altum scandat. G. Iam supra hominem vires sunt. R. Hac in re qui superior cunctis hominibus euaserit, multo tamen animantibus inferior erat. G. Nihil his viribus metuendum. R A. Immo nunc maximè. In magnam enim virium fiduciam magnis viribus

viribus accingitur fortuna, & interdum ex æquo congregi indignans, ut ostendat quam fragile animal est homo (dum sibi etiam robustissimus videtur) gigāteos viros leui prælio confecit. Herculem ab omnibus inuictū vis latentis mali vicit. Milonem ipsum cunctis celebratum, & cognitum palestris, arbor una detinuit, lacerandūq; feris obtulit. Sic robur illud eximiū sine exemplo fissæ quercus robori impar inuentum est. Tu viribus tuis fidis? GAV. Vires immensæ suppetunt. RA. Omne immēsum laborat mole sui. GA. Vires in augmento sunt. RA. Natura ferme rerum omnium hæc est, ut cum ad summam peruenerint, descendant, idq; non æquo gressu. Ascensus enim lentior, descensus præceps. Hæ quoque vires cum crescere desierint, nõ consistent, & primò quidem clanculum, post apertius tandē ruent. Omnes res mortalium præter animum solum æquè fugiūt, sed non æquè omnium fugæ vestigia apparent, nisi forte minus eunt animalia, quæ vel tenebris vel tacito repunt nissu, vel quoniam id quoque traditur, itineris indicium caudis præmunt. GAV. Corporis mei viribus gloriator. RAT. Quid faceres tuis? Cogita verò quantarum ipse sis virium, istæ enim non tuæ sunt sed hospitij, immo carceris vires tui. Vanum est autem cum ipse sis fragilis, forti habita-

50 F. PETRARC. DE REMED.
culo (dicam melius) forti aduersario glo-
riari. GAV. Viribus meis lætor. RAT. Quid
hic dicam nisi poëticum illud? Non longum
lætare, inq; lætitiæ locum venient quere-
re. Meministi, vt is ipse tam validus, quem
bis modò memorauì de suis vtribus in sene-
ctute conqueritur.

De velocitate corporis. Dialog. VI.

GAV.

Sed pernicitas multa est. RATIO. Refert
quónam cursus intendatur, multos sua
velocitas in exitium tulit. GAV. Pernicitas
mira est. RA. Currite mortales vt libet, cœli
velocitas vos præcurrit, & ad senium & ad
mortem applicat. Illud vobis cursum eripiet
motum illa. GAV. Peruicitas summa est. R.
Eò tēdit, vbi deīnat. GAV. Pernicitas inau-
dita est. RA. Illo properat vbi tarditas mul-
ta erit. GAV. Pernicitas infinita est. RA. Sit
quanta libet, vbi se exerceat non habebit. Si
quidem puncti vicem terra omnis obtinuit.
GAV. Pernicitas inestimabilis est. RA. Nec
ingenij lius est, cui maria, & cœlum, & ater-
nitas, & naturæ spacia, recessusque, & archa-
na rerum omnium patēt. Corpus puncti mo-
mentique ambitu circumscriptum, quo ista
pernicitas lata, atque vbi depositura est.
Nōne

Nónne enim vt latissimè pateat hoc spaciū,
 seu temporum, seu locorum, nihilominus
 quocunque se flexerit ad sepulchrum currit?
 Illæ saltem angustix sine vllis, aut astrologi-
 cis coniecturis, aut geometricis demonstra-
 tionibus notæ sunt. Ita eo curritur, vbi pe-
 ctè nō curritur. GAV. Incredibilis mihi mo-
 dō pernicitas est. RAT. Cum omnes homi-
 nes excesseris, lepusculum non æquabis. GA.
 Pernicitas stupenda est. RAT. Hæc plerósq;
 pendentibus, & præruptis locis comitata pla-
 no calle destituit, quosdam per propugnacu-
 lā turrium, per antennis nauium, per confra-
 gia montium innocuè volitantes, post leui-
 pedis offendiculo in via publica prolapsos
 extinctósque nouit ætas nostra. Aneps est
 contráque naturam insueta grauium corpo-
 rum hæc leuitas, volucrémque hominē non
 diu factura. Nam & si inoffensā processerit,
 fessa tamen citò desinet, breue robur homi-
 nis breuiórque pernicitas. GAV. Valde nunc
 agilis sum. RAT. Et asellus agilis iuuenta, &
 senio piger pardus. Spacio leuitas ingraue-
 scet. Prima ætas stimulos habet, frenos vlti-
 ma. Quicquid es non eris diu, & si esse cupis
 cura vt sis bon⁹. Seniū virtus sola nō metuit.

De ingenio. Dialogus VII. GAV.

ET ingenium est velox. RA. Ad virtutes
 vtinam. Alioqui quo velocius, eo pro-

pius ruinæ. GAV. Ingenium expeditum est.
 RAT. Si & bonis artibus applicabile, preciosa
 animi supellex. Si minus, onerosa, periculosa
 laboriosa. GAV. Ingenium peracutum est.
 RAT. Ingenij non acumen, sed æquabilitas,
 atque constantia, verā laudem & perpetuam
 merentur. Quorundam acumen tenui culpi-
 de frangitur, primoque molimine deficiet
 validissima etiam si ad ultimum extenuetur,
 infirma sunt, sic robur omne tenuitas atterit
 GAV. Acutissimum ingenium est mihi. RA.
 Nihil sapientiæ odiosius acumine nimio.
 Nihil vero philosophanti molestius, quàm
 sophista, ideo inuilem Palladi finxere vete-
 res araneam, cuius subtile opus ac tenues te-
 læ sunt, sed fragiles, nulliq; vsui. vt mucronis
 ergo sic ingenij acies sit, nō peretret modo,
 sed subsistat. GA. Promptum & versatile in
 genium est. RAT. Hoc Mar. Catoni Censo-
 rio tributum est, quòd literis simul atque ar-
 mis, bellicisq; omnibus & urbanis, ac rusti-
 cis artibus æquè foret idoneus, quòd ex par-
 te græci suo tribuunt Epaminundæ, Persæ
 autem Cyro. Tuum hoc versatile quonam
 vergat, neu versutum sit, nève aliquid non
 agile, sed leue potius & inconstans habeat,
 caueto. Aliud est enim non posse consistere,
 aliud facilè ire posse quo velis. GA. Ingeniū
 est excellens. RA. Multum refert quo in ge-
 nere

nere excellas. huius enim quoque verbi significatio vaga est, verumq; est, vbi intēderis ingeniū valere. Malo igitur ingenium bonum quam excellens, quòd illud in malum flecti nequit, hoc in diuersa volubile est. Nam & Crispus Lucium Catilinam, magna vi animi fuisse ait, sed ingenio malo, prauoque. GAV. Ingenium magnum est. R A. Bonum cupio & modestū, magnitudo sola suspecta est. Sæpe magnum ingenium, magnorum initium malorum fuit. Raro autē magni errores, nisi ex magnis ingeniis prodire.

De memoria. Dialogus VIII.

GAV.

MEmoria ingēs data est. R A. Ampla ergo domus tædij & atriū fumosarū imaginum, vbi multa displiceāt. GAV. Memoria est multarū rerū. R A T. Multis in rebus pauca delectant, plurima cruciant, & sæpe delectabilium molesta recordatio est. GAV. Rerum adest variarum memoria. R A. Si bonarum, bene, Si malarum, quid hinc gaudes? parum ne triste est, vel tulisse mala, vel vidisse, nisi vel quotidie recurrant, vel sub oculis sint semper? GAV. Memoria diuersarum rerum suppetit. R A. Et culparum, & delictorum, & scelerum, & ignominiarum, & repulsarum, &

dolorum, & laborum, atque discriminum, quauis huic vltimæ voluptas quædam (vt aiunt) sit adiuncta memoriæ. In quo tamen intelligitur non tam præteritorum malorum cogitatio, quam præsentis boni delectatio iucunda esse. Itaque neminem laboris, ac periculi meminisse iuuat, nisi quietum, aut securum, paupertatem latè meminit. Sed diues, morbum: sed incolumis, sed liber, carcerem: sed solutus, vincula: sed reuersus, exilium. Sola ignominia memoriæ in mediis licet honoribus tristis est. Adeo nihil delicatius, vel incurabilius, quàm fama. G. Memoria multiformis est, & multorum temporum. R. In recordatione multiplici multiplex molestia. Quædam nempe conscientiam vellicant, quædam pungunt, quædam vulnerant. Alia confundunt, alia exterrent, alia deiciunt. Vnde fit vt memorantium ora rubor, pallorque vicissim in silentio occupent, quod pessimis hominum plerumque accidit, incessusque sit varius, vox incerta, & quæ sunt eiusmodi animi memoria laborantis indicia. G. Memoria prompta est. R. Mallen, voluntas pia, castumque desiderium, & honesta consilia, & actus innocui, & vita probri nescia. G. Memoria apprimè tenax est. R. Vnde hæc igitur obliuio cœlestium præceptorum, quæ tam pauca sunt numero? Vnde obliuio

bliuio Dei vnus? Vnde obliuio suimet? G. Memoria admodum tenax est. R. Terrenarum & inutilium rerum credō. quónam verò, & quò vaga hæc volatilisque memoria? quæ cum cœlum, terramque peragrauerit in seipsam nesciens reuerti, quod vnum necessarium, ac salubre erat, obliuiscitur. In qua ei si fortè aliquid delectationis interdum, sæpe tamen anxietatis est plurimum. Nec immeritò, Themistocles cum ei quidam memorandi artem à Simonide tunc inuentā pollice retur, Malle se ait obliuionis artem quam memoriæ discere. Et licet hoc ille suo quodam iure respondisse videatur, vt qui naturæ dono illo suprà fidem excelleret cuiusque memoriæ innumeræ quidem rerum, atque verborum imagines prægrauarent, ferè tamen omnibus conuenit, ita omnes & dediscenda discitis, & discenda dediscitis. In his tantū quorum vtilis esset obliuio, memoriæ exercentes, inque id naturæ finibus non contenti, insaniam arte laxatis. G. Memoria omnipotens est. R. Titulus hic vni suus est deo. Multipotens dicere voluisti. Si quæ tamen insignis memoriæ vis est (quod omni curiositate melius fuerit) damnosa reiciat, stringat vtilia, neque tam sedulò, quæ delectent aggreget, quàm quæ profint. G. Memoria optima est. R. Optimo nihil est melius,

quòd si fidem dicto quæris, vt in optimis te memorem præbeas oportet. Memento peccati tui, vt doleas, memento mortis vt desinas, memento diuinæ iustitiæ vt timeas, memento misericordiæ, ne desperes.

De eloquentia. Dialogus IX.

GAV.

AT præclarum est eloquium. RA. Magnum fateor instrumentum gloriæ, sed anceps, cuspide gemina. Et hoc quoque qualiter vti scias refert plurimum. GAV. Eloquium torrens est, & rapidum. RA. Haud ineptè quidā stulti, atque improbi eloquentiam furiosi gladio æquiparant, utrunque enim publicè inermem esse expedit. GAV. Eloquium clarum est. RA. Clarum aliquid variè dicitur, clarus sol, clarum incendium. GAV. Præfulgidum eloquium est. RA. Et lugubres cometæ, & infesti gladij, & hostiles galeæ fulgent, vt fulgor eloquentiæ gloriosus sit, sanctitate & sapientia téperetur. GAV. Cópia eloquij ingès est. RA. Si quidem iuuenta modestiæ magnum aliquid supraque communem hominum mensuram non inficiat, Alioqui mutum esse præstabat. GAV. Eloquentiæ satis est. RA. Satis eloquentiæ parum sapientiæ fuisse in homine illo scelesti

stissimo apud Crispum legis: neque is quidem gloriam eloquentiæ quæsiuit ullā, quam altiore iudicio non eloquentia sed loquacitas illa fuit. Verus enim orator hoc est eloquentiæ magister nisi vir bonus esse non potest. Quod si bonus & sapiens putabas ad oratorias laudes perfectumque munus eloquentiæ, hunc verborum impetum, qui sæpe procacibus atque inuerecundis vberior est siue hanc ipsam etiam dicendi peritiam satis esse, fallebaris. Linguae volubilitas, atque verborum copia, & ars etiam quædam sceleratis piisque communia esse possunt. Id quod quæris bonorum est, non omnium quidem sed paucissimorum, ita ut mali omnes huius laudis extorres sint, ad quam scilicet animi bona, quibus carent, virtus & sapientia requiruntur. Quod ut sic esse nō intelligas dicam, Sed memineris duarum, de quibus loquor, rerum. diffinitiones in mentem redeant quarum altera Catonis, Ciceronis est altera. Ille ait. Orator est vir bonus dicendi peritus. Iste autem, Nihil est inquit, aliud eloquentia, nisi copiose loquens sapientia. Ex his vides ad oratoris, atque eloquentiæ essentiam, & bonitatem & sapientiam exigi, nec tamen sufficere, nisi & peritia adsit, & copia. Ita ut primæ illæ duæ virum bonum sapientemque duntaxat, hæ autem solæ nec bonum, nec sapien-

rem, nec eloquentem quidem efficiant, sed loquacem. Omnes verò coniunctæ perficiant oratorem, eiusque artificium, quod profecto rarius atque altius est, quam putent qui in multiloquio situm sperant. Tu ergo si oratoris nomen, & eloquentiæ veram laudem quæris, virtuti & sapientiæ primum stude. G. Eloquentia plena atque perfecta est. R. Pleno atque perfecto nihil deest, deerit autem multum si præmissa defuerint. Ante igitur quam de vniuerso pronuncies hoc vnum tacitus tecum volue. G. Eloquentia summa est. R. Supra summum nihil est, his ergo cessantibus iam summa non erit, sed caducum quiddam & informe, cui fundamentum fastigiumque detraxeris. G. Eloquentia dulcis & ornata est. R. Dulcedo & ornatus iste nescio quid blandum, seu dolosum, non virile nec syncerum præfert, sed non pluris est apud rectos indices suavis & compta viri fallacis oratio, quam vel meretricis fucus vel mellitum virus, vel frenetici robur, vel auari aurum: quicquid est, quanuis appareat, ac mulceat si principium essentialē defuerit, nihil penitus aut nihilo proximum videri debet. G. Eloquentiæ fiducia magna est. R. Magna sæpe fiducia magnis periculis viam fecit. Ut animum tollat, atque adiuvet, frænum accipiat, sese norit, quid agendum iniat, examinet,

net, absit insolentia pariter & cōtemptus. Sin
 progressa liberius virium obliuisci cœpit, iā
 nō fiducia sed temeritas & audacia est, quo ni
 hil est à sapientia remotius: hæc in rebus o-
 mnibus agendis vt aspectu preciosior, sic affe-
 ctu periculosior ignauia est. Illa enim domi
 pigros & inglorios tenet, hæc impellit ardē-
 tes, & quos æstimabatur promotura præcipi-
 tat, hæc sæpe bellacissimos viros ostendit im-
 belles, cautissimos probauit incautos, vt-
 que ad te redeā, qui desertissimi videbātur in-
 fantissimos patefecit. G. Eloquentia ingēs est.
 R. Vt sit historico fides, inter vitia infinita elo-
 quentiā habitasse, veri q; locū teneat authori-
 tas, neq; dubiū sit, quod eloquentiæ princeps
 in rhetoricis scribit, eloquētiā sine sapiētia es-
 se nō posse, quę vt liquet superioribus aduer-
 satur. Ista tamen quolibet modo sumpta elo-
 quētia certē quo maior, eo dānosior funesti-
 orq; si sola est. G. Eloquētia singularis est. R.
 Hæc est quæ singulares viros & Græcorū &
 nostros in perniciem traxit, quod ita esse De-
 mosthenes & Cicero & Antonius non nega-
 bunt. G. Eloquētia plausibilis est. R. Si innocē-
 ter absque iactātia vtare. Vix vlla re citi⁹ mul-
 titudinis amorem tibi cōcilies, & gloriā quæ-
 ras, si quo, nisi meræ virtutis, artificio quæri
 potest. Sin arroganter atq; improbè, per facile
 tibi discrimē & multorū odia tibi cōflaueris

Sapientis dictum est cuiusdam mors & vita in manus linguæ. Non vnus veró tantum hominis, sed multorum quorundam linguæ totas euertère res publicas, euerténtque. Pessimum nocétissimuinq; hominis mali membrum, lingua est. Nil hac mollius, nil durius. GAV. Eloquentia sonora est. RA. Et sonorum fulmen. GAV. Eloquentia florida est. RA. Et floridum aconitum. Denique versa vt libet & reuersa, & gloriæ habes viam arduam, & inuidiæ pronam valde.

De virtute. Dialogus x.

GAV.

NVnquid non saltem licet de virtute gloriari? RA. Vt liceat, in illo tantum licet, qui virtutis & omnis boni auctor solus atque largitor est. GAV. Magna est animi virtus. RA. Vide autem ne quo maior creditur, minor sit. GAV. Spectata virtus in rebus dubiis est. RAT. Proprium est virtutis, non quid actum, sed quid agendum sit, nec quid adsit sibi, sed quid desit attendere, vnde est vt sæpe illam non de quæsito gloriantem, sed de quærendo sollicitam videamus. Dicerem, si liceret, auaram, aut certè auaritiæ similem esse virtutem. Iugiter sitit, quotidie inardescit, quo plus quæserit eò sibi pauperior

rior videtur, & plus appetit. Nullus ei desiderij modus est. Nullus sat magnus cumulus meritorum. GAV. Virtus supra humanum morem est. RAT. Vereor ne superbix sit ista professio, non virtutis. GAV. Virtus longè clarissima est. RAT. Fundamentum veræ virtutis humilitas, nec tâta claritas vlla est, quam elatio non obscuret. Scit ille qui clarissimus creatus, seque ipsum efferens, non obscurus tantum, sed princeps metuit fieri tenebrarum. Quod si illi accidit, quid alij de se sperent? GAV. Virtus eximia est. RAT. Non solet esse virtus iactatrix eut miratrix sui, sed imitatrix alieni. Itaque semper anhelans semper altius aspiras, dum se comparat parvipendit. GAV. Virtus consummata est. RA. Nunquam hoc virtus de se iudicat, non confidit, nihil arrogat. Scit hoc tempus esse militix non triumphi, atque ideo nunquam torpet, & semper in actu est. Semper quasi nunc incipiens accingitur, quæ omnia perfecisse se neque vndique consummatam credit. Crede mihi non est virtus, error est virtuti obuius, atque aduersus. Quisquis ad summum peruenisse credit, in hoc primum fallitur, quod vbi credit esse, nō est. Deinde, quod illuc ferentem viam aberrando deserit, dumq; quod non habet anticipat, quod habere potuisset sponte sua negligit. Si

quidem nil tam profectui aduersum, quam perfectionis opinio. Nemo studet agere, quod peregrisse se putat. Error hic sæpe magna parantibus obstitit, iamque alta prehensantibus. G. Virtus pro humana capacitate plena est. R. Si omnem vitam ante oculos ponis, perque dies singulos actuum, ac verborum, & cogitatum rationem à te ipso exigis incorruptus rerum arbiter tuarum, videbis quantum vacui in anima sit, quantum vitia occupent. G. At saltem communis, & mediocris est virtus. R. In rebus altissimis vix mediocritas locum habet: verum habeat, non tamen hæc gaudij materia, sed laboris ac studij est. Nam quod ad summam disponitur donec eò peruenitur non quiescet. G. Alqua est virtus. R. Huius quoque iudicium linque aliis. Et si qua est virtus, non ibi finis gaudij, sed in illo ad quem vera per arduum virtus ducit. Eam nempe philosophiam profitemur, quæ non fruendum virtutibus, sed vtendū docet. Nondū plenè igitur gaudendi tempus est, tot nunc etiā vitæ periculis circūfusus, sed optandi poti⁹ sperandiq;. Cauisurū te sperare potes, sic tamen, vt meruas doliturū. G. Si quid boni est sentio vnde sit, & in illo gaudeo, quicquid autem deest, scio vnde poscendum sit, & de illo spero. R. Hæc est virtus, & iam tutum iter ad verum gaudium inuenisti.

Q Visquis ego sum, opinio de me hominum bona est. **R.** Opinio rem non mutat. **G.** Bonum me communis habet opinio. **R.** Quid si malus tu, nonne opinio falsa est? Scientem certè falso gaudere dementia est. **G.** Opinione vulgari bonus dicor. **R.** Nihil est, quod non sibi fingere possit opinio. Bonum autem seu malum, quod in animis habitat, neque diuersis opinionibus, neque sermunculis variatur. Non si cuncti igitur te mortales bonū dixerint, bonus fies. **G.** Bonum mihi saltem est nomen. **R.** Melius esse nomen bonum, quàm diuitias multas, Hebræorum Sapiens ait. idemque alibi, Melius nomen bonum quàm vnguenta preciosa, & valorem boni nominis, & odorem famæ his verbis expressit, comparatione scilicet auri, & vnguenti. Quomodo autem seu nomen, seu aliud quicquam esse potest bonum, si sit falsum? Qualecunque igitur sit nomen impij non sit ideo minor impietas. Non inani igitur nomine gloriatur, sed illud eiusdem Sapientis audiat: Nomen inquit impiorum putrescet. & illud alterius: Gloria nostra hæc est, testimonium conscientiae nostræ. Illa si intus tibi obstrepit, quid tibi proderunt adu-

lantium susurri? quid blanditiis aut fictionibus partum nomen? è radice mala nihil boni oritur. Neque hinc ortum nomē bonum dixeris, cum verum dicere non possis. GAV. Bene de me sentiant ciues mei. RA. Non refert quid de te alij sentiant, sed quid tu. G. Bene de me loquuntur ciues. RA. Noli credere, quid loquantur nesciunt, & cupidè mentiuntur, pruritu quodam linguæ, in vtranque partem, nimio & consuetudine in naturam versa.

GAV. Bene de me plurimi loquuntur. RAT. Ignorantibus credere quid est aliud, quam volentem falli? GAV. Bene de me loquitur vicina. RA. Dulciloquio forsā aut munerib⁹ delinita, aut de te aliquid sperās. Nunquā vel amanti credideris, vel sperāti. GAV. Vicini mei nomen meum celebrant. RA. Alter alterum decipit, omnes te. G. Bonum mihi testimonium ciues dant. RA. Est intus in anima testis incorruptior, certiorq[;]. Conscientiam tuam interroga, illi crede. GAV. Bene de me homines opinantur. RA. Opinio, ambigūq[;] nomen est rei, certissima res est virtus. HAV. Ego ipse mihi vir bonus videor. RA. Ergo es malus. Boni enim sibi displicēt, seq[;] accusant. GAV. Et mihi videor, & aliis bonus. RA. Quid si tu malus, illi autem stulti? CA. Benè de me sperant ciues. R. Cura ne spes ciuium falsa sit. Turpe est de se sperantes, cum possis aliud frustra

frustrari. GAV. Credo sim de quo non frustra sperent multi. RA. Si id esses, id non crederes. Malum est alios, pessimum autem seipsam fallere. GAV. Omnes me virum bonū putāt. RA. Quid si tu contrarium scis? GAV. Omnes me virum bonū dicunt. RA. Et tu credis omnibus? Num te autem dici pudet, quod non es? sed est hoc vobis insitum inter cuncta mirabile de vobis vestrisq; de rebus quamvis occultis, plus cuicunque, quā vobis credere. Iuxtaq; Flacci sententiam, & mendacem timere infamiam, & falsa gloria delectari. GAV. Totum vulgus vna voce me laudat. RA. Nulla pronior ad errorem, atque ad præcipitium via est, quā per vulgi vestigia. Quicquid penē vulgus laudat, vituperio dignum est. GAV. Cunctis hominibus placeo. RA. Placētes hominibus deus spernit, & placere hominibus, displicere est deo, contraria contrariis gaudent. G. Viri boni nomē habeo. R. Vi te constantia & honestate seruādum est, alioqui facillē euanesceat, vetus est enim. G. Multæ sunt in populo laudes meæ. R. Seuisi in agro arido arbores caducas. GA. Magnæ inter doctos etiam laudes meæ sunt. R. Si veræ, durabunt. Et ut ait Cicero, radices agent, & propagabuntur. At si fictæ, celeriter tāquam flosculi decident. GAV. Omnes vno ore meam prædicāt virtutem. R. Non in hominum sta...

tu, neq; in propria virtute, quamuis vera sed in ipso virtutum omnium authore glorandum. Qui contrarium non facit, non modo non assequitur assertionem hominū, quod non habet, sed id ipsum quod habet, vel immittit, vel amittit. GAV. Vulgus omne me prædicat. R. Dixi, & repeto, quicquid vulgus cogitat vanū est, quicquid loquitur falsum est, quicquid improbat bonum est, quicquid approbat malum est, quicquid prædicat infame est, quicquid agit stultum est. I nunc insanorum fermunculis gloriare.

De sapientia. Dialogus XII.

GAV.

Sapientiam consecutus sum. RAT. Rem magnam, si vera esset, & inseparabilem à virtute. Si illam igitur approbasses, hæc probata esset, sed utraque opinione aliquāto faciliior est quā re. GAVD. Sapiens sum. R. Crede autem mihi, nunquam si verè es, hoc diceres. Sapiens enim quātum est, quod sibi desit, intelligit, non gloriatur itaque, sed suspicatur. GAVD. Sapientem me profiteor. RAT. Bene irent res, si tot essent sapientes, quot sapientiæ professores. Nunc illud perdifficile est, hoc verò facillimum. GAVD. Sum sapiens. RAT. Si verè sapiens esse vis, noli

noli id quidem opinari. Credere se sapientem primus ad stultitiam gradus, proximus est profiteri. *G A V.* Studio ad sapientiam perueni. *R A.* Vtique sic ad illam peruenitur. Sed an tu peruenieris, recogita. Non est enim res studij brevis, egens aliquot annorum vt reliquæ artes, tota vel longissima opus est vita. Si quis (vt aiunt) tota die currens peruenit ad vesperam, satis est. Notum est illud Platonis, vt alia multa, præclarissimum, quo Ciceroni placet, & mihi beatum cui etiam in senectute contigerit, vt sapientiam, verasque opiniones assequi possit. Has tu an calle medio obuias habueris, an nescio quo pennato equo vectus ante tempus attigeris incertum tam citò sapiens euasisti. *G A.* Sapientiæ perfectionem cælitus accepi. *R A.* Est fateor cæleste donum sapientia, sed magnus certè vir erat, & cœli amicus, qui dicebat, non quod iam acceperim aut perfectus sim. *G A V.* Sapientiam cupida mente comprehendi. *R A.* Vt pecuniæ rerumque multarum mala, sic sapientiæ cupiditas bona est. Sed an tu tantæ rei capax sis videto. Certè ille idem. Ego me inquit, non arbitror comprehendisse: & ille quoque permagnus erat, qui cum deo de seipso loquens sic aiebat. Imperfectum meum viderunt oculi tui. Hoc est proprium sapientis, imperfectionem suam nosse, ac fateri.

teri. GAV. Sapiens dicor. R. Non te tuæ, neq;
alienæ vnquam voces sapientem fecerūt, sed
res ipsa. G. Sapiēs vulgo dicor. RA. Vulgus in-
sanos sapientes dicere, & sapientes insanos,
iure suo didicit, quod est, vt falsa pro veris,
veraque pro falsis habeat. Nihil est à virtute
vel à veritate remotius quam vulgaris opi-
nio. GAV. Omnes prædicant me sapientem.
RA. Ad famā fortasse aliquid. Ad sapientiam
nihil omnino. Sentio autem superscriptioni-
bus inniteris literarum, quibus nihil est libe-
ralius, non satis est facere sapientes, qui non
sunt, sed egregios & insignes faciunt ac vere-
cundos, serenissimos insuper & illustres, vt
iam simplex sapientiæ titulus sit pudori, qui
quàm paucis conueniat stupor est, obsoleuit,
tamen inter titulos clariores, quos qui scri-
bendo sic accumulant, sciunt se mentiri. Sed
urbani vel mendacio fieri volunt. Vos qui le-
gitis non veros modò, sed citra verum sistere
illos rati, publico errore fallimini. Nemo est
qui de suis rebus interroget. Omnes aliis de
se credunt. Vis autem nòscere quàm sis sa-
piens, verte oculos retro. Recordare quoties
in hoc vitæ cursu cespitaueris, quoties aber-
raueris, quoties offenso pede cecideris, quot
pudenda, quot dolenda, quot pœnitēda com-
miseris, tūc si audes, te dicito sapientē, credo
autem nō audebit. GAV. Scio me sapientem.

RA. Literatum forsân vis dicere. Sunt enim plane literati aliqui verè, licet pauci, sapiètes autem pene nulli. Aliud est sapienter loqui, aliud sapienter viuere, aliud dici, aliud esse sapientem. Fuere qui dicerent sapiètem nullum. Id quâ verum falsumve sit, non disputo. Certè nimis prærupta sententia est, & ad desperationem prona, & studio aduersa sapientiae. Hebræi sapientem Salomonem suû prædicant, qui quàm sapiès esset, turba coniugû, pellicumq; testatur, multoque maximè diis alienis cultus exhibitus. Romani sapientem Lælium, & Catonem: Græcia ipsa dū floruit septem habuisse dicitur sapientes. Ij quoque hoc titulo indigni sequentibus visi erât. Qui excusant, dicunt non eos illum sibi titulû assumpsisse, sed ab errantibus populis traditum possedisse. Vnus tantum fuit, sua possessione, suoq; sapiens iudicio, stultissimus omnium Epicurus. Quem titulum cū Metrodoro participare voluit, nec honorificum amici donû ille respuit. Seq; etiam sapientem dici æquanimitè tulit, vt sua illa qualis qualis gloria, error esset alterius. Vnus quoque sapiens Socrates oraculo dictus Apollinis, forsân ideo, vñvnum illum sapienti proximum, falso testimonio, falsus Deus ad amentiam, atque insolentiam irritaret. Hæc de antiquis sapientibus dixerim. Fœlicior ætas nostra, quæ non

vnum duóve, vel septem, sed in singulis v-
 bibus, ceu pecudum greges numerat sapien-
 tum. Nec mirum sanè multos esse, qui tã fa-
 cilè fiant. Venit inuenis stultus ad templum,
 præceptores illum sui prædicant, celebrant,
 seu amore, seu errore, tumet ille, vulgus stu-
 pet, plaudunt affines, & amici. Ipse iussus in
 cathedram scandit, cuncta iam ex alto despi-
 ciens, & nescio quid confusum murmurans,
 tunc maiores certatim, ceu diuina locutum,
 laudibus ad cœlum tollunt, tinniunt interim
 campanæ, strepūt tubæ, volant annuli, figun-
 tur oscula, vertici rotundus, & niger pannus
 imprimitur. His peractis descendit sapiens,
 qui stultus ascenderat: mira prorsus transfor-
 matio, nec Nasoni cognita. Sic fiūt hodie sa-
 pientes. Verus sapiens fit aliter. GAY. Sapiens
 sum. RA. Solent qui de se magnificè sentiūt,
 præfidenter maiora viribus aggredi, inq̃; ni-
 ſu medio prolapsi, suo vel periculo vel pudore
 condiscere, quàm iusti rerum æstimatores
 fuerint suarum. Præstat igitur (mihi crede)
 falsas opiniones obii cere, insolentiam depo-
 nere, insipientiam circumspicere, & optare, ne
 qua experiendæ sapientiæ necessitas incidat,
 quæ declaret te de nihilo gloriatum. Hęc re-
 ctior tutiorque quærendæ sapientiæ via est.
 GAY. Credo ego ad sapientiam peruenisse.
 RAT. At si mihi obsequeris, ad illam potius
 affur

assurgendo, nitendoq; peruenies, quàm credendo. Nihil altius ascendit, quàm humilitas operosa.

De religione. Dial. XIII.

GAV.

Religione gloriòsior perfectior. **R. A.** Religio optima, ac perfectior una est, supra **CHRIST** nomē, supraq; petram firmissimam fundata, reliquæ omnes superstitiones vanæ, & deuia, & errores sunt, quibus est iter ad tartarum, atque ad mortem, non hanc momentaneam sed æternam. Et quot putas, quanti q; viri huius veræ religionis inopiam miserabilem passi sunt, cunctis in rebus aliis altiores? Habent illi, quod æternum gemant, habes tu vnde glorieris, & gaudeas, non in te quidem, sed in eo, qui te summa in re tanto maioribus præferre dignatus est, qua nihil maius, nihil melius tibi tribui poterat in hac vita, de qua loqui aliquid vberius non grauarer, ni res ipsa cœlesti lumine penè iam omnibus nota esset. **G A V D.** Pius sacris initiatus sum. **R. A. T.** Pia sacra religionis huius sunt tantummodo, reliquarum omnium sunt furores, ritusque sacrilegi. Neque tamen initiatum esse sufficit. Maius est fortè, quam putas

deuoto licet animo dulce negotium. Non enim deum nosse satis est, quod & dæmones faciunt, qui oderunt. Amor, & cultus exigitur, his ex rebus constans, quæ vtinam tā bene implerentur ab hominibus, quā sciuntur. GAV. De vera religione mihi placeo. RA. Placere sibi, superbire est: Hæc autē vera religio, quæ te Deo religat, Deum tibi, humilitatem piis mentibus inserit, insolētiā extirpat. Sic tibi igitur gaudere permissum, vt quanto lætior, quantoq; religiosior, tanto sis melior, & operibus bonis affluentior. Illi gratias agēs, qui tibi ex hac mortali vita rectum iter ostendit ad æternam vitam. CAV. Veram religionem (Deo gratias) sum adeptus. RA. Bene ais, Deo gratias. Custodi autem illā bene ab erroribus, à negligentia, à peccatis: & sic habe, si hanc assecutus es, & in ea te exerceas, vt dignum est, cessare controuersiam, de qua modò litigauimus, cū sit scriptum sacris in literis. Pietas est sapiētia, & per alium. Initium sapientiæ est timor domini. Neq; id ipsum tacitū in prophanis. Cuius rei Lactantius meminit Institutionum secūdo. Affirmat inquit Hermes eos qui cognouerunt Deum nō tantū ab incurlibus dæmonum tutos esse, verum etiam ne fato quidem tene ri. Vna inquit, custodia pietas. Et enim pius homo, neq; dæmoni pessimo, neq; fato subiacet.

cer. Deus enim liberat pium ab omni malo. Nanq; vnicum atq; solum bonum est hominibus pietas. Quid sit autem pietas ostendit alio loco his verbis. Pietas enim scientia est Dei. Eandemque sententiam Asclepium in sermone quodam regio latius explicasse cōfirmat. Vides vt obstinatissimi duo pagani vestram circumuolant veritatem. Tanta est veri vis, vt linguas sæpe hostium ad se trahat.

De libertate. Dialogus XIII.

G A V.

IN libertate natus sum. R A. Non qui nascitur liber, sed qui moritur liber est. Multum fortunæ licet in nascentem, in extinctū nihil. Expugnat vrbes munitissimas. Armatos fundit exercitus. Potentissima regna subuertit. Inexpugnabilis arx sepulchrū, Illic regnum vermibus, non fortunæ. Itaq; limen illud ingressi soli mortaliū vitæ huius ab insultibus tuti sunt. Tute liberū iactas, & ignoras, non dico ad sepulchrum, sed an liber hodie in cubiculum sis iturus. Libertas vestra tenuissimo nitens filo, sicut alia quibus fiditis omnia, tremula semper & caduca est. G. Liber sum. R. Idcirco te (vt reor) liberum dicis, quia dominum nullum habes, sed Annæum audi Senecam. Bona inquit ætas est, forsitan

habebis, nescis qua ætate Hecæ. seruire.cœ-
pit, qua Cræf. qua da. mater, qua Pla. qua
Diog. His ille tē admonet exemplis. Multa
sunt alia, vel tacita Senecæ, vel ignota. Nun-
quid non Atiliū Regulū meministi indi-
gnū prorsus hoc ludibrio, passū tamen?
Nunquid tibi recentior annis Valerianus
excidit? quorū ille modò dux hic autem
princeps populi Roman. moxq; ille Cartha-
ginensium, hic Persarū seruus, ille truci sup-
plicio peremptus, hic longa & misera conta-
buit seruitute. Quid Macedonia Numi-
diæq; reges? Hinc Persen, hinc Siphacē me-
morematq; Iugurtham regni omnes è cul-
mine Romana lapsos in vincula. Mitto vete-
res regum casus. Ætas tua quosdam è regia
trusit in carcerem, eundēque vna hora, &
primum regem, & vltimum seruū vidit. Si-
quidem eo quisque miserior seruus est, quo
fœlicior liber fuit. Noli igitur libertatem tu-
mescere, quoniam non ex liberis modò, sed
ex regibus tam subito serui fiunt. Nec mira-
beris, cū secundum Platonis sententiam,
non minus ex seruis etiam reges fiant. Mu-
tantur assiduè res humanæ. Nihil sub cœlo
stabile. Quis in tanta vertigine firmū ali-
quid, ac mansurū speret? Neque verò te li-
berum hinc dixeris, quòd esse dominum ti-
bi non vides, quòd parētibus ortus ingenuis.

nec in acie captus, nec venundatus sis. Sunt vobis inuisibiles animorum domini, & in ipsa hominum origine latens pestis est. Nascenti genus obnoxium peccato, qua nulla grauior seruitus fingi potest. Sunt occulti hostes, & bella clandestina. sunt quæ miseras animas nundinentur, quas (heu) vili precio venditis, voluptates foedissimæ dominarum. quæ vos inenodabili laqueo victos tenent. Ite nunc, & libertate gloriamini. Sed vos cæci, nihil nisi corporeum videtis, vnde eum, qui vni mortali subest domino, seruum dicitis. Illum verò, qui mille immortalibus tyrannis opprimitur, liberum iudicatis, eleganter vt reliqua. Profecto autem liberum non facit fortuna, sed virtus. G A V. Liber sum. R A T. Plane. Si prudens es, si iustus, si fortis, si modestus, si innocēs, si pius. Horum si quid abfuerit, pro ea te parte seruum scito. G A V. In libera patria natus sum. R. Vrbes quoque tu liberæ tua ætate perexiguo flexu rerū post paululū seruas nosti. Quod si vel notiora vel clāriora sunt vetera, Lacedæmō. & Athenę liberæ vrbes. ciuile primū, mox externū passæ sunt iugū. Hierosolyma sancta vrbs, & libertatis æternæ mater temporaliter & Romanis seruiuit, & Assyriis, nūc seruit Aegyptiis. Roma ipsa non solū libera, sed domina gentiū, uorū primū ciuiū, post etiam vilissimorum

hominum serua fuit, vt nemo vnquam libertati, nemo vel imperio suo fidat.

De patria gloriosa. Dial. xv.

GAV.

GLoriosa in patria natus sum. R. Plus negocij habes, vt in lucem venias. Fulgent minutiora etiam astra per noctem, & Bootes ad solis radios habet, & lucifer. G. Clarissimæ patriæ ciuis sum. R. Bene si virtutum hospes, vitiorum hostis. fortunæ enim est illud, hoc tuum. G. Patria mihi fœlix, ac nobilis est. R. Refert qua nobilitate. Hanc numerus incolarum hanc insignis opum magnitudo, hanc spectata fertilitas, hanc situs ipse nobilitat. Salubris aër clari fontes mare proximū, tuti portus, opportuni amnes, nobilis patria vulgo dicitur vini ferax, rei, frumētī, frequēs armētis, ac gregibus, auri scatebris, & argenti. Bonam terram dicitis, vbi fortes equi, vbi pingues boues, vbi teneri hœdi, vbi dulcia demum poma nascuntur: vbi autē boni viri id nec quæritis quidē, nec quæsitū dignū ducitis æstimatores egregij. Atqui summa patriæ laus, sola virtus est ciuiū. Rectè ergo Virgil. gloriā, ac fœlicitatē cū describeret Romanā, nihil horū ad quæ sola respicitis dignatus attingere, vnā vrbis & imperij magnitudinem
atque

atque altitudinem attigit animorum. Fœlicem denique prole virum dixit. Ea est enim vera vrbium fœlicitas, vera nobilitas. G. Præclara ciuibus bonis patria est. R. A. Quid si tu obscurus? Quid si claritas ipsa te prodet, teq; lateb. eruet, & in apertum trahet? promptius in luce notaberis. G. Famossissima est patria. R. Nō tam infamis esset. Catilina, nisi tam famosa in patria natus esset. Gaio etiam & Neroni, alter infamiae aceruus imperium accessit, & mundi natos in vertice fortunæ fauor extulit, quo latius noscerentur. G. Nobilissima in patria viuo, R. Multorum aut contemptui patens, aut inuidiæ, sine altera in magna vrbe vix viuatur, illud tutius, hoc clarius malum. Vtriusque autem hæc ipsa, quam prædicas, natalis soli nobilitas, causa est. Inter tot oculos, nullæ sunt latebræ. G. Notissima ex patria sum. R. Malini per te patria quàm tu propter patriam notus sis, nisi verò per te fulseris, quid tibi lux patriæ præter tenebras allatura est? Multos habuit claritas magnæ vrbis obscuros, quos abunde claros, parui, ruris obscuritas habuisset. G. Inclita mihi patria est. R. Est quæ suas sibi laudes habeat, tuasq; participet. Quicquid bene gesseris, prima quodammodo patriæ laus erit. Fuit qui Themistoclis gloriâ Athenis ascribere niteretur, qui plane pergrauiter, & vt talem virum decuit, respon-

dit. Cū enim sibi Seriphi angustæ, & ignobilis insulæ quidā incola inter iurgia obiecisset, non eū sua, sed patriæ gloria clarum esse: neq; hercle ait, aut ego obscur⁹ si Seriphius, aut tu si Atheniensis, clarus esses. Non splendori patriæ, sed virtuti propriæ fidebat. Virilius plane quā Plato, maior licet ille philosophus. Sed existunt interdum in magnis etiā ingeniis, magni & mirabiles errores. Is ergo inter cætera magnæ suæ fœlicitati claritatem patriæ ascribebat. Vt enim totum noris hac in parte excellentis viri animum, aiebat Plato se pro multis gratias agere. Rectè id quidē, modò intelligat, cui quibūsvē pro donis gratiæ sint agendæ. Ille verò naturæ gratias agebat. Primū, quòd hominē eum non mutum animal, quòd marem, & non fœminam, quòd Græcum, & nō Barbarum, quòd Atheniēsem, & non Thebanum, deniq; quòd Socr. ætate non alio tēpore genuisset, vt scilicet esset à quo doceri posset, atq; instrui. Vides inter gratulandi, gloriandiq; causas, vt Atheniensē quoq; ponat originem. Quid hīc dicam, forsan expectas. Ego verò & si de hoc vno sermo sit institutus, quando tamen tanti viri mentio incidit, quid de hoc toto illius sermone, & aliis sit visum, & mihi etiam videatur dicā similiter, Scio quosdam claros, & disertos viros incunctanter asserere, nihil vnquam

vnquam ab aliquo esse dictum delirius, quorum in sententiam, quin (vt dici solet) eam, pedibus parum abest. Nam quid quæso attinet his gaudere? Quæro enim quid si barbarus, quid si mulier natus esset? An non multi Barbari multis Græcis, & virtute, & ingenio meliores extiterunt? An non scemina aliquæ & rerum gloria, & inuentione artium quibuslibet viris optabiliores? Quid denique si bos? quid si asinus nasceretur? quid ad hunc ipsum de quo loquimur Platonem? qui iam non Plato, esset, sed id potius quod natura parens edidisset, nisi forte Pithagoricæ credebatur insanix, e corpore in corpus animas commigrare, quo nihil vnquam certè stultius, nihil impudētius non dicam à philosopho, sed ab homine dictum fuit, nihil magis veritati dissonum, ac pietati, nihil demum à quo religiosæ aures magis abhorreant. Quid deinde, an Atheniensem nasci, clarum adeo, vt non equè clarum esse posset, alibi, Thebis etiam natum esse? Annon Homer. & Pithag. ipse, & Democr. & Anaxagoras & Aristot. & mille alij alibi quam Athenis nati, clarique habiti, non minus quam qui nati sunt Athenis? Ac ne à Thebis abeam, quas spernere Graij solent, annon si ingenium quærat, Thebis natus est Pindarus, quem imitationi inaccessibilem Flaccus ait? Si rerum claritas gestarum,

Liber pater, atq; Hercules tā famosi, vt Alexander Macedo cōtemptor omnium, ferme mortalium, illos duos vt altissimum, atq; vltimum signum gloriæ sibi proponeret imitādos? Sin vtrunq; nonne recenti memoria, & penè ante oculos erat Thebanus Epaminondas summus philosophus, summus dux, Græcorūq; omnium recto sub iudice omnis æui princeps? Hic est qui Lacedæmones penè funditus euertit, & Athenienses Plat. sic exterruit, vt eo mortuo quasi summo terrore liberati, illico se in luxū ignauiamq; resolverent, quo adhuc etiam apud Thebas florente, quot Athenis inertium, & stultorum milia fuerint, quis facilè animo metiatur? Non igitur quòd Athenis, sed quòd talis natus esset, ac genitus hoc est tali ingenio, taliq; animo, tali denique & parentum indulgentia, & rerum temporalium facultate, vt erudiri posset, & ad omne bonum opus institui, gratias agere decuit tam anxie doctū virum illi deo, qui hæc ei dederat, non Socrates, non Athenæ, cuius in schola, & in qua vrbe, quot & ini qui fuerunt, & indocti opinari promptius sit, quàm noscere. Et vt vrbe sileā, habuit schola illa inter multos Alcibiadem, & Critiam, illum patriæ hostem, hunc sæuissimum tyrannorum, quibus quid præceptor Socrates cōtulerit, Plato ipse respondeat, vel sic intelli-

gens quàm inane est, quod terreni doctrina præceptoris discipulorum auribus instrepat, nisi gratia magistri cælestis aspiret, sine qua nihil omnino Socratem potuisse, quanquam dei mendacis oraculo, ut prædictum est, sapientissimum iudicatum, inter duas tamen simul vxores procacissimas anus, ipse vel alius quantumlibet eum excuset, ineptissimè conuersatum. Sed hæc, & reliqua incidenter, præter vnum illud quo Platonem talem virum hac eadè vanitate, gloriose patriæ implicitum fuisse cognoscere, non ut magni comitis clypeo tuum regas errorè, sed ut accuratius illum vites, cui succubuisse summa etià cernis ingenia. GAV. Ampla in patria vitam ago. RAT. Multa sunt amplæ vrbs incommoda, distat templum, distat forum. Illud animo nocet, hoc corpori, distant opifices, atq; amici. Qua quidem nulla durior distantia, quos laboriosum visere, negligere inhumanum. Audis, ut de hoc queritur Flaccus? cubat hic in colle Quirini, hic extremo in Auē-
tino, visendus vterq;. Quocunque ire decreueris, seu peregre profecturus, domui tuæ dis-
pone, quando, & an redeas incertum, & ipse reditus cum labore est. Sæpe etiam cum errore, ferro ac magnet iter agitur, hac eas facilius, hac rectius, hac curiam, hac theatrum vites, hac balneum effugas, hac macellum,

hi & mille alij sunt virbiū scopuli, inter quos
 nauigās domum tuam, quasi alterum orbem
 petis, vix te ad illam peruenturum sperās. Et
 hoc quoque apud ipsū Flaccum legis, vt
 Philippus orator domum dum redit foro ni-
 mium distare carinas iam grandis natu que-
 ritur. Hæ paruo in oppido molestiæ cessant
 omnes, quicquid queritur iuxta est. GAVD.
 E paruo oppido in immensam urbem com-
 migravit. RATIO. E tranquillo portu pro-
 cellosum sponte pelagus ingredi temeritas
 est, nec miror ideo, quia lati euentus. Fe-
 cit hoc tamen, & gens Claudia è Sabinis
 Romam perens, è Tusculo Marc. Cato, ex
 Arpino Marius & Cicero: successitque fœ-
 liciter. Sed vbi nam tales viri? non tutò
 quidem in exemplum trahitur, quicquid
 raris, & summis ingeniis attentatum est.
 Postquam tamen soluisti funem omni studio
 inter difficultates enitere, inter alta confur-
 ge, consilio cœptum regens, (quod hîc bo-
 ni dixerim) plures erunt ad virtutem stimuli.
 Erunt fortè quos ad gloriam sequi velis. Erit
 vbi te exerceas, vbi cum parib⁹ possis de lau-
 de contendere, pudebitque testium tantorū.
 Multis sæpe, quòd vis animi non dabat con-
 tulit vis pudoris, & ad ignauiam profligan-
 dam sæpe plus spectator valuit, quàm vir-
 tus. Et hi hercle quorum proximè meminî,

& accitus Curibus Numa Pompilius, Cordubâ profectus Seneca, Leptique veniens Seuerus, multique alij ex alijs locis, vbi que futuri magni viri, vt aliquanto maiores Romæ essent, æmulatio virtutis, & illustrium copia exemplorum præstitit. Stude ergo quod vnicum bonum est in hac tua commigratione ne pereat, ne nihil aliud migrando quæsieris, quam vt te coram pluribus, nouæ patriæ fulgor nudet.

De origine generosa. Dialogus XVI.

GAV.

ORigo generosa est. R A T. Rursum mihi redis ad ineptias: quid ad te? GAV. Propago vetus, & gloriola est. R A T. Alieno gloriari ridiculosa iactantia: auorum merita nepotum degenerantium notæ sunt: nec aliud magis posterorum maculas aperit, quàm maiorum splendor, ac gloria. Sæpe alteri commodum virtus alterius tulit. Veram laudem nisi de proprio sumpseris, ab alio non expectes. GAV. Magna est nobilitas antiquorum meorum. R A T. Mallem per te alij, quàm tu per alios noscereris. Verū age aliquid & tu, vnde sis nobilis. Nam, & illi
n' fci

nisi aliquid egissent laude dignum, nunquam nobiles fuissent. GAV. Multa sanguinis est claritas. RAT. Omnis propemodum sanguis est concolor, sicubi fortè alter altero clarior inuentus sit, non id nobilitas efficit sed sanitas. GAV. Magna est claritas parentum. RAT. Quid si maior obscuritas tua est? Corpus semper, & patrimonium sæpe à parentibus accipitis, claritatem & qui habet rarò in filium transfert, & qui non habet aliquoties in filio illam videt. Quantum patre clarior Cæsar, quantum obscurior Africani filius? Qui, si per manus tradi claritas posset, quàm clarus futurus esset, intelligis. Sed amare illum potuit pater, illustrare non potuit. Infinitam suæ lucis eclipsim passus in filio. Sic quod preciosissimum habet hæreditas iudicio testantis eximitur, nec nisi de vilissimis rerum est tanta illa solennitas testamenti. Mille ego nunc tales clarissimorum hominum obscurissimos hæredes enumerem si vacet, etsi expediat, summam, tenes. GAV. Ingens claritas gentis est. RAT. Nil tibi amplius ea claritas præstabit, quàm vt latere nequeas, si velis. Ita in primis iucundissimum tibi vitæ latibulum, & secretus rerum trames eripitur. Quicquid ages erit vulgi fabula. Qualiter domi viuas, & quid cœnes nosse vicinorum studium, & veluti exploratores ad te pater auisq; remiserint

feriunt, sic totum rei familiaris arcanū, & quotidiani victus ratio. Quid cū filiis, quid cum feruis, quid denique cum vxore, & ad vnum actus omnes, ac verba de rebus licet minimis inquirentur, quoq; aliū stomacheris ab iis maximè quorum nihilo intererit. Hic igitur tuæ claritatis est fructus, vtque si vel modicum aberres dedecus gentis, & monstrati desertor itineris longè inexcusabilis habere, hoc est enim suum ac perpetuum gentilitiæ claritatis. Reliqua alia communia vndeunque partum decus infestant, quoniam difficile est clara recondere. GAV. Clarissimè natus sum. RAT. Stulte, claritas non nascendo quæritur, sed viuendo: sæpe etiam, quod miraberis, moriendo. GAV. In multa luce natus sum. RAT. Turpitudinem caue, quæ obiectu lucis insignior fit atque conspectior. Id ni feceris in tenebris natum fuisse melius foret. Adulteri, & fures, & omnis turpium cohors tenebras quærunt. Sola lucem non refugit scæda hæc & falsa nobilitas, cognosci quæ appetit, cui vnum vitandæ infamiæ cōsiliū sit nesciri. GAV. Antiqua nobilitas est generis. RA. Antiqua igitur virtus fuit, sine qua vera nobilitas non est. GAV. Peruetustas nobilitas est. RA. Vetustas nimia claritatem rebus eripit, & parit obliuionem. Quot fuerunt nobiles familiæ quarum hodie memoria nulla

e. est?

est? Quot tu ipse florentissimas vidisti, quæ paucis annis ferme ad nihilū rediere? Vnde præfagiū facias de his modò florētibus, deq; his nūc primū erumpentibus, caputq; tolerantibus. Omnia tēpus imminuit, cōsumitq;. Senescunt nō modò familiæ, sed vrbes, mundus ipse (nisi fallimur) ad extremū vergit. Tu qui vetustate gloriaris, vide ne gloriam ipsa vetustas extinxerit, neu iam radix aruerit, cuius floribus vis ornari. Omne quod in tempore oritur, cū tempore occidit. Veltrāq; nobilitas tēpore incipit, tēpore desinit, & quam longa dies peperit longiorq; auxit, longissima subruit. Fieri potest, vt quo te nobile finis esse, desieris: esses fortè nobilior, si serius incepisses. G. Inueterata nobilitas est. R. Inanis ambitio, nec suo merito, sed aliorum obliuione subnixā. Cōfusa nēpe sunt omnia, & perplexa successionū series. Hæc inter, tibi accidit nō nobilior vt esses, sed ignotior. Corigo cūctorum vna est. Vnus parens humani generis, vnus fons vniuersorum, qui vicissim modò turbidus, modò nitidus ad vnūquemque vestrū peruenit. Ea lege, vt quod paulò antè clarum erat, mox obscurum fiat, & quod obscurum, clarum. Ita nō de fonte dubitatio est, sed quibus alueolis hæc clari sanguinis (vt dicitis) ad vos vnda profluxerit. Hinc est, vt qui heri arabat, hodie militet, & qui per

urbes medias ardentem cornipedem aureis
habentis regere solitus superbus incesſerat,
per ſqualentē campum pigros boues humili
pugione ſolicitet. Verumq; Platoniciū illud
libet opinari, neminem regem non ex ſeruis
oriundum, neminem ſervum nō ex regibus.
Ita verò viciffitudo hæc, & conditio ſtatuum
humanorū variabilis, atque inconfans eſt, ut
iterabilis quoque ſit ſemel & pluries, ne mi-
teris ſi vel arator ad militiā, vel miles redeat
ad aratrum. Ingens rerū mortalium rota eſt.
Et quia tractus eſt longior, brevis hunc vita
non percipit: quod niſi ſic eſſet, & ligones re-
gum, & agreſtium diademata cererentur.
Nunc hominum memoriam occupatam in-
tentamq; aliis tēpus fallit. Et hæc eſt illa tota
veſtra nobilitas, qua tumidi, elatiq; inceditis
vanum genus. C. Auſorum clara proſapia
eſt. R. Quouſque vagaberis? de te agitur.
Tu mihi neſcio quos in tuū locū ſubſtituere
mitteris, qui pro ſe fortè aliquid, pro te nihil,
niſi ipſe tuis teſtibus cauſam inſtruxeris, re-
ſponſuri ſint. Proinde aut iſti vel proavi clari
fuerint, tū ſcilicet dū eſt vulgari acie, virtutum
ſeſe aliſ attollere cōperāt. Ea nobilitas radix
ultima ſed perge altius, exquire acritis, proa-
norū attauos obſcuros inuenies & ignotoſ.
Ad ſummā hæc nominū, atq; imaginū clari-
tas, & per breuis eſt, & quantūlacunque eſt,

tua certè non est. Desine igitur tuum nomen alienis obumbrare virtutibus, ne vnoquoque suum reposcente, nudus ipse de proprio rideare. **GA.** Nobilis sum. **RA.** Quantum sit nobilior rusticus vir fortis, quàm ignauus nobilis, scies quum libraueris, quāto sit melius nobilitatem fundare, quàm euertere. Si exemplis eges, domi militiæq; affluunt, passimque legentibus occurrunt, vt per te ipsum mensor: censorque reliquorum fias, ex omnibus duo paria hominum expendisse suffecerit. Altera igitur in lance Marium & Tullium, in altera horum aduersarios Aulum & Elodium constitue, quo examen vergat & quantum Roma cedat Arpino, quis tam cæcus vt non videat? **GA. v.** Nobilis natus sum. **RA.** Iam dixi. Verus nobilis non nascitur, sed fit. **GA. v.** Insignis nobilitas saltem ista vulgaris à parentibus est relicta. **RA. T.** Ipsa claritas non nascendo quæritur, sed viuendo. Vnum hîc quoque bonum video. Familiaria virtutû exempla non deerunt, & domestici Duces, quorum pudeat deseruisse vestigia, id si labi finis, quid nisi famosum, & difficile malum est nobilitas? Nescio autem quomodo difficilior est suorum imitatio quàm exterorum, fortè ne videatur hæreditarium bonû virtus. Non libens dico, sed res ipsa loquitur. Rarò excellentis viri filius excellens fuit.

IN magna genitus sum fortuna. R. Vitam ab inquietudine auspicatus es, haud equidem improprie tempestatem fortunam vocant nautæ. Magna quoque fortuna, magna est tempestas: magna verò tempestas, & consiliis magnis eget, & viribus. Habes non lætitiæ materiam, sed curarum. G. In amplissima fortuna natus sum. R A. Tu ne fortè fœlicius censes magno in mari quàm exiguo in flumine natum esse, quod si nemo sanus dixerit, quid perinde fœlicius habet nasci in palatio quàm in casa? vbique ortos terra parens excipit. G A V. In magna fortuna natus sum. R A F. Aduersò fidere voluisti funem: quòd si in tēpestate dies acta est, cura vt nox te inueniat in portu. G A V. In alto natus sum. R A. Turbinibus rerum pates, lapitandi spe prærepta. Scitū est illud Lyrici poëtæ, Sæpius ventis agitur ingēs pinus, & cellæ grāuiore casu decidunt turres, feriūntque summos fulgura montes. Vt clarum fatear, in alto nasci nec tranquillum certè, nec tutum est. Altitudo quātalibet humana per se ipsam inquieta est, perpetuòque fremens tonitru. Vnde miror quid ita displiceat Senecæ Mectænatīs illud. Ipsa enim altitudo ardonat summū. Nam cū alij hoc verbo vsi sint, cur solus ille

prehenditur? Nil præterea tam altū, quod non & solitudini, & labori, & inuidiæ, & pa-
uori, & mœrori, & in finem morti peruium
sit. Et sane omnem fastum, eminentiamque
mortalium, sola mors in planum redigit. G.
Alto & magno in statu natus sum. R. Iam-
primum ex alto graues lapsus, & magno ra-
ra quies in pelago est, nec in imo præcipitiū
metuas, nec naufragium in sicco. G. Princi-
pium fortunatum fuit. R. Finem respice, ut
reliquis, sic fortunæ suo multum licet in re-
gno. Quo fortunatius principium, eo finis
est incertior. Nōne vides ut res hominum
turbinis more voluuntur, ut quietum mare,
tempesta turbida, lucidum mane nubilus
vesper insequitur, ut inter initia planum iter
in cōfragosum desinit, sic prosperitatis inso-
lentiā improuisa calamitas, & lætissimæ cur-
sum vitæ mœsta mors claudit, & sæpe pri-
uordio diffimillimus finis est. G. In alto cœ-
pi. R. Vide ubi desinas. Vita omnis à fine de-
scribitur, & finem quam senties, qui principi-
um non sensisti. G. In summa fortuna editus
sum. R. Et seruorum filios in solio vidimus,
& filios regum in ergastulis.

De tanto victu. Dialogus XVIII.

GAV.

IN lætissima educor familia. R. Multum
tibi hoc videtur, parum est, eritque mox
nihil

nihil. An ideo magis tibi quàm duro agricolaè vermes parcent, an cibo molliore vesceretur auidius? Non iocor tecum, nec te terreo. Scis & si forte dissimules te illi conuiuio præparatam escam, & fortè iam cœnæ tempus instare, certè autem longius abesse iam non posse. Nam & brevis est lux, famelicique conuiuia, & quæ mensẽ instruit mors impigra, quid tibi tunc lauticiæ istæ profuturæ sint, videris. GAV. Lautissimè ab infantia educatus sum. RA. O pessima pueritiæ rudimenta neglectis bonis artibus, exquisitis cibis, & peregrinis poculis assuefactus à puero præclarissimam in spem adoleuisti. Sapores atque odores nosse, mirarique doctus eximiè opiparas mensas, & vasa aurea venerari, neque serò, vt virorum fortium mos fuit, famem sitimque communibus lenire, sed ambitiosa semper nausea, & dānosis stomachi sarcinis mane illis occurrere, cum tot in cremo sancti viri esurierint, tot in castris gloriosi duces parcè, sobriè atque asperè, vixerint. An si tibi gemins atq; epulis obseſſo, hinc Curius Fabricius Corūcanius lecta suis manibus olera, cœnantes fīctilibus, atq; arantes ad vesperam ieiuni, Quintius ac Seranus aut post hos, Cato Censorius consul in Hispaniam nauigant, xnde triumphator rediit, non alio quàm quo remiges vino vsus, omnes notissimi hostes

voluptatis occurrerent, illinc Paulus atque Antonius fontis ad ripam missum cælitus partientes panem, non verecundia, ac dolore faucibus hæreret iners cibus, & attoniti gustus titillatio illa lentesceret? Cogitares ab his viris victu tam tenui tamque humili labore gaudentibus, & seruaram patriam, subactosq; nobilissimos reges ac populos, & (quæ victoriarum difficillima est) carnē propriam, ac mundum & inuisibiles hostes animæ debellatos, te inter amplas dapes, ac superbam requiem viliperdomitum voluptate? GAV. Lautissimus victus est. RA. Sentio, omne in eo est, vt ad fundum miseræ curiositas facta perueniat, nihil est actum cibi, ac potus elegantia, nisi accedat & copia, imo verò redundantia, atque fastidium. Nec succutit vt Augustus Cæsar, qui fortassis paululum te lautior esse potuerat, cibi (sic enim de illo traditur) minimi fuit, & vulgaris ferè. Sileo quibus vesci solitus, ne quasi rusticanus pater familias contemptui tibi sit, intérque fasianos & ficedulas, ac pauones tuos illius principis secundarius panis, & caseus bubalus, & minuti pisciculi rideantur. At quanto melius fasiani isti vestri, & mensarum decus eximium, & gulæ summa fœlicitas apud Colchon semper & Phasidem! latuissent, quàm huc ad corruptendum orbem nostrum, & irritandas

ille

illecebras aduolassent. Quanto fuit honestior ætas illa de qua Naso ait, Piscis adhuc illis populis sine fraude natabat. Ostreaque in conchis tuta fuere suis. Nec Latium norat quam præbet Ionia diues. Nec quæ Pignæo sanguine gaudet auis. GAV. Vino fruor electissimo. RAT. Malè sed propriè ais fruor, hic est finis vester ad hoc nati estis. Quanto autem tutius sitim vestram vinum debile, vel limphis debilitatum, siue purus etiam riuus extingueret? Certè princeps ille de quo nunc loquebar, vini quoque parcissimus (nam & id scribitur) fuit, ter non amplius super cœnam bibens dum in castris esset. Vos ter decies ante cœnam bibitis, & in cœna centies, nec numero quantitas cedit. & castra ipsi vinosiora sunt urbibus. Nulla nisi ab ebriis vel expeditio, vel certamen. Non bibebat ille interdium, vos diebus, & noctibus non cessatis. Ille sitiens pro portione persusum aqua frigida pānem, vel lactuculæ thyrsus, vel succosi pomi morsum, vel frustrum cucumeris capiebat, at vos sitim omni lenocinio aucupantes illam vinis ardentibus, & bibendo aliam sitim parituris, extinguitis (dicam verius) accenditis. Nec in animum venit bibere vos sanguinem terræ, ac venenum cicutæ dum sic vnum bibitis, ut Alexandro Macedoni scripsit Androcides. Quibus si ille præ-

quod non nausea reddat insipidum ac sordidum. Ipsi etiam qui delectationi huic intendunt, appetitu & raritate illam acui fatentur, ut reliquas copia frequentiaq; cōtundi, & in nihilum sæpe & in contrarium verti. Ipse demum professor voluptatis Epicurus tenuem victum quasi vnicum suæ professionis auxilium & laudauit & coluit. Quodq; sobrietati ac modestiæ tribuunt honesti viri, hoc ille tribuit voluptati. Ut quālibet viuēdi viā eligas, diuersis finibus vnū callē cōuenire noueris, vnovictu vtendum tenui semper ac modico, nisi quē honestis ex causis rara fortē licentia, sed illæsa sobrietate laxauerit, victus hic siccos, & validos, & aspectu placidos facit, & odore corporis nec sibi nec aliis molesto. Confer his madidos, æstuātes, tremulos, olētes, & ut Ciceronis vtar verbis, cūser & sudantes, & ructātes, tūc videbis quid inter frugalitatē intersit, & crapulā, & si nō virtus, at aspect⁹ ipse mōstrabit recta quonā vergat electio, ut vix sit quispiā tam gulæ seruus qui acriter re discussa nō sobrietatem longē illi præferēdam fateatur. Si hæc spernis vt leuia, nunquid & morbos hinc nascētes mortemq; cōtemnes, quē licet per seipsam magnis animis cōtēnēda sit naturaliter atq; honestē, seu certē non turpiter inuecta, sic turpibus causis accersita morte, nil foedius, nilque formidabilius. An-

Quid dem, quid nondem, quid des, Flacce
 seu, quid facias? nisi vt penitus nihil des, &
 hanc curam illis linquas, quibus nulla cura
 altior est. Agāt quidlibet, qui agere nil aliud
 sciunt. Nam si tres discordant quid centum
 facient, aut mille? Vix sine tacitis saltem ab-
 eunt lamentis. Hoc male sapuit. Illud male
 oluit, hoc præferendum fuit. Illud gelidum.
 Illud intempestiuum. Hoc mœsto oblatum,
 hoc irato vultu, Crudum illud, hoc lacerum.
 Ille famulus segnis, hic præceps. Hic surda-
 ster; hic cōtumax. Hic clamore offendit. Hic
 silentio, ille illotis vasis aquam tepidam, hic
 vinum molle porrexit, His querelis non tam
 aulæ, quàm viæ resonant, & plateæ, nec im-
 merito. Nam quid attinet iucundius domui
 suæ præfuros precibus fatigare, aut quorsum
 & sumptus inutilis, & superuacuis labor, at-
 que vnum in atrium turba conueniens, nisi
 vt te vicinæ ostentes, & quasi de conuiujs
 tuis pedester agas voluptuariū triumphum?
 Sic tubis cymbala cōcrepant vtq; appareat
 pompæ omnia tribui, charitati nihil. Finge
 postridie vnum aliquem conuiuarum tantu-
 lo egere, quanti sua constitit paropsis, nun-
 quam id à conuiuij domino impetrabit. Nē-
 pe non id illi præstitum, sed sibi. Quæ quam-
 uis ita esse non sit dubium, solent tamen vbi
 ad mensam ebrij deierāt assumantq; aliquid,

percussis epulis, his ferme verbis uti: per hanc
inquiūt, quā simul facimus charitatem. Qui-
bus rite respondeatur. Immo verò per hanc
ebrietatem, & hanc crapulā. Vera enim cha-
ritas demū esset, ieiuni & sicci, quæ in ve-
stram perniciem effunditis, in vsum paupe-
rum verteritis, tunc charitatem non improp-
riè iuraretis, Nunc ad vestra conuiuia fasti-
diosi diuites cogūtur, famelici pauperes ex-
cluduntur, vobis scilicet æstimantibus glo-
riosum claris hospitibus abundare. Nec de-
est præter vulgus (fontem omnis erroris) au-
thor insignis, Est enim ut mihi videtur, ait
Cicero, valde decorum patere domos homi-
num illustrium hospitibus illustribus, Planè
vir egregie, qui referre vicē valeant, sed egē-
tibus clausas esse. Qua in re haud indignè
forsitan notatum à Lactantio Ciceronē no-
uimus, qui præfectò illud melius alibi, sed
eodem libro. Hoc maxime inquit, officiū est
ut quisq; maxime opis indigeat, ita ei potis-
simum opitulari. Quod contra sit à plerisq;
à quo enim plurimum sperant. etiā si ille his
non eget, tum ei potissimum inserviūt. bene
nūc ais Cicero & vere, nā & ita fieri debet &
à plurimis cōtra sit. Sed (ut ad rem redeam) si
querelis, ac fastidio conuiuiarum vis carere, cō-
uiuio abstine. Habent utcunq; fortassis, qui
conuiuio interfuere quod arguāt, quod gra-

uentur qui hoc ipsum arguit quòd conuiuio
nò interfit, non iā ille cōuiua est, sed impudē-
tissimus parasitus, cuius lingua nò pluris æ-
timāda quàm gula est, quæ nò modò nò me-
tuenda est, sed optāda nò nunquā, dicēte Sa-
tyrico, Nam quæ comœdia, mimus quis me-
lior plorāte gula? Tales aliqui apud comicos
describuntur, latiq; risum excitant: quid nisi
corā audiri queant facere? Hæc demq; sum-
ma est: conuiualē censuram nò conuiuando
euaseris, parasiticos morsus ac rabiē ridēdo,
& contemnendo fugaueris, non est alia ad
quietē via. GAV. Cōuiuiis vaco. RA Pulchrū
tibi studium elegisti. quid huic gustui cōue-
niat, quid illi, quibus aut cōpescenda fames
ferculis, aut irritāda salsamentis. En preclarā
vtilēmq; philosophiæ partem, quis primus,
quis secundus & quis tertius ingratū stoma-
chum cibus premat, quis vini fumus cerebro
gratiores nebulas offundat. GAV. Conuiuiis
delector. RA. Si sic accipiatur vt verbum so-
nat, & yt senserunt maiores nostri nominis
huius authores, non modò non arguam, sed
laudabo. Dulce est enim & optabile, & hone-
stum amicis conuiuere, sed comestationem
conuiuium appellatis, turpissimæq; rei pul-
cherrimū nomē imponitis, quasi verò non
possit cū amicis viui aliter quàm comedēdo
& bibendo, nò melius cogitando, & loquen-
do,

do, cū & docto homini & erudito (vt ait Cicero ipse) viuere sit cogitare, & nil profectò sit dulcius noto ac fido colloquio amicorum. Nolite ergo rem sœdam pulchro velo tegere. Translucet enim & quod conuiuium dicitur. comestatio esse cognoscitur. Audite potius Apostolum Paulum clara voce à malis nos inter cœtera comestationibus & ebrietatibus dehortantem, & videte ne ad turpia nominum splendore rapiamini. GAV. Conuiuia me delectât. RA. Dic quod est, comestiones, potationes, epulationes, viscerationes. Hæc si delectat accipere, vilis tu, vilis rei debitor. At si dare stultus tu, stultæ sollicitudinis seruus es. GAV. Conuiuiis gloriam quæro. RAT. Mos est vëstri quærere ibi, vbi quod quæritis non est. GAV. Spero gloriam conuiuiis. RAT. Falsa est gloria, verus error. Alexandrum Macedonem conuiuiis indulsisse vsq; ad funestam ebrietatem legimus. Lucium verò vsq; ad profluuium amentis impensæ, flebilémq; imperij iacturam. Quæro alios duos, quem mihi sanum principem, quem sobrium regem his intentum dabis? Nam philosophos ac poëtas egregios memorare necessarium non est, multoq; minus sanctos viros, & omnino omnes grande aliquid piūmve animo agitantes, quibus omnibus haud dubiè tota ea res infamis & inuisa

est. G. Gloria mihi apud vulgus, & multorum gratia ex conuiujs parta est. R. A. T. Vilissimæ mercis ingens preciū, coquum fieri, vt gulæ cōplaceas alienæ. Credo autē sunt, quos gula vrget, frænat inopia, his nihil est gratius quam aliena cura & impensa fræno illo absolui, quodq; per se nequeunt, per alios adipisci. Qui hoc eis præstant, clari apud illos dū id faciant & famosi sunt. Finge desinere; simul delinent clari esse tandē, vt ego quoq; iā desinam, hæc summa est. Cōuiuarum conditio delicata est, & querula, longeq; difficilis. De parasitis breuem accipe regulā, dum illos affatim paueris, rodent, arridebunt, plaudent in inibus, laudabunt virum optimum, liberalemq; patriæ patrē dicent. Nihil ad vltimum Graiæ adulationis omiserint, de qua Satyricus loquens adulādi gentem prudentissimā, & comedam nationē asseruit, & reliqua pueris quoq; notissima. Sin aliquādo cessaueris, & quidem sponte, auarum, sordidū, miserum diffamabunt. Sin inopia, homunculum non malum certè, sed stolidum & ineptum, tēque tuamq; domum fugient vt scopulum. Tunc intelliges illud Flacci, Diffugiunt cadis cum fæce siccat is amici. De his quidem loquitur amicis. Veri enim maximè in aduersis hærent, & illas domos auidius frequētant quas fortuna deseruit. His ineptiis, vsq; difficulta-

tibus vt occurras in tempore & conuiuas riu-
midos & scurras aridos, horumq; omnium
voces, & sententias disce contemnere: & sic
habeto, nihil loci recto esse iudicio, vbi to-
rum voluptati tribuitur, nil virtuti. Caducū
deniq; malis artibus partum nomen, eamq;
vulgo quæ gloria dicitur, apud doctos infamiam esse, non gloriam.

De vestitu cuiusque corporis. Dialog. IX.

G A V.

A. T egregiè vestior. **R A.** Quæ pura sunt:
nuda videriamant. Mos est fœda colo-
ribus abdere. **G.** Exquisitissimè induor. **R.**
Pudebit cultus exterioris quoties quid eo
tegatur cogitabis. Insana enim ambitio est,
finum tegere purpura. **G A V.** Mundissimè
vestior. **R A.** Non audisti quid ille vir fortissi-
mus apud Crisdum dicit, Mundicias mulie-
ribus, laborem viris conuenire? **G A V.** Vesti-
tus insignis ac mollis est. **R A.** Snperbiæ ve-
xillum, nidusq; luxuriæ. **G.** Vestis singularis
ac insolita est. **R A.** Non obiiciam tibi sacros
pauperes seminudos, & regidos, atq; hirsutis
togis hybernū frigus arcentes. Scio quidem,
quod peccatrix opulentia sanctam spernit
inopiam. Ille idem ditissimus hominum, cu-
ius altercatione retro tertia memini, veste
non temere alia quàm domestica vsus est ab

VXOLE

vxore & sorore & filia neptibúsq; confe-
 cta. Nam & hoc quoque de illo scriptum
 est. Sic ille cunctorum dominus paucas qui-
 dem sibi iunctissimas scēminas fatiga-
 bat. Tu fortassis aliorum seruus disiunctis-
 simas fatigas gentes. Tibi nent tibi pectunt,
 tibi texunt Belgæ, tibi Persæ, tibi Seres, tibi
 Indi, tibi Tyrius murex natat, tibi fragrans
 bacca hispidis pender arbusculis, tibi oues
 albicant Britannicæ, tibi Indica sandix ru-
 bet, vterque tibi sudat Oceanus, Augusto au-
 tem vxor & filia, sororque cum neptibus. Eo-
 usque decreuit virtus creuitque superbia. Sic
 contrario delectatis exempla modestiæ vi-
 luerunt. In victu igitur ac vestitu multi opti-
 mo principū contempto, post pessimos abie-
 re, Caium, & reliquos, quorum ventri, ac
 tetgo, nec ciuilis vnquam, nec virilis, nec
 Romanus certè, nec humanus, sed insa-
 nus, & nunc scēmineus, nunc diuinus ab
 omni autem parte profusus atque monstri-
 ficius cultus fuit. G A V D. Exquisitissimè in-
 duor. R A T. Operosior ornatus, & suspitione
 curæ ingentis formæ gratiam imminuit, &
 fulgore suo deformium mendas prodit, ocu-
 losq; prætereuntium ad spectandum exci-
 tat. Itaque nulla re peius sibi consulit defor-
 mis homo, quàm dum formosus vult videri.
 Vestis insignior cultúsque corporis qui ad-

famam quæritur, risus mouet. GAV. Electissimis coloribus exornor. RA. Natura rerum humana arte non vincitur. Sæpe etiam quasi indignans se tentari quo maiore nisu premittitur, regiturque, eo magis ac magis attollitur, eminetque, nativum mortalis corpusculi foeditatem nec colores alterat, nec odores, quin aut magis conspectam efficiunt, aut suspectam. G. Preciosis, ac variis, ornamentis ambior. A. Pone in pheretro aureo pallidum cadaver, gemmis illud ostrisque circunda, quo plus ornatus, & plus erit horroris. Neu quod loquor ad iniuriam trahas, origo nominis inquirenda est. Siquidem à cadendo dicitur, cadauer, cur non ut mortui sic viventis recte dicitur? Nempe illud cecidit, hoc casurum est, caditque continue. G. Novus & insolitus est mihi. RAT. Non est locus ut desiccam, utque execrer ludibria hæc habitu externorum, quos vobis ab extremis mundi finibus furibunda præsens ætas intulit. Sed dii hominesque malè oderint has beluas humana effigie, ferino animo, lingua Latina, Barbaricove habitu, compto fœmineam ad molliem capillo, moribus ad aprinam duriciem horridis atque incultis, hinc obscœna corporum impudentissime degentes, illinc mentium levitatem vano vertice voluerum plumis extantibus, apertissime designantes. An verò
 tam

tam vigiles magistri, an tam dociles discipuli plus odij mereantur in dubio est, quorum ingeniis effectum vides, vt inter inimicos, ducesque, inter scorta, & matronas prope iam nil intersit aspectu. Nec dum sistit, sed indies serpens crescit, & variatur insania.

De ocio & quiete. Dial. XXI.

GAV.

OCium quiesce à laboribus obrigit. R. A. Duo humane vitę bona gratissima, nisi vsus immodicus mala illa grauissima fecerit, quod multis fecit, & totidem corporis, atque animi pestes tumorem corpori parientes, animoque rubiginem. GAV. Ocio fruor iucundissimo. R. Vtor, dic. Nulla hęc re fruendum, sed vtendum multis, habet doctrina salubrior. G. Delectabile ocium est mihi. R. Refert multum hoc ipsum ociũ quale sit. Duas nempe species ocij diffiniunt, operosi alteram, atque ipsa in requie laborantis ac circa honesta studia solliciti, quo nil est dulcius, alteram inertis & languidi, & solam requiem complexi, quo nil foedius, nil similis est sepulchro. De primo igitur sæpe magna quædam opera, & mundo vtilia, & suis authoribus gloriosa proueniunt. De secundo autem nihil vnquam, nisi inglorius torpor, ac marcidus. Primum illud rite philosophantibus,

nec ille libidinem, corpora prægrauat, ener-
 gat animos, fuscatur ingenia, sciētiam minuit,
 memoriā extinguit, parit obliuionem. Non
 sine causa insomnes industriique laudantur.
 Somno non laudatos cernimus, sed inflatos.
 Proinde ut somnum quidam mortem dicūt,
 &c vitam alij dixere vigiliam. Inter mortem
 verò & vitam vide quid eligas; vigilandum
 certè, quod sapientibus placet, ad hoc sal-
 tem, ut longior vita sit. G A V D. Longo; &
 minimè interrupto fruor somno. R A T I O.
 Bene, si non curis mordacibus, avaritiis, am-
 bitione, metu, mœrore, aut amore impio:
 male autem, si non honesti studij cura cuius-
 spiam sopor præbrumpitur. Profectò populis
 stertentibus uigilant reges, sopitòque duces
 uigilant exercitu, quod & res docet & Ilias
 probat Homérica. Nobilioribus animis cu-
 ra vigilans impendit, sed sobriè ac salubres.
 Augustum Cæsarem principum maximum
 atque optimum somni breuis accipimus,
 eiusque etiam crebrius interrupti. Tu con-
 trario gloriaris. G A V D. Profundè dor-
 mio. R A T. Et gulosi, & libidinosi, & ira-
 cundi brutis animantibus, uiuis tamen som-
 nolenti ac sopiti duntaxat mortuis compa-
 rantur: & quod ad illam partem tempo-
 ris attinet, nihil differe felices à misce-
 ris, philosophicam scis esse sententiam.

Iure igitur, vt pars illa pro viribus cuitanda, quæ solam inter homines differentiam somniorum linquit, sic sectanda contraria est nil difficultatis allatura volentibus. Si pro leui enim gloria aut lucro exiguo, & bellatores, & mercatores, & nautæ totis sub diuo noctibus peruigilant, illi quidem inter hostiū insidias, hi quolibet hoste peiores inter fluctus ac scopulos, tu propter veram gloriā, lucrūque ingēs, inter Dei laudes ac libellos tuos partē noctium vigilare non poteris? S. Vigilis defessus somno totus incubui. R. Sic est non mutatis stylum. cuncta ferè vno modo agitis, & quæ Deus ipse, vel natura, vel ars aliqua vobis ad obsequium dedit, in vestrum dedecus damnūque conuertitis. potum cibūque ad ebrietatem, & crapulam, ocium & quietem ad somnolentiā, & marcorem, valetudinem ad voluptates, formam corporis ad libidinem, robur ad iniurias, ingenium ad fraudes, scientiam ad superbiam, eloquentiam ad discrimen, domicilium, ac vestitum ad pompam inanēque iactantiā, opes ad avaritiam & luxum, prolem & cōiugium ad metum & sollicitudinem immortalem. Ite nunc, stupete, & querimini de fortuna & malis vestris ingemiscite. de bonis mala facitis, de quæ cælestibus donis compedes vobis ac laqueos & vincula animæ conflatis.

S A V. Somno placido delector. R. At non
 modò reges, & duces, & principes, & philoso
 phi, & poëtæ, insuper & familiarum patres vi
 gilant ac nocte consurgunt quod ad sanita
 tem atq; œconomiam & philosophiam vti
 le ait Aristoteles, sed fures etiam insidiatores
 (quòdque est mirabilius) insani, & amatores
 quos suarum muliercularum memoria &
 desiderium excitat: tu verò non virtutis a
 more somnū oderis vitiis amicum? vtq; ele
 ganter ait Flaccus: Vt iugulent homines sur
 gunt de nocte latrones, vt teipsum serues nō
 expergisceris? Pudeat semper tantum in vo
 bis posse turpes causas, & nil posse pulcherri
 mas. G. Nullo vnquam intēpellante totis
 noctibus quiesco. R. Videtur quidem Ari
 stoteles, quod superius attigi, ita vitam ho
 minis partiri, vt dimidiam partem somno
 tribuat, dimidiāque vigilię, dum pro partē
 dimidia nō differre studiosi vitam ait a stul
 ti vita, & siquidem pro somno noctem, pro
 vigilia diē vult intelligi. Recta fateor ac vera
 est diuisio, equis enim partibus tempus inter
 sese diuidunt. At si sic accipitur, æquas spacio
 inter partes differentia certē alia ingens est.
 Nulla enim acrior, nulla altior cogitatio est
 quā nocturna, nulla pars temporis studen
 tibus aptior. Si autem somnum ipsum dimi
 diam temporis partē dicit, mirabile dictum

est ex ore tã studiosi, & tunc docti hominis.
Absit enim ab anima bene instituta & stu-
diis intenta, dimidium temporis dormire,
cum quartum suffecerit quibusdam, & ter-
tium voluptuosis quoque sufficiat. Noctu
quidem surgere qualibet anni parte consi-
lium est. Absit ut noctem nō hybernā mo-
dò sed æstivā totā dormiant, qui grande
aliquid moliantur. Cæterum semel illam
effregisse sufficiet fortissis, quòdque vigila-
rum anticipatum erit breui (si res poscat)
meridiana vicissitudine restaurari potest. At
brumalis horæ noctis sæpius rumpenda,
psallendum, studendum, legendum, scriben-
dum, cogitandum, contemplandum, quæren-
dum ingenio novi aliquid semper, & quod
studio quæsitum fuerit, memoria repeten-
dum. Audiendus quoque Hieronymus ad
Eustochium scribens, noctibus bis, tẽrque
surgendum inquit, reuoluenda de scriptu-
ris, quæ memoriter retinemus. Denique
his studiis fatigati oculi, alterno sopore re-
creandi, & breui quiete recreati alterno
exercitio fatigandi erunt, ne totis nocti-
bus dormiendo, culcitra incumbendo, se-
pulta cadauera videamini. Motu crebro,
atque honesto vos viuos, & virtuti deditos
comprobate.

SVauibus delector odoribus. **R A T.** Hi vel victui, vel vestitui subseruiunt, de quibus quid sentiam audiisti. **G A V.** Odoribus studeo. **R A T.** Odorum alij gulam, alij libidinem irritant. Horum appetitus incontinentiæ notam subit, & præsertim vehemens. Alij propter seipsos expetuntur. Horum studium non turpitudinis nempe, sed vanitatis arguitur. Vnde est ut muliebrum vnguentorum odor, aut dapum, quàm florum turpior, ac pomorum sit. Eadem ratio est earum delectationum quæ auribus oculisque percipiuntur. Si vnquam ethicis applicuisti animum, nosti hæc, neque te nunc doceo, sed notæ veritatis ad memoriam retraho, ut huius generis oblectamenta videas vel scæda esse vel leuia. **G A V.** Odoribus operando. **R A T.** Bonæ vtinam famæ, cuius odor bonus quoque dicitur, malûsque maior multò, latiûsque sensibilis quàm aromaticum si teratur, aut sulfureum, si cremetur. De his odoribus non nares, sed mens iudicat. **G A V D I.** Bonis odoribus delector. **R A T.** Si sensui pares & voluptati inhias ut dictum est, aut obscœnum aut inane: si valetudinis curam geris, excusabile, modò condimentum rerum omnium modus

adfit. Cōfortat enim tabescentē spiritū odor
leuis, sed ad omnia valet illud comicum, Ne
quid nimis. Est autē (vt in multis) in hoc quo
que naturarū varietas infinita, non solū inter
hominera atque hominem, sed inter gētem
& gentem. Siquidem vera fama est, quām-
que magni non respuunt authores, gens quę
Gangis fontem accolit omnis cibi experta,
solo mali syluestris odore alitur, peregre
profecturi nil nisi bonum illud malum ac vi-
tale circumferunt, tam fœtoris impatientes,
vt sicut eos purus nutrit, sic infectus odor in-
terimat. Delicata complexio quę sic viuat &
pereat. Hinc gens omnis ad ortum solis ob-
uersa, cœlique mollitie delinita, vt ciborum
negligētior sic egentior, atque appetentior
est odorum, & inde nimirum hæc primū
curiositas nos inuasit. Assirij, Arabes & Sabęi
vestris armis edomiti suis vos odoribus do-
muere, quibus aliquandiu rigida, patrum &
inuieta sobrietas obstitit vsque adeo, vt quin-
gentesimo & sexagesimo quinto anno vrbs
condita graui edicto à Censoribus cauere-
tur, ne quis in urbem ipsam vnguenta exter-
na conueheret. Non multo autem post mo-
dernorum vitiis (vt assolet) veterū scita rū-
pentibus, in Senatum ipsum edicti talis au-
thorem victrix lasciuiā penetrauit. GAVD.
Libēter bene oleo. RAT. Peregrini odores,
atque

atque omne artificium bene olendi, proprii naturalis non boni odoris argumenta, & latentium sunt signa defectuū. Ob hoc ipsum, atque ob illam, nedum viro, sed ne honesta quidem scēmina dignā curā solita sensum viri fortis offendere. Meministi adolescentis illius, qui dum, vt erat vnguento illitus pro collata præfectura Vespasiano principi gratias acturus, ante eum staret, ille hausto mox odore sub stomachans acri supercilio, voce aspera, Mallem inquit, alium oboleuisses: sic increpitum sine honore, exhibitis, seu rescissis iam concessæ gratiæ literis bene olidum dimisit: ita cū semper dedecori sint odores huiusmodi, interdum etiam damno sunt, maxime vbi morum grauis, ac masculus Censor sit. Quid quod quibusdam fuere periculo? Nam & illud nosti, vt Plantius Senatorij vir ordinis, triumuirali proscriptione, metu mortis Salernitanis latebris abditus, vnguēti proditus, odore, sibi quidem perniciem, proscriptoribus autem suis excusationem faciendi quæsiuit. Nam quis non iure casum diceret eum, qui eo tempore R. P. tantoque priuato discrimine vnguenta etiā nunc oleret? CAV. Artificiosis oderibus assueui. RAT. Desuesce, si consilium meum vis. Turpis est enim artificiosis quam simplicibus assueuisse. Omne quod turpe est, quo artificiosius,

co fit turpius. Honestatis ornamentum ~~est~~,
inhonestatis est cumulus. Adde quòd & fœ-
dius hodie quam olim, quanuis enim Roma
(vt dixi) & quam & Græcorum Romam
prope dixerim, Lacedemon, huic pesti ex
Asia venienti, quasi armate hostium legioni
ferreis moribus, atque edictis obstiterint, ad
extremum tamen molles vnguentorum si-
múlque vitiorum acies fefellit, excubias in
Europam transit, & fortissimas gentes vicit
Et quoniam singula prosequi longû est, ex
vnius asperrimi atque laboriosissimi viri mol-
lita duritie de reliquis coniecturam facito.
Siquidem in medio bellorum æstu, ille inui-
ctus, ac barbarus cruento cum exercitu vn-
ctus est Annibal, penetrabilia vnguenta, sed
penetrabiliora sunt vitia. Itaque enervati
ducis ac militum, quorum tam stupeuda
primordia fuerant, qualem decuit, exitus
fuit. Quo effectum est. vt cùm multum
Africani semper virtutibus. Annibalis ta-
men vnguentis aliquid deberetis, expe-
diebat illis vt sicci essent, vobis, vngeren-
tur. Et illo sanè multis sæculis sic iste mos
inualuit vt labor stuporque sit legere, quæ
de hac re in vtrisque literis scripta sunt. Et
quid pluribus morer? vsque ad illius pedes
quo nihil altius, vnguentum venit, quod
ipse qui omnem molliciem animorum, at-
que

que omnes illecebras voluptatum extingueretur aduenerat, passus est, non vnguento quidem, sed pietate delectatus ac lachrymis offerentis. Iam verò pedetentim vsus hic abiit ut cum in multis aetas vestra maiorum gloriæ impar sit, in hoc excellere videatur, quod vnguentorum non est, & qui his capitur non communi temporum, sed proprio quodam animi vitio laborat, G A V. Bonis odoribus illicitior & delector. R A T. Fieri non potest quin quæ delectabilia sunt natura, & illiciant, & dum præsentia sint, delectent. Sapientis Hebræi dictum est, Vngueto, & variis odoribus delectatur cor (quanuis vnguento quidē nō tā mihi delectatio videatur inesse, quā fastidium. Sed ve insit odoribus, meo certē cōsilio absentibus resistendum contemptu & obliuione, præsentibus utēdum modicē, neque vllum his studium impendendum, ne te vel tacitus ultimarum, viliumque rerum mancipium fateare. Néue hunc articulum longius traham inhonestis odoribus, ut rebus omnibus virilem effœminantibus animum veritis ac seclusis, in reliquis Rugust. sententiā amplector, de illecebra odorū inquit. Non satago nimis, cum absunt non requiro, cum adsunt non respuo, paratus eis sepe carere. Idē fac ue quando bonis odoribus male oleas, aut odiosis mūdiciis odiosus sis.

CAntu delector ac fidibus. R A T. Ah quāto melius lachrymis atque suspiriis. Prestat enim flendo ad gaudium, quā gaudendo ad gemitum peruenire. G A V. Cantibus, sonisq; permulceor. R A T. Et feræ cantu falluntur, & volucres, illud mirabilius, musica quoq; dulcedine pisces tāgi. Nota tibi Ariionis & delphinis est fabella tam pro vero habita, vt ipsis annalibus sit inserta. Multi quidem scriptorum illustrium meminere miraculi, elegantius nemo, quā Herodotus Græciæ pater historiæ. Astipulantur imagines æneæ illic, vbi è tāto periculo incolumis primum terris appulsus est natantis piscis tergo insidens fidicen. Ad hæc Sirenes cantu fallere creduntur: illud verò non creditum, sed compertum, vt quotidie blandis verbis homo hominem fallit, & ad summam, nihil ad fallendum voce aptius. G A V. Musica suauitate delinior. R A T. Et aranea (vt aiunt) antè quam mordeat, & medicus linat antè quam feriat, & anceps, & mulier quem alere vult, delinit, & prædo quem perimit, & polypus quem demergit, amplectitur. Et quidam pessimi hominum nunquam terribiliores sunt, quā dum se gestu, & voce lenissimos ostendunt, quod imprimis de Domitiano p̄cipe lectum

Iectum est. Vix vlla est sine suspitione delini-
 tio. G A V. Cantu gaudeo & exaltor. R. Caue,
 Nam scriptum est, Extrema gaudij luctus oc-
 cupat: & rursus, ante ruinam exaltabitur spiri-
 tus. G A V. Cano dulciter. R A. Nescis an vlti-
 mum. Ipse prædulciter morti proximus olor
 canit. Plures enim gaudio quam tristitia pe-
 riere. solito dulcius canentem inter ipsa soni
 suspiria expirasse recens fama est. G A V. Can-
 tu ac tibiis delector. R A. Non immerito qui-
 dem. Singuli enim dies te & horæ, & mo-
 menta ad sepulchrum vehunt, quò cum can-
 tu ferri vester etiam nunc mos est, & antiqui
 tibiis efferebantur. vnde illud Statij Papinij:
 Tibia cui teneros suetum producere manes.
 Tibi vtraque funeris pompa placet, illuc (te
 licet ire non sentias) absque vlla requie pro-
 peranti. G A V. Cantu moueor. R A T. At quid
 refert? Est haud dubiè in animis hominum
 generosis maximè, potentissima musica, sed
 effectus, supra fidem varij. Vtq; omittam qui-
 bus res nō eget, hos ad lætitiā inanem, hos
 ad sanctum & deuotum gaudium, piāsque
 nonnunquam lachrymas mouet, quæ varie-
 tas in diuersas sententias magna traxit inge-
 nia. Nempe Athanasius vanitates fugitās ca-
 nendi vsum in ecclesiis interdixit, Ambro-
 sius pietatis appetens, vt caneretur instituit.
 Augustinus vtrumque se passum, & difficile

hinc sibi negotium dubietatis exortum inter confessiones suas piè meminit. G. Delectat canere. R. Grata olim delectatio, nunc & vestra. Apud illos quidem cantus, ac fidiū ignarus quisquis esset, indoctus habebatur, quod Themistocli Attico Græcorum clarissimo, eò quòd lyram in epulis recusasset, accidisse, Epaminundam verò Thebanum hanc fortassis infamiam declinantem præclare fidibus cecinisse author est Cicero. Mirum, & Socrates talis senex fidibus operam dedit, nec miremur Alcibiadem ab auunculo Pericle tibix studio traditum apud illos honestissimo, vt inter liberales artes hanc quoque condisceret. Sed verecundum pueri laudem ingenium, qui cum ab insigni tibi-cine ad id ipsum accito oblatas tibiae applicuisset, & collecto spiritu genas inflasset, animaduersa deformitate vultus erubuit, atque obiectas tibiae aspernatus fregit, meruitque licet tenera ætas exemplo esse, vt totius populi consensu tunc Athenis tibi-arum vsus obsolesceret. Ad vos & si non illud ardens musicæ studium peruenerit omnium principum mentes occupaturum, occupauit tamen aliquorum animos pessimorum maximè. Caius quippe cantandi studi-
osissimus saltandique fuit. Nero quantum
eitharæ studio deditus fuerit, & quantam
curam

curam vocis habuerit, incredibile dictu est. Id enim stultum est, penitusque ridiculum quòd nocte illa quæ sibi vitæ vltima, mundo autem respirandi vel modicum prima fuit, inter querelas quas vicina mors, & præsens metus, dolorq; dictabant, illud crebris, atq; miserabilius defleuit, non quòd tantus princeps, sed quòd tantus musicus periret. Mitto alios, ad hanc vestram, quæ nunc agitur, ætatem, licet partior, venit tamen aurium voluptas, qua castè ac sobriè delectari humanitas quædam, capi autem & molliter inuiscari, vanitas multa est. G. Suauibus vocum modis cum delectatione detineor. R. O si audires sanctorum suspiria. O si hinc aures tuas damnatorum gemitus, & lamenta percellerent. Hinc beatorum iubilus, & cantus angelici, atque illa cœlestis harmonia quam Pythagoras ponit, Aristotel. euerit, Cicero noster instaurat, tibi autem pietas, fidèsq; suggerit esse ibi perpetuas, ac prædulces voces, & si non cœlorum, at cœlestium incolarum, primam illam, & æternam causam sine fine laudantium. Si hæc inquam, omnia tuis auribus inferrentur, quàm clarè discerneres quis concentus dulcior, quisve salubrior? Nunc surdo sensui soni iudicium committis, de quo hætenus parum quidem res nonnullis fortè videbitur, magistros

tamen viros exercuit. Nec sine causa diuini Plato vir ingenij musicam arbitratus est ad statum siue correctionem morum reip. pertinere.

De Choreis. Dialogus XXIIII.

G A V.

CHoreis gaudeo. R A T. Mirabar nisi fidium cantus, & tibix choreas suscitarent, & præscripto de more vanitatem vanitas sequeretur, verum maior, multoque deformior. Ex cantu enim dulcedo aliqua, & sæpe utilis, ac sancta percipitur, ex choreis nihil vnquam nisi libidinosum, ac inane spectaculum, honestis inuisum oculis, viro indignum. G A V. Choreis cupidè intersum. R A T. Corpus animum regit ac detegit, manuum iactatio, pes mobilis, oculus vagus, ac petulans tale aliquid arguunt in animo esse, qui non cernitur. Itaque cauendum valde est modestiæ cultoribus, ne quid effœminatum agant, aut loquantur. Occulti enim affectus, & pectorum latebræ sæpe paruis indiciis patrescunt motus, sessio accubitus, gestus, risus incessus, sermo, signa sunt animi. G A V. Dulcedinem quandam ex choreis capio. R A T. O ducedo ridicula, finge enim te choream ducere, vel cernere, neque tibicinem audire, atq; ita stultas mulierculas, & viros mulier-

culas

culis molliores in silentio circumferri, redire, ineptire. Quid quæso vnquam absurdus, aut delirantius vidisti? Nūc motus incōditos, lyra sonus, aut tibiæ hoc est amētia vna aliam regit. G. Choreis delector. R. A. Non tam ibi delectatio præsens est, quàm speratę delectationis auspiciũ, Veneris præludium illud quidem sono stupidas, ac misellas circūducere, atque vrgere, & stringere, ac specie vrbانيتatis atterere, liberæ ibi manus, liberi oculi, liberæ volant voces, pedum strepitus, & mutorum cantus dissoni, & tubarum clangor, concursatio, & puluis, & quæ sæpe ludis additur hostis pudicitia, & amica scelerum, nox ipsa. Hæc sunt quæ timorē ac pudorem pellunt, hi sunt libidinum stimuli, hæc laxamēta licentia. Et hæc est, ne me falli facilem putes, illa delectatio quam simpliciter & velut innocuē chorearum appellatione profiteamini, & ludi tegmine crimen obnubitis. Etsi enim solos inter viros, seu solas inter fœminas hæc non nunquam fiant, illic tamen separatim exercentur, quidue congressi iterum acturi sint simul discunt, ceu discipuli qui magistro absente quid eo reuerso loqui debeant, meditantur. Tolle radicitus hanc speciem ingeniosam atque improbam, tolle libidinem, sustuleris & choream. Crede mihi cum David rege nemo ante dominum saltabit, ne quem

fortè sua vxor irrideat, cùm tamen nullus ir-
rideatur ante dominam saltans, siue etiam
pandurizans. GAV. Delectabiles sunt Cho-
reæ. RAT. Sententiam meam tenes. Si dele-
ctant, propter aliud delectant, per se enim to-
ta quidem insula res est, & plus tædij alla-
tura quàm gaudij. Nam quid omnino est
aliud in gyrum volui, quàm excire vertigi-
nem sinèque termino viam ire? Inter locales
septem motus, quos Plato dinumerat, hoc
scilicet antè, retro, dextrorsum, sinistrorsum,
sùrsùm, deorsùm, ac circuitum, solus septi-
mus infinitus est. Atque hunc ideo, quæ per-
petua sunt, hoc est cœlum seruat & sidera,
hunc in terris perpetuus hominum agit furor
in cunctis fere actibus, atque consiliis, Nec
vllus Orpheus Ifioniam rotam sistit, sed visi-
bilibus in choreis vbi animorum volubilitas
corpora secum voluit. Et idcirco cùm de
omnibus dici possit, de his perproprie dici-
tur quod scriptum est. In circuitu impij am-
bulât. Hic ludus multorum dedecorum cau-
sa fuit. Sæpe illi matrona diu seruatum dede-
cus perdidit. Sæpe infœlix virguncula ipsi
nuptiali die didicit quod melius ignorasset.
GAV. Honestò tripudio libenter exerceor.
RAT. Vellem aliud genus exercitij delegisses.
Sed quo pergas, & quid velis video. inter-
dictum tolli, veniam dari, normamque præ,
scri-

scribi. Quando igitur sic affectus es, seu is moribus, seu consuetudo est, qua mala nihil peius, bona nihil est melius, ea tibi in his omnibus lex erit, ut quibus carere penitus non potes, modestissime utaris, ac rarissime. Ne quid vlla in re molle vel foemineum agas, sed ubiq; non suis etiam in finibus virilis rigor emineat, sitque tripudium, vel quisquis erit is ludus fatigati animi relaxatio, & exercitium corporis, non voluptas eneruatix mentium. Exemplo libentius abstinuisssem, summorum virorum imitatio non omnibus tuta est. Non omne pennatum animal aquilam sequi potest. Imitatorum alij contrarium faciunt, alij verò aliud, nonnulli idem aliter. Pauci ad plenum quod imitantur effingunt. Cato hic ultimus, R. p. curis pressum animum vino leuare, solitus fertur. Fecit idem apud Græcos Solon. Hos aliquis sequi volens vnum semper officium aget, bibet: quòdque illis modicum, ac rarum, huic immensum, & continuum: quod illis remedium, huic erit ebrietas. Facile idem in rebus aliis posset ostendi, sed hoc vnum intelligis quid est, quod nunc tecum verear. Ex quo tamen damnare rei patrociniū ut suscipere coëgisti, summi viri exemplum quod vel non sequareis, vel non mutes accipe his ipsis quibus apud Senecā est verbis in eo libro, in quo tranquillitatem animi stylo inquisit.

Scipio inquit, triumphale illud, & militare corpus mouet ad numeros, non molliter se infringens, vt nunc mos est etiam in incessu ipso vltra muliebre[m] mollitiem fluentibus, sed vt antiqui illi viri solebant inter lulum, ac fasta tempore virile[m] in modum tripudiare, non facturi detrimentum etiam si ab hostibus suis spectarentur. Quibus in verbis quid de sua iam tunc ætate sentiret, perspicit, Fœlix qui non vidit tuam. Quamuis autem & ille & tripudij & vini remissionem probet, veniendū[m]que nonnunquam vsque ad ebrietatem dicat, quod à tam rigido ingenio dictum miror, si fideli consilio vti vis, vino parcè vtere, tripudio abstine. Alia sunt honestiora remissionem genera quibus fastidienti, fessoque animo moderere. In omnibus tamen optimum fuerit quod hic vltimum dixit, attendere, & quæcunque ages ita agere, tanquam te hostes tui videant atque obseruent. Multo quidem est satius sic viuere vt abstinentiam & grauitatem tuam inimici stupeant, quàm vt lasciuiam amici excusent. Clarior fama est, cui nec verum crimen obiicere quisquam potest, nec falsum audet, quàm cui obiicitur, sed purgatur, Accusatorem perfecta virtus exterret, mediocris irritat. Quod ad sobrietatem attinet, malim te Cæleri similem, quem vini parcissimum ne inimici

qui

quidem negauerint (vt Tranquillus ait) quàm Catoni: non Censorium illum senem loquor, de cuius sobrietate iam diximus, sed hunc vltimum cui obiectam ebrietatem Seneca sic refellit, vt dicat facilius effecturum quisquis obiecit crimen honestum, quàm turpem, Catonem. Quod ad id verò de quo agitur nullo modo tripudies malim, quàm vt Scipio. Quòd si te illuc vrget animus, quo nolim, his te saltem ducibus vti velim, vt si penitus tibi infedit illud lyricum: nūc est bibendum, nūc pede libero pulsanda tellus. Sic vinum bibas vt Cato, sic terram pede pulses vt Scipio.

De pile ludo. Dialogus XXI.

GAV.

AT delectat pilæ ludus. R. En aliud claudi ludibrium saltandique. G. Libenter pile lusito. R. Odiosa vobis vt videtur est requies, vndique labores aucupamini, decoros vtinam. Nam si exercitio ludus hic queritur, vtrum precor honestiorem fatigationem furibunda iactatio, in qua nihil animo geri potest, an ambulatio tranquilla præstaret, vbi & membrorum motus utilis & ingenij agitatio honesta est? Quem morem philosophorum quidam sic fecerunt suum, vt hinc secta famosissima nomen sumpserit. An

tu verò Dionysium Syracusium, quàm Stagyritem Aristotelem sequi mauis, quando vt studiosa deambulatione philosophum, sic tyrannum ludo hoc turbido delectari solitum accepimus, quanuis & modestos interdum animos voluptas hæc ceperit. Itaq; & Quintus Mutius Scæuola ille augur elegantissimè hoc ipsum fecit, & diuus Augustus post finem ciuiliū bellorum ab exercitiis campestribus ad pilam transiit, & Marcus Aurelius Antonius, vt de eo scribitur, pila lusit apprimè. Nec tamen vel quia ille diuini atque humani iuris peritissimus, vel hi doctissimi atque optimi principes fuerant, ideo ludus præceps & clamorosus placet. Siquidem motus omnis vehementior, præsertim si clamore permixtus sit, honestum dedecet ingenium.

De ludo alee & calculorum. Dialogus XXVI.

GAV.

A Lex ludus & calculorum placet. **RA.** Damnosum illud, hoc inane, vtroq; tamen idem ille Scæuola, quòdque est altius Augustus Cæsar altero vti solitus fertur. Neque rursus, idèd quòd ille à ceremoniis deorum atque hominum legibus quas excellentissimè calluit, iste à curis summi imperij quod diutissimè atque optimè rexit, tale sibi

inter

interdum laboris diuerticulum elegisset, hoc in te probauerim. Sunt enim & doctis ac magnis viris appetitus quidam peregrini & sui, quorum si vt in doctrinis sic in moribus imitator fueris, facile labi queas, neque enim omnium qui laudantur, laude digna sunt omnia GAV. Alex ludo delector. RAT. Quis non delectetur super pictam tabulam consignatas numeris ossium quadraturas crispanti cubito iactare, quaque ille direxerit trepidantibus digitis rotundas in aciem tabellas mittere? Gloriosum exercitium, & præclarum nomen, & currus, & laureas meriturum. GAV. Calculis libens ludo. RA. O puerile studium. O perditum tempus. O curæ superuacuae. O ineptissimi clamores, stulta gaudia, iræque ridicula, deliros senes impendere alueolo, & pauculis lignis vagis, ac furtim insidiantibus atque latrocinantibus. Vnde latruncularius ludus apud veteres dicebatur, quo lusisse simiam author est Plin. Miraris. Atqui propiè ludus est simiæ miscere calculos, ac transferre, & postea illidere, raptim iactare manus ac trahere, insultare aduersario, & collisis dentibus minari, irasci, altercari, fremere, vicissimque interim (vt Flacci verbo utar) caput scalpere, ungues rodere, & ad summam, omnia facere quæ prætereuntibus risum excutiant.

Nunquid enim horum aliquid, aut vllum penitus amantiae genus omittitis? Nonne ita torquemini quasi vel vestra, vel publica salus in dubio sit? Multi credo praelio vicissent, si quam ligneis, aut eburneis impenderunt curam, veris militibus impendissent. Vix rei vllius tam intensum, tamque ineptum studium inuenias. Sed hoc est in regno stultitiae commune, vt quarum rerum minor est fructus, & cupiditas & delectatio maior sit. GAV. Alea delector. RAT. Ostendam tibi si consilio vti voles generosam, atque honestam aleam, qua olim Athenis docti homines vsi sunt, vt festis scilicet diebus in concilio amicorum quisque de literis aliquid in medium proferat, non sophisma lubricum, vt illi, sed solidum pro ingenio proferentis ad virtutem, aut beatam vitam pertinens. Dehinc collatione facta sine inuidia, sine ira, qui inferiores doctiorum iudicio visi erunt, facili quidem multentur pecunia. Hoc in philosophicas vertatur coenas. Sic res vna conuiuium sumptum, exercitium studio, calcet ingenio ministrabit, quod hinc victos excitet, hinc victores. Hoc alex genere quo antiqui saturnalia, vos pia festa, & quo illi Atticas, vos Romanas noctes instruite. Habes ludum quo & ludere iuuet, & luisse non pudeat.

De ludo taxillorum prospere. Dialec. XXVIE.
GAV.

IVuat ad taxillos ludere. R A. O vorago in-
gēs, inexplēbilis. O patrimoniorum fluxus
tristis, ac subitus. O animi tempestas, & famæ
nubes, & scelerum stimulus, & ad desperan-
dum via. Superiores vtcunque ludi sunt, hic
merus est dolor. GAV. At mihi prosper ludi
huius euentus fuit. R A T. Taxillorum nullus
euentus prosper, mali omnes, & miseri. Nam
& qui perdit affligitur, & qui vincit illicitur,
inque insidias protrahitur. GAV. Prosperè lusi.
R A. Præsens sæpe prosperitas futuræ calami-
tatis augurium fuit, & suas hanc pestis habet
illecebras. Si qui talis ludunt, omnes perde-
rent, nemo vnquam luderet, nunc lucrantur
aliqui, sed lucrum illud arta est damni. GAV.
Lusi & vici. R A T. Bene, nisi in campū redis-
alioquin nullus cāpus planior, nullo in cam-
po volubiliior est fortuna. GAV. Lusi & vici.
R A. Ludes iterū & perdes. Quod vici di-
autem hinc atque illinc mille diripient, quod
perdideris nemo restituet. Adde quod si quid
est iusticiæ, quod vincis nō sit tuum, at quod
perdis etsi non fiat alterius, tuum tamen esse
desinit. Multa sunt vndiq; quæ ab hac insa-
nia bonam mentem dehortentur ac retra-
hant, nisi vos impetus quidam avaricia pul-
sus vrgeret. GAV. Vici in ludo taxillorum.

RAT. Scito autem te ab exactore impio fortis centesimum accepisse, restitues, quod vicisti, & de tuo adicies ut non sit qui repetat, per seipsum euauerit, tūque in somnis felix esse desieris. GAV. Vici & ditior factus sum. RAT. Cum nulla sit stabilis pecunia, sed sua potius rotunditate versatilis, tum præcipue quæ taxillis quæritur: taxillorum ludus nihil ulli donat, eorum maximè qui familiaris illum colunt, sed mutuunt aliquid & extorquet, eo semper immitior, quo blandior visus erat. Nulla enim amarior est iactura quàm lucri dulcedinem degustare orso. GAV. Lusi & lucratus sum. RAT. Gaudere lucro taxillorum tale est, ac si dolci gaudeas veneno utrunque mox per venas erumpet. GAV. Ludo prospero delectatus sum. RA. Peior est delectatio peccati quàm peccatum ipsum. Sunt qui malà cōsuetudine penè coacti peccant, neq; quod peccatum gaudet, sed tristantur, & si fieri possit, non peccasse maluerint. Quosdam vidimus inter ipsas libidinū flammās, quandam velut glaciem doloris ac poenitentiae sentire, & si dici liceat, velle simul ac nolle, peiorem licet in partem mali usus quadā vi detortos, quos haud improbè quis speret usu excessu ad meliorem semitam posse conuertiat qui de peccato exultant. quid de his oro reliquum spei est? GAVD. Deceptor

taxillorum ludo. R A T. Spero fore ne semper, neu diu etiam delecteris, voluitur assidue fundatorum status urbium. Tu stabiles taxillos putas: crede mihi voluentur, & secum in lachrymas gaudium tuum voluent. Neque enim sic voluentur ut vidisti, tunc, inane tibi gaudium, nunc veros gemitus parabunt. G A V. Delectat ludere. R A. Delectatio funesta & turpis corruptiq; animi: ira enim & conuicio dignus es. Nam quis quasso ingenuus. seu quis homo & non potius trux belua delectari queat ludi nomine abundante nequitia atque impietate sceleratissima? Vbi præter hominum vultus nil humanum sit, vultusque ipsi iracundia ac mœrore obscuro confusiq; clamoribus efferati, nec iam sint humani, vbi non decor morum, nō modestia sit verborum: non amor erga homines, non erga Deum reuerentia, sed iurgia & rãcores, & doli, & periuria, & rapinæ, vulnera ad extremum & homicidia quoq;. Nil in deū feruius potest humana temeritas, diuini nominis blasphemia, quibus ante omnes scelerū officinas ille ludus infœlix scatet. Vbi si quos fortè tacitos pudor tenet, crebro tamē suspectates quid labijs cordis agāt, sentiat ipsi. Quis hunc ludū verus homo: nō dicā tractare manibus, sed spectare oculis possit, & non angiprorius, fuguriq; scelesti spectacula scelerate?

G A V.

G A V D. Delector tamen hoc ludo. R A T. Vide ne Cretensium impetratio in tuum caput inciderit, mala consuetudine delectari, quo nil dictu leuius, nil euentu grauius, propiusq; exitio est. G A V. Delector taxillorum ludo. R A. Abiicienda est delectatio inhonestā, & si non virtutis, at saltem famæ studio, & pudoris cura. Nā vix aliud in actibus hominum inuenias, vbi tam clarè mores, & vitia detegantur. Vidisti alacriter in prælium descensuros in hoc ludo tremere atque orare flebiliter, & suum numerū inuocare, quosdam alibi magnanimos, ac tranquillos illic pro parua pecunia, & precari, & irasci, & in finem furere. Quàm multa pro paucis nummis sæpe ibi fecerunt viri fortes, quæ pro ingenti thesauro alibi non fecissent. Ibi enim vitiorum omniū, sed imprimis iræ, atq; auaritiæ regnum est, Meministi vt Naso in eo libro, quo inhonestā quidem ac superuacuum artem docet, vtile tamen interdū aliquid interferit. Amatrices monet, vt ob animi vitia cælanda, ludo hoc, aut simili abstineant, ne conspectæ ira tumidæ aut auaritia exhaustæ amatoribus displiceant suis. Quanto id viris dignius præcipitur, ne non modò hominum, sed dei oculos omnia videntis & bonos animos, moresq; ingenuos amantis, offendant. G A V. Lusi, vici, gaudeo. R A T. Ludus turpis, damno

damnosa victoria, gaudium inane. GAV. Vici.
gaudeo. R A T. Omne de suo malo gaudium
stultum est. Proinde Tartareus quispiam ludi
huius inventor fuit, cuius inscij ludibrio ac
noxæ, scientes verò miraculo subiaceant ac stu-
pori. Nā quid mirabilius, quàm quod veteri
proverbio vulgatum, verumq; iugi experien-
tiaprehenditur? Omnes huiusmodi ludi
magistros nudos esse, atque inopes, & egenos.

De Histrionibus. Dialog. XI VIII.

GAV.

Delector histrionum iocis. R A. Nobilior
multo delectatio illa est, quæ de modu-
latione musica, liberali scilicet quadam arte,
percipitur, hæc solius vanitatis & impuden-
tiæ plena est. GAV. Histrionibus delector. R.
Malim pauperibus, malim amicis humili-
bus, malim tandem solitudine delecteris. G.
Histriones mihi risum mouent. R A. Quid tu
illis? quoties de se dominum ridentem risit
histrion? quoties se mirantis amentiam admi-
ratus finxit aliquid, quo falsò illum, verè se
autem delectaret? GAV. Histriones doctos
habeo. R A. Habes de quibus rideas, quiq; te
rideant & te rodant. Pestis diuigil peruerusta
quæ ab Ethruscis orta Romæ creuit adeò
coq; fiduciæ est euecta, vt Æsopus hinc quæ-

fitum patrimonium incredibile atque in-
 mensum filio dimiserit, & Roscius vagam
 sparsamq; rem arte collegerit, de histrionica
 librum scribens, in quo artem suam orato-
 riæ, seque perinde Ciceroni æquare non eru-
 buit: tam scilicet ob causam quoddam affectus
 animi conceptusq; abditos, quos Cicer. ver-
 bis ornatis variè pronunciaret, ipse alio mo-
 do, sed effectū pari gestibus aptis exprime-
 ret. Et sanè fuit ille mirus artifex, nec scio
 quid tam durum esse vel tam triste potuerit,
 quod non facilè leuisset, non dico qui facil-
 limi atque mitissimi Ciceronis amicitiam
 ingenio meruit, dignusq; pro quo tātus ora-
 tor verba faceret, & de quo scriptum opus
 memoriæ posterorū traderet, est habitus, ser-
 uo qui tetricum ac superbum Syllæ animum
 inflexit, & ab illo omnium contemptore ad-
 missus in gratiam, annulūque aureo donatus
 est, qui tot graues ac seueros senes senatū-
 que illum per quem fræna orbis agebantur,
 quotiens voluit ad risum ac lætitiā coegit.
 Qui populū Romanum tantum & tā variū
 sic illexit, vt diurnū salariū de publico mille
 denarios sine gregalibus ac ministris solus:
 ipse perciperet? Magna merces, quāuis exi-
 gua singatur moneta, non sine mira quadā &
 insolita agilitate animi hoc fieri posse cōsen-
 serim, vt si quis vsquam Roscius affuerit non
 tibi:

tibi fortè sit veritū, quod Cicer. licitum fuit:
 non solum ludis interdum, sed familiaritate
 eius & ingenio vri. Est enim ingeniis inter
 se, quanquam studio & professione distanti-
 bus multa cognatio: vbi verò hūc quærimus,
 multum breui tempore nobilissimæ artium
 retrocessere, ne dicam histrionicam, quæ eo
 rediit: nunc illi deditos corrupto gustu fal-
 sōque iudicio esse non sit dubium. Profectò
 enim consequens est, ut quibus mala bene
 sapiunt bonā illis ignota sint, & curis nobili-
 bus insuetos esse, qui vilibus delectantur.
 GAV. Multi quotidie me frequentant histrio-
 nes. RAT. Frequentare te desinent, cum tu
 diues aut largus, dicam rectius, cum tu stul-
 tus & prodigus esse desieris. GAV. Magna
 mihi acies histrionum est. RAT. Immo musca-
 rum quæ te vinctum comitentur, siccūque
 destituant: nec destituisse suffecerit nisi hunc
 plausum par sequatur infamia. Sunt linguæ
 quibus quies ac silētium poena est, nunquam
 verò nisi de aliis loqui iuvat, aut falso lau-
 dant, aut liuidè detrahunt: & quorum ne-
 queunt mordere diuitias, famam mordent.
 Vna est histrionum atq; parasitorū lex, vtri-
 que blanditiis armati, post fortunam eunt.
 Verū illis ventrem impleisse satis est, his
 alia fames cibi mentio iniuriæ genus est,
 implenda cupiditas fundo caren-

Palæstricis delector ludis. R A T. Si spectator vanus, si luctator insanus. G A V. Palæstricis exercitiis vaco. R A. In singulis verbis cuius domini mancipium sis, apparet. Nempe hæc ut superiora corpori seruiunt, quod ut paulo ante commemorari, & aliquanto honestius sine impetu & sine strepitu fieri potest. Et est agitatio quædam animi nobilior, quàm si nosces, hos corporeos conatus & sperneres & odisses: sed vos animũ quasi hospitẽ, degenerem atque inuisum, corpus ut dominum, generosum ac dilectum colitis, illi seritis, illi metitis, illi aratis. Iure id quidem, illud iniustius quod eò omnia refertis, curaque animi posthabita noctes illi insomnes agitis, illi suspiratis, vota illi facitis, ingenuasque artes illi discitis, illi demum obsequimini, ac seruitis sumptuosissimo dominorum omnium atque ingratisimo, cui nec vnquam satis aliquid, nec si quid aliquando defuerit, vlla vnquam memoria sit accepti huic tamẽ tali domino quicquid iusserit paretis, atq; esuriẽte animo huic vni non tantum necessaria sed superuacua vndiq; ac nocitura cõuchitis, neq; ea solũ, quæ ad victum pertinet ac vestitũ, de quibus suo egimus loco, sed quæ ad ludos etiã variãmq; libidinẽ,

non

non videntes quam vestris aduersa consiliis
 ipsa sit veritas, quæ disertissimo Ciceronis
 ore loquitur, vnde appareat quod qui cor-
 pus negligit, nō se ille, sed fragile caducū-
 que domicilium: at qui animum, ille sese ve-
 rō negligit. Neque enim ait, tu is es quem
 formæ ista declarat, sed mens cuiusque is
 est quisque, nō ea figura quæ digito demon-
 strari potest. GA V. Palæstræ delector exerci-
 tio. R A. Quadrigarum feruor, & equorum
 strepitus, & ardentes rotæ per angustias in-
 offensæ, & luctantium plausus, atque colli-
 sio, oleū, sudor, puluis mirabilis, seu illa qui-
 dem oculorum, seu aurium, seu narium vo-
 luptas, hebetatūque sensus, indicium ingens,
 qui si sanus integrūque esset, non clamorum,
 atq; tumultuum officinæ quas palæstras vo-
 cant, sed observatio diligens palæstræ huius
 quam nascentes ingrediūtur, quam viuentes
 atterunt, vnde digrediuntur obeuntes, atque
 vtilior quædam, honestiorque suauitas dele-
 ctaret. GA V. Studio deditus sum palæstrico.
 R A T. Fuit hæc quidem apud veteres non vl-
 tima gloria, sed tam magna, vt seni illi Rho-
 dio Diagoræ, qui & ipse palæstrita insignis
 fuerat, cum duos vno die filios palæstricis
 insignitos victoriis conspexisset, quasi nihil
 clarius iam restaret quo aspirare posset in
 vita, amicus alter Lacedæmonius senex di-

ceret, morere Diagora, non enim in cœlum
ascensurus es. Tam magnum tamque altum
censebat tres simul vnus familiæ palæstritas
esse Leucula prorsus, & Græcula veræ laudis
extrimatio, se l cōmunis adeò vt magna etiā
turbaret ingenia. Vnde & Plato tantus phi-
losophus Olūmpionices clarus fuit, inq; hac
arte multis notus euentibus, adolescens ta-
men. Amplitudo quidem, vnde Platonis no-
men ortum putant robúrque corporis & æta-
tis feruor, iuuenilem animum impulerant
ad experimentum virium vbi cum summis
quoque par esset, accessu temporis, cognito
quid ageret, ad meliora se transtulit, Socrati-
que similis fieri maluit quàm Miloni. Et sanè
multa ætas excusat: Facile teneris annis
ignoscitur: vanitatis excusatio nulla est viro.
G A V. Palæstræ studium delectat. R A T. In
hoc sæpe vilissimus omnium superior fuit,
& corporea mole animi virtus est oppressa.
Quem tu mihi ducum vel heroum proferes:
quem Milo ille non superet, qui ad stadium
bouem viuum gestans humeris cucurrit, eū-
démque nudæ ictu manus occisum vno die
solus haud grauatus integrum comedit? Mi-
ra res dictu sed apud historicos vulgata.
Quis huic igitur in Palæstræ suæ regno par
occurrerit? Atqui nihil indignius quàm ge-
nerosos spiritus tali beluæ, succumbentes

cedere, & idcirco nobilibus animis bene sibi
 fidentibus summopere providendum est, ne
 sit. sponte descendant ubi ab ignauissimis
 vinci queant quin tu si contentionibus gau-
 deris, id tibi sume certamen, in quo semper
 fere superior qui melior, non de corporum
 viribus aut omnino de re vlla ubi peior idē
 esse possit & victor. Non de opibus ergo, non
 de dignitate, non de potentia: sed de scientia
 ac virtute contendendi que eo animo, non ut
 cuiusquam famæ obstrepas, sed ut alienæ
 laudis æmulatione tibi sit caleat ad gloriam:
 nullæ ibi sint penitus partes invidiæ, sed vir-
 tutis. Habes & hic exemplum Catonis huius
 ultimi, de quo Crispus: non diuitilis inquit,
 cum diuite: neque factione cum factioso:
 sed cum strenuo virtute, cum modesto pu-
 dore, cum innocente abstinentia certabat.
 Honestissimum hoc palæstræ genus quo te
 exerceas, non tantum Olympiæ, sed ubique
 non minus in thalamo quàm in foro: nec
 minus in ocio quàm in actu, neque cum præ-
 sentibus modò, sed cum absentibus quoque,
 cumque ætatum omnium ac terrarum viris
 illustribus. Semper enim memorabile ac
 magnificum illud Scipionis apud Liviū
 iudicavi: maximo inquit, cuique id acci-
 dere animo certum habeo, ut se non cū præ-
 sentibus modo: sed cum omnis æui claris

120 F. PETRARC. DE REMEDI
viris compareret. Tu quoq; vel de grege præ
sentiū si occurat, quod vix spero: vel ex omni
memoria vetustatis quemlibet tibi parem ce
ligo: cum quo non vlnis aut castibus: sed in
genio ac virtute luctabere, sine metu pericu
li: sed immarcescibilis spe coronæ. Hoc de
palæstris consilium, hæc sententia mea est

De variis spectaculis. Dialogus xxx.

GAV.

DElector variis spectaculis. R A T. Circo
forſan, an theatro? quæ duo loca bonis
ſemper aduerſa moribus fuiſſe notiſſimum,
quò quiſquis malus ierit, redibit peſſimus.
Nam bonis iter illud ignotum eſt, qui ſi caſu
aliquo ignari adeant, contagio non carebūt.
c A V. Circo delector atque harena. R A T.
Atqui delectationes aliæ vanum ſeu libidi
noſum aliquid habuere, hæc vtrunque, ſu
peradditamque ſæuitiam & inhumanitatem
habet, bonis animis rem indignam. Neque
excusât, quòd his ipſis Romani olim, ſos ho
minum, delectati ſunt, recto namque iudicio
vrbs illa alioqui abundantiſſima bonorum o
mnium; atque illuſtrium exemplorum, nihil
omnino reprehendiſſimum habuit reliquiſque
deformius ſibi quæ inuicem, quàm hinc diſ
cordiarum civilium, hinc ludorum ſtudium
im-

inmodicum, quasi non sufficeret bellorum
 cruor domi militiaq; nisi cruenta pax esset,
 cruentaq; etiam voluptates, nisi idcirco for-
 talis honestius quis theatrum dixerit, cui pa-
 riter inhiantes videas non modò populum,
 sed senatum atque ipsos mūdi dominos Im-
 peratores Romanorum. Sic spectaculis cap-
 iebantur illi etiam qui humano generi spe-
 ctaculum facti erant, tam mirabilem dicam,
 sed cognitam, vulgatamque. Sic cunctorum
 animos theatrialis furor ille peruaserat, vt
 non modò coniuges Caesarum aut filias, sed
 virgines quoque Vestales in publicum atque
 in turbas educeret, quarum pudicitia nihil
 exactius, nihil fama tenerius, nihil conserua-
 tione secretius, vsque adeo vt in eis omnis
 motus, omnis cultus, omnis sermo lasciuior
 nota dignus, ac supplicio haberetur, & tamen
 his ipsis in theatro locum assignasse legitur,
 non quicumque, sed summus atque optimus
 principum Augustus Caesar. Neque minor
 est ideo erroris quo magni errant, sed maior
 potius atque conspectior. C A V. Libenter
 scenicos ludos specto. R A T. Rem quæ nec
 honestè geritur, nec honestè cernitur, nec fa-
 cilè dictu est an lusor infamior, an spectator.
 & an scena sit turpior, an orchestra, nisi quòd
 in illam sæpe quidem paupertas, in hanc ve-
 rò semper vanitas trahit. In omni sanè deli-

Et plurimum interest, utrum inopia, an libidine, seu superbia quis delinquat. G A V D.
Amphiteatri spectaculis oblectot. R A T.
Dāmnosa undique & publicæ priuātique
nocens delectatio, quod faciliè colliges, si in
animum redeat ex historiis rei huius initium,
progressusque quanto publici census impendio,
quantāque insanix proxima ducum cuta,
quanto demum populi studio ac labore
constiterit. Equidem & tot vana dinumerare
difficile est, & tam vulgata superfluum, mille
simul gladiatorum paria non ludo tantum
fatis multa, sed prælio elephantorum, tigridumque,
& leonum ac pardorum greges,
onagrorum quoque equorumque ferocium
atque animalium diuersissimi generis è toto
orbe transmissos, omnium terrarum syluis
omniumque gentium venatibus Romano
famulantibus theatrō. Adde illam ædificandi
luxuriam exemplo carentem, non imitatione
carituram, conuectas terra pelagōque
marmoreas columnas in ludorum vsum, &
artificū summis ingeniis expolitas & verticibus
superbas, auro rutilante frondentibus:
cuius princeps insanix nominādus est Scaurus,
is qui ædilis in theatri scenam opus dierum
paucorum, & quod paucis lignis ac funibus
attolli poterat, suffecturum oculis
populi talibus gaudentis trecentarum sexaginta

xaginta talium columnarum monstra intulit: fecitque opus, ut scriptum tenes, maximū omnium quæ vnquam fuere humana manu facta, non temporanea mora verum etiā æternitatis destinatione, quo promeruit ut verissimè diceretur, proseriptione primum graui ciues idem post adilitate leuissima mores bonos in exilium pepulisse, ut qui multi perditū temporis manu plebeculæ multarūque inuitum impensarum Reipub. auctor & exemplum fuit. Sed ò mirum dictu, mox furorem hunc vicere sequentium furores, quibus effectum est, ut miraculo operum ac numero fateri oporteat, præter Romam nihil mirandum fuisse in toto orbe terrarum, Nam & hoc itidem scriptum vides, penetrata terræ intima, perfossæ silices, egestæ rupes abdita, auersi amnes & in fistulas coacti, inclusum aut exclusum molibus irarum æquor, suspensa iuga montium, tentatæque marium recessus, denique stratum latè signatūque nepotibus iter insaniendi: & impleta in vobis spes auorum, nunquam scilicet defuturam esse luxuriam. Et ut cumulatiū malum sit, publicis damnis accedit calamitas priuatorum, qui spectandi cupidine compediti, & quotidiani interim quæstus immemores: neque diem labi sentiunt: neque armatam tergōque instantem respiciūt egesta-

tem: sic vicissim & priuata in publicam, & publica perniciēs in priuatam vertitur. Neque verò patrimoniorum iactura grauior, quàm morum vbi libido discitur: humanitasque dediscitur. Proinde quid de spectaculis speraretis, iam inde ab exordio primus regum vestrorum Romulus omen fuit, quā in his rigidam retriciamque illam Sabinatum pudicitiam circumuenit. Et si vtrumque matrimonij honor texit iniuriam, at quā multis hoc postmodum non ad coniugium, sed ad stuprum vagamque licentiam fuit via? Ad summam enim hoc teneas velim, pudicitiam spectaculis sæpe stratam, semper impulsam vidimus. Et ut fileam viros quibus is scelerum furor est, ut penè iam adulterio gloriètur: multarum ibi fama periit, pudorque, multæ inde domum impudicæ, plures ambiguae redire, castior autem nulla. Iam verò quæ corporum clades, ne quid prorsus desit infortunij, quæue non singulorum modò, sed populorum strages, indicio sunt & risus subitò versus in gemitum, elaræque funera theatri, & plaudentium choris mixtæ lugentium, cohortes. Audisti ut Curio is, qui ciuili bello pro Cæsaris partibus in Africa occubuit, ut Scaurum quem opibus æquare non poterat, ingenio superaret, non marmoreum (ut ille) sed ligneum theatrum duplex tamen, & pen-

file

hic meditatus, populum victorem, gentium
ludis victum & periculis plaudētem suis mi-
ra arte suspendit, vt ridentes interius stupen-
tēsque ipsi exterius, spectatoribus risu fierēt
ac stupori. Et miramur imperij spe obiecta
vnus licet magni exulis animum flectero
potuisse, qui oculorum leui breuique volu-
ptate proposita, tot milia ciuium volubili
spectaculo circumuoluit. At nemo ibi perit,
dicit aliquis, sed perire potuere, & perire a-
libi innumerari. Neue attingam nouas simul
ac veteres ruinas, quibus sæpe multi mortē
simul ac tumultū inuenere, sub Tyberio prin-
cipe celebri spectaculo apud Fidenam urbē,
amphitheatri lapsu oppressa viginti hominū
milia meministi. Hic spectaculorū fructus,
hi sunt exitus. GAVD. Spectaculis cum vo-
luptate detineor. RAT. Aut fictis amoribus,
aut veris odiis. Primum equidem nō est viri,
secundum verò nec hominis spectare. Quis
ferrū ingulo latus exceperit? Quis feruido
vulnere plus cruoris effuderit? Quis minus
conspēcta morte palluerit? Quid crudelitatis
ad scholam ire iuuat? Non egetis præcepto-
ribus, nimis nociles malo aum estis. Plura per
vos domi discitis, quàm necesse est. Quid si
tam promptis ingeniis artifices scelerum, ac
magistra errorum plebs accesserint? Multos
quos mites natura fecerat, sæuitiam specta-

cula docuere. Mens hominis in vitium pro-
 na nō vrgenda utique, sed frænanda est, si sibi
 linquitur ægrè stabit, si impellitur, præceps
 ruet. Multū mali auribus inuehitur, sed mul-
 tō plus oculis, illis quasi fenestris bipatenti-
 bus in animam mors irrumptit, nil potentius
 in memoriam descendit, quam quod vſu ſu-
 bit, ſacilè audita præternolant, cōſpectarum
 imagines rerum hærent etiam inuitis, nec ſe
 tamen niſi volentibus ingerunt, niſi perarò
 atque ocuſ abiturè. Quo pergis igitur? Quis
 te rapit imperus? ut ad horam gaudeas, vnde
 ſemper doleas, ut videas ſemel quod vidiffe
 millies pœniteat? Iugulari ferro hominem,
 aut ſerarum dentibus vnguibusque diſcerpi,
 aut tale aliquid quod & vigilẽ turbet & ſo-
 pitum terreat, neſcio quid hic dulce, ſeu quid
 non potius amarum, aut triſte ſentitis: nec
 ullum in vobis maius inſaniæ argumentum
 video, quàm quod quotidie & vos ad mor-
 tem miſeris delinimentis illectos, velut Sty-
 gio ſopore dimerſos, duleedo amara, & dele-
 ctatio inamœna præcipitat. Vna eſt enim vo-
 bis lex rerum ſerme omnium: quicquid cu-
 pitis, quicquid molimini, quicquid agitis,
 contra vos eſt.

De equis. Dialog. XXXI.

G. A. V.

Equo

Equo agili delector. R A T. Ferocissimo
 & inquietissimo animâ infomniq; &
 inexpléta voragine. C A V. Equo libens cir-
 cumuector. R A T. Non multo est peius mari
 turbido quàm frementi equo rapi. Nullum
 animal insolentius domino suo est: nec ine-
 prè iam equorum domitoribus in prouerbii
 venit: bis equum malè facere, quamuis hinc
 humile, hinc superbium sit, qui illis viribus
 atque pernecitate, pro vili cibo fieri ulterius,
 domarique, duris stringi fasciis, nodosque
 sine vinciri, fræno frænari, ferro calciari,
 pertusa clauis ungula ferro vgeri, ferratum
 ferre vectorem, turpem carcerem ac grate
 seruitium pati possit? Inde autem quasi indom-
 itus, non tantùm pro libero sese gerat, sed
 vt domini sui hostis agit omnia: si currun-
 dum est stimulos non audit, si subsistendum
 fræna mordicus rapit, si fremendum torper,
 latea dum fremit: obsequiosum illud vt
 perhibent fidumque animal de quo tam
 multæ iactantur fabulæ, animal nobile, rê-
 gium optabile, colendumque dignum quod
 enormi pretio comparetur, anxia nutriatur
 curat: immo verò animal, quod si conferan-
 tur cum obsequiis cædia, nemo sapiens emat,
 nemo diligè pascit, animal & ocij impatiens
 & laboris illo tumidum, hoc deiectum nunc
 impetuosum animal, nunc ignauum, nunc
 audax

audax, nunc trepidum, nunc volatile, nunc
caducum, hinc culicum metuens atque um-
brarum, hinc dominum suum spernens, di-
versisq; illis viis in discrimen trahens. Quia
contumaciam, quis morsus aut calces explē-
cet? Quis hinnitus & ascensoris impatientia
ac sessoris? Equidem quos equorum mores,
totidem equitum constat esse pericula. G A V
Equorum studio detineor, & A T. Mirarer ni-
si ingentes vitos vsque ad ludibrium captos
hoc studio meminissem. Quis Alexandrum
Macedonem non audiuit, amato equo tu-
mulum erexisse, urbemque de equi nomine
appellatam? Sed nihil in illo mirabile viven-
te impetus & animi feruor fecit: mirabilior
in Augusto quamuis minor ineptia: neque
enim urbem equo ille suo instituit, sed sepul-
chrum, idq; ipsum ille gravitati atque inge-
nio impar fuit. Nam diui Iulij monstrosus
sonipes, an ab ipso, an ab alio ante ædem Ve-
neris marmorea sit consecratus effigie dubi-
tari potest. Minor multo ætate vel gloria,
verum opib; ac Cæsareo nomine pene æqua-
lis Antonius verus, ut fileam quem victum,
quem ve amictum equo, quem immodicè
amabat exhibuit, certè & viventi simulachrum
aureum fieri fecit, & mortuo sepulturam
(quo gravius stomachemur) in Vaticano
extrui, tot inter sacra ossa ibi condita, & con-

denda. Vix credibilia loquimur, vera tamen.
 Horum similiumque conscius vates, horum
 animas apud inferos quoque equorum stu-
 dio deitas facit. Nec minor ideo, sed maior
 est vanitas, quæ tam magnos ad se animos
 trahere potens est. Neve quis priscam tan-
 tum non modernam amentiam suspicetur,
 redeat ad memoriam, nec longè seu loco, seu
 tempore requirendus, adhuc enim vivit, nec
 dum senuit, & in terra Italica vobiscum de-
 git is quem nominare non est necesse, fortu-
 næ utique vir ingētis, nec parui ingenij con-
 filii que, vir alioqui magni animi nec insulsi
 ubi quid inferio agendum incidit, qui tamen
 ægrotanti equo quem amabat, aureum pul-
 uinar ac sericum cubile substravit. Cùmque
 ipse interim podagra vinctus, atque immo-
 bilis medicorum legibus regeretur, nihilo-
 minus tamen aut servorum vectus manibus,
 aut equo altero vix iniectus, & suos medicos
 secum ducens, equum ægrum suum bis, tér-
 que quotidie visitabat, illi suspirans atque
 anxius assidebat, illum leuiter manu tractans,
 blando murmure solabatur. Quid multa?
 Nullum medicinæ genus intetatum, nil lan-
 guenti amico debitum prætermissum fuit.
 Fabulam fortasse posteritas vocet, vera res &
 magno in populo nota est. Sic vir fortis cu-
 ram equi gessit ut propriâ, sic extinctâ luxit

ut filium. G A V. Delectat equitare. R A. Est id quidem utile interdum & celeritati adminiculum & fatigationi remedium & nobilitatis insigne, nec inficior gloriosum vulgo extantem, insigni equo vehi & cunctis excellere, nec vertice solo, sed humeris & toto penè corpore suprà esse. Contrà verò laboriosissimus, & sæpe domino suo pestifer immitis equus. Optes iter pedibus agere, tam nulla est respirandi vel minimū facultas, equestre periculum pedestri luto, seu paluere permutatum velis. Proinde multos mediæ de morte rapuerunt equi, multos in mortē impulerūt, aut alliserunt, aut corporibus oppresserunt. Quid? quod nō vltimū belli semē equi sunt? Tolle equos, peregrinos terris incurfus partemq; maximam bellicæ clapis abstuleris: ut quod de vêtis in natura, quodq; de Iulio Cæsare in historia est quæsitū, expediensne fuerit aut flare ventos, aut Cæsarem nasci? & de equis similiter quæri possit: tam multa sunt vtrinque cōtraria. Nec immerito Thessalia, quæ prima equos reperit domuitque, prima aureum argenteūmq; nummū cudit, prima pelagus rate tentauit, Martis seminariū visa est, quod non semel tot post sæculis multo clarioq; sanguine paruit. G A V. Quàm me putis inuēt poëta noster vbi nobilis equi spiritum in præseque descripsit? R A T. Nec te terret

Hebræ

Hebræorum vates ubi ait, ab increpatione tua Deus Iacob dormitauerunt qui ascenderant equos. Excute singula non tam illud leue quàm hoc asperum.

De venatu & aucupio. Dialogum. xxxii.

GAV.

AT canibus gaudeo. RAT. Nunc intelligo adolescentis imberbis gaudium, de quo Flaccus: gaudet equis, canibus & aprici gramine campi. Vide autem ne & quod sequitur sis: careus in vitium flecti, monitoribus asper. Vitilium tardus prouisor, prodigus æris. Sublimis, cupidus, & amata relinquere pernix. Hunc te enim esse metuo, qui gaudium tuum in fugacissimis rebus loces. GA. Canibus ac volucris delector. RAT. Hoc infanti deerat, non satis est currere ac vagari, volare etiam instituis? GAV. Rides me, non volabo equidem, sed volantibus delector. RAT. At ille delectationem tuam despicient abeuntes, nec te noscent, & ingratæ se vocanti surdas exhibebunt, quid implumis facies, data voluptas tua est? Finge, redeant, damnosa redit occupatio, iterum clamabis & oblitus melioris negocij diem perdes: iterum retro acclius & oculos fixus in nubem post auiculam tuam, flebis, quasi nil necessarij operis vita ferat, ex commodo otiosi

& lenti, vos volucrum seruos esse gloriamini. Natura vobis duas manus fecerat, vos hanc fræno curuis, hæc vnguibus occupatis. Sic inutiles vndiq; & volandi studio manci effecti, ne nihil agere videamini, multo cum strepitu ante diem surgitis, & quasi sint hostes in limine præcipitanter erumpitis, tota de hinc luce iactamini stagnis, syluis ac vepribus, implentes cuncta clamoribus dissonis & incondito vlulatu: inq; hoc spiritum nulli maiori reiabilem effundentes spiritum, quo maiores vestri bello terrebat hostes, pace iustitiam defendebant. Serò autem re veluti bene gesta, domi sedetis altercantes quàm bene vel quis hæc volauerit vel illa digesserit, quot sint caudæ, quot alarum plumæ superstitæ, quot emissæ. Nonne hæc omnis scientia vestra est, his amor, hæc fœlicitas, & hoc totum quod creatori Deo, quod altrici patriæ, quod parentibus, quod amicis redditis, accipitres, aut erodios vestros sonantes in nubibus, & laniatæ prædæ paululum, & sudorem, & puluerem, & nocturnam perditæ lucis historiam? In hac enim indefessi semper & validi, delicati autem & imbecilles ad seria. Liuij historias, & Ciceronis orationes. sacrâsque nec pudet literas, prolixitatis arguitis. Quis hæc inoffensis auribus audiat? Quis vos ferat id aliud natos in his vivere, si modò viuitis hæc
agen

agentes? GA V. Canibus atq; auibus delector.
 RA. Atqui ducum, & illustrium multos equis,
 quosdam canibus delectari solitos audiui-
 mus, eouſque vt Adrianus imperator nō equis
 ſolū ſicut hi quos ſupra memorauimus, ſed ca-
 nibus quoque buſta cōſtruxerit, oppidumq;
 inſuper eo loci vbi vrlām proſperā venatione
 peremerat manu ſua, ſæpe & mactare ſolitus
 leonem, auibus nullum ferē, vnde & iruſum
 ferunt à Virgilio Marcellum Auguſti nepo-
 tem, quōd dare his operam adoleſcentulus
 videretur. GA. Venatu libenter exerceor. RA.
 Fuit hæc quondam Latinorum, nunc Gallo-
 rum ars propria eſt, quod & res probat, & illo-
 rum ſcriptores aliqui gloriātur. Itaque vt ſi-
 leam reges quorū tota vita venatio eſt, ſum-
 mus apud illos regum quātum ab armis occiſi
 fuit, venatu (vt vides) aſſiduo ſemper exerci-
 tus, ad extremum morti proximus venatu
 etiam laſitudinem ſeneſtutis, atque incom-
 moda reſouet. Mirū dictu, in rege præſertim
 literato, nec à ſtudiis melioribus abhorrente,
 ſed gentilitium hoc illi erat (vt perhibēt) ſit-
 que gentilitium, finite, neque hanc gloriam
 Gallis Itali eripiant, neque velint de vanitate
 contendere. Nam ſi errore depoſito in rem
 ipſam figis oculos, ſeminobilium vltimi ordi-
 nis exercitium hoc videbis, quos à rebus ar-
 duis torper quidam, & ignare comes diſſi-

dentia ab humilibus autem pudor ac superbia dehortantur & retrahunt. Ad honestum igitur nihil idonei sylvas colunt, non vitā solitariam acturi, cui non minus quam politicæ se ineptos sciunt, sed feris ac canibus, & volucris conuicturi, quod nō facerent nisi illis similitudine aliqua iuncti essent: qui si ex hoc voluptatem quādam, seu solam temporis fugā quærunt, vtrinque stulti, voti compotes forsitan euaserint. Sin, nescio quam, seu ingenij, seu magnificentię gloriam aucupantur, errant. Quænam quæso non principibus modo, sed ingenuis est gloria, mechanicis immo & seruilibus delectari artibus, atque negociis? vna horum excusatio. Nam qui liberalibus studiis (quæ maiores coluerunt sui) atque omnino literis indixerunt bellū, quoniam potius quā ad hostilia castra transfugerent? Sed pudebit forsitan, si ad antiqua respiciant, seq̃: cum maioribus metiantur ac comparent. Sæpe quidem legere potuerunt & Platonem philosophantem, & Homerū poetantem, & Tullium orātem, & Cæsarem triumphantem, venantem puto non legerint.

De numero famulatu. Dialogus. XXXIII,

GAV.

Magno circumuehor famulatu. R A. Ob-
 scureor dicere voluisti. G A V. Magnus cir-
 cir

circumstat ordo famulorum. R A T. Dic, quòd
est hostiū, à quibus (quo nihil est durius) ne-
queas cauere, qui latebras domus introspi-
ciant, prodantque cōsilia quæ nouerint vt ef-
fundant, quique præter fūrta continua, quod
nulli vnquam accidit obfesso, vestiendi tibi
interim pascendiq; sint, inque ipsis penetra-
libus habēdi: durum ac dubium belli genus,
pace carēs & induciis, vbi sub tuis signis ho-
stilis muros habet exercitus. G A V. Serui mihi
multi sunt. R A. Multi serui, multæ lites, mul-
tæq; discordiæ, multa denique bella dome-
stica, quorum vel spectator fœdus vel labo-
riosus compositor sis oportet, intèrqi reos &
accusatores medius seruis tuis seruias, iudex
factus ex domino. G A. Multos seruos habeo.
R A. Curiosissimum animal seruus ad inqui-
rendum, negligētissimum ad obsequendum.
Quid agas & quid cogites nosse vult, quid
iubeas, ignorare. G A V. Seruos multos habeo.
R A. Melius pauci seruiunt quàm multi, siue
ideo quòd gratum obsequium turbam vitat,
siue quòd vbi multi sunt, alter alterius aspi-
ciens manus quiescit. Laborem fugere vt in-
dustriis pudor, sic inertibus gloria est, quòd
ita esse norunt omnes: nullus consulit, nemo
est qui non multitudine delectetur. G A V.
Mihi multi serui domi sunt. R A T. Vbi serui
multi, multus strepitus, pauca seruitia, &

tum est norunt paucissima, volunt nihil nisi
quod venter soporque suaserit ac libido. Nil
humilius nilque abiectius horum ingressu
nil insolentius, nilque infidius progressu: nil
inimicitius demum, nil odiosius eorum egres-
su. Durum est cogitare ne dicam pati, ut per
dominorum domos inflati elatique ambu-
lant, seruitiumque polliciti dominum viur-
pant, exercendique tyrannidem, & quasi ad
vastandum conducti non tantum devorant
universa, sed spargunt, gulamque largitioni-
bus adiuvant, de alieno prodigi, avarissimi
ad rapinam. Quos si quando ad se pudor aut
necessitas reflectit, ut se servos esse memine-
rint, quam superbè, quam quæsulè, quantoq;
cum murmure servant, quis ignorat? ut me-
rito possit non precio emptum modo, sed gra-
tuitum quoque seruitium huiusmodi fasti-
diri. ad extremum qui clandestinas domi a-
gebant, ubi limen excesserint cum iniuris
dominis apertas inimicitias linguis agunt,
armis si liceat, acturi. Et si quis horum fortas-
se conviciis abstinet, non id prioris amor
domini sed sequētis timor efficit: cui ob hoc
vilis suspectusque fieri metuit de se similes
coniectanti. Quibus ex rebus, nisi oculos ti-
mor obstrueret, sole clarius cerneretur quan-
to sit satius omni tali seruitio caruisse. GAV.
Vtrunque mihi latus servi ambiunt. RAT.

Serui nomine, re (vt dixi) hostes acerrimi atque impij, & absque his viuere superbia vestra non potest. Inq; hoc (vt in multis) malo vestro miseri gaudetis. In hoc maximè diuitias optatis, in hoc terras & maria pererratis. In hoc aurum & cumulatis & spargitis, vt acies hostium vestrorū densior sit indies atque munitior, An fortasse nō ita est? an aliud concors diuitū habet opinio? Nulla ferè alia re mediocris fortunæ bene institutā domum opulentissimè Persarum aut Lydorum regiæ cedere, cum in multis excedat quàm quod illa plures pascit & lautius. G A V. Seruorum me circumfusa tegit cohors. R A. Immo soli obtentu seruitij vrget & comprimit sonorifque compedibus vinctum trahit, vt & tibi iure optimo dici possit: quid fecisti miser, vt tot custodibus indigeres? G A V. Serui me undique circumuallant. R A T. Nulla fuga, nulla spes igitur est salutis. Malo quidem suo pertinaciter delectari, desperatæ dementiæ est. Atqui ob hoc vnum & optandā paupertas & amandā erat, vt cum certis opum malis nexibus, tum vel maximè te seruorum dolis ac fastidio liberaret.

De magnificentia adium. Dialog. XXXIIII.

G A V.

Magnificentissimæ mihi sunt ædes. R A. Quid hic dicam nisi Tullianum illud:
Orn an

Ornanda est dignitas domo, nō ex domo co-
 ta quærenda: nec domo dominus, sed domi-
 no domus honestanda. G A V. Ornatissimæ
 ædes sunt. R A. Quid hinc tumes? Architecti
 laus est non tua. G A V. Ædibus amplissimis
 habito. R A. Vbi fures latent, tu vageris, ser-
 ui luxuriētur, vulgus hæreat, liguriant para-
 siti multiplicis tædij capax locus. G A V. Ma-
 ximis ædibus habito. R A. Vna est vrbium &
 domorum lex, nō statim melius habitat qui
 latius neq; enim quam latè habites, sed qua
 latè requiritur ad beatam vitam. Sæpe vel in
 palatijs regum labor dōlorq; habitant, vel in
 tugurijs inopum quies & gaudium: quod si
 amplitudo domus aut forma præstaret, no-
 bilissima artium esset architectura. G A V D.
 regijs ædibus habito. R A T. Quasi verò cu-
 ras morbosque locus arceat, siue ad prehen-
 denda turrium fastigia mors egeat scalis.
 Nōne in regia Tullus Hostilius habitabat
 quando ictus est fulmine? In regia quoque
 Tarquinius Priscus quando percussus est fer-
 ro? In regia deniq; Superbus, quando pulvis
 est regno? Nullus locus periculis inaccessus,
 nullum limen morti clausum. G A V. Habi-
 tatio mihi propria atque perpetua est. R A-
 T I O. Immo verò parui temporis incolatus:
 instat dies commigrandi: ciuem fingis, adue-
 na es, conductoque habitas: veniet qui te nu-
 dum

& in plano cultisq; in agellis habuere quille-
 tos carpentem lumnos, quam te sapienter de-
 spidis incluisse, notamus: et echin vltulan-
 tem, teque tua muliere suspectum et amulio-
 sum omnibus reddidisse. An & Publius fa-
 ctum excidit, qui quantum inter primos ve-
 bem Romam seruit o regio liberasset, ten-
 tiens tamen se suu xalum suspectum ple-
 bi, vt seipsum licet indigna suspitione libe-
 raret, domum suâ de monte depulit. **GA. V.**
Arx inexpugnabilis est mihi R. A. T. An illud
 verus proverbium non audisti Nullum inex-
 pugnabilem locum esse, in quē asellus ang-
 stus auro possit ascendere? Trahit oppugna-
 tionem arx munita non impedit. Resistit ali-
 quātulum Senonum insultibus arx Tarpeia,
 Penorum Tarentina, donec viriq; opportu-
 no remedio succursus est. Illi Camillus af-
 fuit, huic Fabius. Sed an gemina arx Locre-
 sis ab ipso defendi quivit Hannibale? Prose-
 sto nec Ilium ipsum, nec Byrsa defendi po-
 tuit, nec Corinthus, quæ vna peruetustam in-
 expugnabilis fumam habuerat, sed hanc sibi
 Mumius victor eripuit. Nōne ante hos se-
 ptuaginta annos Prænestina arx: qua nescio
 an vlla vsquam fortior esset atq; munitior,
 ab illo magno hoste, quia armis non pote-
 rat, blanditiis ac promissis fallacibus capta
 fuit ac diruta, & vix tandem velut é longæ-
 ua se-

ua febre fragilior resurrexit. Ad summam nil
 inexpugnabile, tutum nihil ab humanis frau-
 dibus est. G A V. Arce subnixus munitissima
 nil timeo. R A T. Arces pestiferā multis con-
 fidentiam præbuere. Multi qui tuti sine arci-
 bus in pace vixissent, arcium fiducia ausi
 sunt, vnde ipsis in arcibus periere, vt illic po-
 tissimum audacia domaretur vnde orta erat.
 Non sunt ad audendum irritandi animi sed
 frenandi. Omnis magna securitas, nisi quæ
 de Deo oritur, stulta est. G A V. Habito in arce
 munitissima. R A. Vt sit aliquid arx hæc tua,
 quid est aliud quæso quàm refugium quod-
 dam, & degeneres latebræ ad perferendam
 obsidionem, quod vt ait Liuius, miserrimum
 est in bello. Quando vnquam audiuisti, vbi
 vnquam legisti Iulium Cæsarem, vtrunque
 Africanum, magnum Pompeium, Marium,
 Alexandrum, Pyrrum, Hannibalem aliosq;
 viros magni nominis sese arcibus continen-
 tes, & non potius arcibus insultantes? Arces
 scito non receptacula fortium sed inertium
 esse latibula. Certè hæc ætate Stephanus Co-
 lumnensis cui omnis illustribus viris par-
 cum in eius auxilium ad famam sui nomi-
 nis venisset nobilis quidam vir externus &
 incognitus, essentq; die quadam graui & an-
 cipiti prælio & ingenti turba hostium circun-
 uenti: Ille periculum videns accessit propius,
 & vbi

& ubi inquit, ô Stephane arx tua est? Ille subridens, ut qui nec domum propriam quidem Romæ haberet, manu ad pectus apposita: hæc quidem inquit, arx mea est: vocem suæ auctore dignissimam. Sic est autem: sancti & deuoti viri omnem spem in Deo habenti: iusti ac politici in virtute: fortes & bellicosi in armis: timidi & ignaui in muris atque arcibus.

De suppellectili preciosa. Dialog. XXXVI.

GAV.

IN ampla domo supellex eximia est. RAY. Superuacuo in spacio pondus inutile. Illa furibus latebras dabit, hæc prædam: utraque periculum tibi, alimentum incendio atque liuori. GAV. In domo speciosa supellex copiosa est. RA. Illa cum te loco moueris deferenda est, hæc si uti volueris: sæpissimè transferenda est: & plus difficultatis allatura quam voluptatis, & plus oneris quam honoris. GAV. Multa mihi varij generis supellex domi est. R. Iuge bellum, non cum furibus modò, sed cum muribus tineisq; & araneæ, & rubigo fumusque & puluis & imber in vos dimicant: ô diuites delicati quibus armis hos hostes arcebitis? GAV. Preciosissima est supellex. RAT. Non rei precium sed cõtempus diuitem facit: alioquin & querendo cupiditas crescit,

& paupertas cupiendo: ita sit ut nihil magis inopem faciat quam avari opes, quarum si æstimatio exacta verique iudicii sequax contemptus accesserit, ea demum veris diuitiis vera est via. Ego te diuitem dum vana miraberis, non putabo, quanuis aurea stellantique gemmis ardētibus tectum omne supellectili opertum refertumque tibi videā. GAV. Inuidiosa supellex & præfulgida est. RAT. Pro captu oculorum seu forsità animorum: verè autem onerosa rerum colluuius ac turbida, sed auaritia nihil vsquam ieiunius, nihilque miserius cuius famem & quærenda excitant, & quærita non sapiunt, dū quæ sperata fulgebant, possessa sordescunt: itaque sæpe diuitias dum quæsisse putaueris sollicitudinem & nausē quæsiuisti. Hæ nunc tibi charæ sarcinæ, si vel chariores aliæ se ostenderint, vel stuporem assiduitas dempserit, viles erunt. Esto autem charæ sint & maneat stupor, nonne etiam error manet, isque difficilis atque perpetuus? Siquidem quærendi studium vnum fuit, seruandi labor est multiplex: nunquam deerit quod reuistas, quod numeres, quod cōplices, quod excutias, quod abstergas, quod oculos simul & mulceat & ostendat. GAV. Supellex immensa est? RAT. O hominem qui impedimentorū suorum magnitudine delectatur.

Gemmarum fulgor & species delectant.
 R A. Rerum fateor terrestrium & mortalium vanitatis pars non vltima, exiguo in lapillo patrimonium magna claudendum, cuius precium instabile & incertum quotidie varium, quod & sola mercantium fana & diuitum sanorum credulitate dependeat, unde diu sperata inopinis precis atolluntur, & gemmarum famolissimæ subita premuntur infamia, nescio quibus notis erumpentibus, non tam ipsis de quibus agitur in rebus, quam in opinione hominum illa callentium. Præclara quidem illa prudentia, quæ neglecto cultu Dei atque animi, & utriusque noticia, internoscendis lapidum venis inuigilat. Sed sic est mos. Neque nunc primum in precio sunt qui his precia vafre fingunt: vera enim precia vel nulla sunt penitus vel ignota. Quam verò periculosa vanitas, quam tremulum, quamque anceps iudicium, ipsos inter artifices facile est iudicium, memoria repetentis id quod nuper accidit, ut per breuē geminam, carbunculus is erat, decem milibus aureorum ille vir fortunæ maioris quam ingenii, cum emisset, diu se cunctatum fuisse iactabat quod naturale & communem modum fulgor excedens suspensionē faceret eius artificij peri-

tissimo cuidam, cuius consilio utebatur, non
 veram gemmam esse, sed vitrum aliquod seu
 quidvis aliud in eam speciem, non natura ge-
 nitum, sed nescio qua supernaturali & mira
 quadam arte conflatum. Quæ quidem hæsi-
 ratio, quid nisi confessio quædam erat vitrum
 tale visui pulchrius esse quam gemmā, quan-
 vis forsitan illa solidior sit. De hoc tamen ipsi
 audient, qui vel in hoc quæstu pecunias aliò
 vertendas honestius, vel in hoc cognitu me-
 lioribus debitum tempus perdunt. Quòd si
 dicta cunctatio iusta fuerit, quid hinc sequi-
 tur, quis, quis non videt, quænam scilicet am-
 bitio & quanta sit cæcitas non rei formam ac
 substantiā, sed nudum nomen tāta mercede
 captantiū? G. Nil mihi gemis est tharius. R. A.
 Credo Hercle, non virtus, non fama, non pa-
 tria, non vita ipsa: utque illa duo filea quibus vo-
 bis nihil est vilius: duo hæc vltima: cumque his
 diuitias ingētes & quicquid preciosissimum
 iudicatis, vnius gemæ precio atque amoris suc-
 cubuisse monstrabo & exilio illa & inopia, &
 tanta res tulisset, morte seruata. Cui enim
 quæso non est notū. Nonij consilium? Roma-
 nus hic senator fuit, vir locupletissimus gem-
 mæque habuit viginti milibus æstimatam
 gemmæ nomen Opalus. Mittit hunc Indias
 colorum pene omnium varietate præfulgi-
 dentem. Huius fama excitatus accensusque cu-
 pidine

pidine Antonius triumvir, homo omnium
 superbullimus atq; avarissimus, & cui quie-
 quid natura libitum, fortuna licitum fecisset
 cum iniusto gemmę desiderio, ut sit, crudele
 possessoris odium concepit, hinc in illo pu-
 blico proscriptionis incendio, quo tot patrię
 lumina periere, Nonij nomen arsurum cum
 reliquis, ob hoc vnum crimen, quod formo-
 sę tyrānōq; placitę dominus rei esset, incer-
 tum est. Ille autem cui ponticus saltem fiber
 exēplo esset, ut perniciosę iactura sarcinulę
 libertatem redimeret, ac salutē illā ipsam sibi
 ut augator præsenti discrimine chariorē sic
 amplexus aufugit, ut ea saluā, nulla sibi vel
 patrimonij vel patrię cura esset, cū illa para-
 tus exulare & medicare & ad extremū mori.
 Quis nō magni æstimet ad quā vir senato-
 rius hic affectus sit? Et profectō fatendū alte-
 rū, aut magni pretij ea fuisse, aut parvi animi
 possessore. Sed quid horū verius, ut diffiniam
 nō expectas. Et si autē huius ac reliquorū si-
 mile iudicium seu contagium animorū latē
 serpens vulgi more infecerit, magna tamen
 ingenia nec nūmis delectari, nec omnino
 alia quā virtutis pulchritudine tūgi decet,
 nisi ut per hęc brevia quę delectant oculos,
 expectata mens in amorem ac desiderium
 æternę pulchritudinis rapiatur, quo de fonte
 quicquid est pulchrū prodit. G. v. l. xcelien-

tibus gēnis allicior. R. A. Hanc excellētiā
non naturā fecit, sed opīnio, quæ apud quos-
dam Carbunculo palmam dedit, apud alios
Adamanti. Illa vulgo ac plerisq; gemmariis
æui huius æstimatio: ista veteribus quibus-
dam rerum scriptoribus probatur, secundum
quos non modo gemmarum, sed rerum om-
nium terrenarū preciosissimus Adamas, re-
gum olim atque non omnium sed præcel-
lentium gemma fuit, hodie quia nullus rei
tantum & tam velox quā luxuriæ ac super-
biæ incrementum est, multorum nō regum
etiam esse cœpit, & iam p̄iebis in digitos ses-
sum venit. Huic proximam Indicā, atq; Ara-
bicam Margaritam locant, & huic itidem
Smaragdum, nescio quidem quā ordinis in-
iuria. Nam si illorum rubor pallorque gra-
tus est, cur non æquē horum candor viror-
que oculis blandiatur, iustiorq; nunc etiam
Sapphyri querela, quo vix aliud terra parit
cælo similis sereno? Verū, vt dixit, furor
hic hominum nō natura nobilitat, diuitū nu-
gæ inanes, atq; ocioforum fabulæ, qui facili
ista contēnerent, si quo vnquā honestiore pa-
cis aut belli negotio tenerentur. G. Fulgidæ
animum mouent gēmæ & suauiter candidæ
margaritæ. R. Mouēt ais, immo sternunt, cal-
cant, molliunt, & eneruant. Quæ de re si per-
gam virorum ac mulierū exempla cōgerere,
non

eon te doceam sed obtundam. Vnum ex om-
 nibus & id maximum attingam, vt intelligas
 quàm periculosus iste furor sit infirmiori-
 bus animis, qui eminentissimos fortissimós-
 que peruaferit. Magnus Pompeius cōtinen-
 tissimus Romanorum ducum (horum dico
 nouissimorum qui quantū magnitudine ge-
 starum rerum ceteris antecellunt, tantū mo-
 destia virorum vitæq; frugalitate maioribus
 cedunt suis) victor ab Hispania pacato re-
 diens Occidente, compressiq; prædonibus
 & in vnum coactis locum, cui conuenarum
 nomen ob hoc inditum in sæculum id durat.
 Illic Pyreneis in montibus locorum forsan
 asperitate modestia adiunante, atque ætatis vi
 victoriæq; superbiam compescēte, masculum
 trophæum puramq; & regidam sui oris ima-
 ginem erexit, vere tunc magnus atq; magni-
 ficus, quamuis adolescens annis, moribus se-
 nex maturusq; animi. Idem postea captis pi-
 ratis, & Oriente perdomito, quasi cum loco
 mutatus ac tēpore æque alia parte orbis ipse
 alius reuersus, nō humilitatē sed fœmineum
 se diuinū potius in morem vultus suos iam
 viriles ac solito molliores, non arte fictos aut
 marmore, sed insuetis atque exquisitissimis
 margaritis in triumpho tulit. Exprobatio
 non leuis, Eoi fastus vnum in caput expo-
 siti, non sine insultatione quadam victoris

omnium populi atque excusatione principum sequentium. Quid non enim à tyrannis Roma iam serua peteretur, quæ libera ciuis amantiſſimi talem hanc insolentiam aspexisset? Neque reliqua triumphi illius humilia magis aut sobria, non arma & equi domitarum gentium, vt mos erat, non captiui memorantur, aut currus aut phaleræ: quod vilissimum in eo legimus; aurum fuit, gemmæ omnia & margaritæ. Inter multa alueus ingens ibi, & ingentium thesaurorum ordo discolor, ita vt singulæ è singulis constarent, & vasa aurea & vestes & statuæ, quin & luna quædam solido ex auro immensi ponderis lectique aurei & coronæ plurimæ magnis & candidis margaritis intextæ. Denique mons aureus illic fuit, formę illæ mirabiles in quadrum ductæ, ceruis ac leonibus & figuris variis animantium frequens, necnon arboribus atque omni pomorum genere confitus ramos aureos regentibus margaritis montis in vertice, hisdem ex rebus horologium artificio vbique vincente materiam voluebatur, mirabile prorsus ostentum his qui mirari inania didicerunt. G A V. At his rebus maximè delectos. R A R. Credo id quidem teq; hunc triumphum & cupidè spectaturum reor, & cupidius ducturum, & cupidissimè possesurum, id tibi passionati status animi suadet

Crede

Crede autem & tu mihi, hæc quæ visum vix
 adeo delectat semper animæ & saepe corpori
 nocuerunt. Illi certe quem loquimur triu-
 phantis gloriæ nil vnquam magis obfuit, nõ
 Theſſalicus dies, nõ Aegypti calamitas. Ibi
 enim fortunæ succubuit non totus, hic vitio
 totus. Ibi aliena vis, aliena perſidia: hic ſua
 fragilitas, ſua fuit ambitio. Illic ergo potius
 & vitam, hic animi popularis moeſtitudo in-
 ſignis famam magniſque laboribus partum
 magni nomen imminuit. Mirum dictu, tam
 victorioſior contra Hiſpanos bellicoſam ge-
 rem, quam contra imbelles & inermes Aſia-
 ticos apparuit, eoque mirabilius quod id ipſa
 quoque Aſia aliquandiu integer atque inui-
 ctus, cum ſe in templo Hieroſolymæ omniũ
 opulentiffimo verè erectum atque abſtinen-
 tiſſimum prabuiffet: ad vltimum vrgenti vi-
 tio non reſtitit, neque iam amplius vir ſingu-
 laris atque vnicus, vt ſemper fuerat, ſed qua-
 ſi vauſ ex multis captus deiectusque eſt. Is
 gemmarum fulgor, ea vis margaritarum,
 idque auri pondus fuit. Vicerat iam ante
 pari prælio Alexandrum Aſia, ſed parum
 eſt vitiis victum ſuis vincere, illud magnum
 viciffe victorem ſui. Poſt quem nullus ferme
 ducum ſtetit inter Aſiæ delicias, quæ in or-
 bem Latum tranſuectæ, veſtra vos in pa-
 tria vicerunt. Nempe ſi fateri verum vultis

vbique gentium victores, Asiatica victoria
victi estis, Inunc, & amicas oculorum, ani-
morum hostes & victrices virorum sortium-
gemmas cole. G A V. Gemmis delector ar-
dentibus. R A T. At hic variis, ille pallenti-
bus, multiplex appetitus, vna vanitas. Audi-
sti vt Pyrrho illi qui cum Romanis bellum
gessit. Achates fuit lapis olim preciosissimus
hominum iudicio, nunc eodem quo precia
rebus fiunt variate vilissimus, in quo quidem
species rerum diuersarum repræsentari so-
lere oculis fama est hominum, iumentorum
fluminum, nemorum, volucrum, ferarumq;
nulla penitus manu artificis, sed naturæ. In
illo sanè regio, vt Solini verbo vtar non im-
pressis, sed ingentis figuris Musæ nomen, &
Apollo erat choreæ nobilis citharista, sparsis
ita nexisque inuicem gemmæ notis, vt tot
imaginum in tam paruo spacio vnaquæque
suis discerneret insignibus præclaris vt
res erant annulus, addiditque gratiæ regis
nomen: pluris enim fiunt res illustrium. Sed
quid oro illi contulit Achates suus, an bello
inuietum, an non dicam morti, non hostili
gaudio sed saxo quod foeminea etiam torfit
manus, exemptum fecit? Quid inquam vel
hunc Pyrrho profuit habuisse, vel hoc nocuit
caruisse Fabritio Curioque, quib⁹ ille victus
atque Italia pulsus est ducibus? Affirmare
ausim.

autem neutri horum vnquam fessurum ani-
 ma fuisse, vt horrentem galeam rigidum-
 que, nec auro nec gemmis insignem gladiū
 annulo regio permutaret: sic molha quæque
 despiciunt viri fortes. Quomodo verò an-
 nulam regis ambirent, qui sola virtutis fidu-
 cia regem ipsum, & regias opes regnumque
 contempserat. Contra autem vos animorum
 diffidentia cuncta intrinseci, & quilibet
 factura concupiscitis, virtutis sola contemni-
 tur. Est & gemmæ alterius fama vetustior
 quam Samiorum tyrannus Polycrates ha-
 buit, ferunt fuisse Sardonicem. Is lapillus in-
 ter multa preciosa ditissimi hominis precio-
 sissimus habitus: quamobrem qui nihil vn-
 quam sensisset aduersi, palam obsequenti &
 clanculum insidianti fortune inuidiam pla-
 caturus, nauigio in altum prodiit, annulum-
 que ipsum in quo gemma erat, manu pro-
 pria demersit, vel sic saltem semel doliturus
 in vita, visus sibi callidè transegisse cum for-
 tuna, si tot letis hoc vnum triste pensaret. Illa
 verò nec falli facilis, nec mulceri, mala bo-
 nis æqua lance componens, plusculum exi-
 gebat, pro diuturno fauore breue quidem
 sed prælorum, vt qui per omnem vitam fe-
 licissimus sibi atque alibi visus esset, in mor-
 te miserrimus videretur, essetque miserrimus,
 hinc vitis, hinc supplicans omnibus

vnum caput vrgentibus. Itaque velut obla-
 tum respuens, ô fortunę ludos, pisce quodam
 internuncio qui tunc ore annulum excipiēs
 captusque illico mensaque eius appositus
 fuerat, annulum illi suum, non sine quodam
 spectantium stupore restituit. Eam gemmam
 multis post sæculis Augustus Cæsar & precio
 tactus & miraculo, insertam aureæ coronæ
 ad ædem Concordiæ dedicasse fertur. Hic
 rursum interrogo, quid hoc vel tyranno pro-
 fuit habuisse patriam affligenti, vel Pythago-
 ræ obfuit caruisse communem sibi cum illo
 patriam & domum propriam, & amicos mo-
 rum eius odio relinquenti? Nempe tyrannus
 ille patibulo affixus omnium iudicio, cum
 summum supplicium pateretur, maiore etiã
 dignus erat. Iste philosophus in pace obiens
 pro Deo cultus, domus eius pro templo ha-
 bita est. Tantum inter illius gemmam atque
 huius pallium interfuit. Neque verò seu Po-
 lycrati tunc Sardonix ille ne morsu volucrũ
 semesus in cruce marcesceret, seu modò
 Ioanni Galliarum regi, ne acie victus in ma-
 nus hostium peruenerit, suus valuit præstare
 carbunculus, quem die illa in digito eius in-
 uentum ereptumque sibi, & post annos ab
 amico quodam orbe alio redemptum remis-
 sumque cernere fuit actangere rem precij
 infiniti. Sed nullius efficaciz nulliusque
 operæ,

operæ, nisi cuius & reliquæ id genus. Gemmas enim lucidas non nego ne sensui contradicam. Nego viles, nego vllam vim habere, nisi illam quæ vulgo etiam fertur, possunt seras avarorum quoque diuitum confringere atque arculas exhaurire. GAVD. Vtunque in pretio sunt gemmæ, hæcque animum delectant. R A T. Atqui dementiæ summæ est multam curam rebus impendere: quæ & si aliquid videantur, in se nihil sunt. Hoc est enim errore oculorum ac præstigio delectari. Quid in his laboras, quæ non dico felicitati non conferunt, sed nec miseriam detrahunt præsentibus neque contrario abeunt. Et si multa equidem hîc à multis & mirabilia scripta sint, non veritati rerum neque utilitati legentium, sed stupori operam dantibus, præcipueque à Magis qui his nugis libros integros implere, tantum erat ocij, potuerent. Mihi tamen hac in parte cum Plinio secundo planè conuenit & scripsisse eos, ego quoque non sine contemptu & risu generis humani, arbitror, vt & stultam credulitatem vanis opinionibus implicarent, & seipsum nostris ineptiis oblectarent. GAVD. Delector gemmis quibus credibile est aliquam vim inesse. R A T I O. Quænam illa sit audisti, vt si alia, quantula tamen illa, est mercatorum ac scriptorū collata menda-

ciis, non gratia tātū arte confictis, sed vestra etiam assensione auctis atque firmatis, quæ multo est satius vel prudēter arguere, vel magnificè cōtemnere, quā callere omnia gemmarum precia virtutēsque & vitia. Hic enim à Plinio, cuius multa placent, valde dissentio, Ille quidem falsas deprehendendi artes seu notitiam quādam pollicetur, quando inquit, etiam luxuriam aduersus fraudem muniri de ceter, mea verò sententia non muniēda neque armāda luxuria est, sed inermis & sola circulatorum inter armatas acies deferenda, vt circumuenta sæpius & illusa, quando aliter non potest, saltem damnis & fraudibus castigetur.

De gemmarum poculis. Dialogus XXXVIII.

G A V.

IVuat gemmis bibere. R A T. Cauari gemmas ad pocula, luxuria vetus est, non vitrum modò rem fragilem ac profectò pulcherrimam mundissimāque descipiēs, sed argentum ipsūque aurum humanæ olim cupiditatis vltimam metam. Iduentūque aliquid quo auaritiam luxus excederet, non sat digna magni mali causa. Vidit hoc Poëta dum diceret: Hic petit excidiis urbem miserōsque penates. Malum ingens nec iustitiæ tantū, sed humanitati obuium. Et vt scires
yn le

unde ortum, addidit, Vt gemma bibat. En ci-
 uilium par furorum causa, vt cum calix ar-
 genteus diuino cultui satis esset, aureus hu-
 mano visui parum sit, nisi pretium faciente
 periculo, gemmæ etiam peregrino artificio
 excauentur, quibus bibat infelix homin-
 cio, & polluta mendacis atque spurcitiis la-
 bra iucundius applicet, res & potui inco-
 moda voluptate interpellante metu & appa-
 ratui operosa, & custodiæ difficilis & saluti
 anceps & venenis aptissima. Verum nanque
 est illud alterius poetæ, nulla aconita bibun-
 tur fidelibus. Tunc illa time cum pocula su-
 mes gemmata. C A V. Gemma bibere glorio-
 sum reor. R A T I O. Superbia dum se atto-
 lat, nec descensum cogitat nec ruinam, Cla-
 re libentius bibitis quam secure, ambitiose
 quam sapide. Sic vitia vitis vincuntur, & gu-
 lam partius aliquanto sollicitat vini sa-
 por, quam insolentiam cyphi color. Oblap-
 scitis ad gemmarum radios, hunc stupore nullo
 non precio æstimandum arbitramini, non
 tantum pecuniæ, sed virtutis. Nonne enim
 ille Virgilianus euerfor patriæ, hoc ipso, de
 quo loquor, precio gemmam quatit, iustitia
 scilicet & pietate properans hic amissam illam
 adipisci, & vt gemma bibat ciuem atque ho-
 minem obliuiscit. C A V. Libenter gemmatis
 vtor poculis. R A T. Est fortasse alia deidenti

tam intensi radix, neque solis fulgor allicit;
sed aliqua latens virtus. Nam quis omnes
gemmarum vires atque virtutes explicet?
Ita dico, si omnium quæ de his dicuntur aut
scribuntur, pars septima vera esset, sed nec se-
ptuagesima vera est, neque profectò centesi-
ma. Quòd si ut Plinius ait, nulla fræus vitæ lu-
erosior, quis miretur si & nulla numerosior?
Non quòd gemmarum quàm cæterarum re-
rum crebrior sit contractus, quippe quas ra-
ritas preciosas facit, sed quòd nusquam ra-
rior est veritas, neque enim alicubi, vel ex-
petiendi minor copia, vel maior licentia mē-
tiendi, vel mendacij fructus vberior, vel ex-
pudentia liberior, vel consuetudo frequen-
tior. Quòd si quid prorsus ex omnibus ve-
rum est, an illud forsitan verum erit, quod &
Magorum auctoritas, & super illam funda-
ta vulgi habet opinio, ebrietati resistere A-
methistos? Pārūne igitur causæ sit, cur
ebriosorum poculis hæc gemma deseruiat?
Ludo tecum. Sæpe ira iocos parit, nempe
ut hoc vni tribuant, quid aliæ ineruere, nisi
quòd voluptatis ingenium fuit, ut cum gu-
stu bibentis delectetur visus, atque hinc il-
linc sensibus delinuntis ambitiosior lætiórque
sit ebrietas. Hæc ni fallor & verior rei huius,
& certior causa est, cum in reliquis, tum in
hæc ipsa quæ aduersus ebrietatem quasi belli
dux

dux eligatur, de qua triumphare sobrietas
 sola potest, ut vino modico, iuxta illius
 consultoris optimi sententiam, eoque ipso
 non ad voluptatem, sed ad utilitatem & sto-
 machi aggritudines depellendas, vino inquam
 exiguo & fragili lymphisque perdomito,
 meri autem potentis incendium atque im-
 petum seu fuga euadere, seu aquarum dilu-
 uio extinguere ac frangere, scire & meminis-
 se in vino magno ac seruido potuique crebro
 & nimio, multam pudori ac dolori peni-
 tentiæque materiam inesse, eam quocunque
 te verteris oculis ingeri, nequæ quocunque
 sanæ mentis posse dissimulari. Hæc sunt arma
 contra monstrum illud vtilia. Quis hic Ama-
 thisto seu gemmis omnino ullus est locus?
 Mentiti sunt id Magi, fueruntque qui cre-
 derent, ut hoc sponse sobrietatis intrepidi
 biberent. Perfide quidem Magi atque im-
 pudenter vix plurima. Stultè credulum vulgus
 vix omnia. Summa igitur rerum est, nihil
 aliud vobis hanc reliquasque conciliat,
 quam voluptas difficultatibus excita & in-
 censa, sed multo maximè superbia & condi-
 tionis obliuio, timorque animi stultus, quo
 cum nil peius sit hominum vitæ, miror
 quid ita nil gratius, non dico virtus bo-
 nam ingens vestro vili iudicio, sed nec vitæ
 ipsa nec salus, non securitas, non opes, non de-

nique voluptates, iisdem vobis extimatori-
 bus summum bonum. Cuncta hæc vni ces-
 sere superbiæ, hæc præter cætera vos gem-
 marum cupidos fecit, quæ semper inutiles,
 sæpe damnosæ sunt, necessariæ verò nunquā.
 Hac hortante igitur effectum est, vt occupa-
 ti semper ac trepidi, sed exculi domorum
 mensas templorum instar altarium habeatis
 auretas atque gemmatas, hostiæ ipsæ purpu-
 reæ ac vittatæ, auariciæ, luxuriæque ambi-
 tionis atque superbiæ cultus expositæ, quæ
 in vos omnes ac singulæ sequiunt. primas sibi,
 partes, vt est dictum, vendicante superbia.
 Auaricia quippe quod nomen sonat, vtcun-
 que fortassis auro contenta quiesceret, luxu-
 ria epulis & voluptatibus suis, sola superbia
 non quiescit quandiu aliquid supra se videt,
 vt quæ ab initio rerum Deo par esse tenta-
 uit, hæc eadem vos cogit laboriosè gemmas
 quærere studiosèque, vel neçtere, vel cauare,
 vt prodeuntés sedentésque in foro inque cõ-
 uuiui radiantes ac stellati, cœlo semper inui-
 diam faciatis. Hac duce igitur, vt ad rem re-
 deam, inhabitaculo & in veste ciboque &
 potu, & rebus omnibus quæ humanæ neces-
 sitati seu iucunditati inuentæ erant, specio-
 sum aliquod fulgidumque periculum mis-
 cuistis, eoque crescendo malum prodiit, vt
 ex gemmis, non modò iam pocula, sed pel-
 ues

ues ac lebetes & mortaria & aenea conspiciamus. Victrix plaude superbia, gemmea pocula requirebas, omne tibi ex eadem materia vasorū genus tui offerunt ministri. Neque iam minus est commune, gemmam hōs in vsus quā in vsum frugum terram soderē, sic consuetudo facta est vobis, quæ luxuria maioribus vestris fuit. G A V. Crystallinis poculis libens vtor. R A. Parco iam gemmis, concreta illas glacies excusat, nescio quid plus vitro habens, æquē enim frāginur & sarciri nequit, nisi quōd quæsitū difficilior, & vel de longinquo veniēs, vel que propinqua est inter al pium scopulos rupēsque inuias & algentes tendi fune pendentibus eruendā, ob eamq; rem charior vestrasque cupiditates irritare potentior. Itaque Neronem legis infœlici percitum rumore, seu damnis ex omnibus cristallinos duos calices sortē elisos grauissimē doluisse, seu quod alter puto verior historiæ sensus habet, ira seruidum præcipiti, & ætati suæ insensum & posteris inuidentem, ne quis vnquam ex his biberet, manu propria collisissē. En fortunæ durioris expiatio, nil inuentū in quo grauius sæuitiq; magister iracundiam exerceret, in cristallum sæuit, qua nullæ tunc sibi delitiæ chariores. Excusatio minorū, dicat aliquis: imitari principem, sed Neronē sequi nemo bonus opta-

uerit. G. A. Crystallinus gaudeo. R. Nec attendis quam caduca, quā fragilis delectatio tuasit: sed hic mos est vester, naturæ propriæ similia exoptatis cūm& imbecillitas vestra firmum aliquid cui hæreret & vestri melior pars cœlestis altū aliquid quod spectaret & optare & quærere debuisset, vtrique debilia atque ima quæritis. Bene autem habet quod murina hodie lauticiis excessere. Veterū furor incredibilis, eadē illa victoria quæ peregrina multa vobis intulit: ipso de quo diximus, triumphāte Pompeio in Italia, inq; urbem Romā transuectus, ex Asia semen inutile, sed terræ creditū præfertili colonisq; impigris. Itaque in breui auctum vsque adeo vt murini vnus preciū septuaginta videas talenta, calicisq; illius ab amante quodā cupidè conuulsum dētibus labrū, & miri amoris mirabiliorem exitum, vt cicatrix illa nobilitās vasculum, & famæ eius, & precij esset augmentū. Non igitur hac in parte luxuria, qua nulli ceditis ætati, neq; superbia minor est vestra quàm maiorum: sed vtriusque subducta materia est, murinis, non solum vsui vestro deficientibus, sed ignotis pro quibus noua luxuriæ species inuasit. Auellanæ radix & l'pocula generosum lignum, ipsum quoque cicatricibus honestandum, furor nunc præcipuus Galliarum. venerūt hos in vsus nuper arbores

arbores aliæ peregrinis nominibus aduenis
& notis, aliis atque aliis, sed eadem vanitate
venientq; , nec vllus erit nouitatum modus,
donec vestris poculis murinorum iactantia
victa sit. In vno planè fateor auorum cecidistis
infantiæ, quòd illi succinos nullo vsu, sola sed
habendi subidine mirabàtur, interq; delicias
numerabant. Vnde & Nero ipse non princi-
pum modò, sed hominum sœuissimus male
dilectæ & penus occisæ cōiugis, flauos crines
hoc sub nomine ceu titulum meditatus exi-
mium adoptasse legitur carmine edito. Fuit
namque (quod stupeas) trux illud ingenium
amicum musis, in quo illos, quòd aurei viderentur,
succinos filios dixit. Oseroces atque
infaustæ blanditiæ decorumque & laudatum
caput calce impia ad inferos detrudendum.
At vos succinos & habetis & spernitis , aut
certè modestius colitis & parcus æstimatis.

De gemmarum signis. Dialogus XXIX.

G A V.

Signis gēma expressis mulceor. R A T. Ac-
cessit, non inficior ad naturæ decus qui-
dam artis ornatus & minutos in vultus in-
que signorum vsum gemmas sculpi, subti-
liora quidem inter ingenij opera numerat-
um , vbi & Amethystus inter lapides vel

impressioni facilis vel successu prosper, ut
perhibent, & inter artifices primum sibi Pyr-
goteles sumpsit nomen, eò quòd vnus è cun-
ctis sui generis idoneus Alexandro visus est
sculpendæ sui oris imagini, qua postmodum
diuus Augustus vsus est, cùm gēma illa qua
erat vti solitus, in iocos hominum abiisset, ut
Sphinx ænigmatica diceretur, ita ut præter
exactionum difficultates, ipsa quoque signi
perplexitas verecundissimo principi parere
videretur inuidiā. Huic proximus vel inge-
nio vel ætate Apollonides fuit & Eronius.
Post hos magni nominis in hac arte Disco-
res fuit, cuius cū opus exprimeret nomen si-
luisse Plinium miror. Hic est enim qui ipse
diui Augusti sculpsit effigiem, qua ad extre-
mum. & ipse dum vixit & post cum multi
principum vsi sunt, ea vel Cæsarei oris vene-
ratio vel admiratio fuit artificis. Et nunc ego
tanto de gemmis habito sermone, quas seu
natura integras solidasque voluptatibus ve-
stris exhibet, seu ars causas, quero ex te, quā-
to amplius delectare animum deberet sine
precio aut labore parabilis splendor æthe-
reus: immo ne is equidem, sed qui huius &
illius fons ac principium lucis est? Rutili Car-
bunculi, virides Smaragdi, sereni Sapphyri,
candidæ Margaritæ sic alliciūt, nec solis ful-
gor aut siderū, nec terræ viror aut arborum,

nec serenitas aëris, nec cādor nitidus tangit
 Auroræ? Stupetis facies manu hominū gēmis
 insculptas, nec artificis stupetis ingeniū, im-
 mo verò neque illum veneramini, tórque tā
 claris ad verum viis agnoscatis, qui geminas
 ipsas, quique ingenium, qui manus, quique o-
 culos fecit quibus hæc cernerentur atque in-
 telligerentur & fierent. O semper viliū imita-
 tores rerū, sempérque nobilium cōtéptores.

De Tabulis Pictis. Dialogus XL.

GAV.

Pictis tabulis delector. R. A. T. Inanis dele-
 ctatio, nec minor vanitas quam magno-
 rum hominum sæpe fuit, nec tolerabilior
 quam antiqua. Siquidem omne malū exem-
 plum tunc fit pessimum, quando illi vel au-
 ctorum pondus adiungitur vel annorum: vn-
 decunque ortæ consuetudinis robur ingens
 consenuerit, & vt bona in melius, sic malū in
 peius ætas prouehit. Sed ò vtinam qui maio-
 res vestros vanis in rebus facile vincitis, eos-
 dem in seriis æquaretis, virtutémq; cum illis
 & gloriam miraremini cū quibus pictas ta-
 bulas sine fine miramini. GAV. Valde utique
 pictas tabulas miror. R. A. T. O mirus humani
 furor animi omnia mirantis nisi se, quo inter
 cuncta non solum artis, sed natura operat

nullum mirabilius. G. Pictæ delectant tabulæ. R. Quid de hoc sentiam ex iam dictis intelligere potuisti. Omnis quidē terrena delectatio, si cōsilio regeretur, ad amorē cœlestis erigeret, & originis admoneret. Nā quis vnquam quæso riui appetens fontē odit? At vos graues humi, ac cliues, affixiq; cœlum suspicere non audetis, & obliti opificē illum, solis ac lunæ tanta cum voluptate tenuissimas picturas aspicitis, atque vnde transitus erat ad alta disponitis, illic metā figitis intellectus.

G A. Pictis tabulis delector vnicē. R A. Penicello & coloribus delectaris, in quibus & precium & ars placet, ac varietas & curiosa dispersio: sic exanguium viui gestus atque immobilium motus imaginū, & postibus erumpentes effigies, ac vultuum spirantium linamenta suspendunt, vt hinc erupturas paulominus præstoleris voces, & est hac in re periculum, quod his magna maximè capiuntur ingenia. Itaque vbi agrestis læto & breui stupore prætereat, illic ingeniosus suspirans ac venerabundus inhæreat. Operosum sanè neque tamē huius est operis ab initio artis originem atq; incrementa retexere, & miracula operum & artificū industrias, & principū insanias, & enormia precia, quibus hæc transmaria mercati: Romæ in templis deorū, aut Cæsarū in thalamis, inque publicis plateis ac
 porti

porticibus consecrarunt. Neque id satis nisi ipsi huic arti dextras atque animos maiori exercitio debitos applicarent, quod iam antè nobilissimi philolophorum Græciæ fecerant : vnde effectum vt pictura diu quidem apud vos vt naturæ coniunctior, ante omnes mechanicas in precio esset : apud Graios verò, si quid Plinio creditis, in primo gradu liberalium haberetur. Mitto hæc, quoniam & intentæ breuitati & præsentî proposito quodammodo sunt aduersæ: videri enim possunt morbum ipsum cuius remedium pollicebar alere, & rerum claritas stupentis amentiam excusare. Sed iam dixi, nihil errori detrahit errantium magnitudo : immo hæc quidem ideo attigerim, vt liqueret mali huius quanta vis esset, ad quam tot tantisque sit ingeniis cōspiratum, cui & vulgus errorum princeps & consuetudinum genitrix longa dies cumulûsque ingens omnium malorum semper auctoritas accesserint, vt voluptas stuporque animos ab altiore surtim contemplatione dimoueat, distrahâtque. Tu autem si hæc ficta & adumbrata fucis inanibus vsque adeo delectant, attole oculos ad illum qui hos humanum sensibus, animam intellectu, cœlum astris, floribus terram pinxit, spernes quos mirabaris artifices.

AT delector statuis. **RA.** Artes varix, furor idem, ipsarúmque fons vnus artium, vnus finis, diuersa materia. **GAV.** Delectant statuæ. **RA T.** Accedunt hæc quidem ad naturam propius quàm picturæ. Illæ enim videntur tantum. hæc autem & tanguntur integrumque ac solidum, eoque perennius corpus habent, Quam ob causam picturæ veterum nullæ vsquam, cùm adhuc innumerabiles supersint statuæ. Vnde hæc ætas vt in multis erronea picturæ inuentrix vult videri, siue quòd inuentioni proximum elegantissima consummatrix limatrixque, cum in genere quolibet sculpturæ, cùmque in omnibus signis ac statuis longè imparem se negare temeraria quanuis impudensque non audeat: cùm præterea pene ars vna vel si plures vnus vt diximus fons artium, Graphidem dico, atque ipsæ proculdubio sint coæuæ paritérue floruerint: si quidem vna ætas & Apellem, & Pyrgotelem, & Lysippum habuit, quod hinc patet, quia hos simul ex omnibus Alexandri magni tumor maximus delegit, quorum primus eum pingeret, secundus sculperet, tertius fingeret atque in statuam excuderet, edicto vetitis vniuersis qualibet ingenij artisque fiducia faciem regis attingere: nec
minor

minor hic ideo furor quàm reliqui: immo
verò omnis morbus eo funestior, quo stabi-
liore materia subnixus. G A V. At me statuar
delectant. R A. Non te solùm aut plebeis co-
mitibus errantem putes, quanta olim digni-
tas statuarum, quātūmve apud antiquos cla-
rissimósq; hominum studium desideriumq;
rei huius fuerit, & Augusti & Vespasiani, ac
reliquorum de quibus dicere nunc longum
esset & impertinens, Cæsarum ac regum vi-
rorūque secundi ordinis illustrium solers
inquisitio, & repertarum cultus & custodia
& cōsecratio indicio sunt. Accedit artificum
fama ingens, non vulgo aut mutis dumtaxat
operibus sed latè sonantibus scriptorum li-
teris celebrata, quæ tam magna utique parua
de radice nasci posse non videtur. Non sit de
nihilò magnum nomen, magnum esse vel vi-
deri oportet de quo serio magni tractant.
Sed his omnibus suprà responsum est: eo au-
tem spectant ut intelligas quanto nisu ob-
standum tam vetusto & tam valido sit errori.
G A V. Variis delector statuis. R A T. Harum
quippe artium manu naturam imitantium
vna est quam plasticen dixere: hæc gypso &
cæris operatur ac tenaci argilla, quæ cognatis
licet artibus cunctis amicior sit virtuti,
aut certè minus inimica modestiæ imprimis
& frugalitati, quæ magis fictiles quàm au-

reas decorum atque hominum formas probant. Quid hic tamen delectabile, quid quo carcos aut terreos vultus ames, non intelligo. G A V. Nobilibus statuis delector. R A T. Avaritiæ consilium agnosco, precium ut auguror, non ars placet. Vnam tu auream artificij mediocris multis æneis atque marmoreis multoque maximè plasticis præferendam duxeris, haud insulsè quidem ut se habet existimatio rerum præsens, hoc est autem aurum amare non statuam, quæ ut ex vili materia nobilis, sic purò rudis ex auro fieri potest. Quanti verè tu statuam extimares, siue illam regis Assyrij ex auro sexaginta cubitorum, quam non adorasse capitale fuit, quàmque hodie multi ultro suam ut facerent adorarent, siue illam cubitorum quatuor quam ex ingenti topacio, mirum dictu, reginæ Aegyptiæ factam legis, puto non anxie quæreres cuius esset artificis, contentus de materia quæsiuisse. G A V. Artificiosæ oculos delectant statux. R A. Fuere aliquando statux insignia virtutum, nunc sunt illecebræ oculorum. Ponebantur his qui magna gessissent, aut mortem pro republica obiissent: quales decretæ sunt legatis à rege Vehientium interfectis: quales liberatori Italiæ Africano, quas illius magnitudo animi ac spectata modestia non recepit,

cepit, quâque post obitum recusare non potuit, Ponebantur ingeniosis ac doctis viris, qualem positam legimus Victorino: nunc ponuntur diuitibus magno precio marmora peregrina mercantibus. **G A V.** Artificiosæ placent statux. **R A T.** Artificium ferè omnis recipit materia: sentio autem ut tua hæc delectatio plena sit ingenij materiæque nobilitas iuncta perficiet. Neque hinc tamen aurum quanuis Phidiâsque conuenerit, delectatio vlla est aut vera nobilitas, sæx terræ, licet ~~utila~~utila, incus, mallæi, forcipes, carbones, ingenium, laborque mechanici, quid hinc viro optabile vereque magnificum fieri possit cogita. **G A V.** Non delectari statuis non possum. **R.** Delectari hominū ingeniis si modeste fiat, tolerabile, his præsertim qui ingenio excellent: nisi enim obftet liuor, facile quisque quod in se amat in alio veneratur. Delectari quoque sacris imaginibus, quæ spectantes beneficij cœlestis admoneant, piū sæpe excitandisque animis utile. Propheciarum autem & si interdum moueant atque erigant ad virtutem, dum repêtes animi rerum nobiliū memoria recalescunt, amandæ tamen aut colendæ æquo amplius non sunt, ne aut stultitiæ testes, aut auaritiæ ministræ, aut fidei sint rebelles, ac religioni veræ & præcepto illi famosissimo: custodite vos à simulachris. Profec̃to autem

si hic quoq; illum aspicias qui solidā terram,
fretum mobile, volubile cœlum fecit, quiq;
nō fictos, sed veros viuōsq; homines & qua-
drupedes terræ, pisces mari, cœlo volucres
dedit, puto vt Protogenem atq; Apellem, sic
etiam Polycletum spernes & Phidiam.

De vasis Corinthiis. Dialog. XLII.

G A V.

Q Vem non moueāt vasa Corinthia? **R A.**
Assuetum cœlestibus, terrena non qua-
tiant, sic collata illis modicum, sic nihil, sic
denique tædium atq; fastidium graue sunt.
Quomodo autem animus memor originis,
cauernis terrestribus inhiet, aut magnificiat
quod ex illis effoditur, dum cœlum solemq;
ac stellas & seipsum videt, supremumq; ho-
mum omnium artificem contemplatur? **G A V.**
Corinthiis delector. **R A. T.** Nescis te non ge-
lido tantum & exanimi terræ partu, sed offi-
cinæ nigrantis ac squalentis fabri opere, ad
postremum Romanæ prædæ reliquiis dele-
ctari? Ad historias redi: Mummius dum Co-
rinthum armis captam direptamque flam-
mis absumeret, aureis simulque argenteis
atque æneis quæcunque victorum fortè ma-
nus euaserant statuis, quarum abundantissi-
ma olim illa vrbs fuit, pari incēdio liquefa-
ctis, omnium metallorum venæ vno ibi tor-
rente

rente fluxerunt, vnoq; ex omnibus iam nobiliore metallo & preciosioribus vasis exordium, & à clade urbis nomen luxuriæ partum fuit, non quòd is furor in ea vrbe consurgeret quæ ruebat, sed venturo furori materia parabatur. Ad hunc modum tunc Corinthus huius fons fuit insanix, nunc Damascus: inde hodie vasa mittuntur vestros captura oculos animosq;. G A V. Vasis Corinthiis delector. R A T. Mirarer magis, nisi Augustum modestissimum licet atq; gravissimum principem, lectum esset apud ægregios scriptores, delectatione hac vsque adeò corruptum præcipitemque actum, vt proscriptione Triumvirali condemnasse aliquos, nullam aliam ob causam nisi huiusmodi vasorum desiderio putaretur, atque eius ad statuum famoso epigrammate apposito ad æternam laudati ducis infamiam Corinthiarius diceretur. Quod si credimus, inter hunc optimum pessimumque omnium Antonium hac in parte quid intersit, nisi quòd hunc ad iniuriam causa mouit humilior: & est omne peccatum eo maius quo & maior qui peccat, & minor causa peccandi: nec peccantis magnitudo atque imperium linguæ vel calami vulnus euadunt; iudiciisque hominum eximuntur, illos magis in se acuunt atque irritant. Non parcat regum maculis vulgus.

loquax, & si palam metuit, clam libertate utitur, in cauernis sibilat, gannit in tenebris dubias voces in nubibus, acres versus in triuiis ferit, subscribit stultis, nutu loquitur, silentio exclamat, minaturque oculis, lingua ferit. Sic saepe leuibus ex causis graues contrahuntur infamiae, & claris quoque nominibus obscura cognomina. Idque si principum maximo euenire potuit, quid priuati sperent, quibus esse debeat amica mediocritas, inimica luxuria? G A V D. Corinthiis delector. R A T. At si pectus erotibus oculique fulgoribus clauderentur, liquidò appareret, quantum fictilia praeferenda Corinthiis, quantum vel paratu faciliora, vel iucundiora usu, vel securiora seruatu, vel diuinis humanisque cultibus aptiora. Certè quod ad securitatem attinet, si vera hæc Cæsaris nota est proscripti illi securius vixissent, si Corinthiis caruissent. At quod ad diuinum cultum, tum propitiam magis hominibus fuisse diuinitatem, dum fictilibus coleretur, nec mihi dubium nec Senecæ. Quod verò ad humanum usum fictilia Tiberonis, quanuis ut probrum graue apud populum cæcis domino nocuisse suffragiis certum sit, & praeturae repulsam peperisse, maximoque Valerio factum populi populariter excusanti indigna fuisse publico munere videantur: ego tamen hæc quoque

que cum Seneca sentio apud quem illa multis laudibus efferuntur: sunt enim parsimonia antiquæ & Romanis aptissimæ moribus, quibus ut modesti patrisfamilias priuata domus, sic bene institutæ urbis honesta respublica regi debet, ut frænato gressu metam teneat eius qui in terris est compositi ac tranquillî status. Itaq; si Helius Tubero fictilibus suis ante cellam Iouis expositis quibus ille frugalitatem atq; sobrietatem, utq; ait Seneca, paupertatem in Capirolio consecrabat, oculos populi iam lasciuiuentis offendit. Non est ciuis egregij culpa sed temporum: iam tunc res ab illa prisca seueritate ad hanc molliciem inclinabat, quæ primùm pateras cyphósq; aureos, gēmatos, discum argenteum corymbiatum, lancē pampinatam, pateram hederatam mirari cœpit, & reliquæ quæ Galienus imperator Claudio misit imperatori post futurū. Deinde alias atq; alias furorū species quæ magnificentia tribuuntur nouissimè autem his diebus nō hederas modò vel pampinos vel corymbos, sed ipsas cum incolis suis syluas omne genus arborū ac ferarum & volucrum & hominum vultus, & quæcumque vel oculus vidit audiuitque auris, vel mens finxit in auro expressa vel argento longa iam consuetudine non miratur gemmis inhians, de quibus paulo

ante tractauimus. Quid multa? Ipsum iā uilescit autem crescente superbia. Pridem uero quæ laudes Corinthia uiluerunt, contemtusque de vera rerum uolium extimatione laudabilis futurus, de falsa nobilium admiratione damnabilis factus est. GAV. Ego uero Corinthia nunc etiam miror. RAT. Corinthus uestris uisita facibus, suo uos uisit incēdio, & murorum excidium suorum in uestros animos uisita est. Neque id nouum, sæpe numero uictores bellorum externorum simul externis uitiis uicti estis. Sic uos Scipio Asiaticus & Manilius Volscio Asiæ uictores Asiatici delitiis lectisque purpureis atque aureis uestibus exquisitaque suppellectili quoddamque uilissimum, epulis cocisque pessumdedit: sic Pompeius gemmis ac margaritis, sic uos Mummius tabulis pictis atque Corinthiis subiugauit, ut dum de hostibus duces uestri, & de uobis uestrisque de moribus hostilia triumpharent. GAV. Cupide Corinthiis uasis utor. RAT. Neque uasa Corinthia, neque aurea meliorem cibum faciunt, neque Samia peiorem, neque omnino de qualitate rerum, sed ex morbo animi hæc uestra cupiditas orta est, seu ipsa potius morbus est animi: cui ut consulens conualescas, pro inutilium tot uasorum curis, unam arripe uilē ac salubrem, ut scias ipse tuum uas in sanctificatione

ficatione & honore, sicut scriptum est, non in passione desiderij possidere.

De librorum copia. Dialog. XLIII.

GAV.

Librorum copia magna est. R A T. Oper-
tunè admodum de his sermo oritur.
Nam vt quidam disciplinæ, sic alij voluptatì
& iactantiæ libros quærunt. Sūt qui hac par-
te supellectilis exornent thalamos, quæ ani-
mis exornandis inuenta est, neque aliter his
vtatur quàm Corinthiis vasis aut tabulis pi-
ctis ac statuis cæterisq; de quibus proximè
disputatum est. Sunt qui obtentu librorum
avaritiæ inserviant: pessimi omnium non li-
brorum vera precia, sed quasi mercium æsti-
mantes? Pestis mala, sed recens, & quæ nuper
diuitum studiis obrepisse videatur, qua vnū
concupiscentiæ instrumentum atque vna ars
acceslerit. G A V. Librorum larga copia est.
R A. Operosa, sed delectabilis sarcina & ani-
mi iucunda distractio. G A V. Ingens est co-
pia librorum. R A. Ingens simul & laboris co-
pia & quietis inopia, huc illuc circumagen-
dum ingenium: his atque illis prægrauanda
memoria. Quid vis dicam? Libri quosdam
ad scientiam, quosdam ad insaniam deduxe-
re, dum plus hauriunt quàm digerūt: vt stoma-
chis, sic ingeniis nausea sæpius nocuit, quàm

fames: atque vt ciborum, sic librorum vſus pro vtētis qualitate limitandus eſt. In rebus omnibus quod huic parum, illi eſt nimium. Itaq; ſapiens non copiam ſed ſufficientiam rerū vult. Illa enim ſæpe peſtilens, hæc ſemper eſt vtilis. G. A. V. Immenſa copia librorum eſt. R. A. T. Immenſum dicimus quod meſura caret, ſine qua humanis quid in rebus rectū ſibi que conueniens, tu metire. Eſt in his etiā quæ optima iudicantur, immenſitas atq; immoderatio fugienda, ſemperque præ oculis habendum illud Comicum: nequid nimis. G. A. V. Librorum inestimabilis multitudo eſt. R. A. T. Maior ne tibi quàm Ptolomæo Philadelpho regi Aegypti, quem Alexaodrinę bibliothecæ quadraginta librorum milia coaceruaſſe compertum eſt, qui tamen diuerſis ex locis diu magno ſtudio quæſiti, ſimul omnes arſerunt: quod elegantix regum curæq; opus egregium fuiſſe ait Liuius, quem Seneca reprehendit, non id elegantix curæq; regix opus dicens, ſed ſtudioſæ luxuriæ, immoderata id quidem, ſed ſeiſſam cōquiſitis ſpectaculis inaniter oſtentatis. Et Liuij tamen dictum, & Ptolomæi factum, vtranq; forſitan regix opes excuſant, & in longum publicis vſibus proſpiciens regis intentio, in hoc certè laudabilis, quòd ſacras literas mundo non viles modò, ſed neceſſarias, ſumma diligen-

tia atq; impensa per electos ad tantum opus
 viros in Græcam linguam ex Hebraico fon-
 te transfudit. Atquid facias priuatis non
 æquantibus, sed superantibus apparatus re-
 gios? Sereno equidem Sammonico doctrinæ
 viro ingentis, sed maioris curæ plurimarum
 litararum, sed plurium voluminum, duo &
 sexaginta milia librorū fuisse legimus, quos
 omnes Gordiano iuniori cuius patri fuisset
 amicissimus ille moriens reliquit. Magna
 prorsus hæreditas & multis suffectura inge-
 niis, vnū verò quis dubitet oppressura? Quid
 hic autem quæso si nihil aliud egisset in vi-
 ta, nullum illi vel scribendi studium fuisset;
 vel quærendi labor, nihil omnium tot volu-
 minibus comprehensorum legere atq; intel-
 ligere laborasset? At non satis habuit negotij
 libros ipsos ac librorum titulos & auctorum
 nomina & librorum formas numerūmq; co-
 gnoscere? Pulchra vero ars, quæ de philoso-
 pho librarium facit. Crede mihi non est hoc
 nutrire scriptis ingenium, sed necare mole-
 rerū atq; obruere, vel fortasse mediis in vn-
 dis more Tantaleo siti animam torquere re-
 bus attonitam, degustantem nihil, atque om-
 nibus inhiantem. G A V. Libri innumerabi-
 les sunt mihi. R A T I O. Et errores innu-
 meri, quidam ab impiis, alij ab indoctis edi-
 ti. Illi quidem religioni ac pietati & diuinis

literis, hi naturæ ac iustitiæ moribúsq; & liberalibus disciplinis seu historiæ rerúmque gestarum fidei, omnes autem verò aduersi, inque omnibus & præsertim primis vbi maioribus agitur de rebus & vera falsis immixta sunt, perdifficilis ac periculosa discretio est. Utq; ad plenum auctorum constet integritas, quis scriptorum inſcitix inertixque medebitur corrumpenti omnia miſcētique? cuius metu multa iā, vt auguror à magnis operibus clara ingenia reflexerunt, meritóque id patitur ignauissima ætas hæc culinæ sollicita, literarum negligens, & coquos examinans non scriptores. Quisquis itaq; pingere aliquid in membranis manúque calamum versare didicerit, scriptor habebitur, doctrinæ omnis ignarus expertus ingenij, artis egēs. Non quæro iam nec queror orthographiam quæ pridem interiit, qualitercunque vti nam scriberent quod iubetur, appareret scriptoris infantia, rerum substantia non lateret: nunc confusis exemplaribus & exemplis, vnum scribere polliciti, sic aliud scribunt, vt quod ipse dictaueris non agnoscas. An si redeat Cicero aut Liuius multique alij veterum illustrium, ante omnes Plinius Secundus sua scripta relegentes, intelligent & non passim hæsitantes, nunc aliena credunt esse, nunc barbara. Inter humanarum inuentionū

tot ruinas literæ sacræ stant, cùm maiore hominum studio, tum vel maximè protegente sua sancta poemata, suas sanctas historias diuinâsque suas leges, auctore illarû Deo suâque perennitatem suis inuentionibus largiente. Reliquarum nobilissimæ pereûnt, & iâ magna ex parte periere: sic ingentis damni nullum est remedium, quia nullus est sensus, neque id nouum hac in re, & virtutum & morum damna ingentia negliguntur. Cùm tanto studio minoribus occurratur, literarû iacturam inter minimas numeratis: sunt qui numerent inter lucra. Fuit nuper nō in agris aut syluis, sed in maxima florentissimâq; , & quod stupeas, vrbe Italiæ, neq; is pastor aratorue, sed vir nobilis magniq; apud suos ciues loci, qui iuraret se magno precio empturum, ne quis vnquam suam patriam literatus incoheret aut intraret: ô vox saxeï pectoris. Fertur tale aliquid sensisse Licinius infestus literis, vt scriptum est, quas virus ac pestem publicam nominabat. Sed origo illum rustica forsan excuset: & si enim vsque ad Cæsareum nomén ascendisset, naturam tamē non exuerat. Verum est enim illud Flacci: fortuna non mutat genus. Sed quid de nobilibus vestris dicam, qui non modò perire literas patiuntur, sed exoptant votis, Equidem hic rei pulcherrimæ contemptas atque odium,

breui vos in profundum ignorantiae, demer-
serint, Accedent, ne à proposito deerremus,
& scriptores nulla frenati lege, nullo proba-
ti examine, nullo indicio electi: non fabris,
non agricolis, non textoribus, non vlli fere
artium tanta licentia est, cum sit in aliis leue
periculum, in hac graue, sine delectu tamen
ad scribendum ruunt omnes & cuncta va-
stantibus certa sunt precia. Nec verò hæc
scriptorum magis humano more lucra ca-
ptantium quàm studiosiorum publicisque
rebus præsidantium culpa est, quibus nulla
vnquam rei huius cura fuit, oblitis quid Eu-
sebio Palæstinæ Constantinus iniunxerit,
vt libri scilicet non nisi ab artificibus iisque
antiquariis & perfectè artem scientibus scri-
berentur. G A V D I V M. Librorum bona
copia est. R A T I O. Quid si capax animus
non est? Meministi Sabinum illum apud
Senecam, seruorum suorum scientia glo-
riantem: quid inter te atque illum interest,
nisi quòd aliquanto tu stultitior, vterque
equidem alieno, verum ille seruorum &
certè suorum, ac tu librorum nil ad te perti-
nentium ingenio gloriaris? Sunt qui quic-
quid in libris scriptum domi habent, nosse si-
bi videantur: cumque vlla de re mentio in-
cidit, hic liber inquit, in armario meo est,
hoc tantum idque sufficere opinantes, quasi
simul

simul in pectore sit, elato supercilio contice-
 scant, ridiculum genus. GAVD. Libris af-
 fluo. RAT. Quàm mallem ingenio & elo-
 quentia & doctrina, multoque maximè in-
 nocentia & virtute. Sed hæc venalia non ha-
 bentur vt libri, & si haberentur, nescio an em-
 ptores totidem reperturi, quot libri. Illi enim
 muros vestiunt, hæc animos, qui quādo oculis
 non videntur, ab hominibus negliguntur. At
 profectò si librorū copia doctos faceret aut
 bonos, doctissimi omnium atque optimi sæpe
 esse possent qui ditissimi, cuius sæpe contra-
 rium videmus. GAVD. Adminicula ad discen-
 dum libros habeo. RAT. Vide autem ne im-
 pedimenta sint potius, vt nonnullis ad vincē-
 dum multitudo bellatorum, sic librorū mul-
 titudo multis ad discendum nocuit, & ex
 copia, vt fit, inopia orta est, qui si vltro ad-
 sint, non abiiciendi equidem, sed sequestran-
 di erunt, vtendumque melioribus, & cauē-
 dum ne qui forsā in tempore profuturi es-
 sent, intempestiui obsint. GAVD. Multi &
 varij mihi sunt libri. RATIO. Fallit sæpe
 viarum multiplicitas viatorem, & qui vno
 calle certus ibat, hæsit in biuio, multoque
 maior est triuij error aut quadriuij: sic sæpe
 qui librum vnum efficaciter elegisset, inu-
 tiliter multos aperuit euoluitque, Multa
 sunt onerosa discantibus, doctis pauca suffi-

ciunt nimia vtrisque sunt infortuna, sed fortioribus humeris subuectantur agilius. GAV. Librorum nobilium magnum numerum contraxi. RA. Librorum numero nemo qui nunc occurrat præter regem illum Aegyptium nobilitatus est, neq; id sibi tam numerus est quàm famosa translatio. Haud dubiè mirū opus tot ingeniorum, nisi vnus post ingenij miraculū maius esset calle alio niti oportet, vt ex libris gloriam quæras, non habendi sed noscendi, neque bibliothecæ sed memoriæ committendi cerebróque non armario concludendi sunt, alioquin vel librario publico vel armario ipso gloriosior nemo erit. GAV. Egregios multos libros seruo. RAT. Multos in vinculos tenes, qui si forsan crumperent, & loqui possent, ad iudicium te priuatè carceris euocarent: tunc flēt taciti, multa quidem nominatim, illud quod persæpe vnus iners affluit auarus, quibus multi egeant studiosi.

De scriptorum fama. Dialog. XLIIII.

GAV.

Quid quòd ipse libros scribo? RAT. Moribus publicus, contagiosus insanabilis. Omnes sibi vsurpant, scribendi officium, quod paucorum est, vnus hoc correptus malo multus inficit, Aemulari enim
pro

ptonum, imitari arduum: unde indies crescit ægrotantium numerus simulq; vis ægritudinis ingrauescit, quotidie plures, quotidie peius scribunt, quoniam sequi facilius quam assequi. Scitum réque compertum & cum tēpore clarius est illud sapientis Hebræorum: faciendi plures libros nullus est finis. G A V. Scribo. R A. Suis utinam se finibus tenerent homines, rerumque ordo constaret qui mortalium temeritate confunditur: scriberent qui sciunt & qui possunt, ali, legerent vel audirent. Ita ne parua enim animi voluptas intelligere est, nisi manus ad calamus præsumptuosa festinet, & quisquis libri particulam intellexit seu intellexisse visus est sibi, illinc libros scribere videatur idoneus? Hæreret utinam memoriæ vnum Ciceronis nostri dictum in Tusculani sui vestibulo, ne quem lateat claro scilicet ac paterni loco positum: fieri enim inquit potest, ut rectè quis sentiat, & id quod sentit eloqui politè non possit. Et sequitur: sed mandare quenquam cogitationes suas literis, qui eas nec disponere nec illustrare possit, nec delectatione aliqua allicere lectorem, hominis est intemperanter abutentis & ocio & literis. Sunt quidem Ciceroniana ista verissima, sed etiam usque adeo vulgaris abusus est, ut nemo non sibi vni dictum putet, quod illi olim sa-

cratissimo exuli, qui non de arescentibus ri-
 uulus, sed de ipso veri fonte potauerat quæ
 scribebat, dictum est & sæpius repetitum,
 scribe. Cui præcepto contemptores præce-
 ptorum omnium omnes obediunt, omnes
 scribunt. quod si in his qui alienos scribunt
 libros magni diximus esse periculi, quanti
 putatis hi qui proprios recentésque: quibus
 dubias atque damnatas mundo inuehitur dis-
 ciplinas, seu quod in his malum est leuissi-
 mū, stilo obtundunt incondito & agresti, sic
 ut cui vis desit ingenij, iactura saltem tempo-
 ris laborque aurium tædiūque non deerit?
 Hic vestrarum hodie non alius fructus in-
 uentionum, aut inficere, aut afficere: reficere
 autem, aut nunquam aut peraro. Omnes ta-
 men assiduè libros scribunt, nec ulli ætati tā-
 ta vel scribentium vel differentium copia,
 tanta scientiū atque eloquentium fuit ino-
 pia. Horum de libris accidit quod ibidem
 Cicero idem ait: itaque suos libros, inquit,
 ipsi legūt cum suis, nec quisquā attingit præ-
 ter eos qui eandem scribendi licentiam sibi
 permitti volunt. Quod quidem Ciceronis
 ætate rarum fuit, nunc commune est. Omnes
 igitur attingunt, quia scilicet eandem licen-
 tiam volunt omnes. Sic se mutuo cohortan-
 tur, impelluntque scribentes inanię & laudā-
 tes, laudemq; similium falsis de laudibus a-

cupantes. Hinc illa igitur scribentium audacia rerumque confusio, nec tu valde tibi placeas libros scribens. G A V D. Scribo libros. R A T. Melius fortassis illos legeres, optimè autem in vitæ regulam lecta conuerteres, Tunc enim est utilis notitia literarum dum in actû trāsit, seq; ipsam rebus approbat non verbis, alioquin verum sæpe deprehenditur quod scriptum est, sciētiam inflare. Clarè velociterq; intelligere, multa simul & grandia, eadēmq; tenaciter meminisse & ornatè eloqui & artificiosè scribere, & pronūciare suauiter: hæc omnia nisi ad vitā referātur, quid sunt aliud quàm inanis instrumenta iactantiæ, inutilisq; labor ac strepitus. G A V. Libros scribo. R A. Forſan vtilius arces campum, gregem pasceres, telam texeres, maria nauigares. Multi quos natura mechanicos fecerat, illa inuita atq; obluſtāte philosophātur. Contrā, aliquos philosophiæ aptos, natos in aruis, aut pascuis; in scānis opificum, aut nauatarum tranſtris, fortuna detinuit. Vnde effectum quòd mirentur causarum inscīj, si vt in mari medio aut rure, in syluis, inq; officinis acria & erecta reperiantur ingenia, cum in scholis exanguia ac deiecta sint: difficile enim vincitur natura si vincitur G A V. Scribo ardentè. R A T. Quanto ardentius olim multi, quorum ardor sic extinctus est, vt scri-

plisse illos nisi id alij scriberent, uesciretur?
Nullum opus humanum semper durat, &
mortalis labor nihil efficit immortale. G A V.
Scribo multa. R A T. Quanto plura alij? Quis
Ciceronis libros aut Varronis enumeret?
Quis Titi Liuij, aut Plinij opera metiatur?
Græcorum vnus, sex milia librorum edidisse
traditur. O ardentem spiritum si vera res est:
ô longum ocium ac tranquillum. Certè si
vnum duosve aut omnino paucos libros be-
ne scribere, multi negotium est laboris, tot
vnum milia scripsisse non tam facile est cre-
dere quàm mirari. Summi tamen attestan-
tur auctores, quibus non credere durum sit,
quique hunc numerum non auditu sibi, nec
visu solo, sed eorum librorum lectione com-
pertum dicant, quos si vnum omnes legere
potuisse mirabile, quanto mirabilius est scri-
psisse? Longum est enumerare qui viri apud
vos, qui verò apud Græcos, & quæ scripse-
rint, quorum nullus ad plenum studiorum
fortunatus fuit, sed horum aliqua, illorum
aut magna pars, quorundam omnia periere:
tu de tuis quid præfagias videto. G A V. Scri-
bo, & ea mihi interim voluptas vnica. R A.
Si vt ingenium exerceas scribendoque aliis
te doceas, si vt obliuiscaris temporum præte-
ritique memoria præsens tædium effugias,
excuso, si vt scribendi morbo quidem occul-

tot & insanabili medeare, misereor. Sūt nanque, si nescis, qui non scribunt nisi quia nequeunt desinere, & velut ex præcipiti decurrentes nolentēque subsistere, rapiuntur. **G A V.** Scribendi impetus ingens est. **R A T.** Melancholiæ species infinitas ferunt. Alij lapides iactant, alij libros scribunt, huic scribere furoris initium est, huic exitus. **G A V D.** Scripsi multa & scribo. **R A T.** Si posteris profuturus, nihil satius, si tibi nudum nomen quæsiturus, nihil vanius. **G A V.** Multa scripsi. **R A T.** O præclaram insaniam, & miramur si membranae solido chariores sint. **G A V D.** Scribo & hinc famam spero. **R A T.** Dixi iam, melius forsitan arares aut foderes mensam sperans: humi enim tutius quàm in vento feritur. Atqui famæ studium & pertinax scribendi opera, ut quosdam claros sic innumerabiles stultos atque inopes in senium misit, nudosque & loquaces spectaculum vulgo fecit: Ecce dum scribitis, melioribus curis idoneum tempus elabitur: extra vos rapti sopitique non aduertitis donec serò vos senectus excitet ac paupertas. **G A V D I V M.** Scribo tamen famæ cupidus. **R A T I O.** Mirum studium de labore ventum quærere: Certè ego ventos optare nauticum putabam.

De magisterio. Dialogus XLV.

GAV.

AT magisterio insignitus sum. **RATIO.** Malleim fateor disciplina, magisterio enim indisciplinato & rudi nihil est turpius. **GAV.** Magister ex merito factus sum, **RAT.** Ut magister dignè sis, non nisi discipulus meruisti, obsequentem atque humilem te docilemque prabueris oportet, alioquin aberrasti in viam quæ ad magisterium ducebat: & si non ignorem quosdam sine magistro ad scientiæ gradum altissimum conscendisse, idque de se ipsis veros magni nominis prædicasse literisq; mandasse: sed his labor, & ingenium & discendi arbor, & intentio, & assiduitas, & perseverantia pro magistro fuit, nec internus in silentio magister defuit. At nunc mihi de communibus sermo est. **GAV.** Magister dicor. **RAT.** Multis, ne magistri veri essent, magisteri falsum nomen obstitit, dumque de se plus omnibus quam sibi, dumque quò dicebantur, sed non erant esse crediderunt, quod esse poterant, non fuerunt. **GAV.** Magisterio clarus sum. **RATIO.** Vidisti vini acidæ tabernam picturis aut floribus vernis insignem, ubi sitiens viator falli possit. Sed nunquid & caupo suis fallitur artibus? Sunt certe aliqui sic fallacis, assuefacti, ut longo usu fallendi alios, ad extre-

num & se fallere incipiant, quodque diu
suasere aliis, aliquando persuadeant sibi, &
quod falsum sciuerint, verum credant: tu ve
libet magisterio gloriare. Quod si digno ob
tigit, nihil noui: sin indigno, duo hæc mala
secum attulit, vt & discere pudeat & notior
ignorantia tua sit.

De Variis Titulis Studiorum: Dia-
logus XLVI.

GAV.

Titulis multis ac variis exornor. R A T.
Fœcunda frondium est vanitas, sed ina
nis fructuum. GAV. Titulis multis abundo.
R A T. Si veris, grauis sarcina: sin falsis, & fœ
da & pudenda. Quid opus est & titulis qui
bus aut labor infit aut dedecus? Virtus vno
seu potius nullo titulo contenta, ipsa sibi est
titulus. GAV. Theologiæ titulum sum ade
ptus. R A T. Erant olim huius scientiæ pro
fessores, hodie, quod indignans dico, sucrum
nomen prophani & loquaces dialectici de
honestant, quod nisi sic esset, non hæc tanta
non subito pullulasset seges inutilium magi
strorum. GAV. Philosophiæ magisterium me
rui. R A T. I O. Philosophia non sapientiam,
sed amorem sapientiæ pollicetur. Quisquis
hanc igitur vult, amando cōsequitur. Non est
vt quidam putant, operosus aut difficilis hic

titulus, modo verus amor sit, & vera quam
âmes sapientia philosophus verus eris. Ve-
ram sane sapientiam non nisi purgatâ piâq;
animâ vel intelligere possunt vel amare. Ad
id ergo res redit, quod est scriptum: pietas est
sapientia, Philosophi autem vestri huius sen-
tentia contemptores aut ignari, iut de theo-
logis nunc dicebam, ad verbosam nudâmq;
dialecticam sunt redacti. Itaque de Deo illi,
hi autem de natura temerariè fabulantes. Illi
impotentissimam maiestatem ventosis so-
phismatibus circumscribunt, & subfannanti
ridentique Deo suâ insolentis inscitia leges
ponunt: Isti vero de naturæ arcanis ita di-
sputant, quasi è cœlo veniant consilioque
Dei omnipotentis interfuerint, obliti quod
scriptum est: sensum domini quis nouit, aut
quis consiliarius eius fuit? Neque nostrum
audientes Ambrosium, qui sæpe id multis ac
validis argumentis, eo autem libro in quo
fratris obitum luget, præcisè admodum bre-
uitérque: Philosophi, inquit, de cœlo dispu-
tantes quid loquantur ignorant. G A V. Ar-
tes profiteor multas. A A T. Facillimum id
quidem, multas nosse difficilius: melior sa-
nè tutiérque confessio quam professio est.
Illa enim humilitatis & pœnitentiæ, hæc le-
uitatis & insolentiæ plena est: multo certè
facilius indulgentiâ confessi quærunť quam
scien

scientiam professi. GAV. Diuinæ atque humanæ sapientiæ titulum cōsecutus sum. RA. Sapientia titulis non eget, per seipsam clara est. Quis lucernam quæso vnquā soli vt videretur adhibuit? Multi & cū his titulis obscuri, & absque his clarissimi euasere. Sæpe nūllum bonis, clarū malis mercibus signū fuit.

GAV. Quid quod poëtica laurea comam strinxi. RAT. Superior vnus est labor, verum quærere, sed hic duplex, quærere & ornare, atq; ad aurium oblectationem fingere magna res est, ardua, difficilis, eoque rarissima. Veri nempe poëtæ vtrique operā dant, communes verò primum negligunt cōtenti phaleris. GAV. Rarum laureæ partum decus. RA. Quæsitum vnde rempublicam remq; familiarem vni posthabeas curæ, quæsitū iter ad inopiam, ni sedenti vltro prodiga tibi opes conuehat fortuna, quæsitū vnde aliis amens, a liis insolēs videre. GAV. Mihi ipsa lauream decerpfi. RA. Virentissima arbor si decerpitur, cōfestim nisi ingenio vberi vigilique studio rigeretur, aruerit. GAV. Parua mihi laurea. RA. Partus labor, partus linor, seu illa studiorum seu armorum merces est. Tener ille ramulus animo tuo nihil omnino signum vertici præbuit inane; ostēdensq; te multis quos melius latuisses. Quid aliud quā te morsibus obiecit inuidi? Pace belloq; multis ipsi

gnia nocuere. GAV. Artem oratoriam sum
 professus. RAT. Mirum audio. Ea nempe in
 desuetudinem abiisse iampridem visa erat,
 utque immensis & innumerabilibus rebus
 constat, unde sit ut oratores ipsis etiam vati-
 bus rariores semper fuerint. Proinde fuere
 qui dicerent: oratoris proprium de omni re
 copiosè ornatèque posse dicere. Quauis ea
 sententia velut arrogantissima sit reiecta,
 quantis sanè de rebus, & si non de omnibus
 dicere habeat orator, adhibita in singulis ar-
 tificiosa & dulci quadam eloquentia, quæ per
 se ipsam magna res est, æqua si lance libraue-
 ris, obstupefces, tæque fortasse professionis
 temerariæ pœnitebit, ut caueas nedum sci-
 re, vel infinita vel omnia vis videri, nihil
 re videaris, & quod sæpe accidit sub scientiæ
 professione multiplicis, ignorantia delite-
 scens necessario in apertum exeat. GAV. Li-
 beralium sum professor artium. RAT. Sæpe
 etiam plus habet ea res audaciæ quàm doctri-
 næ. Ad vnāquamque artium brevis est vita,
 vnus tu sufficis omnibus? Vna ars vni inge-
 nio satis est ut ad summum æstuando & anhe-
 lando perueniat: multas degustasse quantum
 cepti necessitas exposcit: idque ipsum nosse
 quàm professum esse modestius. Addā quod
 doctissimis visum est, vnā ipsam omni ex
 parte cognoscere nulli etiam illustrium con-
 rigisse

rigisse. De sola nempe rhetorica notum illud
 Senecæ: Magna inquit: & varia res est elo-
 quentia, nec adhuc vlli sic indulgit vt tota
 contingerit: satis foelix est, qui in aliquam eius
 partem receptus est. Id sanè quibus viris &
 quantis testibus verū probet, audisti. Quod
 cum ita sit, quid agant & quid audeant, co-
 gitent agmina professorum penè iam vul-
 gus æquantia tam ruditate quam numero,
 quæ non vna quidem parte, sed nec vna ar-
 te contenta, ex æquo omnes inuadunt. O fi-
 ducia ingens, sed iam publica. G A V D I V M.
 Quid de medicinæ tandem iuriumque pro-
 fessione dictura es? R A T I O. Ad hoc agri-
 tti clientèlesque respondeant. Quid illis vn-
 quam ad salutem corporis victoriæque
 causarum titulus iste profuerit, tibi ad lu-
 crum forsitan sæpe profuit, in hoc artes si-
 ue artium nomina quæritis, & quod scien-
 tiæ defuerit, suppletur titulis atque habitu,
 verumque sit illud Satyrici: purpura vendit
 caufidicum, vendunt amethystina. Nec id
 minus, vt redeant veteres, Ciceroni nemo
 ducentos nunc dederit nummos, nisi fulserit
 annulus ingens. Postre: hæc tibi horum
 omnium summa erit, esse quosdā raros quo-
 rum solida & honesta sint studia, horum finis
 est veritas ac virtus. Hæc est rerū notitia mo-
 rumque correctio, & vel vitæ mortalis orna-

mentum, vel æternæ aditus, Reliquorum verò quæ ingens turba est, pars gloriâ petit, præmium inane, sed fulgidû, maiori autem parti vnus, fulgor pecuniæ finis est, præmium non exiguum modò, sed sordidum & labori impar, nec ingenuo dignû nisi, hisque omnibus titulus & vt dixi habitus nò spernendus quidem: ad id enim quod intendunt valet, nempe omnium penè mortaliû, & præsertim vulgri horû ope egentis animus iudiciûmque vmbri eluditur. Magna pars rerû opinionibus agitur. At virtuti deditos titulis gloriari alienum prorsus atque absonum, immo verò ne possibile quidem reor. GAV. Multa profiteor. RAT. Præstat vnum benefacere quàm multa pròmittere. Bene irent autem res humane, si quod profitentur homines id essent.

De Titulis Negociorum. Dialog. XLVII.

GAV.

PROcurator regis sum. RA. Ergo hostis populi. GA. Procurator fisci sum. RA. Et rei publicæ inimicus. GAV. Negociorum gestor regis sum. RA. Sua negotia gerere laboriosum est, quid censeas aliena præcipueq; potentium, quibus placuisse, perpetua seruitus, displicuisse discrimen, supercilhû graue paratumq; pro leui etiam offensione supplicium? GAV. Negotia regis ago. R. Rationem duro

sub

sub iudice redditurus, nisi omnium spoliis
 tuoque odio & crimine vix implendam. G.
 Regis negocia procuro. R. A. Vide ne cū pro-
 curatio ipsa difficilis, tum difficilior sit ratio
 tamque inextricabilis, ut quod de multis vi-
 dimus, patrimonium, famam, tuamq; caput
 implicet. G. A. V. Regius procurator sum. R.
 Displicendum multis ad extremū domino,
 quodque periculosius Deo, proq; leui regis
 emolumento graua regni mala & ingentia
 damna populorū, vel dissimulāda: vel perpe-
 tranda. G. Procurator regius factus sum.
 R. Quo primum die inuisum hoc officium
 domus tuæ limen attigit, tibi viuere desisti,
 libertas inde & quies & iucūditas abiēre. Pro
 his seruitus, labor, occupatio, metus, dolor,
 afflictio & mordaces subierūt curæ, iam non
 viuis & si spires: occupatorū enim vita mors
 est, qui cū miseri omnes sint, illi sunt o-
 mnium miserrimi, qui pro aliis maximēque
 pro regibus aut tyrannis seu quibuscunque
 potentibus occupantur. G. At sum iudex.
 R. Sic iudica quasi mox ab alio iudicandus.
 Vnus est omnium iudex, vnū tribunal incor-
 ruptū. Ante illud stabitis mortales, quid falsi
 corio iudicis sellæ iudiciariæ impresso, &
 barbarica admonitione iustitiæ opus est?
 Ea in sella quisquis iudicum sedet, vbi si in-
 iustè iudicabitur, nec pecunia, nec gratia, nec

falsi testes , nec indignæ preces , nec inanes
minæ , nec disertæ proderunt patroni. G A V D.
Consul patriæ meæ sum. R A T. Difficillima
gloria. Rarum est quidē sic consulere vt pro-
sis & placeas , vt sit enim in verbo veritas , in
consilio fides , in commisso silentiam , in ora-
tione suauitas , euentum fortuna moderabi-
tur , is consilio precium dabit. G A. Præfectus
urbis sum. R A. Beluam indomitam , vtque ait
Flaccus , capita multorum tenui frænas loro ,
atque immensam solus agitatam magnis
fluctibus puppim regis. Parua domus ægrè
regitur , magnæ urbis . quàm difficile sit re-
gimen videto : parùmne tibi curarum domi
erat , qui publicas adoptasti ? Quid quod non
difficile modò iam officium , sed vile est ,
præfectum urbis villicum Satyricus vocat ,
statum notans temporum illorum , quid si
tunc villicus , quid nisi nunc syluicus seu syl-
uanus sit ? Cœperat ea ætate villa esse Roma ,
iam sylua est. G A V D. Sum præses prouin-
ciæ. R A. Honorato exilio damnatus , ocium
domesticum externa sollicitudine permuta-
sti , dulce nihil aut tranquillum speres , amara
& turbida præsidentium fors , festis diebus
ludisque & conuiujs arcentur , muneribus
clausum limen & apertum litibus , tectum
iocis vacuum , plenū querimonijs ac iurgijs.
Quicquid languidū , quicquid ægrum , quic-
quid

quid marcidum in prouinciæ visceribus latet, totum tibi tractandum curādūque obligit, durum opus: quanti nempe negocij sit multos corrigere, hinc patet, quòd sese corrigunt paucissimi.

De titulis bellorum, militia & ducatu.

Dialogus. XLVIII.

GAV.

Militari cingulo exornatus sum. R. Pau-
cane tibi vitæ mala visa erant nisi mi-
litiam addidisses, qua vel inquietus semper
vel inglorius, vel periculo expositus, vel con-
temptui sis oportet. GAVD. Militiam sum
professus. RATIO. Hanc nascendo profite-
mini, quid professione alia opus erat? Hic
ferro corpus, hic animum dolis, hic argutiis
linguam armat. Nemo vestrum est inermis,
hic ferit, hic ædificat, hic declamat, ille cau-
sas orat, hic pedibus, ille equo seu carpento
vehitur, hic currit, hic nauigat, hic paret, ille
imperat. Nemo vestrum ociosus, quænam
hæc noua militia est? Hic in castris, hic in
rostris, hic in scholis, hic in nemore, hic in
agro, hic in pelago, hic in palatio, hic domi,
hic peregrè vitam agit, omnes militât, neque
homines modo, sed militare in syluis catulū
Flaccus ait. Et militantium quidem multa
sunt genera, militiæ vna est, vita hominis su-
per terram, quam qui militiam diffiniuit ille

mihi demum vero & acri iudicio rem liberauit, modò militiæ prælium addidisset. G. Armata militiæ sum ascriptus. R A T. Quid armatis exterius? Intus in anima bellum est. illam vitia obsident atq; opugnant. Quis hic ferro locus, nisi illud ad ornatum corporis, non ad animæ tutelam induitur? Sunt enim qui dicant nihil pulchrius viro armato, ego quid pectus & quid caput ferreum pulchrius habeat quàm pacificum & inerme, nō video. Quando autē hæc voluptas tibi est, age, ferro membra constringito, imbrem solémque galea excipiens, ferro indutus, clypeo operire, domi dormiens classico excitabere, adeptus tibi magnum aliquid videbare, sed errabas, anceps & cruentū officiū elegisti. Multæ sunt autē fraudes spei, multæ sunt fateor catenæ, quæ animos boni illius quod omnia appetunt incōsultè auidos in exitiū trahunt. Neque inficior quosdam militia ad amplissimas opes, siue etiā ad summum imperium peruenisse, crede autem mihi plures ad inopiam, ad carcerem, ad seruitutem, ad violentam subitāque mortē eodem tramite peruenerunt. Tu ex quo militiam profiteri animus fuit, nisi dehonestare artificium tuum vis, semper animam in numero habeas oportet, semperq; aures tuas Cæsarea vox illa circumtonet: disce ferire, disce mori. Syllabi

vna

vna brevis, aut longior tua facta variabit, vel occides, ad vtrumlibet horis locisque omnibus te paratum exhibe: Hæ artes delitiæ tuæ erunt. Sine vero Satyricum loqui, præmia militiæ numerantem: innumerabilia equidem præfatus uix paucissima colligit, in quibus prima & summa licentia est peccandi. Præmium Hercle non tam iustis viris optabile quàm armatis legibus, ut aiunt inter arma silentibus. G. Militiæ filium ascripti. R. Est id ferme vñtatum, ut militis filius miles sit. Non potest enim nisi quam habet hæreditatem filio pater dare, arcum, scutum, gladium & bellum, & quod ludum conficit auro tincta calcaria. Sed quod patri diximus sibi filius dictum sciat. G. Belli dux victoriis clarus sum. R. Quanto melius pacis dux virtutibus clarus esses. G. Multa bella confeci. R. Quietem tibi atque aliis abstulisti, clarum opus. G. Victoriis ac triumphis notus sum. R. Sæpe malum bono notius, & atra tempestas serenitate famosiôr. Denique parasti busto titulos, vulgo fabulam, tibi nihil.

De amicitiis Regum. Dialogus. XLIX.

GAV.

Quæsiui mihi regum amicitias. R. A T:
Hominum vera amicitia rara est, tu

tibi regum fingis amicitias, quos fortuna
splendor tumorque animi omnium imparium
contemptores facit. G A V. Regibus charus
sum. R A T. Vilis ergo tibi est anima, virtus,
fama, quies, ociū, securitas notus est mos re-
gum, vix diligūt nisi qui his omnibus negle-
ctis & abiectis illorū se sœuitiæ ac libidinis
& avaritiæ seruū fecit. Si ergo charus es re-
gibus, non est quod amplius de te quæram,
vilis es tibi. G A V. Ego autem bonitate ac vir-
tute sum charus regibus. R. Quid respondes
Crispo? Nam regibus inquit, boni quàm ma-
li suspectiores sunt, semperq; his aliena vir-
tus formidolosa est. G. Regi meo bonis ar-
tibus sum charus. R A. Quibus quæso, aucu-
pio an venatu? Horū enim studiosum in præ-
cedenti quodam colloquio te notavi. An ve-
rò militia, de qua proximè disputatū est, que
nisi largo sanguine magnisque periculis ho-
neſcitur, non militiæ, sed militaris ignaviæ
nomen tenet, non regum modo iudicio, sed
vulgi. G A V. Bonis artibus regi charus sum.
R A. Vanitate an periculo, an criminibus for-
tassis, homicidio, veneficio, lenocinio, prodi-
tione, blanditiis atque mēdaciis, mala peste,
sed publica, quāque vsus excuset & com-
mendet vrbantitas? Hæ sunt quidē artes pro-
merendis regibus aptiores, quibus inimici-
tius nihil est quàm virtus & literæ. In his igi-

tur nulla spes ad amicitias regum , odij potius causa sunt , sic inter sapientiam ac fortunam rara est pax. G A V. Magnus apud regem sum. R A Maior ne quàm apud Alexandrum Lyfimachus, apud Tiberiũ Seianus? Vtriusque magnitudinem & ruinam nosti. Et si de primo varient scriptores, linquo alios, longa est historia. G A V. Charus sum regi meo. R. Melius esses incognitus , melius forsitan odiosus, fugeres enim quod nunc sequeris discrimen. Peior est aubus inuitantis aucupis blanda modulatio, quàm villici sonitus deterrentis. G A V. Meo sum charus regi. R A T. Sunt quorum dubites periculosior ne sit charitas an odium, sed peiores serpentibus, quibus insunt veneni mixta remedia ; his verò nil pestilens ac nocium inest , seu oderint seu diligant prope par malum , nisi quòd odium fugat , amor detinet. Et ad summam, regum amicitis præter regna ipsa nil usquam inquietius nilque periculosius : & si hoc periculum non ignorem , frustra sæpe multis optatum, sæpe magnis emptum quæsitumque periculis , sic est usus hominum, sic periculis emitur periculũ , multis, vnum, magnis maximum. Mirares, bonum ingens spernitur gratuitum , magnis malis maius malum quæritur. G A V. D I V M. Spero me regi meo charum. R A T I O. Id de quo

speras, quale sit cogita, fundamentum fragile, tremulum, caducū, crebræ notæq; regum indicant ruinæ, vertex nubilosus, turbidus, inquietus, quod sic esse vita regum probat, tristis, occupata, difficilis. Vide ergo ubi struxeris, ut fortuna, sic voluntas regum varia & inconstans ac semper incerta, quanquam nec stantibus illis boni aliquid ista res habeat, mali multum. GAVD. Amicitiam regis mei multis periculis ac sudore promerui. RAT. Heu quanto tutius quantôque facilius regis omnium amicitiam meruisses.

De amicorum abundantia. Dialog. L.

GAV.

AMicitia abundo. RAT. Mirum tibi vni rei huius abundantiam esse, cuius quidem cunctis hominibus penuria tanta sit, ut ex omnibus seculis vix paucissima memoretur amicorum paria. G. Mihi amicitia multæ sunt. R. Fucata igitur, veræ enim amicitia rarum bonum usque adeo, ut qui vnam longa licet in ætate quæsierit, negotiator rerum talium sat industrius habeatur. G. Amicitia felix sum. R. Hoc scire non potes, nisi rebus aliis sis infelix. Verum enim est illud, felix se nescit amari. G. Amicitia certæ sunt. R. Ergo & aduersitas certa est. Verum est enim illud quoque: amicus cer-
tus

tus in re incerta cernitur. G A V D. Amicitia multæ sunt. R A T. Huius rei iudicium experientia committere, non famæ multa mentiri solita, pauciores erunt fortassis quàm reris. G A V. Amicitiarum nimis magna copia est. R A T. Mitte superuacua, in rebus omnibus: qui quod satis est habet, amplius non requirat. G A V. Amicorum satis magna copia est. R A T. At id ipsum neque populo Romano tū. dum maximè floureret, neque vlli mortalium contigisse apud illustrem legis historicum. G A V. Amicitia multæ sunt. R A T. Dixi iam, fictæ igitur aut equidem imperfectæ, ut philosophis placet, quoniam fieri potest ut vno tempore cum altero amicorum sit gaudendum flendumque cum altero, aut inter illos orto odio, vel hinc fidem, vel illinc, vel vtrinque deferere sit necesse. G A V. Copia est uti- lium ac delectabilium amicorum. R A T. Sentio ad vulgares amicitias descendis, quæ tamen ipsæ simul plures esse vix possunt, quod multis retribuere familiaritèrque conuiuere operosissimum sit, animo præsertim in executione cuiuspiam difficilis atque ingenij operis occupato. G A V. Amicos qui profine & delectent habeo. R A. Caducæ amicitia, quarum delectatio, vel utilitas fundamentum est, nam & stantibus illis tremunt, & cedentibus ruunt, id non possibile tantum sed

perficile, immo verò prope necessarium:
 quod hæc plerumque, vel fortunam se-
 quuntur, vel ætatem formæque gratiam
 quibus nihil incertius. At quæ in virtute fun-
 dantur immortales sunt, eò quòd virtus
 ipsa quiddam stabile firmumque sit, & vt
 verbo utar Aristotelis, mansurumque quo-
 niam mori nequit. Ideo quos propter ho-
 nestum dileximus, diligimus vel extin-
 ctos. G A V D I V M. Amicos ni fallor fidos
 habeo. R A T I O. Vide autem ne fallaris,
 néue experiri cupias. Nam sæpe cuius rei
 fuserat dulcis opinio, amarum fuit experi-
 mentum. G A V D I V M. Amicos puto bo-
 nos habeo. R A T I O. Vnde id putes etiam
 atque etiam examina, atque illud imprimis
 quantum ipse ames. Sunt enim qui non a-
 mant & amari putant quo nihil est stultius,
 itque communis error est diuitum: amorem
 precio emi credunt qui mutuo quæritur a-
 more. Generosissima res est bonus animus,
 non herbis neq; carminibus magicis moue-
 tur, non auro aut gemmis, non ad extremum
 ferro flectitur, amando vincitur colendoq;
 Estq; hæc Beatonis Græci philosophi ama-
 torum notissimum, quod Senecæ placuit &
 nubi, si vis amari, ama, quanquã & hoc idem
 sæpe frustra est, tam mukæ tamque imper-
 scrutabiles ac profundæ sunt pectorum ca-
 uernæ,

uernæ, tam venenosi atque inhumani & implacabiles quorūdam animi, vt & culti spernant & amati oderint, nec contenti nullam pio affectui vicem reddere, quod nec beluis quidem nisi atrocissimis accidit: exasperantur obsequio, & si credi potest, amore ad odium irritantur, quod periculosissimum & inter vitæ mala grauissimum humana simplicitas experitur. **GAUDIVM.** Credo amicos optimos habere. **RATIO.** Est hoc quidem amicitiae perpetuum epitheton, quod & si linguæ absit, adest intellectui. Idq; brevius loqui potes, dic amicos, vnâ optimos dixeris. **GAU.** Habere amicos credo. **RAT.** Caue ne falsum credas, ne quando te aliter credere ipsa res cogat. Abyssum animi metiri non est hominis, nunc amicos vobis vina conciliant, lachrymæ autem probant, & quod debuit primū esse nouissimū est. **GAU.** Amici in hoc statu rerum multi sunt. **RAT.** Rerum credo feliciū. Ita enim ferme accidit vt & si fortuna omnis amicitias egeat, illi tamen amicorum copia maior sit, cui rerum cæterarum indigentia minor est, sic inopiam semper inopia, copiāque comitetur copia. Crescat siue adueniat egestas, decrescēt seu abibunt, seu verius detegentur amicitiae. Qui amici tui fuerunt, qui fortunæ, illa videbitur abeūte. Te tui sequētur, illā sui. Hæc melior,

illa densior caterua. Nec est quod mirari debeas, vase exhausto illos abscedere qui solā vini dulcedinem sequebantur, aduersitas simulatorem abigit, saxe potorem. GAV. Innumera-
biles habere videor amicos. RAT. Bene-
ais, videor. Vnde tibi autem hæc opinio cum
omnium veræ amicitia rarę sint, innumera-
biles tuas esse? Persuasum autem debet esse
imprimis, nisi inter bonos amicitias nō con-
stare, hinc iam certius æstimabis, quot non
dicam tibi, sed humanos generi amicitia pu-
ræ sint, cum numerare cõperis, quot sint bo-
ni? GAV. Amicos hobeo cõplures. RA. Notos
dic. idq; quam veraciter sis dicturus, in du-
bio est. Nullū enim animal, nulla merx diffi-
cilior cognitu quàm homo. GAV. Amici mul-
ti sunt mihi. RAT. Contubernales forsan aut
conuiuæ. Hi enim nisi epulæ defuerint non
deerunt, amici autē semper pauci, sæpe nul-
li, sæpe (quod iniquissimum est) amici nomē
domesticus hostis tenet, & sub velo fictæ be-
neuolentiæ familiars insidiæ delitescunt.
GAV. Supra necessitatē sunt amici. RAT. Ap-
primē necessarius ferē omnibus maximeq;
potētibus dæst semper, qui scilicet inter tot
assentatorum mēdacia verum loqui audeat
& velit, quā in re multis amico vtilior hostis
fuit GAV. Multos habeo amicos. RAT. Cre-
de mihi pluribus indiges, sanctiorq; esset or-

his terratum & quietior si tot essent amicitia, quot feruntur. G A. Amicum habeo. R A. Multum est. Nil amico charius, nil rarius.

De amicis incognitis nisi per famam. Dialog. I. 15
G A V

Fama præsens absentes mihi peperit amicos. R A. Est id quidem aliquando visum, ut non solum incognitos sed hostes quoque fama faciat amicos. Fecit Masinissam Scipioni, ut qui in omni Carthaginensi equitatu primus esse cōsueuerat, in omni Romanorum equitatu aduersus Carthaginem primus esset, neque hostes tantum proprios, sed prædones qui publici omnium mortalium hostes sunt. Eidem illi famæ splendor attraxit, qui Linthernī ad eum in exilio habitantē, facto agmine venientes, sic ut primo aspectu terribiles viderentur, ubi se suspectos intellexerunt, positis minis atque armis, & dimissis satellitibus insuetam mansuetudinem induti, soli prædonum principes accesserunt, eūque ceu numen aliquod domūq; eius ut templum deuotissimum venerati, dextera illa victoriosa multis osculis fatigata, affixisque munerib. domus in limine, qualis decorum aris affigi mos tunc erat, quasi ingenti lucro aucti quod virum illum conspexissent, & tanquam caelesti visione alacres abierunt.

Hoc illi vni contigit, quære alium, vbi eum
 quæso reperies? Vt tamen aliis accidat, & no-
 minis claritas absentem conciliet amicum,
 multum enim in rebus, non inficior, potest
 fama. Nunquid tamen non verendum erit,
 ne quod ait quidam, Minuit præsentia fa-
 mam? Quàm multi quos absentes stupue-
 rant, coram positos contempserunt? Tene-
 res est iudicium humanum, facillè flectitur.
 G A V. Fama mihi amicos trās alpes & trans-
 maria quæsiuit. R A T. Vestra ferè omnia fri-
 uola æquè & inania sunt. Nam quis vsus, aut
 quis fructus fuerit illius, à quo nec visus, nec
 videndus, quemve nec videris nec visurus
 vnquam sis? Vitia vestra præsentis quoque
 amicitias inutiles faciunt & infidas: quanuis
 non sint illæ quidem, sed dicantur amicitia,
 quid nunc igitur de his tuis amicitiiis speres?
 Vide obsequium amicos parere, ait Comi-
 cus, immo Hercle veri amici vix multis ob-
 sequiis pariuntur, tu credis amicum paucis,
 fortè & ne tuis quidem verbis quæsiuisse bo-
 næ speies. G A V D I V M. Fama ab extremo
 terræ mihi attulit amicum. R A T I O. Fama
 contraria illum tibi auferet, còque facilius
 quo patentiores malis quàm bonis relatus
 aures sunt. G A V D I V M. Fama mihi bonum
 peperit amicum. R A T. Vnde scis quàm bo-
 nus sit quem nunquam videris, rogo cum il-
 lipli :

Ipsi quos quotidie vides, atque alloqueris,
 quales sint tanto in tempore nondum scias?
 Sæpe vos credulitas vestra circūuenit, liben-
 ter creditis quòd optatis. Multum fidei famæ
 tribuitis mendaci. Speras eius animum vide-
 re, cuius nunquam frōtem videris, cū sint
 inter notissimos quoq; tot pectorum diuer-
 soria, tot latebræ. Difficile est enim amicum
 nisi in magna aduersitate cognoscere, opero-
 sius est illum noscere quàm quærere. Vna
 sæpe hora paucis verbis quæritur, qui vix
 multis annis atque experimentis agnoscitur.
 Voco autem amicum vt vulgus, verus enim
 non antè quæritur quàm probetur. Nec ami-
 cum probant aliorum verba, certè nec pro-
 pria, sed experta charitas fidèsq;e. GAVD.
 Amicum mihi de longinquo fecit fama. R A.
 De te aliquid mentiendò quispiam tibi ami-
 cum dedit, de te vera loquendo, vel forsitan
 mentiendò itidem tibi hunc ipsum alter eri-
 piet. Quibus vis sunt crescūntque omnia,
 eisdem facilè resoluuntur. Et natura vult, vt
 citò aucta citò desinant.

De amico unico & fideli. Dialogus. LII.

GAV.

Amicum vnum, fidum & expertum ha-
 beo. R A. Sæpe in experiendo vestrum
 errat acumen, & dum vos ipsos peritissimos

iudicatis, in hoc ipso ac perindè cæterarum rerum in æstimatione fallimini. GAV. Scio ego, non æstimo amicum mihi esse fidelissimum. RAT. Et quot putas idem credentes, immo ut sibi videbantur & scientes cum ad arctissimum ventum esset examen, sese lufos inuenerunt? Vnde verò tot quotidie de amicis prodeunt querelæ, nisi quia quòs fidelissimos habebatis inuenistis infidos? Nullius rei tam difficilis quàm humani animi cōiectura extimatioq; est. GAV. Nihil coniicio, nihil extimo ut dixi, sed scio amicū verissimum me habere. RA. Habes rem aut optimā aut pessimum errorem. GA. Nullum rei huius errorem habeo, sed amicum multis ac magnis expertum casibus. RA. Habes ergo rē dulcissimam sanctissimāque, qua vna post virtutem solam nihil homini melius in hac vita, seu natura, seu vita aliquis, seu labor ac studium dedit. Dulces fateor parentes, dulces filij, dulces fratres, possunt tamen amarescere, nec parentes ideo, nec fratres quidem desierunt esse, nec filij cum dulces esse desierint, at amicus solus dum sit verus, dulcis & charus esse non desinit. Chari inquam sunt parentes. Nōne autem Iuppiter Saturnum regno patrem expulit? Nicomedes Prusiam Bithyniæ regem, suum patrem consilia licet necandi filij agitantem vita priuauit? Et pro-

Iomæus

Iemæus hinc Philopater dictus, patre ac matre insuper & fratre occisis, ad vltimum & vxore Euridice interfecta, regnum Aegypti scortorum sic rexit arbitrio, vt nihil in regno proprium haberet præter nudum & inane regis nomen? Nónne & Orestes Clytemnestram matrem, Agripinam Nero, Antipater Theffalonicem interfecit? Chari filij Nónne Theseus Hippolytum castissimum, Philip-
pus rex Macedoniæ Demetrium filium ad-
lescentem optimum iussit occidi? Nónne &
Ptolemæus alter, aduersum pietati nomen, &
ipse quoque fidiſſimus rex Aegypti duos? Et
Herodes rex Iudææ vnum, & Constantinus
Romanorum Imperator vnum quoque Cri-
spum filium interemit? Nónne Maleus dux
Carthaginensium Carthalonem filium cru-
cifixit? Quin & matres quarū amor hinc in-
tensior, hinc mitior sexus, in filios sæuierunt,
Nota omnibus Medæa. Quid Laodicæ Cap-
padocióq; regina, que regnandi cupidine fi-
lios quinq; mactauit? Chari inquam parci-
tes, repeto enim, chari filij, chari fratres. At vt
vno exéplo omnis claudatur impietas, Phra-
tes rex Parthorum omnium regum scelestis-
simus, omniūque mortalium regandi non
cupiditate sed rabie furiisque actus, Oro-
dem senem & afflictum patrem, ad hæc &
triginta fratres suos dicti regis, filios suūm-

que insuper filium occidit, ne quis supereffet
in Parthia qui regnaret. Sed vetusta hæc nū-
quid nō & recentiore memoria inter patrem
& filium de regno in Britannia certatum au-
diuimus, & nudiustertius inter fratres in Hi-
spania decertari vidimus? Quāquam talium
odiorum & maximè fraternorū trebra adeo
& noua & vetera sint exempla, vt planè labo-
riosius sit exquirere qui amici fratres fue-
rint, quàm qui hostes. Vtrunque postponi-
mus, remedia enim nunc non exempla colli-
gimus. Quid præterea, an nō chari coniuges,
charæ vxores? Sed interrogabis Agamem-
nonem ac Deiphobum & de vestris Claudiū
Cæsarem ac minorem percunctaberis Afri-
canum. Hi tibi quàm chari fuerint vxoribus
suis dicent. Contrà verò Octauium sciscitare
& Arsinoen, quid illa de Nerone suo, hæc
de suo sentiat Ptolomæo. Illa de adoptiuo,
hæc de naturali fratre, vtraque de marito.
Illa quidem in se ipsa, hæc in filiis experta
testabitur. Eminentia vt vides & clara de-
cerpimus, vulgus & vrbes & communem vi-
tam hominum his plenam quærimoniis præ-
terimus. Quibus ira se habentibus, cū in
omni genere illorum qui charissimi videan-
tur, odiis sæpe latentibus, sæpe etiam manife-
stis multa insit amaritudo, sola amicitia odii
vacat, nemo vnquā non dicā occidit aut per-
didit

didit amicū sed ne læsit quidē volens. Quā-
obrem si amicū verū qualem prædicas inue-
nisti magnas te diuitias inuenisse credito, il-
lud vide, ne vt magna pars hominū rebus de-
dita vilibus nobiliūq; contēptrix & agris aut
mercibus quā amicitii ac virtutibus colen-
dis intentior, quod optimum nactus es negli-
gas. Si tantā curā impenditis custodiæ auri &
argēti atq; orientaliū lapillorū, quæ sunt ter-
ræ fæces & pelagi purgamenta, quanta dili-
gētia amici cultui impēdenda est rei precio-
sissimæ ac diuinæ? Ne qua vnquā re offensus,
ne quo vnquā verbo alienatus effugiat, serū-
que audias illud Ecclesiasticum, sicut qui di-
mittit aū de manu sua, sic reliquisti proximū
tuum & non eum capies, non illum sequeris,
quoniam longè abest. Effugit enim sicut ca-
prea de laqueo, quoniam vulnerata est ani-
ma eius, vltra eum non poteris colligare.
Proinde ingens bonum habes ac suaue, ope-
rosum tamen ac difficile, quæsitū inquam o-
perosum & custodia. Magnus thesaurus est a-
micus: sed magna seruanda cura, magno si
pereat lugendus fletu.

De diuitiarum copia. Dialogus LIII.

GAV.

Sed abundo opibus. R. A. Iam non miror
si & amicitii abundare visus eras. Non

est nouum neque insolitum locupletum li-
mina vulgaribus amicitiiis & simulatis obse-
quiis frequentari. G A V. Opum magna vis
est mihi. R A T. Anceps & onerosa fœli-
citas, & quæ plus inuidiæ sit habitura quàm
gaudij. G A V D. Diuitiæ exundantes sunt.
R A. Non statim ideo exundans quies exū-
dânque iucunditas, vix diuitem inuenias qui
non sibi melius fuisse in mediocritate, vel
honestâ etiam paupertate fateatur. G A V D.
Multæ mihi accreuerunt diuitiæ. R A T. Secu-
ritas, gaudium, tranquillitas decreuerunt, quæ
si cum illis crescerent, non amari tantum di-
uitias paterer, sed hortarer. G A. Opes mul-
tas habeo. R A. Habes rem quæ sita difficil-
lem, custodi anxiam, amissu flebilem. G A.
Magnæ mihi diuitiæ sunt. R A T. Sparsæ si
fuerint decrescent, seruatæ non te diuitem.
sed occupatum, non dominum facient, sed
custodem. G A V. Diuitias habeo ingentes.
R A. Vide nou potius habere, hoc est ne nō
diuitiæ tuæ sint, sed tu illarū, neque illæ tibi
seruiant, sed tu ipsius. Nam si nescis, plures
multi sunt qui habentur quàm qui habent,
multoque crebriores, quos propheticus ser-
mo notat, viri diuitiarum quàm diuitiæ vi-
rorum, sic vos vestra cupiditas vilitasque ani-
mi de dominis seruos facit. Vñs quidem pe-
cuniæ notus est, vt naturæ necessaria compa-
ren

rentur, pauca simul & exigua longeq; facilia, quicquid excesserit graue est, nec iam diuitia, sed vincula, sed compedes, nec iam corporis ornamenta, sed impedimenta animi & solitudinum atque formidinum acerui.

G A V. Diuitiis plenus sum. R A T. Caue ne te rumpant: omnis enim plenitudo quærit exitum. Multis mortem attulere diuitiæ, requiẽ ferẽ omnibus abstulere. G A V. Opes habeo immensas. R A. Bonis moribus rem aduersam. Nimie opes nõ modo singulorum hominum, sed populi Romani corruerunt mores, miramque illam & eximiam fregere virtutem, qui tam diu clarus & tam diu iustus atque integer, qandiu pauper fuit. In egestate victor gẽtium, & quod est gloriosius, victor sui domitorque vitiorum à diuitiis victus est atque pessundatus nota loquor, quid nunc tibi de diuitiis sit sperandum vides. G A V D.

Diuitiis affluo. R A. Quantum mallem virtutibus abundares. G A. In diuitiis requiesco. R A. Consopiti estis in vepris miseris. Grauis sopor qui non sentit aquileos. Venit ecce quẽ vox excitet, & exponat luce clarius id quod scriptum est, Dormierunt somnum suum & nihil inuenerunt omnes viri diuitiarum in manibus suis.

Aurifodinam inueni. RA. Hæc spes opū multis inopiæ, nōnullis exitij causa fuit, dum neglectis omnibus aliis curis huic vni deditis & laboris plurimum & lucri modicū res habuit; dum ad hanc auri cupidinē, cælo & sole derelicto in tenebris æuū agere didicerunt, cæco & noxio ante tēpus vapore consumpti. G A V. Aurifodinam casus obtulit. RA. Ut auersus à contemplatione cælestiū terrestribus inhies, neque tantummodo humi acclus, sed sub terramersus infelix eius viuas & breuius. G A V. Aurifodinam ingredior. RA. Nero Cæsar suprema illa sua nocte terribili & misera, sed sibi debita, vt quoddā specus ingrediens ignominiosam mortem & ludibria populi persequentis auaderet, à suis admonitus negauit viuum sub terram se iturum: tu nullo metu impellente, sed auaricia rapiēte viuus is sub terram, neque te hinc alium cæli lumen retinet, illinc atræ telluris horror excludit. Quid mirum si per omnes terras quæredæ diuitiæ homines fatigantur, quando & sub terra quæsitæ & effossæ tartareos exagitant manes? Vtque ait Naso: itum est in viscera terræ: Quasque recondiderat, Stygiisque admouerat vmbri: Effodiuntur opes irritamenta malorum. G A V. Aurifodinam

dinam inueni. R A T. Vetus est verbum : sæpe
 vnus leporem mouet, alter capit. Inuenisti
 prædam quam plurimi concupiscant, vnus
 rapiat, & tu ille forsitan vnus non sis. Circum
 optabilia fit concursus, & periculum est inue
 nisse vnum, quod cupiant multi, nullus parti
 ri velit. Hæc est causa cur cùm Italia, vt ait
 Plinius, metallorũ omnium fertilitate nullis
 cedat terris, interdictum id vetere consulto
 patrum atque occultatum est vt Italiæ parcer
 retur. G A V. Auriferam terram fodio. R A.
 Labor certus, euentus ambiguus. Quid si
 multum fodias, nihil inuenias? Quid si mul
 tum inuenias, sed non tibi? Quid si tibi inue
 nisse peius sit, & nihil inuenisse erat melius?
 Humano sæpe gaudio mæror est proxi
 mus. G A V D I V M. In aurifodinam descen
 di. R A T I O. Inter homines quæri solet quod
 inuentum mergat in tartara : tu apud tarta
 rum quæris quod te tollat ad superos? G A V.
 Aurifodinam reperi. R A. Pronum iter ad
 iuferos inuenisti.

De inuentione thesauri. Dialog. LV.

G A V.

THesaurum reperi. R A. Caue dolos
 & insidias fortunæ. Hamis esca præ
 tenditur, viscus & laquei blandum ali-

PECUNIAM in tuto fœnore posui. **RAT.** Est & qui bene inuentis malè vtitur, & qui malè inuentis peius & pessimè: tu pecuniam inuenisti non vt diues fieres, sed vt malus, non tam malus, vt auguror, futurus, ni pecuniam inuenisses. Sunt enim qui successibus nequiores fiunt, non Dei munus agnoscen-tes, neque illi saltem similes, de quo scriptum est: confitebitur tibi cum benefeceris ei, sed apertam sibi cœlitus nequitix semitam exti-mantes. Inuenisti ergo pecuniam quia dede-cus mercareris, & exanime metallum animę tuę sarsinam faceres infœlix. **GAUD.** Fœnus bene posui. **RAT.** Malum non bene poni di-xeris sed deponi. Si quidem malum pondus excusseris bene erit, aliopu in vbicunque po-sueris, dum ad te pertineat, malum esse non desinet. **GAUD.** Fœnus optimum bene collo-caui. **RAT.** Quomodo bene collecetur ma-lum, videris. Sane quanto opimius malum, tanto & peius. Notum illud Daudicū: Pro-diit quasi ex adipe iniquitas eorum, Quanto ergo ditior fœnerator, tanto & nequior. tan-to maior auaritia, maior impietas. **GAUD.** Fœnori studeo. **RA.** An nulla artium erat cui melius studeres? An erant multæ, sed huic apti⁹ erat ingeniū? An quid rei est vt huic vni
ex mul

studio animum applicares, quo nescio an aliud vsquam sceduis inuenire potueris aut vilius; aut tam miseri prorsus & deiecti animi tamque inertis indicium? Tot vndique patientes artes, tot viuendi viae, pessimam omnium elegisti, quod quietior visa est, sedere scilicet & numerare dies ac velocissimi finem mensis expectare, non intelligens tibi quoque horas diesque & menses & annos currere, & vt nexis tuis, sic & tibi terminum instare, sicut inquam illis vt tibi, sic tibi vt naturae debitum soluas turpiter parta destituens & incertus. Extorques ergo à pauperibus quo ignotos dices, & futuri semper metuens iudicij, & obscenae interim non dominus sed custos pauidus rapinae, fame pressus & infamia. Mirarer in urbibus politicis huic flagitio locum esse, nisi esset & reliquis. Itaque cum paulò ante hoc tempus sceneratores vt leprosi à consortio hominum segregati agerent, nec tantum ad eos nullus accederet nisi egenus, sed etiam vt malè olentes atque contagiosi ab obuiis vitarentur, nunc iam non modò cum populo, sed cum principibus conuersantur & matrimonia contrahunt & dignitates adipiscuntur. Tanta est vis auri, immo quidem quod pro monstro aut lios, ipsi, quos Deus omnipotens malè perdat, principes scenerantur, tam leuis animae famaeque iactura,

nam suavis vndecunque quæsitæ pecuniæ odor est. GAVD. Fœnerari iuvat. R A T I O. Turpis delectatio & misera. GAVD. Fœnerari solitus sum. R A T. Si Catoni credimus, hominum occidisti. GAV. Fœnerator sum, artificium aliud non didici. R A T. Hic auaritiæ clypeus, hæc causa prætenditur, quod si discere volenti quoque difficile est, quid discat inuitus? GAVD I V M. Semper fœnerabor. R A T I O, Semper igitur miseris, semper cupidus, semper inops.

De agro fertili & exculto. Dil. LVII.

GAV.

Fertilis ager est mihi. R A T. Vim fœdatoris intellige, donisque cælestibus sic vtere ne displiceas largienti. quod ita demum rite facies, si & sobrietatem & modestiâ fertilitas non excludet, & vbertas in partem egeni veniet atque amici: nil soli dulce, nil sapidum, GAV. Agrum fertilem exquisitissime colo. R A T. Non homo terræ sed terra homini seruire debuerat, hominum culpis effectum est, ne possessori suo sine labore respondeat: inculta messes horridas, lappas & tribulos paritura: hanc ferro sollicitate mirisque blanditis mollire, mortalis cogit indigentia. Hinc agriculturæ fluxit initiū sanctissimæ & innocentissimæ quodam vitæ, nunc

ex multis & prisco labori & nouis vitiis ob-
noxia. postquā nihil inuidiæ atque avaritiæ
inaccessum, resticas etiam casus urbana pia-
cula peruasere. Certe vltimos hominum ru-
sticos malos fuisse conuenit: vnde illud poë-
ticum: extrema per illos iustitia excedens ter-
ris vestigia fecit. Sed verendum ne qui mali-
fuerant nouissimi, primi sint, vti vnquā for-
tè esset ad virtutem reditus & ad priscos mo-
res, in hoc quoque sint vltimi. Nūc ad ipsam
agriculturæ artem redeo, quæ magnis olim
tractata viris atque ingeniis in precio fuit: in
qua vt multis in rebus altum locū Cato Cē-
sorius tenet, de quo cū verissime scriptum
sit: optimus Senator, optimus Orator, opti-
mus Imperator, tandem laudis ad cumulum
illud est additum, sine emulo, siue sine exem-
plo sui tēporis agricola, Quem puderet igitur
cum Catone terram colere? Quis omni-
no sibi turpe aliquid duceret, quod pulchrum
ille sibi duxisset, qui præter corporis atque
animi virtutes; rerumque gestarum gloriam
etiam de Hispaniæ triumphasset? Quis solici-
tare atque hortari bonos erubesceret, quos
in sulcum vrgeret illa vox, quæ tot magnos
exercitus in prælium accendisset, tot aucipi-
tes causas disertissime perorasset? Quis ra-
strum atque aratrum fastidiret, quod illa
triumphalis ac philosophica manus attinge-
ret

ret, quæ insignes de tot hostibus victorias peperisset, tot de rebus optimis præclaros libros scripisset, siue ad philosophiam, siue ad historiam, siue ad vsum vitæ spectantibus, quales sunt quos de hoc ipso quod nunc loquimur scripsit? Primus equidem apud vos colendi arui præcepta collegit in formam artis, ac redegit in literas; secutique illum multi alij, quorum quidam humile illud ac depressum artificium nobilissimis atque altissimis versibus extulerunt, quos nunc memorans nec humanæ immemor necessitatis agriculturam certè non improbo. Nunquam tamen aut scriptorum claritas, aut inopiæ metus coget, vt liberalibus & honestis artibus præferendam censeam nec æquandam quidem, quanuis enim eosdem duces simul illustres & agricolas primū illud imperij tempus habuerit, mutata iam spaciores est. Neque vt fragilior nūc natura est, ad res iam varias ingenia vestra sufficiunt. Hac ætate igitur excellentibus viris agriculturæ operam dare, non pro arte vel negotio, sed pro ocio & curarū alternatione permiserim, utq; interdum teneros ramos pubescētibz gemmis inferere, luxuriantia folia curua falce compescere, lasciuos palmites prolis in spem serobibus cauis infodere, sitientibus pratis querulos riuos prono calle diuertere: illos finem sic

fodere pertinaciter atque arare, totóque animo incumbere terris nisi necessitas cogat, indecorum atque indecens docto fortíque viro arbitror, cui nobilioris exercitij deesse materia vix possit. Natura parés optima, dum multas mortalibus artes daret, ipsa etiam distinxit ingenia, vt cui quisque erit aptissimus, illi insístat. Videbis aliquem qui mediocri ingenio tam solerter aut arua sulcet aut maria, vt hac in re cuiusuis acumen philosophi nulla sibi conferri possit industria: stultum & inglorium fuerit cum alio, non in tua, sed illius arte contendere, vbi toto maior vertice minor appareas, & victor in maximis, multis ac paruis in rebus facíle vinci queas. G. Ager hac mihi æstate præfertilis fuit. R. Proximam operire, præfens sæpe fertilitas venturæ sterilitatis arra est. Rara quidem sine intermissione prosperitas. G. Diligenter agrum colui. R. Bene, si nil melius quod faceres fuit. G. Colui vineam exquisítè. R. Latam cum illa fortè vindemiam pactus, an & cum pruina aut etiam cum grandine pepegisti? G. Solito largius aruum leui. R. Plures pascas grues rure, plures domi mures, volucrum hospes ac vermium, lolij excussor, areæ compactor, horrei architectus, metentium seruus ac tementium. G. Seui agrum largiter. R. Esto in spe

spe bona, metes quod seuisti triticum atque sollicitudinem, nisi illud est verius quod triticum plurimorum, sed anxietas tua est, & vt propriè dixerim, ager ipse est animus, cultus intentio, semen cura, messis labor hanc vberimam percipies. G. Rus optimè colui. R. Dicam quod mireris. Illi ipsi antiqui agricolæ, viri fortes, quibus gloriæ fuit agricultura, colendum bene censuerunt, sed non optimè: incredibile primo forsan auditu, at experientiæ comprobatione verissimum, vix enim fertilitas sumptum æquat, estque apud ipsos veteres, hominis atq; agri comparatio non inepta: vt vterque si sumptuosus fuerit, quāuis & questuosus, reliqui nihil aut modicum sit, neutrum magni igitur existimandū. G. Summo studio terram colo. R. Tete mallem coleres, sed terrestre animal terram amas, nec multum cūm tu illā quam nunc percolis, impinguabis. Cole agrorum atq; arborum quātum vis, neque multos terræ pedes ad vltimū occupabis, neque vt ait Flaccus: harum quas colis arborum te præter inuisas cupressos vlla breuem dominum sequetur.

De viridariis. Dialogus LVIII.

GAV.

Moena mihi sunt viridaria. R. Habent hæc interdum fateor honestæ

aliquid voluptatis: nonnūquam etiam inho-
nesta. Æquē igitur studiosos ac voluptuosos
videas vmbrosis secessibus delectari: nam &
ingenium locus excitat & ad pœnitentiam
quosdam, alios ad incōrinentiā & lasciuia
exhortatur: Nec de nihilo est quod summus
orator dum infesto reo adulteriū obiceret,
amœna in quibus id commissum esset loca
descripsit: quasi ad flagitium stimulos: non
locis ergo sed animo gaudendum est, si talis
obtigit qui bene locis omnibus vti norit. **G.**
Secretis viretis affino. **R. A.** Secretum Tiberij
viretum, & secessum Capreae quis ignorat?
Pudet pigetq; exequi quæ itidem omnibus
nota sunt. Ille senex hircinus loca ipsa seposi-
ta, quibus probris infecerit? Quanto autem
gloriosius arido in rure exul Scipio Africa-
nus vixerat, quam suis in voluptatibus prin-
ceps ille Romanus? Repeto igitur, non in lo-
cis, neque vllis præter animum in rebus ha-
bitat omnis vestra societas. Vide & qui soli-
tariam vitam recessusque abditos laudarunt,
sic intelligi voluerunt, si his animus vti sciret
& non aliter Proinde quem tu de viretis tuis
fructum colliges expectandum erit, at tum
denuum quid pronunciem videto: nam si lo-
cis tantum gloriaris, quæ tua nudius tertius
non erant & tua forsitan cras non erunt, ac si
rite consideres, tua etiam nunc non sunt,
alieno

alieno proculdubio gloriaris. Quis hic gloriae tuae locus? Quid ad te si gilidae per aestatem alpes, si olympus nubibus altior, si ramosus ac frondifer Apenninus? Quid si lucidus Ticinus, si amœnus Arthesis, si sonorus Sorgia? Hæ si laudes sunt, certè non sunt hominum, sed locorum, tuum fit, expedit quo lauderis. GAV. Decoris spatior viretis. RAT. Refert quænam curæ interim tuo in pectore spatietur. Nam quid iuvat arcula in eburnea vnguenta olida cōdidisse? Quid pulchris in locis turpem animum? Quot in rupibus horridis sanctissimi floruerunt viri? Quot in pratis virëtibus turpes adulteri marcuerunt? Adde quòd non animis solùm, sed corporibus vitæq; hominum interdum loca huiusmodi nocuisse compertum est, non tantùm haustu aëris immodico, sed ferro etiam occultoque impetu. Quis non legit apud Curtium, amœnissimos nemorum recessus & vireta illa Medorum manu confita, regum ac satraparum curam & præcipuum, ut perhibent, voluptatem? Atqui in illis iussu ebrii ac vesani regis adolescentis, interfectus est Parmenio clarus senex, & ni fallor, Macedonum primus ducum. Quis non novit Caietam litoris flexum illum quo nullus sub cœlo pulchrior, nullus amœnior, illic iussu temulentii & crudelis Antonij occisus est Cicero? Et

poterat vtcunque tanto viro locus conueni-
 re, vt postquam scilicet Romæ mori fato ve-
 titum erat, florido in rure moreretur floren-
 tissimus oratorū vīrque optimus, sed & mo-
 dus & auctor mortis prorsus indignus fuit.
 Spaciabatur illis fortè tunc in locis Cetero
 urbanas fugiens procellas, & vel ad philoso-
 phiam vitæq; cultum suo more noui aliquid
 cogitabat, vel rempublicam miseratus de
 statu patriæ cōceptum dolorem animi, ocu-
 lorum oblectatione leniebat, quando ab illo
 omnis hoste virtutis immissi carnifices ta-
 lem virum abstulerunt mundo, qualem, vt
 auguror, sæcula nulla restituent. Sic est igi-
 tur, loca delectabilia sæpe infidis opportuna
 sunt, dum licentius ibi laxiūsque degitur, a-
 uersi q; magis sensibus à circumspectione pe-
 riculi. Nam & laqueo dentis in syluis feræ, &
 visco volucres facilius in ramis viridibus ca-
 piuntur. G. Lætus in viridariis & curarum va-
 cuus dego. R. Lætitia curarūque vacuitas
 cautioni semper aduersum est. Dum sua nem-
 pe quisque pericula, dum communem huma-
 ni generis statum omnes acriter cogitāt, vix
 aut lætus valde aut curarum vacuus quisquā
 viuet, neq; locorum species, neq; opum spes
 obliuionem attulerit impendentium malo-
 rum. G. Libenter in viridariis meis versor. R.
 Non Heracle libentius quā apri & vrsi Non
 refert

refert autem ubi sis, sed quid ibi agas. Nunquam te locus nobilitauerit, sed tu locum, neque id aliter quàm præclarum ibi & insigne aliquid moliendo.

De gregibus & armentis. Dialogus LIX.

GAV.

GAudeo gregibus & armentis. R. Brutinum gaudium. c. Armentis ac gregibus abundo. R. Beluina prosperitas quam beluæ peperere. G. Amo greges & armenta. R. In omni amore amanti & amati similitudo suspecta est. G. Armenta gregesque amo. R. Amatis omnia, nisi vos inuicem ac virtutem, quæ imprimis erant amanda negligitis, & quæ negligenda diligitis. G. Amo armenta gregesque. R. O miser rerum vilium amatores, osorésq; nobilium! amatis quæ nec se amari sentiunt, nec amantibus vicem reddunt. Cum interea nec vos vicem reddatis amantibus, totumque hoc malem facit auaricia, ut non modò seruum ingenuo, sed pecus homini præferendum existimetis. G. Armentorum gregumque ingens copia est. R. Si per te ipsum illos paueris, quid nisi occupatissimus pastor eris? Officium vile, laudatum licet à multis, ante alios à Catullo Veronensi. Sin per alios non

tu pastor, sed pastorum seruus, pastorumque
 dolis expositus. Nunc vicinus obfuerit, nunc
 præcipitiū, nunc morbus, nunc abactor, quo-
 tidie demum aliquid fingendum, unde da-
 mnū tibi dolorque & illusio: magna verò
 pars mali fuerit illufor rudis. GAV. Armentis
 ac gregibus diues sum. R A T. Laudatæ diui-
 tiæ, sed incertæ & casibus multis obnoxia,
 fraudibus, rapinis, pestibus, quæ tam crebræ
 tamque validæ sunt vt sæpe totos greges to-
 tâque lacerent armētā: nota pestis, quam Lu-
 cretius, quàmque illum sequens Maro de-
 scripsit. Et quam multas putas famosas minus
 scriptorum penuria, sed damnosas æquæ? G A V.
 Diues sum gregibus & armentis. R A T. Vagæ
 parentesque diuitiæ, quæ non dicam, arcula
 vt aurum, vt gemmæ, sed ne domo licet am-
 plissima claudi possent, iam nec à seruis, nec
 à furibus, nec à feris atrocioribus tutus es,
 omnibus in tuas diuitias datum ius. G A V.
 Gregibus & armentis gaudeo. R A T. Gaudes
 semel, doliturus millies: nullus dies sine ru-
 moribus mœstus ibit, nunc irruerint Sabei
 tulerintque omnia, nec non pueros gladio
 percusserint, vt pecuoso illi quondam nun-
 ciatum seni est: nunc bos cornu fregerit,
 nunc crus equus, nunc vagantem lupus a-
 gnū, nunc infectum gregem mors inuase-
 rit. Non solum miseri vestris malis & mortalita-
 te pro

te propria visi estis, nisi mortes quoque brutorum animalium lugeritis.

De elephantibus & camelis. Dialogus LX.

G. A. V.

Sunt mihi elephantēs. R. A. Cui quæso vsui, pacis ne an belli? His duo illi notissimi hostes Italiæ Pyrrhus & Hannibal quibus Romanas dum turbare acies sperāt, suas turbauere, animal graue prorsus & enorme, quodque, vt ex historiis nosti, sæpe suis exitio fuit: aspectu mirum & mole & specie & odore & stridore terribile, effectu autem inutile, procuratione difficile. G. Est mihi ingens elephas. R. Fuerunt olim in Italia elephantēs, non venatu quæsi illi quidem, sed ab hostibus capti & in triumpho ducti, quique prima fronte terruerant equos Italos victores in Capitolium secuti, erepti antè Pyrrho: Carthaginiensibus verò non erepti tantum, sed etiam interdicti. Sic enim in conditionibus pacis, quam victi petierant, nominatim cautum, vt & quos haberent domitos traderent & alios non domarent, ita sensim obsoleuit vsus elephantum, nō solum in Italia vbi longè aduenæ vique aduecti erāt, sed in Africa etiam & Aegypto, quæ illorum sunt viciniore originē. Itaque & in Italia aurorum memoria vnicum Frederico Romanorum

principi fuisse, & nunc Aegyptio tyranno nō nisi unicum esse fama est: vtrūque verò ad spectaculum potius quam ad vsum: sic in India atque Aethiopia exterarū tadio gentium liberati, sylvas patrias incolunt elephantes. Tu quis es. qui elephante gloriari videris? Alter ne Hannibal, qui vno vectus elephante vnoque fretus oculo Italiam fatigauit? Ego hanc beluam & si humani æmulam intellectibus ab auctoribus proditam & moribus miris insignem habendo tamen inutilem & ineptā, & regiar potius luxuriæ quàm priuatæ doctrinæ habilem dico, quæ domum impleat, haurium exhauriat. GAV. At camelos habeo. RAT. Vna est penè ratio vtrorūque, nisi quòd elephas turribus, camelus sarcinis ferēdis idoneus, eòq; vtilior aptiorque, si consilium petis, vtere beluis, quas his vbi vitam agis mundi partibus genuit natura parens prudentissima, quæ & beluas & alia suis quæque climatibus aptiora distribuit. GAV. Camelum habeo. RAT. Tria millia habuit & amisit Iob, & morbi & raptores & infecta pascua & ruinæ & mille casus vestra vndique armenta circumfident: campi & colles & mœnia perduntur assidue, quid his facias quæ non stant? Bona vestra ferè omnia in pèrpetuo motu sunt, & quam infixa virtute animi deberetis famam
quæ

querere, peregrinorum animantium nouitate sectamini.

De similibus ludicris animalibus. Dialog. LXI.

GAV.

Simia delectabilis est mihi, R. Fœdum animal aspectu, triste animal effectu, de quo quid aliud quàm tedium speres? Quicquid domi reperit aut corrumpet aut sparget: si his atque huiusmodi delectaris, vtrique delectabilis simia tua est. Monstrosam beluam vocat Cicero. nec minus aliquid mirum dicit quàm urnam sororium euertisse. idque pro ostento Græcorum in historiis scriptum esse iure optimo doctissimus vir irridet, cum vere mirum potius videri debeat, si non omnia vertat ac dissipet GAVD. Ludicris animantibus abundo, R. Turpe simul & ludicrum esse aliquid non potest. Quis enim in turpitudine ludus est? Quinimo ab omni quod oculos aurésque & nares & animum afficiat fugiendum est, corrupti gustus est amara diligere. Sed hic vester est mos turpibus delectari, neque verò turpia & inepta tantū animalia, sed quo nihil est fœdus: obscœnos etiam homines linguæque & moribus odiosos in delitiis habetis: & ad summam, quanto quicque deformius, tanto vobis acceptius chariusque, hæc in rebus omnibus vniformis

est regula: hic amor, hæc indoles, hoc studiū,
hæc vestri iudicij laus est.

De pavonibus, pullis; gallinis, apibus & columbis.

Dialogus. L. XII.

GAV.

PAuonibus affluo. RA. Ex illorum caudis
Argi oculos reperisse consiliū fuerit,
ne pedibus noceat notissima regularum pe-
stis. GAV. Pavones multos habeo. RAT. Auē
visu pulchram non inficior atque amœnam,
sed hæc voluptas oculorum multo aurium
tadio pensanda est, quibus contra illum tar-
tareæ vocis horrorem vel fugæ vel Vlyxæ
picipis auxilio opus sit, vel fileam omni peius
tadio vicinorum odium ac lamenta. Vos ve-
rò dum imperiosè, & nihil intentatum relin-
quenti gulæ parcatis, nec aliena nec vestra
incommoda cogitatis, obliti hanc viris olim
fortissimis sollicitudinem non fuisse, quando
intacti pisces & fera & volucres tutæ erant,
& præter pēnas nil in pavone placeat, vt Na-
so ait. Neq; nunc sanè quid in hac aue tanto-
pere placeat inuenio præter nobilitatē car-
nium, quæ non putrescere dicuntur, longum
etiam in tempus si seruentur, quod & tibi li-
citur experiri, & expertum se asserit Augu-
stin. Ita vestram famem nisi adsit ambitio, nec
cibus satiat nec voluptas. Pavonē certè cibi
gratia

gratia Romæ primus occidisse fertur Hor-
 tentius orator, vir eloquio clarus, moribus
 delicatus & mollis ut fœmina: sed qui morū
 plurimos, eloquij autem raros habet imita-
 tores. G A V. Pullos nutrio. R A. Impedimen-
 tum domui, escam vulpibus, aræ suffosio-
 res, quorum ungulis & puluereum solū sem-
 per & nunquam superficies æqua sit. G A V D.
 Gallinarum magnus est numerus. R A T. Ut
 cessent tædia penè par fructus & impensa
 erit, magno precio longiq; clangoribus exi-
 guum ouum constat. G A V. Sed abundo api-
 bus. R A. Non mortalis modò, sed volatilis &
 fugitiua fœlicitas tua est. G A. Aluearia mul-
 ta sunt mihi. R A T. Non minus in quolibet
 quàm vel in magna vrbe negotij vel in ca-
 stris strepitus est. Nunc examina fugiēt, nunc
 pugnabunt reges, nunc tinnitu æris, nunc ia-
 ctu pulueris res egebit, ut salua sit. Sæpe om-
 nia expertus nil profeceris, qui cū ditior
 esse credideris, nudus sis, proinde si seruandi
 studium cū melle contuleris, mel amarū vo-
 ces. G A V. Sed colūbis affluo. R A. Atqui apum
 in thalamis filetur per noctē, ut Virgilius ait:
 in columbario autem nunquam, vix est ani-
 mal inquietius columbo. G A V. Plena mihi
 sunt columbaria. R A. Sunt qui litigent & qui
 gemant, qui diebus domum fœdēt, noctibus
 somnum frangant: en magni gaudij materia.

GAV.

Piscinas mihi extruxisse gaudeo. R A T.
Non puto felicius extruxeris quàm Salomon. Cum te ergo conuerteris ad vniuersa opera quæ fecerint manus tuæ & ad labores in quibus frustra sudaueris, videbis in omnibus vanitatem & afflictionem animi, vt vnde gaudius fueris fortasse doleas, iacturam existimans & temporis & impensæ. GAV. Feci mihi piscinas. R A T. Nō satis est gulæ omnes terras lustrare, aquæ etiam tentantur, & in regno suo piscibus carcer erigitur. GAV. Piscinas impleui. R. Libertatem piscibus abstulisti ac naturæ domū quosque illa sanos fecerat, ægrotare docuisti. G. Coegi aquas in piscinam. R. Vim aquis intulisse in Iulio Cæsare tanto illo quidem viro notatum & superbix datum vides: quid in te igitur speres? G. Pisces in viuario conclusi. R. Pennatas volucres vinculis & imperio coercetis, quid mirum si pigris quoque piscibus imperatis? Omnia prorsus in vestra potestate & vestris subiecta sunt pedibus, laboriosi & cupidī mortales, præter vnum animum quem regere & frenare vel non potestis, vel quod est verius, non curatis. Itaque vagus & indomitus ille vos agitat, & in omne vanitatum genus ac scelereum impellit, qui si vobis, immo si

mo si rationi subditus atque obediens esset, ad meliorem finem rectiori calle vos duceret, præstaretque ut multa quæ cupitis sperneretis. G. Pisces inclusos in piscinis habeo. R. Cum omnia subdita sint vobis, vide quam decorum sit esse vos subditos voluptati, rei omnium vilissimæ, rerum nobilissimos omnium, quæ sub cælo sunt. Sed sic est, omnibus imperare vultis, ut libidini seruiatis. Neq; vero nouus hic error nec plebeius, sed antiquus & illustrium. Piscinas ac viuaria ostrearum primus instituit Sergius Orata Baiano in litore. Sub idem tempus reliquorum pisciû viuaria incepit Licinius Muræna, vterq; cognomen seu illud agnomē à pisce sortitus. En præclaræ agnominum causæ, quòd ille scilicet oratam appetiit, hic murenam. En qui Africani & Macedonici titulos mereantur, & forsitan nō curatum minus hi suis in piscibus capiendis & condiendis in q; suis viuariis extruendis susceperāt, quā Scipio & Paulus in liberanda atq; ornanda patria suisq; victoriis ac triûphis. Ita penitus verum sit, quod quidam dicunt, quātitate curas hominum pene pares, qualitate verò longè impares. Atque ut mala semper exēpla imitatorum in turbis affluunt, secuti sunt Licinium hūc nobiles viri Philippus, Hortentius ac Lucullus vir alioquin memorabilis, qui

viuario simplici non contentus illic prope
 Neapolim montem scindi fecit: non minori
 sumptu quàm quo sibi villam crexerat, re-
 quie captis piscibus meditatus; fluctu æquo-
 reo scissæ rupis claustris, instar tràquilli por-
 tus immisso. Quamobrè magnus Pompeius,
 vt qui non viuaria, sed imperia cogitaret,
 haud illepidè hunc Lucillum Xerxent toga-
 tum, hoc est montium effossorem nuncupa-
 bat. Quid de aliis? Murænarum viuaria pri-
 mus fecit curus quidam, nescio quis: nam
 cum omnibus murænis suis adhuc malè no-
 scitur, quarum illi copia tanta fuit, vt earum
 sex millibus triumphalem cœnam Iulij Cæ-
 saris adornaret. Vt hic quoq; suos imitatores
 habuit, nominatim Hortensium oratorem,
 de quo supra diximus, virum qui nunquam
 molli defuit exemplo: ita vestræ literæ sæpe
 nihil detrahunt infanix: non nunquam verò,
 quod mireris, adiiciunt, dum licere sibi om-
 nia existimant qui literas didicerunt, & mul-
 ta sibi arrogant, quæ sine literis nõ auderent.
 Et hic ergo viuarium habuisse dicitur Baia-
 ni tractus in littore, ibique inter cæteros pi-
 sces sic murænam vnā dilexisse, vt extin-
 ctâ luxerit. En amor egregius, en docto gra-
 uisq; viro dignus fletus, qui nec sui temporis
 bella domestica, neque proscriptiones ac ci-
 uisiles mortes fleuisse legitur, nec Cannensem

si suum in tempus incidisset fleturus fuerit
ruinam, muræne obitum fleuit? Tanta hæc
leuitas facit, vt iuniori venia debeatur. Anto-
niæ ætas ac sexus excusabiliorem reddit in-
eptiam, quæ murænam suam, tamen non de-
functam genuisse, sed viuentem aureis inau-
ribus coluisse traditur, sic vt Baulos, id erat
villæ nomen, ipsis Baianis in finibus multos
spectaculi nouitate contraheret. Fuerunt &
viuaria cochlearum, & aliæ piscium vanita-
tes, atque imprimis lupus Tyberinus inter
duos præcipuè pontes captus. Sed satis mul-
ta de alienis erroribus: tu quo plures his im-
plicitos vides: eo diligentius caue ne simili-
bus impliceris, neq; tibi nunc vsum piscium,
sed nimis magnā curam rerum ignobilium
interdico.

De auariis auiusque loquacibus & canoric.

Dialogus. LXXIII.

GAV.

AVes varias in auisario conclusi. R. A. Iam
piscium minus mirer ergastula, Sunt &
volucrū quibus latior ac liberior patria cœ-
lum erat: inuenit gula venationem, inuenit
piscationem, inuenit aucupium, nec cepisse
latis est, quas liberas natura creauerat, nisi
etiam asseruentur. At quanto erat honestius
gulam cogere parabilibus atque facilibus

contentari, & sylvas feris, maria piscibus, ac remque volucris linquere, quam in his tantum studij ponere, quantum si captandis in virtutibus poneretur: illas pridem (nā minime sunt fugaces) optimo studio quæsitae intra animi habitū clausissetis, vnde nec effugere possent nec auferri. G A V D. Auius aurarium impleui. R A T. Rem nequaquam necessariam, & quæsitū nec minus custodia difficilem, peruetustam tamen, cuius ante mille quadringentos annos Romæ auctor fuit Lælius quidam cognomento Strabo, vir æquæstres, non ille quidem Lælius sapiens habitus, qui si auiaria reperisset, nomen sapientiae perdidisset. Quædam sunt inuentu, ut videntur vtilia ac iucunda, quæ tamen ingenia alta dedeçant, qui piscinas, qui auiaria inuenerunt, quid aliud quàm gulæ studium habuerunt, quod virtutis cultoribus alienum est? G A V. Inclusi pingues turdos & turtures. R A T. Sed non tardos tortores, tot illecebris irritata gula: supplicia exigit stomachi laborantis. An non Satyricum illud audisti? Pœna tamē præsens cum tu deponis amictus, Turgidus & crudum pavonem in balnea portas. De pavone loquitur. Formosa etenim & famosa est avis: sed non foia quæ præcipitem gulam plectat. Gulæ quidem oblectatio: gustus brevis: ipse quoque mox in nauscam ver-

furus: ni coerceas; Pœna autem longa, crudi-
 tas indigestibilis morbi: sæpe etiam & mors.
 I nunc turdis pinguibus ac turturibus gloria-
 re. G A. Habeo loquaces ceruos ac picas &
 pitacos. R A T. Lætatus his Augustus Cæsar
 eos magis emit precijs, qui victorem ac
 triumphatorem Cæsarem salutarent. Cúmq;
 subinde alij atq; alij ingererentur: satis se sa-
 lutorum talium domi habere respōdit, pō-
 nēs illi metā vanitati: nisi coruus ipse novis-
 simus ioco illò mirabili pluris se quàm cate-
 ros redemi coegisset. Et hæc quidē in Satur-
 nalibus legūtur. Quid in naturali vicini no-
 stri Veronēsis historia: Coruus ille tā docilis:
 è sutrina vbi impensè alebatur, in publicum
 euolare solitus, & Tiberium Cæsarem, Dru-
 sūmq; & Germanicum nominatim, totū de-
 niq; Romanum populum salutare, tanta ple-
 bis gratia, tantòq; omniū fauore: vt cum eū:
 vicinus, vel inuidia vel ita percitus occidisset,
 ingenti omnium mœrore occisor ipse ex
 ea vicinia pulsus primū, deinde etiā a po-
 pulo interfectus sit. Coruus autem operosis
 exequiis & solenni funere elatus ac traditus
 sepulturæ. O ineffabilis populorum semper
 insania: in illa vrbe fletum & sepultum cor-
 uum, & eius interfectorem Romanum ci-
 uem morte multarum, in qua nec Africanus
 maior sepulchrū habuit, nec minor vltorem,

quia si diis placet coruus hic populum salu-
 tabat ut diximus, illi autem non salutabant
 sed salutem populo gloriâmq; contulerant:
 adeò gratior vox coruorum quàm virorum
 virtus illustrium. Neget nunc aliquis tutum
 sese populi consensisse iudicio: quâquàm ve-
 ris æstimatoribus non sit mirus publicus hic
 virorum fortiū contemptus: cū ab his cor-
 uorum volucrūque loquaciū miratoribus
 & diuinæ voces & cœlestia spernantur ora-
 cula. GA V. Formosus est mihi psitacus. RAT.
 Solus nempe omniū torque aureo insignis,
 nisi Phoenix & ipse etiam auium torquatus,
 & præterea suæ vnicus speciei. Verū psita-
 cus saluator magnus, & præsertim princi-
 pum, planè quasi adulatorem illum fecerit
 natura. Vnde Distichon illud innotuit, Psita-
 cus à vobis aliorum nomina discam, Hoc di-
 dici per me dicere, Cæsar aue. G. Est mihi pi-
 ca disertissima. R. Cū perrari sint homines
 diserti, tibi disertissima pica est? Loquax fa-
 teor & salutatrix est sedula. Vnde & illud, Pi-
 ca loquax certa dominum te voce saluto: Si
 me non videas esse negabis aue. Certè de
 huius auis intentione discendiq; studio mira
 nescio an vera narrantur. Illud imprimis vix
 credibile, propositum ei verbum si oblita sit,
 augi illam grauiter & affligi, molestiâque
 animi tacita meditatione testari, si ipsum ei
 verbum

verbum ad nemo iam reducatur, iniris modis hilarescere. At si prorsus seu verbi difficultate, seu memoriæ imbecillitate vincatur, præ dolore etiam interdum mori, ut iam minus mira Homeri mors poetæ sit habenda, si tamen illa etiam vera est. Neq; verò picis omnibus hæc docilitas datur, sed his tantum, & quæ glande cibum noménq; percipiunt, & apud vos vulgò glandariæ vocitantur. Picarum species & forma insignis & ingenio. G A V. Dulcisonam canorámq; lusciniam nactus sum. R A T. Et hanc quoque & sturnū Græci Latiníq; sermonis dociles inueniri, & turdum insuper sua ætate sermones humanos imitantem Romæ fuisse auctor est Plinius secundus, quod de sturno nuper publicè notum fuit, quæ seriatim plurima verba proferentem humanis accentibus, sæpe in ipsius Plinij patria & audire tibi contigit & mirari. Nam de psitaco tam trita res est, ut mirabilis iam esse deüerit. Quotiens hūc audisti cibos vnum atq; alterum clara voce percipientem? Quoties nutritorem suum proprio nomine vocantem, atque ut persuaderet multa illi gestuū ac verborū dulcedine blandientem? Quotiens sic ridentem, ut astantes in risum cogeret, nec omnino alitis sed veri risus hominis crederetur? Quæ quāuis ita sint, tamē hi omnes, luscinia præsertim multo me-

lius, mihi credite, suis in ramis canerēt, quāni
 vestris in caueis, nisi quia vestra cupiditas ni-
 hil aestimat, nisi quod sibi propriū fecit. Cū
 natura fecerit cuncta cōmunia, sic vltra suos
 fines atq; vltra suum nomen tendit avaritia.
 GAV. Aues innumeras congregavi. RA. Vt
 multas siue vt omnes habeas, phoenix puto
 deerit, siue vnus, siue est nullus, siue illud in
 fidem recepimus, quod quidē tradidere an-
 no vrbis octingētesimo auē hanc ex Arabia
 in Aegyptū euolasse, captamq; ibi & Romā
 delatā atq; in comitio, spectaculo populi ex-
 positam, supremam tandem vt credibile est
 inortē obiisse, quod vltimum falsum esse nō
 dubitant, qui de primis magni dubitant au-
 ctiores. Ita cū omnes aues habueris, mira-
 bilē pulcherrimāque omniū non habebis.
 Dolēs & indignans iocor. Vt quid enim sem-
 per pueri inanibus gaudiis exultatis? Vtq; ait
 Salomō, vsq; quo paruuli diligitis infantiam?
 Quin aliquando conuertimini ad correctio-
 nem meam, vt idem ait. Si quidem ipsa eadē
 sunt quæ loquor: finite: ō cæci aues in syluis
 agere, nidificare & pasci & canere & errare,
 vos inertis plumas animi ad cœlum pandite,
 atque humo vos attollite, enitemini non vo-
 lucres captare, sed volucres fieri. Túque his
 omissis, de quibus loqui pudet, si quid habes
 quo lætari virum deceat profer.

VXorem duxi nobilem. R A. Mallem tibi non tantū picas ac psitacos; sed bubones, strigēsque domi esse. Illi canerēt, ista iurgabitur. Illa aliquid nunciarent, hæc perageret. Illos excludere liceret, hanc non licet. G A. Claro coniugio ornatus sum. R A. Speciosa vinctus es catena, vnde te sola mors liberet. G A. Claro coniugio fœlix sum. R A. Casto fœlicio., fœlicissimus cœlibatu. G A. Pulchro coniugio illustratus sum. R A. Anceps vxoris electio, deformis faciliè fastiditur, formosa difficilè custoditur, ea lege qua inter formam corporis atque animi castitatem lis prope perpetua est. Sed vt quod rarissimum est contingat & formæ pudicitia iuncta sit, vberius tecum agam. Accedant & fœmineæ doctes aliæ, nobilitas, sensus, opulentia, fœcunditas atque facundia, famæ integritas, morum candor, scito tuum limen his immixtam sub intrasse superbiam, vt iure Satyricus videatur malle Venustinam quàm Corneliam Gracchorum matrem Africani filiam paternis triumphis ac gloria insolentem. G A V. Nobile coniugium & honestum obtigit. R A. T I O. Quid de fastu fastidióque ais? Parúmne fœminei mores noti? Disce seruire, disce pati, disce charos perdere, vni coniugio

vacandum est amicitiarum scopulus vxor
 imperiosa & viri affectuū moderatrix. GAV.
 Generosa mihi vxor obuenit. RAT. Grauis
 sarcina, durę compedes liberos humeros at-
 que olim liberos pedes prement. Durum di-
 cta, durius cogitatu, durissimūque perpes-
 su, non vnus lucis, sed totius vitę hospes for-
 sitanque hostis vacuam præsidiis inuadit do-
 mum, Vnde illam, vt dixi, veteris repudij spe
 sublatā, sola scilicet mors excludat. GAVD.
 Coniugem gratam duxi. RA. Erras, illa te
 duxit, diu nimium fueras tuus, accessit spon-
 sa domina, carnifex priuignis, æmula socrui,
 familię iugū, coquinę labor, onus penui, sum-
 ptus arculę, ornamentum aulę, diurnum spe-
 ctaculum fenestrę, lis nocturna cubiculo.
 GAV. Vxor mihi venit amantissima. RAT.
 Cū amores nescis, zelus & suspiciones &
 querelę subeunt, immortale duellum domi
 habes, ipsis ex voluptatibus & iocis inimici-
 tię erumpent, nec ad mensam, nec in thala-
 mo tutus eris, nullum tempus litigio vaca-
 bit, media nocte pugnabitur. GAV. Exopta-
 tas nuptias contraxi. RAT. Cum coniuge
 nuptias, cum pace diuortium. GAVD. Vxor
 contigit cui vnicę placeo. RAT. Melius for-
 sitan displiceres, non te amando premeret
 atque attereret, & cogitare & res tuas agere
 & somnum carpere sineret, nunc vxori pla-
 cens,

cens, nil quod tibi placeat præter illum spes-
res, totum sibi te vèdicat, nec sufficies totus.
Si quò fortè ire velis, fugere te fugaq; cau-
sas fingere, si quid agas oblitum sui, si quid
cogites iratum sibi, si cibo abstineas sordere
res suas tibi, si somno cesseris externa te Ve-
nere fessum dicet. Deniq; vt vxori placidus,
tibi atque aliis inutilis sis oportet. G A. Vxo-
rem habeo quæ me ardentè amat. R A T.
Melius amares castè, piè & sobriè ac verecū-
dè, ardens enim amor quid nisi incendium
est animæ, qua ardente quisnam ibi mode-
stix, quis reuerentiæ coniugali, quis tràquil-
litati locus aut quieti? Ardèter te amat vxor,
nisi vicissim se amari senserit, tepescet, amo-
rémque odio mutabit: sin æquandus tibi est
amor, & tu ardeas necesse est, vniq; deditus,
sis amanti zelotypæ coniugis vir insomnis
nunc blanditiis, nunc querelis fictisque cri-
minibus excitandus exercendusque per no-
ctem, seu licentius oculum deflexeris, seu ri-
denti lentius arriseris, seu vicinam salutaue-
ris, seu formam alterius laudaueris, seu do-
mum serius redieris, postremò aliquid fece-
ris aut dixeris quo suspectus læsique reus sis
amoris, quæ si vita dici debet, quamnam mors
dicenda sit nescio. Et hæc quidem de ardèti
tuo amore sententia nostra est. G A V D. Est
mihi perpetua thori consors. R A. Et somni

perpetuum exilium. Martialis lecti rarus ac
 tenuis sopor est, hinc voluptas, hinc iurgia,
 quies nunquam. G A. Habeo vxorem fidelis-
 simam. R A. Fuisse fideles aliquas non nego
 usque etiam ad mortem. Et profectò homini
 qui hoc vitæ genus elegerit, magnæ diuitiæ
 coniunx bona & fidelis, maior tamē est acies
 aduersa, nempe etiam illustrium multi dolo
 coniugum periere. Silco Danaï truces & crue-
 tas nuptias, & infamem noctem miseramque
 tot simul iuuenum stragem, Non hoc illi
 quorum supra meminimus grauis Agamem-
 non, non Phrix Deiphobus neget, non ex ve-
 stris Africanus maior, non postremò recen-
 tior Alboinus rex, cuius ab impudica & se-
 tua filius coniuge nitidi Athesis ripam san-
 guis infecit. G A. Vxorem nobilem, castam,
 mansuetam, humilem & obsequiosam, piam
 fidam reperi. R A. Mirus auceps cornicem
 candidam inuenisti. Vix est tamen qui inue-
 nisse se fuscā putat.

De uxore formosa. Dialog. LXVI.

G A V

Formosa mihi vxor obuenit. R A. Diffi-
 cilem prouinciam nactus es, vigila. dixi
 iam durum custodire quod à multis appe-
 tur. G A. Forma est vxoris excellens. R A T.
 Solet forma corporis vt multa alia paritate
 gau-

gaudere, imparitatem ac dissimilitudinem
 aspernari. Si par igitur tibi forma est exerce-
 beris, alioquin contemneris, vtrunque labo-
 riosum. G A V. Forma coniugis magna est.
 R A. Et magna superbia, vix est aliquid quod
 æquè animum tumefaciat & extollat G A V.
 Forma vxoris est maxima. R A. Vide ne ca-
 stitas parua sit. Scitum est illud Satyricū, Ra-
 ra adeò est concordia formæ atque pudici-
 tiæ. vt hæc constet, morum insolentiam quis
 ferat & quotidiana fastidia? G A V. Formo-
 sissima est vxor. R A T. Habes domi idolum
 sumptuosum, operosum, videbis indies pe-
 regrinos nouosque habitus, luda hinc cor-
 poris habitudinem quam omnia deceant.
 hinc ingenium inuentricis ad cuncta versa-
 tile, tum iacturam patrimonij lucrum voca.
 G A V D. Habeo vxorem formosissimam
 R A T. Habes idolum litigiosum, insolens,
 quod affusus colas, quod extra te raptus stu-
 peas, quod adores, vnde totus pendeas. Sub-
 mitte collum iugo & contentus forma con-
 iugis, curasq; alias & propriam libertatē pro-
 culabiice. Dicebam modò, caue ne quando
 aliam præter illam laudes, ne quando oculos
 ab illius fronte diuerteris, ne solito parcius
 blandiaris, solito minus insanias, quicquid
 respueris capitale erit, omnis sanitas defe-
 ctio. Viue deniq; ad vxoris edictū, & nutum

domina suspensus observa mancipium non
 maritus: hæc facito, si tanti existimas aliquā-
 diu formosam thori sociam amplecti, leniq;
 ad tempus cute gaudere & candido natos ex
 utero tanquam poma nobiliora pulchro de
 vase suscipere. GAV. Vxorem habeo formo-
 sam. RAT. Venenum dulce, compedes au-
 reas, splendidam seruitutem. GAVD. Forma
 delector vxoris. RAT. Vana brevisque de-
 lectatio. Nil forma fugacius & præsertim
 foeminea qui vxorem propter formam dili-
 git, citò illam oderit.

De vxore facunda & faxunda. Dial. LXXVII.

GAV.

FOecunda mihi vxor est. RAT. Mutas
 tibi curas, multos pariet labores: vxor
 sterilis vnica tantum, at facunda quidem sar-
 cina domus est multiplex. Notum est illud
 Comicum vxorem duxi, quā non ibi mise-
 riam vidi: nati filij, alia cura. GAV. Non fac-
 cunda tantum vxor, sed facunda est. RAT.
 Hinc filij & nutrices aderunt, hinc sales &
 verba non deerunt. Habes cum qua disputes
 ac declames, & Satyricum non audisti ubi
 ait: Non habeat matrona tibi quæ iuncta re-
 cumbit Dicendi genus, nec curtum sermone
 rotato Torqueat enthymema, nec historias
 sciat omnes. Coniugē quærebas, magistrā
 inue-

inuenisti, iamque aliquid impolitum, commune aliquid loqui sine coniugis censura & irrisione non poteris, frustra que eiusdem Satyricum illud optaueris: solœcismum liceat fecisse marito. Inter mundi tædia, nullū importunius procaci fœmina & tacere nescia.

De optima dote. Dialogus. LXVIII.

GAV.

DOte auctus sum opima. **RATIO.** Et opima tyrannide malum malo additū. Superbiæ coniugalis duo stimuli: dos & forma. **GAVD.** Multum dotata vxor est mihi. **RATIO.** Multum dotata vxore nihil est importunius, nihil intractabilius, nil sibi non licitum arbitratur, quæ suas opes mariti comparat egestati, quæ virum pascit, dominam se putat esse non sociam. **GAVD.** Magna dos meum subiit limen. **RA.** Vnde dos ingreditur, inde libertas egreditur: quod bene prouiderat Lycurgus, cuius lege caurum fuit, ut indotatæ nuberent: & adiecta ratio ut vxores eligeretur, non pecuniæ, seueriûsque matrimonia sua viri coërcerent, cum nullis frænibus dotis tenerentur. Vtrūque sapienter: nam & verè multis in domibus non viro vxor, sed pecunia nubit auaritiæ, & est utique magna dos licentia coniugis frænium viri. **GAVD.** Ingens cum vxore dos obuenit. **RA.** Muta

ordinem, immo enim cum ingēti dote vxor
 subiit, quam libentius exclusisses si sola pos-
 set excludi. Planē coniugium obsecrū, vbi
 non spe prolis ad cubiculum viri virgo, sed
 ad arculam auaritiæ impulsu dos concupita
 deducitur. G A V D. Magnam mihi dotem
 vxor attulit. R A. Dic verius, magnum pre-
 cium libertatis tuæ, quæ si tibi chara esset, vt
 decuit, nullo eam precio vendidisses. G A V.
 Ditissima mihi vxor obtigit. R A. De mo-
 ribus nihil narras: nempe nihil vt reor de
 moribus cogitasti, deque optimis scēminæ
 dotibus, fide verecundia, castitate, modestia.
 Sunt vobis ista contemptui, & solū in nu-
 ptiis vestris attenditur dos & forma, hæc est
 auaritia & libido, pronubæ matrimoniis his
 condignæ. G A V D. Pecuniosissima est con-
 iunx. R A. Vide an non Themistocleum il-
 lud cōsiliū quo diffinit, Malle se virum pe-
 cunia, quā pecuniam viro indigentem: re-
 ctē etiam ad scēminas trahi possit. G A V D.
 Vxor mihi prædiues est. R A T I O. Quanto
 melius erat cum inopi requiescere, quā
 laborare cum superba, melius esurire, cum
 paupercula humili, quā cum insolenti di-
 uite litigare. G A V D I V M. Coniugis dos
 immensa est. R A. Consequens est vt elatio
 animi sit immensa, timor aurem viri nullus.
 Non audebis vitia reprehendere dum respi-

cies dotein , non præsumes humiliare illam
per quam te memineris superbire , nec fasti-
dia duntaxat ac tædia , sed probra etiam &
iniurias tolerabis. An fortè non Aurelij An-
tonij principis meministi illius qui philoso-
phi cognomen ob imperium non omisit? qui
cum vxoris nosceret adulteria , & amici vt
eam vel occideret vel saltem dimitteret hor-
tarentur, respondebat: si vxorem dimittimus
reddamus & dotein ; dos autem erat impe-
rium. Vides vt ingentis viri animum dos fræ-
mabat , tuum forsitan non frænabit? G. Dos
permaxima, infinita inestimabilis est. RAT.
Dos matrimonij oneribus supportandis, non
auaritiæ artibus irritandis inuenta est. Ita-
que quo magis illam exaggeras , magis in-
famas , vt quæ vtrinque mole sua noceat , &
hinc dantis impudentiam , hinc concupis-
centiam accipientis auctura sit. G. Est mihi
maxima dos vxoris. RA. Non quanta sit dos,
sed qualis sit vxor refert , & in dote ipsa non
quantitas certè, sed qualitas existimanda est,
vnde scilicet profecta , quibus parta inodis ,
multæ magnæ dotes malis artibus sunt quæ-
sitæ. Helinopolitanum & Punicum morè nostis ,
quorum nuptis non pietate patria, sed stupris
ac dedecore dos constabat.

GRatis fruor amoribus. R. Gratis insidiis opprimendus. G. A. Gratis vrer amoribus. R. Bene ais vrer. Est enim amor latens ignis gratum vulnus, lapidum venenum, dulcis amaritudo, delectabilis morbus, iucundum supplicium, blanda mors. G. A. Amo & vicissim amor. R. Primum nosse potes secundum in ambiguo est, nisi fortè nocturnū mulierculæ tuæ murmur in testimonium trahis. G. Amor haud dubiè. R. Persuasit vt video, nec magnum persuadere volentibus. omnis amans cæcus & credulus. Quod si fidem iuramento amatorio vis inesse, scriptum ab amante chirographum tenera in glacie testibus austris in medium profer. Sed ô insane nihil vnquam impudicæ præsertim credas fœminæ: sexus, ardor, leuitas, consuetudo mentiendi fallendi studium fructusque fallaciæ, hæc tingula multoque maximè hæc omnia quicquid illius ore prodierit, suspectum faciunt. G. Amo quod iure animum delectet & dulciter ardeo. R. Credis ex me audire quod ille magister amorum ait, vt fœliciter ardens gaudeas & vento tuo nauiges voluptatis: id quidē non cōsiliū est: ego verò, quo suauius arseris, eo cautius ex incendio fugiendum consulo. Tunc sunt mala periculossimi

losissima cūm delectant: sæpe suauitatem
 hanc durissimus finis exasperat. G. Amo a-
 mórque. R. Vt sit ita, quid nisi duplex no-
 dus, nexus arctior, graue discrimen? melius
 de te sperarém si amares tantum, non etiam
 amareris: & si enim facilitatē amoris atque
 difficultatem æquē nociuam quidam dicāt,
 quod facilitate animus capiatur cum difficul-
 tate contendat: ego tamen ita sentio, nihil ad
 amandum efficacius quam amari, contrāque
 nihil esse quod magis ab amando deterreat
 quā scire se non amari, nec amatū iri cre-
 dere, quantis id non facilē creditura sit cæca
 & cupida mens amantis, qui vnus est ex illo
 grege de quo scribitur, quod qui amant, ipsi
 sibi somnia fingunt. G. Amo ego cum gau-
 dio. R. Qui quā malē sibi est non sentit,
 obtorpuit: qui malo suo gaudet, insanit. G.
 Apud me fateor, delectabile est amare. R.
 Odiosum malletm ac molestum, quod & fuga
 mali promptior foret & propinquior spes sa-
 lutis, nunc delectatio morbu alit, sanus enim
 fieri respuit quem delectat ægrotare. G. Vt
 libet apud me quidem ingenium est amare.
 R. Vt quisque sapit & loquitur, apud me
 verò seruile prorsus & languidum, & quod
 fortissimos etiam viros emolliat eneruetq;
 dicam quod nemo est qui nesciat, nemo erit
 qui audiens non miretur, sic magnarū rerum

recordatio, vel scientibus admiranda est. Né-
ve omnia sequar, quod nec necessarium puto
nec possibile, duarū toto orbe clarissimarū
gentium duos lōgē præstātissimos duces ad
memoriā reuoca. Iulius Cēsār victor in Gal-
lis, Germania, in Britannia, in Hispaniis, in
Italia, in Thessalia, in Ægypto: idēq; mox
in Armenia, in Ponto, in Africa, & rursus in
Hispania supremo Marte victurus: in medio
tantarum victoriarum ab amore regio, inter-
rim apud Alexandriam victus est. Hannibal
apud Ticinū, apud Trebiam, apud Trasime-
num, apud Cannas victor, ac demū in patria
vincendū sua, prius apud Salapiam Apuliæ
oppidum, quo inexcusabilior sit, meretricio
amore subactus est. Quāta tibi videtur mali
vis quæ tam duros animos, tā rigida pectora
leui frāgat incurſu, tam rapidos pedes, tā for-
tia brachia fragilibus vinculis liget. Linquo
fabulosa & vetera nimis: in beluas transfor-
matum Iouem, ridiculis Martē vinculis im-
plicitum, duris mentem pensa digitis Hercu-
lem, ad hæc & Leandrū fluctibus, Biblida la-
chrymis, Prochu vni telis viri, propria cuspide
Pyramum, Hyphin laqueo pereutem, quod-
que est certius atque sonātius, & Græcorum
duces de amore certantes, & notis Troiam
flaminis ardentem, absque his omnibus &
mille similibus, satis duo illi quos præmissi-
mus

mus ad probandum de quo agitur, vel magnitudine nominum, vel historia fide sufficiunt. G. Amo, quid de odio dices, si amorem damnas? R. Ut tu accipis, utrumque damnable, neque ideo bonum aliquid dicam, quod aduersum malo sit. Duo enim extrema sibi inuicem aduersa pariterque à medio, hoc est à virtute distantia, pariter mala sunt. G. Ergo malum est amare. R. Hoc ego fateor. GAUD. Malo hoc nihil melius inuenio. R. Credo Hercle ut est animus, sed tua opinionem mutat. G. Oderint, quos delectat ego amabo. RAT. Odium atque amorem indifferentia dixerim: nam ut odisse vitium, & amare virtutem æquè laudabile est, sic seu virtutis odium seu vitij amor æquè damnable. Et ad summam, vix inuenies quod per seipsum sic laude vel infamia dignum sit, quin paucis additis, laus ac vituperatio altera locum sumat alterius: tu quid ames, videris. G. Quid amem nisi quod cæteri? R. Non omnes idem amant. Fuerunt qui amarent Deum tam enixè, ut pro amore hoc omnia quidem & seipsos vitamque suam proiecissent, lucrum ducerent. Fuerunt qui non altius aspirantes pro nuda virtute aut pro patria idem facerent. Numerarem, nisi innumerabiles essent. G. Ego nec in cælo fui

vnquam nec virtutē vidi, amo quę cerni possunt. R. Si nihil amas nisi quod cerni potest, nihil igitur magnum amas, quid, quod directē obuias pręcepto illi vulgarissimo? nolite amare quę vidētur, sed quę non vidētur: quę enim videntur tēporalia sunt, quę autē non videntur, æterna. Vos autē cæci animo dediti; oculis, æternū nihil non dicā amare, sed nec intelligere nec cogitare quidem idonei, vobiscū peritura sectamini, & pudēdos affectus honesto tegētes velo libidinē dicitis amorem, illū colitis, illū fandi licentia Deum facitis, vt probra vestra, quę vix cælū tegit, excuset. Quid enim Deo auctore sit perperam? Ite iam, erigite Deo vestro aras ac thura, porrigite, ille vos ad cælum euehet: immo verò cæli Deus illum, & vos trudet in tartarum. G. Iuueniles ludos in calumniam trahis, amo, da veniam. R. Si ab offenso poscenda est venia, ipse tibi ignosce: neq; enim alium quā te lædis, & ah miser, quos inter scopulos fragilem cymbam agis. G. Iuat ita viuere, nec intelligo quidnam veter. R. Miserum est peccare, miserius delectari, miserrimum excusare atque amare peccatum, & tum demum cōsummata materia est, cū ad studium voluptatis opinio quædam honestatis accesserit. G. Amo, nec possum aliter nec volo. R. Posses nempe si velles

& forsan adhuc voluentibus animis voles. Siquidem cum in multis, tunc præcipuè in hoc morbo euenit, vt sæpe virtuti tentatum frustra remedium ultio dies longior efferat. G. Nulla me dies non amentem viderit. R. Age igitur, lude, infani somno latare, exporrectus flebit. G. Ego verò non flebo sed canam, meque ipsum more amantium carminibus consolabor. R. Est hoc quidem de quo multa dici possunt, & quando huc me trahis insistam. Inter multas fateor mira hæc amantium amentia, non solum apud vulgus vbi consuetudine in naturam versa, furor omnis excusabilis, sed apud vtriusque lingue doctissimos: nam & poëtas Graiorum & vestros quædam de alienis, multa de suis amoribus plausibiliter conscriptissimè compertum est, atque vnde morum infamiam merebatur, eloquentiæ gloriæ cōsequutos. Tolerabilior apud illos Sappho ætas, sexus, animi leuitas puellam excusant. Sed quid Anacreonti facias, quid Alceò, quorū vterq; non poëta modò insignis, sed vir fortis & rebus gestis in sua republica clarus fuit: seu quid ex vestris Ouidio, Catullo, Propertio, Tibullo, quorum nullum ferme nisi amatorium est pœna: quanquam quid poëtas, quibus nescio, vnde maior licentia data est, & non potius vitæ duces arguam philosophos: vbi hercle

gaudeas, grauitatis multo plus vestris fuisse
quàm Græcis: vix enim occurreret horum ali-
quis tam perditus, qui nō dicam, tale aliquid
fecerit: sed non liberè, totum hoc vanitatis
genus irriserit atque damnauerit: apud illos
tamen non communes quosque, sed seueris-
simos philosophorū Stoicos, ipsūque, quod
miraberis, Platonem, in hoc errore versatos
scimus. Amarurū quidem sapientem volunt
Stoici, & sanè si de amore conueniat, nō fal-
luntur. Amabit enim Deum sapiens, vt dixi,
amabit & proximum, amabit virtutē, sapien-
tiam, patriā, parētes, filios, fratres & amicos,
& si verus sapiens fuerit, etiā inimicos ama-
bit, non propter illos, fiteor, sed propter eum
qui hoc iubet. In his omnibus, oro te, quis lo-
cus est pulchritudini? Sic enim Ciceronis
Tusculano diffinitum legimus, amorē ipsum
conatum esse amicitiae faciendae ex pulchri-
tudinis specie. Quis tam caecus, vt nō videat,
quid sibi velit hanc pulchritudo? Rectè ergo
querit illic Cicero: quis est enim inquit, iste
amor amicitiae: Cur non deformem adole-
scentem quisque amat, neque formosam
anum? nimirū ætas & forma, cū delinimen-
tis suis insunt huius amicitiae fundamenta,
quæ honestius sic dicitur, quàm libido, quid
sit tamen apertis sanisque oculis facilè cer-
nitur. Itaque tota res eò reddat, vt si sit amor
quis-

quisquam in rerum natura sine sollicitudine
 turpiq; desiderio, sine suspirio & ardenti cu-
 ra, sit hic sanè permissus sapienti: vacat enim
 omni libidine, vt Cicero idem ait, omniq;ue
 tumultu atque angore animi, quæ maximè
 vitanda sunt sapientibus. Caterum non vt
 fando rerū facies velari, sic mutari veritas re-
 rum potest, sermo autē nobis nunc nō nisi de
 libidinoso amore susceptus est, qui his mul-
 tisq; aliis magnis malis vacare nullo potest
 modo: & hæc quidē Stoicis. Ad Platonē ve-
 nio, qui philosophorum princeps, immo, vt
 aiunt, philosophorū Deus: & si in hoc multi
 litigēt, in omni autē quæstione, nō pluriū, sed
 maiorum meliorūq; iudicio standum est.
 Plato inquā vtique summus vir de amoribus
 suis etiam turpibus, quāquā vero philoso-
 pho nulla libido non turpis & inconcessa sit,
 pace tanti viri dixerim, multa licentius scri-
 bendum esset. Scripsit tamē, & quod nollem,
 scripta extant, neque tam celebris famæ no-
 tam, neque iudicium posteritatis erubuit, cu-
 ram hanc mētūq; omnem vincentē: impe-
 tu passionis animum vrgentis styliq; dulce-
 dine calantium excitantis, quæ vel in turpi
 pudendāque materia tanta illi est, vt Epicu-
 reis magis quā Platoniciis in rebus quasi
 solis in luto Platonici radios cernas ingenij:

& hanc ipsam post Platonem multis video
causam fuisse vt scripta relinquerēt, quæ vel
honestius non scripssissent, vel consultius de-
leuissent, multis vt idem faciāt futuram esse
coniicio, sed famosiorē attigi. Proinde quod
ad reprehensionem attinet insanix talis &
aliqua diximus, ac multa & varia dici pos-
sunt, quod ad remedium verò, non pauca:
nam ad illam quam dicis consolationē mali
huius, quam tibi de carminibus prouentu-
ram fingis, breuissimum Flacci carmen ac
percūctatio illa pro respōso sit: Hiscēne ver-
ficulis speras tibi posse dolores, Atque æstus
curasq; graues é pectore pellis? loquendo ca-
nendôq? amor alitur accenditurque, non ex-
tinguitur nec lenitur, vt quos memoras can-
tus & carmina, tuorum non fomenta, sed ir-
ritamenta sint vulnerum. G. Credere iam
tandē admonitus & expertus incipio, quam-
obrem si libet omissis aliis, ad remedia sti-
lum verte. R. Multi olim ista conquirere
nisi sunt, in quibus Naso mirus medicus mor-
bi amantior quàm salutis, cuius quædam le-
uia, quædam fœda vel inefficacia, tamen est
aduertere. Scripsere alij, inter quos Cicero
breuiter potentérque. Ad summā pauca hæc
sunt, quæ de multis electa probauerim, loci
mutatio, quæ vt corpori, sic animo agrotan-
ti salubris interdum est, euitatio omnium
fugâq;

fugâq; diligens quibus amiti vultus in memoriam retraharis, occupatio quoque tractatîoq; animi ad alias curas nouâq; sollicitudines, quibus morbi veteris vestigia deleantur, cogitatio vehemēs & assidua, quàm turpe, quàm triste, quàm miserum, postremo quàm breue, quàm labile, quâ nihil sit omnino quod difficultatibus tâtis appetitur, quàm facile quâtôq; melius, vel impleri aliter aliisque viis vel cōtēni penitus possit atq; abiici, intērq; rerū vilissîma deputari. Multos prætereâ curauit pudor, quod maximè generosis animis accidit, dum obuersatur infamia irrisioq; dūmq; se digito signari vulgîque fabulam fieri dolēt, dum sub oculos redit rei sceditas, fructus vacua, plena dedecore, plena periculis, plena dolotibus ac pœnitētię causis. Ad extremū proderit excusationibus ac falsis opinionibus reiectis, vetas induere, nihil hic naturā, nihil fatū, nihil stellas agere, nihil dēniq; nisi solam animi leuitatē atque liberum iudiciū. Est enim in ægotantis arbitrio, vt sanus fiat, mox vt bona fide velle ceperit, & blandę consuetudinis nexus dulces abruperit: laboriosum certē, sed volenti possibile. Est quidem vt grāuissimè ait Cicero, illud quod in omni perturbatione dicitur demonstrandum, nullā esse nisi opinabilē, nisi iudicio susceptam, nisi voluntariam: etenim

si amor naturalis esset, & amarent omnes, & semper amarēt, & idem amarent, neq; alium pudor, alium cogitatio, alium satietas detereret. Népe hoc vltimū satietas à quibusdam inter remedia ponitur, ab aliis autem amor nouus, quo vt cēsent, vetus amor quasi clauo clauus pellitur: quod quāuis Artaxerxi Persarum regi, quem Atsuerū, sarræ vocant literę, & suggestum ab amicis, & effectum vtile deprehensum, auctor expressior sit Iosephus, de euentu quidem non litigo, de electione pronuncio. Itaque duo hæc vtilia fortassis interdum, semper certè periculosa crediderim, si neque horum aliquo neque omnibus conualescas, ad morbi causas animo recurrendum erit. Hæ vero, ni fallor, primæ omniū ac maximæ sunt, valetudo & forma elegans, opes, oecium, iuuenta. Vt corporis ergo, sic animi morbis contraria optimè medebuntur egritudo, deformitas, inopia, graue negociū, seuestus errorum iuuenilium castigatrix eximia: hæc mihi sunt vltima dura quidem, sed pro magnitudine pestis optanda remedia.

De ortu Filiorum. Dialogus LIX.

G A V.

N Ati mihi sunt filij. R. Geminatum malum pondusq; domesticum. G. Filij mihi sunt nati. R. Laboriosa vxor, laboriosior

flor amica, laboriosissima demum proles.
 G. A. V. Nati filij. R. A. Dulcedo amarissima & fel
 melle circumlitum. G. A. Nata mihi dulcis est
 soboles. R. A. T. Fontem tibi grauiū curarum
 domi natum credito. Nūquam sine metu at-
 que angoribus vitam ages. G. A. Filios genui.
 R. A. Nec timere, nec sperare, nec vota facere
 noueras: en discas tuo periculo, discas & pa-
 rentes orbos miserari, discas & in breui vita
 longas curas texere, teq; lōgio: a negotia or-
 diri, discas his qui nihil ad te pertineant tor-
 queri, quē visurus nunquam sis disponere: ad
 postremū discas amare plus alium quā te,
 discas ardentissimē diligere, tepidissimē dili-
 gi, duras artes. G. A. V. Filios habeo. R. A. Nunc
 primum intelligere incipis, quid ipse debeas
 parentibus. G. A. Filios procreaui. R. A. Seui-
 sti arbore inexhausto percolendā studio, quē
 te dū viuas exerceat, cuius nullos forsītā aut
 seros & fortasse post obitum fructus legas.
 G. Filij mihi sunt. R. Si boni iugis timor,
 sin mali sempiternus dolor: interim sola-
 men ambiguum, certa cura, G. Habeo fi-
 lios. R. Habes vnde viuus doleas, mortu-
 us agnoscaris, habes & vnde sapius mori
 possis. G. Pater filiorum sum bonorum.
 R. Quanto meliores filij tanto periculosior
 conditio tua est. Ne scis quam de lendi ma-
 teriam gignendo quaeris, quos lachrymis

aditus in tuam domum patefeceris, quantum in te ius morti miseriæq; præbueris? O matres miseræ, ait Horatius, o patres miseri dico ego. G. Optimorum pater filiorum sum. R. Optanda mors tibi integro est, ne fortè viuus esse desinas quod delectat, & aliquando cum Nestore à sociis quaras cur tandiu vixeris. G. Votiva fœlix lætûsq; sum sobole. R. A. Fœlicitas anxia, sollicitum gaudium, & sæpe mœstum gaudium, fœlicitas misera. Possem multos illustrium proferre. quorû fœlicitati nihil magis obstitit, quàm quòd filios haberunt.

De filio infante festivo. Dialogus. LXXI.

GAV.

Infans filius festivus est mihi. R. Modò ne ista festiuitas in doloré desinat, & quò præsens tibi lætior infãs tuus fuerit, eo mœstior sit digressus. G. Infans est mihi bonæ spei. R. A. T. Quid si sit nullius rei? Caduca ante alias ætas illa, sæpe in ipso flore præcidi-tur Vtq; nil dulcius, sic ferè nil amari⁹. GAV. Infans est mihi blandissimus atq; multiloquus. R. A. O ne istæ blandiciæ vertantur in lachrymas. Res est dulcissima fateor, infan-tilis aspectus & alloquium, utq; est apud Sta. Pepinium, siderei vultus & verba ligatis interrupta modis, quæ dū audiuntur mul-
cent,

cent, dum audiri amplius non possunt cr-
uciant, nec sine sensu doloris ad memoriam
evertuntur: sic humanis in rebus, sed in nul-
la magis, dulcedini opposita semper amari-
tudo est. GA V. Delector filio infante iucun-
dissimo. RA T. Non prohibeo delectari, ne
naturæ obstem, sed in omnibus modū quæ-
ro, sine quo nihil bene agitur. Volo te par-
ius gaudere, vt si dolendum fuerit: possis &
parcius dolere, & moneo cogitare, facile fie-
ri posse, vt arundineo baculo insistas, vel in
aducum te parietem inclinaueris, quod sæ-
pe dixisse fertur Hadrianus princeps cum
Elium verum puerum pulchrum, sed fragi-
lem adoptasset, & secum canere possis Maro-
cum illud: ostendent terris hunc tantum fa-
ci; neq; vltra esse sinent. GA V. Gaudeo de in-
fante meo. RA. Sic gaude vt doliturus, siue
e, vt dixi, acerba morte defungitur, siue
mod est multo grauius, quodque sæpissime
cidit, è gratissimo infante sit ingratus &
obediens adolescens. GA V. Multum gau-
deo de infante filio. R. Nemo tam stul-
sus agricola est qui de flore multum gau-
dat, fructus est expectandus, tunc gauden-
tius modicè. Interim tempestates, grandis-
sæ & vredines metuendæ sunt, frenandū m-
e metu gaudium.

INsignis est natorum forma. R A. Si tuam tibi formam contempnendam me docente didicisti, quanti alienam sis facturus intelligis. G A. Forma filiorum magna est. R A. Magna maribus discrimen feminisq; permaximum. Iamprimum pulchritudo & castitas raro cohabitant: nam nec volunt vixq; si velint liceat, cum humana omnia, tum imprimis pudicitia hodie malè tuta est, præsertim ubi formæ egregiæ iuncta est. Sunt quibus innidetur, sed intra suos fines sese tenet innidia, dolet, irascitur, nihil ultra, quidā illarū inter multorū odia senuere, quidā perpetua & ad ultimū inēdū viguere tyrānide. Quot assidue placato mari nautæ, quot per sylvas saluis mercibus prætereunt mercatores, nec pyrata illis, nec his prædo obuius, quā tu mihi formosam intentitā dabis? Casta licet, oblidebitur, oppugnabitur. Quis anim⁹ muliebris corruptoribus tot resistet? Admouentur muris scælarū blandiciarū, machinarq; munerum & latētes sub terra fraudum cuniculi: si his artibus non proficitur, manu improba vis affertur: si fidem quæris famosissimos raptus ad memoriam refer. Forma multos tentauit, ac tentandos præbuit, quosdam strauit, & vel in crimen impulit, vel in mortem. Fuit apud

apud Hebræos exemplum tentationis acer-
rimæ Ioseph , sed discrimen , prouidentia
cælestis in gloriam vertit. Apud Graios Hip-
polytus & Bellerophontes , apud vos Spuri-
ua ne tentaretur propriis se manibus defor-
mauit. Non apud primos virgo Thamar,
non apud secundos Graia Penelope , non
apud terrios Romana Lucretia tuta fuit, non
apud omnes plurimæ vel tentatæ passim vel
oppressæ. Hi sunt formæ labiis & caducæ
fructus , qui persæpe non opulentas tantum
domos , sed ingentes vrbes & magna non-
nunquam imperia euerterunt. Notæ sunt
historiæ. Certè nisi formosa adeo esset He-
lena : Troia mansisset incolumis : nisi tam
formosa Lucretia , Romanum regnum non
tam velociter corruisset : nisi tam pulchra
Virginea , nec tam citò decem virale illud
imperium defecisset , nec Appius Claudius
tantus legifer Romanus libidine victus , sa-
mam in rostris vitam in vinculis finisset. De-
nique si formosæ minus innumerabiles aliæ
fuisissent , non tot raptæ aut deceptæ , in tot
probra tantæque animæ ruinas ex arce pu-
dicitæ cecidissent : quare effectus formæ
bonos quos inueneris , renuncia , vt cum
contrariis comparentur. GAVDIUM. For-
mosissimus filius est mihi: R A T I O. Forma
aræ Messalinæ cuiuspiam cum libidinē exci-
tarit,

tant,elige vtrum vis,auct neget& amātis imperio occumbendum aut annuat , & Claudij gladio pereundum erit.Castitate igitur mortem, adulterio autem nihil præter exiguam læti morulam quesierit.& hoc sibi illa incluta & excellens forma contulerit.In hoc ergo vt in reliquis mediocritas bona: si extremorum alterum eligendū esset, forma gratior, sed gibbus est tutior. G A V. Est mihi nata pulcherrima. R A T. Circumspice insidias, vim caueto, laſonein putas aut Theseum aut Paridem vnum esse: mille sunt. Filiam habere sollicitudo est laborq; , formam adiiice , metus sit, quem nisi morte aut senectute nō fugias , nuptiis nanq; alterius in domum metum transferes , non extingues. G. Præclara natorum forma gloriator & exulto. R. Gloriarī & lætari forma sua iuuenes vanum utique, sed vulgare est: gaudere autem senē forma iuuenum suorum, quā vanitate. plenam, nī dissipiat, obiectamq; periculis videt. stultū prorsus & insanix proximum. G A V. Cælestis filij forma est. R A T. Legisti reor Iliados Homericæ librum quartum & vigesimum , vbi Priamus de Hectore suo loquens : non , inquit , apparebat viri mortalis filius , sed dei , dixit hoc ille, sed Achilles ei ostendit hominis illum mortalis filium esse, non dei: & tū nūc filij cælestis forma quam memoras, memento,

mento, eripi fœdariq; potest, & dum durat, quanti precij sit æstimatio prærupta est. Horum errores tamen & has nugas paternus amor immodicus & recti iudicij hostis parit. GAV. Formosissima miæi filia est. RA. Ut nil aliud sumptuosissima domus erit.

De filij fortitudine ac magnanimitate.

Dialog. LXXIII.

GAV.

EST mihi filius vir fortis. RA. Quanto ille est fortior, tãto tu timidior sis oportet. In nullos enim homines plura pericula quàm in sui contemptores, hoc est viros fortes congerit fortuna. Nec immerito: ceteri enim sese abdunt, euitantq; impetum, illi se obiciunt fulminati. Recurre memoria præteritum tempus: fortissimos ferè omnes violenta morte consumptos inuenies. GAVD. Fortitudo filij ingens est. RAT. Fortitudo pulcherrima virtus est, sed comitata casibus variis, paratas lachrymas & instructum feretrum habeto. Omnibus mors vicina, viris fortibus contigua est. GAV. Vir fortissimus est filius. RAT. Est qui patriæ libertatem, forsitan stragem hostibus, sibi decus, tibi æternum aliquando, metum semper afferat. GAV. Natus mihi fortis ac magnanimus est. RA. At quid aliud interfecto in filio Creon gemit, nisi

magnanimum bellicę laudis ardorem? Quid
Euanter in Pallante suo, nisi nouam glo-
riam armorum & prædulce decus primi cer-
taminis? Quid aliud Priamus Hectorem pa-
uens monet, nisi in Achillem solus expectet?
Quid ne aliud hunc ipsum mater anxia præ-
caratur, nisi vt fugiat bellicosum virum? Quid
denique aliud vxor Hectoris post viri mor-
tem fati ignara timere se dicit, nisi probita-
tem viri miseram & feruorem animi non se
in acie continentem bellatorem, sed ceteros
præcurrentem? quod ipsum iam antè ab ini-
tio formidabat, vbi euntem ad bellum his
verbis alloquitur. Dæmonice corrumpet te
tua vis, neque miseris filij pueri & mei mise-
ræ matris quæ citò vidua tui ero? Quid po-
stremo Achillis genetrix pro nato timida dū
diceret. Iam pelago terrisque mens quære-
tur Achilles, & volet ipse sequi, dūq; illum
frustra iam feruentis bellī motibus creptum
& imbecillem tranquilli senis in regiam in-
uectum virginis latebris occultaret? Om-
nes hos quidē fletus & hos metus nihil aliud
quàm martia vis & virtus animosa pepere-
rat. GA V. Valde mihi magnanimus est filius.
RAT. Magnus animus sine magna potentia
stultitia magna est, Magnanimitas recta ho-
minum est paucorum, quauis & qui poten-
tissimi videntur quàm sint fragiles, multa
etiam

etiam præter mortē sed præcipuē mors declarat, ut breuiter, verēq; dici possit: nihil imbecillius homine nilq; superbius. GAV. Filius est mihi magnanimus. RA. Gaude ergo, habebis magnorum conatuum plenam domum, ocij vacuā & quietis. Et sæpe optabis non tam magnanimum filium habuisse. Ad summā, clara est fortitudo, magnanimitas speciosa, viraq; verò laboriosa & turbida, tuta modestia & tranquilla.

{ Desilia castitate. Dialogus. LXXIII.

GAV.

Casta mihi est filia. RA. Lucunditas magna sed sollicita. Quanto enim castitas maior, tanto in eam vigilantior libido. Nihil tam ardēter inuaditur quā quod castis excubiis & fœmineo pudore vallatum est. Cōcesso calle corruptor it segnius, & permissa repentiùs appetuntur: multum concupitæ rei difficilis solet esse custodia. GAV. Inlignis natæ pudicitia est. RA. Est ubi res optima rei pessimæ materiam præbet. Magna Lucretiæ forma fuit, sed nil æquē hac spectata matronæ nobilis castitas velanum iunenē in adulterium violentum stimulis egit ardentibus: sic bonorū donis abuzitur nequitia reproborum. GAV. Castitas filiæ nota est. RA. Opta ut perpetua sit. Apud poeram legis: varium &

mutabile semper foemina: quod si Maro non diceret, nunquid minus ideo certum esset? Quot adolescentulas pudicas primum, post lasciuas anus vidimus? & ita praesentibus vitius cum praeterita castitate certantes, ut pudice acti quasi perditum temporis poenitentem videretur, quo nullum foedius illo in sexu atque aetate ludibrium. GAV. Castissima mihi est filia. R A. Si seipsam cognouerit sciueritque cuius est donum castitas, & illi gratias agens ad custodiam boni sui totum animum intenderit, atque in tutum intemerata peruenerit, erit, fateor, unde & secum deo gratias agas & gaudeas, magis quam si illam regiis nuptiis illustrasses, & tamen interim, mihi crede, quod timeas. Cum sit tamen in omnibus rara constantia, tum in foeminis nulla est.

De optimo genere. Dialogus. LXXV.

GAV.

O Primus gener est mihi. R A. Debet is esse vel filio charior, siquidem filium casus affert, generum electio. Acceptum igitur filiae fer quae nepotum debitor, filium iam nunc dedit. GAV. Generum optimum fors tribuit. R A T. Sunt hoc in genere & fidei insignis & praesidia exempla. Raro vel nunquam tam fidelis patri filius fuit, quam Augusto Caesari Marcus Agrippa, quam Antonio Pio Mar-

Marcus Aurelius, erga quem vsque ad illius vitam finem, tribus ac viginti annis ita se gessit, vt non, modò amorem eius ac filiam, sed imperij quoque successionē vt filius fide perpetua ac sedulitate meruerit. At non talis erga Claudium fuit Nero, licet is quoque non suis meritis, sed matris ingenio principiis filiam nactus & imperium. G A V. Vnanimē & concordem generum inueni. R A T. Vide ne spes successionis aut honorum competitio, concordiam hanc infringat, Quid enim non viuere illum optet, cuius sibi vtilem vitam videt? Sin autem vita obstare aliquo forsitan aspiranti aut vtilior mors esse cõperit, seu videri, mutantur habitus atque effectus animorum, occultumque mox odium erumpit. Quanta sanè inter socerum ac generū possint esse discordiæ, vt fileam antiquam Danaï fabellam, & Nummianum Aprimi soceri sui dolo nefario interemptum, insuper Stilconem cupiditate imperij & defuncti soceri & generi viuentis oblitum, abunde Cæsaris atq; Pompeij notissimum est exemplum.

De secundis nuptiis, Dialog. LXXVI.

G A V.

Secundas nuptias celebrando. R A. Si nō sces ad liquidū, quid est fœmina quidve

de illa magni scribant viri, nec primas quidem nuptias celebrasses. GAV. Secundas nuptias celebrare est animus. RAT. Si nō te primæ nuptiæ domuerunt, iam secundas celebra, si te nec illæ domuerint, celebrabis & tertias. GAV. Secundis nuptiis intendo. RA. Qui ex primo coniugio prolem habens nouercam superinducit, suis manibus in suam domum mittit incendium. Si iuuenta virget, aut libidinosa vellicat senectus, qua nihil est turpius, posset forsan, vt ciuilitate hoc potius quàm honestè dicam, posset inquam fortassis vtilius nisi vel peccati materia, vel diuina lege vetitum esset, concubinali obsequio subueniri, quàm nouercalibus odiis domus tranquilla turbari, quod Tiro ac Domiciano susceptis filiis Vespasianus prudentissimus princeps fecit, & ætate hæc Stephanus Columensis haud immeritò inter principes memorandus. GAV. Ad secundas nuptias intendo. RAT. Potes id quidem secundum leges humanas, diuinis quidem legibus patientibus magis quàm laudantibus: nota omnibus quæ de hac re Paulus tractat Apostolus. Certè etiam apud gētiles ipsos, quibus laxior talium libertas, permissam rē potius quàm probatā intelligere est. Siquidē multorum matrimoniorum experientiā quasi legitimę cuiusdā intemperantię signum esse vestri maiores credi

erediderunt, quæ amplexus Hieronymus
quàm multa contra secundas nuptias, quam-
que acriter scribat, non est permiffè breuita-
tis inferere, quæ quanuis in fœminas non in
viros etiam dici omnia videantur, & haud
dubiè, sexus ille maioris fit debitor castita-
tis ac pudoris, plus tamen prudentiæ ac con-
stantiæ debent viri. GAVD. Secundis mihi
nuptiis est opus. RAT. Mirarer, niſi mo-
res vestros nouerim, non tantùm superua-
cua, ſed damnoſa etiam vobis neceſſaria ef-
feciftis: tu verò duriffimi oris ſis, ſi ad te fre-
nandum vxore opus eſt altera. GAVD. Ad ſe-
cundas nuptias feſtino. RATIO. Age age
dum feruor durat, cum refrixerit dolebis,
non noſti quàm dulcis eſt ſopor in vacuo
cubili? Solum illum fœdum, & miſerum
actum cogitas, qui tranſit & vulnerat.

De natorum coniugio. Dialogus LXXVII.

GAVD.

NAtorum nuptiis ſobolem propagau-
RAT. Honeſtior aliquando hæc qui-
dè cura quam ſuperior, & tamen ſæpe vitium
propago quàm ſobolis vtilior fuit. Illa dolci-
mero dolum, hæc amaris curis amicum im-
pleuit. GAVD. Nuptui natam dedi. RAT.
Si proinde ſi q; fœliciter & filiam ſeruasti, &
filium, vt modò dicebā, vel filio melius

nisti: si minus & illam perdidisti, & tibi hostem tyrannum filia quæsiuisti. G A V. Viro filiam collocaui. R A T. Si bonam, dulce pignus ac suaue tibi creptum alienis laribus inuexisti. At si malam graui fasce quo alium premeres te leuasti, G A V. Filiam viro dedi. R A. Noli nimium hinc gaudere. Multis anxietatis & infœlicis vitæ principium fuerunt nuptiæ, vt latè omnia succedant operosa res est coniunx in laboriosam coloniam durumque negocium, quam amabas misisti. Nascentur filij domi, illi suus scauriæ fons curarum Finge non nasci, & id ipsum miserum molestumque. Sic sœcunditas onerosam sterilitas odiosam faciet. mansisse tecum forsitan optabit, pietatēque tuam hanc oderit. G A V D. Filia virum dedi. R A. Ociosæ finem vitæ, principium actuosæ, rei sarcinam familiaris grauem, mundi noticiam, experientiam sui ipsius. G A V D I V M, Familia virum habet. R A. At perdidit libertatem, virginitatē, requiem. non æqua permutatio. G A. Dedi filio vxorem. R A T I O. Grauior est immissa nurus quàm emissæ filia, semper intestinum malum periculosius externo est. Patefacti arcem hosti forsitan aut profecto participiam non solus dominus rerum tuarum, refert qualis intrauerit. G A V D. Generosam filio coniugem quæsiui & diuitem & formosam, R A T.

Cur

Cur quod sequitur suppressis, & superbam & importunam, & coniūgi vitæq; tuæ æmulam? Inter socrum & nurum vetus est bellum, nec foci maior est gratia, sed merus, vna est amborum ratio. Nullum animal tam primi loci appetens quàm fœmina. Illum sibi saluis vobis interdictum videns, quod nunc animo voluat, & quid oret, haud difficilis coniectura est. G A V D. Vxorē filio dedi. R A T I O. Quid scis an immortale ille tadium tibi quæ dederis, an vtrique clandestinum fortè discrimen? Multæ viros focerósque peream cōfecere fastidio, quædam veneno ferroque alio peremere. Quot habebat filios Aegisth^{us} si nurum nullam habuisset? Inuenta est quæ præcipiti libidine domihandi, & secundæ sortis impatientia, quo maturius virum seque regnantem cerneret, genitori proprio causa mortis cum fuisset, supra cæci corpus currū ageret. Si hæc patrum merces, quid sperare debent foci? G A V. Nuptiis filiæ celebratis gaudeo. R A T. Quotiens hanc celebritatem dispar fœdat euentus, & captus, & epulas, & choreas luctus sequuntur & lachrymæ & tumultus? Ineptum omne gaudium immodicū, ex his præsertim rebus quibus dolor oriri possit & soleat. G A V. Vxorē filio simul & filiæ virum dedi. R. Sarcinas permutasti, alienam tuis, alienis tuam humeris curam ferri.

Brutus, qui regia illum sede deiecit, & vir magnus & patriæ utilis, sed aduersus auunculo. G A V. Natus est nepos ex filia. R A T. Ennio Pacuuius verecundus ac grauis vir nepos ex filia & poeticæ successor fuit: Antonino autem pio Commodus impudentissimus leuissimusque hominum. G A. Est mihi ex filia natus nepos. R A. Romulus Remusque Numitoris ex filia nepotes, auum maternum in Albanum regnum restituerunt. Ancus Martius ex filia Numæ nepos, auitum rugnum Romæ tenuit magna cum gloria, Cyrus autem Astyagis nepos ex filia, maternum regno auum expulit Medorum. Quæ historiæ eo tendunt, vt de hoc nepotum ortu quantum sperari potest, tantum possit & metui.

De filii adoptionis & priuigini. Dial. L X X I X.

G A V.

Adoptaui mihi filium. R A T. Adoptio pedisse qua est naturæ, & cum sit illa nobilior, hæc cautior, quodque illa sine cōsilio gignentis casu quodam, hæc adoptantis certo iudicio operatur, G A V. Adoptione bonū filium quæsiui. R A T. Deuisti id quidem, si neglectum, non vt genitura sic electio excusabilis: nihil habes in coniugem, nihil in fortunam: quod torqueas. G A V D. Filium adopta

adoptavi. RATIO. Oportunum hoc naturæ
 subsidium ciuili repertum. Iure, multis vtile,
 multisque fuisse pestiferum constat. Bonum
 filium adoptauit Nerua, sed Traianum in
 sua adoptione deceptum, quibusdam scripto-
 ribus visum scio. Nam Augustum in Agrip-
 pæ nepotis adoptione circumuentum, mox
 secuta testatur abdicatio, in Tiberij autem
 vel adoptione, vel successione non deceptum,
 sed suorum mortibus pene coactum video,
 quod & sermo eius indicat, & præfatio testa-
 menti. At Mycipsa ille cuius paulò antè me-
 mini prorsus infœlix adoptator fuit, qui non
 filium, sed funestum draconem regiæ filiis-
 que suis immiserit, quos & si moriens hor-
 tetur ita viuere, ne ipse meliores filios ado-
 ptasse videatur quàm genuisse, sæpe tamen
 meliores adoptantur quàm gignuntur, neq;
 id mirum, cum illud experientia & consilio
 muniatur, hoc neutro. Sæpe autem contrà,
 non peiores modò, sed pessimi omnium ado-
 ptantur. Fusca enim & ambigua merx est ho-
 mo. G. Priuignum bonum habeo. R. Rarus
 est priuignus bonus, rarius est vitricus. G. A.
 Bonus est priuignus mihi. R. A. T. Vt sit bonus
 quid ad te? si forsan vt coniugis procurator
 gaudes. Tibi enim quid virtus aliena contu-
 lerit, nisi vt tuorum si quos genueris panda-
 tur ignauia. G. A. V. Priuignus est mihi opti-
 mus

mus atque fidiſſimus & nulli filio ſecundus. R. Fieri id quidem poteſt. Talis Auguſto fuit Druſus, ſed non Claudio talis Nero.

De excellenti præceptore. Dialogus. LXXX.

GAV.

EXcellenti præceptore glorior. RATIO. Alieno necdum de ſuis gloriari. Quod ad te enim excellentia præceptoris tui? Crede mihi, quod ſæpe ita ro, intra te ſit oportet, quod te faciat glorioſum. GAV. Præceptore glorior excellenti. RAT. Sine illum interim rebus ſuis ut videtur uti & ſi libet etiam gloriari, quanuis & ſi excellens verè eſt, minime id facturum ſit, de te autem poſt viderimus. GAVD. Eſt mihi præceptor inſignis. RAT. Qualis tu diſcipulus ſis expecto. Ante enim quid pronūciè nō habeo. Quam multos ſtultos atq; hebetes habuiſſe putas ſcholæ Socratis ac Platonis? Quam multos abſq; præceptore ullo, per ſeipſos in altum euolaſſe, ut præceptores fierent aliorum, qui præceptoribus caruiſſent? Nullum Virgilio præceptorē legimus. Horatius Flaccus de ſuo nihil niſi quod plagioſum dixit, verberum puerilium credo mentinerat. Cicero autem ſuum laudibus ampliſſimis celebrare noluit nec valuit. Contra huius filius, quantis præceptoribus

bñs patre scilicet & Cratippo illi^o atatis philo-
 sophorū principe, si quid ipsi credimus Ci-
 ceroni, quātus nebulō, quanq̃ famosæ ebie-
 tatis euaserit notū est, q̃ solo patris vel tace-
 ntis aspectu doctus ac sobri^o euasisse debuerit.
 Plato ipse & si vt supra memini, Socratis ma-
 gisterio gloriatur, maior tamen est gloria So-
 crati excessisse quā sub Socrate didicisse. G.
 Sciētificus præceptor est mihi. R. Sciētia præ-
 ceptoris discipulo utilis esse potest, glōriosa
 esse nō potest, quinetiā quod mireris, est qui
 tibi famam minuat, ignauiam exaggeret, ia-
 ctantiæ excusationib^{us}que aditum prælusi-
 sti: quicquid sciueris præceptori dabitur,
 quicquid ignoraueris tuum erit. Est ergo nō
 vnde gloriēris, sed vnde aspīres ad glōriam.
 Habes & quē sequi velis atq; assequi, nō quē
 te esse putes quōd discipulus eius sis. Est de-
 nique nō quod habeas, sed quod habere cu-
 pias & quod speres: idq; non sine ingenti tuo
 studio ac labore, GAUD. Est mihi præceptor
 assiduus vir clarus. R. A. At illi de quo di-
 ximus Ciceronis filio, duo erant summi viri,
 quorū alter libris emipus, alter verbis com-
 munis in eū incubuerat, & quid profecerit audi-
 sti. Quā multos, verō ē filiis principū præce-
 ptores simul cōplurimos habuisse cōpetim^o
 sed quid refert esse qui doceāt, si q̃ discat ne-
 mo sit: Patientē indispōsito frustra nititur vis

agentis. Certè si doctos viros propius spectare vel alloqui, doctos faceret spectatores, & si paucos virtutis aut doctrinæ cupidos videamus, magna circa eos esset tamen & importuna frequentia.

De insigni discipulo. Dialogus. LXXXI.

GAV.

INsignem discipulum penè filio chariorem casus obtulit. R. A. T. Importunum negociū puerilis ingenij non æquis gressibus ingenium coaptare, & in vnum semper infantem defixos oculos atque animum habere, ad illius tolerantiā intellectum tuum vocemque submittere. Quòd si discipuli plures sunt. cumulator sit congeries laborum, vertit cōtinuè huc illuc, utque ait Satyricus, tot puero-
rum observare manus oculosque in fine tremantes. G. A. V. Vnus isque clarissimus est mihi discipulus. R. Pro vno discipulo claro, multis obscuris iudiciis te obicis. Quicquid ille deliquerit, in tuum caput redundabit. En doctrinam, inquierit, en facundiam, en mores: in hoc magistrum inspicere, nulla quam ingeniorum certior effigies. G. Discipulum sum nactus illustrem. R. Age ergo magna spes est gloriæ, profectus ingenio illius, defectus culpæ tuæ dabitur: cum ut Plutarchus philosophus ad Traianum principem discipulum suum

suum scribit sermo publicus delicta discipu-
 lorum refundere soleat in præceptores: quod
 multi ut legimus passi sunt: inter quos Quin-
 tilianus & Seneca & ipse philosophorū pater
 Socrates. G. Præclari discipuli sunt inibi.
 R. Melius si modesti, quanquam vera cla-
 ritas sine virtutis radio nulla est. G. Ma-
 gni discipuli curam gero. R. Triformi con-
 grederis chimææ, hinc ut puero prosis, hinc
 ut parentibus plâteas, illinc autem ut reip.
 rationem reddas, quam de tuis manibus exi-
 get, rudémque illum tibi creditum, erudi-
 tum repetet. G. Pueri nobilis mihi cura
 commissa est. R. Suspecta est ætas & su-
 specta nobilitas. Illa spondet immemorem,
 hæc superbum. G. Puer mihi creditus me
 veretur. R. Quid dices, dum te despiciet
 adolescens, vir fortasse vix nouerit? Nota fi-
 des pueri, nota constantia est. G. Puer mihi
 creditus me amat. R. Inexpleto parieti ima-
 ginem impressisti, illo crescente delebitur:
 firmus amor solidam poscit ætatem. G. Cla-
 rus puer edocēdus in sortem venit. R. Inque-
 ta fors, euentus ambigui. quædā ingenia nul-
 lo studio eriguntur. Est ubi pater impēsam,
 præceptor operam puer tempus amittit. Do-
 cilem doce, indocilem ne fatiges, néve illum
 réque simul frustra atterat: ægre vincit ars
 uaturam. G. Discipulus rener nec indocē-

lis obtingit. R. Et si in lubrico stas atque in fluxo struis: age tamen fideliter commissum. Si plena aetas accesserit, poterit meminisse: alioquin sua erit obliuio, fides tua, magnum satis ipsa sibi virtus est præmium. Conscientia bonorum operum nihil est dulcius, non te retrahat ab honesto desperatio præmiorum, quia nullum etiam in hac vita rectè factum præmio caret, cuius ut sapientibus placet, fructus vberrimus est fecisse atque in silentio meminisse. G. Inueni discipulum magnæ spei. R. Et magnæ sollicitudinis, & profectò si bonus fiat, filium tibi cor genuerit, lingua peperit: sin malus hostem qui te, dum timuisse recordabitur, oderit. G. Discipuli claritas ingens est, qua illustrari spero. R. Moderata claritas oculos delectat, immoderata perstringit. Præterea nullus te nisi tu luceas illustrabit, & si detegat, verum lumen ab intra est. G. Magnus est mihi discipulus. R. Non maior puto quàm Senecæ præceptorum alios protexit, alios oppressit, discipuli magnitudo his portus fuit, his scopolus.

De patre bono. Dialogus LXXXII.

GAV.

Habeo patrem bonum. R. Bonum nosce tuum, breue est. G. Patrem habeo opti-

optimum. R. Aut ille tibi luctum pariet aut tu sibi. G. Indulgentissimus est mihi pater. R. Si naturæ ordo seruatur, magni fletus hæreditas te manet illūque si peruertitur. G. Patrē adhuc habeo. R. Vtere sedulo, fugitiua iucunditas, pater senex. G. Patrem habeo grandæuum. R. Non est locus inertix: festina carpere fructus extremos tanquam ex arbore ruinosa. Charo lateri inhære quantum potes, cupidè Nilum vide ceu confestim abiturum, cupidiusque audi, & extremos monitus memori mente recondito, desertūque velut iter acturus necessariis permunito. Egebis illo consultore, quærēsque cum nec inuenies domi. G. Patrem habeo decrepitem. R. Propera nouissima pietatis officia in illum congerere dum licet, si quid nunc omiseris, dolebis semper. G. Patrem piū habeo. R. Habes qui ante te mori cupiat, post te viuere metuat. G. Habeo patrem optimum. R. Habes quā priusquam habere desieris, vix agnoscos, habes & quem perditum suspires.

De matre amantissima. Dialogus LXXXIII.

GA V

Amantissima mihi est mater. R. At tu illi iugis paor desideriumque per-

nisti: si minus & illam perdidisti, & tibi hostem tyrannum filia quaesivisti. G A V. Viro filiam collocaui. R A T. Si bonam, dulce pignus ac suave tibi ereptum alienis laribus inuexisti. At si malam graui fasce quo alium premeres te leuasti, G A V. Filiam viro dedi. R A. Noli nimium hinc gaudere. Multis anxiae & infœlicis vitæ principium fuerūt nuptiae, vt latè omnia succedant operosa res est coniunx in laboriosam coloniam durumque negotium, quam amabas misisti. Nascentur filij domi, illi suus scauriet fons curarum Finge non nasci, & idipsum miserum molestumque. Sic fecunditas onerosam sterilius odiosam faciet. mansisse tecum forsan optabit, pietatēque tuam hanc oderit. G A V D. Filia virum dedi. R A. Ociola finem vitæ, principium actuosæ, rei sarcinam familiaris grauem, mundi noticiam, experientiam suipius. G A V D I V M, Familia virum habet. R A. At perdidit libertatem, virginitatē, requiem. non æqua permutatio. G A. Dedi filio vxorem. R A T I O. Grauior est immissa nurus quàm emissæ filia, semper intestinum malum periculosius externo est. Patefacti arcem hosti forsitan aut profectò participi, iam non solus dominus rerum tuarum, refert qualis intrauerit. G A V D. Generosam filio coniugem quaesui & diuitem & formosam, R A T.

Cur

Cur quod sequitur supprimis, & superbam & importunam, & coniūgi vitæq; tuæ æmulam? Inter socrum & nurum vetus est bellum, nec soceri maior est gratia, sed metus, vna est amborum ratio. Nullum animal tam primi loci appetens quàm fœmina. Illum sibi saluis vobis interdictum videns, quod nunc animo voluat, & quid oret, haud difficilis coniectura est. GAVD. Vxorem filio dedi. RATIO. Quid scis an immortale ille tadium tibi que dederis, an vtrique clandestinum fortè discrimen? Multæ viros soceròsque pereanni cōfecere fastidio, quædam veneno ferroque alio peremere. Quot habebat filios Aegisth^{us} si nurum nullam habuisset? Inuenta est quæ præcipiti libidine domiñandi, & secundæ sortis impatientia, quo maturius virum seque regnantem cerneret, genitori proprio causa mortis eū fuisse, supra cæci corpus currū ageret. Si hæc patrum merces, quid sperare debent soceri? GAV. Nuptiis filia celebratis gaudeo. RAT. Quotiens hanc celebritatem dispar fœdat euentus, & captus, & epulas, & choreas luctus sequuntur & lachrymæ & tumultus? Ineptum omne gaudium immodicū, ex his præsertim rebus quibus dolor oriri possit & soleat. GAV. Vxorē filio simul & filia virum dedi. RAT. Sarcinas permutasti, alienam tuis, alienis tuam humeris curam sers.

Quid quòd hunc quem faustum putas, vel nepotis turbidine, vel vi forsitan fortunæ infustum, quandoque dicturus es diē? Quid quòd tibi natus mox forsitan moriturus, & plus tristitiæ allaturus est quam attulerit lætitiæ? Multi sunt varij, subiti & inopini hominum casus, sed infantium innumeri. Si omnes viuerent qui nascuntur, humanum genus terra non exeret, viuerent dico non semper, nam si id facerēt hominēs non essent, sed vsque in seniū, vsque saltē ad legitimam ætatem: stultum est magnum gaudiū de re breui utiq; incerta quoniam euasura sit. Quod & in filiis & in nepotibus verum est, sed eo magis in nepotibus magisque etiam nunc in pronepotibus quo à radice absunt longius.

G A V. Nati sunt mihi nepotibus ex fratre, ex filia, ex sorore R A T. Hi iam minus ad te pertinent, hoc gaudium & hanc patribus curam cede.

G A V D. Natus est mihi nepos ex fratre R A T. Et Anneo Senecæ Lucanus nō exigua pars Hispanæ facundiæ, & Mycipsæ Numidarū regi Iugurthæ non vltimum exemplum Libycæ perfidiæ nepos fuit, regni euersor, fratru interfector.

G A V. Nat⁹ est mihi nepos ex sorore. R. Et Platoni Pseusipus ex sorore nepos ac philosophiæ velut heres fuit, & Periclitæ nepos Alcibiades, turbator patriæ & belloꝝ Græciæ cōcinator, & Tarquinio superbo

adoptauit. **RATIO.** Oportunum hoc naturæ subsidium ciuili repertum. Iure, multis vtile, multisque fuisse pestiferum constat. Bonum filium adoptauit Nerua, sed Traianum in sua adoptione deceptum, quibusdam scriptoribus visum scio. Nam Augustum in Agrippæ nepotis adoptione circumuentum, mox secuta testatur abdicatio, in Tiberij autem vel adoptione, vel successione non deceptum, sed suorum mortibus pene coactum video, quod & sermo eius indicat, & præfatio testamenti. At Mycipsa ille cuius paulò antè meminimus prorsus infelix adoptator fuit, qui non filium, sed funestum draconem regiæ filiisque suis immiserit, quos & si moriens hortetur ita viuere, ne ipse meliores filios adoptasse videatur quàm genuisse, sæpe tamen meliores adoptantur quàm gignuntur, neque id mirum, cum illud experientia & consilio muniatur, hoc neutro. Sæpe autem contra, non peiores modò, sed pessimi omnium adoptantur. Eufca enim & ambigua merx est homo. **G.** Priuignum bonum habeo. **R.** Rarus est priuignus bonus, rarius est vitricus. **G. A.** Bonus est priuignus mihi. **R. A. T.** Ut sit bonus quid ad te nisi forsitan ut coniugis procurator gaudes. Tibi enim quid virtus aliena contulerit, nisi ut tuorum si quos genueris pandatur ignauia. **G. A. V.** Priuignus est mihi optimus

bis patre scilicet & Cratippo illi⁹ ætatis philosophorū principe, si quid ipsi credimus Ciceroni, quātus nebulo, quanq̃; famosā ebrietatis euaserit notū est, q̃ solo patris vel tacentis aspectu doctus ac sobri⁹ euasisse debuerit. Plato ipse & si vt supra memini, Socratis magisterio gloriatur, maior tamen est gloria Socrate excelsisse quā sub Socrate didicisse. G. Sciētificus præceptor est mihi. R. Sciētia præceptoris discipulo utilis esse potest, glōriosa esse nō potest, quinetiā quod mireris, est qui tibi famam minuat, ignauiam exaggeret, iactantia excusationib⁹que aditum præclusisti: quicquid sciueris præceptori dabitur, quicquid ignoraueris tuum erit. Est ergo nō vnde glorieris, sed vnde aspirēs ad glōriam. Habes & quē sequi velis atq; assequi, nō quē te esse putes quōd discipulus eius sis. Est denique nō quod habeas, sed quod habere cupias & quod speres: idq; non sine ingenti tuo studio ac labore. GAVD. Est mihi præceptor assiduus vir clarus. R. A. At illi de quo diximus Ciceronis filio, duo erant summi viri, quorū alter libris eminens, alter verbis communis in eū incubuerat, & quid profecerit audisti. Quā multos verō ē filiis principū præceptores simul cōplurimos habuisse cōperim⁹ sed quid refert esse qui doceāt, si q̃ discat nemo sit: Patientē indispōsito frustra nititur vis

agentis. Certè si doctos viros propius spectare vel alloqui, doctos faceret spectatores, & si paucos virtutis aut doctrinæ cupidos videamus, magna circa eos esset tamen & importuna frequentia.

De insigni discipulo. Dialogus. LXXXI.

G A V.

INsignem discipulum penè filio chariorem casus obtulit. R A T. Importunum negociū puerilis ingenij non æquis gressibus ingenium coaptare, & in vnum semper infantem defixos oculos atque animum habere, ad illius tolerantiam intellectum tuum vocemque submittere. Quod si discipuli plures sunt. cumulator sit congeries laborum, vertit cōtinuè huc illuc, utque ait Satyricus, tot puerorum observare manus oculosque in fine tremantes. G A V. Vnus isque clarissimus est mihi discipulus. R. Pro vno discipulo claro, multis obscuris iudiciis te obicis. Quicquid ille deliquerit, in tuum caput redundabit. En doctrinam, inquierit, en facundiam, en mores: in hoc magistrum inspicere, nulla quam ingeniorum certior effigies. G. Discipulum tum nactus illustrem. R. Age ergo magna spes est gloriæ, profectus ingenio illius, defectus culpæ tuæ dabitur: cum ut Plutarchus philosophus ad Traianum principem discipulum suum

suum scribit sermo publicus delicta discipu-
 lorum refundere soleat in præceptores: quod
 multi ut legimus passi sunt: inter quos Quin-
 tilianus & Seneca & ipse philosophorum pater
 Socrates. G. Præclari discipuli sunt mihi.
 R. Melius si modesti, quanquam vera cla-
 ritas sine virtutis radio nulla est. G. Ma-
 gni discipuli curam gero. R. Triformi con-
 grederis chimææ, hinc ut puero prosis, hinc
 ut parentibus plâteas, illinc autem ut reip.
 rationem reddas, quam de tuis manibus exi-
 get, rudemque illum tibi creditum, erudi-
 tum repetet. G. Pueri nobilis mihi cura
 commissa est. R. Suspecta est ætas & su-
 specta nobilitas. Illa spondet immemorem,
 hæc superbum. G. Puer mihi creditus me
 veretur. R. Quid dices, dum te despiciet
 adolescens, vir fortasse vix nouerit? Nota fi-
 des pueri, nota constantia est. G. Puer mihi
 creditus me amat. R. Inexpleto parieti ima-
 ginem impressisti, illo crescente delebitur:
 firmus amor solidam poscit ætatem. G. Cla-
 rus puer edocendus in sortem venit. R. Inque-
 ta fors, euentus ambigui. quædã ingenia nul-
 lo studio eriguntur. Est ubi pater impesam,
 præceptor operam puer tempus amittit. Do-
 cilem doce, indocilem ne fatiges, neve illum
 reque simul frustra atterat: ægre vincit ars
 uaturam. G. Discipulus rener nec indoci-

lis obtigit. R. Et si in lubrico stas atque in fluxo struis: age tamen fideliter commissum. Si plena aetas accesserit, poterit meminisse: alioquin sua erit obliuio, fides tua, magnum satis ipsa sibi virtus est præmium. Conscientia bonorum operum nihil est dulcius, non te retrahat ab honesto desperatio præmiorum, quia nullum etiam in hac vita rectè factum premio caret, cuius ut sapientibus placet, fructus vberimus est fecisse atque in silentio meminisse. G. Inueni discipulum magnæ spei. R. Et magnæ sollicitudinis, & profectò si bonus fiat, filium tibi cor genuerit, lingua peperit: sin malus hostem qui te, dum timuisse recordabitur, oderit. G. Discipuli claritas ingens est, qua illustrari spero. R. Moderata claritas oculos delectat, immoderata perstringit. Præterea nullus te nisi tu luceas illustrabit, & si detegat, verum lumen ab intra est. G. Magnus est mihi discipulus. R. Non maior puto quàm Senecæ præceptorum alios protexit, alios oppressit, discipuli magnitudo his portus fuit, his scopulus.

De patre bono. Dialogus LXXXII.

GAV.

Habeo patrem bonum. R. Bonum nosce tuum, breue est. G. Patrem habeo opti-

optimum. R. Aut ille tibi luctum pariet aut tu tibi. G. Indulgentissimus est mihi pater. R. Si naturæ ordo seruatur, magni fletus hæreditas te manet illūque si peruenitur. G. Patrē adhuc habeo. R. Vtere sedulo, fugitiua iucunditas, pater senex. G. Patrem habeo grandæuum. R. Non est locus inertix: festina carpere fructus extremos tanquam ex arbore ruinosa. Charo lateri inhære quantum potes, cupidè flum vide ceu confestim abiturum, cupidiusque audi, & extremos monitus memori in mente recondito, desertūque velut iter acturus necessariis permunito. Egebis illo consultore, quæresque cum nec inuenies domi. G. Patrem habeo decrepitum. R. Propera nouissima pietatis officia in illum congerere dum licet, si quid nunc omiseris, dolebis semper. G. Patrem pium habeo. R. Habes qui ante te mori cupiat, post te viuere metuat. G. Habeo patrem optimum. R. Habes quàm priusquam habere desieris vix agnoscos, habes & quem perditum suspites.

De matre amantissima. Dialogus LXXXIII.

GAV

Amantissima mihi est mater. R. At tu illi iugis paupor desideriumque per-

petuum. G. Mater est mihi amantissima. R. Maximus patris amor, matris vehementissimus, vterque talis tantusque, ut vix eum nisi rara admodum filij pietas æquauerit: pulchrum tamen honestumque est inter parentes & filios de amore ac pietate certamen, vincant quibus largius charitatis fons cœlestis affluerit: at nunc vsque vincere soliti sunt parentes, nec dum adolescentium ea est pietas, aut maiorum reuerentia quæ sperare aliud cogat, quod si forte præter spem euenerit, nullum in terris cœlo gratius spectaculum fingi queat. G. Est mihi mater optima. R. Esto illi saltem bonus filius, scito te illi primum pondus ac rædium fuisse, dehinc acerrimum dolorem, post continuū laborem trepidamque solitudinem: memento vteri altricunque vberum. Quot illi somnos, quotque seu cibos seu iocos tuis fletibus abruperis? Quot aut metus aut dolores tuis casibus pepereris, & fortasse nonnunquam periculosa quoque gaudia? Sepe enim ut dolor filiorum mortis, si gaudium vitæ miseris matres mori compulit. Patuit hoc vltimū eo clarius die, quo reliquæ cladis ad Thrasumenum acceptæ Romani sparso agmine repetebant, duæ matres filius, quos in acie cecidisse referentibus crediderant, conspectis, insperati gaudij non capaces efflarunt spiritus, his atque aliis effectum.

ctum, vt nulla inter homines maior eſſet in-
 gratitudo, quàm quæ in matrem admittitur.
 G. Adhuc annola ſuper eſt genitrix. R. Quo-
 tiens hanc aſpicias ſimul terram intuens, cogi-
 ta vnde venias & quo pergas, quàm te augu-
 ſtum habitaculum emiſerit, quàm anguſtum
 excipiet. De ventre matris propriæ in vtrun-
 que ergo laxantibus animum atq; raptanti-
 bus, ſuperbiæ atq; avaritiæ frænum ſtringe.

De fratribus bonis piis que ſororibus ac formoſis.

Dialogus LXXXIIII.

GAV.

Pios fratres habeo. R. Rarum, nam paren-
 tes ferè ſemper amant, fratres ſæpe inui-
 dent, ſæpe deſpiciunt. Raramq; ideo fratrum
 gratiam Naſonis ore veritas clamat, vbi &
 fratrum & filiorum & omnium penè, niſi pa-
 rentum, notatur impietas. G. Fratres mihi
 ſunt optimi. R. Miror planè, bonos eſſe ſat
 eſt, ſæpe enim mali ſunt, aliquândo & peſſimi,
 eoque peiores hoſtibus, quo minus contra
 domesticas inſidias eſt cautela. Quantus au-
 tem ſit amor fratrum, ne latentes eruam, neu
 præſentes lædã, ſatis notiſſima paria, Myce-
 næi Thebanq; fratres ac Romani indicant:
 quæ quidem infamia, cur vnius vrbs potius

quàm totius orbis sit, nō video. Primos mundi fratres aspice : alter alterius oppetiit manu: nec dum relatu horridum scelus audis. Siquidem Phraates res Parthorum, cuius supra mentio est habita præter parricidia in patrem simul ac filium admissa, triginta insuper proprios fratres trucidasse legitur, non veritus tanto ac tali sanguine & regnū malè partum stabilire, & metum omnem inuisi consortis extinguere. G. Fratres boni sunt. R. Nondum puto patrimonium diuistis, tunc erumpet iniquitas. Igne aurum, auro animus probari solet. Magna sæpe quæ videtur pax, pauxillum auri si adhibeas lis erit. G. Pij sunt fratres. R. Cœlibatus forsitan tuus, aut orbitas illos tibi conciliat. Coniugio detegentur tui, sed prole melius, spe successionis amissa, quæ impatientissimos quoque multa pari docuit. G. Amantissimos mei fratres habeo. R. Debet id quidem ita esse, nisi liuor obstat aut timor aut cupiditas, & habendi sitis, diuini omnis humanique iuris dū expleri studet immemor. Inter parentes enim filiosque quantunlibet sit amoris, conuersatio tamen dispar diuersique mores sunt filij, & si scitò patres videant, serò agnoscūt. Patres & si filios statim amēt, serò illos, sæpe etiam in senectute suscipiūt: fratres ante quam nascantur & postquam nati sunt

ti sunt in eodem domicilio eiusdemque incunabulis æuo parēs versantur ac moribus, ilicet in lucem æditi, se vicissim cernunt, vno cibo aliti, iisdem parentibus, iisdem sociis, iisdem ludis, iisdem scholis, iisdemq; præceptoribus ac nutritoribus assuesfacti, pariter pubescunt, pariter adoleſcunt. Vndique paritas multisque & validis nexibus iunctus amor, nisi hos aduenticiæ soluant causæ, duræque mentis asperitas frangat, quod commune est adedò vt nesciam an fraterno vllus amor maior esse debeat, an vllum odium maius sit, an indignatio vlla profundior: tam turbida semper æqualitas, tam paris impatiens mens humana. G. Aequos piósque fratres habeo. R. Serua illos æquitate mutua ac pietate. Delicatissima res est amor, serua illam, difficile quæritur, facile perditur. G. Sed sorores habeo bonas. R. Graue pondus, sed iucundum, ac ferè adolēſcentum primus labor, quo se effecti sui iuris exerceant, vnde primam pietatis atque indolis famam quarant. G. Bonas habeo sorores. R. Cura vt illæ bonum fratrem habeant tēque superstitem, & si communis pater obierit orbitatem non sentiant. G. A. V. Pulcherrimæ sunt sorores. R. A. Custos rei labilis, vigilantibus oculis dolos caue, circumfusa te procorum cohors excitet. difficilis est

vnus formæ custodia, quid multarum reris?
 tâto exactiorem pudicitix quam auri curam
 esse decet: quanto & preciosior & irrecupe-
 rabilior illa est. Senè virgineam castitatem
 nulla arte melius quàm maturo cōiugio præ-
 seruabis. G. Formosæ mihi sorores domi sūt.
 R. Ne diutius tibi sūt prouide, multas aptius
 ornabunt domos.

De bono domino. Dialogus LXXXV.

GAV.

D Ominum bonum habeo. R. An habe-
 as, an verius habearis cogita, sed lo-
 quendi mos est, sic dominum habetis, vt sca-
 biem siue vt ruffim. Multa sunt quæ habentur
 inuitis possessoribus: molestæ opes qui-
 bus non liceat caruisse. G. Bonum domi-
 num habeo. R. Libertatem igitur amisiisti,
 hunc & illam vno tempore nemo habet. Iam
 neque sorores de quibus modò agebas, ne-
 que filix, neque nurus, neq; coniunx demum
 ipsa, neque patrimonium, neque vita in tuto
 sunt propter vnum quem habes dominum,
 habere simul omnia desisti. G. Bonum mihi
 & patriæ dominum fors dedit. R. Incom-
 patibilia penitusq; cōtraria: nam si bonus,
 non dominus, si dominus, non bonus præfer-
 tim si se dominum dici velit. G. Bonus est
 dominus. R. Boni sūt parentes, boni fratres
 ac si-

ac filij esse possunt: amici autem semper boni alioquin nec amici sunt, dominum bonū dici blandum mendacium atq; adulatio nota est. G. Optimum dominum habemus. R. Rectorē populi fortassis & reipublicę defensorē, quo nil actuum humanorū acceptius Deo ferunt. Illum verò nō dicam optimum, sed bonum, & non potius pessimum quis dixerit, qui quod habet optimum, libertatem, summum ac præcipuum vitæ bonum suis ciuibus eripit, próque vnius explenda voragine quæ expleri nequit, tot milia miserorū siccis oculis intueri potest. Neque eum & si non iusticia aut misericordia, saltem pudor à tam mæsto retrahit spectaculo, sit licet affabilis, sit blandiloquens, sit postremo munificus in paucos de multorū spoliis. Hæ sunt autem artes tyrannorum quos vulgus dominos vocat, carnifices experitur, hæc præstigia attonitis ingerunt luminibus, hanc hamis & laqueis prætedunt escam, sic credulos aucupantur. G. Dominum habeo præpotentem. R. Is in cælo vnus est, qui se iure suo dominum dixit & dici voluit: nam terræ dominus Augustus Cæsar edicto vetuit se dominum dici. Ille deorū Deus, iste hominum imperator. Ille maiestatem tenuit, iste modestiam. Denique & super hoc populū Romanum grauissimè corripuit: sic enim de ipso

scriptum, est: & domini appellationē vt maledictum & opprobrium semper exhorruit. Quod successorē quoque longe rebus omnibus imparem, tamē obseruasse cōpertum est, qui licet dominādi audis, titulo tamen dominationis abstinuit, atq; ita se inter ambitionem & verecundiā mediū tenens, esse dominus voluit. dici autem noluit, vt qui sciret iniustū esse quod cuperet, saltē exprobrationis iniuriā vitaret. Durū enim superbumq; & graue nomen est dominus, illic maximē vbi amor libertatis ac seruitij pudor est. Securus horū vestigia Alexander hic Romanus princeps vt priuato sibi non altius scribi voluit: nam ille alter Macedo, non dominus modo, sed Deus dici voluit: quē secuti animo huius temporis latrunculi, vna vrbe vel altera vix insidiis oppressa, non tantū d. cī volunt, sed dici homines erubescunt atq; ad iniuriā trahunt. G. Dominum habeo verē optimum. R. Verē vnus est dominus, quem si habes honestissima regnisque fœlicior seruitus tua est. G. Iustum dominum regēq; optimum habemus. R. Inter regem & tyrannū nō discernūt Graij, secundū quod poëta noster de rege loquens ait, Pars mihi pacis erit dextrā tetigisse tyranni. Apud vos autem vt intersit nō nisi propositum vitæq; series facit: qui iusticia regit ac regitur, ille demū verus est rex. Atque

ex altiore fastigio non salutis publicæ speculator, sed priuatæ libidinis procurator, vel rapinam cogitans vel vindictam cupiditati aut iracundiæ suæ paret, & rapidis atq; effrenis animi motibus cedit, is malorum dominorum seruus, & si altior cunctis appareat, seipsumq; aureo ac veste purpurea superbus incedat, utiq; rex non est, sed propter ea exercitiū aut suppliciū populi promotus prædo: eoque loci positus vnde liberiori sæuiens flagello, atque hos probās, illos puniēs, cunctos vexans & agitans, ignarus quidem ac passioni obsequens, nutu tamen illius qui mala bonos vertit in vsum, iustū Dei iudiciū iniustis licet ac scelestis manibus exequatur, quasi æquā pij iudicis sententiā tortor sæuus. G. Iustū piūm que regem habet patria. R. Rarum bonum & reipublicæ fœlicissimū status, nisi præsens gaudium futuri metus rerum fœliciū, semper suspecta breuitas minueret, amissi que desiderium mox venturas cumulaturus miseras obuersaretur animis humana noscentium, volubilēque fortunæ rotam, quæ nil prosperum longum finit, lenit quidem mali sensum cōsuetudo, insueta deiiciunt, vnde optimum quidem semper prospero caruisse diffiniunt, quod non dicerent si prosperitas duraret. G. Iustum habemus & clementem regem. R. Illa superstitē mori opta,

ne mutatam regni sortē lugeas. Bonus enim bonum rarò sequitur, malum peior, sæpe peiorem pessimus.

De serenitate aeris. Dialog. LXXXVI.

GAV.

Serenus est aër ac iucundus. R. Iam quis arguat cælestem humi animum hære? In aëre illum appenditis, & amorē vestrum in eo ponitis elemento quo nullum instabilius. G. Aer serenus atque tranquillus est. R. Expecta, dicto citius nubilosus erit ac turbidus, alio te sub cælo positum credas. G. Serenus ac tranquillus est aër. R. Quanto mallet serenus ac tranquillus esset animus tuus, utilis quidem illa serenitas stabilisque tranquillitas, quam nec nubes occupent, nec quatiant venti. G. Serenus est aër. R. Non serenum omne statim optimum, immo verò prouincias nubilosas serenis esse salubriores, & in hoc occidentem prælatum legimus Orienti. G. Aer hic lucidus me delectat. R. Delectari in operibus ac factura Dei minimè vetitum, modò in Deum velut omnis boni fontē tota animi delectatio reflectatur, & in rebus tēporalibus æternus rerum conditor laudetur, alioquin attende quod scriptum est: si vidi solem cum fulgeret, inquit Iob, & lunam incendētem clarè, &c

rè, & lætatum est cor meum in abscondito, & osculatus sum manum meam ore meo, quæ est iniquitas maxima & negatio contra Deum altissimum? GAV. Serenissimus est aer, talis utinam semper sit. RA. Non semper modo, sed diu talem ferre non possis. Temporū vicissitudo peroptima iure à multis, sed præcipuè à Cicerone laudata est. GAV. Serenissimus est aer, atq; utinam non mutetur. R. Nescis quàm citò sui tædium hæc serenitas allatura sit. Nil tam delectabile quod non identitas inamœnum reddat. Nullum efficacius remedium contra vitæ fastidia, quàm temporum locorumq; varietas. Hac fouetur & pascitur mens humana, & ut ait Augustinus, qui qualitate rerum non potest, saltem varietate satiatur.

De prospera navigatione. Dialog. LXXXVII.

GAV.

Navigatione utor prospera. RA. Sentio, Neptunus tibi laqueos tēdit. G. Tranquillum se mihi præbet mare. RA. Infidiosa tranquillitas, utque ita dixerim, esca naufragij. Si semper turbidum esset mare, nullus hominum nauigaret. GAV. Mare mihi blandum & suaue est. RA. Suspecta suauitas, prædonum blandiciæ, minæ sunt. Hæc facies maris repente mutabitur, esse aliud

putes monstroque gelidus quæras, ubi est æquor illud quod laudabam, vnde verò hi tam multi tamque horribiles aquarum montes, vnde hic pendentium fremitus procellarum, & minacibus spumis surgentes, fluctus in nubila? Nesciunt nisi experti quid est mare & quam ferox belua, quædve illi a poeta monstri nomē impositum. Nihil enim monstrosus in rerum natura, nihil cui sit minus fidei, minusve constantiæ, nullius rei transformatio tam crebra, tam periculosa, tam subita: nihil denique seu mollius dum iacet, seu dum surgit immitius. GAV. Placidum nunc æquor immotumque est. RAT. Terræ ipsæ subsidunt dehiscuntque, tu pelago tribuis vt consistat, simulatus torpor: noli fidere, sæpè fortunam retentare demētia est. GAV. Nunc saltem placidè nauigauī. RA. Nullum ferum animal sic in laqueos ruit, vt non aliquid dulce præsentiat. G. Prosperè nauigauī. R. Et sacrilegi prosperè nauigant, & viri sanctissimi naufragantur. G. Nauigauī scēliciter. R. Crede mihi si pergis, infœliciter nauigabis.

De volina portus apprehensione. Dialog.

LXXXVIII.

GAV.

IAm portum attigi: iam in littore sedeo.
 RAT. Multi in portu pereunt, plures in
 littore

littore: permutasti, periculum non fugisti.

GA V. Terram attigi. RAT. Ita hoc dicis quasi terræ discrimina vel minora vel pauciora quàm pelagi quanuis occultiora sint: nonne hoc in æquo posuit is qui utrobique multa & grauiora pericula per varietatem pertulerat?

Neque verò sine causa pauper ille seruator aquarum apud Statium moriēs, hyemes notōsque laudat, & experti meliora pericula ponti.

GA V. In terra sum. RAT. Casibus eo pluribus patens, quo plus hominum terras incolit quàm maria. Siquidem maxima pars

malorum homo homini est: sic inde mors peruenit, vnde auxiliū debebatur, vt fileam pestiferas animātium species, quibus ea pars rerum scatet.

GA V. Terra sub pedibus saltem stabit. RAT. Atqui sæpè non stetit, atque antiqua præteream Achaiāmque & reliquam Græciam & Syriam, atque alias

ybi & vrbes haustæ olim funditus & collapsi montes & demersæ insulæ, vt omittam veteres vestrorum montium casus

Aetnæ ac Vesuii, apud vos nuper ipsa vrbium caput Roma contremuit, quòdque ciuiliis belli temporibus pro monstro habitum.

Alpes hac ætate grauissimè tremuerunt, & conuulsæ rupes altissimæ solis radiis insuetum à sæculis præbuere iter, Hispaniæ & Germaniæ bona pars corruit.

Vidisti modò

putes monstroque gelidus quæras, vbi est æquor illud quod laudabam, vnde verò hi tam multi tamque horribiles aquarum monstres, vnde hic pendentium fremitus procellarum, & minacibus spumis surgentes, fluctus in nubila? Nesciunt nisi experti quid est mare & quam ferox belua, quæve illi à poëta monstri nomē impositum. Nihil enim monstrosius in rerum natura, nihil cui sit minus fidei, minùsve constantiæ, nullius rei transformatio tam crebra, tam periculosa, tã subita: nihil denique seu mollius dum iacet, seu dum surgit immitius. GAV. Placidum nunc æquor immotumque est. RAT. Terræ ipsæ sublidunt dehiscuntque, tu pelago tribuis vt consistat, simulatus torpor: noli fidere, sæpè fortunam retentare demētia est. GAV. Nunc saltem placidè nauigavi. RA. Nullum ferum animal sic in laqueos ruit, vt non aliquid dulce præsentiat. G. Prosperè nauigavi. R. Et sacrilegi prosperè nauigant, & viri sanctissimi naufragantur. G. Nauigavi scèliciter. R. Crede mihi si pergis, in scèliciter nauigabis.

De votina portus apprehensione. Dialog.

LXXXVIII.

GAV.

I Am portum attingi: iam in littore sedeo.
RAT. Multi in portu pereunt, plures in
littore

littore: permutasti, periculum non fugisti. GAV. Terram attigi. RAT. Ita hoc dicis quasi terræ discrimina vel minora vel pauciora quàm pelagi quanuis occultiora sint: nonne hoc in æquo posuit is qui utrobique multa & grauiora pericula per varietatem pertulerat? Neque verò sine causâ pauper ille seruator aquarum apud Statium moriēs, hyemes notosque laudat, & experti meliora pericula ponti. GAV. In terra sum. RAT. Casibus eo pluribus patens, quo plus hominum terras incolit quàm maria. Siquidem maxima pars malorum homo homini est: sic inde mors peruenit, vnde auxiliū debebatur, vt fileam pestiferas animantium species, quibus ea pars rerum scatet. GAUDIUM. Terra sub pedibus saltem stabit. RATIO. Atqui sæpè non stetit, atque antiqua præteream Achaiamque & reliquam Græciam & Syriam, atque alias ybi & vrbes haustæ olim funditus & collapsi montes & demersæ insulæ, vt omittam veteres vestrorum montium casus A Etnæ ac Vesuui, apud vos nuper ipsa vrbium caput Roma contremuit, quodque ciuilibus belli temporibus pro monstro habitum. Alpes hac ætate grauissimè tremuerunt, & conuulsæ rupes altissimæ solis radiis insuetum à sæculis præbuere iter, Hispaniæ & Germaniæ bona pars corruit. Vidisti modò

stantes vrbes, vidisti solidas arces atq; oppida, paucis post diebus miserabile spectaculum atq; terrificum, humi passim strata omnia, quin & solito mœstiorē Rhenum ipsum quasi flentem labi deformatam ruinis vtranque ripam, eamq; præcipuè quæ ædificiis ornatio fuerat querulis abluentem vorticibus. Desine iam securus esse vbi securitas nulla est. GAV. Sub pedibus terra est. R. Non tam certa sedes domicilij quàm sepulchri. G. Ad terram peruenisse gaudeo. R. Similia similibus gaudent, & tu terra es. G. In terram redij. R. Nondum quidem, sed redibis citò.

De carceris exitu. Dialogus. LXXXIX.

GAV.

IVuat carcerem euasisse. R. Est & hæc, fateor intermissa gratior libertas ac reddita quàm seruata, sed non omnia quæ delectant profunt, & sæpe nociua sunt dulcia, & amara salubria. Sæpe non carcer modò, sed mors utilis fuit, sæpe vita & libertas inutilis. GAV. Carcerem euasisse gaudeo. R. Atqui modo gaudebas portum apprehendisse, nunc gaudes portum euasisse. Carcer multis portus, multis refugium & arx fuit, & in libertate perituros seruauit: In vinctis ligata & clausa diligentius asseruantur. Nesciunt mortales

les cæci quid expediat, & idcirco mala sua concupiscunt & affecti gaudent vnde mox doleant. Néve lōgius exemplum quæras, vidisti nuper virum illū animosi & magni potius quā constantis incepti, qui aduerso tēpore se patronum Romanæ Reipublicę prosteri ausus: ipse sibi Tribunī nomen assumpsit, de hinc variante fortuna, vrbe depulsus, Romanūq; primum principis, post pontificis lapsus in carcerem, vtrōiq; bene habitus atq; honestē, tandem leua alite emissus gladiūq; hostium nō occisus tantummodo, sed discerptus, putō moriens carcerem suspirauit. & A V. E carcere lætus erupi. R A T. Ibis per rostra turbida litibūs, per plateas vrbium tumultūq; negociorū, & tempestatem libertatem putans gratulaberis, dum quē clauis vna concluderat millo stringente laquei, cūmq; læti omnes ē procellis portū petant, vnus tu nauia mirabilis, ē portu lætus in procellas redis, & A V. E carcere digressus gaudeo. R A. Bonum in hoc vt in reliquis consilium erat, neq; nimīū gaudere, neq; nimīū dolere, sed æquanimitatē omni in statu eū vitæ gubernaculum tenere, in tanta presentim caligine futurorum, neq; tam miserum est, vt fertur intrasse, neq; tam faustum carcerem exiisse. Quotiens carcer libertati hostis propitius est salutē quotiens optata vō-

tis omnibus libertas in perniciem & in mortem versa est? GAVDYM. Exiui ex carcere. RAT. Latiori de carcere multi hominem casus eripiunt, ex angustiori autem sola mors eruit. GAV. Molesto de carcere discessi. RAT. Potes in hunc carcerem reuerti, in illum alterum cum semel exieris, non redibis hoc in tempore.

De tranquillo Stato. Dialogus. x c.

GAV.

REbus rite compositis tranquillus ago. RAT. Scilicet ut tua naus fluctibus maris, sic animus vitæ curis explicitus, portum attingit laborum ac terrarum, sed non ita est, nunc nunc maximè metuendum, nescis quòd res hominum non stant, qui volubili in rota sedet altior, is proximus est ruinæ. GAVD. Optato eunt omnia. RAT. Bene ais, eunt omnia, nihil enim manet. Ante ergo quā fœlix videre, spei fortè aliquis pòst locus est merui, ad extremum luctui, gaudio autem nunquam, gaudium loquor verum, donec ad vera & stabiliora bona peruertum sit, GAV. Rebus prouisis humanitus conquiesco. RAT. Summa rerum humanarū labor & mœror, in his igitur requiescis? Durum caput, & lōdice ferrea, & spinosa recubans puluinari. GAV. Opipare prouisa sunt omnia. RAT. Expe-

Stato

Etata puto mercium navis applicuit, periculum euasisti, extruxisti domum, exarasti aruum, putasti vineam, rigasti prata, compegisti aream, insecuisti arbores, effodisti riuos, texuisti sepe, columbariam erexisti, misisti greges in pascua, apes in aluearia, sementem in sulcos, nouas merces in maria, tuto loco collocatum fœnus, plena arcula, diues aula, cultus thalamus, referta horrea, spumans penu, prouisa dos filiae, coniugium nato, empti populi gratia blando ambitu, parata suffragia, prouum ad te opibus summis atque honoribus stratum iter, o felicem te, restat ut gaudeas. Hæc hi fallor conclusio tua est, mea vero longè alia restat ut moriari. Rarum valde inter homines, ut multo studio quæsitis multo fruantur tempore, longus labor, usus breuis. G A V. Prosperè rebus euntibus stabili in statu sum. R A T. Quomodo autem rebus euntibus tu stes videris, ego nempe non video. G A V. Rebus ad vota fluentibus lætus sum. R A T. Nunc igitur tempus est moriendi, speras ne hinc diu aliquem lætū esse? Morere dum lætus es, antequam esse mœstus incipias. Quod iam dixi repetam, Est enim minimè tædiofa rerum vtilium sed iucunda repetitio. Meministi ergo quid apud Ciceronem, Lacon ille ait seni Rhodio Diagore læto tunc valde lenib' licet ex causis

quæ audisti supra cū de palæstricis agere-
mas. Morere Diagora inquit, non enim cœ-
lum ascensurus es. Grauitè id quidem: Nam
quid amplius expectet animus lætus in hac
rerum tanta vertigine, nisi ut lætus esse desi-
nat, esse iustis incipiat: Itaque opportunè ad-
modum Diagoras consilio paruit amici, spe-
ctante quidem & plaudente populo, inter vi-
ctorum filiorum amplexus & oscula expira-
uit, scriptum est in libro nocturni atticarum,
& ad summam plures gaudio quàm tristitia
periere. Omnis ergo qui sapiūt, sed maxi-
mè gaudentibus mors optanda, de hac sem-
per & præsertim in tempore prospero cogi-
tandum, illa cogitatio reliquas fræuet. G A.
Laboraui, en quiesco. R A T. Omnes quidem
id speratis, sed erratis in hoc omnes. Stylus
enim vitæ alius multūmq; finis à proposito
dinersus. Hæc tua requies aut breuis aut fal-
sa est, aut quod est verius, utrunq; qui hic re-
quiem somniatis? Sic catenis vinctus liber-
tatem ager sanitatem somniat, sic sopitus
esuriens opimas dapes: sed en dies vltimus
aderit isque confestim discussurus hæc som-
nia. Nolite autem falli somniis atq; opinio-
nibus falsis, quibus est plena vita mortalis,
nolite vobis hic requiem spondere, credite
mihi tota quies hominum post laborē, mors.
G A. Omnia quæ in rem vlla sunt, supererunt.

gaudij qualitate conueniat. G A V. Omnia
 vndique conquisiui, quibus instructior vita
 esset. R A. Immo verò quibus mors mole-
 stior: egisti planè negocium medicorum, iā
 frequentes aderunt stratumque circumstrep-
 pent: Aderunt captatores testamentarij: erūt
 & qui gaudium premant, & qui fletum si-
 mulent, & qui tenacem spiritum, seram mor-
 tem taciti increpent, & qui crīsum seruent, &
 qui prognosticis inhient, & qui cadauer au-
 reum præstolentur, tot hæc tibi conquesta
 vndique vitæ conferunt, instrumenta, non vt
 melius viuas, sed vt comitator moriaris. Nō
 penitus operam perdidisti: iam & comites læ-
 guenti & libidine sumptus & funeris pompa
 non deerunt. G A V. Conquesta sunt omnia,
 quiescendum est. R A T. Iam dixi, vitæ re-
 quietem & solatium quærebas, laborem mor-
 tis ac tædium inuenisti. G A V D. Cuncta di-
 sposui, prosperitas parta est. R A T. Congessi-
 sti, fallacissimæ ac fugacissimæ spei nidum,
 quæ vbi primum adoleuerit, euolet, mæstum
 & vœuum cor relinquens sæpe vel implu-
 mis pereat. G A V. Longo succedit quies la-
 bori. R A T. Breuis ipsa aded fortassis vt nulla
 potius dici possit. Multorum sæpe studium
 annorū in momento excidit, immo cū sem-
 per ferè gradarij sint progressus, rarò nō re-
 pētini exitus rerū sunt. G. Per longas curas ad
 securi

securitatis initia ventum est. R. Sollicita multū de principiis humana curiositas, sinē cæca non prospicit. Densa vêturi caligo temporis mortalis acie frustra vitobruit, deliberatio vtique nostra sit cōsummatio fortunę, dicam melius, dei est, cuius in manibus sortes sūnt hominum, non quas ipsi vobis opione vestra spēq; improba fingitis, sed quas ille præsciētia sua videt. Eius est autem illa vox, stulte, hac nocte animam tuam repetent à te, quæ autem parasti cuius erunt? Comminatio horrenda, quæ nisi spes somnōsque mortalium interrumpat, obsurduistis haud dubiè.

De potentia. Dial. xc i.

G A V.

Potentia magna sum. R A. Ergo & inuidia. G A V D. Potentia multa sum. R A T. Et in periculis multis. G A V D. Potentia sum ingenti. R A T. Et laboribus infinitis & inextricabilibus curis. G A V. Multa possum. R A T. Quò plus in alios potes, & plus alij in te. G A V. Potentiæ est plurimum. R A. Quo potentiæ magis, eo maius in illam imperium fortunæ tepidè se exercet in paruis, vberem eligit materiam. In magna lignorū mole, crepitātius sæuit incendiū: magna prosperitas, magnæ viam faci aduersitati. Nec quenquam facilè planè miserum videbis.

qui non valde sc̃elix habitus fueris. Non potest ignoti hominis, nota esse calamitas. GA. Quod volo & possum. R A T. Cura ergo ne quid mali velis, & scito quo potēt̃e plus, eo plus esse negocij minúsve licentiæ. G A V. Potentia ingens sum. R A. Quid scis an diuturna? Piget exequi qui potentes breui ad impotentiam, seu qui reges ad infamiæ seruitutem sunt redacti. Vepricosi & lubrici sunt humanorum gradus ascensuum, tremulus vertex, præcipitium horrendum, ægrè conscenditur ad eminentem statum, anxie ubi constituitur, grauiter inde & repente descenditur: id sic esse non singuli tantum reges aut populi, sed maxima etiam testantur imperia. G A V. Armis atque opibus potens sum. R A. Vera & firma potentia in virtute fundata est. fundamentum si detraxeris, quo maior, eo periculosior structura. Quid implere opibus domos iuuat, arua lignibus, maria classibus, si intus interea domestici hostes animū oppugnant atque expugnant? Vis ut te potentem fatear? Illos doma finibusque tuis pelle, vince iram, vince cupiditatem, vince libidinem. Vince teipsum famæ atque animæ hostem tuæ. Quænam ista potentia est, vincere alios passionibus suis? GA. Fundata insolido potentia est. R A T. Quo pacto tum vita ipsa mihi tetur assidue? O quid tumes imbecillum

lum animal de potentia disputas, de anima interim periclitaris, quam dicto citius vel naturæ vis occultior, vel exigui morsus animæ, tis, vel extremi contemptissimique homines sæpe potentissimis abstulere. G A V D. Potentia egregiè stabilita est. R A. Vbi quæso? In arenis ac fluctibus, an in vëto, an in ipsa, vt perhibent, fortunæ rota? quin tu amice, malè susceptam pone fiduciam. Nulla hic stabilis potentia, vtique vel impropriè expriam quod sentio, nulla potentia potens est.

Degloria. Dialogus xcii.

G A V.

SEd inueni magnam gloriam. R A T. Magna in exiguo qualiter explicentur non intelligo. Si temporum, si locorum angustias metiare, magnam hic gloriam non esse fateberis. Non ingeram tibi vt terra omnis punctus est, cuius ipsius partem maximam natura fecit inhabitabilem atque inaccessibleem fortuna, vt tempus præsens puncto minus, idque ipsum semper instabile fugæque tam rapidæ, vt vix illam animo sequi possis: duæ reliquæ temporis partes semper absentes, ita vt altera nos lubrica memoria, altera expectatione anxia fatiget, vt omne simul tēpus, aut diluuiis, aut æstu nimio, aut peste aliqua, aut cœli inclementia vel terrarum, aut deni-

que per seipsum lapsu proprio ita discerptum
 atque confusum sit, ita vna sæpe ætas prope
 nil habeat commune cum altera: neque mi-
 nus in temporibus quàm in locis videas exi-
 guo intervallo notissimum nõ agnoscere. Hæc
 inquam & quæ sunt id genus plurima trans-
 co. Vulgata sunt omnia quibus liquidò cer-
 nitur quænam hæc mortalis ac terrena glo-
 riæ magnitudo est. G A. Quam conditio mea
 fert gloriam sum adeptus. R. Si indignā, bre-
 uem hercle: at si dignā, gaude, nõ quòd ha-
 beas, sed quòd meritis sis. G A. Gloriam quæ-
 siui. R A. Gloria vera nisi bonis artibus non
 quæritur: vnde tibi partum nomen vide, sic
 intelligas an gloria vera sit, famam si casus
 dedit, eripiet. G A. Multum est gloriæ. R A.
 Caue ne quam gloriam veram putis, imago
 falsa sit gloriæ. In rebus hominum multa re-
 gnat illusio, G A V D. Plurimum est gloriæ.
 R A T. Vt nemo pauper magnæ pecuniæ fa-
 mam quærit nisi vt fallat? sic nemo ignauus
 magnæ virtutis opinionem: vtræque tamen
 sibi conscius quicquid de se aliis loquantur,
 quantum vel pecuniæ in arcula, vel virtutis
 in animo sit. G A V D. Insignis est gloria. R A-
 T I O. Si ex merito, modestè vtere ne super-
 biæ illi notam applicuerit: si minus, fac ne
 diu populum fallas. G A V D I V M. Præful-
 gens est gloria. R A T I O. Vel mereri stude.

vel

vel graue non tuum indumentum exue : in-
 glorium esse præstiterit , quàm mendacio
 gloriosum. Vera etiam gloria cum labore ser-
 uatur, quid de falsa speres? Cum omnis fictio
 difficilis sit , tum difficillima est quam multi
 vndique obseruant. Rari nempe sunt glorio-
 si, hos propter dissimilitudinem obscurū atq;
 inuidum vulgus odit. Graue est inter tot ho-
 stium insidias latere , præstringere omnium
 oculos non potes in te tanto studio defixos.
 G A V D. Gloriosus appareo. R A T I O. Me-
 lius forsitan lateres & certè tutius. Hoc gra-
 uiter dixit is qui multa leuiter : bene qui la-
 tuit, bene vixit. G A V. Clarus latèque notus
 sum, longèque conspicuus. R A. Liur ab-
 dita penetrat rimaturque , putas conspecta
 prætereant? Quid quòd pauci sunt quibus
 expediet apparere & conspici, pauci quorum
 famæ non noceat ad plenum nosci? Notis-
 simum Claudiani dictum : minuit præsentia
 famam : quanto magis illam minuit notitia?
 Rarò sunt homines quod videntur. G A V D.
 Gloriosus videor. R A. Caua nube circun-
 datur delitescis : si parumper emiseric, quo
 plus gloriæ falsæ fuit, eo veræ plus erit infam-
 iæ. G A V. At gloria vera est. R A. Id ne-
 mn te melius nouit : ita demum si externi iu-
 dicis corruptum animum tuis in rebus as-
 sumseris , gloria quidē, vt sapiētibus placet,

quasi quædam umbra virtutis est: illam comitatur, illam sequitur, quandoque etiam antecedit: quod in adolescentibus claræ indolis videmus, quos ante perfectam virtutem præconcepta de illis spes hominum claros facit, quæ quibusdā velut stimulis generosos modestosque animos excitat atque erigit & impellit ad æquandam spem civium suorum, stultos autem tumidosque præcipitat. Hinc transformatio illa ridicula clarorum adolescentium in obscuros senes. Laus quidem sapienti utilis, stulto nocet. Ex his vides umbrā per seipsam esse non posse, rei cuiuspiam sit oportet. Vis ne igitur gloriam veram esse, fac ut vera & solida virtus sit.

De beneficiis in multos collatis.

Dialog. XCIII.

GAV

Beneficia in multos contulisse gaudeo.

RAT. Multos ingratos expertens dolebis.

GAV. Beneficia in multos effudi.

RA. Rectè ais: nam si accipientium animos intueare, beneficiorum magna pars perditur.

GAV. Multi meis beneficiis sunt obstricti.

RAT. Quidam si obliuione relaxabunt: alij

forſan iniuriis beneficia pensabūt, ut cessent

iniuriæ, non cessabunt quærimoniæ. quàm

multi de benefactoribus quærentur suis: ini-

quum

quum fateor, sed commune adeo, ut non tam crebræ de hostibus sint querelæ. Audisti apud Lucanum de Pópeio quærentem Photinum, apud Senecam verò Sabinum de Augusto. Quid verò te ad literas aut antiquitatem voco? Urbes medias contemplare: vici omnes lamenti talibus pleni sunt. Omnis autem ingratitude triplex, nisi fallor, causa est. Invidia scilicet quæ dum impensa aliis beneficia suas ducit iniurias, in se collata non aspicit. Superbia, quæ vel se maioribus dignam censet, vel præferri sibi aliquem indignatur. Cupiditas, quæ muneribus non lenitur sed accenditur, & dum quærendis inhiat quæ sita non meminit. Possem brevius, totius mali causam stultitiam dicere: ea verò non huius tantum, sed malorum omnium causa est ignorantia viri boni opinionumque peruersitas. Hinc nimirum pestes animi prodeunt, superbia imprimis & cupiditas, quibus nullum obsequium non contumax, nulla largitas non angusta est. *et A. V.* Beneficus fui in multos. *R. A. T.* Aristotelica quedam magnanimitas fertur meminisse collati, accepti autem beneficii obliuisci quæ sententia & si colore non careat, apud me tamen verus magnanimitus cōtemptor mediocriam atque humilium est rerum, atque ideo quæcunque egerit, magna quantum iudicio plurimorum,

parua sunt animo maiora quædam & rariora
 voluenti: contrà si quid acceperit, quo alteri
 fiat obnoxius, quauis exiguum, graue est
 libertatem amanti atque ad excellentiâ aspi-
 ranti quòue quamprimum solui leua'iq; ve-
 lit. De hac igitur re Annei Senecæ dictum
 probō. Beneficium, inquit, qui dedit taceat,
 narret qui accepit. Eleganter nempe duo be-
 neficentię seu venena, seu vulnera sunt. Hinc
 exprobratio largientis, hinc recipientis obli-
 uio, vtraque mater ingratitude ac benefi-
 cij nouerca. Illa ingratitude parit in alte-
 ro, hæc in se. Illa quoque beneficium in se
 extinguit, hæc in altero. His tot malis aptis-
 simè illo Senecæ consilio medeare. G A V D.
 Multis benefici. R A T. At pluribus non fe-
 cisti, qui se spreto & contempto dolent. Est
 autem, nescio quidem vnde, firmior offensa-
 rum quàm beneficiorum tenaciórque me-
 moria. Sæpe singulis beneficiis aut nullos
 aut singulos amicos obliuiosos & tepidos,
 hostes autē tibi multos feceris memores ac
 feruentes. G A V D. Multis multa ac magnā
 contuli. R A T. Sunt multi quibus profuisse
 periculum sit, quidam paruo amicum, ma-
 gno hostem beneficio quæsiere, quod & exi-
 gni debitum leue, retributio prona est, ma-
 gna autem & debere pudet & piget reddere.
 & nihil est tertium nisi vt desinat esse cui de-
 beat.

beat qui inuitus debet. Ita dum debentem pudor beneficij expertos dolor agitât, inter Scillam & Caribdim fertur cymba benefici, effectumque vt multos qui parce atque illiberaliter tuti vexissent, liberalitas insignis in discrimen traxerit. Siquidem inter malos impunè bonum esse non licet, durum dictu, sed dicendum tamen: animati ingratus homine nullum est: GAV. Latè me beneficium præbui. RAT. Quidam sunt benefici, nec tamen beneuoli, quos magnitudo status atque hominum necessitas multa largiri cogit, his etiam quos non modo non diligunt, sed nec noscunt quidem, quibus si se ob beneficia charos sperant valde eos fallit opinio. Nemo facile non amantem amat. Mutuus nexus animorum ac reciprocus est amor. Munera sæpè necessitati, amor verò iudicio tribuitur. Vt ego beneficia bene collata, & lata fronte pioque animo dignis exhibita nunquam gloriosa negauerim, sic multa, immo verò partem maximā seu hæc dantium seu accipientium culpa est perdi ac proiici, nemo vsquam est qui dubitet: & est facilior breuiorque ac rectior, quam supra tibi ostendimus, amando scilicet ad amorem via, qua pergenti verum quoque si benefici nomen accesserit, clarū te supràq; fidē multis amabilem efficiet. GAVD. Multa &

magna contuli. R A T. In rebus non quid sed qualiter, quóue animo fiat, refert apud deum atque homines, & magna sæpe inuisa, & modica grata sunt, nudum præ omnibus cor at-
tēdi, & sacrificio pauperis probatur & munere

De amore populi. Dialogus. XCIII.

G A V.

POpulus me amat. R A T I O. Subsiste paululum mox oderit. G A V. Populus me diligit. R A. Ne propera, nondum finis, ut dies vnus, sic vita omnis à fine describitur. G A V. Populo charus sum. R A. Quis illi Scipionibus charior, quis Camillo, quis Rutilio ac Metello? Quid Themistoclem loquar aut Milciadem, quid hoc genitum Cyronem aut Aristidem, quid Thesea, quid Solonem, quid Hannibalem, quid Lyncurgum? qui ciues, oro te, quàm quisque quàm breuiter populo suo charus, omnium notus finis, & vel in contemptum, vel in odiũ versus amor atque indigna rebus præmia, fori labor, accusatio, mors, exilium, catenæ. G A V. Multis in populo charus sum. R A. Malis igitur, pauci enim boni, atque malorum malis artibus quæri amorem constat. Si verò similitudo quædam parit amicitias, ut prudentibus placeat, qui sis æstima, qui multis in populo cha-
rus

rus sis. G. Populus me amat. R. Serenum hybernū, aurā æstiuā, quies maris, lunæ status, amor populi, paria hæc si cōferantur mobilitatis vltimo palmam do. G. Populus me honorat. R. Labiis credo, cor autem eorum longè est à te, nō est enim tibi fidelior quàm deo. Rarò quicquam ex animo facit vulgus nisi tumultuari & furere & sæuire. G. Populus me veretur. R. Non faciet diu. Facile enim ruit quod non certo iudicio stabilitum est. G. Ardens in me populi fauor est. R. Ardenti principio sæpè medium tepens, finis algidus fuit, quod haud crebrius vlla in re quàm in studiis populorum cernas. G. Populus me laudat. R. Stultorum laus apud doctos infamia est. G. Populus me suspicit. R. Leui rerum alternatione despiciet, semper enim alterum extremorum tenet: medium verò nunquam, vt qui habitantem ibi hostem metuat. G. Populus me colit. R. Mirabor si tam inculto cultore fructifices, G. Populus benè de me sentit. R. Sine vllō delectu iudicare solitus vtrāque in partem, itaque vulgi sententia veros inter iudices contrarij argumentum est. G. Populus benè de me æstimat. R. Suspecta sanis ingeniis æstimatio insanorum: mallem te populo incognitum quàm probatum. G. Populus multa de me loquitur. R. Et tu ergo popularibus auribus

fidis atque ageris: quod licet magnis olim
 viris euenisse noueris, non minor tamen est
 vanitas gaudere statu tenui & incerto. GAV.
 Populus me miratur. RA. Et ego te miror
 qui hoc in gloriam tuam trahas. GAVD. Po-
 pulus me amat, RA. Non hæc laus, sed fortu-
 na est tua, populi mos est vt sæpe amet indi-
 gnos, sed a quibus indigni amoris sæpe di-
 gnissimam fert mercedem.

De occupata tyrannide. Dialogus. xcv.

GAV.

INuasi tyrannidem in ciues meos. RA. Re-
 pendisti dignam vicem stultis amantibus.
 Illi te æquo altius extulerunt, illos tu iniquo
 iugo seruitij depressoisti. GAV. Tyrannidem
 arripui. RA. Abstulisti libertatem aliis, se-
 curitatem tibi, requiem vtrisque. GAV. Ty-
 rannidem consecutus sum. RA. Statum cer-
 ti laboris, euentus ambigui, sed vt plurimum
 infœlicis. Non te ad historias veteres atque
 externas mittam: quis Phæraï Alexādri exi-
 tus? quis Dionysij Syracusij? quis Agrigen-
 tini Phalaridis? quis Annonis Pœni? quis Ele-
 archi Heracleensis? quis Ephyrensis Aristot-
 lini? quis Lacedæmonij Nabidis? quis Hip-
 parchi denique Atheniensis, quem occidisse
 immor

immortalis gloria interfectoris fuit? Non ad recentiores atque domesticas, Cassium Meliúmque, & Manlium Romanos ciues, Catilinam quoque & Gracchos, & Apuleum, non Tyrannos quidem, sed tyrannidem affectantes, inque impiis conatibus deprehensos, cœptoque prohibitos atque oppressos. Non postremo ad illos, qui maiores non meliores iusti velo imperij truce[m] texere tyrannidem atque iniustam, Caium scilicet ac Neronem, Domitianum & Commodum ac Bassianum, reliquosque eius ordinis, solo nomine principes, quorum mens tyrannica ac tyrannicus finis fuit, sed ad alios quos auro patrúmque memoria, seu etiam quos ætas ac regio præsens vidit: hos ego ne distantibus te fatigem, circumspicere & contemplari iubeo, videbis vsitatum, & communem Tyrannorum exitum, aut gladium, aut venenum, veréque illud à Satyrico dictum dices: Ad generum cereris sine cæde & vulnere pauci Descendunt régés, & sicca morte tyranni. GAUDIUM. Tyrannidem in ciues exerceo. RA. Prædam atque carnificinam auro implendus, & sanguine auri fitiens monedula tenaxque, nec missura cutem nisi plena cruoris hirudo. Sed qua fronte, quóve animo seu sanguinem illum fundis, pro quo seruando si homo esses, san-

guis tuus ultro tibi fundendus erat, seu ciuibus tuis aurum rapis, quod diris prædonibus largiaris, spolians qui tuis pascendi opibus fuissent, ditansque à quibus omni ingenio extorquendum legis, sic maiorum, vel exempla, vel monita viluerunt. Sed hoc pessimum habet Tyrannorum vita, vt quibus fidendum est metuant semper, fidantque quibus fidei nihil est, totumque hoc malum, hinc immeritis irrogatæ iniuriæ faciunt, hinc indignis erogata beneficia, & ambitione turbatus ordo rerum, amici ex hostibus, hostes ex ciuibus. G. Tyrannus patriæ meæ sum, R. Nunquid id esses si illam tuam esse patriam meminisset? Si obuersaretur animo publicæ matris effigies, nunquam fratres lacerares tuos, cum quibus æquam pueritiam atque adolescentiam egisses, eodem cælo vsus, iisdem aquis, iisdem atq; sacris, iisdem fastis diebus, iisdem ludis & luctibus, qua nunc mente de illorū tergo potes ludere, atq; illis flentibus gaudere, qua postremo impudētia in ea vrbe viuis in qua vitā tuā omnibus scis inuisam, mortem cunctis optabile, vbi esse neminem certus es, qui nō malè perditū te velit, lupum miti de grege sæuissimū? G. Tyrannidē accepi. R. Si præterito præsens tempus cōfers, durā te ac miseram subiisse sarcinam intelliges: tutam agebās & quietam vitam, dehinc nisi

nisi sceleri iungis amentiam: nulla tibi sine metu ac tumultu animi dies, nulla nox ibi, nullus non suspectus cibus, nullus sopor imperterritus, dum ubique ceruicibus impendentem videris mucronē, ouem amico opes fortunāsque suas miranti, nō ineptē mōstrasse traditur Dionysius, tyrannus quidem, sed tyrannidis aëstimator acutissimus. G. Ferro mihi tyrannidē acquisiui. R. Ferro quæsitam, ferro etiam seruaturus, ferro forsitan amissurus. Præclaras planè diuitias cōparasti esse omnibus odiosum atque terrificū, quod que hinc sequitur tibi te perpetuo grauem metu. Vt enim periculi nihil sit, quod in quibusdam vrbibus natura ciuium præstat apta seruitio, quando tamen pavor aberit animo recolenti, quid ille huius quod legitimi nomen habet imperij metator ac fundator primus audiuit à Lāberio Romano equite, necesse est inquit multos timeat quem multi timeant. Cuius dicti ratio illa est, quam posuit Naso: quia quē metuit quisque perire cupit: positam prius ab Ennio, vbi ait: quem metuunt oderūt: quem quisque odit perisse expedit. Vt tamen & periculum & metus etiam omnis cesset, quod nonnullos Tyrannorum vel nutrita publicis malis audacia, vel nota ciuium spondes ignauia, An non saltem vlla est pudor his præesse quibus te subesse sit di-

gnius, præter iniustam vim rebus omnibus
 imparem. GAV. Tyrannidem indui. RA. Hu-
 manitatem ergo & iustitiam exuisti, simul &
 procellosam vitam & cruētam aut certè du-
 biam mortem elegisti. Infœlix, de quo sola
 patria quæ te genuit atq; aluit, mortem spe-
 ret. An verò non ille sat miser est quem mi-
 serum volunt omnes? An non ille miserrimus
 qui tam miser esse non possit, quin sit
 dignus esse miserior? GA. Habeo summum
 inter ciues locum. RAT. Habes in ciuibus ty-
 rannidem, in arenis domū, in vepribus stra-
 tum, in prærupto sedem, in rapinis inopiam,
 in miseriis inuidiam.

De regno & imperio. Dialogus xcvi.

GAV.

ECce autem iure rex sum. RA. Id enim
 vero occultum diu esse nō poterit, quid
 intersit inter regem tyrannūque iam dixi-
 mus. Quid autem iuuat dici regem si tyran-
 nus es? Non in spēcioso cognomine, sed in
 vera iustitia regis regnīque salus sita est. Mi-
 nus mali reor in quælitum dominium refor-
 mare, téque de reliquo sic agere vt rex verus
 appareas, quam regnum iure partum, in quo
 iustè successeris parenti, tyrannica vexatio-
 ne diripere: plus enim veræ laudis in pro-
 gressu ac fine quàm in principio rerum est.

GAV.

GAV. Rex sum. RAT. Melius sub iusto rege
ageres atque tranquillius quàm rex ipse.
GAVD. Regni solium conscendi. RAT. Lo-
cum latè cōspectum patentēque omnium
indiciis, cōque periculosum ignavæ, labo-
riosum verò difficilēmq; virtuti. Bonus enim
rex servus est publicus. GA. Regni solio eue-
ctus sum. R. Vt meritus videare, tuas res té-
que ipsum obliuiscere, populū tuum & Rem-
publicam cogita: quo die primū rex fuisti;
tibi moriens, aliis vivere incepisti, quōdque
durissimum est, ingratis & iniquis aestimato-
ribus laboris tui. GA. In regiam veni. RAT.
Aliquid ibi forsan perituræ gloriæ repertu-
rus, sed quietis nihil. GA. Iustè regno. RA.
Bene agis gratissimāmq; rem deo. Scito au-
tem servire te querulis, & vix tibi ante obi-
tum gratiam relaturis. Rarò tam iustus quis-
quam regum sit, vt non charior populo suc-
cessor foret, is cū venerit, alter optabitur.
Hi sunt vulgi mores odisse præsētia, ven-
tura cupere, præterita celebrare. Quando
ergo defuerint querelæ, si omne præsens bo-
num sordet, nihilque omnium placet nisi
quod cruciat seu perditum seu speratum. G.
Sceptrum & diadema sortitus sum. RA-
TIO. Fulgidas compedes, clarāque mise-
riam, quæ si plenè omnibus nota esset, crede
mihi non totiens vno de solio litigarēt duo,

sed plura essent regna quàm reges. GAV.
Purpuram indutus sum. R. Non cultus exterior, sed internus habitus & mens regia regem facit. Alexandri Romani principis dictum fuit: imperium in virtute non in decore consistere. G. Ad regnum prouehor. R. Nunc in dubio vertitur subiectorum status, an fœlices ea quæ hic fingitur fœlicitas, an miseri sint. Nempe mortalis regni fœlicitas rex bonus, te in dubio labor manet & graue negocium. G. Rex sum, nil non licet regi. R. Nulli minus: immo verò quod olim licuit iam non licet. Et fortè si de regno licentiam aucuparis, non te regem noueris, sed tyrannum. G. Rex sum atque omnia possum. R. Immo nihil nisi quod decet regem, cuius vt dixi, minor licentia quàm priuati est. Sin hoc calle voluptatem petis, falleris, & tota, vt aiunt, erras via: Voluptas à tergo longe est, hac ad laborem itur & ad gloriam. G. Rex sum eritque mihi iam certa tranquillitas. R. Immo si qua olim fuit, perijt, stultus nauta qui relicto portu in altum vela facit, tranquillitatem quærens. G. At Romanus Imperator factus sum. R. Clarissimum nomen, sed durissimum officium. Magna seruare difficile est, quid collapsa erigere, sparsa colligere, recuperare perdita, deformia reformare & deserti culturam ruris multisque

tisque diu neglectam suscepisti, multis egent
 dura arua ligonibus, multis prata riuis aren-
 tia, æstuum algendumque tibi est si suc-
 cesserit, tu hinc laudem, reliqua successor
 tuus metet, illi seueris, fera est mensis, mul-
 tas poscit æstates. G. Ascendi ad imperium,
 iam quiescam & securus viuam. R. Falsa te
 habet opinio, nunquam minus, tu ne in ex-
 cellsum montem vt ventos & fulmina eua-
 deres ascendisti? Non legisti Horatianum
 illud: Sæpius ventis agitur ingens pinus,
 & celsæ grauiore casu decidunt turres, fe-
 riuntque summos fulgura montes? Et quan-
 to aliter de hac status eminentia sentiebant
 experti principes, Augustus & Diocletianus,
 quorum alter, vt legimus, de dimittendo
 imperio cogitauit, alter autem dimisit im-
 perium, nec reuocatus assensum dedit.
 Quanto aliter Marcus Aurelius & Pertinax,
 quorum primus adoptione ad spem impe-
 rij euocatus, solito tristior effectus miranti-
 bus amicis, multa de malis imperij dispu-
 tasse, alter imperator effectus semper im-
 perium horuisse memoratur. Magnus est
 ad imperium ascensus, magni in imperio
 labores, magni quoque cum ascenderis,
 ex alto casus. Si mihi non credis, Iulium Cæ-
 sarem interroga, Caium quoque Caligulam,
 & Claudium, & Neronem, & Galbam, O-

Othonem, Vitellium, Domitianum Commodum, Pertinacem de quo proxime dictum est: Bassianum præterea & Macrinum cum filio Diadumeno, fœdissimumque omnium Helioabalum, longèque dissimilem moribus Alexandrum, vtriusque etiam quod mireris cum filio matrem. Maximos quoque & Maximianos, & Maximos Gordianos, Præterea & Philippos & Decium, Gallumque & Volusianum, & Valerianum insigni calamitate notabilem, & contemptorē paternæ miseræ Galienum, Aurelianum denique & Probum, Iulianum, & Licinium, & Cōstantium, & Valentem, & Gratianum, Valentinianum: ac ne ad fastidium cūcta complectar, totam illam tyrannorum simul & principum. feriē percūctare, vno tibi ore omnes responsum dabunt: eodem se calle ad ruinam atque imperium ascendisse, & tu illic tibi requiem fingis ad securam vitam, vbi omnes periculum & laborem, multi miserabilem vitæ exitum inuenere? Non hoc sibi fingeant illi quatuor, quos ab initio nominavi: non Antonini pij principis maternus auus Arius Antonius homo sanctus, vt historiæ loquuntur, vt ego fateor, vir prudens. Neruam miseratus quod imperium accepisset. Verè enim frustra principes premit inuidia, cum illis potius miseratio debeat. G A Y D. Sum Imperator
& vl-

& vlcisci possum. R. A. In hostes publicos forsitan non in tuos. Illis enim si verus es princeps, hoc tuo ascensu securitas parata est, priuatis affectibus pietas publica frenum stringet. Non potes huius aut illius hostis esse, ex quo pater omnium esse meruisti. Id in ciues principi iuris est, quod in filios patri. Iustus princeps pater patriæ est: nullum ex omnibus titulis hoc gratius summus ille principum Augustus accepit, ut qui compresso adolescētiae impetu, patris nomen implere decreuerat: tibi ergo qui hostes fuerat, iam filij sunt. G. A. V. Imperator sum, vlcisci potero. R. Vti hac potentia non debebis, & sic habes, summi imperij potestatem excellētibus & fortunæ paribus animis, esse veniæ materiam non vindictæ, cuius eo audior quisq;, quo vilius infirmiorq; animi ac virum est: qua in re meminisse profuerit illud Hadriani principis, qui ut scriptum est, vni quem capitalem habuerat, factus imperator dixit: euasisti, generosum planè verbum ac magnificum verèq; Cæsareum. G. Imperator sum, eritque iam thesaurus par impensæ. R. Ad rapinam vox hæc spectat, est ut aliarum rerum, sic sumptuum fluxus quidam ac vorago, cui nihil est satis. Lōgum est mortaliū hac in parte, sed imprimis Romanorum principum furores stilo æquare: paucos tamē ex omnib, eorumq; ipsorum pauca

paucā de multis attingam. Conſpectiſſimus ille quidem Caij furor, Baias atq; Puteolos ponte iungentis atque illum tumidi maris ſinum primū equis, mox quadrigis triumphaliter permeantis. Quid aceto liquefactas memorem margaritas, preciꝝ ingentis, appoſitoſque conuiuiis panes aureos atque aureas dapes, quibus non famem compeſcere conuiuarum vt mos eſt, propoſitum illi eſſet ſed imperij opes ſpargere, atq; illorum auariciam irritare? Adde effuſos in plebē numeros turpidōq; & profundo mari iactas moles, duriffimas rupes ſciſſas, campos æquatos montibus, & campis iuga montium, terra illuc addita, hinc detracta, tā ſubito vt, naturæ miraculum vim paſſe cum celeritate certaret: nempe cū dilati preciū operæ mors eſſet, quibus prædeceſſoris ſui Tiberij theſauro ingenti, diuitiſque omnibus imperij intra anni ſpaciū exhaustis, ad inopiam ſœdiſſimāque rapinas eſt compulſus. Illud inter iſta nō numero, quòd Corinthium montem Iſthmon perfodi animo deſtinarat, & ſi ſumptuoſiſſimum opus, tamen vt perhibent nauigantibus vtile, quo duo maria iungerentur, & à Brunduſio Athenas, aut Chalcidem Byzantiūque petentibus flexus ingens remitteretur Achaia. Huius comes ac victor amentia ſequitur Nero, cuius enormiū impenſarum

penſarum nullus eſt modus , in ædificando præſertim , in quo omnes prodigos & ſeipſum vicit. Nulla alia in re damnoſior, vt de illo ſcribitur , vnus ex mille furoribus attingendus eſt , domus à Palatino ad Eſquilinum colleꝑ porrecta & magnam partem vrbis occupans , vt non immerito inter conuicia, quibus liberrima plebis indignatione proſciſſus eſt , illud quoque iaſtatum ſit : Roma domus fiet, Vehios migrate Quirates , ſi non & Vehios occupat iſta domus. Hanc auream dici voluit, nō ineptè quidem ſignans nomine precium. auro enim & gemmis cruſtata ac ſtellata domus fuit, tantæ altitudinis vt in vestibulo coloſſus cētum viginti pedum ſtaret. Intus porticus atq; aulaꝝ laquearibus aureis atque eburneis tabulatis , & conuexa domorū cœli inſtar vi propria ſeſe ſenſim diebus ac noctibus ſine intermiſſione voluentia. Stagnum quoque maris æmulum ædificiſque circumdatum littore vrbis in morem: rura præterea & pascua & vineta & ſyluæ omnium generibus animaliū refertæ. In hac domo quantum cōiecturis ad verum via eſt, illud quod colosseum vulgo dicitur medium fuit , cuius nunc etiam ruinæ ſtuporem ſpectantibus afferunt , & hæc omnia dum quod miraculum rei augeat, Romæ medio cōſummaret. Ita non dicam exceſſiſſe , ſed nec im-

plēsse qui lem imperatorix domus modum
visus est sibi vt dedicans domum ipsam non
amplius miraretur quam vt hoc solum dice-
ret: ita tādē quāsi homo habitare incipio.
Mitto illa leuia, quōd vēstē nullā bis induit,
nullū itē minus mille caucis egit, calceatis
argento vsus mulis, aureo rete piscatus est,
purpureis atq; coccineis funibus, ac reliqua
fidem excedētia simul & tēdiū paritura. Sed
quis illa non stupens legit, stupentiōr q; aspi-
cit? Vestigia enim extāt, piscinā illā cōptam
à Miseno ponte, venturāmq; vsq; ad Auernū
lacum miris circumseptam cōtectāmq; por-
ticibus. fossāmq; illā ab Auerno vsq; Hostiā,
per tantū viæ spācium, torq; obuios montes,
vt inducto mari sine maritimis casibus naui-
gās & terræ laborem & pelagi fastidium de-
clinaret: longitudo quidem, vt nunc incolæ
metuntur, nota omnibus vt Tranquillus nu-
merat, millia passuum centum sexaginta. La-
titudine autem duarū capax quinquerenium
ex aduerso iter-agentium neq; se impediē-
tiū cōcurſu: quod opus si expleſſet. Italiā om-
nēmq; rempublicam exhaustiſſet, tātis autem
mūdi malis mors sola cōsuluīt. Hunc sequi-
tur Aurelius Verus, qui, vt omittam cetera,
cēnam illam fecit, cui si par prandium face-
re voluſſet, nesciō an Romana res sufficere
potuſſet. Quo audito frater eius Marcus

Aure

Aurelius, tam modestiæ amicus, quàm hic hostis, ingemuisse fertur, reipublicæ misertus & imperio collabenti. Linquo alios: nimis multi sunt enim, nec me fallit posse ex vobis longiuscula hæc videri remedia breuiora pollicitis. Sed delectat interdum doctum seu doctrinæ deditum frugique hominem stultorum insanias audire, quæ illi quasi pro contrario signo sint, vnde sibi, vt aiunt, remis veloque fugiendum sciat. Hæc autem eò spectant, vt recogites quid est quòd thesaurum impensæ parem speras: vt enim frugalitati & modestiæ haud sanè magnis thesauris est opus, sic prodigalitati & luxuriæ neque thesauri neq; imperia ipsa sufficiunt. Et hæc causa, non tantum mediocris fortunæ homines, sed principes quoque penè omnes, eos dico, qui nepotino victui operam dedere, necessario in rapinas & prædā misit, quæ multis festinatae miseræq; mortis occasio fuit. **G A V.** Nunquid vnus hominis impensæ, tot vrbes non sufficiet? **R A.** Hi tibi respondeant, de quibus multa dixim⁹, innumerabilēsq; alij, quos par pestis pari dedit exitio. Ad summam verò profundissimum hoc sumptuum, vt sic dicam, specus, quasi illud olim Curtij non opibus expleri vllis, sed virtutib⁹ ante alias modestia cohiberi constringiq; potest. In quod maxime proderit meminisse, alienum esse

quod prodigis, & hic quoque vnū aliud Hadriani verbum sæpe ad memoriam reuocasse, quod sæpe ille & in concione & in senatu legitur dixisse: ita se rempublicā gesturum, vt sciret populi rem esse non propriam. optimo principe dignum verbum. GAV. Regno, & vltio mea est. RAT. Tua quidem minimè, neque enim mentitur is qui ait: mea est vltio. Profectò autē si verus es rex, nihil tuum minus est quàm vltio, nihil maius quàm clementia. Natura vtinā, vt apum, sic hominum reges aculeo exarmasset: nunc ligero animali exemplum dedit, non eripuit libertatem: meum est, quod illa non cogit hortari. Respice paruum illud, sed diuinum animal, pone & tu non in vulnere, sed ante vulnus aculeū. Plebeium enim illud: hoc regium: Alioquin vt sine iustitia, sic sine clementia rex nō eris, ac ne homo quidem, sed quod in fabulis dici solet coronat⁹ leo. GAV. Imperator sum Romanus. RA, Habes Augustum, habes & Neronem & Vitellium quem sequaris. Ad hos tres tota non modò omnium principum, sed hominum turba restringitur. Hinc ergo tibi ducem elige. Si recentioribus delectaris, habes eiusdem ordinis Traianū, Decium, Gallienū. GAV. Sum Romanus imperator, mundī dominus. RAT. Fuit quando id dici prope veraciter poterat, quorsum verò redierint

res vides; vt intelligi detur quam sit tutum
 stultis & ignavis magna committere, quanta
 prouidentia, quantum in furorem, quantus
 labor; quantaque diligentia, quantum in tor-
 pore incidit. Non est amplius gaudij mate-
 ria. Romanum imperium, sed humanæ fragi-
 litatis & fortunæ variantis indicium. GAVD.
 Imperio clarus sum. R. A. Clara nomina res
 obscuræ, mundi fraudes, humana credulitas,
 hi sunt vinci, quibus huc illuc faciles animi
 trahuntur. Pulchrum imperij, pulchrum re-
 gni nomen, sed imperium & regnum difficil-
 lima omnium officia si rite gerantur: alioquin
 & periculosa prorsus & mortifera, neque de
 nihilo dictum illud regium laudatur, diade-
 ma nobile potius quam fœlicem pannû, ple-
 num curis periculisque & miseriis multis,
 quem cognoscens nemo non ambiat modò
 aut parto grudeat, sed nec oblatum ultra re-
 cipiat, aut abiectum humo leuet. Proinde ex-
 pergiscimini aliquândo mortales aperire oculo-
 los, neue semper calsis caligare fulgoribus:
 vestra metimini atque æstimare corpuscula,
 circumspicite quibus septi estis angustiis no-
 lite geometras ac philosophos contemnere,
 terra omnis punctus est, vos caduci ac fra-
 gilis & incerti exitus, & cum iuuenes & cum
 sani estis cum morte luctamini, & cum ascen-
 dere creditis; descenditis, & cum stare vido-

mini tum maximè ruitis , nec vllum animal
magis suarum virium obliuiscitur: ac sæpius
vermes semimortui regna & imperia som-
niatis. Mementote vos punctum per exiguum,
seu verius punctũ, vt sic dixerim, puncti bre-
uis, immo ne millesimam quidẽ puncti par-
tem possidere. Hãc superbi incolæ premitis
mox premẽdi, neq; amplius ex vniuerso pos-
sessuri, quàm quod frigentibus membris ac
pallidis occupatis. Item nunc cæci & insani
elatoq; vultu tumidi, quod natura angustat
laxate animis, & vincti immẽsa & moribun-
di immortalia cogitare, inq; hoc nihilo ridi-
culosas & insanas insolentias ad momentum
rapidi temporis, hic rapinas, hic iniurias, hic
vindictas, hic spes anxias, hic honores va-
rios, hic cupiditates inexpletas, hic furores
demũ vestros, hic regna, principatus & im-
peria, hic classes, hic acies, hic bella molimi-
ni. Cũ multũ insanieritis, siue imperatores
fueritis, siue aratores, seu diuites, seu mendi-
ci corpus vestrum putris terra, vita vestra su-
mus leuis magno flatu pulsus fuerit, & vix
tãdem serò quidẽ cognoscetis viã hanc fuis-
se nõ patriam, totũmq; hoc regni & imperij,
falsum nomen GAV. Imperator factus sum.
RAT. Stulti cũ imperatores sũt, homines
se esse nõ recolunt aut fuisse. Quale est illud
Tiberij Cæsaris, qui amicũ volentem eũ cõ-
memo

moratione quorundam actuum in memoriam
 pristinae familiaritatis adducere, cum vix
 aperto ore hoc vnum verbum emisset, me-
 ministi, praeueniens interruptit, nec passus est
 explere quod coeperat, sed repente ait: quid
 fuerim non memini, vocem improbam ac su-
 perbam, nec amicitiarum modò, sed totius
 humanitatis immemorem. GAV. Ad Roma-
 num imperium ascendi. R A. Quid hinc gau-
 des? & in eculeum ascenditur & in crucem.
 Contrà verò & in lectulum & in sedile de-
 scenditur, & saepius in imo quies habitat.
 Nonnullis opprobrium, multis supplicium,
 omnibus labor est scandere.

De exercitu armato. Dialog. XC VII.

GAV.

EXercitum armatum habeo. RAT. Mira-
 bar nisi regnum atq; imperium exerci-
 tus, hoc est miseria miseriam sequeretur. At-
 qui Seneca Scipionem Africanum cœlo te-
 nus attollit, non quia magnos duxit exerci-
 tus, quos & furiosi nocentesq; duxerint, sed
 ob egregiam moderationem, quam nūquam
 certe dat exercitus, saepe eripit, saepe minuit:
 quæ enim tã solida virtus est, quàm tot sce-
 leratorum, totq; carnificum cruētorum con-
 uersatio exemplumque non deterreat? G A.
 Magnū habeo exercitū. R A. Habes vnde in

campis vitam agas. Neque enim aut vrbes exercituum sunt capaces, aut bene ciues togati militésque cohabitant armati. G A. Fortissimum habeo exercitum. R A. Habes belli materiam, pacis excidium: si hinc gaudes, ad coelestem certè non pertines ciuitatem. G A. Habeo exercitum ingentem. R A. Habes vtrunque ad latus hostes armatos, quos nec murus à te separat nec vallum, anceps profectò negotiũ & graue. G A. Mihi multę sunt & validę legiones. R A. Harum tædia nemo facillè atque molestias insolentiásque dinumeret, sed tu omnia experiēdo condisces: & quanto sit satius solum viuere quàm cū multis legionibus profectò nullę iniurię, nulla perfidia, nulla crudelitas castrensiū moribus comparandę sunt. Intelliges per teipsum quàm sit verus, pueris quoque notissimus ille versiculus: nulla fides pietásq; viris qui castra sequuntur. G A. Magni dominus ac rector exercitus sum. R A. Tutius pastor tigridum forsitan ac vrsorum esses. Possunt mansuescieri corda ferarum, at quorundam hominum non possunt: & minantur antequam feriant ferę: odia hominum improviso erumpunt, hi quos tuos reris, qui te dominum vocant, heu quam paruo precio venale genus & instabile, quam leuibus ex causis mutabuntur, & ex militibus hostes fient. Blandi vultus

in horrorem dataq; tibi dexteræ, tuam forſi-
 tan in perniciem conuertetur, neq; ſi fiat no-
 uum erit aut inſolitum. Ad placentiam fuit
 motus ille terribilis, qādo aduerſus Iulium
 Cæſarem ſuus exercitus inſurrexit, de quo
 dictum eſt: quem non ille ducem potuit ter-
 rere tumultus: Cæſar autem illa incredibili
 ſua conſtantia ac virtute motū omnem com-
 preſſit, & punitus auctoribus quietauit exer-
 citum atq; ad obſequiū reduxit. Fecit idem
 ad Antiochiā Alexander ille Romanus prin-
 ceptus, ſucceſſiq; magnificè. Sed procede pau-
 lulum, breui idem non ab alio quā a ſuis
 militibus interfectus eſt. Eodem modò iam
 Pertinax ante perierat: ſic duo poſtmodum
 Maximi pater & filius, ſic Balbinus & Maxi-
 mus, ſic Probus dux clariffimus, ſic Gratia-
 nus & Valentinianus iunior, optimi fratres.
 Ille a ſuis legionibus, hic a ſuo comite pro-
 ditus: ſic innumerabiles alij a ſuis hoſtibus
 inuiſti, ſuis exercitibus periſſe, & quos mili-
 tes appallabant, inuenere carnifices. Vide er-
 go quo gaudeas: tuus hic exercitus trux, im-
 mitis, utq; ait ille, belua multorū eſt capitum
 nihil non auſura, ira illam vel inopia vel aua-
 ritia irritate. G A. Mihi exercitus ingens eſt.
 R A T. Pompeio quidem Theſſalico præ-
 lio, ut ait Florus, nihil magis exitio fuit
 quā ipſa exercitus magnitudo, & ferme in

omnibus bellis maior semper exercitus succubuit, minor vicit.

De classe instructa. Dialogus XC VIII.

G A V.

Classem habeo instructam. R A T. Et instructos aër ventos, instructos æquor fluctus & instructos scopulos, terrestre animal quid tibi cum pelago? G A V. Instructa est classis. R A T. Instructæ tempestates, instructa naufragia periculis tuis gaudes & laboribus & impenis, quarum nullus est modus; vestrarū omnium insaniarum sumptuosissima est classis. G A V. Classis instructa est. R A T. Hanc cœli & maris ira disiciet, & quamlibet instructā sparget ac destruet inopina tempestas, de qua non cogitare dum nauiges stulti est. G A V. Classem habeo in mari. R A T. Parum ne terra vobis discriminum attulerat, nisi maria etiam vexarentur? Non satis est terras, vnde nocens ferrum, quod Naso ait, ferróque nocentius aurum eruatur effodere; ipsa quoque horrida & quæ primi homines tantummodo mirabâtur maria penetraſtis, vbique laborem, vbique periculum conquirentes, inque hoc vnum vigiles atque solliciti, segnes ad reliqua? G A V. Magna cūn classe maria sum ingressus. R A. De regressu cogita, ingredi nempe per facile est.

est. Solet æquor intrantibus planum esse progressis sæpe monstruosum ac difficile, tamen inter homines natus, inter delphines ac tritones vitam age, mira vasti animi voluptas.

G A V D. Magna mihi classis & valida est.

R A T I O. At fortassis utilius tutiusque vel breui in scilicet vel sicco de littore insidias piscibus tetendisses, quàm classe armata vinctibus intulisses. Multis quidem classis eximia noxiam dedit audaciam, eoque impulit, ubi optarent domi esse. Hoc & Graij Troia reduces Caphareum ad montem, nominatim verò Lacedæmones Arginusis, Syracusio Athenienses in littore, & Carthaginenses ad Egrates insulas didicere. Multa sunt classibus pericula, non ab hostibus tantum, sed ab ipso mari. Denique cum moriendi genera plura essent, hoc vnum genus est additum. O cæci vitæque quam maximè diligitis prodigi, mortem vndique quam super omnia timetis, arcescitis.

De machinis & balistis. Dial. XCIX.

G A V.

O Mnis generis machinas habeo. R A T. Et hic quoque furor regius, habere vnde multis noceas cum velis, quos beneficentissimos hominū esse oportuit. Et ob hoc vnū regnis impositi & reges dicti sunt vt regnant

homines atque ab eis ceu parentes colantur
amenturque. Quidam etiam patres patriæ
appallati, cuncta in contrarium agunt, vt ceu
tortores ac prædones publici cunctis formi-
dabiles atque inuisi sint. G A V. Abundo ma-
chinis ad euertendas vrbes idoneis. R A T.
Quanto melius extruendas seruandâsque.
Tu fortasse gloriosius putas euertere, & vi-
deri mauis tui temporis Policertes: sed non
semper vrbes machinis euertuntur. Cæsar
quidem bello Gallico cum aduersus Hadria-
ticas turres maximas erexisset, primùm con-
temptui hostibus fuit, quasi rem impossibilẽ
humanis viribus moliretur, vbi autem mo-
ueri & mœnibus applicari illas videre, è con-
temptu in stuporem ac pauorem versâ, omis-
sa defensione ad deditionem confugere: ac
ciuili bello ipsius Cæsaris dux Brutus ad
Massiliam æquè erectis atque admotis pa-
rem stuporem obsessis iniecerat, sed non pa-
rem metum: itaque noctu egressi turres &
machinas incenderunt. G A V. Abundo ma-
chinis & balistis. R A T. Omnia ferè quibus
gloriaris ad iniuriam alienam potius quàm
ad tuum decus spectant. Quanto erat hone-
stius atque homine dignius abundare miseri-
cordia instrumentis quàm sæuitiæ, habere
quibus hospitalis & amicis & egentibus esse
posse, quàm quibus vrbes immeritas oppu-
gnan

gnando quietem publicā perturbares? G A V.
 Habeo machinas ingentia saxa torquentes.
 R A T. Saxa torquere furiosum est. G A V. Ha-
 beo machinas & balistas innumeras. R A T.
 Mirum nisi & glandes æneas, quæ flammis
 iniectis horrifono tonitru iaciuntur; non erat
 satis de cœlo tonantis ira Dei immortalis
 homuncio. O crudelitas iuncta superbiæ. De
 terra etiam tonuisset non imitabile fulmen;
 ut Maro ait, humana rabies imitata est, &
 quod è nubibus mitti solet, ligneo quidē, sed
 tartaræo mittitur instrumento, quod ab Ar-
 chimede inuentum quidam putant, eo tem-
 pore quo Marcellus Syracusas obsidebat.
 Verum ille hoc ut suorum ciuium libertatē
 rueretur excogitauit, patriæque excidiū vel
 auerteret vel differret, quo vos ut liberos po-
 pulos vel iugo vel excidio prematis utimini.
 Erat hæc pestis nuper rara, ut cum ingenti
 miraculo cerneretur, nunc ut rerum pessimi-
 marū dociles sunt animi, ita communis est
 ut vnū quodlibet genus armorum. G A. Ba-
 listis affluo. R A T I O. Melius belli odio &
 studio pacis afflueres: cū cætera quidē
 arma inquieti animi, hæc & de generis signa
 sunt, nec pacificis quidem grata & bellatori-
 bus inuisa magnanimis. Denique sic habeto.
 qui balistam primus inuenit ille aut pauidus
 fuit aut proditor, & nocendi audus & me-

ruens hostes. itaque cogitavit, quod Lucanus ait: longè tēdere nervos, Et quo ferre velint committere vulnera ventis. Idq; de omni genere missilium puta. Fortis bellator congressum hostis exoptat, quem sagittarius vitat.

De thesauro reposito. Dialogus. c.

G A V.

THesaurum in bella reposui. R A. Rem malam in usus pessimos, Quanto tibi & aliis erat utilius hunc & amicorum & patriæ usibus acervasse, maximèque necessitatibus indigentium. Ille demum thesaurus verus esset, & thesauri precium celestis, nūc precium est inferni. G A V. Thesaurus suppetit in usum belli. R A T I O. Thesaurus animi vires extenuat, bellum viros, utrumque pestiferum. G A V. Magno thesauro subnixus in bellum sum. R A T. Solet iste thesaurus possessori suo perdendi metum afferre, hostibus lucri spem & bellandi simul audaciam: quis non alacer id in bellum eat, quo quærere multum possit, nihil amittere? Pugnassem quidem feruidè inopē ac vicisse, eundemque mox diuitem refrixisse, apud Flac cum legis: & profectò si ad clarissima rerum exempla reflecteris, videbis Romanos dum fuere pauperes omnium gentium fuisse victores, tum vinci cœpisse dum diuites facti sunt

sunt, ita ad aduentum diuitiarum discessore
 victoriæ ac virtutes, simulque opum comi-
 tes deliciæ in libidines subire, vt non im-
 merito scriptores quidem temporum illo-
 rum Romanæ paupertatis interitum quæsti
 sint. Virtutum nutrix optima est paupertas,
 opulencia virorum. Victoriâ de thesauro
 tuo speras, hinc potius metuendum, multos
 pauidos & imbelles, omnes tumidos ac su-
 perbos, nullum penitus virum fortem fecere
 diuitiâ. G A V D. Magnum mihi thesaurum
 aggregaui. R A T. Tibi curas & inuidiam, ho-
 stibus stimulos, furibus sollicitudinem addi-
 disti.

De vindicta. Dialogus c i.

G A V.

Hostis in manus venit: vltiõis oblata est
 facultas. R A T. Immo experimentum
 tui, an iræ mancipium, an clementiæ sis
 amicus: quod nisi ad vtranque ferri posses,
 incertum esset. Multi enim esse credunt quod
 non sunt, experti autem quid sint, sciunt.
 G A V. Est mihi hostis in manibus, vlcisci
 possum. R A. Ali potentia fines sunt, deco-
 ris alij, non quid possis, sed quid deceat æsti-
 mandum est, ne si quantum potes velis, nil posse
 sit melius. G. Vlcisci possum, nil dulcius est
 vindicta. R. Ita nihil amarius, quam cur qui-
 dam dulcem dixerit mirari soleo, si dulce

aliquid inesse consenseris, dulcedo effera viro indigna ac propria beluarum, carumque non omnium, sed præmordacium atque ferocium: nihil humanum minus quam sæuitia & feritas, contraque nil homini suum magis quam misericordia & lenitas, quibus nihil tam contrarium quam vindicta est, & quicquid animi impetu homo in hominem committit asperius. Quod si omnino vindictæ nomē dulcæ est, ostēdam tibi quo multa cum gloria vti possis: nobilissimum vindictæ genus est parcere. G A V. Vlcisci licet. R A T. Multo est satius, multoque formosius obliuisci iniuriam quam vlcisci: generosior nulla est obliuio quam offensæ: hanc summus orator, summo duci summæ laudæ tribuit, quod scilicet nil soleret nisi iniurias obliuisci. Nihil autem prohibet vnius laudem illi non ereptam ad plurimos peruenire. Hoc inter multa præcipuum præ cunctis opibus habet animi bona, nō decrescunt sparsa, nec pereunt. Sume igitur & tu tibi nobilissimam hanc opinionem Cæsaream, quæ te multo faciet clariorem quam Cyneam Tarnadæque memoria sua. Illa enim naturæ fuerit, hæc virtutis. G A V. Vlcisci iuuat. R A T I O. Vltionis momentanea delectatio est, misericordiæ sempiterna. Duorum nempe delectabilium, illud præferendum quod diutius delectat.

Fac

Fac tu hodie quo perpetuò delecteris. Nulla verò maior, nulla firmitior delectatio est quàm quæ de puritate conscientia, & rerum bene gestarum recordatione oritur. GAVD. Honestum est vlscisci. RA. Honestius misereri. Multos clementia honestavit, nullum ultio: nihil tam necessarium inter mortales, nihil tam commune quàm venia: nemo est enim qui non peccet: nemo cui non misericordia opus sit, qua negata, quis tam multos criminum & culparum extricabit nodos, aut dissutum diruptumque societatis humanæ fœdus sarciet? Semper inter sese homines, semperque in illos decertabit ira Dei: nullus erit aut litium, aut pœnarum finis, nec cessabunt arma nec fulmina. Parce igitur, misere- & compesce animum: fac tu homini quod tibi ab homine fieri velle, quod à Deo vis, Impudenter à domino veniam petit, qui cō-feruo illam suo negat. Ecclesiasticus doctor clamat indignans, Homo homini iram seruat, & à Deo quærit medelam? In hominem sibi similem non habet misericordiam, & de peccatis suis deprecatur. GAVD. Non infero iniuriam, sed vlsciscor. RA T I O. Quid refert, primus pecces, an ultimus? Non est equū vt quod in alio improbas, in te probes. Visue sævitiam in hoste damnatam sequi, fierique illi similis moribus, cui dissimilis animo sis,

quódque ille pessimum habet, tuum facere?

G A V D I V M. Volo quidem & licitum est
vlcisci. R. Nec debes velle, nec vlla id lici-
tum lege est, vt defensio licita sit, vltio veti-
ta: scriptum est: qui vindicari vult, à Deo
inueniet vindictam. Et rursus, vt paulo ante
dixi: mea est vltio, & ego retribuam eis in
tempore, dixit, dominus. Illud tempus expe-
cta, sine, ille te vindicet qui & offendentis est
dominus & offensi. Solet inter seruos do-
mini communis esse cognitio: si quid inge-
nui habes, si qua tibi perfectionis habitus
cura est, opta potius atque ora ne ille qui-
dem vindicet: sic hostis crimen in tuam ver-
teris salutem. G A V. Vlcisci est animus. R A T
Da iræ spacium, da consilio tempus, fræna
impetum, differ, aut desinet aut lentescet.
Breuis hora sedat iratum æquor. G A V. Vlcif-
car. R A. Vno actu multos offendes: vna iniu-
ria sæpe innumerabiles hostes fecit. G. Vlcif-
car. R A T. Plus te ipsum læseris quàm ho-
stem. Illi corpus forsitan aut opes, tibi ani-
mam famamque corrueris. G, Vlciscar. R A-
T I O. Quotiens vlciscendi studio iniuria
geminata est, læso sæpe vnicum dissimulas-
se remedium, sæpe vel quæstum esse, vel nu-
tu tacito sensum iniuriæ prætendisse pericu-
lum fuit. G. Perdere hostem possum. R A T.
Melius est amicum quærere quàm hostem
tollere,

tollere, sed vtrunque simul optimum, quod nulla arte melius quam parcendo fit cum vlisci possis: aptissimum tollendis hostibus instrumentum est lenitas: in quo si creditum esset Herennio seni sapientissimo, nec Samnitum exercitus modò victor collo iugum Romanum, nec iugum primo cum reliquis mox securim solus imperator Pontius pertulisset. c. Vliscendi pungor aculeis. R. Resiste cogitationibus piis exemplisque omnibus quæ leniorem in partem inclinare animum possunt, & imprimis memoria vitæ brevis & ambigua. Hæc enim Senecæ cui assentior efficacissima videtur de iracundia lenienda. Cui is ipse quem memorauit doctor accedit. Nam quid aliud sentiebat, vbi ait: memento nouissimorum & desine inimicari? Sic est enim nilque inimicitias magis alit quam conditionis obliuio. Siquidem iste cuius mortem sitis ne dubita, moriturus haud dubiè est, & id ipsum citò, fortasse hodie, tūque illum forsitan quod non cogitas præcursurus. Expecta paululum, subiste, fiet quod fieri optas, & quod metuis fiet. Caterùm mors quam hosti paras, sine tuo illi scelere præparata est. Quid iuuat fati cursum properantis impellere, & morituri sanguine morituras manus inficere? non scelestum modò, sed superua-

cuum est impietate tua proximum, ac festinans tempus arcessere, quod si valde *velis*, nulla possis pietate repellere aut differre, quanto tranquillius atque honestius ille integer & illæsus, tu siccus & innocens, quàm vterque cruentus, & tu noxius hinc abibis?

GA V. Vrgeor vlciscendi stimulis. RATIO.

Caue ne cesseris, sed oppone eis memoriam eorum, qui non tantum mites hostibus, sed fauenter ac benefici fuere: contràque illos tibi propone qui membratim cæsis hostibus adhuc rabiem spirantes, nec quicquam in non censura cadauera sæuierunt. De hinc tecum elige, quorum similis esse malis, neque actus solos, sed & verba confer. Pars enim non parua crudelitatis in verbis est. Crudelis *pars*, crudelior manus, crudelissima lingua est. Sæpe animi sæuitiam quam manus non æquauerat, lingua transcendit Illa vero optima, vt crudelitatis sic clementiæ testis est. Sonet igitur ad aurem tibi illa, cuius non multò ante meminimus Hadriani vox firmulque illa Tiberij, de quo scriptum est, quòd cum audisset vnum è reis Carmilium nomine anticipasse mortem, exclamauit Carmilius me euasit. O vox ferox, & si dici potest ipso vocis auctore ferocior: quid vilitati supplicij cogitabat, quem se in vinculis manum sua perimens auasisset? Ecce duo igitur
vnius

vnus status sed mentium diuersarum, vno & eodē verbo quā variè vsi sunt. Ille ad præsentem hostem, euasisti ait, hic de absente, euasisti inquit. Ille suo hosti vitam donauit, hic inuidit mortem. Elige quid horum potius à te dictum velis dici, an tranquillum illud veræ principis, an illud alterum immane carnificis: nec ignoro quòd sit promptius iubere ista quā facere, & quid his obici possit intelligo: difficilius in suis quā in alienis iniuriis mitem esse, difficile fateor, sed bonum. De bono autem ac difficili omnem esse virtutem, nec tu neges. Virtutis amatoribus sunt cuncta facilia. G. Fixum est vlscisci. R. Vincit pars deterior, obsta illi dum adhuc potes, victoriāque illi priusquam ea vti cœperit, eripe, stratāque mansuetudinem attolle. Memento te hominem: multos quidem vindicasse pœnituit, neminem pepercisse. G. Virtus sum. R. Vinci ab hoste præstabat, hostis victorem vicit ira.

De spe vin. endi. Dialog. CII.

G A V.

Bello victoriā spero. R. Cū fallax vbi-
libet, tum in bello fallacissima spes est,
Nihil ex præmeditato agitur: inopinè eunt
omnia. Prudentissimus atque exercitatissi-
mus militarium rerum fuit, qui dixisse fer-

tur, nusquam minus quam in bello euentus respondere. G. Victoriā spero. R. Pacem haberes vtilius, eiusdem ducis verbum memorabile traditur. Melior tutiorque est certa pax, quam sperata victoria. G. Bello victor erō. R. Quid si victus? Hæc spes multos in exitium egit sine victoriæ spe: nemo volens in aciem descendit. G. Bello superior eundam. R. Futuri verbum temporis. Omnis enim de futuro spes, & futura omnia semper ambigua. G. Bello victor remeabo. R. O spes hominum inanes, nec victor fortasse, nec victus remeabis, sic tibi reditum spondes, apertumque inter gladios iter acri deuotum classico Marti caput. G. Esse victor spero. R. Est qui contrarium speret, vel falli vel vtrumque vel alterutrum sit necesse. Potest vel alter vel vterque dux partium, seu alter seu mutuis vulneribus simul occumbere, quod & sæpe credo alibi, & quod nunc meminerim: Thebis vltimo inter fratres impios congressu, & Romæ primo post exactos reges accidisse proditum est bello, vt superbi regis filium huiusmodi consul ad inferos persecutus est: amisso autem spiritu iam victoriā nulla est, quo seruato, sæpe tamen ex acie pari Marte discessum tenes. Vtrobique igitur ambos duces spe victoriæ fraudatos constat. Vnum nempe fraudari tam commune, tamque quotidianum est quam

quàm in aciem proficisci: quid seis autem, am-
 vnus ille tu sis, hac qua tibi blandiris victo-
 riæ spe fraudandus? G. Bello vincam. R. Vt an-
 ceps semper, sic sæpe tristis & sanguinolenta
 victoria est. Non habetur gratis, quod vitæ di-
 scrimine quaeritur, charè emitur, cuius san-
 guis est precium, charius, cuius mors fieri po-
 test, vt pars victrix ducem perdat, ita tuis vi-
 centibus vinci potes. Quid de victoriæ sce-
 leribus dicam? Non sunt tot victi miseræ,
 quot sunt peccata victoris. Quod si peccato
 miserius nihil est, nec victus, eo quòd vinci-
 tur victore miserior, sed eo minus miser quo
 minorum rerum damnis afficitur. G. Vin-
 cam. R. Vt ad summam redigam, & an vin-
 cas, & an melius sit vicisse, si viceris in du-
 bio est.

De victoria. Dialogus CIII.
 GAV.

AT Vici. R. Caue ne te vincat ira, su-
 perbia, crudelitas, furor, rabies. Hi sunt
 enim victoriæ comites & victorum hostes
 inuisibiles & horrendi, à quibus sæpe cla-
 rissimi victores turpissimè victi sunt. Non-
 dum te vocat ad calculum fortuna, longa
 & perplexa rationum series, creditrix vio-
 lenta & pertinax, cum qua tibi nunc quoque

356 F. PETRARC. DE REMED,
negocii multum restat, mutuam reposcere
solita est magno cum scœnore. GAV. Magno
prælio vici. R. Victor prælio, sæpe victus est
bello. G. Vici autem. R. Quotiens vicere
Carthaginenses, quotiens Galli, gentesque
aliæ, quotiens autem victi sunt Romani? sed
spectandus est rerum finis, earum maximè
quæ voluntur & stare nesciunt. G. Vici certè.
R. Et si certus belli exitus, adhuc euentus est,
dubius, & de lætis tristitia & læta de tristibus
erumpunt. G. Magnam victoriam quesivi. R.
Nil tam magnum vt non nimio quæri pos-
sit. Est vbi plus vulnèrum ac funèrum victo-
riosa pars computat. Si non credis: Xerxem
atque Thermopylas interroga. G. Magnæ
victoriæ sors fuit. R. Vix potest magna vi-
ctoria paruo precio constare. De bello om-
nium maximo, omnium maximus histori-
cus dum ageret: adeò inquit varia fortuna
ancèsque mars fuit, vt propius periculo fue-
rint qui vicerunt. G. Plenè vici. R. Non est
plena victoria vbi armatus hostis superest,
quanquam & si hunc oppresseris alij rena-
scentur, quædam nempe victorias, ceu se-
mentem dicas esse bellorum, sic odia ferro
trunca repululant densanturque, & rediit
in aciem redeunt bellatores, non vt fortas-
sis imaginatio vehemens olim Cassio à se
cæsi hostis imaginem supremo illo suo die
obuiam

obuiam dedit, tam tremendo aspectu: ut audacissimum virum, qui viuentem illum non timuerat, defuncti species in fugam verteret, sed ita ut pro vno multi redditi veris manibus verum ferrum moueant in illos qui vicisse videbantur. GAV. Vici, iam securus sine hoste sum. R. Sulte, dum erunt homines non deerunt hostes: tu Romanæ vrbi post innumeròs triumphos, edomitumque orbem, non defuisse hostem legis, & tibi defuturum speras? quiescenti forsan hostis deerit, at pugnanti nunquam. G. Victor sum. R. Caue ne sis frustra, vti scientibus victoria fructuosa est, vti autem dico, non eo modò, quo Maharbal Hannibali, sed quo Hanno vir melior suæ reipublicæ consuluerat: nam profectò vsus fructusque victoriæ optimus pax est, neque ad alium quàm ad pacis finem iusta bella suscipiuntur. G. Victoria mecum est. R. Vide ne euolet, alata est.

De inimici morte. Dialogus CIIII.

GAV.

DE inimici morte lætus sum. R. Sperare de inimici morte aliquid, seu cuiuspiam hominis vel gaudere, illi forsitan sit permissum si quis vsquam esset immortalis: sperare autem alterius mortem quæ tibi possit antè contingere, vel gaudere id hosti eue-

nasce quod tibi necessario euēturum sit, stultata spes, inane gaudium. GAV. Gaudeo de inimici morte. RA. De tua alius mox gaudebit. GAV. De inimici morte gaudeo. RA. Si quam vestræ conditionis memoriā haberetis, nunquam homo de morte hominis gauderet. Quando enim quæso duorum qui simul ad supplicium ducerētur, alter alterius de morte gaudium cœpit, sciens sibi idem supplicij genus instare, & non potius in illius morte suam cogitans ingemuit? GAV. De inimici morte gaudium sensi. RAT. Quotiens putas optata mors hominum voti compotes torserit, & optare vitam frustra cœperint, qui non frustra mortem prius optauerint, dum intelligere incipiunt in suam se perniciem optasse? Sed præcipites sunt affectus vestri, quicquid vultis valde vultis, quod de Marco Bruto dixisse Iulius Cæsar fertur: immo verò nimium vultis, nec feruens desiderium moras fert. Itaque quicquid vultis statim vultis, hinc non modò vota impia sed venena. sed cædes & quicquid homo in hominem struit nocentissimū animal in suam speciem. Multa verò optatis quæ si in cōsiliū ratio esset, admissa timeretis, & varietas votorum malæ electionis argumentum est, nec prius ad rectum redit impetus quàm inconsulti affectus infautis castigentur affectibus. GAVD.

De

De morte hostis gaudeo. R. Si est hostis inglorius, de ipsius morte gaudere turpe est & dolere superfluum, Sin illustris, honestus piusque est dolor, & si non propter hominem, at propter virtutē quę indies rariora habet hospitia: sic Metellus Macedonicus Africani junioris, sic Cæsar Pompeij, sic Alexander Darrij mortē fleuit. G. Gaudeo de inimici morte R. Quomodo de illius morte gaudeas, quem diligere iubearis, non vt hostem, sed vt proximum, eiusdem opus opificis? G. De inimici morte gaudeo. R. Non audis forsitan ah contemnis consilium notissimum sapientis: noli inquit, de inimico tuo mortuo gaudere, sciēs quoniam omnes morimur & in gaudium volumus venire? Sanum prorsus seu consiliū seu præceptum.

De spe pacis. Dialogus cv.

SPES.

S Pero pacem. R. Melius est pacem seruare quàm sperare. Stulti enim est fastidire res certas, ambiguas spes amplecti. Sp. Pacem spero. R. Tenuisses eam arētius, nec abire sineres quàm sperares. Quid enim si ad hanc spem impatientia te duxit tua, vt sperando angi eligeres, quo gaudendo vti poteras? S. Pacem spero. R. Spes pacis multos perdidit, sperataque paci succedens insperata

calamitas incautos obruit sopitósque, quos
expertos inueniens non læsisset. *S P E S.* Spero
pacem. *R A.* Quid tandiu speras quod mox
assequi in tua situm manu est? Rari sunt qui
pacem non inueniant, si bona fide velle cœ-
perint: sed hi ipsi quibus dulce nomen pacis,
pax amara est. Pacem itaque petentes, paci
obstant. Quatuor vobiscum habitant pacis
hostes, auaritia, inuidia, ira, superbia, has in ex-
ternum exilium pellite, pax æterna erit. *S P.*
Spes pacis haud dubia est. *R.* Inter spem pa-
cis & pacem multa incidunt, leue verbum,
gestus facilis, compositam sæpe turbauit pa-
cem, ipsi tractatus pacificiq; sermones ferro
sæpe franguntur, animósq; acuit, bellúmque
asperat pacis spes: sic amicitia mentione irri-
tam quasi cotem dixeris odiorum. *S P.* De pace
agitur, pax erit. *R.* De pace crebro nequic-
quam agitur, nonnunquã verò periculose de
pace agebant atque egerant & Gallorum &
Prætorum duces, quando illos Camillus op-
pressit, hos. Scipio. *S P E S.* Post belli finem pax
firmabitur. *R.* Quanto firmata esset utilius
ante belli principium, quòt damnis ac mor-
tibus tempestiua pace esset occursum? Sed
vos pueri contumaces ac discholi, sine ver-
beribus non sapitis: in pace bellum, in bel-
lo pacem quæritis, neque vnquam nisi bello
afflicti pacem, vel noscere incipitis vel ama-
re,

re, eamque ut perditam fletis, sic mox redditam pari leuitate cōtemnitis, donec vos iterum atque iterū amissā perdoceat bona vestra non spernere, mala vestra non cupere, denique non ineptire, non furere, quod antequam assequamini pudeat. Sæpissimè idem vobis audiendum, nec audisse sat est, sæpissimè videndum & experiendum dicam propriè, ut discatis aliquid sæpissimè vapulandum est. s. p. Bellum pax sequetur. R. Melius præcessisset bello iter obstructura nihil insanius quam spe remedij vltro vulneri sese offerre, auxilium non causam dant fomenta vulneribus, ægro salutem optare natura est, sano ægritudinem spe salutis insania. s. p. s. Pax futura est. R. Solet pax vrbibus mutationem rerum afferre pestiferam, optima quidem ipsa, sed pessimis circumuoluta comitibus, iniquis legibus fluxis moribus, occultis odiis, aperta tyrānide. Recordare quid ciuili olim bello præfagus ille dixit nec fefellit: superos quid prodest poscere pacem? Cum domino pax ista venit. Melior est autem bellicosa libertas viris fortibus quàm pacifica seruitus. s. p. s. Pacem habeo. R. Interim bellum habes.

PAcem habeo. R. Bonum ingens si synce-
rum esset atque perpetuum, neutrum sa-
nè est: nam neque nouum est, sed commune
nimisque quotidianum est, vt sub vmbra pa-
cis bellum lateat, neque pacem quanuis pu-
ram, diuturnam fuit animorū instabilitas, se-
cum assiduè nō minus quàm cum hoste pu-
gnantium. G. Pax quæsitæ est. R. Sed amissa est
cautio & disciplina militaris, fida vibiū tute-
la, quæsitæ autē lenta segnitie, & semper pe-
riculosa securitas, cum in multis nèpe sit me-
lior bello pax, in hoc vno bellū melius quòd
cautius atque experientius. Nunquā Roma-
na virtus abiisset si bellū Carthaginēse man-
sisset. Pax Punica Romanæ vrbis excidium
fuit, vrbibúsq; aliis documentū sempiternū,
non semper populis atq; imperiis optimam
pacē esse: idque vir optimus Nasica malè non
sibi creditum iurabit, & vera locutum docti
omnes fatebuntur. G. Pacem habeo. R.
Modestè vttere. Bello quolibet funestior pax
superba & negligens. Sæpe armati inter gla-
dios tuti, mox togati in gladios inciderunt,
& seris votis optauere bellum. Quid ruinam
morum atque ipsius humanitatis interitum
loquar? Quot iam bello viri optimi, pace pes-
simi euasere, quasi cum armis omnem peni-
tus

tus exuti virtutem, mox cum toga vitia omnia induissent; Sic interior habitus cum exteriore mutatus est. Cuius quidem rei, & si multa milia hominum in testimoniū trahi possunt, tamē abundē suffecerint testes duo: Sylla & Marius, quorum primum, ut de illo scribitur, neque laudare, neque vituperare quisquam satis dignē potest, quia dum quærit victorias, Scipionem se populo Romano: dum exercet sænitiam, Hannibalem representavit. Secundus verò vir fuit ut de illo itidem scriptum est, cuius si examinentur cum virtutibus vitia, haud facile sit dictum vtrum bello melior an pace perniciosior fuerit, adeo quam rempublicam armatus servavit, eam primo togatus omni genere fraudis, postremo armis hostiliter evertit. GAVDIVM. Pacem patriæ partam lætor. RATTIO. Quid si pax interdum quod in homine optimum est. extinguit, nutritque quod est pessimum; Notū est illud Satyrici, qui cum de causis priscæ illius Romanæ virtutis multa dixisset, inter quas est, & proximus urbi Hannibal, ad extremum intulit: nunc patimur longæ pacis mala. Sæuior armis luxuria incubuit victūmque vlciscitur urbem. Est ne autem, oro te, vlla pax tanti, ut non odiosa sit viri: egregius comitante luxuria? Certē altius cogitanti, de-

posi

positis licet armis pax videri nequit, vbi bello domestico vitiorum insidiosissimo & carente induciis, oppugnantur animi, boni mores in exilium pelluntur, voluptates imperant, virtus opprimitur. G. Pax firma est. R. Et pacis comites licentia ac libido, & vt dixi, discrimina nec pauciora nec minora quam belli. Illa enim corporibus hæc animi pestem ferunt, sæpe etiam corporibus. Itaque multis lorica fœlicior quàm toga, campûsq; securior quàm thalamus, tuba quàm tibiæ, sol quam vmbra. Sunt quibus nil tutius bello sit, quod Iulium Cæsarem prædicantem de se suisque militibus audisti, pacem verò si sine vitiis veniret, & cœleste munus, & secundum nulli bonum fateor: raro autem sine vitiis venit. G. Sed feci inducias. R. Dedisti hosti spaciū ad colligendas vires quibus fortius te feriret. G. Inducias habeo. R. Cognatæ induciis insidiæ sunt. Multa p̄r insidiâs hostiliter fieri vides plura etiam facta legis, vt nil aliud belli consilia licentius agitantur, liberius contrahuntur auxilia, quosdam bello inuictos induciæ confecere. G. Sunt mihi cum hostibus induciæ. R. Ignauum tempus, nec pace latum, nec bellis exercitum, sed dubiis inter vtrumque pulsū fluctibus, vbi & tumor paci obstat, & timor bello, nescio an sit grauius pendere quàm ruere,

respi

respirandi tempus optare fatigati est, miseri autem & insani est nec pacem pati posse nec bellum.

De pontificatu. Dialogus CVII.

GAV.

AD pontificatum veni. R A. E tempestate in portū fugi solet, tu è portu in tempestatem sponte fugis, tu mirus nauta. GAV. Pontificatum sum adeptus. R A. Rarū, ne difficilis, parum grauis vnus animæ tibi cura videbatur, nisi omnium curas in te vnum atque omnium sarcinas trāstulisses? Fortes humeri, an fortis ambitio eò animos cogēs vbi malè sibi futurum sciunt. GAV. Ad pontificatum ascendi. R A. Quot amite, videris. Duplex est enim via, vtraque ad laborem, altera verò etiam ad miseriam ducit, quacunque perrexeris vel te miserum, vel vt optimè cēserit ex libero seruum scito: sic qui ascendisse diceris, descendisti, vnus iam illorum, quibus canitur propheticum illud: qui descendunt in mare naubus faciētes operationem in aquis multis: qui ascendunt vsque ad cœlos & descendunt vsque ad abyssos, quorum anima in eis tabescēte, propter negotiorum multiplicium procellam: turbati sunt & moti sunt sicut ebrius, & omnis sapiētia eorum deuorata est. GAV. Summi soliū pontificatus

ascendi. R. A. Quo mare altius, & venti plures & periculofior tempeftas. G. A. V. Romanus pontifex factus fu. n. R. A. Quo maior vrbibus Roma eft, eo maior te laborum moles manet: erunt qui te colant, qui adorent, qui obſideant ac circumſtent, qui tibi ſerico terram ſternant, auro niueos frænent equos, qui vina dapéſq; inſtruant ac prælambant, præſeis pōtificibus inauditum obſequij genus: ex diuerſo erunt, qui omiſſis propriis rebus in te figant oculos: te notēt, de te iudicēt, & quā iuſtè deus viderit, qui deniq; mores tuos arguant, verba diſtorqueāt, famam lacerent, vitam carpāt, quicquid uſquam mali erit, quafi è fonte unico malorum ex te prodiſſe dicent, populi diſcordiarumq; ſcelérumq; omnium vnus, tu cauſa vocaberis: quomodo, inquierēt, ſanum erit eccleſiæ corpus cū agrum ac languidum ſit caput? Eſt ne oro te tātū vel aureum poculum vel cubile purpureum vel gemmatus vertex, vt quietis & famæ precor queri velit G. A. V. In ſummum pōtificem ſum electus. R. Verſa vt libet hac in re tam expetita hodie, quod eſt totū vel inane vel durum eſt, vt non immerito quidā ſummī pontifices tædio rerum v. cti, non ſupplicii aliud quā ſcælicitatem illā hoſtibus ſuis optauerint. Nam vt paucis expediam, ſummus pontificatus, ſi rite geritur, ſummus eſt honor,

nor, summum onus, summa seruitus, summus labor. At si malè, summum animæ periculum, summum malum, summa miseria, summus pudor, anceps ex omni parte negotium. GAVD. Summi pontificatus sedem teneo. R. Non tenebis diu. Brevis est hominum vita, regum breuior, pontificumq; breuissima, eò quòd propter pòdus vastatricum curarum, ætas ipsa pontificis Romani tempus angustat, quæ ad hoc culmen nisi admodum fessa vix peruenit. GAVD. Summi pontificatus in vertice sedeo. R. A. Quo sublimior sedes, eo grauior casus, vix ex alto sine periculo aut labore descenditur. Cura ut descendas sobriè, ne in illo grege reperiaris, de quo dictum est, tolluntur in altum ut lapsu grauiore ruant. Ex omni quidem mortali fastigio descendendum nemo dubitat, sed hoc interest, quòd iustorum ac sapientium descensus, reliquorum verò præcipitiû ac ruina est. Ideoque Pœnus ille dex moriens qui dixisse fertur. Finis ad alta leuatis est ruerè, nō improprie ait ut iniustus. GAV, Summi pontificatus arcem regò. R. Solebant primi ex hoc statu ad martyrium peti, nunc ad delitias vocari credût, ideò q; certatim hic locus apperitur, & huc omnium ferme mortalium vota suspirant: quis autè vel Romanû vel quemcunque pontificatum aliam cupit ob causam, nisi

quo potentior ac ditior sit? Contra iustitiæ præceptum præesse quæritur non prodesse; quòdque sacrilegium pudendūque vel dictu est; magnis saepe muneribus, quin & pactis & sponsonibus spes emitur sacerdotij pinguioris. O vertigo morum pessima, ad quod olim consueuerāt & deberent cogi homines, inde nunc retrahi non possunt, & tam præceps feruet ambitio, vt non christianus pudor ac modestia videatur, sed ardor & peruiçatia paganorum, quam in huiusmodi petitionibus tantam fuisse didicimus, vt de Iulio Cæsare lectum sit, quòd pōtificatum maximum petij nō sine profusissima largitione, in qua reputans magnitudinem aëris alieni, cū mane ad comitia descēderet prædixisse matri osculanti fertur: domum se nisi pontificem nō reuersurum: nec fefellit: pontifex est reuersus. Liquet autem quo impetu illud ambierit, quo nō impetrato, vel moriendum sibi certè vel exulādum esse decreuisset; hoc illi autem vtrunque licuerit, cui à prima ætate propositum sit regnare: ita vt iniuriā suā putet, si qua est, hoc orbe potestas altera quā Cæsar, si tellus vlla duorū est. At Christiano homini cui propositum sit seruire, dominique sui iugum ferre, pontificatum quomodo liceat ambire non video, non modò largitione profusissima, sed quod non multo minus

minus est turpe blanditiis atq; mendaciis indignis viro artibus sed communibus aded ut hæc ferè iam vnica sit in altum via. GAV. Romanus pōtifex sum. R A T. Seruorum seruus dixeris: Caue ne dominorum dominus fieri velis. Memento professionis, memento debiti, memento domini, qui merito nulli magis quam vicario læsus irascitur.

De felicitate. Dial. CVIII.

G A X.

SVM felix. R A. Pontificatu forsan aut imperio aut omnino potentia atque opibus felicem fieri credis: falleris: nō felicem faciunt ista vel miserum, sed deregunt atque ostēdunt, & si quid facerent, miserum potius quam felicem facerēt, sunt enim plena periculis, quibus humanarum est affixa miserationum radix. G A V P. Felix sum. R A T. O miser qui in tot malis te felicem speres. G A. Sum felix. R A. Opinione fortassis tua, quæ quoniam falsa est, felicitati nihil addiderit, sed miseriæ multum. Siquidem propriā non nosse miseriam, miseria summa est. G A V. Felix sum. R A. Hoc inter carnificum gladios magnus ille Pompeius de se prædicat, quod tamen si profundius verum sodis, nunquā fuerat, ne tūc quidem dum florentissimo in statu felicissimus videretur. G A V. Sum felix. R A. Felix es & vnus viator insolitus, mirus

cursor, qui in hoc scrupulo & difficili cella sit
 scilicet inter mille pericula raptatus iugiter, &
 ignorans, quo siquidē hic es scilicet, quod ne-
 mo vnquam fuit nemo erit, vt auguror: nam
 quis quæso hominum scilicet in miseriis? Ne-
 mo igitur scilicet priusquam ex hac miseria-
 rum valle migrauerit. Duos quidem ē cun-
 ctis mortalibus colligunt scilicet, in quibus
 opinatissimus est Quintus Metellus, & apud
 scriptores rerum & vulgò etiam scilicet. Sed
 huic tamen quanuis latè iactatum scilicet
 nomen in quibusdam exactioribus scri-
 ptis ereptum scio iniuriis aliquando grauif-
 simis, & quod dolorem ingeminat, vili ab au-
 ctore susceptis. Iam reliquorum falsa scili-
 citas in aperto est. Sylla scilicet tantum dictus
 est, infelicem tamen vitæ illum, ac mortis
 atrocitas probat. Alexandri Macedonis, ac
 Iulij Cæsaris, & si fortis na prosperrima, vita
 tamen inquieta semper ac turbida, atq; ideo
 nunquam scilicet: vtriusque mors rapida. Ille
 in medio bellorum cursu, hic post victoriam
 repente. Ille veneno perit, hic ferro. Scipio-
 num bellicam scilicet, alterius indignum
 exilium, indigna quoque alterius & inulta
 mors minuit. Longum est euoluere singulo-
 rum fortunas: ad supremum venio. Vnus om-
 nium ferè omnibus scilicet visus est Augustus
 Cæsar monarchia omnium altissima, diutur-

na pace, vitæ studio ac fine suauissimo, quod-
 que omnia superat, morum atq; animi tran-
 quillitate perpetua: quis hunc foelicitissimum
 negauerit? Sed foelicem negant, quibus hæc
 scrutandi studium fuit. Obstat enim extrin-
 secis fulgoribus interioris ac domesticæ vi-
 tæ status, & fortuna longè alia, naturalis ac
 virilis sobolis defectus, adoptiuorum ac ne-
 potum immaturæ mortes, & quorundā mor-
 te peior contumacia. Ad hæc & vilissimo-
 rum quoque hominum insidiæ, & suorum in
 se crebræ conspirationes, & dilectissimæ at-
 que vnicæ filiæ ac neptis adulteria crebriora,
 demq; non suus hæres, successorque non
 placitus, & necessitate magis quam iudicio
 electus, nec omnino se dignus nec imperio.
 Si horum ergo nemo foelix, vel foelicè aliū
 da mihi cum quo foelix sis, vel sine consorte
 foelix esto, vel iam tandem veriori sententiæ
 aurem præbe, secundum quam dico iterum:
 ante mortē nemo hominū foelix, G. Ego ani-
 mo foelix sum. R. Sentio quā foelicitatē dicis
 aut foelix igitur errore tuo es, vt ait ille, quæ
 foelicitas, vt dixi, miseria est, aut virtute ani-
 mai foelix, quæ nec ipsa foelicitas plena est,
 quamuis sit ad foelicitatē via. Ad postremum
 cuncta discutiens, ne mirari non dissimulo,
 quam mihi foelicitatem quidā somniāt pro-
 mittūtq; aliis, acutissimi homines in multis,

hac in parte cæcissimi: nam siue omnium cum-
mulus honorum ad felicitatem isq; indefi-
ciens ac stabilis requiritur, & quam multa
desint homini vitæ studium hoc agenti, pro
se quisq; sentit, & hæc ipsa quæ adsunt quàm
incerta, quànque labilia sint agnoscit, siue
quod aliis videtur, sola virt⁹ hoc præstat cer-
te ipsi, qui secundum virtutem vitam agunt,
quos difficiunt felices, quosq; felicitati pro-
ximos non nego, vitam ipsam perpetuis ten-
tationum præliis patiuntur infestam, pericul-
lis semper multis & grauib; expoliti, nec
vnquam ante exitum securi, quod siue ne-
sciunt siue sciunt, æquè miseri sunt habendi.
Nulla enim cum errore, nulla sine securitate
felicitas. G. A. V. Felix mihi ipse videor. R. A.
Iam responsum habes: si felicem error face-
ret, paucissimi non felices essent: falsa ergo
felicitas tua est & ea ipsa perbreuis. Nulli
errore diu contigit gaudere sola quidem ve-
ritas solida est. Error tenue quiddam & ina-
ne, quod inter amplectentium manus quasi
fumus aut umbra dissiliat. Veniet quæ um-
bras abigat, fallaq; gaudia in apertum pro-
trahat, quæ felicitati humanæ verum præ-
cium somniis ponat. Quere interim ab his-
psis quorum proximè metio est habita, quæ-
re ab omnibus qui felices vel sibi vel aliis
visi sunt: ubi nam gentium, quove nunc in
statu

statu sint, de sua illa breui fœlicitate, quid sentiant, tacebunt ipsi, sed loquetur veritas, testabiturque habitos fœlices fuisse miserimos.

De Spe bona. Dialog. c i x.

S P E S.

QUicquid in re sit, spem mihi nullus eripiat. **R A T.** Hanc auferre potest nemo, ipsa sese sensim eripit, & inopinis euentibus saepe lusa cōsumitur. **S P E S.** Spero multa. **R A.** Et multa metuas oportet: sine metu enim spes non habitat. **S P E S.** Spero bona. **R.** Mala igitur times, vt enim opposita spes timori est, sic aduerso de fonte oritur, & necesse est quod sperare cœperis, eius cōtrarium vt formides. **S P E S.** Spero laeta. **R A.** Sed incerta, quorum studio certa negligere demētia certa est: qui equidem quod non habet sperat, quod habet obliuiscitur. **S P E S.** Sperare meliora nō prohibeor. **R A T.** Quid si difficilia, quid si impossibilia, venturâq; nūquam? quid si peiora, si pessima sunt quæ speras & meliora tibi fingis? **S P E S.** Iuuat in spe viuere. **R A T.** Dic verius in spe mori: nam & futura cogitatibus præsētia dilabuntur, & qui longinqua prospiciunt, quæ sub oculis sunt non vident, & qui cras viuere destināt hodie non viuunt. Nondum est cuius initium speratur:

ita cum spes omnis boni absentis expectatio sit, consequens est sperātem pro ea saltē parte qua sperat, mali aliquid pati. **S P E S.** Dulce est sperare. **R A.** Audio quidē multos hoc dicere, sed hanc ego dulcedinem nō agnosco: nā si sperare & optato carere etiā dulce est, quod qui dixerit haud dubiē gustu caret. **S P.** Sperare delectabile est. **R A T.** Ergo & pendere & affici & torqueri, spes est, & longi supplicij longa spes est, nil sic animū fatigat, nil sic senium præcipitat. Itaque sæpe vir sapiens spem perditā, lucrū vocat, seq; infinitā cupidine liberatum ab expectationibus vanis ad gaudēdum bonis suis cogi gaudet. **S P A S.** De euentu fors viderit, ego in spe gaudeo. **R A.** Vide autem ne quando forsā in re doleas, & optasse & sperasse & sperata cōsecutum esse pœniteat. Multos quos suspensa dñi torserat ad exitum spes ducta pessumdedit: multi votiuis & valde licet non sat seris longē spei perire successibus. **S P E S.** Nemo mihi tollat spem. **R A T I O.** Nemo tibi tollat tedium ac laborem animi. Audisti vetere dici solitum prouerbio: magnus labor expectare. **S P.** Rei bonæ expectatio blanda est. **R A T I O.** Sed & fallax & anceps & anxia. Si hoc negas, nunquam aliquid expectasti, sed se fallentium inextimabilis turba est, quibus ad id quod agunt nihil prorsus inefficax sese offert,

fert, nihil respuit, nulli se negat, flecti facilis & falli prona credulitas. Argumentum verò leuitatis ingens atque amentia: dixerim, passim obuias spes amplecti, & his illico certis & bonis pasci, ad quas docti omnes & experti rerum tardi sunt. s. p. Bonam interim spem habeo. R A T I O. Interim dicis. Credo dum te illa fefellerit, hic est enim mos, inuiti spem deponitis, nunquam illam relicturi nisi vos illa relinqueret, quin cum vos sepe reliquerit, mirum dictu, iterum atque iterum redeuntem cupidè semper excipitis, progressiq; obuiam quasi obliti veterum nouis armata dolis inclusi toriès cordis arce reponitis. s. p. Spem bonam vsque ad vltimum non deseram. R A T. Quid si diu antè illa te deseruit? An ne illam retrahes, an sequaris, an expectabis vt redeat? Age autè, spera, quando nihil est dulcius quàm falli. Non ego tibi spem quàm mordicus tenes eripiã, tantum illud ad-moueo, non esse spem bonam quam tu reris. Non est spes bona. quæ bonum sibi proposuit, sed quæ bene. Bonum quidem sperare scelestissimi quoque homines possunt, immo & solent: verè itaque bona spes est quæ de vero bono rite concepta est: hanc qui habet, stringat, teneat, neque abire eam vel in vltimis sinat, sororesque illi suas iungat charitatem, fidem, Hæc spes vera, dulcis verax.

foelix est, quæque nec sperantem fallit nec confundit, sed ad optimū prouehit, animūque interim sperati boni anticipatione lætificat. At vos seu verum bonum malè meriti speratis, seu malis veris falsum boni nomen imponitis: iure igitur vestra expectatio antequam veniat mœsta est, mestiōrque cum venerit. **SPE S.** Humanum sapio, & de his loquor quæ homines vocant bona. **R.** Huius nominis doctos olim inter homines longalis fuit, quæ adhuc pender pendebitque æuum in omne, his vnum in rebus, cōtrā autem illis bona multa ponentibus. **SPE S.** Linquamus ista philosophis, ego quæ vulgus dicit bona spero. **R.** Malum igitur tuum speras, quod vel dilatione te cruciet, vel fasce opprimat exoptato. Fac, succedat enim quod ad corpus attinet, hosti arma paraueris, quod ad fortunam, variæ & immitis dominæ subieris iugum, quod ad animum verò ipsum, magna etiā pars in cladem ac perniciem verti queat, quoniam quæ delectant animum, saepe & lædunt. **SPE S.** Ieci ego spei bonæ anchoram nec mouebo. **R.** Atqui solent nautæ tempestate orta nauis anchoram præcidere si diuelli nequit, relictāque illa fugam capere, non enim quod tranquillo mari apud poëtam, Dente tenaci anchora fundabat naues: in magnis quoque pelagi moti

motibus accidit, vbi non naues fundat illa, sed alligat, & naufragio vinctas tradit: nec hercle aliter inter procellas humanarum rerum spes affixa & tenax multos in exitium traxit, qui abscissa vtique & abiecta spe incolumes euassissent. Sæpe igitur subtrahenda spei anchora, vel si hæreat euellenda. Si ne id quidem liceat abscindenda rerumque sub fluctibus relinquenda est, vt liberâ vitæ pro-
ram gubernaculo prouidentia dirigas ad salutis portum. S P E S. Bene spero. R A. Bene sperando & malè habendo transit vita mortalium.

De hereditatis expectatione. Dialog. c. x.

S P E S.

HA creditatem orbi senis expecto. R A. Modò te tranquillum prædicabas, ipse tibi ne contrarius sis attende, nūquam expectatio tranquillitasque cohabitant, vix vllum vitæ tedium expectatione molestius. S P E S. Expecto senis hereditatem. R A T I O. Nescis quid ille forsân expectet: est ea quidem inter homines vulgaris insania, vt ferè omnes non coæuis tantum, sed iunioribus quoque diutius se victuros sperent. Inuiti sua de morte cogitât mortales, de aliena autem libenter, cum tamen contrarium agere esset utilius. S P E S. Senis hereditatem spero. R A.

A 5

Quid si ille interim tuam sperat? Falli alter-
 utrum est necesse. Quot autem senēs inue-
 nias mortem inuenum expectantes? Et sanè
 nemo tam senex qui non possit annum viue-
 re: nemo tam iuuenis qui non possit hodie
 mori. S P E S. Hæreditatem orbi senis spero.
 R A T. Iustius hanc sperabat filius. Iunior
 iustior spes elusit. S P E S. Hæreditas orbi se-
 nis ad me venit. R A T. Quid scis, an ad il-
 lum tua? Caio Claudius, Oerone Galba, Do-
 mitiano Nerua, Commodio Pertinax succe-
 dit, & successionum talium plena est homi-
 num vita. S P E S. Orbi senis hæreditas ne ma-
 net, R A T. Quem non fallere possit volens,
 qui quem noluit fefellit, cui superuivere ne-
 queat qui filio superuixit. S P E S. Orbi iam se-
 nis elogio scriptus hæres sum. R A T. An ta-
 bellis forsitan adamantinis, unde non facile de-
 learis? An ignoras quàm lenibus causis testa-
 menta mutant senes? Multis in ipso vitæ exi-
 tu, quod per omnem vitā voluere, displicuit.
 S P E S. Hæredem me vult orbus senex. R A T.
 Atqui potest nolle. Nihil est autē indignā-
 tius orbo senis ac diuite, vbi sua diligi, seque
 sperni senserit, actum est. S P E S. Hæreditas
 orbi senis promissa est. R A T. Ea utinam inno-
 cētia atque ea mortalibus fides esset, ut & nū-
 quā nisi honesta promitterent, & semper pro-
 missa seruarent: nūc nec promittēdi modus,
 nec

nec promissa frangendi pudor ullus, quod in hæreditate potissimum licere sibi homines putant. Itaque voluntatem testatori ambulatoriam leges vocant. Non te exemplis premam, nota res est. Legisti, credo, quibus hoc accidit non solum ut viuentis promitteretur hæreditas, sed supremo etiam morientis amplexu & osculo anulisque aureis donarentur, quod apud illos indubie successionis indicium erat: cum interim & hæredes alij, & eorum mentio penitus nulla esset in tabulis testamenti, tantum media de morte perfidia ausa est. Tene igitur viuorum fraudibus immuneris, cum dolis morientium circumuentos legas, summos etiam & illustres viros? Nam ne singulis immorer, genus hoc ludibrij passus est Lucius Lucullus vir amplissimus, quodque est altius, Augustus Cæsar: horrenda longæque mirabilis libido fallendi, quæ nefarias animas nec in morte destituat, sed sic est mos & tu promissa in hæreditate spem defigis quam frustrari possit, & vita longior restantis & breuior fides, quanquam his cessantibus, mutandi causa propositi possit esse iustissima, suus hæres, noua seni oriens progenies. Siquidem octogenario maior Cato glum genuit, nonagenario iam prior Manissa. Idq; hac etiã nunc ætate veltis senibus euenit, qui utinam priscis illis, ut gignendi

vi, sic vigore animi pares essent. Quæ cum
ita sint, hæres certe legitimus captatori ob-
stat atque improbam spem præcidit. SPES.
Iam testamento senis hæres sum. RAT. Sed
viventis forsitan & victuri. Testamenta au-
tem in vita fiunt, in morte firmantur, funus &
cadaver cogitas, lupo quidem expectatio-
ne lassandus & inedia. SPES. Hæreditas ad
me recto calle ventura est. RATIO. Quid
quod ut testator, sic hæreditas casibus subia-
cet, ut neque semper quem velis habeas hæ-
redem, & sæpe nil aliud quam inane nomen
sit hæreditas? Quid quod interim vasto pre-
cio parua res emitur, dum credulum senem
& obsequium submissum, & indignæ viro
blanditiæ promerentur? Nulla est tanta utili-
tas quæ decoris impendio æstimanda sit.
SPES. Nullo legum aut fortunæ obice hære-
ditas ad me venit. RAT. Vnde id nosti, cum
sit scitum illud Marci Catonis sapientissimi
senis dictum: sæpe inquit, audiui inter os at-
que offam mutua interuenire posse. Esto au-
tem, nihil interueniat, sed ad te sperata per-
ueniat hæreditas, non manebit tecum, sed a-
te rursus ad alios migrabit. Volubilia sunt
bona mortalium, rotundam nummi præci-
puè formam dicunt, ut perpetuo roretur
motu. Quæsiisti hæreditatem successorii
tuo, mœstus forsitan gauisuro, sollicitus ocio-
so &

fo & sperasti de alio, propter quod idem alij de te sperent.

De Alchimia. Dialogus CXI.

SPES.

Spero Alchimia prosperos exitus. **R A T.**

Mirum vnde id speres quod nec tibi vquam verè accidit, nec cuiquam, & si accidisse nonnullis fama fuerit, ab his facta quibus id credi expediret. **S P E S.** Spero alchimia successum. **R A T.**

Et quem quæso præter fumum, cinerem, sudorem, suspiria, verba, dolos, ignominiam? Hi sunt enim alchimia successus, quibus inopem vquam ad diuitias euectum, multos à diuitiis ad inopiam reductos sæpe vidimus. Non tamen illud attenditis, tam blandum est sperare & falli, huc agit vos auaritia stimulus, impulsa dementia, vt verum opinemini quod optatis, falsumque quod cernitis. Norastine aliquos prudentes in reliquis hac insania laborare, quosdam opulentissimos hac vanitate consumptos, dumque opulentiores fieri student & fecdo quæstui inhiant, bene parva prodigere censuque omni in supernacuis effuso, tandem necessarii etiam destitutos, alios ciuitate deposita mcestos semper atque anxios, dum nec cogitare aliud quam folles & forcipes & carbones, nec aliis quam fure hæ-

reſis conuicere didicerunt, in ſylueſtres penè
homines euafiſſe: nonnullos denique amiſſis
primùm animi luminibus in hoc exercitio
corporeos inſuper oculos amiſſiſſe? *S P E S.* Pro
miſſum ab artifice aurum ſpero. *R A T.* Refert
cuius artis artifex quid promittat. Sunt qui-
bus promittentibus nihil credi poſſit, eoque
minus ſi promiſſum iuriſiurandi religione fir-
mauerint. Sed ò cæci parum ne erat veris in
metallis quæ terra fert, furere, niſi vos mēda-
cio deſoſſa torquerēt? Parum ne à virtutibus
aberraſſe, niſi errori dānum, damno labor, &
labori pudor acreſceret? Hic qui tibi aurum
ſuum ſponder, cum tuo auro improuiſus au-
fugiet. Noui nihil narro, mos eſt publicus, &
quāuis igne cōmiſſa fraus ſæpe igne purge-
tur, nihilominus tu deluſus deceptoris tui
ſupplicio nō indēnior, ſed notior remanebis
digitōq; mōſtraberis auarus ac ſtolidus flādo
exhauſtus flāmis afflatus aſperſuſq; fuligine.
S P E S. Magna mihi promittit alchimista. *R A.*

Dic vte a ſibi præſtet quæ promittit aliis, pri-
mumq; ſuam pellat inopiā. Eſt enim ferè me-
dicum genus hominum: cumq; ſe pauperes
fatēantur, ditare alios volūt, quaſi aliena illis
quàm propria moleſtior ſit paupertas: ſic vt
miferi ſe alios miferari dicere ſoleant impu-
denter, & ignotis etiam interdum magna pro-
mittere: ò turpis promiſſio, & ò ſtulta credu-
litas.

ITAS. **S P E S.** Alchimix artē didici, diues fiam.

R A. Immo quidem si fuisti, esse desines.
Ars nempe quam memoras nullam esse nisi
 mētiendi artem dicimus ac fallendi. Age au-
 tem quando ita fert animus & incumbere, prę-
 dico autem tibi quod te. lucrum ex hac arte
 maneat. Domus tua miris hospitibus ac mi-
 ris erit impedimentis plena. Erunt tibi esores
 & potores, idque haud immeritò, quos ignis
 excitat & cupiditas. Erunt sufflatores, dece-
 ptores, derisores, omnis angulus habebit pel-
 ues & lebetes & phialis olentium aquarum.
 Herbas præterea peregrinas & externos sa-
 les & sulphur & distillatoria & caminos: de-
 que his omnibus tibi in finem curas inutiles,
 & stultitiam cordis, oris obscœnitatem &
 squalorem & caliginem oculorum ac solici-
 tam conflaueris paupertatem, quòdque
 his omnibus penè peius dixerim, circulato-
 ris nomen, & nocturnis in tenebris atque
 infames inter latebras furum vitam. **S P E S.**
 Spero effectum propositi votium. **R A T I O.**
 Sperare hinc forsitan & gēstire dabitur non
 gaudere. **S P E S.** Ad propositi terminum pro-
 pinquo. **R A.** An Mercurium congelasti? An
 quid aliud vanitatis? Nunc maxime à propo-
 sito longè es, semper rebus aliquid defuerit,
 dolus nihil.

SPES.

A Ruspices mihi multa pollicentur. **R. A.**
 Inuenisti ecce aliud genus hominum,
 cui si credas semper pendeas, semper speres:
 nam neque res vnquam aderunt promissæ,
 neque enim vnquam decrunt promissores,
 sic res hinc profugas captans, hinc promissis
 impulsus Ilionio semper morè rotaberis.
SPES. Spem bonam mihi tribuunt aruspices.
R. A. T. O. Non maius spem est credulo quàm
 metum puido inferre: cōstantes animi neu-
 tram in partem facillè inclinant. **SPES.** Mul-
 ta vndique mihi promittunt mathematici.
R. A. Nihil promptius quàm promissis af-
 fluxere iis qui careant pudore, quos mentiri
 autem pudet, ad promittendum tardi sunt.
SPES. Leta spondent mathematici. **R. A.**
 Sponsors quære alios seu pignus, promissi
 fragile genus est, nudo verbo male creditur.
SPES. Multa promittunt mathematici. **R. A.**
 Querre qui promissum impleat: satis est spē
 dedisse, non potest vnus dare omnia. **SPES.**
 Promissis aruspicum experrectus sum. **R. A. T.**
 Cōsopieris euentibus, nihil eueniet promiss-
 forum. **SPES.** Magna iubeo sperare. **R. A. T.**
 Mirum vt animus hominis qui virtuti con-
 tumax est, vanitati verò nimis obediens.
 Vnum aliquid idque optimum iubeat illa,

cōn

contemnitur, quicquid hæc iusserit difficile
licer ac pessimum, paretur. SP. Mathematici
lata pronunciant. R. Miri homines, futura
sola qui nouerint, præteritorum atque præ
sentium ignari, & quæ in cælo fiunt ita nunc
cient quasi consilio cælestium interfuerint
recentique nunc indeueniant memoria, cum
tamen interim quid in terris, quid in patria,
quid in domo, quid in thalamo suo fiat, ne
sciant: sic penitus verum est quod apud Tul
lium legis, quod est ante pedes nemo spe
ctat, cæli scrutantur plagas. SP. Magna nun
ciat mathematicus insignis & verax. R. A. T.
Quo diuinus insignior, & mentiendi libertas
maior, & fides pronior mendacio est. Sæpe
quidem mirari soleo, nostræque non imme
rito miratus est Cicero, quid hoc in genere
nouum insuetumque accidit, ut cum in cun
ctis hominibus multa vera memorabili vno
mendacio obscurentur, & suspecta fides in
posterum loquentis fiat, in his contrà grati
bus mille mendaciis vna leuis ac fortuita ve
ritas, velum quoddam & mendaci publico
fidem quærit, si quando vel semel quoniam
nemo tam mendax vnquam fuit, quin quan
doque verum diceret, nolens etiam aut igna
rus, vni horum veri fortè aliquid effluerit,
actum est, si casura hodie de cælo astra de
nunciet, credetur. Denique sine vllâ suspi

tione mendacij mentiri potest omnia, quisquis semel potuit non mentiri. Vnum enim illud memorat præcepis in futurum promittens, & præteriti sic oblita credulitas ac deceptoribus suis fauens. S. Diuinis lata nunciantibus credo. R. Furentibus credere furor est. Certè quauis hic Cicero videatur sensisse aliter, conuenientius huic rei nomen à Græcis inditum quàm à vestris iudico. Latini enim à diuis seu à diuinitate diuinationem: illi autem quod est manticen à furore dixerint. Vos fortassis ornatius, at illi verius. Hanc sacri doctores vno omnes ore condemnant, Ambrosius, Augustinus, ceteriq; qui si fortè quando inter multos hic quoque mos pestifer inualuit, vt inter hos garrulos in quæstione veri ob ipsum professionis suæ nomen suspecti habeantur, verè fidei professores auditi non erunt: cùm omnibus idem sentientibus qui sunt innumeri: & quamuis diuinationem improbent diuini viri, quid tandem causæ est, quidve suspicionis, vt non audiendus vnus & in multis primus, ac maximus illorum Cicero videatur? Certè istotum hoc illusionum ac fallaciarum genus damnat, ridet ac despicit. Et ad summam, omisiss quæ locus iste non capit, omnis non tantùm pia religio, sed vera quoque philosophian, & quæ illam calle suo sequitur poësis,

nec

nec sancti modo, sed etiam docti omnes hanc respuunt vanitatem, præter illos solos qui vel hinc viuunt, vel ab his seducti in eorum tendiculas lapsi sunt, quorum damnis atque erroribus lucrum sibi atque artem faciunt, in qua illud summum ac præcipuum, obscuritate fraudem tegere, & sic biceps ambiguumq; responsum dare, vt prædictum videri possit quicquid euenerit, quod omnibus futuri notitiâ professis in commune prouisum est, qua in re nõ ars ipsa, quæ nulla est, nõ ingeniũ, quod sine literis rerumq; notitia nudum est, sed illorũ calliditas & audacia & impudẽtia ipsa mirabilis. Vnde quod festiuè admodum ait Cato ille regibus, mirari se quod non rideret aruspex aruspice cùm vidisset: id ad omnes æquè augures, aruspices, sortilegos, cõiectores, chaldaeosque & mathematicos, ac totã quam dixi manticen trahi potest, tam incertũ est an illorũ fraus turpior, an ridiculosior vestra demẽtia illorũ tamen argutis atq; ratiũculis respõdere facile, sed prolixum est, notumq; adeo tamquã notis ac illustribus agitatur, vt nõ superuacua tãtum repetitio, sed temeraria videatur. Vestre aut inep tissimæ vanitati, quid aliud dici potest, nisi dignos vos qui ab homunculis nõ terrestribus, modo sed luteis & nullius, nisi qua stultos ludant notitiã artis habetibus, sciẽtiæ insignis

obtentu, & cœlo insuper auctore fallamini.
 Sp. Persuasum est mihi prospera instare,
 quorum expectatio dulcis, læta & tranquilla
 est. R! Immo quidem amara, tristis, turbida,
 sed vos sensu perduto de obiecto sensuum
 iudicaris. Persuasum sanè nullo negotio cre-
 diderim. Promptum est persuadere volenti-
 bus, quibusdam persuasor necessarius non
 est: ipsi sibi sunt vates & occursum animan-
 tium volatúsque auium & garritus lætum in
 augurium dicunt. At si quotiens te ista fefel-
 lerint recogitas, si de hac re vicinos interro-
 gas, nisi vel tu ultro te fallis, vel illi participes
 erroris quærunt, facile deprehendes, quor-
 sum his præstigiis credendum sit, nisi tres illi
 summi hominum rerúmque moderatores
 Pompeius, Crassus & Cæsar iurati fortè con-
 trarium dicturi sint, quibus quod cōstat ma-
 guo quidem omniúmque familiarissimo te-
 ste Marco Tullio, Chaldæi omnes aruspices-
 que promiserant, quòd præclaro fine omnes
 beati senes in patria morerètur: idque quam
 veru fuerit nō expectas audire ferro omnes,
 duo miserabilius quam longissimè ab Italico
 Romanóque orbe sectis fœdóque ludibrio
 reconditis, veneratis illis totóque diu formi-
 datis orbe capitibus, reliqua inhumati fera-
 rumq; & pisciū morsibus ac volucrū rostris
 expositi, cæsi & laceri, miserandum fortunæ
 spe

spectaculum, iacuerunt. I nunc diuinosq; vates
 nega, qui tam certa prænunciant. S. Gratum
 auguriū notauit. R. O amentia importunam,
 miser homo successuū notitiam suorum, quæ
 sibi nulla est, à volucris sperat: quid hoc
 stultius fieri potest? Quia si diis placet & De-
 iotarū regem visa aquila impendenti præri-
 puit ruinæ, & Agrippæ Hebræo instare car-
 ceris exitū, finemq; miseræ ac prosteritatis
 initium nunciauit supra verticē sedens bubo
 auis, alioquin infamis, cuiusque Virgilij car-
 mine carmen ferale describitur. S. Latum
 omen incidit. R. Omen ab homine dictum
 nomen, humanæ dementiæ argumētum est,
 quo aliquid semper non externarum modò
 rerum, sed earum quoque quæ in vobis sunt,
 animos in errorē trahat, ne deliramētis ani-
 malibus vlla pars rerū vacet: itaq; & sternuta-
 menta seruorum & natorū fortuito lapsas vo-
 ces eò trahitis, non quò vis illarum, sed quò
 vestra cupiditas vocat, scilicet quia Centurio
 ille dixit: Hic optimè manebimus, ne mundi
 caput transferetur, causa fuit: aut quia Per-
 sam periisse flēs infantula profecturo in bel-
 lum nunciauit patri vinci Macedonū regem
 consequens iudicatum est: ò humana mens
 ebria & mirabunda, quàm facili impulsu er-
 roris in foueam ruis? SP. Lata aderant
 consopito. R. Mœsta aderunt experrecto. S.

Læta dormiens videbam. R A T. Mœsta vigilans videbis. S P. Fœlix eram per quietem. R A. Miser eris per laborē. Sæpe nihil somnia denunciant & sæpe contrarium. S P. Sæpe vera videntur in somniis. R A. Quanto sæpius falsa. Par est autem & huius & reliquarum huiusmodi vanitatum ratio, vnum casu incidens verum, innumeris falsis astipulatur, venturūque inhians præteritum mens non videt. S P. Multa nuntiant diuini. R A. Impostores ego hos non miror, qui de more suo pascuntur artificio, sed vos stupeo qui illorum ventri animas & ingenia vestra submittis: proinde quid tu teneas, videris, si me sequi volles expectabis æquanimis & tranquillus, non quid astra de te, sed quid astrorum creator ac regnator sanxerit, agēs aliquid indies ardentius quod illius amore fias dignior. De euentu tibi veniat in animum sollicitare istos, quibus ignitior est veritas quam tibi. Denique sic habebis, futura nosse durum homini, nec licere si expediat, nec expedire si liceat.

De lato rumore. Dialogus. CXIII.

S P E S.

LAetus rumor insonuit. R A T I O. Noli famæ credere, mendax est. S P E S. Multi lutos nuntiant rithores. R A T I O. Sæpe
tutius

tutius vni creditur quàm multis. s. p. Quod tot nunciis affertur falsum penitus esse non potest. R. A. Mos famæ vulgaris notus est, veris falsa miscere. Paucis veris multa mendacia condiuntur: omnia mētienti nihil creātur. s. p. s. Rumoris auctor primus verax est. R. A. At nemo quantum audierit aut viderit referre, contentus est, nihil est actum nisi pro se quisque aliquid auditis adieceris aut visis, quod cum multi fecerit, auctum breui mendaciorum videas aceruum, sic per manus, vt aiunt, traditum inter manus etiam crescit malum, quòdque ait eximius Poëta: Mobilitate viget, virésque acquirit eundo. s. p. Haftenus lætissima fama est. R. Quid si mulcet vt feriat? Sæpe lætū rumorem mœsta clades sequitur, creber hic fortunæ stilus, vt profundius vulneret, spem promittit cuspidemq; vulnificam læti cuiuspiā rumoris illitam dulcedine ingulo gaudēris infligit: quod vir doctus intelligens, lētis nunciis non quatitur, hæretq; immobilis, secum voluens vel contrariā esse, vel idipsum quod tã faustum videatur in contrarium verti posse. s. p. Læto rumore moueor, R. A. Expecta saltem dum & certus sit, tunc quoque virilem animū rumusculis agi turpe est licet veris, falsis vero turpissimū. Multos gauisos esse puduit, verumque mœrorem auxit falsi gaudij memoria.

De expectatione filij vel villici vel uxoris. Dialog. CXIIII.

SPES.

S Pero filij reditum. R. Speras gaudiū sollicitū & propinquum metum. SP. Spero amicum reuidere. R. Rem prædulcem sperat, sed fallacē, fragili res hominū statu trement, forsitan quē expectas iam nunc obiit, potes hoc probasse si vixisti. Impedimentorū mille sunt genera, vnū cōmune omnibus mors. SP. Amici conspectū exoptatū spero. R. Sunt hæc ferè cōiuncta optare, & sperare, sed multis assiduè casibus disiunguntur. Quàm multos credimus fuisse Romæ, quàm cupidis animis Marci Marcelli huius vltimi reditum expectantes? Contra autem viæ medio hostis illum crudelissimus expectabat, cuius potentior fuit immanitas quàm victoris clementia aduersarium ab exilio reuocantis. Potuit igitur Cæsar precibus senatus Marcello veniam dare: non potuit Marcelli cliens graue maius pati, vt is Cæsaris beneficio vteretur. S. Spero amicum & expecto hoste quolibet carentem. R. Quis est hic hominum hoste carens? vt sit aliquis priuatorum expers, an publicis inimicitiis quisquam vacat? sicariorum dico & prædonum, qui avaricia duce bellum humano generi indixere. Finge aliquod

tam

tam benignū sydus, vt hæc pestis terris exul-
 let, aliās quis arcebit vehiculorum & equo-
 rum lapsus, fluuiorum ac torrentium insul-
 tus, & ruinas pontium ac tectorum, æquo-
 reasque & aereas tēpestates? Adde ferocium
 incursum animalium, quibus non singulos
 tantum homines, Dicæarchus curiosissimus
 indagator rerum talium, sed quædam homi-
 num genera docet occubuisse. Et ad sum-
 mam, quot sunt casus humanarum rerum,
 quorum nullus est numerus, tot sunt homi-
 num hostes, qui spem tuam, non dicam re-
 tardare possint sed extinguere. Vt nihil in-
 terueniat: mors quam dixi & euntibus &
 stantibus vbique contigua est, nisi itineran-
 tibus eo fortasse vicinior, & quo iter & ve-
 ctatio & locorum commutatio pluribus ca-
 suum generibus videtur exposita. S. Spero
 amicum prospero exacto negotio reuersu-
 rum. R. Quam gloriose quam prosperè res
 gesserat Drusus Nero diui Augusti priui-
 gnus, vt omnibus etiam hostibus domitis
 charus esset, ita vt eum paulominus adora-
 rent, quorum mirificos affectus erga illius
 memoriam vsq; ad hæc tempora, si vnquam
 Germanorum inter procures fuisti, te sentire
 arbitror potuisse. Certè illa gesserat quibus
 verè gloriaretur, quod Romanis in saxis pri-
 mis aliquot syllabis casu aliquo deiectis,

nunc etiam scultum viger his versiculis: Ad diuortia Rheni peruasi hostiles depopulatus agros: Dum tibi Roma decus æternaq; sudo trophæa, Hister pacatis leuior ibit aquis. Talem hunc iuuenē qualiter expectabat mundi dominus Augustus, qui etiam sibi filiū fecerat amando: qualiter Liuia Augusta cui natura illum charum fecerat, chariorem virtus, charissimum reor fratris ignauia: qualiter deinde frater ipse, qualiscunque erga alios tanti certē fratris amantissimus: ad postremum qualiter Roma ipsa atq; vniuersa respublica quæ de nullo tunc hominum sic penderet, Quid ergo? Quis tam multiplicis spei finis? expectatum Drusum inexpectata mors abstulit, morbo quod cōstat raptus, & quod magni sunt auctores ex fractura cruris quo superlabente suscepta, qui viuis victor reuersurus sperabatur in patriam exanimis est reuectus. Quid filium huius loquor Germanicum? Nullius credo vnquam hominis expectatio maior fuit: non hunc pater, non Augustus, ambo iam defuncti, sed Roma omnis expectabat tanto desiderio, quasi totius vrbis vnus animus, isque & vidua, & non nisi vnicum, habentis filium matris esset. Itaque ad primum ægritudinis suæ nuncium attonita penitus ac deiecta ciuitas vultusque omnium atque habitus inuerti &

inæstum tota vrbe silentium fuit, Vbi autem
 lætior fama incertis licet auctoribus super-
 uenit, conualuisse illum & viuere, subitus cla-
 mor atque fœlicissimus vndique sublatus,
 ipsum quoque Tiberium excitauit, concur-
 sūque in capitolium ingens factus, & penè
 conuulsæ templorum fores ad persoluenda
 vota agendāsque diis gratias, victa nocte lu-
 minibus, fractōque vocibus silentio gratu-
 lando canentium: Salua Roma, salua patria,
 saluus est Germanicus. Quis verò tandem
 rei exitus? Is nempe qui humanis in rebus est
 creberrimus, venit nuncius certior obiisse
 Germanicū, hinc publicus dolor ac gemitus,
 non edictis aut diebus festis, aut vllis omni-
 no cōsolationibus coërceri quiniuit. Nota est
 historia libro Cæsarū iiii s p. Spero iuuenem
 filium reuersurum. R A T. An hi parum iuue-
 nes de quibus dixi, accipe iuniorem: Marcel-
 linus eiusdem diui Augusti nepos ex sorore,
 quantū putas expectaretur ab auunculo, qui
 eum sic dilexit, vt Virgilianum illud carmen
 nobilissimū, quo summus vates abolescentis
 illius penè pueri memoriam honestauit, sine
 lachrymis audire non posset, & auctori silen-
 tium imperaret. Quomodo mater Octauiā
 quē illū sic amauit, vt vsq; ad vltimū vitæ sue
 finem quasi tunc extinctum cōtinuo deplo-
 raret, omnemq; consolatoreth, non tantum

contemneret, sed odisset. Quid hæc autem & quid putas, nisi quod cæteri? non rediit, sed relatus est, & Drusum quidem non qualē acceperat Germania Romæ, Antiochia Germanicum, Marcellinum Baiana restituit, vestrarum expectationum fors cōmunis, tu ibi nunc aliā fingis, & fors veniet quē expectas, qui cūm venerit fortassis vt abeat & sperare incipies & optare. Sp. Amici absentis aduentum spero. R. Quis miretur expectari viuos, cūm mortui expectentur, vt perhibent? quod nisi inter fatuos veri faciem nō habet: Arthustum Britones expectare fama est: Neronem principē mundi sub fine rediturū quidam somniāt. Vita vestra ab initio ad extremum non modò vanis expectationibus plena sed ipsa expectatio vana est. Id sic esse si non vides, aut modicum vixisti aut nimium, quid hic agitar neglexisti. Sp. Expecto villicum rure venturum. R. Aut domus arserit, aut messis euanuerit, aut pratū exaruerit, aut bos obierit, aut vites grando percusserit, arbores turbo conuulserit, arma torrentibus inundarint, aut apes auolauerint, locustæ satis insultauerint, columbos corui & mures, pullos vulpecula, agnos lupo inuaserit. Hi ferè rustici sunt rumores. S. Vxoris aduentum spero. R. Si hoc speras, quid iam metuas ignoro. Sic est tamen: sunt, & qui expectent
coniu-

coniugem, & qui febrem.

De expectatione meliorum temporum.

Dialog. CXV.

SPES.

Spero tempora meliora. **R A T.** Omnia ferè tempora æquè bona sunt, quia creator temporum æquè bonus est semper, sed vos temporibus bonis malè semper utimini, inq; hoc, ut in aliis culpas vestras rebus ascribitis. Fac ut homines boni sint, & tempora bona erunt. **S P E S.** Tempora hæc stare nequeunt, lætiora succedent. **R A.** Nullum tempus stat, cuncta prætereunt, cumq; transierint, nō redeūt, virtute & industria bonarumq; artium studiis frenari possunt, non quin fugiant, sed ne pereant, nihil est autem dulcius bene impensī temporis memoria. Sed vos nulla re uti sciētes, ut oportet, ubi omnem vitam, vel in somnum ac desidiam, vel in solitudinē atque usus pessimos effudistis, tēpus innoxium accusatis. Nūquid mentior, infantiam ac pueritiam in vanos ludos, adolescentiam ac iuventam in libidinem atq; avaritiā, senectam & senium in querelas ac lamēta consumitis? Quænam hæc tēporum culpa est? Fluunt illa, fateor, hæc natura est, vos illa dum datur occupare negligitis, non est natura ista, sed culpa. Vos naturam culpatis, culpā excusatis, res non noua. **S P E S.** Spero lætiora tempora.

RAT. Lætitia seu tristitia temporum, vt dixi
 nō in temporibus, sed in vobis est. Eo autem
 quo intelligis non modò lætiora tibi speran-
 da esse, sed tristiora perpendes si ad ætatem
 ipse tuam respicis, quæ indies tristior, vt à
 poëta prescribitur, & plerisque in senibus in-
 uenitur, & sanè si oculos in terga reflexeris
 & numerare atque æstimare annos tuos cœ-
 peris, simul incipies desperare quod speras
 Non est cur mutari cursum rerum speres, nō
 meliora instant tempora, vereor potius ne
 peiora. Cur quæso, nisi quia peiores erūt ho-
 mines, quod & magni diuinarunt viri, & aper-
 tis indiciis res declarat, nisi vos mortales bo-
 næ semper spei magnū aliquid de vestra no-
 bili ac modesta iuuentute concipitis, à qua
 ego quidē opinione lōgè absum, nihil enim
 boni penitus mens prælagit, sic in vitium ac
 ruinā prona sunt omnia. SPES. Mala sunt tē-
 pora, meliora venient. RA. Omnem ætatem
 de moribus sui questam, inquit Seneca. Ad-
 do ego omnem habuisse quod quereretur,
 habituramq; omnem cunctis sæculis quod
 queratur. SPES. Spes lætiora tempora. RAT.
 Vna est ad hoc via quæ lætiora si habeas non
 expectes: fac ipse tibi lætiores animū, quod
 sine virtute fieri nequit, vbi hoc feceris, læta
 erunt omnia, triste nihil. SPES. Meliora tem-
 pora expecto. RATIO. Vt veniat, quod
 est

est dubium, certè illis venientibus tu recedis. Quanto est tutius rite vti præsentibus, quàm anxie expectare quæ vel fortè non veniant, vel minimè sis visurus?

De sperato principis aduentu. Dialog.

CXVI.

SPES.

PRincipis aduentum spero. R A. Vt multa timeantur quæ optanda, sic multa sperantur quæ timenda sunt: vtranq; in partem penuria iudicij multa est. s p e s. Spero principis aduentum. R A T. Quanto sperares honestius libertatem: nam ptofectò qui dominum sperat seruitutem sperat s p e s. Spero principem venturum. R A. Et illius commune omnium malum speras. Fuit enim quando & principes imperium & principem populi poterant sperare, nunc imperium principi labor est, princeps populi perniciēs. s p e s. Principem venturum ego & respublica speramus. R A T I O. Tu verò quid priuatim speres videris, in quo ipso facilè falli potes, spes hæc rei publicæ stulta est. Quis enim nisi amens speret, aut cupiat, quod pestiferum toties sit expertus? s p e s. Spero principem venturum. R A T. Et secum simul motus rerum varios, mutationes vrbiũ, noxias nouitates, famem,

pestē, bella, discordias, hæc vel vniuersa vel
singula modernis cū principibus venire sunt
solita. Si hæc placent, principem spera: vt nil
horū formidabile sit, ipsum certē inane iam
imperij nomen est plenum famæ & rumo-
rum: boni autem omnis effœtum & solius
vmbra vetustatis innixum. SP. Spero ventu-
rum principem. R. A. Ego te verò munitum
velim, vt quotiens aduentatē audieris, cre-
das te tonitrum aliquod præambulum ful-
minis audire, nec sperare incipias, sed timere
potius si etiam alterum labi oportet. Timere
enī aduersa & si cōtrarium sit virtuti, con-
sentaneum est naturæ: sperare autem mala,
& naturæ est oppositum & virtuti. SP. Spero
mox principem affuturum. R. A. T. Cū præ-
sentem videris, scito te infauftum reipubli-
cæ fidus aspicere, vel memoriam ipse tuam,
vel parentes interroga tuosque auos & pro-
auos, ita esse reperiēs vt dico, idque tu filiis
& nepotibus tuis annuncia, ne ipsi quoque
aduentum principis stulti sperent. Dic enim
quæso quādo vnquam vel minutę leonis ad-
uentū feræ, vel affuturam aquilā auculæ spe-
rauerint? Liceat verum loqui, stultissimum &
mali sui semper auidissimū animal est homo,
cæteris capiendis esca opus est, homo solis
famæ sibilis capitur.

S P E S.

Meritis post obitum famam spero. R A. Multi famam se mereri sperant cum infamiam mereantur, & ceu viatores erronei dum accedere æstimant, retrocedunt. S P E S. Famofus sum in vita, famofiorque post mortem ero. R A. Est hoc fateor in nonnullis verum, vnde & Anneus Seneca in epistola quadam, habiturum se gratiam apud posteros vaticinatur: & Statius Papinius præsentem famam benignum iter suo operi ad futuros strauisse ait. Et Ouidius Naso, sibi nomen indelebile futurum, sequæ ore populi legendum, perque omnia sæcula fama victurum præfagit: neque hercle ullus horum fallitur. Sed quam multos putas idem sperantes suam se felleisse spem? Multi hoc idem de seipsis crediderunt forsitan & scripserunt, nec quod sibi promiserant impleuerunt. S P. Si famofus sum dum viuo, cur non famofior sum post mortem? R A. Quia hoc quotidianum & vulgare est, vt multi in vita famosi & clari, post obitum sint incogniti & obscuri. Miraris? Causa rei huius in promptu est, affabilitas quædam, sermo comptus ac lepidus, blandum supercilium, clara frons, benigna salutatio, beneficentia in vicinos, protectio in clientes, hospitalitas in externos, in cunctos urbanitas.

Hæc & his similia viuentibus famam quæ-
runt, ea verò mox vt hinc abierint non du-
rant, nisi forsitan quandiu qui illos nouerant
superfunt, quod ipsum quam breue sit con-
spicis, quomodo autem durarent non in soli-
do radicata, naturale est vt fundata debili-
ter leniterque aucta breuiter dilabantur: vt
sit fama durabilis aut vitæ sanctitas aut ge-
storum claritas, aut insignis scriptorum præ-
stabit elegantia. Rarum decus, loquaces isti
& urbani qui rogati ac gemmati populorum
digitis ostenduntur, non nisi quantum loqui
poterunt, aut paulò amplius cognoscuntur
Durum, hoc apparatus tam celeriter & has
pompas, hanc scientiæ nubem, hæc verbo-
rum tonitrua in tenuem fumum euanesce-
re, durum fateor, sed sic est, nam nec ipsi de
se testimonium præbuerunt ambitioni aut
lucro aut somno dediti, nec qui præbeat, me-
ruerunt. s. p. Famam inueniam post mortem.
R. A. T. Fama nihil vnquam mortuis profuit.
vuiis sæpe etiam nocuit. Quid enim perni-
ciem ac mortem Ciceroni ac Demostheni,
nisi insignis literarum fama consciuit? Idem
de Socrate aut Zenone, & mille aliis dici po-
test: noti omnes. Quid verò nisi fama scien-
tiæ & ingenij dedit causam filio Gnosij, re-
gis Androgeo vt ab Atheniensibus macta-
retur? Quid Octæ Colchorum regi Argo-
nautas

nautas attulit delectos, ut aiunt, viros, verè autem prædones, nisi fama diuitiarum? Nam quid significasse aliud credimus famosum illud aureum vellus arietis, nisi opes multas lateque vulgatas, quibus diuites bestiales opumque inopes verarum velut arietes vel leribus vestiuntur? **SPES.** Famosus ero. **R. A.** Ut sit ita, quid hinc magnum concipis, esset aliquid fortè fama, si notitia comes esset, ut plerunque accidit in viciis: nunquid laudari proderit ab his qui te si videant non agnoscant? Dic enim quæso si Homerum videas & Achillem, si Virgilium & Augustum, nunquid non ignoti abibunt, cum tam nota & tam clara sint nomina? Crede mihi, spes vestrae magna, ex parte dupliciter vanæ sunt, quòd nec sperata proueniunt, nec ut proueniant afferunt quod promittunt. Ferè enim plus in spe sunt humana omnia quàm in re. Mittite igitur spes inanes & vana desideria, contemptisque terrestribus iam tandem & optare discite & sperare cœlestia.

De gloria ex aedificiis sperata. Dialogus.

C X V I I I.

S P E S.

EX aedificiis gloriam spero. **R. A.** Nesciebam calce & harena & lignis & lapidibus gloriam quæri, credebamque quòd rebus

gestis & virtutibus quæreretur. s. p. Aedificando nulli gloriam paro. R. A. Sed fragilem ac caducā, Omnia quæ manu hominum facta sunt, vel manu hominum euertuntur, vel stando & durando deficiūt. Habet enim manus longè prauā longa dies, è cunctis vestris operibus nullum senio resistit. Ruentibus ergo super quibus hæc tua gloria fundata est, ipsam quoque corruere est necesse. Si fortè non credis, respice ad antiqua quæ ignota tibi quidem esse non possunt. Vbi est nunc Troianum illud Ilion superbum? Vbi Byrsa Carthaginis, vbi turris & mœnia Babylonis? Belurum nunc habitatio & serpentum. De Babylone loquor antiqua. Altera nempe propinquior atque recentior adhuc stat, citò itidem casura. Si essetis viri, vbi sunt denique septem illa opera græcis scriptoribus celebrata? Atque vt ad propinquiora veniamus, vbi est quæso illa Neronis domus aurea, quæ quantum fatigauerit architectos cogita, lectores etiam nunc fatigat, quæ quidem domus vna cum aliis ædificandi furoribus, quibus omnes excessit ad inopiam illū cōpulit & rapinas? Vbi sunt thermæ Diocletianæ, & balneum Antonianum, & cymbrum Marij, & septizonium Seueri, & eiusdem thermæ Seuerianæ? Demum vt summam rerū attingam, vbi est Augusti forum,

& ædes Martis vltoris, vbi ædes tonantis Iouis in Capitolio, & Apollinis templum in palatio, vbi eiusdē porticus ac bibliotheca græca pariter & latina, vbi porticus alrera & basilica Gaij Luciiq̃ue nepotum sub nomine dedicata & extructa, & porticus tertia Liuiæ cōiugis & sororis Octaviæ theatrumq; Marcelli? Vbi tot opera per illustres viros iussu eiusdem principis & hortatu, multis verbis in locis tanto labore, tantis impensis ædificata? Marij Philippi ædes Herculis & Musarum, Lucij Cornificij ædes Dianæ, Asinij Polionis artium libertatis, Munacij Panci ædes satura: Theatrum Balbi Cornelij, Amphitheatrum Statilij Tauri? Innumerebilia præter hæc opera Marci Agrippæ. Nēue eam per singulos, vbi sunt tot luxuriosa principū palatia? Quære in libris, inuenies nomina: quære urbem totā aut nihil inuenies, aut perexigua tantorum operum vestigia: tu de tuis quid speres videris. Certē Augustus omnium supremus, nisi aliud quā ædificia reliquisset, iam pridem omnis eius gloria corruisset: nec verò solum templa deorum quæ paraue-
rat in ipsos ædificantes ruere, sed pia etiam loca hoc ipsa ætate in eadem vrbe alia ceciderunt, alia tremuerunt, & nunc vix ponderibus suis stant, præter vnū Pantheon Agrippæ. quod diis erectū sancti possident & Ma-

ria, quæ antiquissimā illā domū sui nominis
virtute sustentat. Crede mihi aliis quā lapideis
fundamentis eget gloria vt mansura sit.
s p e s. Ex edificiis gloriam quæro. R A. Quære
illā igitur vbi est, nihil vnquam inuenies vbi
non est: vera quidē gloria nō est in mœnibus
neq; in faxis. Sunt fateor rerū vulgo indices,
qui dicant tribus modis gloriā quæri, gerēdo
magnum aliquid, quod de te scribant auctores
idonei, vel scribēdo aliquid quod mirētur &
legant posteri, vel insigne aliquid opus extruēdo,
vt sit ita, vltimū tamen hoc omnium
& minimum ac caducum. s p e s. Relinquo
opera ædificiorum, quibus moriēs ipse mecū
gloriosior & à posteris gloriam spero. R A T.
Gloriatus est Augustus ipse, de quo dixi,
quod urbem marmoreā relinqueret, quā lateritiā
accepisset, quæ tamē gloria nisi aliis
rebus adiuta esset, quonā fuerit peruentura
conspicimus, proinde cum melioribus curis
morere, stabilēsque spes amplectere. Ista
etenim quibus fidis, & nullius pretij sunt, &
te ilico consequentur inq; ipsam, vnde sumpta
terram reuertentur. s p e s. Aedificaui domos
vnde laudem spero. R A. Laudabunt forsitan
qui illas inhabitabunt. Breuis laus & angusta,
qui post venient, vel illas non inuenient,
vel à paganis, vt vulgo dicitur, factas
dicent, tuum nomen ignotum erit.

Spero gloriam exconuictu. **R A T.** Refert multum quibus conuiuas, sunt quidem utinamque non plurimi, quorum cōuersatio sit infamis. **S P E S.** Scio nisi bonis artibus aut bonorum contubernio gloriam non quæri: ego hoc ultimo subnixus spero, vel bonorū exēplo bonis fieri, vel si nihil aliud horū vel familiaritatis solā gloriā mihi fore. **R.** Est id quidē in adolescēte præcipuē signū optimū qui nisi bonū animū haberet, nequaquā iūgi bonis optaret. Est enim amicitiarū ac familiaritatū ferē omniū causa nexūsque similitudo quædā. Age ergo si quos imitaris, æquaue ris, bene erit. Si minns, modò quod in te est nihil omiseris, ipsa voluntas bona laudis & gloriæ præmio non carebit. Prima enim & maxima pars virtutis, est bonū velle, quod nī si præcesserit non sequitur virtus. **S P.** Familiaritate bonorum gloriior. **R A.** Laudo id quidem modò, nec te lucri cuiuspiam nec alia spes iuducat, eoque tua tantum pergat intentio ut similis illis fias: alioquin quod propter gloriam solam fit, veram gloriam non meretur. **S P E S.** Ex bonorum conuictu gloriam spero. **R A T.** Spes quidem magnā, nec improba quando & in scientia & in eloquentia & belli pacisque artibus obseruan-

do & imitando fit. Multi olim illustres ex conuictu illustrium euasere. Illud vide, ne aut tibi pro bonis ducibus malos elegeriser rore aliquo, aut bonorum flebili raritate & virtutum huius ætatis inopia prorsus assequi nequeas quod intendis.

De multiplici spe. Dial. cxxi.

S P E S.

Multa spero.. R A. Multa in spe multa est vanitas multusque fallendi aditus fortunæ. S P E S. Spero multa. R A T. Spem multiplicem multa destituunt, Qui modicum sperat, iter casibus arctauit atq; nihil obstruxit. S P E S. Valetudinem bonam spero. R A. Mortalitatis obliuionem. S P. Spero longam vitam. R A. Diuturnum carcerem, vbi multa feras, multa videas quæ nolis. S P. Membra viuacia. R A T. Vincula tenacia, grata tamen vnde metuas absolui. S P E S. Formam corporis elegantem. R A T. Voluptatum stimulos. S P E S. Annorum prosperos exitus. R A T I O. Pudendi materiam dolendique S P E S. Amicæ conuentam mortem. R A T. Breue fœdumque nescio quid. S P E S. Peccandi licentiam. R A T. Infœlix gaudium, pœnitentiam longauam. S P. Vltionis occasionem. R A. Aditum scruitæ. S P. Agile corpus ac validum. R A T. Mancipium contumax & rebelle. S P. Diuitias multas. R A T.
Gra

Grauem farcinam ex lappis & tribulis. SP.
 E diuersis æquoribus venturas naues. R A T.
 Late dispersam sortem intra monstra maris
 ac scopulos agitatam fluctibus, tractam funi-
 bus, pulsam ventis. S P E S. Lucrum de conce-
 ptis mercibus. R A T. Escam quæ te perpetua
 sollicitudine capiat lucroque vnico in multa
 credulum damno præcipitet, mercator no-
 uus est facilis ad credendum, expertus multa
 circumspicit. S P. Honestas filix nuptias fi-
 liove. R A T. Nulla ferme res tam crebrò fal-
 lit & tam grauitè. S P E S. Magnâ potentiam.
 R A T I O. Inuidiosam miseriam, opulentam
 inopiam, pauidam superbiam. S P. Regnum
 & imperium. R A. Præcipitium & procellas
 & sub stellanti diademate fuscum superci-
 lium, cor anxium, infœlicem vitam. S P E S.
 Honores fori. R A. Puluerem ac strepitum.
 SP. Coniugium & natos. R A. Litigium &
 curas. S P. Mihi militiam, & uxorem filio.
 R A T. Tibi laborem ac dilecto pœnam. SP.
 Vetulæ obitum vxoris, & coniugem iunio-
 rem. R A. Attrito laqueo dissolui, vt nouo &
 valido vinciaris. S P E S. Ingenium, linguam
 literasque. R A. Incudem, malleum & mas-
 sam, suibus tibi atque aliis somnum frāgas.
 S P E S. Laudationem superi. R A. Philome-
 nam surdo. S P E S. Auream pyramidem. R A.
 Domum pictam cæco. S P E S. Gloriam post

mortem. R A. Leues aurās post naufragium.
 S P E S. Nomen apud posteros. R A. Testimo-
 nium ab ignotis. S P. Hæredem meum. R A.
 Patrimonia amicum tuo, & tibi ne redeas.

De pace animi sperata. Dialogus CXXI.

S P E S.

A Nimi pacem spero. R A. Quid sperare
 maus quàm habere pacem? Hanc mox
 ut bona fide velle cœperis, inuenies. S P E S.
 Spero pacem animi. R A T. Pacem sperare
 bellantis est. Quis animo tuo bellum insert,
 nisi vnus tu? quod ipse tibi abstuleris impu-
 denter, ab altero postules aut speres. S P E S.
 Spero animi pacem. R A T. Vnde precor, aut
 quando speres quod ipse tibi nunc potes da-
 re? Sic ut illam tibi nemo alius quam tu pos-
 sit eripere? Pone arma cupidinum atq; irarū,
 plenam animo quæsieris pacem. S P E S. Spe-
 ro pacem & quietem animi. R A T. Quid
 igitur quod agis aduersum paci est, contrā-
 que tuam spem tantopere niteris? Vix tantū
 deberent niti homines ut salui essent, quan-
 tum nituntur ut pereant. Pluris penè bellum
 iuge animi laborque emitur, quàm emenda
 pax esset ac requies: sic pugnant spes morta-
 liū ac vota cū studiis, ut non vnus hominis
 vnū pectus sed multorum, eorūq; de omni
 bus dissidentiū videatur. S P. Quietē spero.
 R A T.

RAT. Mirū vnde vobis hæc libido sperandi
semper ô mortale genus. Siquidem quod spe
ratis adepti estis, rursus spē in lōginqua trans
mittas, & inde rursus alio, ita ne crastinus
dies hodierno sit clarior, & meliora semper
futura præsētibus. Sūt nēpe quib⁹ nil sit gra
tius quā sperare, qui spē ipsam speraturum re
rum nullis euentibus permutatā velint, qui
bus ego quid optauerim, nisi vt procrastinan
tes omnia, bonisq; se suis interim spoliātes,
inter irritas res senescant, quo vel sic intelli
gant inaniter sperasse, in tergum versi
videāt frustra se alibi quæsiuisse quod secum
erat. SPES. Spero pacem requiēmq; animi.
R. A. Magna pars rerū humanarū vmbra est,
magna pars mortalium vento pascitur & in
somniais gaudet. O quā multi cum hac spe
ad æternos labores & bella descendunt.

De spe vite æternæ. Dial. c x x i i.

S P E S.

Spero æternam vitam. RAT. Nulla ma
ior, nulla pulchrior, nulla sanctior spes,
modò non cæca præceps ve sit. Sunt enim
qui semper malè agendo bonum sperent,
quo nihil est stulti⁹. SPES. Aeternam vitā spe
ro. R. A. Est ea virtutum consanguinitas atq;
connexio, sicut à philosophis disputatum est,
vt necesse sit eum qui vnā habet, omnes
habere virtutes, cui illud est consequens, vna

virtutum carentem cūctis carere virtutibus
 quod si de mortalibus verū est, quid de theo-
 logicis opinemur? Itaq; si spem habes, chari-
 tatem simul habeas oportet ac fidem. Si qua
 harū defit, non iam spes vlla sed præsumptio
 inconsulta est. S P E S. Vitam spero æternam
 R A. Rem bonam, immo optimam speras: il-
 lud vide, vt quod bonum agis, agas bene. Sūt
 & qui bona malè agāt, nec minus infallibilis
 æstimator, qui qualiter. quā quid fiat aspi-
 cit, nec minus aduerbia quam verba librat ac
 nomina. S P E S. Spero vitam æternam. R A.
 Non cœlestes tantū, sed terrestres domini
 de se sperari amant, sed à quibus? profectò ab
 his quibus se charos ac dilectos sciunt, aut
 qui si quando forsitan odiosi fuerint ac rebel-
 les, redire in gratiam optantes ad misericor-
 diam confugerunt. S P E S. Vitam æternam
 spero, R A T. Vitam tēporalem corrige, hac
 ad illam pergatur. S P E S. Spero vitam æter-
 nam. R A T. Vna omnium spes est, quæ si rīte
 illam concipis & fœlicem te faciet & iam fa-
 cit. S P E S. Aeternam vitam spera R A T. Pri-
 mum est, vt misericordiam, de hinc vitam
 speres, vtranque sobriè ac modestè. S P E S.
 Spero æternam vitam. R A T. O fœlix nisi te
 spes ista fefellerit.

Finis libri primi.

Fran

FRANCISCI PET-
RARCHAE POETAE

*oratorisq; clarissimi, in operis sui de remediis
vtriusq; fortunæ librum secundum, quo de ad-
uersa disputatur fortunæ, Epistolaris Præfatio.*



X omnibus quæ vel mihi lecta
placuerint vel audita, nihil penè
vel insedit altius vel tenacius
inhæsit, vel crebrius ad me-
moriâ rediit, quàm illud He-
racliti, omnia secūdū litē fieri. Sic est enim: &
sic esse propemodum vniuersa testantur. Ra-
pido stellæ obuiant firmamento, cōtraria in-
uicem elementa configū: terrę tremūt, ma-
ria fluctuant, æc̃ quatitur, crepant flammæ,
bellum immortale gerunt venti: tempora tē-
poribus concertant, secum singula, nobiscum
omnia, ver humidum, æstas arida, mollis au-
tumnus, hyems hispida: & quæ vicissitudo di-
citur, pugna est. Hæc ipsa igitur quibus inti-
stimus, quibus circumfouemur & viuimus,
quæ tot illecebris blandiuntur, quanq; si ira-
sci cœperint sint horrēda, indicant terræmo-
tus & concitatissimi turbines, indicant nau-
fragia atque incendia seu cœlo seu terris sæ-
uientia. Quis insultus grandinis? Quænā illa

vis imbrum, qui fremitus tonitruū, qui fulminis impetus, quæ rabies procellarum, qui feruor, qui mugitus pelagi, qui torrentium fragor, qui fluminum excursus, qui nubium eursus & recursus & concursus? Mare ipsum præter apertam ac rapidam vim ventorū atque abditos fluctuum rumores incertis vicibus alternantes, certos statutosque fluxus ac refluxus habet, cum multis in locis, tum com spectius in occasu, quæ res dum manifesti motus latens causa quæritur, non minorem philosophorum in scholis, quàm fluctuū ipso in pelago litem mouit. Quid quòd nullum animal bellis vacat? Pisces, feræ, volucres, serpentes, homines, vna species aliam exagitat, nulli omnium quies data, leo lupum, lupus canem, canis leporem insequitur. Est & canum stirps audentior, non lupis modò resistere, sed leones, pardos, apros, ursos insectari solita atque aggredi. Quorundam verò tam generosa ferocia & tam nobilis fertur elatio, vt vrsos aprosque fastidiant, inque solos elephantes aut leones dignentur irruere, quateni vnum Alexandro regi missum contempnūque tali malè cognito contemptum occidique, iussu legimus, missūque inde alterum probatūque quæ decuit, dilectūque regi vnicè atque in delitiis habitū: nam ipsius canis erga hominem,

nem, cui fertur amicissimus, quanta sit charitas, nisi quam conciliat spes cibi, præter morsus & lattratus implacabiles, non tantum Actæonis fabula, sed discerptus verè probat Euripides. Vulpina fallacia vna quidè ex multis audita est. Piscatores cum ad urbem pisces deferrent, quod æstare libenter noctu faciunt, aliquando vulpeculam ceu exanimem calle medio transuersam habuisse, quam arreptam decoriaturi ex commodo, cum supra sarcinam proiecissent illā, ubi se piscibus affatim impleisset, subito profuuisse, mirantibusque illis atque indignantibus effugisse. Iam qui, oro, alij vulpium doli, qui luporum ululatus, quod murmur ad caulas, quæ coruorum miluorumque circa columbarum domos ac pullorum nidos vigilātia, quod inter se, ut perhibent naturale atque aternū odium? Alter alterius inuadit nidum, effractisque ouis spem prolis interimit. Nam cuculo non vnus quidem alterque est hostis, omnes ferè auiculæ illi insultant profugo semper & querulo. Quanam præterea & quales mustelarum contra aspides insidiæ? Quod circa diuitum thalamos acumen furum? Quam ex diuerso cuiusque pro se suo in genere exhibet, quantaque quamque vigil repugnantia est? Quis venatorum, quisve aucupum ac laqueos, quis piscatorum hamos ac retia, ho-

rumque omnium labores vigiliâsque explicet? aut hæc contrâ, ferarum, auium, piscium ingenia? Quæ cuncta quid sint aliud quàm litium instrumēta? Age quīnam asylorū aculei vesparūque, hīsque cum pestibus quæ bouum prælia, qui sudores? Nec maior canum equorūque aut reliquorum quadrupedum pax quiesce. Quæ muscarum æstiuâ tædia, quæ niuium (quas muscas albas ludo dicunt) hibernæ molestiæ? Quæ soricum perennis inquietudo, quæ pulicum pernox obsidio, quæ culicum lis diurna, quæ anguium ranarūque cum ciconiis, quæ pygmaeorū bella cum gruibus? quas inter Arimaspos & gryphes pugnas excitat auri sitis? vt quorū maior improbitas haud faciliè iudicē, nisi quòd illi rapinam, hi custodiam moliantur: illos auaritia stimulat, hos natura. Idem & custodiæ studium & prædæ distantissimo mundi tractu apud Indos inuenio: illic quoq; suum aurum contraparem gentis auaritiam formicis quibusdam incredibili mole & mira feritate tuentibus. Basiliscus angues reliquos sibilo territat, aduentu fugat, visu perimit. Elephantem draco spiris implicat seu perossis: est enim incertum. Vnde nonnullis animantibus inter se naturale odium, seu æstate algidum sitiens cruorem, quod & quidam tradidere, & pugne exitus facit vt credi possit:

sit: si verum est, alterum exanguem excicca-
 tumque enori, alterum verò fusi hostis hau-
 sto sanguine, ceu bello victorem, victumque
 delitiis & nimio potu ruptum cō mortuū-
 que percūbere. Multa prætereà genus hoc,
 atque imprimis acerrimus epotæ dolor hi-
 rudinis & visi vel auditi muris fastidia of-
 fendunt: mirum dictu, tantum animal & tan-
 tarum virium tam pusilli hostis horrere con-
 spectum. Sed sic sine lite atque offensione nū-
 genuit natura parens, leo ipse generosum ac
 securum animal, pro defensione fœtum
 ferrum spernens, non fortè visum terreat,
 nec aspiciens quidem rotarum strepitum va-
 cuos currus agentium, & gallinaceorum cri-
 stas, qui non stupeat, si vera fama est, magis-
 que etiam cantus, super omnia verò flamm-
 as metuere crepitantes traditur. Ea ergo
 huic generi lis propria est, præter illam com-
 munem feris omnibus venationem. Est &
 sua lis tigribus, raptæ prolis & profugi hostis
 ludificantis instantem atque ingenio retar-
 dantis. Lupo una semper cum fame perpe-
 tua rusticique ac pastoribus lis manet. Ve-
 nerosa loquor & ferocia. Quenā verò man-
 suetis gregibus est quies? Quantis nistibus,
 quantisque odiis confidunt lues & quantis
 armentorum duces? quenā inter illos cer-
 tamina? quenā fugæ? quæ victoris inio-

lencia? quis victi dolor? quæ iniuriarum recordatio? qui reditus ad vindictam? quis non legendo perpendit, vt poëtarum ingenia, & bellaces exrcent tauri, & inter se aduersis luctantes cornibus hædi? quid de alijs? Lis omnibus vna est: nîlque nõ secundum litem fit, quando nouum ad præsepe hospes equus, quando plures aduena quietum cibum inter pares sumpsit? Quis non illud aduertit gallinis scetantibus pro imbecilli familia, quantus ardor, impatientia quanta sit? quanquam est id quidem commune omnium. Nullum tam mite animal quod non amor sobolis ac metus exasperet. Galli se calcaribus impetunt & natura & cruore rutilas cristas inter vulnera detinent, totis corporibus obnixi, tantum inuidiæ, tantúmque superbiæ paruo regnat in pectore, tanta vincendi cupiditas, tantus cedendi pudor est. Anatum atque anserum pertinaciam quis non vidit, vt pectoribus se perurgent, clangoribus increpitant, alis diuerberant, rostris hærent? Et quidem in ferocibus minus miri, vñtatum enim & commune est, vt animalia maiora minorum pernicies ac sepulchrum sint. Fera feram, auis auem, piscis piscem, vermem vermis rodit: quin & littoreæ volucres, aquatica quæ quadrupedes. æquor, stagna, lacus, & flumina rimantur, exhauriunt & infestant,

vt mihi omnium inquietissima pars rerum
 aqua videatur & suis motibus & incolarum
 perpetuis acta tumultibus, quippe quæ no-
 uorum animantium ac monstrorum feracis-
 sima esse non ambigitur, vsque adeo, vt vulgi
 opinionem, ne docti quidem respuant, omnes
 prope quas terra vel aër animantium formas
 habet esse in aquis, cum innumerabiles ibi
 sint, quas aër & terra non habent, & in his
 quidem ferme omnibus præda vel odium
 litem parit. Quid quòd his cessantibus, lis
 non cessat? Age enim in amore quantus ze-
 lus, quanta in coniugio dissonantia, quot que-
 relæ, quantæ suspiciones amantiam, quæ su-
 spiria. qui dolores, quanta non dicam domi-
 norum ac seruorum, qui non ideo minus in-
 festi, quia domestici hostes sunt, cum quibus
 nulla vnquam pax speranda, nisi quam vel
 mors fecerit vel paupertas. Non dicam fra-
 trum, quorum gratiam raram ipsa veritas
 ore Nasonis testata est. Non filiorum in pa-
 rentes, quod eiusdem poëtæ carmen canit,
 sed parentū quorum opinatissimus est amor;
 quanta indignatio in filios, quos dū bonos cu-
 piunt, malos lugent: atque ita quodammodo
 dum valde diligūt, oderunt. Et fraternū qui-
 dē paternūq; vincli non tē arctissimi, sæpe
 sine amore, interdūq; cum odio videmus.
 Veniam ad amicitiae sanctum nomen, quod

ab amando dictum, absque amore nec esse
certè nec intelligi potest. Quanta vero in
amicis quanuis finium concordia, via tamen
actuumq; discordia, quanta opinionũ atque
consiliorum conflictatio est, ut vix Cicero-
niana diffinitio stare queat. Sit etenim licet
inter amicos beneuolentia & charitas, deest
tamen illa omnium diuinarũ humanarũque
rerum cõsensio, ex qua ille diffinitione con-
ficit. Quid in odio speres igitur? Est & in amo-
re odiũ, & in pace bellũ, & in cõsensione dis-
sensio. Ostendã tibi sic esse ex hisipsis quæ af-
siduè in oculis sunt. Feras aspice, quas ferro
indomitas, omnipotēs amor donat, intende
animum, leonæ, tygres, vrsæ quãto cum mur-
mure veniũt ad id quod cupidissimè faciũt
non cupidas, sed coactas putas. Ferarũ alia
dum coeunt magnis stridoribus, alia rapidis
vnguibus inquietæ sunt. Iã si credimus quod
de natura viperea magni scribunt viri, quan-
ta rerum contrarietas, quantumq; litigium:
matris caput sua quadam naturali sed effra-
nata dulcedine in os viperæ insertum, illa
precipiti fervore libidinis amputat. Inde iam
pregnans vidua cum patiendi tempus ad-
uenerit, sætu multiplici prægrauante. & ve-
lut in vltionem patris vno quoque quampr-
imum erũpere festinante discerpitur, ita duo
animantiũ prima vota proles & coitus huic
gene

generi infausta pœnitulque mortifera deprehenduntur, dum marem coitus matrem partus interimit. Apum aluearia contemplant, quæ illa cōcursatio, qui strepitus, quæ nam non modò bella cum proximis, sed ciuiles, vt ita dixerim, discordiæ ac bella domestica. Columbarum nidos intueresimplicissimum animal, & vt memorant, felle carens, quantis quæso cum præliis quantisque clamoribus vitam ducit? indisciplinatis in castris ac barbaris esse videare, adeò nec luce pacati aliquid nec nocte quidem videas. Mitto autem insultus in alterutrum: ipsum in se vinclo mutuae voluptatis astrictum par, eamque ob causam Veneri sacrum, quantis querimoniis ad optatum fertur, vt sæpe columbam circumit, sæpe alis rostroque persequitur suus amans. Ad munitissima te remittam, quæ non vt minor, sic & minus spectabilis minúsue laboriosa materia est. Quenam ergo aranearum insidiæ & quam vigil intentio, quæ captandis infirmioribus telarum scæna, qui retium obtentus fallaciis ac rapinis? Quid pannis tineæ, quid caries tignis, nocturnique vermiculi nō sine tædio & obtuso quodam sub strepitu trabiū viscera fodientes? Illarum maximè quibus cædendis lunæ ac mēsum observatio diligens sit neglecta: quæ latēs pestis vt fumosis rectis agrestium,

fic auratis regum laquearibus insultat templis quoque sacratis & altaribus, sacrisque opibus philosophantium non parcat, quin & librorum postes & membranas & literas: addam quod nisi pice liquida leuique incendio sit occursum, nonnunquam periculi vel nauis fragij etiam causa est, & maria ingredi & carinas nauium terebrare causa, sæpè bellum graue nescientibus intulit. Præterea quid bruchus oleribus, quid segetibus locusta, quid messibus seu anser aduena, seu passer indigena, seu grus domicilij translatrix, volucresque aliæ importunum genus? Vnde illud Georgicum Virgilij, quod mirari soleo, iam non miror vt aues sonitu terreantur. Rure enim nunc Italico habitanti, vnum hoc ex multis æstiuis tædiis esse cœperit. Sic mihi ad vesperam & insultus volucrum, & lapidum collisio & villici clamor durat. Ad hæc quid ericius vindemiæ, quid erugo herbis, erica frondibus, talpa radicibus? Quid postremo areis horreisque gurgulio, atque inopi metuens formica senectæ, vt ait ille, quis feruor & perexigui animantis inquietudo, vt dum brumæ suæ consulit nostram turbat æstatem? Tardus essem ad credendum aliis: expertus scio quanto non solum tædio, sed & damno sit puluerulentum illud, ac trepida semper expeditione festinum agmen,

vt

ut non tantum agros sed arcas & thalamos
& promptuaria populētur. Iam credere inci-
piam Pisanis in finibus castrum, quod haud
longè à mari nauigātibus ostenditur, formi-
carum scatebris ac diluuiο desertū. Tale ali-
quid Vincentinis quoque memorant in fini-
bus. Et ego vel vtrobiq; vel vbiq; fieri posse
crediderim; sic me nuper nō agresti, quidem
sed vrbana paulominus pepulerunt domo ut
ignis & calcis, ad extremum fugæ rerū reme-
dio opus esset: Apuleiōq; fidem habeā, con-
sumptū ab his hominē, etsi desit mel, mirari-
que me non negem, quid est quòd quidā so-
licitudinis exemplū proposuere formicā, alij
de hac longos texuere sermones, parsimo-
niam atq; industriā prædicātes? Bene hercle,
si omnis sollicitudo laudabilis esset: exēplum
fortasse igitur prædonibus idoneum, non his
quibus de suo viuere sine cuiuspiam iniuria
mens est. At sollicitū animal, quis nescit, sed
improbū, sed iniustū. raptο viuens, nullius in-
dustriæ nisi in malum, nullius vsus, at incom-
modi tædiūq; multiplicis: cur igitur hoc exē-
plum dederint, cur hoc animal laudauerint,
dico iterū miror, præcipuè cūm adesset apis
industriū prouidētissimūmq; animal, nulli
noxium, multis vtile, sibiq; & aliis arte qua-
dam naturaliter insita & suo illo nobili la-
bore subueniens. Quid nunc ego damnosam

eloquar vbertatē & excreſcētīnū luxuriēti
 foliorum, cōtra quā peruigil excubat, & præ-
 duris vnguibus armatus agricola & vlticif
 ſuccinctus falce frōdator? Quid lappas & tri-
 bulos atq; annuam tempeſtatem renaſcentiū
 ſtirpiū ac radicū, litium ac laborum materiā
 immortalē? Quid imbriū bella furentium, &
 moles niuium & vredinē pruinarū, & aſperi-
 tatem & violentiam glaciei, & torrentiā re-
 pentinos impetus, & vaga fluminum incre-
 menta, totas ſæpe regiones & magnos popu-
 los, ſed imprimis ruſticorum ſepta quaſſan-
 tium, quorum in tot malis vix terreſtris & in
 terram ſemper accliuſ igitur vita? Atque vt
 delicatorem ac diuitū de tædiis aliquid di-
 cam: quis nocturna auium bella non pertu-
 lit? Bubones ſtrigēsque & oblatruntium lunę
 canum ſuperuacuas excubias, & catas in
 regulis, nundinantes ac tranquilla ſilentia
 horrendis occētibus & clamore tartareo in-
 feſtantes, & mœſti ſoricum occētus, & quic-
 quid inter tenebras importunū ſtrepit? His
 accedunt & nocturna ranarum coaxatio, &
 matutini planctus hirundinum ac minæ, ad-
 eſſe Itym putes ac Tereum. Nam diurnam
 auium quietem, & cicadæ ſtridulæ, & pro-
 caces corui, & rudentes impediunt aſelli, &
 balatus pecudum, & mugitus boum, & ma-
 gno precio parua oua vendentium galina-
 rum

rum conuentus inconditus sine carēs. Super omnia verò vel suillus stridor, vel vulgaris clamor & stultorum risus, quo inepto res ineptior nulla est, vt Catullus ait: & ebriorum cantus ac gaudia quibus nihil est tristius, & ligantium quærelæ, & anile conuiuium seu garritus: & puerorum nunc prælia, nunc lamenta, & nuptiarum vel cōiuiua turbida vel choreæ, & vxorum viros arte lugentium læti fletus: & parentum veri natorum in mortibus eiulatus: adde his fori turbas ac strepitum, altercationesque mercantium & ementium, hinc contemptus, hinc vendentium iuramenta. Adde hinc artificum laborem voce mulcentium mæstos cantus: hinc fidelibus lanas ac vellera conglobata pulsantium, iniucundam musicam, & telas pectinis pererrantis: hinc follium fabrilium raucos flatu, & acutos sonitus malleorū, quibus scissa æquis partibus hiberna nox additur, vt nullum vel quieti datum tempus litibus sit immune. Vt verò insensibilium rerum genus attingam, quid vel cum ferro magnes habet, vel cum magnete adamas, quorum & si causa litis occultior, lis aperta est. Magnes siquidem ferrū trahit, adhibe adamantem, trahere desinet, remittetque si traxerit. Vtrobique vis mirabilis, seu quòd pigro & informi lapidi natura quasi manus atque vincos

dederit aduersus rigidum ac præualidum metallum, seu quòd illos sibi de lapide altero astante surripuerit, quæ non primæ litis finis, sed noua lis est. Et si hoc vltimum multi negent, mihi enim experiendi hæctenus, vel occasio defuit, vel voluntas: itaque nihil affirmo. Primum verò notum adeò vñe affirmari quidem sit necesse. Verum ego breui nimis in tempore, & angusto in spacio opus ingens inrgno impetu aggressus, iam hinc video ad hanc rē plus mihi animi esse quàm virium. Nec mihi, nec cuiquam sanè vnum hoc agenti ex commodo, facile futurum singula prosequi, ex quibus appareat omnia secundum litem fieri, quæ seu magna, sed parua magno miraculo fiant, licet nondum tamen illud maximū stupendūq; inter summa & extrema naturæ prodigia numeratum attigi, sed attingam paucis, Echeneis semipedalis pisciculus, nauim quanuis immēsam ventis, vndis, remis, velis actam, retinet, solus elemētorum atque hominum vim retundēs, nullo quidem actu alio quàm nauigij postibus adherendo, nullo demum conamine, sed natura ipsa. Quòd & si scriptis illustribus insitum, è numero tamen incredibilium haberetur si de Oceano, Indico fortassis aut Scythico scriptum esset, & non potius in nostro mari moustrum hoc Romanis imperatoribus

bus accidisset. Animaduersa enim moræ causa, quòd tota classe prodeunte, nauis vna velut in anchoris staret, neq; prorsus loco moueretur, dimissis pelagi expertis, manu, ut dicitur, comperta veritas, & lunacis instar piscis clauo insidens, inuentus, atq; offensus est principi dignanti tantum in se potuisse tantillum animal, idq; vnum præcipuum admiranti quod in nauigium receptus, tantam illam exterius inhærendi efficaciam amisisset. Nam illud alterum monstri genus nõ siluisse equidẽ quàm affirmasse maluerim, cuius apud nos nescio quàm verax, sed noua utiq; & ob id ipsum suspecta mihi est fama. Esse circa mare Indicum inauditæ magnitudinis auem quandam, quam Rochum nostri vocant, quæ non modò singulos homines, sed tota insuper rostro prehensa nauigia secum tollat in nubila, & pendentibus in aëre miseros nauigantes aduolatu ipso terribilem mortem ferat. Quanta verò vis avaritiæ est, quæ neq; aliis multis, neq; hoc vno tam inmani periculo à nauigatione deterritos sequaces suos prædæ avidos prædam facit? Iam verò ut de inuisibilibus aliquid ad inceptum trahā, quanta commixtione contrariorum sit votiuæ temperies, inter quas contrarietates aduersantiū extremorum ad medium virtutis, per quas differentias quantāmq; discordiam vocum

ad

ad musicam concordiam pervenitur? Denique quæcunq; sunt, excute, & percurre animo cælum, terras, maria, æquæ in sommo æthere & in fundo pelagi: inque imis terræ certatur hiatus, æquæ in sylvis & in agris, æquæ in desertis arenarum & in plateis virbium his æterna est. Ne enim varietate rerum ab incepto deviem, taceo quod iam inde ab ipso mundi primordio inter æthereos spiritus in ipsa cæli arce pugnatum est, hodieque in hoc tractu caliginosi aeris pugnari creditur: taceo quod in illo cœlesti congressu victi angeli victoribusque iam suis facti impares dum in nos mortales terræ accolæ vlcisî student, immortale nobis bellum tentationum variarum durumq; negocium atque ambiguum peperere. Taceo quod, ut omnia, & quæ sensu carent, & quæ sentiunt in vnum cogam, à supremo cæli vertice, ut dixi, usque ad infimum terræ centrum, & à principe angelo usque ad minimum & extremum vermem iugis & implacabilis pugna est. Homo ipse terrestrium dux & rector animantium, qui rationis gubernaculo solos hoc iter vitæ & hoc mare tumidum turbidumq; tranquillè agere posse videretur, quam continua lite agitur, non modò cum aliis, sed secum, de quo mox dicâ. Nunc de primo agendum: siquidem nihil mali est quod non homo

mo in hominem machinetur, ut cætera hominum mala undecunque veniētia seu à natura, seu à fortuna, huic vni collata lenia quædam incommoda videantur. Id enim vero si ad plenum aperire voluero, id quod nolum, quodque à proposito longe est, & omnis humanorum actuum scæna retegēda, & omnis æui historia retexenda erit, hoc vnum dixisse satis sit. Quia si nulla vnquā alia quā Romanorum bella toto fuissent orbe terrarum, abunde bellorum esset & litium. Addē sententiarum dissonantiam & inenodabiles rerum nodos: quis scētarum varietates aut philosophorū bella dinumeret? Populorum & regum prælia quiescere, philosophi non quiescunt, & pugnant illi de eo quod cum huius esse cœperit, esse desinit illius. Hi de veritate litigant, quæ vna simul omnium esse potest, neque hanc litem aut quæsitæ veritatis splendor, aut Academicus vnquam valuit finire Carneades philosophicæ sequester pacis anxius, sed irritus, ut non ineleganter mihi quidam dixisse videatur. Annæus Seneca, ubi horologia philosophis confert, quod scilicet par vtriusq. discordia est. Idq. quam verum sit, quisquis & philosophis animum & horologiis autem dedit, intelligere potuit. Nec verò aliorum doctrina tranquillior. Quæ grammaticorū adhuc sub iudice lis existēt

qui conflictus rhetorum? quæ dialecticorum
altercationes? quæ denique artium omnium
discordiæ? qui clamores inter causidicos?
quàm bene cōueniat ipsarum causarum im-
mortalitas probat. De cōcordia medicorum
testimonium sit ægrorum. Vitā certè quàm
breuem dixere, sæpe suis litibus facere bre-
uissimam. Quāta est præterea de sacris & de
religione difformitas animorum, nō tam li-
teratorum verbis hominum quam populo-
rum armis, & campo sæpius commissā quàm
scholæ. Ita cum vna sit veritas, vnumq; sit in
rebus verum: cui, vt ait Aristotel. omnia con-
sonant, de hoc ipso tam dissonæ pugnantēsq;
sententiæ ipsos veri agitat professores. Quid
de communi vita deq; actibus mortaliū lo-
quar? vix duos in magna vrbe cōcordes, cum
multa, tum maxima ædificiorum habituūnt-
que varietas arguit. Nam quis vnquam tam
locupletis delicatūq; patris familias nact⁹ est
domum, vt non ibi multa mutauerit, vt quod
vni studium fuit extruere, alteri sit voluptas
euertere. Testantur mutatæ sæpius fenestræ,
obstrusa ostia, passimq; vetustis in parietibus
nouæ indicant cicatrices. Neq; in alienis id
tantum, sed in nostris patimur, sua dum cu-
iusq; sententia secum pugnās, quod ait Flac-
cus: diruit, ædificat, mutat quadrata rotun-
dis, quo luce clarius fiat, quis nostrum, quis-
que

que cum aliis, quisve secum sit. Iam qui vestitum modus, quive habitus, triduum totum nostris duras in urbibus, quæ municipiorum scita, non ut longæva essent cum suis latoribus defierunt. Ad hæc quænam ducum in ordinanda acie, quænam magistratuum in ferendis legibus, quænam nautarum in capiendo cōsilio disparitas quæve discordia est? Didici hoc ergo vltimum magnis sæpe periculis meis, dum mari cæloque mortem minitantibus nocte simul ac nubibus cuncta terrarum ac stellarum signa regentibus, puppe iam fatiscēte & semioppleta fluctibus, nature de summa rerum media in morte contrariis studiis atq; opinionibus obstinatissime litigarēt. Adde in quibus sine aduersario lis est: quæ scriptorū prælia cum mēbranis, cū atramēto, cū calamis, cū papyro? Quæ fabrorum cū malleis, cum forcipibus, cū incude? Quæ aratorum cū stiva, cū vomere, ipsi q; cū glebis, & cū bobus? Quæ militum, non dico cum hoste, sed cū equis atq; armis propriis, dum & illi rebellant & hæc prægrauant aut comprimunt? Quid dictantibus scribentibusque negocij est, dum hos inexpletum loqui multa cogit intentio, illos vel expleta percipere vetat, hinc inscitia, hinc volatilis & inconstans animus semperq; aliud cogitans quam quod agit? Sed quid lingillatim ago? Nulla mercha

nicarum difficultatibus suis vacat. Reliquæ
verò & quiddam notæ dulcedinis, sic laten-
tis amaritudinis multum habet: nilq; eorum
etiam quæ delectat sine lite agitur. Iam quæ
infantium bella cū lapsibus, quæ puerorum
rixa cum literis amarissimè ferentium, quod
prædulciter metant. Quænam insuper ado-
lescensium lis cum voluptatibus, dicam ve-
rius, immo quæta tecū lis, affectuūq; colli-
sio? Cū voluptatibus est nulla lis penitus, sed
consensus est omni lite funestior. Credo ex-
pertus, nulli hominū generi, nulli ætati plus
litigij esse, plus inextricabilis laboriosiq; ne-
gocij. nullos hominum tam lætos videri, nul-
los esse tam miseros aut tam mæstos. Postre-
mò quænam foemina puerperij difficultas,
quantūque discrimen? Quænam viris cum
paupertate atq; ambitione luctamina? Quæ-
ta vitæ plura quàm expedit satagētis anxie-
tas? quod denique illud senum cum ætate ac
morbis propinquante morte, quod omnium
ipsa cum morte, quiddq; ipsa quoq; est morte
molestius, cum perpetuo mortis terrore cer-
tamen? Possem hunc sermonem nulle rerum
argumentis excedere, sed si, vt libro superio-
re voluisti, sic epistolam quoq; hanc prologi-
locum obtinere, & libri huius partem esse
valueris, iam hinc video quātū hæc ipsa
præfatio libri modum excedat itaq; frenan-
da

da curiositas & cohibēdus est stilus. Ad summā ergo omnia, sed imprimis omnis hominū vita lis quēdā est. Verū hac externa lite interim omīssa, de qua paulo ante diximus, & quę minor vtinā, & ob id minus omnib. nota esset: lis interior quanta est? neq; enim solum cōtra aliā, sed contra suā, vt dixi speciem, neq; cōtra aliud indiuiduū, sed cōtra semetipsum, idq; & in superficie ista corporea quę nostri pars vilissima atq; vltima est, & in intimis animę penetralibus quisq; secū assidue bellū habet. Nam & corpus hoc quam contrariis æstuet ac turbetur humoribus, ab his quos phisicos dicūt, quære: animus quam diuersis quamq; aduersis secū pugnet affectib⁹, vnusquisq; non alium quam sese interroget, sibiq; respōdeat, quam vario quāq; reciproco mētis impulsu, modo huc rapitur, modo illuc, nusquā totus, nusquā vnus, secū ipse dissentiens, se discerpēs. Nā vt sileam reliquos motus, velle, nōlle, amare, odisse, blandiri, minari, irridere, fallere, fingere, iocari, flere, misereri, parcere, irasci, plarari, labi, deiici, attolli, titubare, subsistere, progredi, retrouerti, iuchoari, desinere, dubitare, errare, falli, nescire, discere, obliuisci, meminisse, inuidere, cōremnere, mirari fastidire, despiciere, simulq; suspicere, & quę sunt eiusmodi, quibus utiq; nihil incertius fingi potest, quibūsvē sine vlla

reque ab ingressu vsq; ad exitū fluctuat vita
 mortalis. Quænam tandem illa passionū qua
 tuor tēpestas ac rabies? sperare seu cupere &
 gaudere, metuere & dolere, quæ rerum inter
 scopulos procul à portu miserum alternis fla-
 tibus animum exagitant, quas alij fortasse
 immo certè aliter, sub vno nè integro quidē
 versiculo, & vt Augustino placet, notissima
 veritate Virgilius strinxit, de quibus ad vitan-
 que partem & plura quidem & pauciora dici
 posse scio. Verum ego nec breuitati admodū
 studui nec copix, sed quæ de communi vita
 hominū, quo se obtulerūt ordine, scriptis in-
 serui, ne legētem, vel inopia, vel fastidio fati-
 garē. Neq; verò te moueat fortunę nomē, nō
 tantū in ipsis inscriptionibus, sed in opere
 repetitū. Sæpe quidē ex me quid de fortuna
 scientiam audisti. Sed cū his maximè qui
 doctrina minus fulti essent hæc necessaria
 præuiderem: noto illis & communi vocabu-
 lo vsus sum, non inscius quid de hac re latē
 alij breuissimēq; Hieronymus, vbi ait, nec
 fatum, nec fortuna, communis ergo acies,
 suum hic loquendi morem recognoscet: do-
 cti autē qui perrari sunt, quid intendā scient,
 nec vulgari cognomine turbabuntur. Bipar-
 titi saue operis passionū ac fortunæ de parte
 altera quæ visa sunt, diximus, de altera quæ
 dehinc visa fuerint, dicemus.

DE DEFORMITATE
CORPORIS, DIALO-
GVS PRIMVS.



DOLOR ET RATIO.

DOLOR.



GISSE mecum nimis illibera-
liter naturam queror, quæ de-
formem genuit. R. O quot fa-
ces extinxit, quot occurrit in-
cēdiis. D. O L. Deformem genuit

natura. R. Non dedit quod delectet, si quod
profit dedit, satis est, mitte querelas. D. Nō de-
dit formæ gratiā natura. R. Dare noluit quod
agritudo corrumperet, quod senectus eripe-
ret: dedit sortē quod nec mors ipsa contin-
gere audeat. D. Formam corporis natura
negavit. R. Si formam animi largita est,
maximi debitor, exigui repulsam alta men-
te despicio, & offensam speculi conscien-
tia solare. D. Invidit natura formam corpo-
ris. R. Non invidit, sed erubuit dare quod quo-
tidie minuatur & pereat. Vera liberalitas mā-
suro munere noscitur. Putria & caduca auarī-
etiam donant: forma fugax & fragile naturę
donum paucis ad utilitatem, multis ad per-

niciem , nulli ad salutem verámque gloriam
data est. DOLO R. Forma mihi corporis nega-
ta est. R A T. Raro admodū forma insignis ho-
nestásque vno sub lare habitāt : bene tibi ac-
cidit si peiori exclusa, hospes melior tecum
est. D O L. Nullum formæ decus obtigit. R A.
Quid hinc doles , aut quid penitus sanctum
piúmque animo voluis ? In quod tibi necessa-
riam aut omnino vsui & non potius impedi-
mento esse corporis formam putes ? Multos
forma fecit adulteros , castum nullum. Mul-
tos per lubrica voluptatū duxit ad infamen
mortem qui deformes sine dedecore perí-
culóque vixissent. Et quid multos dixi ? Innu-
merabiles in discrimen , ferè omnes in cri-
men trahit. D O L. Cur me deformem genuit
natura ? R A T. Vt ipse te ornares ac formo-
sum faceres ea forma quæ tecum esset in se-
nio, in grabatulo, in feretro, in sepulchro : es-
sétque tua non naturæ laus aut parentum. Pul-
chrius est pulchrum fieri quam nasci. Illud
enim casus hoc studij est. D O. Corporis mul-
ta deformitas me premit. R A. Deformitas
quidem hæc apud quosdā infelicitatis quæ-
dam portio est. Tu crede dicentibus, non de-
formitate corporis foedari animum, sed pul-
chritudine animi corpus ornari. Non te hoc
igitur inhonestat aut premit , sed honestandi
animi materiam assurgendique ædium per-
virtu

virtutes aperit. D O L O R. Deformem natura
parens genuit. R A. Si deformem Helenam
genuisset, vel, vt viros loquar, si deformem
Paridem, fortasse Ilion adhuc staret. D O L O R.
Deformis in lucem æditus queror. R A. Pau-
ci boni formã corporis amarunt, nullus opta-
uit, quidam etiam proiecerunt: quod fecisse
laudatur ille Tuscus adolescens qui præclari
vultus eximiam speciẽ, quam suspectã mul-
tis aduersumq; famæ suæ senserat & pudici-
tiæ alienæ, illatis sibi sponte vulneribus de-
formauit, quam tibi dissimilis qui id optes
quod ille sibi abstulit, & quo rari nunquam
innocue vti sint. D O C. Forma careo. R A. Tu-
tius est caruisse quo in experimētum tui an-
ceps ac laboriosum sæpe venturus sis. Multis
forma nocuit, cunctos exercuit, quosdã post
insultus varios molliuit & vinci faciles dedit
atque ab honestate transuersos in culpam tru-
sit. D O L. Deformis & brevis nimium statura
est. R A. Non est vt reris prosequendũ que-
relis incommodum, longè conspectior est
statura brevis; expeditior agiliorque. D O L.
Statura perbrevis est. R A. Quid vetat, vt in
parua domo magnũ virum, sic in paruo cor-
pore magnum animum habitare? D O L. Cor-
pus exiguum est. R A T I O. Id scilicet lamen-
taris quod te ipso non es ornatus, sed levis &
facilis & ad cuncta versatilis. D O L O R. Per-

exiguum est corpus. R. Quis vnquam de exigua conquestus est sarcina? Iusta hercle dolendi causa quod non pressus male corporea, sed indutus, neque ipse tibi tædio, sed vsui sis. Do. Contemptibili sum statura. R. Vt gloriosum nihil nisi virtus, sic contemptibile nihil nisi vitium. Nullam virtus respuit staturam, D. Exigua corporis statura est. R. Non staturam corporis virtus exigit, sed animi. Hæc si longa, si recta, si ampla, si magnifica, si decora est, sit illa altera qualiscūque, nihil ad rem: non solum domi, sed ne militiæ quidem nisi magis obesse videretur. Nosti vt Marius summus dux, non longos, sed torosos & validos milites eligebat. Id quàm fœliciter, quàm consultò faceret, crebrę & ingentēs indicant victoriæ. Habet corporum proceritas maiestatis plusculum, non vigoris. Do. Brevis est statura. R. Hæc non impedit quin vir bonus & magnus esse possis. Insuper & rex si fors tulerit & imperator. Et si enim Africanus Scipio celsus corpore, Iulius Cæsar statura fuerit excelsa, breui tamen Alexander Macedo & Augustus Cæsar, nec eorum magnitudini breuitas obfuit, nec detraxit famæ. D. Vellem esse altior & maior. R. Assurge animo, cresce virtutibus, maior eris atque altior. Hoc vtilius, hoc facilius, incrementum. Do. Cuperem esse formosus. R. Disce ama-

re atque optare meliora. Stultum est amare periculum suum: stultum optare quod nullo studio quæri potest. Nēpe si contra naturam formosus fieri studeas, nil ultra proficies, quàm ut deformior videare. D. Formosus esse nequicquā nitor. R. Nitere autem bonus esse, id non frustra enim facies. Hoc inter multa præcipuū virtus habet, quæri potest, eripī non potest. Cū reliqua in arbitrio sint fortunæ, nec obstante illa quæri valeant nec seruari: sola virtus fortunæ legibus libera est, atque illa obluētante clarius nitet:

De imbecillitate. Dialog. II.

DOLOR.

Natura me genuit imbecillem. R. Ut in putri vagīna ensis ferreus, sic in fragili corpore fortis sæpe animus latet. DOL. Imbecillis natus sum. R. Non eris idoneus vectandis oneribus aut aruo sodiando, sed honestis studiis, sed iustis imperiis. Sic in naui robustior quisque remum agit, at prudentior clauum regit. Vita quasi naui rerum fluctibus & mūdi pelago iactata suos remos habet suūque gubernaculum à vilioribus repulsus officiis ad nobiliora conuertere. D. Imbecillem genuit natura. R. Quid si robustissimum genuisset? An perpetuum

robur erat, an non robustior senectus & robustior ægritudo? Vt fileam casus innumeros qui repente totum hominem debilitant atque enervant: animi robur optabile est, quod nec dies minuit nec fortuna. D O. Corpore imbecillis sum. R A T I O. Animum foue atque exerce suis artibus, quas meliores esse diuturnioresque non ambigis: laborem corporis linque ruriculis, nautis, fabris. D O. Nullæ mihi ab origine fuere vires. R A T. At id ipsum non habuisse, quàm perdidisse tolerabilius est. Nempe si fuissent non mansissent: nam & Milonis senuerunt vires, & Herculis senuissent. Non sic Socratis, non Solonis, non Nestoris, non Catonis. Melioribus vtere: nil potest delectare magnum animum quod non dūret. D O. Corpusculum imbecille est. R A T. Si organum inhabitanti animo sufficiens fuerit, satis est virium. Corpus nanque propter animi seruitium fecisse naturam, nemo tam corporis seruus est, qui nesciat id si proprio munere fungitur: quid accusas seu quid amplius requiris? Nā qui ingenio fragiles, corpore preualent, hi beluis proxime accedunt, & sæpe quod miserum est aliis seruiunt. Sæpe verò quod miserrimum atque vbi humanæ miseriæ summa est, animū ipsi suum seruire corpori suo cogunt seruire fœdissima. D O L O R. Corpus inualidum est mihi. R A T.

Vera

Vera & generosa vis hominis in animo est. Corpus est quasi, quædã domus animi, quàm robusta, quàm fragilis, nihil ad hospitem, paucorum præcipue dierum, modo ne corruat, tunc migrandi necessitas in aliud, idq; perpetuum domicilium hinc exclusos transfert. Plus dicerem si plus capere posses, nec vulgari strepitu prorsus obsurduisses, corpus ipsum non animi domum esse, sed carcerem, nec amicum certe, sed domesticum hostem, cuius tibi fragilitas sit optanda, quo tu liber maturius sis ac victor. D O. Nullæ sunt mihi vires. R A T. Nullæ penitus dum valeas, non sunt: quod si non vales, alia est querela. Non ergo nullas vis dicere, sed paruas vires. Non es robustus, ut ille coænaneus tuus, neque is ut ille alius, neque illè ut bos utq; elephas: suus cuique virium modus est, cuique quod sat esset indulgentior natura distribuit parës optima, & suorum fortuum amantior quàm quisque sui. Non potestis de defectu queri, de imparitate querimini. Turbidum genus & querulum, qua sublata mundi decor intereat necesse est, sic quod optimum est in rebus, id fertis ægerrime.

De aduersa valetudine Dialogus. III.

DOLOR.

AT aduersa valetudo est. R A T. Quod exspectabam audio, cognatæ etenim sunt

querelæ. At si caro spiritui hostis est, vicissimque contra se militant, quod in se expertus ille magnus veri amicus, in omnibus verum dixit, cōsequēs est, ut quod alteri obest, profit alteri. Quod si spiritus carne nobilior meliôrque est, cui maximè sit fauendum, vides ac fertassis intelligis valetudinem, quam aduersam dicis, esse prosperrimam. BO. Invalida valetudo est. R A T. At est valida hortatiix parsimonix, dehortatixque libidinum, & magistra modestix. DO L. Mala est valetudo corporis. R A. Si valetudo animi bona est, pone sollicitudinem, quicquid corpori euenerit, saluus es. DO. Corpus ægrum infirmumque est. R A. Multis ad salutem animæ profuit corporis ægritudo. Ille vir altus ex humili ex aquis vectus ad sidera, cælique clauiger effectus, cuius umbra sola morbos corporum molestasque pellebat in interrogatus aliquando cur filiam ipse suam graui morbo pressam fineret, respondit: sic expedit ei. Tu quid scis, an & tibi sic expediat? DO. Diu corpore sic affectus sum. R A. Ille idem de quo loquor, filiam mox ut tutò sanam fieri posse cognouit, & sanauit & sanandis aliis habilem fecit. Et tu facito ut segura tibi sanitas tua sit, fortasse sanabere. Denique, quod tuum est, animum cura cælestique medico curandum offer. De reliquo

vnũ hoc intrepidè dixerim, & si non quod
 iuuat, at profectò quod expedit, spera. D. Va-
 letudo anxia est. R. Est quæ obliuionẽ som-
 nũque discutiatur & torporem abigat. D. Va-
 letudo infirma est. R. In infirmitatibus glo-
 riare & virtutem perfice: duo hæc vnus ma-
 gistri ore dedicisti. Valetudo misera est. R.
 Comes iniucunda, sed fidelis quæ te crebrò
 vellat, iter signet, & cõditionis admoneat,
 optimum in periculis, monitor fidus. D. Va-
 letudo corporis extrema sine remedio est. R.
 Sile & gaude ruinoso carcere vinctum te e-
 gredi facilius ac citius.

De ignobili patria. Dialog. IIII.

DOLOR.

Ignobilis patriæ ciuis sum. R. Esto tu no-
 bilis: nam nil vetat, nihil cum patriæ nobi-
 litate tua nobilitas mixtum habet. D. Par-
 uæ vr̃bis incola sum. R. Et magnæ vr̃bes
 paruos ciues habent: immo ferè ex his con-
 stant, & paruæ magnos quosdam habuere.
 Quin in syluis abiectus ac nutritus Romu-
 lus, omnium vr̃bium reginam vr̃bem Romã
 condidit, quam euertere voluit in maxima
 vr̃be genitus Catilina. D. In exigua pa-
 tria natus sum. R. A. T. Magnificare illam
 stude. Nihil æquè ciuitates amplificat vo-

ciuium virtus ac gloria. Qui hoc edificiis aut
 fertilitate melius atque opibus fieri putat,
 fallitur, vt singulos viros, sic & vrbes & regna
 & imperia non vetustas, non turre ac mœ-
 nia, non plateæ, non palatia ac templa mar-
 morea, non statuae, non picturæ non aurum,
 non gemmæ, non campi legionum & clas-
 sium pleni portus, non peregrinis referta
 mercibus emporia, & lucri amore æquor om-
 ne sulcatum, non postremò ciuium forma
 vel numerus, non rerum copia exundansque
 cibus forum, non purpureæ chlamydes viro-
 rum, onustæque miris cultibus, non fastus,
 non delitiæ, non voluptates, sed virtus sola
 nobilitat, gestarumque rerum fama quam
 viri pariunt, non muri. D O. Parui municipij
 ciuis sum. R A T I O. Nescis Biantem Prie-
 neum fuisse, Pythagoram Samium, Anachar-
 sim Scytham, Democritum Abderitum, Ari-
 stotelem Stagyritem, Theophrastum Les-
 bium, Tullium Arpinatem. Chous AEgei ma-
 ris brevis insula, & poëtam non ignobilem
 Philitem tulit, & medicorum patrem & scul-
 ptorum ac pictorum principes, Hippocrate
 scilicet & Phidiam & Apellem, vt intelligi
 possit ingeniorum magnitudini locorum an-
 gustias non obstare. D O. Ignobilis est patria.
 R A. Nobilitare tu illam pro virili parte si
 velis, potes, cum te illa facere non possit

ignobilem. Nec Numæ quidem Pompilio ad Romanum regnum, nec Septimio Seuerō ad Imperium obstitit soli natali humilitas. Summo hominum Augusto, & si recens Romana, quia ipse scilicet in palatio natus sit, origo tamen gentis antiquior Veliterna est. Caio Anthiū, Vespasiano autem vici incogniti Reatini. Contrā verò Larissāam famam vulgavit AEcides, & Pelæum à sæculis fuscum nomen atque humile, quod Philippus erexerat, Alexander ad cælum tulit. Nō satis est ciuibus obscuritatem patriæ non nocere, nisi ciuium claritas patriæ proſit. Asylū ignobile atque opus pastorium Roma fuit, quæ non ante claresceret, quàm res illam gestæ & suorum virtus excellens ciuium illustrasset. **D O.** Obscuræ patriæ sum additus. **R A T I O.** Lumen virtutis accende, quo inter tenebras eniteſcas, in quibus hoc saltem boni erit, vt vel parua luce clarissimus videre, sic vel illa te clarum faciet, vel tu illam, **D O L O R.** Humilis patriæ habitator sum. **R A T I O.** Esto & tu humilis, habitatorque tui animus humilis sit. Habes publicæ matris exemplum, ne te nido latius extēdas nisi his tantum quas tibi virtus alas fecerit. His enim vti licitum, yſōsque fœliciter complures modò diximus. Proinde mortalis hoc saltem insolentiæ frenum tene. Quidam de

sola patrię nobilitate superbiūt: stultū genus.

De originis obscuritate. Dialogus. V.

DOLOR.

Obscuris parentibus natus sum. R A.
Non est forsan vt tu reris odiosa cōdi-
tio, nescio an & optabilis ignobilem nasci,
vtramuis vitæ viam spectes. Nam seu volu-
ptatibus obsequi, vulgique vestigiis tritum
iter sequi statuis, excusabilior fiet duci-
bus domesticis carens error, cessabitq; im-
properium illud acerrimum degenerentium
a parentibus claris, cō quod nulla tibi domi
fit claritas quam obscures. Sin virtutis semi-
tam raro pede signatā elegis, eo clarior fies,
quo maioribus tenebris pressus ac circum-
uentus emerferis, tota claritas tua erit, rerum
particeps tuarum nullus occurret. Nullā par-
tem gloriæ decerptura erit imitatio: nihil ti-
bi parentes eripient, nihil aui proauique, ni-
hil consiliarij ac magistri: quicquid bene gef-
feris, solus inde famam metes, solus inde lau-
daberis, solus auctor generis, fundatorque
vocaberis, quod non fieret si nobilis natus
esses. Vides ne igitur quanta tibi nouæ lau-
dis occasio data est: nobilem per te fieri, &
nobilitatem dare non accipere. Dabis hoc
posteris tuis vt nobiles nascantur, quod pa-
ren

rentes tibi non dederunt tui. Plus est multo nobilitatem fundare quam fundatam ab aliis inuenisse. DOLOR. Noua & rudis origo est. RATIO. Atqui clarior est habitus ille pastori-
 us vrbis Romæ conditor, quòd in syluis ar-
 cem posuit, & facili culmo exiguam ac squa-
 lentem regiam texit, quàm tot postea princi-
 pes qui ingentia mœnia testudinèsq; mar-
 moreas atque aureas erexere: tanta semper
 nouitatis egregiæ ac magni principij laus
 est. DOL. Ignobili primordio genitus sum.
 RA. Stude vt sine sis nobili. De principis
 enim labor, de fine fructus, qui si immatu-
 rus carpitur, longæuus esse non potest. DOL.
 Radicem gloriæ præcidit ignobilitas. RA-
 TIO. Non præcidit quidem, sed infodit al-
 tius vt validior licet serior surgat. Cæterum
 non ignobiles modò, sed ignotos ex omni
 genere hominum dabo, qui virtute atque in-
 dustria euasere notissimi. Et sane si verum
 nobilem virtus facit, non intelligo quid
 quenque volentem fieri nobilem impediatur,
 aut quid ita facilius sit nobilitare alios
 quàm seipsum. DOLOR. Ex ignobilibus
 parentibus descendo. RATIO. Quid So-
 crates, Euripides, Demosthenes? quorum
 primus marmoratum patrem habuit, ob-
 stetricem matrem secundus, matre patrè-
 que vltimus non solum humilibus sed incer-

tis. Vester ille Virgilius rusticanis parentibus
 fuit: nec se libertino ac præcone patre natum
 Flaccus erubuit: ambo tamen ad insignem
 gloriam & summi principis gratiam perue-
 nere, usque adeò ut cui reges omnes colla
 submiserant, cuius è manibus magna omnia
 poscebantur, atque vnde omnium ferme
 mortalium præcipuèque nobilium spes pen-
 debant, cuius demum familiarem promeruis-
 se noticiam summis licet hominibus sum-
 mum erat: ipse horum duorum ignobilium,
 quos Romam scilicet Mantuanum Venu-
 sinumque rus miserat amicitiam & conuictum,
 ceu grande aliquid blâdis ac dulcib⁹ episto-
 lis flagitaret, & quam multos tunc in palatio
 nobiles ut sæpe sunt, inutiles atque indoctos
 credimus fuisse, quibus horum nobilis igno-
 bilitas atque inuidiosa, nec immerito vide-
 retur. **PO.** Parentibus sum obscuris. **RATIO.**
 Non mouent animum hæc exempla: altio-
 ribus agam. Marcus Cicero, ut de illo scri-
 ptum est, ex ordine natus equestri de radice
 humili per egregias artes perque honestos
 gradus ad consulatum venit, quo nescio an
 alter vnquam salubrior reipublicæ cōsulatus
 fuerit. **PO.** Rustica & ignota patrum series est
 mihi. **RATIO.** Sordent hæc ut video: altius
 etiam nunc aspiras. Certè & Marius rustica-
 nus vir, sed verè vir ut concuius suus ait Ci-
 cero,

cero, diu arator apud Marfos fuerat : Romæ
 septies cōsul fuit: tanta gloria, vt bis Italiam
 obſidione & metu ſeruitutis liberaſſe eum
 compatriota licet idem ſuis verè dixerit : &
 Marcus Cato plebeix vir originis paruique
 oppidi diu quidem obſcurus incola, poſt in
 maxima vrbe clariffimus aduena, mox ciuis
 eximius & conſul & cenſor fuit. Si ne id qui-
 dem ſatis eſt, & fortasſe regnum cogitas: pro-
 fecto neque illud ſperare ſuffragio merito-
 rum humilitas vetat originis: tertiu & quin-
 tum & ſextum Romanorum regum ad me-
 moriam refer : Tullus Hoſtilius, vt probati
 perhibent auctores, etſi apud alios de illo ta-
 le nihil ſcriptum ſit, infans in agreſti tugurio
 educatus, in adoleſcentia paſtor fuit. Tarqui-
 nius Priſcus patre negociatore aduena, nec
 Italicæ inſuper originis. Seruius Tullus, ſer-
 ua, quanuis, vt alij volunt, captiua quidem,
 alioquin verò nobili matre natus, virrute re-
 gnum Romæ meruit. Nec miraberis ſi Pla-
 tonicum illud tenes : neminem regem non
 ex ſeruis, neminem ſeruum non ex regibus
 deſcendere. Sic res hominum, longa ætas nec
 fortuna permiscuit. Sileo cæterarum reges
 gentium : è pecudum gregibus viliffima-
 rumque artium tabernis ad inopinum ſubi-
 to diadema ſubuectos. Alexander Macedo
 hortulanum in Aſia regem fecit. Et fuit ex

illis actibus laudatis iste non vltimus. Contraque, alios fileo, è regni fastigio ad seruitium vsq; prolapsos. Sic suas res fortuna moderatur, tamen plurimum potest virtus. Per illam tutò. conscenditur ad supremos gradus, cuius calle deserto, sciant reges se in tremulo stare, neque descensum modò instare, sed ruinam. Quænā igitur, vt ad te redeam, ista calamitas nascendi, cui nec spes regnandi eripitur nec successus? DO. Obscura de radice prodeo. R. A. Omnis radix obscura & squalida est, vnde tamen & floridi & frondentes rami prodeunt: non vnde quicquam prodierit, sed quale sit quæritur. DO L. Parentibus infimis natus sum. R. A. Sentio summum ad imperium stilum vocas. Septimius Seuerus de quo suprà diximus, equestris & ipse ordinis: Helius Pertinax & ipse libertini filius, & lignorum vilis vtique negociator mercis, vtérque Romano præfuit imperio: cui & Philippus pater ac filius Arabes humillimi generis, & Maximinus & Maximus præfuere. Obscurissimis ille parentibus ac barbaris, quorúmque cum arrepto imperio puderet, hic ferrario an lignario patre genitus incertum. Certè Vespasianus inter bonos principes numeratus, è non clara stirpe clarissimus, & rem publicam gessit eximiè, & duos ex ordine filios successores imperij virtutis

tutis vnum habuit : quanquam quid minora
 prosequimur, cùm super ipsius Augusti Cæ-
 saris origine ambiguitas multa sit ? Summa
 est humanæ cursum sortis origine non præ-
 uerti : vndecunque licet assurgere, seu for-
 tuna manum porrigat seu virtus. DOLOR.
 Humile nimis atq; infimum genus est. R A-
 TIO. Quod ad humanæ potentiæ gradum
 spectat, exempla posuimus, quibus iam iri
 altius non possit, vnum restat, non impe-
 rio aut regno sed suapte alia quadam ma-
 iestate memorabile. Ventidius Bassus Escu-
 lanus matre humili, patre ignoto, capta pa-
 tria, iam pubes in triumpho Gnei Pompeij
 Strabonis, qui Pompeij magni genitor fuit,
 inter captiuos alios ductus, idem postea va-
 riante fortuna, dux populi Romani contra
 Parthorum regem & antiqua potentia &
 recenti victoria insolentem, scælicissimo pu-
 gnauit euentu, & filio regis interfecto, cæ-
 sisque hostium legionibus, quod ad eum
 diem nulli Romanorum ducum fata pro-
 miserant, insignem illam Romanorum stra-
 gem, & Crassorum mortem magnificentis-
 simè vltus, ipsum in quo victus alienos cur-
 rus ornauerat, ac carcerem victus intraue-
 rat, victor ac triumphas capitolium, propriis
 curribus honestauit, & Romanum carcerem
 acie captiuorum hostium impleuit. Et quo

gratius spectaculum esset mirabiliórque victoria eodem ipso die parta erat reuolutis annis, quo clades illa terribilis apud Carras accepta fuerat. Quis ambitiosus adeo, tamque auidus regni est, vt non hanc gloriam sine regno quàm inglorium regnum malit? Et quid oro nocuit Ventidio ad fœlicitatem & ad summum decus, quòd humiliter natus esset, & prima ætate fortuna humili vsus ac misera? Certè virum Esculi despectum Roma suspexit, & claris suorum ciuium nominibus illud peregrini fuscum nomen inseruit. Hæ sunt ad ascensum scalæ, hi virtutum gradus, quibus non ad gloriam modo altiorémque fortunam nitendo, sperando, vigilando, sed ad cœlum vsque peruenias. Proinde & tu natus humiliter, vt cõscendas enitere, primum & vltimum virtutis in vestigio pedem figens, nec declinans alicubi, nec subsistens. DOLO. Humile principium fuit. RATIO. Illud præterit, quæ sequuntur cogita: nec me lateat, vt primus & vltimus vitæ dies quibusdam nisi sunt humanæ conditionis statum maximè moderari, siue, vt ipsi dicunt, continere. de vltimo nempe consenserim, de primo autem non ita. Etsi enim vt ipsi volunt, plurimum intersit, quibus auspiciis incohetur: etsi cum his sentiens Satyricus, vbi de ipso loquitur Ventidio ita scripserit

pserit. Distat enim quæ sidera te excipiant
 modò primos incipientem ædere vagitus &
 adhuc à matre rubentem : nos tamen ipsa re-
 spuimus, & hæc auspicia, & hanc tantam si-
 dertum vim negamus, conditori almo fide-
 rum omnia relinquentes, à quo creatum nul-
 lum penitus ab hoc virtutis & fœlicitatis &
 gloriæ calle secludimus. D O L O. Humili-
 tas generis multa est. R A T I O. Quid tu au-
 tem? Multam ne superbiam esse malles? Aut
 quid hinc tibi nunc deesse sentis, nisi ne fu-
 mosis imaginibus atrium truncisque statuis,
 bustumque familiæ semesis plenum titulis
 spectaculo prætereuntibus, tibi insanix sit,
 qua in triuiis de his quos non noueris ela-
 to supercilio fabuleris? D O L O R. Ignobi-
 lis natus sum. R A T. Ignobilem non nasci
 tantum, sed & viuere quibusdam fœlicitas
 visa est. An in Tusculano saltem à Cicerone
 positum non legisti illud potentissimi regis
 anapæstum, qui laudat senem & fortunatum
 esse dicit, quòd inglorius sit, atque ignobilis
 ad supremum diem peruenturus.

De obscæna origine. Dialog. VI.

D O L O R.

ORigo non tantum humilis, sed obscæ-
 na est. R A T. Vera & summa obscæni-
 tas vna est animi : illam si dempseris pulchra

sunt omnia. DO. Malè natus sum. RA. Qui bene viuit bene nascitur. bene moritur. At qui malè vixerit bene natus esse nō potest. Nam quid refert quàm fulgido tramite cæcus in-
cesserit, aut quid refert vnde venias, si in miseriam & in culpā venis? DO. In peccato genitus sum. RA T. Deset hoc quidem ille vir maximus. Et profectò nemo non in peccato nascitur. Cauete autē grauiora superaddere, quanquam ne his quoque purgatio sua desit, sed prima illa deformitas in ipso sæpe vitæ limine sacris vndis abluitur niueúsque animam candor subit. DO L. Malè me parentes genuere. RA. Quid ad te quisquis malè genuerit, tu bene genitus fuisti, nisi alieno flagitio tuum iungis. DO. Fœdæ pudet originis. RA. Iam quod alieno tumescitis non miror: & alieno simul erubescitis: & omnino ubiq; potius quàm in vobis & bona & mala vestra reponitis, quæ alibi tamē quàm in vobis esse non possunt. Quòd nisi pudendū ipse aliquid pœnitendūve egeris, quod tuum crimen, aut quis pudor impudicus pater? tu modò ne paterni dedecoris hæreditatem adeas, caue, atq; illi dissimillimus hac in parte fieri stude. Qui te ignarū genuit, inuito tibi suas maculas impressisse nō potuit. In te sit & ex te prodeat necesse est, vnde obscurus aut clarus fias. DO. Inhonestis parentibus in lucē veni.

R A T.

RA. Omnis parens honestus filio videri debet, sed nō vt verendus, sic sequendus omnis filio parens : est vbi deseruisse consilium sit. Eia igitur in diuersum abi, si verus parens deserui volet, seque non suum vitium amari optabit. Vnus hic inuentus est modus, quo parentum nomen premere & calcare gloriosum filiis ac decorum sit viuendo aliter, castius scilicet ac sanctius. De parentibus inhonestis lingua filij taceat, dissimilitudo vitæ, morum, actuum non taceat. Pulchra laus filij, cui à tergo dicitur, ô quantum sene suo modestior adolescens : contraque nulla grauior senilis nota lasciuix, quàm admota illi pudicitia iuuenilis : equidem si parentum gloria filiis malè viuentibus onerosa est, quanto fasce verecundiæ filiorum laus patrum malè viuentium premit infamiam? DO. Damnata de Venere procreatus sum. RA. Atqui malle debes impudici patris honestus filius esse & dici, quàm honesti impudicus. In omni enim seu laude seu vituperatione illa præcipuè æstimanda sunt quæ cuiusque sunt propria. De alieno nemo iustè reprehenditur seu laudatur : & si vt dixi, vestrum quicquid id est, conspectius fiat suo contrario admodum. Cæterum vt cuiusq; propria laus aut infamia est, sic laudis aut infamię propria causa sit oportet. Neque verò vt vnus gladio

alter perit, utque vnius flammis res alterius
 vritur, sic vnius culpa etiam fama perit al-
 terius, eo quod animi bona solidiora sunt
 quam corporis aut fortunæ, ut inuito ne-
 queant possessore violari. D O L. Contra fas
 contraque leges genitus sum. R A T. Nil tu
 contra leges, sed parentes tui egerunt, tu se-
 cundum leges age omnia. In hoc quidem
 nullum penitus tuum crimē fuit, de ortu tuo
 alii, tu de moribus tuis rationem reddes. Et
 quauis odio vagæ libidinis in immerentes
 filios ultio legum ciuiliū extendatur, deus
 tamen quenque suis finibus metitur, nec
 filij iniquitatem patri imputat, nec filio, pa-
 tris. Ipsam quoque philosophiam iudicare
 aliter solitam, quam leges ab ipsis philoso-
 phis accepisti. Legibus ergo oppressis diui-
 no simul ac philosophico iudicio releuatus,
 habes animum vnde soleris: neque enim tibi
 ut priuati patrimonij, sic publicæ virtutis hæ-
 reditas interdicta est. Illa enim institutis ho-
 minum, hæc meritis datur, & antequam na-
 sceris, ut nil gloriæ, sic profectò nihil in-
 famiæ meruisti. D O L O R. Origo illicita &
 incesta est. R A T. Quid de incestu, quidve
 de adulterio nasci queat, indicio sunt Ro-
 mulus & Alcides. Perses Macedoniæ, Iugur-
 tha Numidiæ rex fuit, vterque legitimis fra-
 tribus regno exclusis, malo quidem more
 pess

peſſimisque artibus, ſed excluſis tamen. Alexander Macédo Philippi dictus, cuius verè ſit creditus auდიſti. Denique Philippum extremo vitæ Alexandrum nõ ſuum filiũ prædicare ſolitus. Idq; ſibi ultro confeſſam Olympiadem, hancque ob cauſam repudio diſmiſſam ſcriptores rerũ prodidere. Conſtantine ipſe ex cõcubina genitus licet inſigni, præ legitimis fratribus ad imperium venit. Adderem his Arturum regem niſi quod hiſtoriis miſcere fabulas nihil eſt aliud quàm mendacio veri fidem imminuere. Ad ſummam verò, non eſt, quod te deiiciat origo: Vnde cunq; ortos virtus extulerit ſatis eſt gloriæ. D O L. Malè natus ſum. R A T. Bene viue, bene morere, qualiter natus ſis, nec tuum eſt, nec meminiffe quidem potes, nec magnopere inquiras, quod ad te non pertinet, niſi fortè vt humilior mitiorque, non vt inæſtior ſis. D O L. Turpiter natus ſum. R A T. Morum candor & claritas vitæ, non maculas modò, ſed memoriam omnem ſcædæ originis delebunt. Hoc remedium dum licet, arripe, aliud mihi crede nullum eſt. D O L. Pudet infamium parentum. R A T. Pone hunc pudorem, vnus omnium pater Deus, vna omnium mater terra.

D O L O R.

Seruus in hanc vitam intraui. R A. Ne do-
 leas, liber egrediere velis modò, sicut
 multi qui ex aduerso intrarunt liberi, serui
 exhibunt. D O L. Seruiliter natus sum. R A T.
 Liberaliter viue, meliore tui parte liberum
 esse nil prohibet. vna est peccati seruitus gra-
 uissima, sed quæ premere nescit inuitos: illā
 excute, liber eris. D O L. Seruum fieri voluit
 fortuna. R A T I O. Potest velle contrarium:
 Et si moribus suis vtitur, scis quid speres. No-
 sti monstrum illud, nosti ludos & præstigia,
 non liber modò, sed domini tui dominus fie-
 ri potes, quanquam quid velit aut quid nolit,
 nihil ad rem, vt sit inexorabilis, quod inter-
 dum est, nullum illa tamen in animum ius
 habet. In omni autem aduersus illam certa-
 mine, ab illius hoste poscendum auxilium.
 Sæpe quem fortuna seruum, liberum virtus
 fecit. D O L. Seruitio premor graui. R A T. Iu-
 gum qui fert volens leue efficit. Ostendam
 tibi lenimen vnicum ac peculium immorta-
 le, dominique tui quanuis potentis arbitrio
 exēptum, quod te liberum atq; ipso domino
 ditio rem faciet: sapientiæ studio incūbe: illa
 te in libertatem asseret. Dictum Catonis est
 à Cicerone firmatum: solus sapiens liber est,
 ea scilicet libertate qua certior nulla est.

Sub

Sub durissimis dominis vitam traho. R A T.
 Nulla re melius quam fide & obsequio mol-
 lientur, & fortassis adeo ut quod multis acci-
 dit, inde tibi ventura sit libertas, unde te ser-
 uum luges, forsan & aliunde. Hunc siquidem
 temporalis dominus liberat, hunc æternus.
 Scis quāto periculo Malchus minas heri per
 sequentis euaseris, sed euasit tamen. Interim
 de domino sic cogita, hic te nutrit tuque cu-
 ram omnē in se transtulit, cū libertate soli-
 tudinē amississe, quid nisi vtile damnum vo-
 ces? Multis serua libertas, multis est libera
 seruitus. Non tam graue iugum hominum
 quā curarum est, qui hoc excusserit, illud
 ferat æquanimis. Huic tu seruus, huic vni es
 deditus, immo hic tibi, hic tuus est dominus,
 immo procurator est tuus. Non habebis ho-
 nores, equidē, nec labores publicos, nō simu-
 latū studiis, non forensibus procellis, & con-
 filiorum volubilitate rotaberis: non nauigij
 tarditas, nō agri sterilitas aut annonæ caritas
 te torquebit. Has molestias domino tuo lin-
 quens, sæpe illo dormies vigilātes. DO. Diffi-
 cilis & imperiosus est dominus. R. Non sine
 causa illi in sortē obuuisse te in animo tuo
 pone. Quicquid igitur iustū iubet, Deū ipsū
 iubere credito. Sin iniustum aliquid, maioris
 domini meminisse conueniet, qui ut te ad
 honesta quanuis difficilia seruū patitur, sic

ad inhonesta vult liberum? sic intelligo quòd
gloriosorum terræ verèque fidei principum,
alter seruos dominis carnalibus obedire per
omnia, alter verò subditos esse in omni ti-
more dominis præcipit: illud adiiciēs, vt hoc
non tantum bonis & modestis exhibeāt, sed
etiam discolis, neque enim de domino iudi-
care seruum decet, sed mores eius qualescun-
que perferre. Quo enim imitior dominus,
eo clarior patientia serui est. Et hæc est gra-
tia cuius apud horum alterum fit mētio: nec
tamen vt mores pati, sic & imperia exequi
semper oportet. Sunt enim quæ iustissimè re-
cusentur, si imperio domini superioris ad-
uersa sint: cui si conferatur his tuus domi-
nus, non dominus, sed conseruus habebitur.
Sic ergo per omnia dominis obediant ser-
ui, si iusta præcipiunt, non difficultas retra-
hat, non labor, non obsequia vel negata præ-
mia, vel quod est in rebus amarissimum, ir-
rogata supplicia. In omnibus obediant, mo-
dò iniustitia atq; inhonestas abfuerit: alio-
quin contumacia & libertas, atq; ipsum pe-
ctus & iugulus iniquis præceptis ac turpibus
opponendus est, seruandūque memoriter,
quod præmissorum alter ait, qui cum seruos
obedire per omnia dominis præcepisset ad-
didit: non ad oculum seruientes quasi homi-
nibus placentes, sed in simplicitate cordis
timen

rimentes dominum. Ex his vides status tui
 conditio quānā sit: non totus est seruus qui
 ad indigna imperia cogi nequit. DOLOR. Su-
 perbo domino seruiō. R A T. Qui scis an ille
 superiori domino seruiat? Forſan vxori, for-
 ſan meretriculæ, forſan his ipſis quibus im-
 perat: quot ſuorum ſeruorum ſervos vndiq;
 cernimus? Poſtremò quæ duriffima omnium
 eſt ſervitus, forſan & ipſe ſibi, hoc eſt vitiis &
 paſſionibus ac violentis affectibus ſuis ſer-
 vit. Quid vis dicam? Pauci in veritate ſunt li-
 beri, & ſi qui ſunt, eo illis laborioſior vita eſt
 quo altior. Multo enim citius multoq; faci-
 lius fidelis ſervi quā iuſti regis implentur
 officia. Diocletiani iam priuati & de præteri-
 to iudicantis, & experientia edocti dictum
 memorabile eſt: nihil difficilius quā bene
 imperare: propter quod videri poteſt ipſum
 quidem imperium dimiſiſſe. Tu igitur for-
 rem tuam lætus amplectere, fuſcam fateor
 atq; humilem, ſed facilem ac trāquillam niſi
 fortè ſœlicioſiorem reris in ſpectaculo anhe-
 lantem quā in cubiculo quieſcētem. DOL.
 In ſervitium mea me ſors impulit. R A T. Li-
 bens facito quod oportet: eſt & illud quoque
 notiſſimum, ac neceſſitatibus humanis aptiſ-
 ſimum conſilium: cupias quodcunq; neceſ-
 ſe eſt, ſic vinā ipſam neceſſitatis eluſeris: ſer-
 fortunæ ſarcinam patienter, quam quidam

etiam sponte subiere: utique alios seruitio liberarent, tibi seruitium delegere. In quibus est clarissimum Paulini nomen Nolanus præfuit, cuius spontaneæ seruitutis exitus fœlix, ut debuit, fuit. Quidam paruo se precio vendidit, ut serui effecti suos dominos peccati vinculis absoluerent, atque ad veram reducerent libertatē, in quibus Serapion quidam Aegyptius eremicola nobilitatus est. Hęc tibi magis exempla profuerint quam lamenta. Experire & tu tale aliquid, quo vel utilis alteri, vel facilis tibi saltem seruitus tua sit. Nō id quidem quod non habeas optare, sed eo quod habeas bene uti sapientis est. Illud omnibus contingit, hoc paucis. D O L. Mortali domino mortalis seruo. R A. Immortali seruire incipe: ille tibi & libertatem spondet & regnum, quamuis & in hoc statu nec honestis artibus operam dare, nec sperare meliora sit veritum: & Terentius seruus fuit & didicit haud seruili quidē ingenio, & Comœdias scripsit, haud seruili stilo, quo & libertatem & inter poëtarum duces meruit locum. Quomodo ergo virtutem solidū animę bonum seruitus impediet, quæ nec aduenticia studia, nec externam gloriam impedire potest? Plato ipse in seruitium declatus, tamē ut scriptum est, quia philosophus maior emente se fuit, generosa professio, quæ maiorem domi

domino seruum facit. Et est haud dubiè ser-
 uus eruditus eo maior indocto domino, quo
 fortuna qualibet maior est animus, & in li-
 bero corpore serua mens habitat, & in seruo
 libera. Obstare seruitus potest fori actibus,
 non animi. Curia seruum respuit, at non vir-
 rus, non industria, non fides. Tiro Ciceronis
 seruus fuit, sed his artibus libertatem ade-
 ptus, elegantem de patroni iocis librum po-
 steris liquit. Non potest seruus Imperator
 exercitus aut Senator esse, at philosophus, at
 orator, at vir bonus potest: aliquando etiam
 discussio seruitio imperator & rex quoq;, ne-
 que ad regnum modò & imperium ab hoc
 gradu peruenisse aliquos nouimus, sed ad
 cœlum ipsum. Nō potest seruus militare ho-
 mini, Deo potest, eiùq; militiæ stipendium
 est regnare. Dei seruus rex est omniū; socius
 angelorum, horror dæmonum. Dei antè ser-
 uus & seruus hominis esse potest: atque ita
 cœlesti fœlicitati terrena seruitus nihil no-
 cet. D O. Seruus sum. R. Si semper fuisti, con-
 suetudo luctū leniat. Si minus spera posse te
 iterum non esse quod quandoq; non fueris.
 D O L. Seruus sum. R A T. Si speras mali finem,
 minuat spes dolorem. Si desperas, patientia,
 neque malum malo cumules, neque te an-
 gas superuacue sciens volensque, quæ totius
 humanæ demētię summa est. Sed certè nihil

est desperandum, si cuncta defuerint, mors
aderit quæ te inuito domino dissoluat ac li-
beret.

De paupertate. Dialog. VIII.

DOLOR.

PAupertate pressus sum, assurgere ne-
queo. R A. Sæpe quidem paupertas mo-
destiam persuasit reluctanti animo, quodq;
nequaquam philosophia tentauerat, hæc im-
pleuit. D O L. Paupertas meum limen obsi-
det. R A. Non obsidet, sed custodit, neq; hoc
illi nouum aut insolitum, ut quæ urbem Ro-
mā multis olim sæculis custodiuit. Inter ten-
toria equidem paupertatis sobriæ atq; solici-
tæ: luxus iners, sopor marcidus ac vitia lan-
guida & eneruata nō subeunt. D O L. Domum
meā paupertas inuasit. R A T. Vltro illi ut oc-
curras consulo. Venientem læto anīmo bipa-
tentibus valuis excipiēs atq; amplectēs, pri-
ma enim frōte rigidula ac subtristis, nec im-
merito viatori ac viro armato exæquata, eo
quod celer mināxq; sit aduentus eius: at cum
in familiaritatem admissa fuerit, & minimè
sumptuosa & secura ac facilis hospes erit.
D O L. Foribus meis paupertas insultat. R A T.
Aperi ocus antequam vestes subita vi con-
fringat, atque ostiis vulsis à cardine victrix
introeat,

introeat, vt enim resistētibus permolesta, sic
 sedentibus periucunda est. DOLOR. Domum
 meam paupertas irrupit. R A. Aduersus fures
 & peiores furibus voluptates peruigil excu-
 bitrix, aduersus vulgi morsus & insulsa iudi-
 cia atq; avaritiæ ceu prodigalitatis infamiã,
 quæ rarò alibi quàm locupletem sedet in li-
 mine: ab his malis nullo melius ingenio cu-
 stodiri potuit domus tua quàm illam custo-
 diret paupertas: vt diues & si largus sit, si
 quid tamen sibi reseruat, auarus vulgo dici
 solet, si pauper cupidus quoq; largus habebi-
 tur. Inuidet opibus vicinia, pauperiem mise-
 ratur. Illas cupit ac vituperat, hanc horret &
 dat. D O L. Domum meam occupat pauper-
 tas. R A. Iam nullus tibi superbiæ locus erit,
 nec inuidiæ, nec dānis insignibus, nec dam-
 norū metui, nec suspicionibus mille, nec infi-
 diis, nec nausæ, nec podagræ diuitum ho-
 spitibus, quibus exclusis habitatura latius te-
 cum quies & tranquillitas & virtus: cui eo
 plus loci erit, quo fortunæ minus. D O L. Lares
 meos dura subiit paupertas. R A T. Quid que-
 raris scio: mollius diuitiæ subiissent, sed pau-
 pertas tutius. Nullæ autem opes sunt, quibus
 non sit anteponenda securitas. Cùm ad fœli-
 citatem enim omnia quæcunquæ agunt cu-
 piuntve homines, disponantur, esse illa sine
 opibus quidem potest sine securitate nō po-

test. DOL. Paupertate importuna diu premor. R A. Vt nihil importabile diu fertur, sic nihil breue difficile. Sed hoc dicis grauius excute autem illam cū diuitiis, an plus auro tribuis quàm virtuti? An & hoc in paradoxis Stoicis non legisti, quòd solus sapiens diues est? An legisti forsitan, sed spreuisti? quod plerique faciunt legentes, vt fabulentur ornatus, non vt melius viuant, nihil ad honestatē, omnia ad scientiam atque eloquentiam referentes, quo nihil est vanius.

De damno passo. Dialog. IX

D O L O R.

O Pes cunctas trux fortuna præripuit. R A. Non tibi fecit iniuriam, suum tulit, sed vetus & nota hæc ingratitudo est, dati immemores, meministi ablati. Itaq; raræ ac tepentes gratiæ, crebræ ac feruidæ sunt querelæ. DOL. Fortuna ferox vitæ quoq; necessaria subtrahit. R A. Necessaria subtrahere potest nemo, quandoquidem vere necessarium est nihil sine quo bene viuatur. Dico autem bene, nō voluptuosè, non insolèter aut splendidè, sed prudenter, sed sobriè, sed honestè: in quibus nullum sibi ius esse quauis insolens fortuna fatebitur. Et certè cū nec toto, quod est vîquam auro, neque omni gemma-

rum pompa atque omnigenum rerum copia cupiditas expleatur, paucis admodum, & si desint, leui linguæ vel manus artificio comparandis tollitur aut lenitur necessitas naturalis, sic virtuti modicū, vitio nil sufficit. D O. Victum vestitumque necessarium auara fors negat. R A T. Aliunde petendum. Virtus liberalior quam fortuna est, nihil negat nisi quod & permissum noceat & negatum prosit, nihil eripit, nisi quod habuisse damnosum, amisisse vtile sit. non differt, non imperat, non retrahit manum, non rugat frontem, non attollit supercilium, nullum despicit, nullum destituit, nullum fallit, non sæuit, non irascitur, non mutatur, vna semper & vbique est, nisi quod magis magisque degustata dulcior indies, & propius conspecta sit pulchrior. Vt sis igitur verus diues, ab hac peste non te fastidiet nec repellet, quanuis exerceat: difficiles habet aditus primos, cætera prona, iucunda, facilia. Semel vero vbi ad illam peruenieris, non senties paupertatem. D O L O R. Spoliauit me bonis meis omnibus fortuna. R A T I O. Fallit te opinio, malum commune mortalium: nam profectò non bonis, & vt bona permiserim, non tuis, sed quæ tua forsitam vulgi more credidas: mirorq; si nondum intelligis alina: D O L. Fortuna me nudum liquit atque inopem. R A T. Vir-

tus te vestiet, ni respuis ac ditabit, nisi fortè pluris aurum & purpuram quàm decorum generosæ mentis habitum facis: quod si faceres, tunc verè inopem nudumque te dicerem. **DOL.** Contra fortunæ impetum & inopiæ molestias nullo satis artificio tutus sum.

R. Quid miraris? artificium tuum omne & arma quibus te tueri cogitas in manibus hostis sunt. Illa capulum tenet, in te cuspis obuersa est. Si consilium quæris, his omiſſis age aliud, artibusq; illis ingenium applica in quibus fortuna ius non habet. Non diuitiis virtus, sed virtute diuitiæ quæruntur. Virtus vna contra fortunam omnē contrāq; pauperiem ars optima. Legisti vt ad litus Rhodiū naufragio eiectus Aristippus, & ipse nudus inopiſq; rerum omnium, quas dare potest fortuna vel auferre, dum locorum nouitate captus, vt fit, oculosque circumferens, fortè illos in quasdam descriptiones geometricas defixisset exclamans consolatus est comites, & bono animo iussit esse, neq; enim desertis locis applicuisse, cernere se hominū vestigia: inde oppidum introgressus ad gymnasium literarum recto callè contendit: atq; ibi philosophicis disputationibus admirationē primò, dehinc amicitias optimatum & munera meruit, quibus non tantum sibi, sed etiam sociis victum ac vestitum & profectioni necessaria

cessaria ministraret. Cúmque digressuri quærent, quid ille nūciari domi vellet, hoc vnum iussit, nunciarent eas opes filiiis parādas quæ naufragio non perirent, quas nec maritima nec vrba nec bellica tempestas eriperet, præclarè. D O. Rerum atque animi inops sum. R. Primum te expeditum, secundum planè inopem facit & miserū. Sed vt Aristippi consilium, sic & Teophrasti dictum te legisse arbitror: quid verò lectio sola profuerit? & meminisse oportet & in vsus tuos lecta conuertere. D. Domo, familia, necessariis atque ornāmētis omnibus spoliatus, quid agā, quò me vertam? R. Ad eas opes quib⁹ spoliari nequeas, quæ te vndique comitatum diuitem & ornatum præstent. Et quoniam vt video, excitanda memoria est, Theophrasti quod memorabam dictum, ad hunc se habet modum: doctum ex omnibus solum, neque in alienis peregrinum, neque amissis familiaribus & necessariis inopem amicorum, sed in omni ciuitate esse ciuem, difficileq; fortunæ sine timore posse despiciere casus: at qui non doctrinarum sed fœlicitatis præsidiiis putaret se esse vallatum labidis itineribus videntem non stabili, sed infirma conflictari vita, D O L O R. Patrimonium paternum habui. perdidit: quid consilij capiam? R A T I O. Patrimonium paternum duplex: alterum ex

rebus pereūtibus, quod fortuna moderatur
ex virtutibus & doctrinis alterum, quod ex-
tra fortunæ regnum procul in tuto positum
lædi nequit. Hoc est illud quod imprimis a-
mantissimi patres filiis tradunt, quod nisi re-
pudietur, eos in finem & post finem vitæq;
extiū, exornat possessoribus suis. non æquæ-
uum modo, sed viuacius multoq; perennius.
Idque attendens illa nobilis morum & elo-
quētiæ & legum parens Athenarum ciuitas,
cū Græcarum omniū leges vrbium indi-
stinctæ filios ad præstanda parētibus alimen-
ta compellerent, eos solos statuit ali operte-
re, qui liberos erudissent, quod hi soli patri-
monium certum suis stabile relicturi essent
D O L. Multa mihi ad vitam defunt. R A.
Cui pauca sufficiunt, quomodo defint multa
non video. Sed deesse vitæ dicitis quod aua-
ritiæ deest, ita fit, vt non multa tantum sed
omnia vobis defint, & quæ habetis & quæ
cupitis, quod & illa tangere non audetis, &
hæc assequi non valetis, vtrobiq; par vel mi-
seria vel egestas. D O. Nimium pauper
dego. R A. Solare animum comitibus ma-
gnis & illustribus: Valerius Publicola vnus
e Roman. libertatis auctoribus, Menenius
Agrippa Romanæ sequester pacis, vnde se-
pelirentur quia de proprio non erat, de pu-
blico habuere. Paulus Aemilius Macedonū
regū

regū victor finitorque regni famosissimi & antiquitā diues glorię, tam pecunię inops fuit, vt nisi agello tanti viri vendito, restitui coniugi dos non posset Atrilius Regulus, Cneus, Scipio, Quintius Cincinnatus Romani imperij defensores, tanta rei familiaris inopia fuere, vt primus in Africa maximas res gerens, secundus in Hispania, ille propter villici mortem, hic propter filię dotem, missionem à senatu petere cogerentur & obtinuissent nisi senatu reipublicę consulens optimorum ciuium succurrisset inopię. Quintio autem quaterna agri iugera aranti, senatus & populi consensu rebus in extremis summum imperiū deferretur. His accedant Curius hortulo diues, & Fabrius paruo potens, qui oblatas contempserunt diuitias, & nihil præter ferrum dextrāsque & animam habentes ditissimum, Græcię regē ac potentissimum Italię populum domuere. Auro ipsi æquē ac ferro inexpugnabiles & inuicti. Et quid loquimur ciues, cū & ipse populus Romanus omnis exinię fons atque exempla historię tamdiu bonus fuerit, vt dicere cœperam, quamdiu pauper fuit. At libidinibus, probrisque Nero obrutus, opes suas metiri ac dinumerare nō poterat. At varius Heliogabalus effœminatissimus turpissimūque hominum at vestri pudor imperij, vētris

onus, dictu fœdū & auditu, sed pro fœda cupiditate mortalium forsitan non silendum, non nisi auro excipi dignabatur, cū non superiorum modò talium virorum cœnas, sed deorum sacra fictilibus agi solere meminisset. O vrbs misera ad tam turpes manus fatis lapsa voluentibus: sed ô aurum auaritiæ votum ingens, ô spes vltima & laborum terminus humanorum, in quos vsus oculorum stupor ac mentium vertebaris. Laudarem factum, aut certè non arguerem, quòd errori hominū tam obscœno nulla aptior esset irrisio, si ab homine sanæ mentis id fieret: nunc præclaras optandâsque diuitias, quis negare audeat, quæ si ferro ac scelere peti velint, dū sic spretis optimis, sic pessimis affluunt? D O. Pauperem in laboribus vitam duco. R A T. Cleantes hauriendæ aquæ & rigandis oleribus, Plautus sarcinas molæ, manuariæ locare operas vrgente inopia coactus est. Quantus ille philosophus, hic poëta, simulque quàm pauper ille hortulanus, hic pistor reliquias temporum necessariæ debitas quieti, tanta animi vis erat, philosophicis ille vigiliis dedicans, hic scribendis, quas venderet, Comædiis. Lactantius Firmianus vir doctrinæ multiplicis, rarique inter suos eloquij, filij quoq; summi principis magister, idem summa rerum omnium, etiam communium ege-

state vitam egit. Pauper natus est Flaccus,
 inops vixit Pacuvius, inops Stadius, Vterque
 victus causa, fabulas venditavit. Inops demū
 aliquando Virgilius, donec præter suū morē,
 opes ingenio accessere. Multa sunt talia quo
 libet hominū instatu: & omitto illos quoniā
 nimis multis sunt, qui cœlestium opum desi-
 derio non inopiam modò, sed famem, sitim
 nuditatem & extrema omnia in terris, non
 æquis tantū, sed lætis arque exultantibus
 animis elegerunt. Si his quasi exemplis hu-
 milibus atq; terrestribus non moueris, ipse
 cœli dominus hic pauper fuit, vt exemplo
 docere hanc inopiæ viam esse, qua tamen
 ad veras diuitias pergeretur. Ipse inquam per
 quem reges regnant, pauper natus, pauper
 vixit, nudus obiit, cui cuncta interim obse-
 quebantur elementa: tu homuncio domini
 tui sortem fers molestè, nec ineptæ pudet in-
 solentia: Certè quisquis illum cogitans se
 virtute vallauerit in ipsa paupertate ditissi-
 mus nulliūsq; egens rei, opes regias non re-
 quiret. D O L. Nulla mihi opum copia est
 R A. Vt animo inopi ac deiecto nullæ suf-
 ficiunt opes: sic diuiti atq; erecto nulla non
 sufficit paupertas: nempe ille alieno nititur
 hic proprio fidit, ædificare in alieno iactura
 est, quæstus in proprio. D O. Pauperrimus
 sum. R A. Si necessitatibus obsequētis, pauper

nunquam esse potes: si cupiditatibus, nunquam dives DOLO. Hactenus pauper, immo mendicus sum. R A T. Fortuna hominū non stat, & vt summis ex opibus ad inopiam extremā, sic à paupertate vltima ad diuitias magnas creber est trāsitus. Legisti reor apud Quintum Curtium historicum, vt Abdolominus quidam Alexandri iussu seu permissu. ex hortulano inopi Sidonis rex, & cōtemptu regni maior est habitus quā regno. Certè quod non legisse non potes: & Romulus è pastoralis tugurio tantæ vrbis conditor Romanum prius diadema suscepit: & regum sextus ex humillima, utq; aliqui credidere, è seruili fortuna ad ipsum regni culmen ascendit, nec Alexandri Priamidæ, nec Cyri illius inter Persarum reges famosissimi inter opulentiora primordia, aut alia ferè sunt rudimēta quā Romuli. Caius Marius qui fuisset & futururus sæpe esset Romæ consul, & ante quā honorum gradus illos attingeret, mercenarius arator primos in aruis vitæ annos egerat, & deinde post tot victorias ac triumphos, interque illos suos septem consulatus, præter latebras palustres ac carcerē exiguum quoque mendicauit panem Iulius Cæsar futurus mundi dominus, & testamento dominos mūdi relicturus adolescēs pauper fuit. Tu hac talium comitiua non potes aut sperare

rare opes aut contemnere. D O. Solito pauperior sum. R A T. Bene habet & solito eris humilior expeditior, liberior. Vacua amant incedere qui arduum iter agunt. Carebis solitis opibus, simulque solitis muribus ac furibus & proteruis servis, hisque quibus solent abundare diuitiæ, fictis amacitiis, sequacibus atque tenacibus parasitis, totoque illo grege domestico arridentium tibi teque ridantium atque rodentium. Denique si amissas opes cum amissis tædiis conferas, lucrum voces. Certe ut securitatem fileam, humilitatē, sobrietatem, requiem, modestiam paupertatis comites, si nihil boni aliud illa secum afferret quàm quòd & fallaciū gregibus adulantium & servorum tyrannide superbiorum liberat, abunde erat causæ ut non ferenda modò esset sed optanda, immo etiam arcescenda pauperies. Sed iam satis sit: maior enim quàm pro re querela est, quam in te mirarer, nisi olim ferme in omnibus notassem nullum gravius, nullum crebrius lamentum, adeo nihil inter homines paupertate melius, nihil odiosius. D O L. Pauperior sum in vita. R A T I O. Eris latior in morte. Nemo tam pauper vixit, ut moriens nollet vixisse pauperior

DOLOR.

Tenuis victus est mihi. **RAT.** Et tenuis voluptas & munda sobrietas. An tu gulæ studio contrarium malles? **DO.** Asper est victus. **RAT.** AEquanimis fer gulæ illecebris caruisse, cum ad manum sint aliæ dulciores & quæri faciliores & seruari. Habet & suas virtus illecebras. Ciceronis vtor verbo, has gustare & ruminare cum coeperis, illas magnopere non requires. **DO.** Durus est victus. **RAT.** Durities amica virtutibus, mollities voluptati. Quot autem magni viri ultro se voluptatibus abdicantes, hunc quem tu refugis victum elegere, quorum aliqui cum possent lautè vesci, panem & aquam in delitiis habuere? An vero voluptati quæquam sic obnoxium opinemur, ut non illam valde oderit si adiunctum illi dedecus intueri oculis possit? Sed funesta suauitas, virtutum hostis acerrima & titillatio bestialis, quam qui sequitur, homo quidem videri potest, verè autem animal brutum est. Ad hæc & familiaritas contracta cum vitiis & consuetudo rerum pessima, mortalem præstringit obtuitum, ut discerni nequeat quàm decorum sit quod torqueat, foedumque quod mulceat. **DO.** Nimis angustus est victus. **RA.** Immo nimis ampla, nimirumque capax gula est. Vnum visu angustum

stum, re autem vnum omnibus in animam ir-
ruentibus vitiis patēs iter. Hac flamma libi-
dinum, hac torpor ingenij, hac irarum & iur-
giorum feruor ingreditur, hac imperiosa cu-
piditas omnia pati iubens, atq; facere dū ne-
cessaria creditis, quæ damnosa sunt & muni-
men vitæ dicitis, quod ruina est. Hac inuidiæ
faces & æmulatio implacata indignantibus
animis, tam gulæ alium obsequentem quàm
vos esse gloriamini, inde laudem sperantes,
vnde pudor metuendus erat. Hac postremo
superbia dum inflatus nec se capiens venter,
animo suum affricat tumorem, & persuadet
illi esse se homine aliquid maius, quod am-
brosia & nectare pastus sit. Vides ut vitiū vnū
est omnibus aditus, neque hunc si aliter ne-
quit inopiæ vectibus clausum cupis. O pau-
pertas amabilis, quæ continentia tibi sumis
officium: vtile est cogi ad id quod facere tua
sponte debueris. D O L. Tenuis me victus ex-
tenuat. R A T. Malles ne igitur tumescere?
Hæc tenuitas podagrā tuis pellet è finibus,
dolorem capitis auferet cerebrique vertigi-
nem vomitūque & ructum & nauseam &
sudorem tædiūque & fastidium tui ipsius,
pallorem alternum ac ruborem, odorem
quoque & oris & corporis tibi atque aliis
importunum sistet. Præterea pedes instabi-
les, manus tremulas, nutans caput, quodque

est optimum, animum ipsum moderabitur
frenabitque. Et quid igitur tam multa corpo-
ris atque animi bona paruo cibi desiderio ac
momentaneo gustus incommodo tibi parta
conquereris dignus his perditis gusti deser-
uire? D O. Tenuis victus me fatigat. R A T I O.
Contrarius fatigaret, nisi fortè onus requiem
vocas. Num legisti lautioris vitæ tædia ma-
gna esse, ita ut quinque diebus continuis nō
possit sine fastidio tolerari ab hominibus tē-
peratis & altiora spectantibus quàm palatum
& ventrem? D O L. Supra modum victus est
tenuis. R A. Fuit ætas, quando hic fuisset &
est adhuc gens aliqua ubi esset victus amplis-
simus, verum mundo in deterius lapso, vos
determini omniū esse nitimini publicè sem-
per principes ruinæ, ut qui optimi omnium
fuiſtis, versis vsquequaque vestigiis sitis om-
nium pessimi, & in temporum vitiis ac loco-
rum præcipuum teneatis gradum. D O L O R.
Victus tenuis mihi non placet. R A. Victum
tenuem & virtutis & voluptatis amatores ac
patroni laudant: tu quam hæresim sis ample-
xus, nescio. Plato Syracusias mensas damnat,
nec vllō modo sibi placere ait, bis in die sa-
tutum fieri. Epicurus in oleribus suis volu-
ptatem ac delicias ponit, & hunc quem tu
fugis victum, rebus ac verbis probat. Deni-
que ut ait Cicero: nemo de tenui victu plura

dixit: tu duarum notissimos si viarum duces
 spernis, quid est reliquum, nisi ut impetu tui
 erroris & virtutis hostem, nec amicam vo-
 luptatis onerosam sequaris ingluviem, scæ-
 dum finem nec tam hominis quam iumentum,
 quodque indignanter ac dolenter dixerim,
 iumenta multum quidem sed pro capto suo
 ventri ingerunt: soli vos animantium do-
 mini mensuram vestram & nescitis & frangi-
 tis. Neque de nihilo est quod multi miran-
 tur, quia patrum & aorum memoria, vineæ
 multo pauciores essent, homines autem toti
 dem aut plures, vina tamen viliora erant: sic
 indies crevit ebriorum sitis. D O L. De lauto
 victu ad tenuem sum redactus. R A T. Benè
 habet quod modestia neglexit, implet ino-
 pia. Optimum est sponte agere quod debeas,
 proximum vel coacte.

De origin. li inopia. Dialog. XI.

DOLOR.

IN paupertate etiam natus sum. R A. Quis
 non nudus vtero matris egreditur? Nil hîc
 præcipuum habent reges. D. Antequam nas-
 cerer pauper fui. R A. Bonæ memoriæ es si
 meministi, delicatissim⁹ si sensitisti. D. In pau-
 pertate sum genitus. R A. An tuæ tibi que-
 rimoniæ parum sunt? Hæc non tua quidem,
 sed parentum fuerit. D O L. In paupertate

natus sum. R A T. In paupertate moriturus: similis principio finis manet, nisi fortè morietis languoribus mederi aurum censes quod in arculæ fundo est. D O. In paupertate vitæ mihi principium fuit. R A T. Medium falsæ sæpe diuitiæ, at principum & finem vera paupertas tenet, nudum nasci, nudum mori, humana verè conditio est: nam quid quæso purpureum cubile, quid funeralis lectus aureus, & quæcunque sub ipsum vitæ finem mortalis ambitio meditata est, quid ad febrē, quid ad mortem ipsamque de qua loquimur morientium nuditatem? An vt equum phaleræ, sic parietē aulae delectāt? Mulcere ista oculos possunt intuentium. Sensu carentibus delectabile aliquid inesse potest, delectatio autem nulla. D O. Nudus inops natus sum. R A. Humanas res penè omnes alterna fors variat: eadem quasdam æquat quo reliquarum soletur imparitatem, harum prima & maxima est ipsa hæc originis ac mortis æqualitas. Multi & varij viuentium sunt amictus nuditas vna nascentium atque morientium, nisi quòd illi multa reperiunt ignari, hi omnia deserunt scientes, vt exigui damni sensum debeat ipsa rerum pereuntium lenire cognitio. D O L. Nudus in hanc miseram vitam veni. R A T. Id recolens animo æquiore abibis nudus.

D O L O R.

NVmerosa prole prægrauatus sum, R A T. Auro etiam neque opibus imbecilles humeri premi possunt, nemo tamē id queritur, sed sic premi gaudet. Atqui prima inter vestræ fœlicitatis dona numerantur filij. His ne te igitur prægrauatum & non potius subleuatum dicis? D O. Multos inter filios inops sum. R A T. Immo verò filij diuitiæ tuæ sunt: quomodo inter diuitias sis pauper videris. Id enim non nisi auaris & bonorum suorum ingratiss accidit, D O L O. Filiorum in turba egestate sordida laboro. R A. Filij non labor sed requies sunt parentum, lenimen laborum atque omnis solatiū fortunæ si boni sunt alioquin non de numero sed de moribus est que rela. D O L. Filiorum acie coarctatus sum. R A. Cur non potius comitatus & vallatus & ornatus? Certè non tantum patres: sed & matres ornamenta sua filios vocant. Non audisti, vt Cornelia Africani magni filia, dū prædices mulier Campana, quæ fortè in domum eius hospitij iure diuerterat, muliebriter gloriabunda, sua illi longè preciosissima ostentasset ornamenta, generosam velut ad æmulationem prouocata, colloquium de industria produxit, donec à scholis filij eius remearent, parui tunc pueri qui magna possent

fuere viri. Quibus illa conspectis versa in-
hospitam : ornamenta mea, inquit, hæc sunt.
Præclare quidem & vt tanti patris filiam de-
cebat : tu autem ornamenta hæc tua vocas
impedimenta. D O L O R. Quis tot pascet
filios ? R A T I O. Is qui te à iuuentute tua
pascit in senium , qui non solùm homines,
sed pisces & quadrupedes pascit & volucres.

D O L O R. Quis tot natorum corpora ve-
stiet? R A T I O. Is qui non tantùm animan-
tia , sed agros herbis ac floribus & frondi-
bus sylvas vestit. Et quid scimus adhuc for-
san hi filij te non modò pascent ac vestient,
sed etiam tuebuntur, sed etiam honesta-
bunt. Humanarum rerum , vt à voluptate
aliæ incipiunt , in laborem ac dolorem desi-
nunt , sic econtra aliæ amaro principio in-
ceptæ dulci fine clauduntur : qualis est fors
virtuosarum omnium ferè actionum , quæ
ingressos cruciant ac progressos mulcent.
D O L O . Fauper cum filiis multis sum. R A-
T I O. Miraris quasi fœcundam virorum non
legeris paupertatem. Diuersa sunt operum
genera & varia dona fortunæ. Nulli omnia
contingunt , aliis vagæ merces, aliis rigens
tellus , exangue aliis metallum , viuæ tibi
diuitiæ obtigere filij , an verò boues & pe-
cudes & asini, cameli & profugæ apes & co-
lumbæ & pulli & pauones, serui denique &

ancillæ

ancillæ in diuitiis habebuntur, soli filij excludentur? DOLOR. O quam multi mihi sunt filij. RATIO. O quam plures aliis. Quinquaginta fuere Priamo, triginta Orodi Parthorum regi, centum quindecim regi Persarum Artaxerxi; septingenti autem Erothinio regi Arabum, quorum fiducia fines hostium alternis aggressus incurſibus, Aegyptum, Syriamque vastauit. Et est sane potentia genus quoddam multos filios habere. Scio autem quid dicturus sis: hi quos memoras magni omnes reges fuerant, mihi longe alia fors est. Nunquid verò rex fuit Appius Claudius? Profectò ne diues quidem priſco illo sæculo, videlicet quo probrum diuitia habebantur, & paupertati cæcitas accesserat ac senectus, & tamen de eo scribens Cicero, quatuor inquit robustos filios & quinque filias, tantam domum tantas clientelas Appius regebat & cæcus & senex. Neque id mirari est quòd priuata bene regeret, cum tot obsessus incommodis, ipsam quoque rempublicam gubernaret. Humanorum defectuum magna pars in moribus non in rebus est. Non erat Appio fors regia, sed nec optabat, sua sorte contentus, exiguos non lautitiis, sed virtutibus adornabat lares, & victu tenui amplam familiam nutrebat. Quodque multi reges mœsti faciunt & quæruli

lætus ille & æquanimus faciebat. Non enim fortunam appetitui, sed fortunæ æquaerat appetitum. Non erat Appio fors Cræsi regis nec conciuis quidem sui crassi sed fœlicior quædam alia quâuis angustior sua fors, nec ad alienam sortem, sed sicut boni omnes faciunt, ad suam propriam se formabat ac suos. Certè nec ego exigo, vt tu sorte alia quàm tua in tuis vtaris & in te; neque vt cibo aut amictu regio tuos pascas aut vestias. Vescuntur lautius regij iuuenes & vestiuntur insignius, sed non viuunt melius nec diutius nec lætius, & quod constat, nec securius nec honestius certè nec sanctius. Pro his omnibus vnum habent quo excellant. pomposius, hoc est stultius viuunt. Suus cuique viuendi modus, sua est mensura, nec idcirco melior, quo maior: vnde fit vt in tugurio sæpe lätos videas, mœstos in regia. Non est omnium vna capacitas, sed vnus est fons gratiæ: vnus ille cui dicitur: aperis tu manum tuam & imples omne animal benedictione. Quid ad rem vasorum seu magnitudo seu paruitas, vbi par est omnium plenitudo. Sed multa desunt pauperibus, quanto plura desunt regibus, cum sit illud Flacci verissimum expertumque, quod multa petentibus desunt, multa. D O L. Laboriosum negotium multos filios genuisse. R A T. Quid sub cœlo

cælo mihi non laboriosum dabis, præter
 vnā, vt creditur, voluptatem, qua tamen
 nihil est in fine laboriosius, nihil quod tot in
 animis linquat aculeos? An non legis apud
 Flaccum, vt nil sine magno vita labore dedit
 mortalibus? At non audis, quid poëta alius
 non ineleganter hac in parte luserit? cū
 enim bona omnia gratis nobis donata esse
 diuinitus. pij omnes vno ore fateantur: non
 donata dicit ille, sed vendita, & precium sta-
 tuit labores. Sic enim ait, laboribus vendunt
 dei nobis omnia bona. D O L O R. Molestā
 est tantorum sollicitudo filiorum. R A T I O.
 An non inter veras sententias illa est: non
 posse inueniri vitam hominis carentem mo-
 lestia? Nec minus illam: omnem vitam esse
 tormentum. Quid filij meruere qui si de-
 sint, curæ aliæ subibunt? Crede mihi quocun-
 que te vertas, quemlibet fortunæ gradum ar-
 rīpas, & labores & molestiæ & difficultatēs
 vitæ aderunt: quid lamentis inanibus opus
 est. D O L O R. Filiis multis premor. R A T.
 Sic dicis quasi scēlitate deprimaris tua, &
 vota prima mortalium tibi cumulatiū ob-
 uenisse fers grauitē, mirum genus impa-
 tientię. D O L O. Quid verò tot faciam fi-
 liabus? Quis tot dotes expediet? R A T I O.
 Vnus est & scēminarum deus & marium.
 Is & filios tibi pascet & filias. Vtque illis in-

genium & viuendi artes, sic is suas dotes dabit. Itaque sic scriptum est, spera in eo & ipse faciet: quod in te est, optimum dotis genus fuerit, sic filias formate, vt vel absque dote recto iudicio placere valeant atque amari. Dotem habuit Romanum imperium Faustina: & quot reris indotatae, castiores, caeque feliciores fuerint? Non facit faustum coniugium dos, sed virtus. Fac si potes, vt tuarum non pecunia optabilis sit, sed pudor, sed modestia, sed integritas, patientia, fides, humilitas: his ornatae gemmis filiae tuae, hoc onustae, auro, his ancillis comitatae, limen adeant coniugum, non diuitum; sed proborum, vbi tutior sapius pudicitia vitaque dulcior quam in thalamis atque atriis regum fuit.

De amissa pecunia. Dialogus XIII.

DOLOR.

PECUNIAM amisi. RAT. Et cum illa curas multis, periculumque perpetuum. DOLOR. Perdidi pecuniam. RAT. Et laborem custodiae & perdendi metum. Si perdendo pecuniam, duo bona, vnumquodque & praestantius amisso securitatem & requiem inuenisti. DOLOR. Pecuniam perdidi. RAT. Bene si te illa non perdidit, quod iam multis possessori bus suis fecit. Noxia enim pecuniae forma est, venenosus fulgor ac pestifer. Itaque velut
fer

serpens squamis aureis placens, mulcendo oculos, animam ferit. Proinde si hinc saluus es, gaude tibi ablatum vnde infici posses, ré- que illæsum inter pericula transiuisse, lætus stupensque recogita. Sin infectus, extirpa- tam mali causam scito, quo facilius ad salu- tem reditus sit. D O L. Amisi aurum atque argentum. R A T I O. Quid cœlesti animo cum terrestribus purgamentis? Quid viriliter philosophantur argentum atque aurum in- ter bona non numerant, qui mollius, bona dicunt, sed non animi: horum quicquid ele- geris siue non bonum siue non tuum fuit, æque nulla tibi est materia querelarum. Nam vt omnino bonum dici velis, quod multi magnique negant viri, non tuum certè sed fortunæ bonum vel inuitus dices. Ita nec tu de tuo aliquid, nec de suo illa quidem perdi- dit sed transtulit. D O L O. Amisi pecuniam. R A T I O. Vt non amisisses si tua esset, sic si tua non erat amittere nequiuisti, verè autem non tuâ sed illius erat quem secuta est, immo ne illius quidem, sed fortunæ, vt dixi, quæ eam cui visum fuerit, breuem ad vsum ma- gno sub fœnore mutuât. disce iam tandem à propriis aliena secernere, D O L. Pecuniam amisi. R A T I O. Si te adeo non tuæ quoque cruciant iacturæ, tibiq; vel alienum aliquid demi doleas, disce illa conquirere quæ tua

sint propria atque perpetua, quorum & acquisitionis faciliior & possessio nobilior certiorque. Virtutem si quaesieris non amittes, vos autem sapientiae contemptores, cultoresque & amatores pecuniae facti estis: obsorduisse videmini salubribus consiliis ac monitis, quaecunque per sanctos atque eruditos viros contra hanc praesertim humanae partem insaniam dicta sunt. Audisti Satyricum vestrum protestantem, nam dives qui fieri vult, & citò vult fieri, atque his dictis addentem: sed quae reuerentia legum, quis merus aut pudor est unquam propter avaritiam? Hanc sententiam Hebraeorum Sapiens quam paucis absoluerat: qui festinat ditari inquit, non erit innocens. Audistis alium ex vestris, seu Satyricus sit ille, seu Lyricus, dicentem: non domus aut fundus non aeris aceruus & auri aegroto domini deduxit corpore febres, non animo curas. Dixerat hoc externus sapiens ille brevissimè: non proderunt divitiae in die ultionis. Et addiderat quod prodesset: iustitia enim inquit, liberabit à morte. Cum ergo pecunia quam amissam luges in necessitatibus summis, nec corpori possit opem ferre, nec animo, mirum cur tanto pere vel optari absens valeat, vel amari praesens? His atque aliis motus orator vester: nihil est, inquit, tam angustii animi, tamque parvi quam amare divitias. At orator Ecclesiasti-

eus, avaro inquit, nihil est scelestius: nihil est iniquius quā amare pecuniā. Et quā multorū in hoc vnū consentit, immo quā nullius dissentit auctoritas, frustra quidem praeualuit sapientum sententiis vulgi furor. Itaque vt nullū iniquius, sic nullū ardentius votum quā pecuniæ est: vt ex qua pendere omnia quæ optātur persuasum sit. Clamāt ab aduerso doctissimorū voces hominū, clamat experientia & veritas, clamat vetus & recens exemplorū turba: magnā pecuniā nulli utilem, multis fuisse pestiferam, cum peccato ac labore quærendam, cū sollicitudine ac pauore seruādam, cū querelis ac mœrore perdendam. Dicant pecuniæ amatores, quid vel in his verbis falsū, vel in suis opibus boni sit. Et vt vera sit æstimatio tam laudatę rei, quid de hoc quisque viderit aut legerit integrum ac syncerum, spretis vulgi clamoribus sepositisque fulgoribus metallorum ad memoriam reuertatur. Quia verò non omnibus videndi experiendique fors eadem fuit, illa animum subeant quæ famosis ab auctoribus scripta nulli vnquam docto legendi audiendique defuit facultas. Nōne ergo pecuniam peregrinorū mores intulisse, & molles diuitias turpi luxu, sæcula prius integerrima fregisse? Nōne ipsas quoque diuitias, auaritiā & abundantes voluptates, deside-

rium per luxum atque libidinem percundi
 perdendique omnia inuexisse, & scriptum
 & re ipsa sæpe compertum est? Nónne aua-
 rum semper egere? Nónne nocens ferrum
 ferroque nocentius aurum, faciámque auri
 famem, nil non mortalia pectora cogere, pe-
 cunieque aspectu debilitatos spiritus? Nón-
 ne aurum per medios ire satellites, & per-
 rumpere saxa potētius ictu fulmineo, atque
 hinc pudicitie simul ac vitæ insidias proue-
 nire? Imbre aureo Dapaces expugnata virgi-
 nitas, ac vatis Amphiarci Argolici casus pro-
 bat: auaræque simul coniugis, vna siquidem
 ruinæ duplicis causa fuit aurum fatale quod
 bene spretum Argiæ Eriphilæ male opta-
 tum, male partum illius penates irrupit, sce-
 lerumque ingentia semina nouit. Nónne
 opes falsas & caducas neque præstare posse
 quod spondeant, neque lenire animi titim, sed
 accendere, neque curas fugare sed arcessere,
 neque necessitates tollere, sed augere, verissi-
 méque & propriè dictum: crescit amor num-
 mi, quantum ipsa pecunia crescit? Et illud:
 neminem pecunia diuitem facit: immo con-
 tra, nulli non maiorem sui cupidinem incus-
 sit. Neque illud minus: crescentem sequitur
 cura pecuniam, maiorque fames. Atque illud:
 multa petentibus, desunt multa: &, permul-
 tis eos indigere qui permulta possideant.

Deni

Denique quicquid sint, non esse perpetuum nec longævum quidem, ut quod positum sit in manibus fortunæ sine intermissione volubilibus subiectum casibus & saltem morte perdendum. Divites enim cum dormierit nihil secum auferet: aperiet oculos suos & nihil inueniet: neque id ipsum suum nihil in quem volet transferet, qua in imagine pertransit homo, sed & frustra cōturbatus, thesaurizat, & ignorat cui congregabit ea. His ac mille similibus. circumquaque sonantibus doctorum vocibus hominum obstruxit aures infinita cupiditas, ut iam frustra diuitibus huius sæculi præcipiatur, non sublime sapere nec sperare in incerto diuitiarum, sed in Deo vivo, qui præstat nobis omnia abūdè ad fruendum, bene agere, diuites fieri in operibus bonis: nam qui volunt diuites fieri, harum scilicet quæ vulgo optantur diuitiarum, incidunt in tentationem & laqueum diaboli & desideria multa & inutilia & nociua, quæ mergunt homines in interitum & perditionem. Radix enim omnium malorum est cupiditas. Non magis hunc audiunt consultorem, quàm qui ait: nolite sperare in iniquitate & rapinas nolite cōcupiscere: diuitiæ si affluant, nolite concupiscere. Neq; hūc magis quàm ipse filium dicentem: qui confidit in diuitiis suis, corruet. Neque rursus his

omnibus magis illum qui super omnes est, cuius doctrina cœlestis, nisi ab insanis planēque furentibus contemni nequit, qui profectò diuitias & diuitiarum comites, voluptates atq; sollicitudines spinas dixit, semē verborum salubrium suffocantes: dixit hoc cuius in ore non est inuentum mendacium. Viua inquam hoc dixit veritas: veruntamē putas inuenerit fidem in terra? Nullam prorsus aut raram. Quas igitur ille spinas suauitatem vnicam atque dulcedinem mundus vocat. Et quod ait quidam, gemmas & lapides, aurum & inutile summi materiam mali, summi omnis materiam boni putant, certatimque omnes vt summum bonum præq; omnibus appetunt. Iamque in vrbium plateis haud ironicè proclamatur: ô ciues ciues quærenda pecunia primum est: virtus post nummos. Atq; illud alterius: vende animam lucro, mercede, atque excute sollers omne latus mundi. Sic nondum intellectum Dei munus, sed magnum Dei pauperies opprobriū iubet, quid vis & facere & pati. Verūmque quotidie cernitur quod ab alio dictum est: pars vilissima rerum certamen nouistis opes. Quis enim quæso non hodie sceleris insigni premio & occasione proposita fas omne abruptit, Pollidorum obruncat & auro vi potitur? Pone fidos fratres, pone vnanimēs amicos in consilio,

filio, in cōuiuio, in chorea dehinc modicum inter illos, non dicam pomum aureum, sed pomi frustrum iaciat discordia. His olim armis vti solita gladii seria iocūq; frangentur. Sicut autem auro nihil scelestius quaritur, sic vt ad rem redeam, nil mœstius perditur, Peccatum nempe ingēs animæ iactura contemnitur proxinūque illi famæ damnum spernitur, & amissum tempus inter leuia numeratur. Lentè flentur fratres perditī, lentius parentes, lentissimè coniuges, saepe verò lætissimè: solæ opes flētur acriter. Verissimū que est illud ploratur lachrymis amissa pecunia veris. Sed multa iam diximus, de quo nunquam satis, nunquam purum, semper minus dicitur, quia pecuniæ ad amorem obstinatis animis, nil dicendo aliud quæritur nisi odium aut contemptus, quicquid vulgatis obstat erroribus, vel simulatum creditur vel insanum. DOLOR. Perdidi pecuniam. R A T. Experrectus es: te diuitem somniabas. DOL. Pecunia quam amabam periit. R A. Pecuniæ neq; amorē neq; odium, sed frugalitatis studium avaritiæq; fugam laudo. Vt amare enim pusilli animi, sic pati non posse aurum infirmi est parūmq; sibi fidentis atq; auro succumbere metuentis. Magnus ille est, inquit Anneus, qui fictilibus sic vtitur quemadmodum argento: nec ille minor est qui

argento utitur quemadmodum fictilibus, ut
 intelligas seu virium seu virtutem non in re-
 bus esse sed in animis. Nec amatorem pecu-
 niæ nec osorem, sed absentis cōtemptorem,
 præsentisque dispensatorem egegiū, ma-
 gnum putēs. Hanc sententiā meditante
 scripsit Cicero: cū amorem enim diuitia-
 rum angusti parūque animi dixisset, adiun-
 xit: & nihil inquit honestius magnificentiū-
 que quā pecuniā contemnere si non ha-
 beas, & si habeas ad beneficentiam liberali-
 tatēque conferre. Vtor in re certa clavis te-
 stibus: & ō utinam mihi simulque illis om-
 nibus fides esset: nusquam enim humanum
 genus tam incredulum, seu tam surdum ef-
 fet. Inexhaustus labor hominum quærendi-
 que ardor terrāsque & maria versans pro-
 bat, auaritia, atque amore cultūque diuitia-
 rum non modò virtutibus, sed vitæ odium
 indictum. DOLOR. Pecuniā magnā ami-
 si. R A T. Magnum pondus & durum & gra-
 ue: simul custodis officium ut incipiens dixi:
 nempe de dominis vos custodes imperiosa
 cupiditas fecit; omnia facere atque omnia
 pati iubēs, sola ut pecuniā cumuletur ac ser-
 uetur. Ita quæ in oportunitates vsusque ho-
 minum inuenta erat, in metum ac sollicitudi-
 nem versa est. Timere & angere & circumspecte
 re domorum incendia, furum insidias & ser-
 uorum

uorum fugam, neq; aliis prodesse neque sibi, sed examine tantum & inutile aurum incubare, hæc diuitiæ vestræ sunt. **DOL.** Pecuniam domi dimissam abstulit nescio quis. **R. A.** Vile & caducum est & certè non proprium quod furto vel vi eripi potest. **DOL. O. R.** Pecuniam in loculis consignatam non inuenio. **R. A.** Dicam tibi non antiquam rem. Fuit nuper apud Italos nobilis & egregius quidam vir, possessionum antiquarum diues satis, ditior virtutum, sed pecuniæ nõ, ita ut cuius non custos, sed dispensator ac dominus esse didicisset. Erat illi filius primogenitus, fori negotiis ap-
prime industrius, qui vigili cura & parsimonia ingenti magnas opes multumque auri quæsierat: & erat mirum visu, in patre senilis iuuenilis largitas, in iuvene filio senilistena-
citas. Sæpe illum pater hortabatur ne suum ingenium fraudaret, ne pietatis obliuisceretur ac famæ, neve in comparisonem auri & decus & debitum & naturalia sibi iura vilescerent. Denique ut sibi met & annosæ matri, & fratribus paruis & consanguineis, & amicis, & egentibus prodesse aliquando diuitias suas vellet. In hos enim usus non in custodiam tantum ac supplicium partas esse dicebat, hoc pater. Sed frustra vel surdo canitur vel auaro. Contigit tandem pro republica filium abesse, & cum electis vi-

ris ad Romanum pontificem proficisci. Quo digresso, statim pater occasione arrepta, nouis thalami arculaq; clauibus introgressus, thesaurum nulli utile è latebris eruit, seque & cōiugem & filios familiamque omnē exquisitissimè induit. Emit equos ornatissimos vasa argentea, suppellectilem speciosam, vltimò domum amplam, sed minimè cultā, nouis auxit ædificiis, & picturis insignibus adornauit minuítq; rebus omnibus, quas liberalis & lauta & abundans vita exigit, multa præterea pauperibus dedit. Sacculos verò in quibus aurum illud filij fuerat, harena lapillisq; flumineis plenos obstructosque & obse-rata omnia, quosq; prius in statu fuerant, dimisit. Quæ cuncta breuissimo tempore gesta sunt, quod & voluntas egregij senis & pecunia prompta esset. Redeunti dehinc filio, fratres obuij fuere: quorum ille occursum hæsit, indumēta atq; habitum miratus qualem antea nō vidisset, quæsiuitq; cuius essent, equi, vnde illæ vestes, lati atq; omniū ignari simplicitate puerili, domini patris esse, multosq; alios domi in stabulo substituisse dixerunt, vtrumque etiam parentem multiplici ac regio esse vestitu, Magis ille magisq; singula cœpi mirari. Inde vbi paternæ domus limen attingit, vix parentes, vixque ipsos parietes recognoscens, nec admiratione iam simplici, sed stupe

stupore plenus atq; ecstasi thalamum atque arculam festinus adiit, ubi cum exterius nil mutatum cerneret, parumper animo conquieuit. Et quoniam collegarum præsentia ac festinatio amplius non linebant, raptim arculam aperuit sacculisq; conspectis solito more turgētibus atq; obtrusis iam securus abit, mox negotio publico expedito, domum rediēs, in thalamo se inclusit, arculam aperuit, sacculos introspectit, aurumq; in harenē versum reperiens exclamavit. Accurrit pater & quid inquit rei est fili quid quereris, aut quid fies? Amisi, inquit ille, pecuniam quam multis quæsitam vigiliis, multisq; laboribus in his sacculis dimiseram, spoliatus tua sum in domo pater. Ad hæc genitor, quomodo ait spoliatus es, nōne sacculos omnes plenos video? Ille autem gemens: harena inquit, pater, non pecunia est. Simul hæc dicens, apertos patri sacculos ostentabat. Tū senex fronte nihil mota, quid inquit refert fili apud te harena ne an pecunia pleni sint? Memorabile dictum, præclaræque sententiæ. Siquidem apud multos ociosa pecunia est, nilque agit aliud nisi quod locum occupat atq; animum, apud plures malè atque improbè operosa, apud paucos demum fluctuosa est. D O L O R. Amisi pecuniam quam amabam. R A. Turpi amore relaxatus es. Nā amor pecuniæ aua-

ricia est. Minus hanc amabis, minus hanc optabis: Nam & illud Satyricum experimento cognitum, quod minus hanc optat qui non habet: optanda autem amissio est: magni etiam boni, cui inseparabiliter malum maius adiunctum sit. DOL. Amisi dulce vitæ præsidium. R A. Quid scis an amarum potius excidium. Plures multo propter opes quam propter inopiam periere.

De vadimonio. Dialogus XIII.

DOLOR.

VAdimonio exagitor. R A. Amissam modo pecuniã querebare, iam proiectam quereris. Nonne ultro te obligans pecuniam preiecasti, vulgaris insani plurimorum, qua per facile & pecuniã perdidideris & amicum? DOL. Pro altero fidem obstrinxi meam. R A. Pro teipso eam solves, & nil debere ac sine compedibus agere quàm iucundum sit, tuo discas incommodo. DOL. Vadem pro amico dedi me. R A T. Da post hac amicis egētibus, aurum, argētum, vinum, oleum, frumentum, vestes, domos, prædia, consilium, solatiũ, cū amicis demum omnia partire, vnã tibi habe nullique vnquam tuam dederis libertatem. DOLOR. Promisi pro altero: en soluedi dies adest. R A T. An tu affuturam ignorabas, an te victurum non sperabas, an non haredem

dem saltem tuum cogitabas, quem spontaneis vinculis inuolueres? Bene autem habet quod in caput errantis pœna redundat erroris. Sentio autē, dilatio te fefellit, Media promissionis inter ac solutionis diem spacia vana mente metimini, quæ vt reliqua tempora longavidentur, dum spectes, dum præteriere breuissima. Volant enim horæ, dies, noctes, hebdomadæ, menses, anni, lustra, sæcula, & quæ distantissima iudicantur in foribus sunt. Itaque quod in paucorum interstitio mensium nunc stupetis, si aparti essent oculi, clarè quidem multis in sæculis videretis: sed vos quasi tempus desiderio vestro pareat, non naturæ suæ. non euenturum vobis terminum, nec ituros dies fingitis, atq; hæc spe velut oculis clausis præcipitium preteruecti verbo placidi vobis esse videmini & urbani pro alio promittentes, quasi non verba hæc & promissa clādestina mox in publicum eruptura, tumultusque rerum maximos allatura sint. D O L. Despondi pro meo amico. R A. Amicorum indigentis scis. præsentis, si quod adest, remedio succurrendum Non te illaquees vtque in crastinum nil promittas: quod non dicerem si succurri aliter quàm promittendo non posset, nunc quid attinet promittere, quod si implere non possis, stulte facias, at si possis super-

uacue? Sed vos rerum auarissimi estis & prodigi promissorum, quasi verò res ipsas promissa illa non exigant. Quod si dicas defuisse in tempore ferendæ opis facultatem, fuisse autem de futuro spem, qua postmodum destitutus sis: nondum ergo didiceras, ut fallacissima rerum omnium spes est. Nihil inuenias quòd tam crebro vos fallat. Nihil est tamen cui tam cupidè credatis, tam subdola & tam blanda est, ita se dulciter ac latenter insinuat, sic inuita diuellitur. D O L. Vadimonio me addixi. R A T. Credo oblitus illud Thaletis Milesij celebre documentum: vadimonio adesse noxam. Et quid de hoc ille vir sapiens dixerit, quod memorasse non inutile crediderim, quòdque in Latinum versum ab Ausonio, ad hunc modum sonat sponde inquit, noxa præsto tibi est. Per mille possem currere exempla, ut probem pedes vadésque pœnitudinis reos, sed nolo nominatim quæquam dicere. Sibi quisque verum dicat & secum putet, spondere quantis damno fuerit & malo. D O. Memetipsum sponte obligans erravi. R A. Error hic purgatorio igne post obitum non egebit, ubi admissus est purgabitur. De illorum enim genere est, quæ suum supplicium secum ferunt. D O L. Promissione me obstrinxi. R A T. Solutione te libera, & quem lingua vinculis innexuit, manus sol-

• uat,

uat, proderit vinctum fuisse, cum euaseris,
laqueos semper horrebis.

De amissione temporis. Dialog. x v.

DOLOR.

Temporis amissionem fleo. **R A T.** Effet hæc eo iustior quàm superior querela, quo leuior est pecuniæ iactura quàm temporis, quod nec necessaria ad bene viuendum est pecunia & amissa restaurari potest, tempus & necessariū & prorsus irreparabile est, nisi quia nolenti pecunia, volenti autem tempus eripitur, quanuis illud fatear grauiora damna esse quæ culpa patientis exaggerat: iustam tamen quærelæ causam nego, vbi qui patitur, volens patitur. **D O L.** Nolens ego tempus amitto. **R A T.** Quis nolentem cogit nisi cupiditas occupationum mater? Solum hoc vnum vitium, ait Comicus, affert senectus hominibus: attētiōes sumus ad rem omnes quàm sat est. Senes hic quidem notat. Omnes vero iam senes in hac attentione facti sunt. Omnem ætatem, omnem statum, omnem sexum inuasit auaritia, hæc tempus miseris & respectum vitæ breuis hominibus eripit. In hanc vnā rem solliciti, æuū omne consumitis, vestri & vestrarum penè iam immemores voluptatum, quæ pestis si nolentes in-

uaderet, posset & nollenti tempus eripi, & iusta esset super preciosissimæ rei amissione querimonia. D O. Non mihi cupiditas tempus extorquet, sed necessitas, R A. Quænam quæso necessitas ista est, quæ tibi præripiat quod vnum ex omnibus tuum est? Ita dico diuitias, honores, potentiam, clientelas, imperia, & quæ sunt huiusmodi suo iure datæ, que eripit fortuna, tempus inuito non eripitur, sed ipsum per se sensim defluit, non utenti paulatimque consumitur, Nec ante perperditis quàm consumptum est, tum querelæ sonant seræ & inutiles, fletur temporis amissio, sed filetur culpa, D O. Me necessitas sola cogit tempus amittere. R A. Quæro iterum, quænam hæc tam violēta necessitas, nisi forte dominorum negotiis implicitus tua negligis, quasi vero non adhæc te sola cupiditas & inexplibilis lucri spes impellat? Pone cupiditates proprias, dominium cupiditatibus non parebis. Sed hoc virus immedicabile venis infusum, & pererrans viscera sensum hebetat, & non solum tempus, sed libertatem vitamque ipsam non sentientibus eripit, Quod si forte nec tuis nec alienis cupiditatibus, sed curis honestioribus tuæ reipublicæ tempus impenditur, non hæc temporis amissio, sed laudabilis est impensa, rem charam rei omnium charissimæ quæ in terris
sunt

sunt, largitus, & viri boni & ciuis egregij
functus officiores, quãuis non ignorem ho-
mines, quicquid præter auaritiæ studium
agitur, vulgo tempus perditum vocare,
cum id demum maximè verèque sit perdi-
tum quod illi studio tribuitur, & quid scimus
an tu quoque populariter perditum tempus
voces? Quod si crederem, omiſſa incurabi-
lius morbi cura, non iam tēpus sed teipsum
malè perditum faterer. Nam si tempus quod
maluerim, Deo tuo, non dicam donas, sed
restituïs, quod sine vera non geritur pieta-
te, ingens atque inæſtimabile lucrum ſci-
to. Pro paruo enim temporis impendio,
æternitatem quæris, quis vnquam merca-
ter permutatione tam prospera vſus eſt?
D O L. Prorſus alia mihi perdendi temporis
cauſa eſt. R A T I O. Non intelligo, quam tu
mihi cauſam dicas, nam ſi propter iram, pro-
pter mœſtitiã, propter amorem ſeu aliam
anĩmĩ paſſionem cogi credis, falleris. Om-
nium eadẽ eſt ratio, quam auaritiæ dixi-
mus, omnes voluntariæ, nulla eſt violen-
ta. Quod & ſano patet intellectui, & à Ci-
cẽrone multis in locis diſputatum & cre-
berime repetitum eſt. Si nil horum eſt
in cauſa, quid aliud eſt quàm torpor & igna-
ua? Sic ad id reuertimur quod ait Seneca,
tūpiſſima eſt iactura quæ per negligentiam

venit. DOL. Vt amittam tempus, mœsta necessitas me cogit. RATIO. Nondum capio quid rei sit: nam si te hostis in vinculis habeat, si mors instet, possunt, fateor, actus bonos impedire, sed non pios sanctosque cogitare, qui maxime in eo statu eminent atque effulgent. Quibus enim curis tempus certe non perditur, nec scio an alibi usquam minus: quæ profecto & in dolum Reguli, & in taurum Phalaridis introire possunt, & in crucem Theodori Cyrenensis ascendere. Sic quocunque te verteris, in te vnum amissi temporis culpa reflectitur. At vos ex more naturam accusantes, quæ volubile tempus fecit, cum hic non esset æternitas: in omnibus vosmet ipsos absolvitis, cum rei omnium soli sitis. Omne enim ferè tempus perditis, immo proicitis, & quasi rem vilem abiectamque contemnitis, quod utinam in virtute saltem aut gloria poneretis, non in summa semper infamia inexpiabilique dedecore, quanquã verè, quicquid non in eos usus vertitur in quos datum est, perditum dici possit. Ad hoc sanè nasci hominem, ad hoc ei tempus dari constat, ut creatorem suum colat, amet, cogitet, quicquid hinc excidit, perditur haud dubiè. Videte igitur quantum perditum temporis, quantumque non perditum.

De

DOLOR.

TAxillorum in ludo perdidisti. **RAT.** Nonne tibi dixeram dum vinceretis, scēnus id esse non lucrum? **DO.** Ludo exhaustus sum. **RAT.** Hic est ludo illi mos qui medicis per exiguo ingesto plurimum exhaustire: crede autem mihi nunc potius gaudendum quā dum falso gaudio exultabas. Melior est acris castigatio quā blanda fallacia. Illud te lucellum ad ludi voraginem vocabat, hoc te damnum inde retrahet. Satiū est turpi freno rectum iter agere, quā habenis aureis præceps in deuium agi. **DO.** Amisi in ludo taxillorum. **RAT.** Vicisti in ludo morum, si quid egeris profundius attendisti: alioquin morbo insanabili frustra remedia cogerentur, si ab hoc baratro nec te damnum reuocat nec pudor, ubi rebus nil proficitur, nec quicquam verbis aggrediare.

De sponsa alteri adiudicata. Dialogus. XVII.

DOLOR.

SPonsam mihi sententia iudicialis eripuit. **RATIO.** Ast aliis fraus, aliis vis aperta. **DO.** Iudiciali sententia sponsam amisi. **RAT.** Quidam dolis, ferro alij, quidam, quod scēdissimum genus, auro ipsas coniuges amittere. Nihil propriū est homini, hinc furta &

infidix, hinc rapinæ, hinc preces, hinc præcia, hinc vltima rerum mors. Per hanc rotam temporalium bonorum dominia voluuntur, quodque est vnius fit alterius, mox ad alios transiturum: quod si in rebus vtilibus ferendum, in damnosis ac grauibz plaudendum est. Quid miri autem volui humana? Homo ipse voluitur & non stat, sed ut scriptum est, quasi flos egreditur & conteritur & fugit velut vmbra & nunquam in eodem statu permanet: tu sponsam quereris amisisse, qui fugiendo & in horas decrescendo assidue te amittis. **DO L.** Sponsam in iudicio amisi. **R A.** In campo alij: tutius est iure congredi quàm bello, legibus decertare quàm gladiis. Legisti apud Virgilium, inter illos Lauiniæ competitors quanta lis, & quis belli finis. Victorem sponsa sequitur, victum mors, tibi sponsa perdita, salua est vita. **DO L.** Iudex me priuauit sponsa. **R A T I O.** Adulter aut raptor forsitan te priuasset. Leuius est sponsam amisisse quàm coniugem. In illa enim spes perditur, in hac res. Minor est autem speratæ quàm possessæ rei, siue vt aliter idem, leuior spei iactura quàm rei. **DO L.** Amisi sponsam in iudicio. **R A T.** Non amisisti, sed tuam non esse didicisti. **DO L.** Amisi sponsam. **R A T I O.** Qui amittit coniugem, multiplici ægritudine liberatur, ac qui sponsam.

præseruatur, vtrumque bonum, sed secundum melius. Quid ni autem sit melius. nullum pati vulnus quàm inflicto vulnere remedium inuenisse? Sed vos animorum impulsu, vt Satyricus ait, & magna cæcæque cupidine ducti coniugium optatis, quod adepti perpetuis tædiis & immortalibus agitetis querimoniis, & tum facti pœniteat. cum non factum esse non potest, cumque inefficax pœnitentia & inanis est. D O L. Sponsam & spem prolis amisi. R A T. Noli lamento miscere. Illa enim pars est altera præcipitis mortalium voti. Sic enim ait, coniugium optatis, partumque vxoris. At non semper placitura, sed profutura dant superi. Tenes apud Apuleium Madaurensem, vt latronum lapsa in manus misella illa virguncula, vnam triuij in partem vbi periculi plurimum loro flectit eum cui infederat asellum, ille in aduersum nititur, qua securum iter erat, & incautam puellam in sua damna tendentem tacitus arguit. Quibus ita luctantibus, latrones quos euasisse videbantur interueniât, à quibus in captiuitatis miseras virgo in suam perniciem studiosa retrahitur, haud absimilis inter diuinam prouidentiam & humanam stultitiam de itinere vitæ huius est quæstio. Illa futuri præscia eò vos agit, vbi dulcia &

secura sunt omnia, hæc obnititur cæca quidam & miseriis suis fauens, inter moras sæpe quæ vitari poterant obsequendo & credendo inopia vos mæla corripunt. D O. Succubui in iudicio & amisi sponsam. R A. Dignus es vicisse: nam duobus de vna muliere certantibus, qui mulierem habet is perdidit, qui vicit is est victus, qui vincitur is est victor ac liber.

De uxoris amissione. Dialogus xviii.

D O L O R.

VXorum heu perdidit. R A T O præposterrum ingenium stupendumque hominẽ qui vxoris in funere lugeat, saltet in nuptiis. D O. Vxorem perdidit. R A T O. O demens: Hymeneum cane. Nũc est tempus, coronatum, victum vidimus dignioribus iam fertis ac cingere. Magno prælio vicisti & longa obliuione liberatus es. D O. Vxorem perdidit. R A. Sic dicis perdidit, quasi qui febrem perdidit aut scabiem. Interdum lucri species est perdere. D O L. Vxorem perdidit. R A. Nunquam tibi fortassis opimiorẽ quẽstum vna lux attulit: quantis compedibus elapsus es, quanto naufragio enatasti. D O L. Sed vxorem bonam perdidit. R A. Solent id quidẽ omnes dicere, & qui cõtrarium sciunt: ego autẽ, & si bona vxor vel omniñõ mulier bona ratũ mirum

mirúmque animal sit in terris, vitāda tamē altercationis causa permiserim vxorem tibi qualem dicis amissam: neque ideo respondebo. quod olim dum hæc eadem questio ageretur apud Senecam, respondi posse te aliam bonam, vel si feceras facere, vel si inueneras inuenire. Muto sententiā: nolo te sæpius rem periculosissimam retentare, quod & si semel bene cesserit, stultè repetitur. Citius centum sui similes mulier mala quàm vnā bonam reperiet. Quamobrem qui malam habuit, similem timeat. At qui bonam, similem ne speret: sed vterque pariter, ille aduersitatem cumulare, hic prosperitatem suam deformare caueat. Sic in omnem casum secundo coniugio abstinendum. Tu nunc ergo si vt ais bonam coniugem amisisti, præterito potius gratulare quàm futuri spem concipias: neque quòd puppe integra littus attigeris, crebro nauiculam ventis credas. D O L. Cōiugij vinculum quo tenebar mors dissoluit. R A. Noli te rursus innectere, cogita quàm optabilis, quàmque incomparabilis sit libertas: & consilium Ciceronis amplectere: qui vxorem viuacissimam & aduersus quam frustra mortis auxilium expectandum esset, dum repudio dimisisset, hortantibus amicis vt aliam duceret, non posse simul se vxori & sapientiæ studio dare operam, respondit. D O. Vxorem

bonam perdidisti. R A T. Quid si hoc etiam non
 iactura, sed lucrū, & magni fuga periculi est?
 ut enim sit bonā reperire, constantē ubi que-
 remus? Notū illud summi vatis: variū & mu-
 tabile semper fœmina. D O L. Vxorem bonā ac
 iuuenili æuo floridam amisi. R A T. Parū ne-
 igitur noti fœminei mores sunt? Quām mul-
 tas pudicissimas adolescentulas, impudicas ac
 lasciuas anus vidimus? Ardor nempe libidinis
 quotiens vetulæ ossibus incubuit, quasi ignis
 in ligno arido violentius æstuat. Vel instantē
 ergo vitæ mutationē, vel ut inde periculū nō
 esset, venturæ utiq; senectutis pōdus ac fa-
 stidiū declinasti. Graue iuuenibus cōiugij iu-
 gum, senibus grauissimum, durum, importa-
 bile. D O L. Amisi iuuenem vxorem. R A. Seu
 proles ex cōiugio queritur, seu voluptas, quo-
 rum alterum mariti est, alterum adulteri, ad
 vtrumlibet, aptior iuuentus. Siue his autē ab
 vxore perceptis, siue horum altero, eō illam
 peruenire optabas, ubi inhabilis ad vtrumque
 esset: siue ad hanc naturā inhabilem senio fie-
 ri posse habilem sperabas, quid nisi votum su-
 peruacuum, spes insulsa est. D O L. Amisisti dul-
 ci coniuge solus sum. R A. Inuidiosa verō so-
 litudo est, malis caruisse comitibus. Vacuo
 nihil est mollius cubili, nihil durius occupa-
 to, animis dulces somnos & vigilias honestas
 amantibus honestūque aliquid altūque

versantibus, nil egregiis cœptis infœstius muliebri consortio. Nec me fugit quid aduersus hæc dici soleat ab his quos miseræ delectant suæ, matrimoniorum inquit expertes, matrimonia condemnant, & vt est in prouerbio vulgari, vxorem verberat qui non habet, ego contra, nullos de coniugio queri solitos audiui, nisi qui sarcinā cōiugij pertulissent. D O. Coniugē amisi optimam. R A T. Et quæ optimæ quæque virorū amantissimæ videntur, zelo ac suspicionibus aliquāto cæteris acrius inardescunt, quo incendio conflagrare pacem domesticā est necesse. Quorsum igitur querelæ? Perdidisti vxorem, inuenisti libertatē, cælibatum, pacem, somnum, requiem. Iam tranquillam sine litigio noctem ages. D O L. Sine vxore sum. R A T. Et sine aduersario iam tui rerūque dominus tuarū esse incipies. Ante lucē lectulo matutinus domo egredi, vespertinus regredi, solus, aut cum quibus voles totos dies agere, nullo rationum exactore permitteris. D O L. Vxorem perdidi. R A. Perdita dudum ac repudiata requies in cubiculum reuocanda erit. Illa tibi vxore qualibet vtilior comes. D O L O R. Vxorem bonam ac decoram perdidi. R A T I O. Stulti est compedes suas quamvis aureas amare.

De importuna uxore. Dialogus XIX.

DOLOR.

VXorem patior molestatam. **R. A.** Fœlicius amissiles: atqui modò perditam querebare. **D. O. L.** Vxorem patior inquietam. **R. A. T.** Primo labori venia forsan aut misera tio, secùdo non nisi odium debetur, & quem vna vxor non castigat, dignus est pluribus. **D. O. L.** Infestam patior vxorem. **R. A. T. I. O.** In aliis vtcunque fortunam culpes, in vxore autem & præsertim altera non alium quàm teipsum, hoc tibi malum tu fecisti. **D. O. L. R.** Vxorem patior procacem. **R. A.** Vdas succende paleas, regulas frange, de reliquo tibi prouisum est: ita verò cumulate quæ te domo pellantaderunt, fumus, stillicidum atque vxor. **D. O. L.** Perfidam patior vxorem. **R. A. T.** Iam periculo res non vacat: vxor Agamemnomen, vxor Africanum morti dedit, vt Amphiareum, vt Deiphobum, vt Sansonem filiam aliòsque quos numerare longum est. Illi quidem prorsus innumerabiles, quos vxores nec mori cogunt, nec viuere patiuntur. **D. O.** Mala mihi notissima explicas remedium quaero. **R. A.** Erunt qui suadeant vt castiges, & prauos mores ad rectum reuoces, totum te huic vni negotio impendas: ego autem quid? castigandam vxorem si castigando proficias, non nego: si id frustra est, solare stat
pati

patientia. Hanc amare, quòdque inuitus faceres, volens fac. Est Varonis Satyra: Menippeam vocant, de officio mariti. Ibi de hac re illius docti viri consilium breue, sed efficax his verbis expressum leges. Vitium vxoris aut tollendum, id est corrigendum, aut ferendum est. Et dicti ratio breuis quoque, sed elegans hæc affertur. Qui tollit vitium, inquit, vxorem commodiorem præstat, qui fert, sese meliorem facit. Quod dictum scriptores alij sic interpretati sunt: eiusmodi vitium vxoris, si corrigi non possit, ferendum esse, quod fieri à viro salua possit honestate, quod vitia nempe stagitibus leuiora sint, eanque non aliam sententiam fuisse Varonis. D O. Procax & morosa est vxor. R A. Fer mores, si immutari nequeunt, & qualiter foris viuas domi disce cum Socrate. Et si ille duas simul pertulit, alij plures, vni ne succubas sarcinæ. D O. Molestā vxorū habeo. R. Cui verò non possit vxor molesta contingere, nisi qui se nuptiis constanter abstineat, cum & Hadriano principi, & quo nil altius, nil mitius Augusto, Sabina illi, huic Scribonia, vtraque coniunx dura ac peruersa moribusq; asperis digna repudio: & Catoni Censorio tam rigidi tamq; inuicti viro animi, cum Paula quædam violenta vxor ac superba contigerit, quod mireris, humili etiam orta progenie, ne

quis hominū speret ignobilitate vel inopia
 vel omnino aliter quam perpetuo cœlibatu
 coniugij subterfugisse molestias : sed quas
 fuga non euaserit, patientia perferēdas sciat,
 nec fluctando, nec calcitrando se torqueat ac
 iugum sponte susceptū iactabundus exaspe-
 ret. D. O L. Importunam prorsus & indomitā
 fero vxorem. R A. Bene agis, ferendum est e-
 tenim quod deponi nequit etsi premat. D O.
 Molestissimam habeo vxorem. R A. Habes
 vnde patientiæ laudem quæras, vnde discas
 requiē optare, vnde peregrinari ames, redi-
 tūmq; oderis vbi vocē exerceas ac bacillū.

De raptu coniugis. Dialogus XX.

DOLOR.

VXOR mihi præripitur. R A T. Violentum
 omne molestum patienti fateor: at res
 ipsa si per te illam æstimes, quam quæso tan-
 tæ molestiæ causam habet? cū profectò si
 importuna est vxor, eius amissio magni one-
 ris sit leuamen. D O L. Rapta est coniunx. R A.
 Si incommodum corporis curanti præmiū
 debetur, quid non leuanti animi angores ac
 molestias debeat? Si quis tibi medicus ter-
 tianam febrem abstulisset, & grātiā illi ha-
 beres & præciū dares, quid nunc facies con-
 tinuam auferenti? D O L. Rapta est vxor. R A.
 Ne

Nescis quid raptori debeas, cura ingnens indecisumq; litigium vna cum coniuge forsitam & graue periculum tuæ domus limē excesserit. Multi perierunt qui vixisset si vel raptu vel aliter coniugibus caruissent: inter vitæ mala nihil peius quam intestina discrimina. DO. Rapta vxor abiit. RAT. Si coacta iuit, ignoscito: at si volens, vno actu duplex tibi queritur vindicta. Nam & adultera suum ad raptorem abiit, & ille tuum virus suam transtulit in domum. Qualem enim mœcho speret quæ talis fuerit marito? DO L. Vxor cū raptore libens abiit. R A. Sine paululum: alteri quidem alterius fastidium non longa dies attulerit. Siantè flagidium cogitarent homines, non eousque precipites ad peccandum essent, nunc feruidos appetitus sera damnat pœnitentia. Nil nisi post factum cernitis, è tergo oculos habetis, caeca frons est. DO L. Rapta est vxor mihi. R A T. Hoc genus iniuriæ nec reges euadere potuerunt: & Syphaci Masanißsa, & Philippo Herodes suam abstulit. DO L. Rapta est mihi coniūx. R A. Quod semel tibi, bis accidit Menelao.

De impudica vxore. Dialogus xxi.

DOLOR.

Impudica vxor domini est mihi. R A. Mallem rapta esset aut etiam importuna, mori-

búsque asperis potius quàm lasciuis ac turpibus. Ferenda tamen omnia ingenti nisu ingentiq̃ue animo, & rerũ mortalium contemptore. Innumerabiles sunt hominũ miseriæ quibus omnibus vna virtus obiicitur. D O L. Impudica mihi est vxor. R A. Pudicitia insignis imperiosas efficit matronas. Nihil metuit quæ sibi nihil est conscia. Huic malo igitur hoc saltẽ boni inest, esse iam molesta minus incipiet minúsque insolens. Læsa enim conscia fœmineum premit animi tumorem, & sæpe obsequentior in reliquis viro est, quæ se meminit impudicã. D O. Lasciua est vxor. R A. Non mirandum si formosa, non curandum si deformis. D O. Vxor impudica est. R A. Pulcra dum limen vxor subit, subire debet animum illud Satyrici rara est adeo concordia formæ atque pudicitæ: nam si turpis insaniat, prope gaudendum est causam adesse diuortij. D O L. Adultera vxor est. R A. Adulterium sæpe quidem æquè ardentius expetiti coniugij sæpe vnum alterius adulterij pœna est, eoque iustior si multorum. Cogita an tu vnquam alij feceris, vnde hoc tibi fieri ab alio nunc dignum sit. Iniusta enim atque impudens est querela, pati quod fecerit indignantis: & ab alio expectare, alteri quod feceris, lex moralis iubet: & facere aliis, quod tibi ab aliis fieri velis, sanè adeo digna est,

ut illud prophani etiam cogente sententiæ
 gravitate atque æquitate laudauerint. Sed
 mortalis petulantix licētia, legū salubrium
 abrogatrix, omne fas nefālque cōfundit. Ita-
 que passim adulteri occurrant, qui cum tha-
 lamos vicinorum coniugiāque fœdauerint,
 suas interim coniuges vel in publico cerni
 nolint: & si quis in illas oculum deflexit, in-
 fāniant: Sic seuerus aliis, sic indulgens sibi, sic
 iniquus rerum arbiter quisque est. D O L.
 Coniugalis mihi fides frangitur. R A T I O.
 Vide ne tu hanc aliis non maritis tantum,
 sed vxori tuę frēgeris. Nam sunt qui ab vxore
 exigunt quod non præstant. Qui lasciuiā
 suam titulo vrbauitatis excusent, alienam vt
 grauissimum scelus seuerissimè punientes,
 qui cuncta sibi cum permiserint, cuncta aliis
 negent. Iniquissimi iudices: qui de pudici-
 tia iudicent impudici, impune passim agunt
 omnia, & seu soluti legibus, vaga libidine
 rapiuntur. Vxor oculum parumper inflexe-
 rit adulterij rea fit, quasi vero domini non
 mariti ipsi quidem: illæ autem non vxores
 diuinæ atque humanæ domus sociæ, sed
 captæ ex hostibus aut emptæ precio sint an-
 cillæ, cum & si obsequij plusculum, fidei ni-
 hil, plus tua tibi coniunx debeat quam tu
 sibi: par debitum, æquus amor, mutua con-
 iugij fides est. Non excuso vxores, viros ar-

quo, primumque illis culpæ partem tribuo.
 Per hæc enim vxori dux atque exemplum
 lasciuiæ vir fuit, & inde mali processit ini-
 tium, vnde remedium debebatur, quamuis
 autem pudor fœminæ proprius, viro certe
 prudentia atque constantia sua esse debet.
 Itaque omnis in viro quam in muliere de-
 mentia animi leuitas, eo est fœdior, quo viro
 debita magis est grauitas. D O L O R. Coni-
 ugis adulterio mœstus sum. R A T I O. Vñratus
 dolor, veius iniuria, nec minus crebra. Vix
 crebrior conuitij quam adulterij vsus est.
 Denique hoc est, quod, vt ait quidam, nec
 premmitti, nec prohiberi potest, quia scilicet
 alterum honestas, libido alterum fieri vetat.
 Tu ne tibi ergo fœminam vnā tuam to-
 tam atque integram voluiffes, quod nec fe-
 rocissimis tyrannorum, nec regum maximis
 potuit tua ætate cōtingere nec priore potue-
 rat? Mitto recētia, ne quos forte præsentium
 offendā: tutius est Herculē ferire quam villi-
 cum. Nec vero cuncta veterū attingam: for-
 uidatissimorū summorumq; hominū famæ
 parcā, Nosti autē, hisque vel in silentio ge-
 mitum tuum fræna, alioquin urbem lustra,
 scrutare viciniam, dextera leuāq; a derūt qui
 vel neglectum geniū calcatamq; thori fi-
 dem lugeant, vel ignari soli vulgo noti deco-
 ris rideantur. Crebriora illa quidem nun-
 quam

quàmq; non auribus modò, sed oculis, quocunq; terrarū perrexeris defutura. At maioribus maior inest consolatio. Reges cogita quos vidisti ac terrarū dominos, dehinc scriptis famæque cognitos recordare. Respice & Arthuri fabulâ & historias reliquorū: in mentem redeat Olympias Philippi, Cleopatra Ptolemæi, Agamemnonis Clytemnestra, Menelai Helena, Pasiphaë Minois, Phædra Thesei, néue ipsam urbē Romam olim quoque dum quoddam quasi pudicitie templum esset, mali huius expertem credas. Redeat ad memoriam Metella vxor Syllæ illius, qui si eius noscet adulteria, nō tantum Romæ, perque omnem Italiā vulgata, sed quæ Athenis etiam per Graciam cantabantur, minimè, ut arbitror, fœlicis nomen sibi prorsus indebitum vsurpasset. Post hanc Iulia Agrippæ, quam hinc à flagitio viri virtus, hinc maiestas patris absterxisse debuerat, simulque huius filia & nomine & lasciuiæ matri par, harumque seu vitæ seu fortunæ vestigiis hærens Iulia Seueri; non sat pudicitie faustum nomen. Quid Domitiani coniugem Domitiā? Quid Herculaniillam Claudij, seu quando hic adulterarum fortunatus coniugum princeps fuit, eiusdem Messalinam summum imperij probrum loquar, quæ secordem virum ac cæsareum deferens cubile, noctu lupanaria

circuibat illa faciens quæ referri etiam pudor prohibet? Quid has ego, quidve alias stringam, seu quis fornix augustis meretricibus non augustus sit, quarum commemoratio fateor, nec honesta est, nec vlla ex parte adulterij crimen leuat, quin potius grauat? Habet tamen haud spernendam consolationis efficaciam similitudo conspecta miserie ac paritas ærumnarum, nō quod alieno quisquam nisi maleuolus delectetur malo, sed quod humilioris fortunæ hominem indignanter pati, quæ totiens mundi dominos passos nouit, vel non ferenda mollities, vel superbia videatur. Tolerāda cuique sua fors. Illa æquius, quam communem paruis constat ac maximis inuidiosissimisque mortaliū. Proinde non hominibus tantum nuptas, sed deo etiam desponsatas, in hæc flagitia labi solitas vides, ac, proh pudor, nec tanti sponsi reuerentia, infœlicem præcipientemque animam frænat. Cui autem parcet effrænis ac rabida libido, quæ nec cœlo parcit nec cœlestem metuit vindictam? seu quibus abstineat, quæ nec deo sacris corporibus abstinentum censeret? Nec verò tantum hac ætate monstra hæc tam fœda libidinum cernuntur, quanuis nulla vnquam recto iudicio fœdiora esse potuerint, læsiq; maioris iram merita: sed a quo illo quo ita prodigum scelus erat,

erat, ut nunc virtus visa equidem ac punita noscuntur. Virgines ipse Vestales quarum exactissimam castitati tribunitiam ac censoriam potestatem celsisse non puduit, quas suorum triumphantium curribus insedissee, ne à quoquam fortè triumphus impediretur, quas postremo noxios casu obuios à supplicio retraxissee, legumque & capitalis sententiæ vim fregissee, sola virginittis maiestate comperimus, quarum præterea ex diuerso non facinus tantum turpe, sed habitus aut sermo liberior, poena graui atque infamia non carebat, & honoris tamen & decoris immemores, & terroris incestiue damnatæque; & defossæ sub terrâ viuæ per historias occurrabunt. Inunc tot exēplis & tam clari & tam sacris obrutus in tanta pudicitia ruina tot probris illustriū cōcussam paululum humilioris cubiculi fidē desee. DO. Vxor adultera est. R A. Id nonnullis mutandæ in melius vitæ causa fuit, qui maritali compede liberati, reiectoq; graui fasce ire altius cœperūt. Quid te vetat coniugis fœditatem primum quoque tibi gradum facere ad vitæ liberioris ascensum? Sæpe & pondus, sæpe & comes pedes expeditissimos retardauit. Ibis ocius quocunque decreueris solus ac vacuus. DO L. Turpitudine vxoris infamor, R A T. Ex alieno peccato damnum dolorque nasci potest, non infamia, sicut ex alieno vir-

tute gaudium, non gloria: tua te virtus aut
vitium gloriosum efficiet aut infamem. D O.
Coniugis vror infamia. R A. Vel file, vel fu-
ge, vel vlciscere. Medium fecit ille vir san-
ctus nactus de simplicitate cognomē, & pro-
fectū primum molle nimis, tertium prędurū
medium honesti humaniq; consilij videatur
his præsertim quorum media, itidem est for-
tuna. Nam superbis potentibus frustra lex
ponitur. Voluntas, libido, ira, impetus, hæ po-
tentis insolentiæ leges sunt. Omne vulnus
ferro rescindendum putant: multa sunt autē
quæ non ferro egeant, sed fomentis. D O L.
Impudica est vxor. R A. Si pati eligis, ætas
fortassis illam franget, & labor, & filij, & mor-
bi, & rei familiaris angustia: quibusdā frēnū
utile pudor fuit. D O L. Vxor infamis abiit.
R A. Opta ne redeat, ne abierit serum votū.
D O. Vxor adulterum est secuta. R A. Malles
ne tuum in cubiculum adulterū induxisset?
Hic saltem pudor impudicæ fuit turpem vi-
tam procul agere, perpercit oculis erubuitq;
præsentiam tuam. Impudicitiam potes accu-
sare, non fugam. D O L. Fœda vxor abiit. R.
Si de hoc doles, dignus & vt māserit, dignus
vt redeat.

DOLOR.

Sterilis vxor est mihi. **RA.** Vnum cōiugalis incommodi remedium sterilitas obsequiosas facit atque humiles. Quæ plurimos parit, iam non vxorem se credit esse, sed dominam, sterilis autē flet & tacet. An nō Helcanæ meministi? **DO.** Vxor mihi sterelis obtigit. **RA.** Modo de coniugis impudicitia querbaris, nūc de sterilitate conquereris. Atqui si ea querimonia iusta fuit, hæc iniusta est. **Expedit** impudico viro vt sterilis vxor sit, nō pascet filios alienos, quod est in omni vxoris iniuria ac fæditate durissimū, si miserū vxor adultera, miserrimum, & fœcunda. **DO.** Vxor est sterilis. **RA.** Quid ergo, tu puerperan eulantem audire & nutrices ligantes & vagientes infantulos maluisses? Sterilitas omnia tædia hæc submouit. **DO L.** Sterilis vxor est. **RATIO.** Vide, ne quod multi faciunt, vitium tuum alteri obiicias. Multæ vni viro nuptæ visæ steriles, nuptæ post aliis peperere. **DO L.** Sterilis est vxor. **RATIO.** Quid scis qualem tibi filium pareret si fœcunda esset? Quarundam partus fœcunditatem odiosam & sterilitatem fecit optabilem. Non tulisset imperium Romanum portenta illa feralia, Caium Caligulam, Noronem, Commodum, Bassianum, si Germanicus, si Domi-

524 F. PETRARC. DE REMED.
tius, si Marcus Antonius, si Septimius Seue-
rus aut nullas vxores, aut steriles habuissent.

De filia impudica. Dialog. XXIII.

DOLOR.

Delicata nimis est filia. R. A. Duas se ha-
bene filias delicatas, sed ferēdas tamē,
republicam scilicet & Iuliam dicere soli-
tus fertur Augustus Cæsar. Iuliæq; animum
lætum quidem vsq; ad speciem procacitatis
sed reatu liberum. In vtraque tamen ita sen-
tiens princeps sapientissimus fellebatur: nam
& respublica iampridē ab illa sua prisca vir-
tute fornicari cœperat, & filia non tam deli-
cata quàm probris solum patrem latentibus
deformata erat, quæ tandem sero licet eru-
pere: secundum tamen hanc sententiam de-
licata potest esse filia, sed pudica. Quod vt
permiserim, negari illud certe non potest:
prorum & breue iter ad impudicitiam esse
delitias. D O L. Filia lasciuire incipit. R. A.
Occurre principiis, dura ferro, tenera digitis
conuelluntur. Qui sibi vel alteri habitū quæ-
rit, à teneris annis incipiat. Facile & tractan-
tur mollia & flectuntur. D O L. Lasciuire
incipit filia. R. A. Lantas dapes & vestes illi
molles ac fulgidas, annulosque & armillas
detrahe, & quicquid est aliud quo & ipsa sibi
placeat & placere aliis studeat. Obiice illi
dome

domesticas curas, pensa, acus & colos, & si quid est operis quod suaves ac molles manus in callum duret. Seduc eam à spectaculis, à concursu populi. Festis etiam diebus illam domi contine: nullum vagis ac dyscolis cogitatibus tempus linque. Occupatio & labor & incultior habitus & victus asperior & secessus, inque vnum aliquid iugis intentio: ad hæc testis charus ac verendus, frequens admonitio, dulces minæ, & si quando res exigat, asperæ: hæ sunt castitatis aduersus impudicitiam seræ ac vectes, qui & insultantes ocioso animo passionibus arceant & ingressas ericiant. DO. Filia impudica est. R A T. Ecclesiasticum consilium: super filiam luxuriosam confirma custodiam, ne quando faciat te in opprobrium venire. Etsi autem nihil penè tristius pati possis, modò tamen paterni officij nihil omiseris, est vnde mæstum te soleris. Tuus enim potest esse dolor, sed non pudor quidem nec crimen: nam præcipitem in libidines animum frænare difficile est valde, & nisi deus ipse manum adhibeat, impossibile homini. Tantus est enim impetus tamq; effrænis, ut contra eum frustra sæpenumero parentes, frustra & fratres, frustra etiam ipse vir laboret. Neque id mirum cum sit scriptum: aliter non possum esse continens nisi deus det. Néve hinc pudicitie excusatio vlla

sit, dat hoc deus pia fide poscentibus, quodq;
in se est annitentibus, ac scientibus cuius sit
hoc donum, ritèq; & ipsum æstimantibus &
auctorem. DOL. Filia adultera est. R. A. Si nu-
pta, habes participem generum doloris: ha-
bes & ipsum Cæsarem Augustum & iniuriæ
comitem & ultionis exemplum.

De aduentitio dedecore. Dialog. XXIII.

DOLOR.

A Lieno crimine infamior. R. A. T. Dicebā
amodò, & sic est: alieni te criminis dolor
attingere potest, nō infamia. Verū loquor.
Falsa enim ut sit dura, durabilis non erit, &
infamiam & gloriam ut longæua sit, tuo tu
quidem ex agello animi propriavitæ falce
messueris. DOLOR. Alieno crimine mœstus
sum. R. A. Credo hercle. Esto autem tua lætus
innocentia, nisi magis alieno tangeris quàm
tuo, non ut patrimonij hæreditas, sic & fame
est, & si esset repudiari posset. Onerosam &
infamen hæreditatem adire nemo cogitur.
Nunc ut dixi, nominum successio nulla est.
Nulli agnationum aut cognationum gradus
hæc in re, seu tu clarum tibi, seu tu fuscū no-
men optaueris, à te illud non ab alio peten-
dū erit, tuis opus est meritis. Est quando qui-
dē alienis nec fœdari potes nec ornari. Quid
tabellionem aspicias, quid testantem, quid
aman

amantissimo clarissimoque seni tuo fidis, seu quid horres obscurum, nec verum decus inde, nec dedecus? Nō legatur fama sed quaeritur. D O. Meorum grauior infamia. R A. Immo tua te premit opinio, humanæ miseriæ radix ingens. Pone illam, falso fasce leuaberis. D O. Meorum criminibus infamor. R A. T. Nego id quidem fieri posse, sed vt fatear, præstat tamē alienis te flagitiis infamem esse quàm alios tuis. Multo est enim grauius peccati pōdusquàm infamia, vbi peccatum, illic miseria vera est. Cōtrā autem, falsā infamia veræ miseriæ nihil habet, falsa gloria, plebeios licet animos illa pungat. hæc mulceat. D O. L O R. Meorum infamia non tangi nequeo. R A. T I O. Tangi pium, sterni miserum. Proinde dum reliquæ spei sunt, summo studio tuorum famæ atque inde susceptæ perturbationis tuæ consulæ. Si spes omnis abierit, illis omiſſis sollicitudinem atque angores deponendos censeo: nam & incassum niti & tristitiæ materiam aucupari, par dementia est. D O. L. Seruilibus probris notor. R A. T I O. Meritam patientiæ pœnam luis, cū diluere notam possis, scelerum pulſis auctoſibus. D. At meorum qui tam facilè pelli nequeunt vr̄or probris. R A. T I O. Quorum quæſo? Iam parentum castigatio, filiis nullo iure permisſa est. Inde tibi igitur nihil infamiæ, quin

potius recto iudicio quasi quidam fulgor ex tenebris nasci potest: nam cum virtutis proprium difficultas sit, multo difficilius est obscuris quàm claris ducibus rectum iter tenuisse. Sin vxoris, quid hic verò te agere oporteat & quorū pro remedio meminisse, paulò suprà monui. Si natorū, respice qui viri quos filios habuere. Fabius Maximus ac Scipio Africanus & Pompeius magnus: (non enim imperij atque opum, sed ætatis & gloriæ sequor ordinem,) quem aut Vespasianus vltimum, aut Aurelius Antonius vnicum, aut Seuerus primum: quos in genere alio Hortensius ac Cicero: quam postremò filiam Augustus Cæsar, aut quem filium Germanicus, magna de luce magnas tenebras videbis, & intelliges hoc prolis infortunium, nescio quidem vnde, sed in maximam quanq; familiam suo iure familiarius scandere, & cuique suas vomicas domi esse vel ignotas vicinæ vel neglectas. Nec fratrum nepotūque decerant exempla. Illa posui quorum propior & grauior videri pudor solet. Omnium vna est regula. Alterius quisquis ille sit, maculas inuito alteri nec affigi posse nec hære.

De infamia. Dialog. xxv.

D O L O R.

MEa premor infamia. R A. Timui tua ne conscientia premereris. D O L. Infamia

ma premer graui. R A T I O. Si iusta, non in famiam, sed infamiæ causam desle. Sin iniust error es hominum alto animo proculcās, tua te conscientia solare. D O. Graui infamia laboro. R A T I O. Ventoso falce suspiras, sic suapte natura leuem sarcinam ferētis imbecillitas grauem facit. D O L. Grauis in meum nomen surgit infamia. R A T. Refert quibus orta radicibus; si veri, viuet, augebitur, alioquin mox arefcet ac defluet. D O L O R. Magna mihi infamia conflata est. R A. Bene ais. Flatus est enim fama: sæpe etiam impurius qui vos adeò quatit ac territat. Atqui magna infamiæ, magnæ famæ principiū multis fuit. Puduit vulgus, & vt iure suo errori adderet errorem, rebûsque modum cunctis excluderet, modicam infamiam immodicis laudibus tandem vicit. D O. Multa vndiq; pulsor infamia. R A T. Circunflantibus ventis in portū redi, & ab aurium procellis in cubiculū cordis ingredere, cui ū tranquillitas sua est, habes vbi iurgiorum fessus requiescas, & vt dici solet, in sinu gaudeas. D O L. Fusca fama, conscientia clara sum. R A T. Tu ne igitur fama esse clarissima, conscientia tarpi superes atq; obscura? Ita ne penitus verum est illud Flacci falsus honor iuuat, & mendax infamia terret? O rem venam, vera quidem & iuuare possunt & terrere, vmbra metuere non est

VIRI. D O L. Infamiae sarcina ingens est. R A T. Si flagitio collecta, grauis fateor, si casu, facilis, si honesti studio, gloriosa. Siquidem bonis artibus quaesita infamia laus est. Insultent fatui, tu exulta lucro nobili, virtutem nempe rarissimam mercem, magno licet & quo nullum maius famae precio comparasti. Is virtutis cultor verus est qui in illa nihil penitus praeter illam cogitat. Sed cum reliquorum clarus, tum clarissimus est contemptus famae virtutis studio susceptus, cum profecto fama visis fortibus, non auro tantum, sed vita etiam sit charior. Qui amore virtutis hanc spreuerit, is spreturus omnia credi debet, quod praeclarum, sed perrarum scito, quandoquidem magna pars eorum qui videri volunt virtuti operam dare, fama eius apprehensa, sic confestim in actione lentescant, ut intelligi detur vnum hoc illos quod apprehenderint intendisse. D O L. Multi grauer me infamant. R A T. Plures olim Fabium, & grauius plures etiam Africanum, quae res illis eximiam in gloriam versa est. Communem cum talibus sortem quaeri desine, paucissimis accidit, omni semper infamia caruisse. Delicatissima res est fama hominis, & quae saepe rubiginem leuibet contrahit ex causis. Et ad summam, ut nil clarius fama est, sic nil obscurari propius, neque peregrinarum, ut sic dixerim, capacius.

cuius impressionum. DOLO. Graui vroi infamia. R A T. Pestis hæc verendis maximè infesta nominibus, viris quoque sanctissimis non pepercit, quorum princeps omnis expers culpæ, & ipse tamen ab impiis infamatus ostendit mali huius immunitatem, quæ nec deo obtrigisset, hominibus non sperandam. DOL. Dura atteror infamia. R A T. Virtutem inuidia non tentari vix possibile dixerim, sufficiat non conuelli, siue gloriam cum obtreptione collidi, si pura, si solida est, splendesset attritu. D O L O. Acpi vexor infamia. R A T I O. Vulgaris aura cæcis ignoratione pulsa turbinibus summa rerum cacumina verberat, sed non quatit, vel si quatit non euertit. Excellentie tibi cuiuspiam signum sit, in vulgi linguas quasi scopulos incidisse. Humilia enim & circa terram depressa nomina, nec præclaræ laudis lumen excipiunt, nec magnæ infamiæ tempestatē: sæpe quod spernitur & quiescit. D O L O R. Male de me vulgus loquitur. R A T I O. Bene quod in linguas, non in calamos incurristi: vehemens sermo vulgi est at minimè diuturnus: leuibus aut falsis orta causis breuia sunt oportet, tacebant cum multa latrauerint. Fatigari citius solent qui cœpere feruentius. D O L O. Vulgi linguis exagitor. R A T I O. Quid si oratoris aut poetæ insignis in stilum im-

pegisses: vt multi olim quos infames posteritati traditos iniinici eloquentia videmus, vt sicut nobile m. hi suspirium Alexandri regis, Homerum Acacidę inuidentis, sic metus nobilis Alexandri principis videatur literatos disertosque viros ne quid de se asperum scriberent, formidantis, quanquam nec literatis obrectatoribus succumbendum, sed vel pari stilo refellenda calumnia: quod Tullius Crispo, quod Demosthenes Aeschini, quod innumerabilibus fecit Cato, vel insigni fiducia & omne theatrum superante animi testimonio resistendum esset, dicendumque quod Caluo Vatinius perorante: nō quia ipse disertus, idcirco ego damnādu sum: at nunc periculi nihil est, siquidē vulgus vt multum strepat, quandiu tamen id faciet, citō vel volens vel coactum desinet. Veniet dies quę strepidulis his cicadis, loquacibúsque silentium pacis ponat. **D O L.** Malam famam apud vulgus habeo. **R A T.** Vt apud te ipsum, utque apud bonos bonam ac perpetuam veramque habeas enitere. Nempe ista quam quereris, euanescet. Inane genus ac trepidum mortales, quid ad vos vel adulātium vel detrahentium breue istud & obscurum murmur? Venient qui liber us iudicēt atque æquius. Et qui sunt, inquires. hi iudices? Nosse illos non potestis, sed ab illis nosci. Illos dico qui post vos nascen

nascentur, quos nec vestri odium nec liuor, sed nec amor nec spes torserit aut metus. Si vestrarum æstimationem rerum ac sententiam incorruptam vultis, hos iudices expectate: Breuis est mora: properant, ecce moxq; aderunt. D O L O. Infamiam factis egregiis & virtute contraxi. R A. Est vbi amor damni alitur, crescitque laboribus, inque amaro, dictu mirum & maligno solo radices agit alius, vnde fit vt factionum amantiſſimos sæpe illos videas, qui multa & grauia pro factionibus passi sunt: nota quidem & nimium trita res vestris in vrbibus. Proinde nemo vel iustitiæ vel veritatis amantiſſior, quàm qui pro hac flagellis sese obtulit ac morti. Et tu igitur virtutem ama, magisq; ac magis illā cole, pro qua famam, rem pulcherrimam atque charissimam amisisti, pro qua non leue supplicium fers infamiam, perditisq; & spreis omnibus, eam ipsam quā tibi nemo vnquam eripiet, virtutem solam solus amplectere, atque illi dicito: hæc quidem ô regina pro te valens patior, tu me in integrum restitues, aut certè vna mihi pro omnibus satis es: tu me sola sinu pio resoue, sic nō famæ tantum sed vitæ quoq; damna non sentiam. D O L O. Vulgo passim in triuiis laceror. R A T. Boni consule. Notum te vulgus faciet, clarum virus, conscientia securum.

*De quasito ex indignis laudibus pudore.**Dialogus XXVI.*

D O L O R.

Laudasse arguor indignum. R A. Malum
 Liquidē quod est bona sæpe oritur radice.
 Boni enim & innocui quales ipsi sunt, tales
 alios opinantur. Hinc ad laudandum æquo
 etiam proniores sunt: & quanuis indignum
 laudare malum fatear, vituperare tamen im-
 meritum, multo est peius. D O L O. Laudavi
 indignum. R A. Si id sciens, reprehensibilis:
 at si ignorans, excusabilis: Minus est malum
 falli quàm fallere: falli enim alienum, fallere
 autem proprium fallentis est crimen. D O L.
 Aliena laus in meam vergit infamiam. R A.
 Immo quidem tua vel culpa, vel ignorantia.
 Ex alieno enim vt laus, sic infamia nulla est.
 D O L. Laudasse indignum valde doleo. R A.
 Vide ergo ne idipsum sæpe doleas. Caue ne
 temere ad laudandum vituperandūq; pro-
 filias. Est enim vtriusque rei libido, & vt dicā
 propriè, morbus ac pruritus quidam linguæ
 mobilis & quietis insecræ: cuius frænū ac cu-
 stodia inter opera perfectionis eximie nu-
 merantur, dicente scriptura: si quis in verbo
 non offendit, hic perfectus est vir. Qua in re
 nimis sæpe fallimini. Et heu nimis illud eius-
 dem Apostoli verum sit, quod linguam nul-
 lus hominum domare potest, inquietum ma-
 lum.

lum. Ad mentiendum ergo quotidie vos illa
præcipitat, quos hinc suus vtget impetus, in-
de falsa rerum species trahit. Sunt enim qui
aspectu vel eloquio vitia morum tegunt:
quod de Alcibiade accepimus, de multis vi-
dimus. Sunt qui virtutes velo occultant con-
trario, seu id natura vultus scilicet aut sermo-
nis austeritate insita, seu etiam arte quadam
studioque aduersus id quod vulgo concupis-
citur adhibito. Nam vt multi qui se bo-
nos, sic aliqui qui se malos fingerent sunt re-
perti, quo vel humani fauoris pestilentem
auram vel inuisam honorum temporalium
sarcinam declinauerunt: quod de Ambrosio
lectum est. Accedit amor atque odium, ac-
cedit ira & inuidia, spes & metus, affectus-
que animi varij & occulti, hisque ipsis inter-
dum quorum sunt incogniti: semper autem
iudicij veri hostes. Accedit quod viuētis laus
diuino eloquio propter vitæ mortalis incon-
stantiam prohibetur, quanto igitur magis vi-
tuperatio? Deinceps itaq; ad laudandū tar-
dus, ad vituperandum tardior veni: cum vter
que enim, vt dixi, malus error sit, peior est vl-
timus. DQ. Laudādo immeritum errauī. R A.
Errando discitur, & sæpe error vnus multis
obstat erroribus, dūmq; errasse semel pudet,
nec similis iterum error obrepat, occurritur.
Laudasti iucantē, linguam frena: hoc boni

saltem illi insit malo. DO. Indignum laudasse
pudet ac poenitet. R A. Pudor & poenitentia
& dolor scelerum sunt & gradus quidam ad re-
sipiscientiam & salutem. Pauci sunt qui ad re-
ctum iter nisi per deuia multa cespitando
perueniant, multosque ideo voluptatis ser-
uos in iuuentute vidimus, qui virtutis amici
in senio euaserunt.

De amicis infidelibus. Dial. XXVII.

DOLOR.

DE amicis queror. R A T. Quid hic hosti-
bus faciat qui de amicis querimoniam
instituit? D O L O. Amicos experior infide-
les. R A T. Impossibilem rem narras. Ne for-
tè autem amicos credideris, qui non erant,
nempe id non modò possibile, sed commu-
ne est. D O L O. Infideles sunt amici. R A T I O.
His querelis plenus est orbis terrarum: verum
amicitia infidelitasque non coeunt. Qui infi-
delis esse incipit, desinit esse amicus, seu,
quod potius crediderim, nunquam fuit.
Cumque omnis virtus immortalis sit, omnis
fictio aut brevis, non fides est sublata, sed fi-
ctio. DO. Infidos experior amicos. R A. Ami-
ci falso habiti, si nunc primùm infidelis ani-
mi latebras pandunt, erroris tui finem latus
aspice, & caueto interim ne morbi contagia
in te serpent: sed quicumque illi fuerint, tu
ami

amicitiæ fidem serua, & si non propter im-
 meritos, at propter te meritum aliena peste
 non infici, quod libentius facies, si quantum
 tibi displiceat illorum perfidia, ipse tecum
 acriter excusseris. Sæpe vitij odium, calcar
 ad virtutem fuit. DOLO. Immeritus amico-
 rum odia contraxi. RATIO. Odiosi ciues,
 odiosi socij, odiosi cognati, odiosi coniuges,
 odiosi fratres, odiosus demum patri filius &
 filio pater. Et ad summam, nulla necessitudo
 est quæ non odiis esse possit infecta. Sola qui-
 dem amicitia syncera mali huius ignara est.
 Intérque hanc & reliquas hoc interesse diffi-
 niunt, quod illæ omnes adiuncto odio du-
 rant noménque suum retinent huic vni non
 modò si odium accesserit, sed si amor abces-
 serit amicitia iam non est, neque verò magis
 odiosus amicus esse potest quam amor etiã
 odiosus. DOLO. Perfidos partior amicos. RA.
 Si quid spei reliquum perfer, dum in fidem
 redeant, & ardenter ama. Multi enim tepido
 amore amicitias extinxerunt, aut parum fi-
 dendo perfidiam docuere. Si nec ita proficis,
 spésque omnis interiit, vt re consilio Cato-
 nis, qui amicitias quæ nō placent, sensim dis-
 suendas sensuit, non sub:to discindendas ne
 geminum graue demnum simulque & amici
 perditū videantur & quæsitū hostes, nisi fortè
 acrior casus ac moræ impatiens maturo con-

filio uti videtur, qui si incidat, inter ærumnas
amicitiarum ultimas numerandus erit, seren-
dus tamen alto animo, ut reliqua, cedédum-
que necessitati & parendum temporis: sed hic
casus veræ vix amicitia: tunc notus est.

De ingratis. Dialogus. XXVIII.

DOLOR.

Multos experior ingratos, graue vitium.
R A T. Ingratitudinem vituperare in-
peruacuum: omnium nempe mortaliū hanc
sermo condemnat. Non est laborandum ut
suadeas, quod omnib⁹ persuasum est & inex-
tirpabiliter insitum. Est qui summum, est qui
solum in virtute bonum locet, est qui neutrū
sed in voluptate virtutis hoste ponat omnia.
Sunt, qui castitatem pulcherrimum orna-
mentum vitæ dicant. Sunt qui hanc ipsam in-
se spernant: in aliis verò vel ridiculam, vel
difficilem certè longèque laboriosam putant:
quod Augustinus tantus vir futurus in se sen-
sit ubi Ambrosij cælibatum laboriosum sibi
visum ait, qui aliis non laboriosus modò, sed
damnabilis vitæ status visus erat. Vnde illud
Platonis: qui cum cælibem castamque vitam
diu tenuisset, ad extremū sacrificasse legitur
naturæ ut sibi illam placaret, quā sic uiuēdo
violasse & in quā grauiter peccasse videretur.
Mirum id tam docto homini videri potuisse
sed

sed visum esse nō est dubium. Erunt quoque qui fortitudinem eminentissimam clarissimamque virtutem ducant: vulnera aduersis excepisse pectoribus; campum rutilo sanguine cruentasse, intrepidisque demum animis mortem appetuisse. Erunt qui hæc omnia summæ tribuant insanix, & nil melius securo atque imbelli ducant ocio. Venient denique qui iustitiam gubernatricem, rerum humanarum & virtutum matrem censeant, qui religionem iter ad æternam vitam credant & ad cœlum scalam. Venient contra qui iustitiam ignauix, religionem amentix ac superstitioni adscribant: hi sunt de quibus scriptum est, quoduis habent in viribus, qui omnia virorum fortium esse confirmēt. Neque solum ex hoc genere violētorum hominum raptorumque, sed ex ipsa doctōrum acie quantos oppugnatores habeat iustitia, facile est in libris reipublicæ Ciceronis advertere. Sunt qui fidem & promissorum obseruantiam magnis & meritis laudibus efferant. Sunt qui fidem frangere non fallere dicant esse, sed plus scire & esse ingenij melioris. Quæ licet vulgo multorū hodie sit opinio & multorū vox, apud Lactantium nominatim Mercurio tribuitur dicenti, sicut ille ait: non fraudis esse dicipere sed astutix: pulcher enim ingenij Deus & cloquij. Et ad summam

nulla virtus tam laudata est quin vituperato-
 res inueniat : gratitudinem nulla barbaries
 gentium , nulla morum immanitas non lau-
 dabit, nemo vsquam non vituperabit ingrati-
 tudinem: sit fur, sit sicarius, sit proditor, sit in-
 gratus, vitium suum excusare non audebit,
 sed negare. Quæ quanuis ita sint, nihilomi-
 nus tamen innumerabiles sunt ingrati. Nec est
 ferè vitium aliud quod tam multis verbo
 damnatum, tam meli rebus ipsis amplectan-
 tur ac teneant. Quid concludam? Damnan-
 dum vtique non solum verbo, sed animo ma-
 ximè atque iudicio & in se, cuique bono fu-
 giendum ac vitandum, in altero tolerandum,
 sicut cætera quibus humanum scatet genus,
 quibus mali abūdant, boni exercētur. Perferet
 igitur, & gaude potius ingratum ferre quàm
 ingratus fieri. **PO.** Ingratos multos inuenio.
R. A. Vide ne quid in te culpæ sit. Multi enim
 dum benefici dici volūt, iactatores sunt atq;
 exprobratores. Onerosum genus quorum be-
 neficia plus offensæ præferunt quàm gratiæ.
 Idq; nihil est aliud quàm precio odium pa-
 rere: mercimonium insanum. **PO.** Benè me-
 ritus, multos malè memores & ingratos pa-
 tior. **R. A. T. I. O.** Tu ne hoc illis inuides, tuam-
 que cum illorum sorte commutatam cupis?
 Noli obsecro cuiuscunq; sit vitiū , virtus tuā
 veniat in partem. **PO. I.** Multos habeo ingra-
 tos

tos. **R. A. T.** Quid expectas audire, benefacere
 ut desinas, deq; alterius culpa tuum ipse dà-
 num facias? Quin tu potius contrariū fac, &
 qui multos habes, cura nunc etiam ut habeas
 plures, habebis autem si multis benefeceris.
M. Multi enim semper ingrati, sed plures hodie,
 vereorque ne confestim gratum esse porten-
 tum sit: ita indies retro eunt omnia. Ea peten-
 tium improbitas, & ea debetium obliuio at-
 que superbia est, neq; ideo desistendū, neq;
 cæcorum æmulatione eruēdi oculi, quos po-
 tius facere debet aliena cæcitas chariores,
D. O. L. R. Mihi multi sunt ingrati. **R. A. T. I. O.** An
 tu multis idem fueris recordare. Vna enim
 ingratitudo aliā punit, sicut in reliquis, vnū
 sæpe peccatum alterius pœna est. **D. O. L. M.** Mul-
 tis ingratis profui. **R. A. T.** Multis indignis
 profuisse satius quàm vni digno defuisse.
 Proinde perge, neu malorū odio bonos ma-
 res exuas, nec prodesse aliis cesses, quod ab
 aliis malè sit cognitū. Cognoscēt hi fortasse
 melius, si ne id quidem, nosse Deum, nosse te
 satis est: non est vera virtus, cui conscientia
 præmium non sufficit. **D. O. L. P.** Profuisse multis
 infelicitè cessit. **R. A.** Caue ne vnus crimē
 oblit alteri, quodque est grauius, tibi. Expe-
 rire alios, cedit fortè foelicius. Quidam præ-
 terea diu ingrati argente animum pudore,
 tandē fuere gratissimi, magnèq; cū fœnore

spes amissa rediit. Ad hæc scipe quod requisitus debitor negauit ultro non debitor obtulit: nullum bonum opus vnquam periit. Qui bene agit ante alios se cogitet. Vna quidem virtus multis prodest. sed prima & maxima pars virtutis in agentē redit. Itaque vt mali omnes & ingrati sint, non idcirco vir bonus beneficio cessabit: nam quæ in multos spargit, in se cumulat, sibi ipse beneficus vni saltem non ingrato. DOL. Proieci beneficia in ingratos. RAT. Atqui gratis dare nec avarus metuat: eo autem liberalitas maior, quo spes præmij minor est.

De seruis malis. Dialog. XXIX.

DOLOR.

MALIS seruis oblideor. RA. Nunc recte malis oblideor, olim tibi circumfultus videbare, sed obsessus eras, non familiari solum exercitu, sed hostili. DOL. Indomitis seruis premor. RA. Tux acies contra te militant, insuauē negocium. DO. Superbis seruis obsessus sum. RA. Eosque qui te obsident pascere cogis, inuicta necessitas. DOL. Seruis oblideor pessimis, voracibus, furibus, mendacibus, impudicis. RATIO. Quid seruum epithetis affluere est opus? Seruos dic, omnia dixeris. DO. Seruis oblideor, quid consilis? RA. Quid consulam, seu quid dicam nisi Terentianum illud: quæ res in se neque modū

modum, neque consilium habet vllum, eam consilio regere non potes. Nota sunt tamen hac in re Senecæ consilia: viuendum cum seruis familiariter, comiter, clementer, familiarem esse iubet. At quibus? Nempe his quorum familiaritas contemptus est genitrix. Addit, Non verborum sed verborum castigatione vtendum, erga surdos scilicet torpentēque dominicāque mansuetudinē duro pede calcantes. Admitte nos præterea in sermonem, in consilium in conuictum. Et quos quæso? Vtique procaces, stultos, ebrios, perfidos, insolentes, qui neque sermonem teneant neque consilium habeant & conuictum scident, salutis vitæque domini & patri monij & famæ segnes, gulæ autem propriæ atque libidinis vigilantissimi curatores. Verum ille ideo fortassis hoc consuluit, quia in seruo verū opinatur, quod iam ante de amico dixerat: fidelē si credideris facies. Credo non cogitas ex optimo genere hominū amicos esse solitos, seruos ex pessimo. E quidem non si mille annis lupum agnum credideris, agnus fiet. D O L O. Oblideor & seruis, quid consilij affers. R A. Nunquam aliunde quæsieris quod in te est, eon oblideberis nisi dum voles, neque verò nunc obfiderēt nisi quod in vrbibus malè pacatis accidit, vna pars animi quasi factio seditionum

ciuium obsidētibz faueret. Vis hoc malo liberari, purga animi tui statum. Seruos enim castigare, neque his Senecæ consiliis, neque aliis potes. te si velis componere nemo reuertitur: pompas abige, pelle superbiam. Ita enim vel fugabis seruorum inimicam aciem vel imminues. DOL. Multis seruis obsideor. RA. Bene, si strepitus vel inanis queritur iactantia, sin obsequium aut iucunditas, nil peius. Serui & si boni sint, quod inter prodigia numerem, nunquam tamen multi bene seruiunt. Inter se enim dissident, murmurant, altercantur, alter ad alterius respiciens manus, ipse interim ociosus complotisq; suis sedens manibus, domini habitum induisse, suum deus existimat, & nil cenfet honestius quam nihil agere, cuncta pollicitus. De his namque nunc loquimur, qui falsa professione ventris ignaui negotium agentes, seruitio humili, non tantum voluntariè, sed importunè sese offerunt. Innumerabilis turba, sed vilis, qui cum tot pateant artes, abiectissima elegerūt. Nempe illorum quos non voluntas propria, sed aliena vis & sua fors & seruitium traxit, vt numerus rarior, ita crebrior virtus & notior fides. Numirum, aliud est seruire velie, aliud cogi. Hi ergo fortunæ memores, vt eodē se in omni statu prabeant, neu virtutem cum libertate perdidierint, quod inuiti faciunt

faciunt aliquando fideliter faciunt, cū id nequeant quos volentes somnus, venter, gula, cui cupiditas, mali duces in seruitum deduxere: in quo mirum nō est si dūcibus suis student, atque id agunt quod secuti falsum simul atque humilem titulum seruitutis assumperant. Contra, hi qui tale nihil quod sequerentur habuere, naturam secuti ac fortunam, sepe quod liberi fuerant, serui ostendunt. Et si fortasse de talibus intellexit, possum inoffensis auribus Senecam audire. DOLOR. Multi domum serui occupant. RATIO. Multæ igitur lites, multa bella, de re qualibet pugna erit. Noua quotidie crimina proferantur ac purgentur, & tu medius inter partes sed eas oportet. Iudex factus ex domino, non potes litigium domo expellere, litigantes potes. DOLOR. Obsideor famulis sine quibus viuere nequeo, quid agam? RATIO. Si eorūque peruentum est, vt sine hostibus tuis esse non audeas, paucitate illorum ac vilitate tibi cōsule: pelle formosos, pelle cōptos ac callidos, pelle vel facie sibi placentes vel ingenio, vel genere. Inter paucos eorūque hebetes atque incultos tutius ages, non quia meliores, sed quia minus ausuri, quos velut hyeme serpentes coacta vis veneni atque uilis inertiae torpor obstrinxerit. Denique hæc summa est, vt in seruo sola quidem aut certe

prima fides æstimanda sit. Si quid hac in parte prætuleris, crede mihi, magno cum sceno re vitiorum qual. scunque illa brevis tibi veniet voluptas: quia sanè perrara est fides, proximum remedij genus ipsa quam dixi paucitas vilitasque non plus habens boni, sed minus audacia.

De seruis fugitiuis. Dialog. xxx.

DOLOR.

Diceserunt serui. R. Quorum molesta præsentis erat, gratus debet esse discessus. Nihil ferme displicet cuius contrarium non delectet. D. Abierunt serui. R. O si redeant videasque oculis quod animo iam vidisti, quot illos vitia circumstent, quot nequitia, quot doli, quot mendaciorum artes, quot scelerum species, quot furtorum? Quid ni horreas comitatum, limenque redeuntibus obstruas, meritoque gaudeas tuam domum malis exhaustam leuatamque ponderibus? D. Serui simul omnes abiire. R. Simulque cum illis curæ graues molestasque solitudines metusque perpetui Cogita quot implendi ventres, quot tegendi humeri, quot armadi strigendi que pedes vagi, quot acuti ungues observandi? Duro te negotio liberatum dices. D. Fugerunt serui. R. Et cum his odia in dominum,

minum, & contemptus, & murmura, & querelæ, quin & execrationes tacitæq; deuotiones immeriti capitis, quibus immerito seruitio caruisse quis tam ambitiosus vt nesciat ascribendum lucro? Do. Diffugerunt serui. R. Quis vnquam de fuga hostium questus est? Iulio Cæsari tribuitur superbix, quum hostem quem intercipere cogitabat fugientem mæstus aspexerit: at modestus victoribus terga hostium vidisse satis est, quin & idem ipse alibi fugientibus parci iubet, sola hostium contentus fuga. Idem facito. Et si tui hostes grauiore supplicio digni essent, fugisse sufficiat, atque illorum fuga tuam metire victoriam, ablatamque tibi necessitatem vindictæ seuerioris intellige. D. Serui fugere. R. Sponte igitur facere quod cogendi erant, gratiam habeto, depellendi: immanes beluas tibi demptus est labor, hinc quereris, fugerunt, qui nisi fugissent tu fugere debuisses. Fugerunt qui aut fugiendi erant aut fugandi: nunc tu liber, nunc securus, nunc domus tuæ dominus remansisti. Do. Fugerunt serui. R. Fugitiuos iudicandi ius est domino, tu te dominum dissimula, neve hoc iure vtere. Si boni essent non fugissent, malos amisisse non iactura, sed questus est. Venenosa animalia tutius est vitare quàm capere. Do. Serui me solum reliquerunt. R. A.

Vere solum, veréque inopem, si ne solus sis
 serui egeas comitatu, ita nec amicum ha-
 bes, nec te ipsum. Quid autem, serui ne igitur
 tui sine te esse cupiunt, tu sine illis esse non
 potes? Vide ne hoc ipso seruis tuis ipse mi-
 serior sis. Quod si fortè non seruos cogitas,
 sed preciũ, non desiderium inana, sed turpis
 auaritia castiganda est, de quo satis est di-
 ctum, dum de amissa pecunia loqueremur.

De vicinis importunis. Dialogus XXXI.

DOLOR.

Vicini importuni sunt mihi. R. Vide ne
 tu illis importunior. D. Graues vicinos
 perfero R. Multum cunctis in rebus valet
 opinio, leues finge animo, leues erunt. Do.
 Vicinos malos habeo. R. Multi suam culpam
 proximis imputant. Acutius aliena cernun-
 tur, discutuntur exactius, seuerius iudican-
 tur, suarum rerum nemo non & mitis arbi-
 ter & pius est iudex. D. Acres amatoꝝque pa-
 tior vicinos. R. Ne fortassis in gustu sit vitũ
 non in re, fastidiosus etiam dulcia amarescũt.
 D. Vicinos duos ac superbos queror. R. A.
 Multum sibi quisque permittit nihil alteri,
 hinc in iudicio rerum multiplex obliquitas
 & iuges offensionu causæ. Et sæpe vnde cul-
 pa est, inde primiũ oritur querela: quid nunc
 scimus, an tu illis qui tam duri tibi videntur,
 durus

durus & tetricus & intractabilis videre? D.
 Asperos patior vicinos. R. Duplex est re-
 medium: patientia & fuga. Primum probō,
 ferendi artificio omnis imitescit asperitas.
 D. Vicinos pessimos ferre non valeo. R. A.
 Si nec ita proficis, quis te tenet? migra ili-
 co, non vt procaces, ita & sequaces erunt,
 quod ferre non potes pondus excute, & quē
 pugnando hostem pati nequis, fugiendo
 euade, quid refert quo te tramite in tutum e-
 riplias? Nullum iter ad tranquillitatem animi
 difficile iudicandum est. Quod si sæpe idem
 feceris nec profeceris, scito culpam tuā esse,
 nec minus forsitan alienam. Magna pars li-
 tium vulgarium duos fontes, & si fortē no-
 centiorem alterum, nullū habet innoxium.
 Quauis nempe politicum & sociale animal
 dicatur homo, si verum tamē inspicitur nul-
 lum minus: verūque est illud Satyricum:
 maiorem esse serpentum ferarūque con-
 cordiam quā hominum. Siquidem vrsi, a-
 pri, tigres ac leones, denique viperæ, aspides,
 crocodili, & ad summam omne animal præ-
 ter hominem, vtcunque in sua specie quie-
 scit interdum, homo autem nunquam. Ho-
 mo hominem premit semper atque atterit,
 perpetuis bellis ac litibus inquietam vitam
 sibi præstat ac proximo. Sic enim se res ha-
 bet, vt vbi maior est locorum vicinitas, ibi

videas maiorem distantiam animorum. R. A. ra sine iurgiis ac rancore vicina est. Nemo vestrum, nisi fallor Arabum aut Indorum regibus inuidet, Lippus est liuor, lōginqua non aspicit. D. Vicinis obsideor infestis. R. Si penitus ab hac peste vis absolui, in solitudine ex te reconde.

De inimiciis. Dialog. XXXII.

DOLOR.

Inimicitias habeo. R. Fac vt iustitię sis amicus, nullum certius praesidium. Vera virtus fortunę minas calcat ac despicit. D. Inimicitia mihi sunt. R. A. Et cautiior eris & potior. Multos inimicitia illustrarunt, qui obscuri mansissent si hostibus caruissent. D. Hostes vndiq; mihi sunt. R. Obstabunt ne inuisibiles animorum hostes subeant voluptates. Nō tam hostes tibi sors obtulit quā custodes, malo malū maius arcebitur. D. Hinc illi ne hostibus premor. R. Illi quoq; suis premuntur affectibus: estq; apud illos ultor tuus, isq; non vnus, pro te partes faciunt ira, metus, odium, inquietudo, nec dum peracti, pōnā criminis exigunt, sic interdum ultio praet ostensam, & fortasse non scitutam: armabuntur, laborabūt, sudabūt, aestuabūt, anhelabūt, repidabūt, & fortassi, horū nihil ad te. Multi
sape.

sæpe grauibus odiis sibi nō aliis nocuere. D. Est mihi pugna cum hostibus. R. Et illis secum, & tutius aliquādo cum hostibus quā cum vitis pugnatur. Quisquis aliū odit, primum animæ suæ vulnus infligit, proximum nonnunquam suo corpori. Nimia nempe cupiditas ferendi nocendique multos incautos nudatōsque dedit hostibus, sic semper prima pars malorum in suum auctorem vertitur, interdūque nouissima, cū sæpe interrim sit illæsus in quem perniciēs parabatur. D. Vndique mihi bella consurgunt. R. Nunquam clarior sanctiorque fuit populus Romanus quā dum multis ac grauibus bellis occupabatur. Pax initium mali fuit, secum nanque subiit libido blanda hostis ac pestilens. D. Graues inimicitia mihi sunt. R. Magnæ inimicitia; plerumq; magnarū amicitiarum fuere principium. D. Habeo inimicos. R. Habeto & fidem simul & clementiam, de reliquo quicquid euenerit, cura saltem vt humanitate sis ac virtute superior. Sunt & sua iura cum hostibus. cum quibus ita rē gere vt amicos fieri posse non dubites. Atque hoc sanius consilium scito quā Biantis, qui sic amicos diligere iubet, vt inimicos fieri posse memineris: quod dictum quanuis ab aliis laudatum: nec mihi certē nec Tullio probatur. Est enim verum amicitia venenum.

In odio ergo cogitandus amor, non odium
in amore: longèque Aristotelicum illud in
rhetoricis Bianteo consilio præferendum:
non oportet, ut aiunt, amare tanquam oditu-
rum, sed magis odisse tanquam amaturum.
Quod profectò scribens Aristoteles, Bian-
tem ipsum callidamque eius & maliuolam
sententiam notabat. D O L. Inimicitias ha-
beo. R A. Sed inuitus habe, & armato sem-
per in pectore cor amicum pacis habitet, at-
que ita bellum exerceas ut coactus videare,
neu fortè odio succumbat humanitas, neu
tam vindictæ studeas quàm gloriæ aut salutis.
Scis ut Romanis inuisior est Hannibal quàm
Pyrrhus, cum uterque hostis, & prior Pyrrus
Italiam inuaserit, at non delendi animo ut
Hannibal, sed vincendi. Omnibus enitendum
modis, ut in actu quolibet vera virtus emi-
neat, sic ut nihil bello quæri aliud quàm pax
honestæ videatur.

De præcepta facultate vindictæ.

Dialogus XXXIII.

DOLOR.

O Præter facultas eripitur ultioni. R A.
Cui peccatum eripitur, nihil eripitur,
multumque tribuitur: quædam habentibus
eripi lucrum est, ea ne habeantur obstare lu-
crum maius. D O. Facultatem ultionis perdi-
di

di. R A. Fœlix iactura quod noceat amisisse.
D O L. Ab optata & sperata ultione prohi-
beor. R A T I O. Primum erat nolle malè age-
re, proximum prohiberi. D O L. Necesse est
occasionem ultionis omittere. R. Si pulcher-
rimum vindictæ genus est nolle vlcisci, pul-
cherrima est necessitas non fini. Ultro virtu-
tem amplecti optimum, proximum est com-
pelli. D O L. Ereptam mihi vindictam doleo.
R A. Veniet tempus citò fortè quo gau-
deas, neque aliter accidisse vllo velis modo.
Quidam ad quæ coacti veniunt velle inci-
piunt & amare, & de necessitate consensus
oritur, dùmque voluntas fieri incipit, desinit
esse necessitas. D O L. Videbar vlcisci posse
nec potui. R A. Non posse malum agere po-
tentia magna est, nempe quæ omnipotentis
est propria. D O. Vindicta mihi præsens exci-
dit. R A. Colubrum tibi è manibus excidisse
credito, vide-ne iterū surrepat. Nihil homini
tam cōtrarium quàm inhumanitas. Per hanc
enim homo esse desinit, idque sic esse ipsum
nomen indicio est: nullus morbus tam con-
trarius, nec mors quidem. Illa secundum na-
turam accidit, hæc autē contra. Scire in ho-
minem inhumanum est, quanvis meritū, nō
oportet exulcerati animi motū sequi, & pri-
uati memoria doloris naturæ cōmunis obli-
uisci. D O. Me vlcisci veritum in perpetuum

dolebo. R. Forſan in perpetuum gaudebit
quotiens putas poſt inimicitias depositas &
in gratiam reditū cohorruiſſe aliquos ami-
corum in amplexibus, cogitantes, hunc ego
perditum volui, & interdum à ſucceſſu im-
pio pirum abſui? O ſors optima in quam
piam partem conſilium crudele vertiſti. D.
Juſtam iram exequi non ſinor. R. Juſtam
iram vix inuenias: cūm lit ſcriptum ita viri
juſtitiam Dei non operatur. Et rurfus ab al-
tero, Ita furor brevis eſt. Optimū igitur non
iraſci, proximum non vlciſci, ſed frenare irā
ne animum rapiat quò nō decet, tertium eſt
vlciſci non poſſe etiam ſi velis. D. Pulchra
mihi præripitur vindicta. R. Pulchrior ve-
nia relinquitur, & pulcherrima omnium ob-
liuiſio. Hæc inter omnes principes Iulium
Cæſarem illuſtrabit. Innumera & ingentes
viri huius victoriæ, glorioſiſſimi ſunt trium-
phi, incomparabilis rei militaris excellētia,
altiffimū ingenium, præ clara eloquētia, no-
bilitas generis, forma corporis, & inuicti ari-
mi magnitudo: cūm cuncta collegeris, nil in
eo clariuſ clementia & offenſarum obliui-
one reperies: quæ quanquam ſibi materiam
mortis attulerit, vt iure Pacuuiantum illud in
funere cāberetur: omē ſeruafſe vt eſſent qui
ne perderent: ex quo tamen neceſſariē mori-
endum erat, poteſt quodammodo tali ex-
cauſa

De odio populari. Dialog. XXXIII.
D O L O R.

POpulus me odit. R. Habes quem prædixeram popularis finem gratiæ, pro dilectione odium. D. Populus gratis odit me. R. Miraris quòd sine causa odit, qui sine discretionem dilexerat, consequens hoc illius, unde modestia exultat, ibi regnare impetum est necesse. D. Odit me populus. R. Hæc belua iniuriæ prompta est, segnis officio: vulgi amor levis; odium graue. D. Populus mihi succenset. R. Ab amante plausus, ab irato populo perniciēs, impar periculum ac spes. D. Populo odiosus sum. R. Nihil impetuosius stultorum turbis, ubi insaniam singulorum publicus furor, & furorem publicum singulorum rabies impellit, alterque alterum trudit: nihilque periculosius quàm incidere in illorum manus, quibus pro iustitia sit voluntas, pro maturitate præcipitatio. D. Odit me populus. R. Non amasset vtinam, ne nouisset quidem. Amor malorum odio finitur. Vtrumque anceps, sola ignorantia tuta est. D. Populo sum inuisus. R. Populus odiosus leniendus aut linquendus.

DOLOR.

Inuidetur mihi à multis. R A. Præstat inuidiosum esse quàm miserabilem. D O. Inuidia exerceor æmulorum. R A. Et quis vniquam virtutis amicis exercitio hoc cauit? Percurre animo omnes terras, omnia sæcula, cunctas historias euolue, vix insignem virum hac immunem peste reperies, Nullo nunc narrationem ingredi, quæ nos longe nimis à proposito distrahat, sed si aliquid meministi omnium quæ legisti, non possunt ignoti tibi esse quam plurimi quorum comitatu non tantum consoles, sed etiam glorieris. D O L. Inuidetur mihi. R A. Linque honores & officia publica: desine incessu elato & superbo comitatu per ora ciuium volitare. Sequestra te ipsum quantum potes ab oculis multorum inuidorum, nec vultu, nec verbo, nec habitu, digito notandum præbeas. Vulgus & liuor in plateis habitant, sic & mala serme omnia. Quidam hostes nullo melius modo, quam fuga vincuntur ac latebris. D O L. Et profugum & latentem liuor insequitur. R A. Tolle mali materiam, malum omne sustuleris. Nimiis opibus modum pone, quicquid eximia specie inflammare animo potest, vel abiice, vel absconde. Si quid est quo carere nolis aut nequeas, modestè vttere: inuidiam quam insolent

solentia exasperat, humilitas lenit. Sunt quæ illam extinguant efficacia quidem, sed morbo ipso peiora remedia, miseria scilicet & infamis vita. De quorum altero dictum est, miseriam solam invidia carere. De altero Socraticum illud. Interroganti enim Alcibiadi, quibus modis invidiam declinaret, respondit Socrates: & viue inquit, vt Therſites, cuius vitam si nescires in HomERICA leges Illiade. Ironicum planèq; Socraticum responsum: non est enim consilium vt invidiam vitæ, vitare virtutem, satiusq; est Achillem esse cum invidia quàm Therſitem sine: quamuis illud constet, magnos interdum viros vt securi viuerent, & virtutem ad tempus & ingenium occultasse. DOL. Invident mihi multi. R. A. Invidiam nisi vel ignavia vel miseria vix euades, quam si sic euaseris, in contemptum incidēs, vtroq; caruisse difficillimum. DOL. Invidia multorum premor. R. A. Est vt perhibent calcandæ aliud iter invidiæ per excellentem gloriam, sed perraro vestigio signatum, ita vt plures hoc calle gradientiũ in id quod fugiunt, relabuntur.

De contemptu. Dialogus xxxvi.

D O L O R.

Sed contemnor. R. A. T. Si iniuste quidem est, nõ inficior quod doleas, feras tamen,

alioquin est quod rideas. Nihil est enim ridiculosius, sed nil crebrius quam contemni sapientem ab infans. **D O L.** Spornor. **R A.** Circa hoc verbum vnum, quatuor bona esse dixere aliqui: spernere mundum, spernere nullum, spernere sese, se sperni, hoc tibi ultimo opus est. **D O L.** Spornor à multis. **R.** Si à maioribus, si à paribus, patere. Illi suo iure videntur. Ferè namq; contemptui sunt minora maioribus. Hi se contemptui offerunt: & maiores fieri quando aliter non possunt, hac tentant via: sine minoribus, sine illos inspicere, neque magnificias contemptum, qui illis infamiae sit, tibi gloriae spreuit Achillean Thersites de quibus modò diximus, Homerum Zoilus, Augustam Antonius, Virgilium Euangelus, Ciceronem Calvus. Et quod ex euangelio didicimus, quòdque est maximum, Herodes pessimus miserimusq; hominum, Christum spreuit. Quid vel contemptis hoc nocuit, vel contemptoribus profuit? **D O.** Spornor & irrideor. **R A T.** Irissimum nescio, quid & histronicum etiam, esse animis solet, eòque magis quo minoribus, quid minus est opus: alter alterum ridet. **D O L O R.** Spornor ab aliis. **R A T.** Recordare an tu alios aut spernas, aut spreueris. Hic est mos humanus, spernere, & sperni mutuo vos vicissim odio, mutuòque premitis contemptu, & vultis aliis esse venerabiles

biles neminē venerantes: placere vultis deo,
 cuius operum nullum vobis placet eo quo
 placere debet modo: in quo placere quidē
 noster Cicero, si præclarum aliquid sub deo-
 rum nomine dici posset: minimē inquit con-
 uenit, cū ipsi inter nos viles neglectiq; si-
 mus, postulare vt diis immortalibus chari si-
 mus & ab his diligamur. Illud ergo præcla-
 rius Malachia: prophetæ: nunquid non pater
 vnus omnium nostrum? nunquid non vnus
 deus creauit nos? Quare ergo despicit vnus-
 quiq; vestrum fratrem suum? Do. Sperni gra-
 uiter fero. RA Et si nemo sperni velit, multi
 cupiant timeri, multo tamen est sperni secu-
 rius quàm metui. Itaque quod ait Anneus in
 epistola quadam: nō minus contemni quàm
 suspici nocet: non admitto. Illud ab eodē ali-
 bi dici rectius æstimo: periculosius timeri es-
 se quàm despici. Proinde cum veteri Sapien-
 tum edicto, tria hæc vitāda didiceris, de qui-
 bus totidem continuis tractatibus egimus,
 & sint mala omnia, haud dubiè tamē malum
 minus hoc vltimum quanuis ignobilius, nec
 deest suum cuiq; remedium. Odiū obsequio
 lenitur, liuor modestia, cōtemptus amicitia
 illustrium, & honestis artibus ac virtute. Ne-
 mo primū Bruto contemptior Romæ fuit
 nemo minus postea. Age & tu bonum ma-
 gnūque aliquid, quo contemni nequeas.

SERO promissa complentur. **R A T.** Quid singulariter de hoc quereris quod omnibus est commune? Nulla quidem res magis infunus inquinat, quàm dura frons & lenta dilatio. Sed hic est mos, citò vultis accipere, tardè autem dare, ad illud alacres, ad hoc mœsti, ad illud præcipientes, ad hoc segnes. Ingratitudinis duplex radix, duplex materia querelarum, dum & illos mora, & celeritas hos constringat. **D O L.** Multa mihi promissa sunt, nihil impletur. **R A T.** Magnis promissoribus minimum fidei esse debet. Nota vanitas, notæ blâditæ, nota hominum mendacia. Multa tibi vnus aliquis promissit, sufficit promississe, quæ alium qui promissum impleat. Non potest vnus omnia facere, fecit hoc promissor vt eum interim diligeres. **D.** Quod mihi promittitur non fit. **R A.** Duarum cupiditatum, potentior est quæ tenet quàm quæ poscit. **D O L.** O quot ille pollicitis abundabat. **R A.** Aut irridebat, aut ad tempus diligere volebat, vt dictum est, & fortè dum tibi multa promitteret, vnum aliquid à te poscebat, quod vel magni precio mendacij beneficium æstimaret: sæpe autem qui diuites sunt verborum, esse inopes rerum nosse debueras. **D O L.** O quàm multa mihi promissa

missa sunt. R A T. Si mihi credideris, multa promittentibus nihil credes.

De repulsis. Dialogus XXXVIII.

D O L O R.

Repulsam passus indignor. R A T. Vis ne igitur quæcunque poposceris adipisci, ita ut negari tibi nihil possit, vide ne intolerandæ superbiæ sit hoc velle. Meminisse magni Põpei decuisset, quo nescio an eius maior vnquam fuit, de quo tamen scriptum est, quæque dari voluit, voluit sibi posse negari. Quam multa Cæsaribus supra humanam magnitudinem, summo etiã imperio gloriosis negata cognouimus, & tu grauiter vnâ aut alteram fers repulsam? Denique quàm multa quotidie deus poscit ab homine nullius rei indigens, nec impatrat. D O. Nõ possum equo animo repulsam pati. R A T. Cur petendi tibi arrogas licentiam & negandi aliis carpis libertatem? Quid quòd sæpe indigna petitio dignam repulsam præbuit materiã? Quid quòd sæpe etiã petenti repulsa utilis fuit, cui quod petierat impetrasse damnosum erat? D O. In iustam patior repulsam. R A T. Si iniusta est repulsa, iusta ergo petitio, gaude cuiuscunque potius culpam esse quàm tuam. D O. Vnde non merui repulsam tuli. R A T. Multi se magna meritos putant, vnde penitus nil

merentur. Hinc repulsæ dolor, hinc querelæ
istæ, quibus orbis terræ & omnis vitæ homi-
num plena est. D O L O R. Pudendam patior
repulsam. R A T. Pudendum nihil præter cul-
pam. Quem pudor tibi inferre potuit quod
tui non erat arbitrij. D O T. Repulsam patior
vnde non credidi. R A T. Credulitas incerta
est, certa autem res: non posse quod petitur
negare, non est liberi sed serui: non posse re-
pulsam pati non est ciuis sed tyranni. D O L O.
Optatæ speratæque rei passus sum repulsam.
R A T. Si quicquid sperant cupiuntque homi-
nes assequerentur, dii essent omnes: tu verò
ut indignationes multas ac dolorem fugias
repulsarum, disce optare possibilia & hone-
sta, non assequi velle quicquid inconsultus &
inexplebilis appetitus optauerit, quicquid
spes vana suggesserit. D O L. Non tantum re-
pulsus ego, sed indignus mihi antepositus
fuit. R A T I O. Et quotiens indigni dignissi-
mis præferuntur. & quotiens indignos indi-
gnissimi iudicant, alienarum seuerior, suarum
quisque fauorabilis rerum iudex. Multi se in-
dignos dicunt, pauci credunt. D O L O. Paruæ
rei patior repulsam. R A T. Multis parua ne-
gata, magna vltro oblata vidimus. Si repulsis
compensentur munera fortunæ, læces æqua-
buntur, sed vos illas indignatione augetis,
hæc obliuione atque dissimulatione mirur-

tis. D O L O. Dignus eram, vt arbitror, non repelli. R A T I O. Vt fit ita, an tu omnia pro dignitate hominum dari existimas ac negari? Vtinam ita eſſet vt plures bonos ſpes præmij & pauciores malos faceret metus pœnæ. Sed non ita eſt, amor, odium, ſpes, cupiditas, affectus inconditi, cuncta permiscuere. In te vno fortunæ ſtilum publicum vis mutari, & non te potius ad communem curſum humani moris inſecti. D O L O. Quanto indignior mihi anteponitur competitor. R A T I O. Et Lucius Flaminius mox ob indignum facinus iudicandus, & ordine ſenatorio amouendus Scipioni Naſicæ prælatus fuit, viro omnium optimo ſenatus & populi ſententiis iudicato. Vt Vatiniius Catoni, illaudatus laudatiſſimo, non ſolùm populi amicorum ſimulque hoſtium iudicio, ſed toto etiam Ciceroniano volumine. quid hic dicis, vt ſint graua, non ſunt. noua quæ pateris. D O L O. Multum ſperabam, modicum non mereor. R A. Vt multum quoq; merearis, dixi iam, nō omnia pro meritis dari. Quid quòd ſemel negatum, eidem idipſum mox cōceſſum vidimus? Quod in ipſo de quo loquor Scipione accidit, reſpuſarum duritiæ ſæpe pertinax virtus inſregit. Teſtes ſunt Aemilius Paulus, Metellus Macedonicus, Lucius Mumius, qui cōſulatus

repulsam passi omnes, iidem speciosissimis
 consulatibus ac triumphis, his postmodum ho-
 nestati, suis ciuibus quibus contemptui fue-
 rant spectaculo fuisse, nūquam ad id peruen-
 tū, si repulsas populi lamentis potius acer-
 bare, quā. virtutibus superare voluissent.
 Lucius Sylla quanuis in finem ciuilibus di-
 scordiis irritatus, famam suam nota crudeli-
 tas iniecerit, nobilitate tamen & gloria infi-
 gnis, ciuis non consulatus, sed præturæ, tanto
 minoris rei repulsam cum tulisset, summam
 Reipublicæ post adeptus & præturas & con-
 sultatus & imperia, non tantū consequi po-
 tuit, sed donare. Non debet repulsa spem au-
 ferre, sed afferre, sollicitudinem ac virtutem
 acuerē, quæ nil tam asperum quod non le-
 niat, idque etiam si quando non fecerit, non
 tamen ideo deferēda est, ne propter seipsam
 suūque proprium finem culta videatur. De-
 nique hi repulsas suas forti animo tulere: at
 Publius Rutilius repulsā fratris audita, quam
 erat passus in petitione consulatus, statim
 morte obiit repentina Elige vtrum sequi
 malis.

De iniusto Domino. Dial. xxxix.

DOLOR.

Iniustum dominū patitur Respublica. R. A.
 Sed fortassis id merita, & id sceleri, scelus
 est debitum, nō solū apud inferos, sed ubi-
 que

que feri iudices, vbique iustitia suum opus exercet, & si sapius cunctetur interdum pro-
perat: verumq; re ipsa fit, quod scribitur: vtiq;
est deus iudicans eos in terra. Dæmones ex
hominibus fieri, quidam opinati sunt, perpe-
tua criminum licētia peccandique libidine,
quod vt fortè tolerabiliter dictum sit, mala-
rum voluntatum similitudo effecit, qua ho-
mo malus atq; in malis obstinatus penè dæ-
monem æquat. Cui sententiæ, si recipitur, il-
lud fortasse nō dissonum fuerit, vt permissu
d uinæ iustitiæ dæmonem dæmon premat:
qua in re illud duntaxat, vt videtur, est mise-
rum quòd nonnunquam sceleratorum sup-
pliciis miscētur innoxij, & nimis verum cre-
brumq; comprehenditur illud Flacci: Sæpe
dies pariter neglectus incæsto, addidit inte-
grum, quòd ipsum non sine certa, licet vobis
occulta iustitia dei fieri indubitata fide cre-
ditur. DOL. Crudelem dominū perpetimur.
R A. Crudelitas mala quidem & naturæ ho-
minum aduersa, sed vtile vitiis & lasciuenti
populo, frenū, pavor, vndecunq; oriens: ama-
re insciis expedit timere: quidquid id quidē
sit. Nemo tam trux dominus, vt non trucu-
lentiore sit voluptas prosperitatis comes ac fi-
lia. Malè agentibus nihil peius quàm securi-
tas ac libertas. Qui nihil metuit, proximus
est ruinae. D O L. Iniquum dominum infau-

stu plebs patitur. R A T. Nullus, mihi crede,
misera in plebe miserior quàm tyrannus.
Quod si dubitas, Dionysium contemplare.
Ille vir improb⁹ nec indoctus, de seipso sua-
que tyrannide quid sentiret, apertissimè pen-
dennis supra amici verticem gladij cuspidè
declarauit. Nota est historia. Timet plebs ty-
rannum, & tyrannus plebem: sic reciproco
piuore se cruciant. Hoc refert quòd miseria
plebis apparet, & tyranni lateat. Non minus
tamen affligit purpureo velamine tectum
vulnus, neque minus aureæ grauant compe-
des quàm ferreæ. Est & sua, vt in sordibus vt-
que in fumo, sic lautitiis ac splendore mise-
ria. Aurea quidem tyranni vestis extrinse-
cus, obuerte illam, ardentibus ictus aculeis
plena est. Ita vt vides non penitus aut impu-
ne scruunt tyranni, aut inulta plebs premi-
tur. D O L O. Inclementissimus nobis est
dominus. R A T I O. Non tot passim essent
domini, nec tam latè furerent, nisi populi in-
sinirent, & cuique ciuium pro se charior so-
ret res priuata quàm publica, voluptas quàm
gloria, pecunia quàm libertas, vita quàm vir-
tus. D O L O. Vnum dominum serua fert
patria. R A T I O. At non vnum sed triginta
simul illa legum nobilis mater, Græciæque
lumen alterum Athenæ. D O L O. Patria
dominum vnum fert. R A T I O. Multos au-
tem

tem Roma, quis Caligulas nesciat ac Neron-
 es & Domitianos: ac Cōmodos & Helioga-
 balos & Bassianos & Galienos: ac ne singula
 Imperij probra exaruar, Maximinos & pie-
 tatis hostes Iulianos ac Decios? Sardanapa-
 lum Assyria pertulit, Cyrum Persis, Alexan-
 drum Græcia atque Asia reges dictos: verè
 autem tyrannos acerrimos & immites tulit
 & Dionysios Sicilia Phalaridem, Agathocle
 Lacedæmon, Cleomenem, Naniidēque,
 quem Agri quoque perpeffi, fœmineamque
 vxoris auaritiā, quæ viro ipso rapacior in
 sexu suo tyrannidem miris modis exercuit.
 Sed quo feror? quis aut veteres aut novos
 numeret tyrannos? qui tã multi hodie, tã-
 que altè, hinc suis opibus ac potentia popu-
 lorum, illinc moribus atque dementia radi-
 cati sunt, vt nec numerari iam vāleant nec
 conuelli, neque minus apud vos quàm apud
 Aegyptios aut Medos libertate pessūdata ac
 sepulta, versa seruitus in naturam sit, sic vt
 pars maior populorum tyrannum si non ha-
 beat, quæ situra precario, seu precio em-
 ptura videatur, vsque adeo patres vestros es-
 se quod nati erāt puduit, vos enim penè om-
 nes in seruitio nati atque educati, vt doloris
 antiquam, sic nouam querelæ materiam non
 habetis. DOLOR. Potentis domini graui
 premimur iugo. RAT. Aristophanis poetæ

utilis fabella, quæ monet non nutriendum in
urbibus leonem. tamen si nutritus fuerit, ob-
sequendum illi esse, nec tyrannidis naturale
malum impatientia cumulandum, quàmque
ipse feceris potentiam detractandam. Raro
equidem tyrannus absq; culpa ciuium surre-
xit in populo. Vetus est autē verbum. Ede quod
nutristi. D O L. Dominum importunum pati-
mur. R A T. Si omnis potestas à deo est, seu
ad bonorum exercitium, seu ad malorum
pœnā, par est vt diuino imperio te subiectū
sentias, non humano. Cuius si minister immi-
tior videtur, patientia fortassis efficiet vt mi-
tescat. Vix est enim vllum tam ferox inge-
nium, vt non obedientia & obsequio lenia-
tur: vel ferendum denique, vel ponendum est
omne quod premit. Nempe nihil est tertium
præter impatientiam, quæ vt dixi, molesta
non minuit sed acruat. D O L O. Malus no-
bis est dominus. R A. Omnes vos vnum ha-
betis notum hostem: vnus ille multos habet
incognitos, periculosior status. D O L O. Do-
minus nobis est pessimus. R A T. Sed non
erit diu si bene philosophis visum est: violen-
tum mihi esse diuturnum. Et sanè si vel vnū
patria ciuem bonum habeat, malum domi-
num diutius non habebit.

DOLOR.

ESt mihi præceptor indoctus. R A T. Et si doctum facere non possit indoctus, verumque sit commune illud signum, scientis est posse docere, sub indocto tamen præceptore doctus aliquis fieri potest, vel per se ipsum, vel quod est verius, influentia cœlesti atq; inspiratione. Et ut Ciceronis utar verbo, aliquo afflatu diuino, sine quo nec doctum certè nec bonum virum fieri posse credendū est. Hoc enim non solum vera religio sentit, sed gentilis quoque philosophiæ consentit auctoritas. D O L. Indoctum præceptorē nō lens audio. R A T. At cœlestem præceptorem audi libens, qui fecit aures tibi, non has tantum quas videmus, sed inuisibiles alias intus in animo. Illum audi, qui docet hominem scientiam, sicut scriptum est. Quo insuper tante, frustra præceptor quicunque mortalis quanuis doctissimus laboraret. D O L. Præceptorem indoctum agre fero. R A T. Vel ab illo fugiens alium quære, vel ad te ipsum redi. Et memento Epicurum saepe à Cicerone licet irrisum, visum tamen Senecæ magni virum, non indoctum modò præceptorē habuisse, sed nullum, ut gloriabūsus idem ipse commemorat. Augustinum verò, quod de se ipso testatur, cui nō omnia credere nefas est:

& Aristotelicas categorias, quæ inter difficillima numerantur, & artes liberales quas singulas à præceptoribus didicisse magnum ducitur, nullo hominum tradere, ut idem ait, omnes intellexisse. Nonissimūq; Bernardū virum doctrina & sanctitate clarissimū, omnes suas literas, quarum inter cunctos sui temporis abundantissimus fuit, in syluis & in agris didicisse, non hominum magisterio, sed meditando & orādo, nec vllōs vnquam alios, ut de se etiā ipse ait, præceptores habuisse quàm quercus & sagos. Hæc si facta sunt, cur non iterum fieri possint? Quod nisi sic esset, quid fecissent primi hominum, quibus nec præceptor vllus erat, nec reperi aliqui? Mirando igitur, cogitando, assurgēdo & ingeniū acuēdo ea ipsa quæ vos cum omnibus præceptoribus vestris vix intelligitis, inuenire. Aude & tu aliquid réque magnis inferere ne diffidas: si mortalis defuerit, æternus aderit præceptor, à quo sunt omnes, & omnia ille fecit & ingenia & scientias & magistros.

De discipulo indocili ac superbo. Dial. xli.

DOLOR.

Discipulum habeo indocilem. R A T I O.
Perdis operā, littus aras, semina proiicis, natura non vincitur. D O L O R. Discipulum indocilem fors dedit. R A T I O. Terræ aridæ

aridæ colonus, solue boues, quid te torques?
 Illi parce & tibi, cùm tot sint labores ne-
 cessarij & inuitabiles, superuacuos quære-
 re stultitia est. D O L O. Discipulum habeo
 literarum indocilem. R A T I O. Si docilis
 est virtutum, illic instā, melioribus illum ar-
 tibus ornaueris. Quod si neutrum capit, va-
 cuum sine, néue quid in pertusum, vas effu-
 deris quod neque ibi subsideat, téque iugi
 tædio exhauriat: sic habeto enim: omnes
 qui sunt, quique erunt aut fuerunt virtuti-
 bus aut doctrinis claris, non posse vnum in-
 genium accendere, nisi aliquæ intus in ani-
 mo scintillæ sint, quæ præceptoris spiritu ex-
 citatæ & adiuratæ, generosum disciplinæ fo-
 mitem arripiant: alioquin alcidum in cine-
 rem ne quicquam flabis. D O L O. Intractabi-
 lem discipulum ac superbum habeo. R A T I O.
 Superbia hostis ingenij est, dūmque subesse
 dedignantur, & diserte negligit discipulus in-
 solens, ægrè manum ferulæ subiiciet, doctri-
 næ animum, reprehensionis autem, collum
 iugo. D O. Habeo prosperitate tumidum disci-
 pulum. R A. Sicut tumor oculorum visui, ita
 tumor animi ingenio nocet, vt disciplinis
 aditus fiat, comprimenda est omnis elatio.
 Scis vt Alexander Macedo, cū aliquando
 mathematicis animum applicasset & geo-
 metrica sibi quædam obscuriuscula tradē-

DOLOR.

NOuercam habeo. R A T. Ergo & patiem:
 sic sunt ferme res humanæ vt tristitia læ-
 tis & amara dulcibus temperentur, atq; vtrinq;
 æquo impermixtum hic dulce non habi-
 tat. D O. Iniusta mihi est nouerca. R A. Non
 ineptè Virgiliano epitheto vteris, quanto au-
 tem illa iniustior tibi, tanto in illam vt sis iu-
 stior enittere. D O L. Nouerca mihi superbissi-
 ma est. R A. Et fœminæ proprium superbia
 & nouerce est: si geminæ causæ vnū pariūt
 effectum, non est quod stupeas, est quod fe-
 ras, tēq; & priuignum simul & filium bonum
 probes. D. Superbissima est nouerca. R.
 Nulla re melius quàm humilitate vincitur
 superbia. D. Nouercam ferre nequeo. R.
 At fer patrem, si hunc valde diligis, facile il-
 lam feres. D. Nouerca impia atq; importu-
 na est mihi. R A. Esto illi pius ac patiens,
 pietatem patri debes, patientiā fœminæ, re-
 uerentiam nouercæ. D O. Insolens est nouer-
 ca. R A. Noli pati vt potentior sit illius in-
 solentia quàm pietas tua. Nihil durum, nihil
 arduum est pictari, hæc ad deum homines
 erigit, deūmq; ad homines inclināt, quotiēs
 nouerca sœuierit, non tu illam sed patrem cō-
 gita. D O L. Iniuriosa est nouerca. R A. Mu-
 liebres iniuriæ contemptu melius quàm vl-

rione plectuntur. D O. Grauem patior nouer-
 cam. R A. Bene ais patior. Succumbere enim
 & mulierculā pati non posse non est viri. D.
 Odit me nouerca. R A. Ipsam ama: nam &
 inimicōs diligere, diuinum est præceptū, &
 amare vt amaris, philosophicum est consiliū
 D O L. Nouerca me odit. R A. Si patrem tuum
 amat satis est tibi, odisse patris amariçe in fi-
 lio non licet: sin & illum odit, quem nō ode-
 rit? Nam & si alterū plusquam virum amat,
 tū ille ne fueris. D O. Nimis odit me nouerca.
 R A. Minus malum forsitan nouerçæ odium
 quā nimius amor. Phædrum nosti & Hip-
 polytum. Certè odium quod vlcisci nefas, le-
 niendū aut fugiendū aut ferendū est: nihil
 est quaitū, querelæ sæpe odium exaggerāt.

De duritie paterna. Dialog. XLIII.

DOLOR.

D Vrum patior parentem. R A. Durities
 patris sæpe filio salubris, semper dam-
 nosa mollicies, non linguæ tantū, sed nec
 virgæ parcendum docti consilunt: his duo-
 bus animorum iuuentilium constat imprimis
 cura; quæ si frustra sint grauioribus morbis
 grauiora remedia adhibentur, abdicatio &
 carcer, quin & more veteri Romano, ad ex-
 tremum supplicia & mors, quod non Cōsules
 modo & Duces quibus imperium in omnes
 pu-

publici consilij præstaret auctoritas, sed priuatos illos priscos ac seueros patres, quibusdam sola patria potestas ius in filios daret sepe acerrimè obseruasse legimus, in quib⁹ maximè Cassij ac Fuluij nobilitata seueritas. Itus nimis blandū patrem dicē durū. Dō. Patrem patior durum. R A T. Qualē putas ille passus est puerū, qualē v̄e deinceps adolescentem? Difficile id quidem persuadere his sibi valde placentibus: sed credē mihi, nihil durius quā ætatis illius inconditos mores pati. Dō L. Patior durum patrem. R A T. Quid si durus es filius? Dura duris efficacius leniuntur, & sæpe medici mollioris deformior est cicatrix. Dō L. Patrem durum habeo. R A. Si pater verus est diligit, & si diligit non quē mulceant, sed quæ prosint cogitat. Dō L. Durissimus pater est mihi. R A. Quē tibi durissima, illi forsan vtilia videntur, cui & certius iudiciū & incorruptior est affectus. Adolescētia nō nisi quæ sub oculis sunt meretur, ætas maturior multa circumspicit. Dō. Pater est mihi durissimus. R A. Vide ne tu illi durior, vt dum illē dedecori tuo obstat, tu illius vitam perditis moribus inquietes. Dō. Perdurus pater est mihi. R A. Qui salutem filij negligit, illē demum durus est pater etsi fronte mitissimus: at qui filiam ad rectum iter trahit ope consilioque adiuuans

loquendum vel tacendum. DO. Habeo durum patrem. R A. Habes ubi amorem, ubi pudorem, ubi patientiam, ubi obedientiam tuam probes. Nullum in terris imperium iustius quam patris, nulla honestior seruitus quam filij. Nil tam suum cuique est quam filius patri, nil cuique indignius eripitur: sed vos precipiti atque intempestiuo desiderio subesse uati præesse concupiscitis, sic & patribus vos aufertis, & patrum antè vobis imperiū usurpatis, duplex indignitas ita fit ut insolentia iuuenilis vndique rerum turber officia. Hinc fortè prohibiti de patrum asperitate querimini, vestro digni iudicio quibus omnia liceant, ob id vnum quòd nati estis & placere vobis ad speculum didicistis, tum demum cum præesse cœperitis sensuri quam id vobis turpiter ante tempus optatum esset. DO. Rigidus pater est mihi. R A. Quid si pius est rigor, pater filio rigidam pietatem, patri filius obsequium reuerens obedientiamque humilem debet. De Manlio torquato in historiis, & apud Marcum Tullium legisti, ut perindulgens in patre, idem acerbè seuerus in filium fuit, vulgi fortè iudicio reprehensus in altero, ab incorruptis æstimatoribus in utroq; laudatissimus, tanta diuersitas rerum est, DO L. Pater durus est mihi. R A. Serò bona vestra cognoscitis ô mortales. At cum nosse cœpi-

istis nimis agnoscitis, hinc & præsentia fastiditis & amissa lugetis. Alterum superbè nimis, alterum humiliter, & ubi agenda grates, & ubi habenda patientia, utrobique quærimonia, nusquam æquanimitas, sic in deum atque homines grati estis? D O L. Durus est pater mihi. R A. Veniet tempus quando hunc ipsum patrem suspires, nec responsurum vocēs. Et qui tibi nunc videtur saxis durior, plumis mollior videatur. D o L. Durum patrem habeo. R A T I O. Patrem dum habueris nō agnosces.

De contumaci filio. Dialogus XLIII.

D O L O R.

HAbeo filium contumacem. R A T I O. Aequum est ut qui patrem ferre non poterat, filium feras, utique sarcinam gravio-rem, magis animum premit, pungitq; acrius sepebi filij verbum vnum reuerentius prolatum, quàm seueri patris quæcunque durities. Ille enim iniuriam facit, hic iure suo utitur. D o L. Filium habeo rebellantem. R A T I O. Impudenter de minorum rebellionē conqueritur qui minorum iusta contempnit imperia. D o L. Filius contumax est mihi. R A. Tandem fortassis intelligis, quid tuus ille tam durus pater visus est tibi. D o. Filium patior insolentem. R A. Si ætatis est, vitium cū ætate

etate transibit. Multorum ferox adolescentia progressu temporis ad virtutem mirificis prouectibus flexa est. D O. Rebelle filium habeo. R A. Non solus. Et David, & Mithridates Ponti rex, & Seuerus Imperator Romanus rebellantes filios habuere & multis post sacris Britanici pacē regni, vt fama loquitur turbauit regij. adolescētis in patrē concitata rebellio, sed quisquis sua desiet incōmoda, nullus aliena vel publica. D O. Impius ac rebellis est filius. R A. Magna tibi portio paternæ molestiæ dempta est, mortē filij timere. D O. Habeo ignauum & inertem filiū. R A. Nescis vt Africanus ille vir magnus, dissimillimū filiū sibi longæq; degenerē amauit vnice. Et profectò maior nō dicā amor. sed miseratio debetur ei quē minus adiuuat natura. Nullius rei eget qui virtutum diues est, quarum indigentia verē miseros, ac proinde misericordiæ egentissimos facit: tu in filio etsi non virtutem, ama quòd filius, si ne id quidem, at quòd homo est, postremò si nihil est quod ames, miserere. Proprium patris, vt seueritas, sic misericordia est. D O L O. Perditæ filius est vitæ. R A T. Ponderus infaustum, eoque grauius quod dum ferri potest, nequit abici, perfer, & qua datur corrige. Sic enim aut filium curaueris aut certè patris officium egeris, hoc tibi debitum, illud optabile.

D O L. Impius, inhumanus, intractabilis est filius. R A T. Siquidem mollices ac voluptas in perfidiam ac scelus eruperint, venenosum animal exigendum domo est, neque ubi sed quid natum æstimandum, & in syluis ortas auiculas pascitis & domi natos scorpiones occiditis. D O L. Impius filius est mihi. R A T. Periculosa seponere antequam noceant sapientis est: non te pietatis umbra decipiat: nulla impio debetur pietas. Est ubi sit crudelitatis species pium esse, sed dum aliquid vel minimum spei est, semper ad misericordiam inclina, mementoque te patrem esse non iudicem, neque hic tibi Terentianum illud excidat: Pro peccato magno paululum supplicij satis est patri.

De discordi fratre. Dialogus XLV.

D O L O R.

Habeo discordem fratrem. R A T. Quid autem ille? Ne igitur te concordem habet, vnanimitas fraterna quæ vnum ex duobus facere debuit, in duo non iam diuersa, sed cōtraria penitusque pugnancia scissa est, graue sed antiquum malum quod & mundus & mundi caput ab initio habuere. Si qui dem vetus vrbis Romæ, sed vetustior orbis infamia est, fraterno sanguine maduisse: tu quod in singulis paribus fratrum vides & al-

tero,

tero, quinetiā adhuc solo in vno tot millium
 quid stupeas non habes. Do. Est mihi discors
 domi frater. R. A. An & hoc miraris esse ma-
 gna in domo, quod in ipsius materni vteri
 fuit Angustiis, vbi olim etsi maioris mysterij
 velamentū esset, certē non discordes tantum
 fratres legimus, sed bellantes? Est ne igitur
 nouum si armati faciūt quod non nati solēt?
 Do. Nulla mihi apud fratrem gratia est. R. A.
 Multo prius hoc in scholis edoctus, quā do-
 mi expertus esse debueras, prouisa verō nec
 querimur, nec miramur. Do. Odiosum fratrē
 habeo ac discordē. R. Vt nullus ferme amor
 æquior fraterno, sic nullum vbi inceperit ini-
 quius odium, nulla acrior inuidia. Sic paritas
 incitat animos atq; incēdit, cū cedendi pu-
 dor & amor excellētię eo ardērior, quo iocu-
 nabulorū rēcordatio & quęcunque beneuo-
 lentiam paritura viderētur, vbi semel à recto
 calle defluxum est, odium & contemptū pa-
 riūt, hic naturę rebellantis ardor animi opti-
 mē quidem pro obsequio atque humanitate
 placabitur. Vix est enim tam inmite vllum
 tamq; asperum ingenium, quod non tandem
 molliat vera ac iugis humilitas verborum &
 rerum omniū lenis & non ficta retractatio.
 Sin id serum atque inualidum deprehendas
 seu fortē huc tu cogere tuum ipse animum
 non potes, quo honestē quidem atque vti-

liter cogetur, tunc antequam in perniciem res erumpat, ultimo remedio utendum erit: extirpanda mali radix, & discordiarum mater propellenda communio: in quo ita te facilem præbebis, ut quantum iuri tuo demptum, tantum virtuti famæq; additum invenias. Impiæ ac superbiæ cupiditatis aculei nulla re melius quàm pia & miti liberalitate franguntur. Bonum aurum, quo pax domus & charitas fraterna adimitur. Verus valde ves verum minus est verbum: magnam discordiarum bello iung; materiam, duo hæc esse pronomina, meum & tuum, quæ si de vita hominum tollerentur, haud dubiè tranquillius viveretur.

De amisso patre. Dial. XLVI.

DOLOR.

Patrem amisi. R. A. Iustus est ut quem præsentem querebaris, absentem quæras nec inuenias. Nihil æquius quàm fastidita imperia frustra optari. Do. Pium patrem amisi. R. Pium ille filium dimiserit: gratulare autem seni tuo, illud tandem illi accidit quod semper optauerat, te incolumi rebus humanis abiit. D. O. Pium patre perdidit. R. A. Pius filius nullam magis ob causam fortuitos casus timeret, quàm ne qua sibi incidens calamitas patris animum mœrore conficiat, tuo iam
tan

tantum periculo securior viues, non erit quem rumores de te impugnent, quem tua frangat aduersitas, quem tua debilitet ægritudo, quem tua mors perimat. DOL. Patrem amantissimum amisi. RAT. Incipias de aliis curare, qui de te curet amplius non erit. Pietatem ab altero tibi exhibitam repende alteri, rarò illi rependitur cui debetur. D O. Pium patrem miser perdidit. RAT. Si pietatis ratio tibi constat solare fortunam tuam recordatione præteriti temporis: Coluisti parentem, & dum licuit pia semper in illum officia cōgessisti. Pater obiit, pietas viuit: alioquin est fateor vnde perpetuò mœstus sis. D O. Pater me moriens destituit. R A. Fer naturæ ordinem, prior exiit qui prior intrauerat, nec te ille destituit, sed præcessit. D O. Amisi patrem R A T. Nescis quid sit patrem amittere, nisi filium habuisti.

De amissa matre, Dial. XLVII.

D O L O R.

Matrem perdidit. RATIO. Altera tibi superest mater quam non perdes etsi velis, ex illa veniens in hanc pergis. Illa tibi paucorum mensiū domum dedit, hæc multorum dabit annorum. Illa dedit corpus, hæc aufert. DOL. Mater obiit mitissima. R A T. Mater substitit durissima, quæ te & matrem in quâ requiris in vno gremio seruabit, cuius in

vero tecum erit, te & illam vt credimus die
ultimo paritura. D O L. Pia me deseruit ma-
ter. R A T. Deseri metuens festinauit, gratám-
que illi suá mortem fuisse credibile est, tuam.
non visura amplius atque vnde maximè me
ruebat securitate parita. D O L. Defunctu est
mater optima. R A T. Fæliciter hæc excessit
te superstiti, quo præmissio, vt fæminei sunt
affectus flebiliter abisset. D O. Obiit mater.
R A T. Obeundum erat, idque ambolus, nec
de morte queri potes nec ordine.

De amisso filio. Dialogus. XLVIII.

DOLOR.

SEd amisi filium. R A. Melius dic, præmisi,
secururus cirò quidem & fortassis hodie,
& quid scimus an hac ipsa hora? Nulla fides
vitæ est, cum tanta sit fides morti: secururus
dixi, sequens dicere debui, continuè seque-
ris, nusquam in vita pedem figere permissum
homini, vno semper gradu it ad mortem:
mirum dictu, seu ille vinctus, seu solutus, seu
stans, seu ambulans, seu sedens, seu sanus, seu
aeger, seu vigilans, seu sopitus ad metam fer-
tur, atque illorum more qui vehuntur navi-
bus vel quiescens properat. D O. Amissi filij
desiderio excrucior. R A T. Compesce ani-
mum, quoniam quæ cupis inuenies, nulla est
mora, non posse pati desiderium parui tem-
poris,

poris, puerile seu fœmineum est: viro enim nihil breue difficile. Nosti credo quibus verbis desideria huiusmodi apud Platonem Socrates apud Ciceronem Cato & Lelius consolentur. Virtute quauis & gloria supremi viri, hac spe tamen longè impares. Nosti præterea quid animi Aemilius Paulus, quid Cato ipse quid Pericles, quid Xenophon ille Socraticus condiscipulus Platonis atq; æmulus, quid innumerabiles alij notorum in moribus habuere: nec te præterit, vt propheta idem & rex filium quem languentem fleuerat, non fleuit extinctum, cogitans quòd irreuerabilia lugere superuacua dementiæ variis quàm pietatis est. Quibus se virilibus exēplis interferit Spartana illa mulier, apud scriptores quidem innominata, sed non pariter illaudata, quæ audito quòd filius in prælio excidisset: ideo ait illum genti, vt esset qui mori pro patria non timeret. Par Liuiæ virtus maiorisq; Corneliæ, sed clariora sunt nomina, quarū prior ingentis nati & ad summum spectantis imperium, vt terræ traditus fuit, luctum mox deposuit, nunquam verò memoriā intermisit. Altera filiis multis, immo omnibus amissis, quorū aliquos à populo interfectos inhumatosque cōspexerat, commiserantibus & illius sortem fœmineo more deplorantibus miseramq; vocantibus, non se

miseram, sed feclicem esse respondit, quæ tales filios genuisset: insignis mulier, nec præsentis miseria, & præterito etiã scelix, quæ contra publicã opinionem & consuetudinẽ miserorum se feclicitate præterita & læti tẽporis memoria solaretur gratia quod habuisset, quòd amississet æquanimis, ob hoc vnũ digna vteri prosperiore successu. Et illa quidẽ mulier tota grauibz fortunæ vulneribus incuncta permanet: tu vir vnico deiectus luges? DO. Amisi filiũ. R. A. Amisti simul & metus multos infinitamque materiam sollicitudinũ & curarum quibus vt careres vel tibi vel filio moriendũ fuit. Securum patrẽ sola mors facit. DO. Filium amisi. R. Si pium, nil est quod illi metuas in tuto est. At si impium, tuorum numeratorem annorũ, tuæ stimulũ senectutis extulisti. DOL. Filium perdidit. R. A. T. Si virtute præditum, gaude quod habueris. At si vitio perditum, gaude saltem quod amiseris, vtroque naturæ beneficium agnosce, seu quòd talem dedit, seu quòd talem abstulit. D. O. Ante tempus mihi filium mors rapuit. R. A. A. Non fit antè tẽpus quod in omni tempore fieri potest. In omnem ætatem multi sunt aditus morti, in adolescentia. insinijti. DOL. Sine filio remansi. R. A. T. Et sine angoribus, & sine paucibus. Iam non erit cui noctes infomes, cui sollicitos dies agas, cui

spes longas atque inextricabiles ordiare, qui
 canos tuos rugasque consideret, hæredita-
 tem æstimet, sumptus arguat, moram mortis
 incuset, vndiq; tibi securitas & quies, gemi-
 num bonum ingens, titulo licet mortis aspe-
 rius. DO. Acerba filij morte deiectus sum. R.
 At non Anaxagoram audieras? An oblitus
 eras te genuisse mortalem? An id potius for-
 san luges, quòd qui sequi debuerat anteces-
 sit? Equidem cum in multis inordinata vita
 hominum sit, nullum penitus mors habet, &
 senes decrepiti cunctantur, & festinant iuue-
 nes, & præcipitant pueri, & infantes primo
 vitæ de limine retrahuntur: hic tardius licet
 ille ocius, hic maturus, ille acerbus, nemo
 non moritur: hæc summa est, vbicunque ve-
 rò hoc qualibet ætatis parte quis obierit & si
 acerbus fuerat, morte maturuit, D O L. Extin-
 ctum fleo filium. R A T. Si fleturus eras mo-
 rientem, & nascentem flectes, tunc mori cœ-
 perat, nunc desit. Noli autem tuam & illius
 sortem optimam lugere: ille iter ambiguum
 à tergo habet, tu securum ante oculos non
 iam amplius aut charo oneri timens, vt Ma-
 ro ait, aut alteri. D O L O. Cum filio vitæ
 dulcedo omnis extincta est. R A T. Magnum
 fateor ac dulce solatium patri filius bonus,
 sed sollicitum ac graue. Et sæpe dulcissima
 offendunt & charissima impediunt & præ-

ciosissima rerum premunt. Et fortassis hic filius obstabat altiora animo voluenti. Iam mortuor licet ac liberior factus assurge, bona de malis elicere sapientis est. **DOL.** Mors me filij mortuum fecit. **RAT.** At quod restat alacer exige: illi vixeras, viue iam tibi.

De infantis filij casu misero. Dialog. XLIX.

DOLOR.

Infantis filij miserabilem casum fleo. **RA.** humanum nihil flendum homini, præmeditata omnia esse debent, si non sunt: non casum filij, sed inscitiam tuam desse, & conditionis obliuionem. **DOL.** Filij infantis miseram mortem queror. **RAT.** Nulla mors misera, quam mors animæ non sequitur: à quo periculo infans tuus immunis est. **DOL.** Infans meus præcipitio periit. **RAT.** Qualiter quis pereat, quid refert, modò ne turpiter pereat, & perire turpiter non potest, qui sine peccatis periit. **DOL.** Præcipitio periit infans meus. **RA.** At Archemorus serpente, alij grauidæ lacte nutricis: alij morbis, qui penè plures illam in ætatem quàm in senectutem incidunt. **DO.** Periit infans meus præcipitio. **RA.** Repentina mors innocentibus optanda, nocentibus metuenda est. **DO.** Infans meus ex alto præceps periit. **RA.** Languidè percuntibus mors durior sæpe & angustia longior.

res,

res, dolor omnis eo tolerabilior quo breuior
 D O L. Perit præcipitio infans meus. R A T.
 Precipitari & ruere illius ætatis est propriū,
 Fecit infans tuus quod faciunt omnes, & si
 non omnes casu pereāt: at tu sine illū periis-
 se, pereundum erat, & sceleriter secum agitur
 prius pereundo quàm vitæ malis implicare-
 tur: quæ quàm multa sint sciunt experti & in-
 tenti: nemo enim expertus est, non intenti
 autem multi qui quasi somnium vitā agunt,
 cuius reminisci nequeant experrecti. Perit
 innocens infans tuus, qui fortasse si viueret
 nocētissimus periisset. Noli illum in tuto po-
 situm deslere, fortunæ minas omnes euasit,
 & præoccupauit mortem quæ illum dilata
 præoccupasset. D O L O R. Lupus meum de-
 uorauit infantem. R A T I O. Ista iā vermium
 est querela. D O L. Infantis miseri corpuscu-
 lum lupus rapuit in cauernam suam. R A T.
 Fœlicis animam infantis in cœlum angeli
 rapuere.

De filio qui alienus inuentus est. Dialog. I.

DOLOR.

ET (quod morte grauius) qui meus cre-
 debatur alienus est filius. R A. Si ad con-
 munem spectaretis patrem. Comici cōsilio,
 humani nihil à vobis alienum putaretis. D O.
 Diu alienum filiū vt meum paui. R A. Summ

filium pauisse natura fuerit, alienum charitas, modò post factum non pœniteat sed delectet. D O L O R. Filius ille meus dictus alienus apparuit. R A T. Aperta tibi ad magnum & singulare meritum via est, si hunc ipsùm, vt hætenus, sic deinceps quasi tuum paueris. Id illi quidem longè gratius atq; acceptius deo erit. Solent enim ingrati filij seu sibi naturali quodam iure debita patrum alimenta contemnere, & præterea scelus est amare filium qui ex te genitus sit, & à Deo creatum hominem nò amare. Ita vndiq; apud Deum atq; homines pietateni eximiam tibi quæris ex alieno flagitio. D O L. Pavi pro filio qui non erat filius. R A. Paviisti vt filium, pasciam, si non vt filium, at vt fratrem. Omnium qui sunt quisque erunt, fueruntve, vnus est parens, vnus rector. Nolite per insolentiam dissimulare, aut per inuidiam atque odium sacrum naturæ vinculum rescindere: omnes inuicem fratres estis. D O L. Filium quem putabam meum non esse audio. R A. Vide à quo audias & cui credas. Multi enim malis stimulis impulsì, falsos rumores studio confingunt: alij linguæ fluxu quodam effreniq; imperu, & quæ sciunt & quæ nesciunt pari loquuntur audacia difficilis est autem de filiatione sententia. D O. Filiū qui meus dicebatur alienum esse audio, R A. Cur hoc aliis potius

tius quàm vxori credi s, qua hoc vnum sal-
 tem nemo certius nouit? Illa tibi certè filiū
 dedit, quem nunc alij nituntur eripere, Audi-
 sti credo vt patraū memoria vir illustris fuit,
 cui forma & genere par vxor obuenerat, sed
 fama pudicitiae ambigua. Ex hac vnicus in-
 fans pulcherrimus natus erat, quem cū die
 quodam in gremio habēs mater, grauem cu-
 ris & suspirantem virū animaduertisset, quē-
 siuit quæ tāti causa suspirij. Rursus ille suspi-
 rās: vellem, inquit, dimidia dominij mei par-
 tē pacisci, vt ita mihi constaret hunc pue-
 rum meum sicut tibi constat esse tuum. Ad
 hæc illa nihil fronte mota vel animo: enim-
 uero, inquit, nequaquam tanto precio est
 opus: da mihi centum prati iugera vbi gre-
 ges meos pascam, & de hoc ipso certum ego
 te faciam. Cūmq; ille impossibile prorsus id
 diceret: conuocatis qui propè aderant proce-
 ribus, & sponse interposita, natum illa vl-
 nis extulit: & est ne, inquit, hic verè meus?
 Cūque vir annuisset: illa brachiis protentis
 ei puerum porrexit: & accipe, ait, dono eū ti-
 bi: iam haud dubiè tuus est. Risu astantium
 oborto, pro vxore diffinitum, & vir omnium
 sententiis cōdemnatus est. Crebræ nimis in-
 ter homines huius generis lites ac lamenta
 sunt: proni in nuptias, immo lubrici ac ruen-
 tes: vix videre diē creditis quo mariti, hoc est

viri sitis, quasi aliter non possitis. De hinc
 præfusi in gaudia, seu verius in furores, con-
 iugij dies primos in strepitu inter epulas &
 choreas agitis, inter epithalamia & iocos &
 cantus & tympana: reliquam vitam omnem
 inter suspensiones & iurgia. Vtrobique reprehē-
 sibilis: nam neque rem adeo ancipitem sic ama-
 re, neque tam inseparabilem sic horrere, neque
 tam amabilem sic odisse decuerat, coniectu-
 risque fallacibus apud homines sanctissima
 diuinæ atque humanæ domus iura confunde-
 re, atque ætissima vitæ huius vincula dissol-
 uere. **DOL.** Quid quod meum vxor non esse
 ipsa confessa est? **RAT.** Singulare velut ali-
 quid narras, quotidiana sunt hæc: alix viuen-
 tes hoc fatentur, alix moriētes, quarum ali-
 quæ nunciandum viris post obitum relique-
 rūt, **DO.** Non esse meum filium ipsa mihi fas-
 sa est coniunx. **RA.** Falsa est idem Olympias
 Philippo magno viro magni filij iacturam,
 nec fletum nec suspirium nec querelam legi-
 mus. Nunc fabellam accipe ridiculam, se-
 l materię nō ineptā. Circa litus oceani quod
 Britanniam ab aduerso conspicit, ante non
 multos annos fama est fuisse mulierculam
 inopem, sed forma appetibili & insigni lasci-
 uia, hæc duodecim paruos filios, totidem ex
 viris genitos habebat, annuis ætatum inter-
 stitiis inter se distantes. Instante autem mor-
 tis

tis hora, vocari propè virum iubet: & nō est, inquit, amplius ludi tempus, nullus horum puerorum ad te spectat præter maiorem solum: primo enim anno nostri connubij casta fui. Sedebant tunc fortè pueri omnes humi circa ignem, more gētis aliquid manducantes. Stupente igitur viro, atq; illis rei nouitate suspēsis: illa singulorum patres ordine nominat: quod audiens omnium minimus, qui triennis erat, panem quem dextera & rapam quam habebat in manu altera, in terram posuit, ac tremens desiderio & ambabus manibus in altum erectis adorantis in morem: da, inquit, quæso mihi genitrix aliquem patrem bonum. Cūq; illa in fine verborum patrem paruuli nominasset, & famosum quendam diuitēque hominem, reassumpto in manibus cibo: bene habet, inquit, bonus est pater.

De amisso fratre. Dialogus LI.

DOLOR.

Fratrem perdidisti. R. Nondum audio propter quod valde lugeas. Nimis enim verè ait Naso raram esse fratrum gratiam. D. Fratrem amisi. Fieri potest enim vt & fratrem & domesticum simul hostem amiseris. En iactura, rem malam boni nominis perdidisse. **P**OL. Fratrem perdidisti. **R**A T. Perdidisti forsitan qui te perditum optabat, quique re-

bus obstabat tuis. Multis quidem magnæ laudis aditum fraternus obstruxit liuor. D. O. Amisi fratrem. R. A. Filiorum fortassis ætulatæ, quod sæpe vidimus, graue iugum, vitæ tuæ æmulum, gloriæ obicem, id quod constat patrimonij participem amisisti. Fratre impio nullus hostis inferior. D. O. L. At amisi pium & beneuolum. R. Sed mortalem. Non tutela corporis est virtus verum animi ornamentum, illi gloriam immortalem præstat, corpusculum mortis imperio non eximit, immo quidem sæpe illud ante tempus in mortem trudit, quod si naturæ suæ linquitur, æquè boni pereunt, malique, quin & vulgo imbecilles bonos, & viuaces malos cernimus, immortalem nullum. D. Bonum & gloriosum fratrem perdidisti. R. Si frater periit, superstes est gloria, virtus, anima, præter quas humana omnia pari mors turbine, propellit ac dissipat. Has tu igitur ceu totidem filios fratris amplectere, atque his bonis immortalibus mortalia dampna compensa, quod si filij supersunt, alij, vera illos pietas tuos facit. D. O. Amisi germanum optimum. R. A. Auidè illo uti deberas, id si lentius egisti, non mortis iniuria, sed segnitie tua est. Illi ius sum exercuit, tuum tu neglexisti. D. Mors me lussit, non non putabam tam citò moriturum. R. A. O-

omnia quæ nolentibus accidunt citò fieri videntur, quæ optantibus autem, serò. D. Vix illum mori posse credideram. R. A. T. Cuncta sibi vehementissimus amor indulget, nîlque sibi non spondet, amaròque cogitatus & quicquid est gustui aduersum vitat ac refugit. Vnde & qui amant penè sibi æternas delicias suas fingunt; tu si fratrem natum noueras & mortalem nosse debueras, & idcirco si prouisam mortem inopinum velut aliquid doles, longè erras, si improuisa autem fuit, errasti. D. Sciebam mortalem, sed de morte non cogitabam. R. A. Inconsulte: sed hæc dissimulatio vestra est: vix vnquam mori semper & aliquando etiam sit necesse: immo verò cum non mori nunquam, mori autem semper vestræ lex immobilis sit naturæ: sed vos assiduè morientes sensum à præsentibus, animum à fine diuertitis. Vulgare malū, quod quid est aliud quàm vltro oculos claudere, ne radios solis aspiciant, tanquā luci vt oculis damnum sit illam trō videre, nec minus clarū quod non videas, nec minus verum esse quod nescias: quis tam cæcus vt nō videat, quis tā hebes vt nesciat? veritati rerū nihil detrahit sensuum aut intellectus infirmitas. Vos equidem neq; infirmi neq; obtusi, sed quod excusatione careat dissimulatores

eximij & ad fallēdum vosmetipsos ingenio-
 sissimi, qui tanto studio inutilia discitis, ne-
 cessaria nescire nitimini, ne quicquam tamē,
 clausis nanq; sese oculis ingerunt, & nescien-
 di audum ingeniū irrumpunt, & obliuiscen-
 di cupidam memoriam interpellant, & mul-
 ta indies fert vita hominum, quæ vos cogi-
 tare adigant, quod nolletis, quæne dissimu-
 lationes vestras, aut propriis, aut externis ex-
 citent argumētis: sed ad plenū fateor: signē-
 ta mortalium sola mors discutit. D. Et mor-
 talem & moriturum fratrem sciui, mortuum
 tamen fleo. R. Magna pars humanorum ac-
 ctuum superfluit, quid flet mortuum, aut
 quid illi, quid tibi, quidve aliis tuus hic fletus
 prodest? ut sit malum mors, quod docti ne-
 gāt, quod nemo negauerit, mali irreparabilis
 est fletus inutilis. Et certē si quid præter ani-
 mi vitium dici miserum decet, si quid peni-
 tus in rebus est flebile, flendū potius dum
 impendet quā dum transiit: quod regem
 profectō illum non latebat cuius paulō antē
 meminimus. D. Optimi fratris morte affi-
 cior. R. Nullus affectus intensior quā pa-
 ternus, quamobrem ut quæ in morte filij di-
 cta sunt, fratris ad interitum transfer, & quæ
 utrobique dici solēt amicorum etiam in mor-
 te profuerint, quæ iactura par summis est se-
 rendam tamen ut reliqua: vno enim animi ro-
 bore

bore toleranda sunt omnia quæ videtur gra-
uia, & si creditur oppressura sunt. D. Aman-
tissimum fratrem amisisti. R. Inuisum amisisse
peius fuerat. Illius enim amor, huius autem ipsa
quoque memoria dulcis est. D. Gratissimum
ipsis ab incunabulis vitæ comitem perdidisti,
solus sum. R. Non est solus cum quo virtus &
honestas habitant, inter quas affixam præcor-
diis fratris imaginem esse, nec mors ipsa ve-
tuerit: sic nec frater tuus perditus, nec tu solus.

De morte amici. Dialogus LII.

DOLOR.

AMisisti amicum. R. Si ut debes in amico
virtutem amasti, illa certè non perdi-
tur nec moritur: ideo veras amicitias im-
mortales dicunt, quod nullo vnquam dissi-
dio amicorum, nec ipsa demum morte sol-
uuntur, sic discordiam vitiumque omne vin-
cit virtus, ipsa verò nulla re vincitur. DOL.
Amicum amisisti. R. Cætera cum amiseris non
habes, rñicos charosve omnes, tum maxi-
mè habeas dum xideantur amissi: præsentia
enim delicata, ne dicam fastidiosa, itidem
ac superba, minimis rebus offenditur, ami-
corum recordatio iucunda & sitaui est, nil
amarum retinens, nil dulce non retinens. D.
Amicum optimum morte amisisti. R. Si cõmo-

ditates perditas quereris, utilitatis mihi tu
 calculum non amicitiae quidem ponis. Si cō
 uictum, cogita quā parua pars temporis vi
 uentium quoque praesentiam exhibet ami
 corum, quantum curae, quātum morbi occu
 pant, quantum sopor ac voluptas, quantum
 quoque peregrinantium discursus sollicitudi
 nūmque diuersoria, & secessus, quantum de
 nique studia, quantum ocia, quātūmque ne
 gicia, nūc aliena, nunc propria & illa rerum
 multiformium iugis atque inuicta necessitas,
 cui nulla prosperitas eximitur, conuictui de
 trahunt exoptato, quot cōgressus rari, quā
 breues sollicitēq; morē, quā duri digressus,
 quā reditus feri, qui obices, quēnam impe
 dimenta, qui laquei: his ac similibus vitē dif
 ficultatibus amicitiaeq; compedibus ad me
 moriam reductis, intelliges quantulum est
 quod tibi mors abstulerit: nam si id in amici
 tia solum libras, quod vnum illi perpetuū ac
 stabile fundamentum est, prorsus nihil ibi
 mors potuit auferre. Audisti apud Tullium,
 se solantem Lelium, ut illi Scipio suus viuit,
 ut in memoria eius nec extincti amici fama
 nec virtus extinguitur. Quid Scipionem tuū
 tibi nunc viuere, prohibet? Sed vos quoniam
 Scipiones & Lelii non potestis esse, nec viri
 quidem esse vultis, & quia summa non pre
 benditis, media desperatis aut spernitis, quasi

vt poësim, sic virtutem mediocrem nec dii
nec homines sint laturi. D. Amicū mihi mors.
eripuit, R. Amici corpus eripere mors potest,
non amicitia nec amicū. Sunt enim ex illo-
rum genere, quæ nec morti nec fortunæ sub
iacent, sed virtuti, quæ vna humanis in rebus
libera, & quæcunque illi subsunt, libertate do-
nare potens est: non esset tanti præcij ami-
cus si tam facile perdi posset. D. Sine amico
remanſi. R. Si rite colis amicitias, nec tibi ve-
teres defunt nec noui vnquam defuerint a-
mici, quin ex hostibus tibi amicos ea quidē
reddet opinio. Nihil magis Augustum Cæ-
sarem conciliauit Herodi, quàm quod is ho-
sti suo amicissimum, seque per illum inimi-
cissimū se fuisse professus est, sua dignum a-
micitia iudicauit eum, qui tanta est virtutis &
amicitiæ pulchritudo, vt etiam in hoste de-
lectet cogatque illum quoque amare qui se
oderit. D. Amicus mihi fidissimus obiit. R. In
memoria tibi sepeliendus est tuus, vbi clam
sæpe tecum sit, & nūquam totus obierit: qui
si tibi fortè aliter quàm morte perierit, non
tu amicam, sed opinionem falsam amicitia
perdidisti.

A Micorū torquor absentia. R. Solet id quidē euenire: sed qui amici nō ortē ferre didicerit, aliquāto facilius feret absentia, nec franget abitus quē non fregerit obitus. D. Abest mihi optatissim⁹ amicus, dextra manus dextérq; oculus meus abest. R. Et si irreditura abessent, nihil tamē non ferendū viro dicerē, nunc redibunt & tua tibi restituetur integritas. D. Abest amicus dimidia mei pars. R. Dimidium animæ suæ Virgiliū vocat Horatius, quod à multis postea vsurpatum iam pridem in prouerbiū venit. Sed si amicus nō naturaliter tantum, sed ciuilit̃er possidetur, quid amicitia nocet absentia, quo minus tecum vbicunque sit amicus, sedeat, ambulet, colloquatur vel iocosa, vel seria? & quod præsens fortē non faceret, absens faciat? Nam si nil aliud videretis, nisi quæ sunt ante oculos, & sola vos præsencia delectarent, breuis admodum visio & angusta delectatio vestra foret. D. Amici absentis dulci desiderio laboro. R. At qui amatis soliti estis laborare non dulcibus. Accipe vero nunc quod vulgi aures vix capiant, dici nequit quam tenera quamque fastidiens præsencia sit interdum etiam amicorum, saepe paruis offenditur, vī quos valde

valde dilexeris, quorumve præsentiam vehementer optaueris, non amicos modò, sed fratres aut filios, quòd fortè sollicitudinis studio vel occupationibus tuis obstant, abesse non nunquam malis. In absentia nil amarum nil quod pungat præter desiderium, quod dulce tamē ne tu ipse quidem negas. D. Dilecti absentia me affligit. R. Est id fateor commune mulierum atque omnium muliebriter amantium, quorum delectatio omnis in sensibus est. Nihilominus de hisipsis Poëta loquebatur ubi ait: absentem absens auditque videtque. Id si ita est, cur non amicus absentem quoque amicum audiet & videbit, nisi fortè purgatiores ad huiusmodi visionē lasciviæ sunt oculi quàm virtuti, aut plus aliquid dignitatis infano quàm casto tribuitur amor, cui præter honestos ac volucres cogitatus, quos pro libito' vagari & esse ubi velint, nulla distantia, nulla vis prohibet, epistolari quoque remedio consultum est, quonescio an præsentia vlla sit gratior. Romæ quidem erat Marcus Cicero dum ad Quinium Ciceronem fratrem suum proconsulatum Asiæ administrantem scribens. cum tua inquit, lego, te audire, cum ad te scribo, tecum loqui videor. Et mox eum ad gloriæ excellentiam exhortās, efficacissimum id dicit: in dictis factisque suis omnibus fraternam sibi

animo finxisse præsentiam. Nescio an Athenis, an ubi esset Epicurus, dum amico scribens, Sic fac inquit omnia tamquam spectet Epicurus. Certè in Cāpania erat Anneus, dum Lucilium suum in Sicilia degentem literis alloquēs, ut secū studeat, secum cœnet, secū ambulet hortatur, quæ facere ille non posset, nisi animo fieret, & non oculorum neq; aurium, non manuum neque pedum ministerio indigerent. DOL. Oculi mei absentem amicum anxie requirunt. RA. Non possum negare quin oculis aliquid per absentiam detrahatur, animo autē nihil, immo nec oculis quodammodo, ut prædixi, si tanten amicitia vera est. Vnde & illud apud eundem poetam & legimus & laudamus Pallas, Euander, in ipsis omnia sunt oculis. Et Cicero ipse in epistola quadā, Balbum amicum suum in Galliis sub Casare militantem, non solum in animo habere, sed in oculis ferre se dicit. DO. Amicus abest meus. RA. Interdum non cognoscitur amicus nisi abesse cœperit. Sicut eunētis in rebus, sic in amicitiiis, copia ingens gustū hebetat penuria acuit. Quod si magister amorū intermissionem amantibus utilem dicit, qui bus omnibus in præsentia est voluptas. Cur non eadē utili sit amicis, quorum in virtute incunditas tota est, quæ absentia nullum sentit incommodum, cum ubilibet præsens sit.

fit? Noli ergo desiderio succumbere, sed amicum mente complectere, quem tibi nec discessus eripiat, nec mors ipsa. D. Amici dulcis absentiam amarè ferro. R. A. Perfer modò, & molliores partes animi præsentì virtute consolidà. Amariuscula enim hæc quam desles absentia, forsan in tempore chariorem tibi amicum & amici præsentiam effecerit dulciorem.

De grani naufragio. Dialogus LIIII.

DOLOR.

Graui naufragio iactatus sum. R. Maris tu mihi memoras naufragium, animi autem files, quasi verò vel grauius vel crebrius vllum sit. Ibi est tempestas illa cupidinum & affectuum ceu vëtorum repugnãtia, quæ vos tenetis concupiscentiæ speique velis, gubernaculo mentis excusso constantiæque ancoris in alto perditis, per omnes littorũ fluxus, perq; omnia maria circumuolauit: illud te naufragium in hoc traxit, tolle cupiditatẽ, nauigationem ipsam aut certè periculum nauigandi magna ex parte sustuleris: illa nõ in naues solũ, sed in scopulos & in mortẽ cogit miseros. Itaq; ferè omnes q suis auspiciis in mari pereũt, priº in animo periire, priusq; illos avaritiæ demersit vnda quàm pelagi. Rara est quidẽ sine præcipitatione cupiditas

quicquid enim vult, cōfestim vult, morásque omnes & illarum comites sumptus odit, ea brevis in exitium via, & crebri prima naufragij causa est. DOL. Magno naufragio vexatus sum. R. Didicisti deum orare votáque facere & pacisci multa, quorum etsi metus causa fuit, tu tamē agnosce fidem terræ redditus: non impune deus luditur, odit ille fidefragos. DOL. Fœdum naufragium passus sum. R. De naufragio non queritur nisi qui euasit. Gaude igitur saluus & doctior. Transacti periculi grata solet esse memoria, sicut ex diuerso finitæ prosperitatis amara recordatio. Quanti veró olim faceres vidisse Tritones æquoreos & montes spumeos aquarum atque assurgentes fluctus in nubila & pelagi mōstra natantia? Habes unde brumali nocte ante focum fabellas horribilas narres attonitis, trepidulámque familiam admiratione suspendas, iam quid sit poëtica tempestas intelligis, & qui malè credulus stupor fuit, iam notitia certa est, quam bene vel metu mortis vel iactu mercium sis adeptus. D. Duro naufragio laboravi. RAT. Sinē labore nihil dicitur, hoc si sapias, perpetuum documentum tibi erit, ne quando amplius credere vitam ventis in animum inducas. DOL. Passus sum triste naufragium. RAT. Si primum, caue ne secundum adeas, si secun-

cundum, file. Scitum est illud Publij mimiographi: improbè Neptunum accusat qui iterum naufragium facit. DOL. Terribili naufragio vix euasi. RAT. Nescio quid terribilius adeo sit in aquis mori quàm in terris, quandoquidem in alterutro moriendum est, seu quid optabilius vermiũ cibis esse quàm piscium: postquam tamen enatasti, cura ne iterum fracto vitam remo aut laceræ credas tabellæ. Disce terrenum animal terram pati, & cœlum potius ambire quàm pelagus.

De incendio. Dialogus. LV.

DOLOR.

EX incendio vix abij. RA. An ne igitur euasisse fortunæ trahis ad iniuriam? sine queri Alcibiadem, qui hostili ex incendio non euasit, quamquam etsi terrestre præiuderis, cœlestibus quis iam obstet incendiis? Romanus mihi rex Tutlus Hostilius, & Romanus respondeat Imperator Chærus, quorum primus Romæ in regia, alter in castris ad Tigrim amnem, si communibus historiis est fides, igne arsit æthereo. DOL. Bonis meis omnibus amissis nudus ex incendio euasi. RA. Quando precor hoc diceret seu Bias, vt omnes volunt, seu Stilbon, vt vult Seneca, qui incēsa patria admonitus seu increpitus quòd nihil suorum bonorũ ex incēdio

efferreret vt cæteri: bona, inquit, mea omnia
mecū porto. Præclarè siue horū alter id dixe-
rit, siue vterq; quannīs hęc voces ex ore primi
semper auctoris clariùs sonēt, sed omisso au-
ctore dicti veritas utiq; nota est. Hærēt nē-
pe præcordiis vera bona, viuóq; nihil eripi-
tur possessorj, sed ne mortuo quidem. In ani-
ma enim sunt, quo nec fortunæ nec mortis
dextra se porrigit: tu saluus & incolumis pe-
riisse tibi aliquid eorum doles, quæ si tua fuif-
sent, proculdubio tecū hodie salua essent. Mi-
hi etenim crede: vera bona non pereūt. Non
est aurū virtute nobilius, ne par quidē quod
est aurū virtute nobilius, ne par quidē quod
non igne cōsumitur, sed purgatur. D O L. Ma-
gnū me afflauit incendium. R A. Cæculus
nescio quis, famam diuinitatis igne quæsiuit.
Apud Virgiliū, Iulij comas flamma corripies
primam dubiæ spem salutis attulit. Seruio ca-
put arsisse, nō poëticiū, sed historicum regni
omen fuit. Constat ex flāmis Iliacis prodisse
Romani Imperij fundatores. Denique & He-
liam incendio obisse, deūmq; ipsū in flā-
ma ignis apparuisse, sacræ loquūtur historię,
vt nō immerito vestris in vrbibus index hic
soleat esse laticis, qui tibi materia est dolo-
ris. D O. Domus igne subitò cōflagrauit mea.
R A. Et tēplum Dianæ olim artit Ephesiæ,
tēplum cæli deo sacrum Hierosolymis, ipsis
etiam

etiam qui illud incenderāt miserandum hostibus:& ætate hac Lateranensis arx illa religionis ac decus eximium orbis terrę bis flammis exusta est,euidens & apertū, vt mihi videtur,iræ cœlestis indicium,non mirabile fa-
 teor, sed tremēdum. Ad extremum, vt minores taceam, Saguntum, Numātiā & Corinthum innumerāsque alias & sæpe tentauit Romam & nonnūquam penè ad vltimum& Carthaginem semel, & bis Troiam flamma combussit. Arsere vrbes arsurūque mundū ipsum credimus: tu in tuam domum ausum ignem qui incœlum ac terras arsurus est queris? D O L. Ex incendio vix euasi. R A. Euasisti igitur, an id doles, nisi euasisses filiuſſes, nunc autem viuus cinis cinerē fies extinctū.

De graui negocio ac labore. Dialogus LVI.

D O L O R.

GRaui negocio defatigor. R A. Nulla sine difficultatibus gloria. Nulla non virtus in excelsio habitat haud facile adeunda, cōfragosum huc durūque & scrupcum est iter. D O L. Nimio labore fatigor. R A T. Labor area est virtutum, requies voluptatum. nil sine labore laudabile, nil excelsū. Proinde laudis Herculeæ fundamentum labor nulla re magis Vlyxes quā labore cognoscei-

tur, quantalibet prudentia fingeretur, si ociosa fuisset, ignota esset. Labor Romuleos duces, Scipiadas & Camillum, labor Fabios, labor Curios, labor Fabricium & Metellos, labor magnum quoque Pompeium, labor Hannabilem, labor Iulium Cæsarem illustravit: labor Catonibus, labor Mario famam dedit. Papyrium cursorem ac Posseninum Nigrum laboriosa militia claros fecit. Ut philosophos, ut poëtas fileam, quorum vita omnis, quid nisi clarus ac delectabilis labor est? Quid de artificibus dicam, quibus ipsa qualiscunque est gloria, quo studio quærēda sit, nostri, à quibus industria & antelucana vigilia præueniri: deque hoc queri solitum Demosthenem accepimus, qui profectò non parvus stimulus esse potest magna tractantibus, quando minima quoque sic animos acuunt atque exercent. Proinde omne genus hominum percurrere, ubi famę multum & plurimum est laboris, & omnino virtutum amatoribus amandus est labor, sine quo ad eam quam amant & quam cupiunt gloriam peruenire fas non est. D O L. Labore exerceor continuo. R A. Parum profecerit magnus labor nisi sit iugis: nam & ipsa quæ labore quæritur gloria, nisi sit perpetua, nec magna videbitur. D O L O. Nimis crebris exagitor laboribus. R A. Nimium &

par

parum pro varietate patientium accipitur,
 ignauo labor omnis est nimius, nullus iudu-
 strio. D O L. Multi me cruciant labores. R A.
 Non te cruciant si vir es, sed acuum & exer-
 cent. Vis autem nosse quid inter laborem &
 delicias intersit, Sardanapalum confer cum
 Alcide, Sergium Oratam cum Attilio regu-
 lo, Apicium cum Caio Mario. D O L. Labor
 me iugis extenuat. R A T. Multis pro reme-
 dio labor fuit, & quos quies infecerat, defæ-
 cavit deterfitque, nam curare illum animos
 constat & orientibus vitiis obstare & radica-
 ta conuellere. Denique inter priscae virtutis
 ac sæculi exemplaris causas hinc labor à scri-
 ptoribus ponitur, hinc paupertas. optabiles
 corporum molestiæ, quæ medentur mole-
 stiis animorum. D O L. Durus est labor. R A T.
 Dura virtus, durus labor, mollis voluptas,
 mollis inertia, similia bene cohabitant, inter
 diuersa diuortium est. D O L O. Nimium labo-
 riosa sors est mea. R A T. Oneratum te ingra-
 te accipis: nescis ut nocte media dum dicatæ
 deo virgines stratis surgunt, algent, vigilans
 & diuinis obsequiis exercetur, adulteræ suis
 interim perfruuntur illecebris: dum pro de-
 fendenda patria miles in castris, pro augen-
 da dux in tabernaculo, pro ornanda studio-
 sus inter libros excubat, leno infamis inter
 suas acies inque suis tentoriis conquiescit

quibus verò sit melius diffinire nemo cui vel modicum ingenui sit pudoris, hæsitet. DOL. Labore vrgeor acerrimo. R. Bene spera, causa tantum laboris honesta sit, honestus est labor quòve vno claris ascribare nominibus: omnes quidem qui ad gloriam nituntur, laboriosus atq; arduus trames agit: ad ignauiam deuexa & facilis via est. Deniq; quisquis nascitur, ad laborē nascitur, nec regū filios excipio. Labor & virtus vestræ artes sunt, non ocium & voluptas, quibus qui se applicant, hi demum à natura hominum degenerant atque in pecudem se transformant. DO. Graui atteror labore. DO. Idem cedentibus grauis labor qui nitentibus levis est. Perfer modò forti animo, & assurge, præsentique molestiæ finem confer. Multos quidem labor extulit, multos industria, sopor nullum.

De duro itinere. Dialog. LVII.

DOLOR.

DVrum iter pedibus meis ago. R. A. Quid tu igitur alienis malles? Atqui neq; alienis manibus operari, neque alienis oculis videre, neque alienis auribus audire, neq; alieno palato degustare, neque alienis naribus vultis olfacere, quid hoc vnum singulare habet, vt tantum pedibus ambulare delectet alienis. DO. Pedes eo. R. A. An. verò in hunc mun

mundum intraſti eques, an exhibis, quid per-
 mundū ire niſi eques doles? O principiū hu-
 mile, & ō finis humilior, quam ſuperba inter
 vtrunq; ſunt media, & in brevī curſū quanta
 priuſ obliuio terminorum, nec vnde certē
 nec quo pergitis meministi. D. O. Iter lōgum
 cogor pedes agere. R. Cogi quidē durum fa-
 reor, cogi autem volēs nequit, indignatio &
 dolor neceſſitatis pōdus exaggerāt, patientia
 & cōſenſu animi fortunæ cuspis obtunditur.
 Vis non cogi? fac ſponte quod cogeriſ. Vis vt
 iter longū breue fiat? volens i. D. O. Equitare
 vellem, pēdes ambulo. R. A. An inſanix parū
 eſt vnum ob quadrupedē cuius vſum neſciſ,
 quādiu tibi fortuna cōceſſerit, naturæ nuntie-
 rum obliuiſci? Quod multi faciunt qui vilis
 atq; intractabilis & caduci equi fiducia de-
 diſcunt pedibus ſuis ire, quibus quæſo quid
 aliud quam diuitem cupias podagram, hoc
 eſt pedes inutiles, equos multos? D. O. L. Lon-
 gum iter pedes ibo. R. A. Ibis pro libito, ne-
 mo te tranſuehet, nemo morabitur, nemo
 concutiet, nemo deiciet, nemo aget in præ-
 ceptis, vnus tibi labor viæ, vnum opus ire, nil
 tibi tuo cum vectore negocij. Non cogeri�
 cnīm æquum frenare, non pungere, non ad-
 aquare, nō ſubſternere, nō circūducere, non
 fricare, non paſcere, non aut tergum vnge-
 re, aut arentem pedis vngulam, & tractare

digitis ancipites clauos ac nocturnos subdibus arcere concursus, & somno exciri, trepidus semperque sollicitus quid belua peruigil cum vicinis agat, saltem noctibus quiesces, nam qui equitant noctu etiam laborant. v o. Pedibus longum iter ago. R A T. Calceatus forsitan. Sancti autem patres nudis pedibus deserta lustrabant. Nuncij dei omnipotentis apostoli, mundi climata circuibant, hic ad orientem, ille ad occidentem, hic ad arcton, ille ad meridiem, nauigantes interdum, raro id quidem, neque aliter quam cogente locorum situ, sed quem precor equitē legis præter vnum ex omnibus Ioannem? Neque id amplius quam semel, idque perexiguo viæ spacio, dum, quod Clemens scripsit, & Ecclesiastica habet historia, ad recuperandam perditæ adolescentis animam, pia illum festinatio perurgeret. Quomodo autem equitarent, quorum dominus pedes ibat? Vix asellum semel quidem ille mox in crucē ascensurus ascendit. Quod si sanctitate inaccessibili, hæc exempla te prægrauant: at Romanæ legiones quæ orbem terrarum subegere magna ex parte pedestres fuisse noscuntur: in quibus non se solum atq; arma suis pedibus quisque portabat, sed multorū panem ac viaticum dierum, vallum quoq; quo in finibus hostium castra indies, circūspecta nocturnis

ab insultibus tegerentur. Vnde elegantes Cicerone noster quodam loco de militibus Romanis agens, cum fortibus viris ceterarum gentium arma non impedimentum, sed quasi vestimentum esse dixisset, hoc precipuum illis dedit, ut diceret. Romanis solis arma non vestem esse, sed ut humeros ac lacertos. At cum eas quas dicebam militares sarcinas subiissent, tum demum videri sibi esse vestitos, ne quis moderni sermonis consuetudine labi possit, militum appellatione pedites accipi, eosque ab equitibus quanuis uterque militet, hoc secerni nomine solitos multis Romanæ historiæ locis advertere est. Proinde magnum tibi lenimen ac solatium laboris horum recordatio præstare potest. non inermi tantum ac vacuo & duro, licet tuto tamen calle pergenti, sed armato etiam atque onusto & periculoso tramite peditati. Siquidem nihil ad tolerantiam asperarum rerum efficacius, quam cogitare eadem multos fortibus animis fuisse perpeffos. Pudet enim generosum spiritum, non posse vnum quod innumeraeiles potuere, quæ cogitatio non in laboribus modo qui difficiles, sed in his quoque qui miserimi videntur cruciatibus in doloribus corporibus maxime in ipse demum morte profuerint. Do. Longum ergo durumque iter pedibus meatus ago. R. A. Nihil equè durum iter

lenit mœstūque animum serenat vt nobi-
les ac suaues curæ, quæ nisi boni & docti, viri
pectus incolere viâque omnes comitari ne-
sciunt. Hic si grata societas amici læti & elo-
quentis accesserit, non tantum leue iter, sed
& breue videbitur. Multos iucunda confa-
bulatio sic affecit, vt & viæ duritiem nō sen-
tirent, & de breuitate longi l cet itineris que-
rerentur, neque iuisse sed vectos esse se cre-
derent. Est & illud enim inter mimos Publij
notissimum, Comes facundus in via pro ve-
hiculo est.

De sterilitate annua. Dial. LVIII.

DOLOR.

Sterilitate premor annua. R A T. Iam tibi
fertilitas grata erit, optimè res omnis con-
trarij collatione cognoscitur. D O L. Fefellit
ager meam spem. R A T. Non te ager fallit,
sed improbitas cupiditasque animi: cuncta
vobis ad nutum successura promittis inso-
lentes, vestro digni iudicio, quibus ipsa re-
rum pareat natura, quæ si suum ius seruare
ausa profundam semel avaritiæ vestræ præ-
ruptamque voraginē, cui nihil est satis inex-
pletam liquerit, insolēs vobis & auara atque
iniuriosa videbitur. Non sunt hæ autem iu-
stæ nec modestæ spes, sed immodici figmen-
ta desiderij, ea quidem fingitis euentura, quæ
cupitis, si quid deest damnū dicitur: tunc ager
suum

suum morem tenuit, & tu tuum tenes. Terrae
 etenim vbertas & sterilitas alterna, sed cu-
 piditas vestra perpetua est. Vos iniquissimi
 omnium interpretes, cum illam gratè & so-
 briè, hanc patientes ac fortiter ferre debue-
 ritis, illam contemnitis, hanc defletis, illa tu-
 midos facit, hæc querulos. D. O L. Ager melio-
 ra pollicitus me se fellit. R A T. Terram bo-
 bus ac rastris, cœlum votis ac precibus fati-
 gatis. Venterum spiritus, opportunitas im-
 brium, germinum decor, agri species, pulvis
 hybernus, lutum vernum, æstiuï soles, matu-
 ritas autumnalis, omnia cupidos in spem tra-
 hunt, vt arentem stupam flamma omnis in-
 cendit, vt inanem puluerem flatus omnis im-
 pellit, sic auarum animum lucrum omne su-
 spendit atque erigit, omnisque nō rei modò,
 sed vel tenuis spei iactura confundit ac dei-
 cit. Sed fræmate miseri motus incōditos, infi-
 nitam concupiscentiã corëcete, & spem cre-
 dulam mille tandē delusam successibus casti-
 gate: quid nūc cœlū terrāmque respicitis? Non
 aliunde fertilitas quàm à deo est. Illū morta-
 les agere finite, & videte quid agitur, & lau-
 date. Sinite opificē operari, & vnius artificij
 perito homini exhibendam reuerentiã non
 negetis deo. Pudeat terrea vascula cœle-
 stum figulum arguere, sed in omnibus illi
 voce atque animo gratias agite, qui necessi-

tatum conscius vestrum, neq; cupiditatum
nescius illis succurrere, his occurrit: utrobique
misericors utrobique terribilis in cōsiliis super
filios hominum, ut de illo scriptū est, sperare
item tādē nō in agris vestris, sed in domino
& facite bonitatē & inhabitate terrā & pasci
mini in diuitiis eius, delectamini in domino
& dabit vobis petitiones cordis vestri, quæ
vbi cœperitis in domino delectari, auarē esse
non poterūt neq; iniustæ. Reuelatæ domino
viam vestrā & sperate in eo, & ipse faciet. La-
etate super domino curā vestram & ipse vos
nutriet: quid cœlesti manu æditi non nisi ter-
ram cogitatis, terramq; diligitis? Nolite has
sacras voces ut soletis spernere: nolite auras
pluuiarūq; & tēpestates idoneas aucupari aut
precarimolite in terra spē habere, sed in illo
qui respicit terrā & facit eā tremere, qui de
saxo durissimos fontes liquidos elicit, qui te
denique ab agello tuo falli passus est, ut in il-
lo spem poneret qui nō fallit. D O L. Multum
solita de copia demptum est. R A T. Id modō
subducitur quod plus æquo vel dederūt anni
præcedentes vel sequentes dabunt. Modestiq;
quantulūcunq; sat est: auaritia lucro crescit
eōque fit pauperior quo plus habet. Magna
vitiū genetrix, magna nutrix atque hor-
tatrix est copia. Patere malis tuis demi ali-
quid, quo minus copiar, minus erit insolē-
tiæ,

tiæ, minúsq; libidinis. Adde quòd hæc tui
 ruris iniuria apud multos beneficium ac lar-
 gitas haberetur, túque ipsi si assueisses ino-
 piæ, vbertatē hanc & copiam iudicares, tan-
 tum in iudicio rerū semper consuetudo præ-
 iudicat, tantámq; vim habet, nunc quid mi-
 rum si temperata fastidiunt, qui superuacuis
 assuevere, qua nulla maior procella mode-
 stiæ est? Do. Sterilitas vrget insolita. R. Sæpe
 quidem fortiores viros plaga fert sterilis, fer-
 tilior molliores neque fert modò, sed facit,
 atque alibi natos durat aut molliat. Si molli-
 uit Gallos primum post Romanos Asia, Ale-
 xandrum Babylon, Hannibalē Capua Con-
 tra verò Romanam indolem durauit & co-
 tis in morē acuit illa arens & scopulosa pars
 Ligurum: te quem copia mollicbat, durer
 inopia. Sobrietatem te doceat ager tuus, &
 quod libri vberes nequiuere, glebæ faciant
 aridulæ. Nemo despiciendus est magister
 disciplinæ utilis: disce bene viuere: disce vel
 se uex, disce vel nolens, disce denique vel in-
 dignans.

De villico malo & superbo.

Dialogus. LIX.

DOLOR.

Villicum insolentem patior. R. A. Insolentem tantum & non furem, bene tecum agitur: D. O. L. Villicus malus est mihi. R. A. T.

Malum fer equanimis, villicus nisi pessimus bonus est. D O. Villicum durum egrefero. R. Mollem delicatūque ferres ægrius, durities rusticorum epitheton est, duris cum bobus, cum stiva & vomere, cum ligonibus & rastris, dura denique cum tellure luctantur, quid ni ipsi etiam duri sint? si nil aliud est quàm durus, bonus est villicus, D O. Rusticū importunum ferre nequeo. R A T. Atqui vel feras villicum, vel ipse villicus sis oportet, vel incultum rus elige: dura sunt omnia. D O L. Rusticus intractabilis, indigestus est mihi. R A T. Nil horum impræmeditatum tibi esse debuerat, mox ut terram habuisti labores varios prælagire sterilitatem & villici fastidia debuisti. Dixi dū rure gloriareris exculto, rusticos ultimos hominum terris abeuntent iustitiā reliquisse. Si vnquam genus humanum reuiuisceret eosdem illos puto ultimos reperturam, ita quos sequebantur præcesserunt, malorūq; omnium pessimi facti sunt. D O L. Asperrimus villicus est mihi. R A. Vbi veritas dixit quòd terra homini spinas & tribulos germinaret, subintelligendum fuit & rusticos tribalis cunctis asperiores. D O. Villicus est mihi nequissimus. R A T. Aut villici nequitiam tolerare condisce, aut famem perpeti. Mutare enim villicum non proderit: ad vnum modum ferme omnes facti

facti sunt, nisi quod semper peior est ultimus.
 DOL. Villicus fur est mihi. R A T. Dixisti tandem quod dicturum præstolabar : ita enim furtis addicti sunt, ut eis aliquanto sit dulcius id modicum quod furantur, quam quicquid ex omni iusto labore percipiunt, & hoc ipsum tandem est ferendum, nec queri vnus debet quod omnibus est commune. Profectò autem & si poëta rusticos ultimos à iustitia derelictos faciat, ut bis dixi, apud vos tamen hominem primum humano semine genitum & agricolam fuisse constat & parricidam, ut fuisse semper pessimi videantur, dumq; id recolis, non mireris fures. D O L. Villici culpa perditum ac desertum est. R A T. Hoc quotidie multis clarioribus, Anaxagoræ accidit, & Architæ, vterq; credo doluit, neuter excanduit.

De furtis. Dialogus. XL.

DOLOR.

ID modicum quod superest à furibus vix defendo. R A. Rure te villicus tuus patientiam mali huius edocuit quamq; in urbibus exhiberes. D O. Me fures infestant. R A. Contra hoc malum nil querelis agitur, suppliciiis opus est. Interim custodia proficit vigilantibus. Sunt qui nihil custodiant & accusant fures, cum vetus sit prouerbum, quod occasio furem facit. D O. Limen meum fures obsident.

R A. Claude hostium, obde seram, aperi oculos atq; intende, si negligis, temetipsum culpa. Rarò fur intentis obfuit. Illi iustius queruntur quibus non sunt domus, quales sunt quidam populi sub meridiem & sub arcton, & ideo apud Scythas vt scriptum vides, nullum scelus furto grauius. Et sequitur ratio: quid enim inter syluas superesset si furari liceret. D O. Fures mihi subtrahunt res meas.

R A. Suas fieri volunt, nec tu vetas. Puta ergo negligẽtiam tuam plecti rerumq; te tuarum custodiam hoc precio doceri: vtilia non discuntur gratis. D O L O R. Mihi molestissimi fures sunt. R A T. Importunum planè genus hominũ, iure optimo bonis omnibus odiosum non modò vt pestilens sed vt vile. Sic enim habet: non enim aliter quàm summa animi vilitate aliquẽ ad hoc trahi. Haud immerito igitur Auelius Alexander princeps iuuenis sed bonus, tanto furum odio flagrauit, vt de illo scribat Helius Lampridius si quem talium vidisset, paratum digitum habuisse vt illi oculum erueret, tantiq; eum stomachi fuisse in furtorum infamia laborantes vt si eos casu aliquo videret. cõmotione animi choleram euomeret, toto vultu inardescente ita vt nihil loqui posset: nobilis prorsus indignatio generosi animi, verè ingès furum feditas, quæ viro forti & sublimi sic sub-

bis

bito nausca extorqueret Quinimo, cum quidam ex honoratis aliquando furti reus ambitiosè tandem fauore quorundam amicorum regum ad militiam asq. irasset, & statim in furto deprehensus esset, vix enim illi vitio assueti desistere vnquã sciunt: quæsiuit Alexander à regibus qui illũ promouerant, quid apud eos paterentur fures, cumq. illi respondissent, crucem: illico eum de illorum sententia crucifixit DOLO. Furtis infestor. R A T. Contra furta bona est vigilantia atque custodia, sed optima est paupertas. Quandiu aliquid eris quod furibus dulce sit, eorum vel manus certè vel oculos non euades: vis fures non metuerè, pauper esto.

De rapinis. Dialogus. LXI.

DOLOR.

A Prædonibus spoliatus sum. R A. Quamuis ciuili lege, nisi fallor, scriptum sit quod nullus fur improbius quàm qui vi rapit, sunt tamen clandestini fures me iudice viliores, illi enim fraude agunt, hi autem vi. Et ideo iuxta sententiã Ciceronis: illi vulpeculis, hi leonibus assimilantur. Adde quòd fures rebus spoliant ingeruntq. suspensiones: at prædonibus spoliassè ferè sat est, suspensionibus non relinquunt locum. D O L. I prædones incidi, qui me nudum reliquerunt. R A T.

Incidit in prædones Cæsar, à quibus nō spoliatus modò sed captus magno se tādē precio redemit, futurus rerum dominus, quamuis huic damno solatium ultio mox secuta præbuerit, non exiguū lenimen iniuriarum. Incidit in manus hostium Regulus totiens iam victor, qui magno cum imperij vestri damno atq; discrimine eūdē immani supplicio peremerunt. Incidit in hostēs quoque Valerianus Imperator, qui eum multo cum imperij dedecore fædo senili seruitio conferant: tu si nihil ultra quam spoliatus es, & fortunæ tuæ & prædonibus gratiā habe qui tibi libertatem vitāque reliquere. Non est enim aliud beneficium latronū, quā quod Cicero ait in Philippicis, cōmemorare possint his se vitam dedisse quibus non ademerunt. Fer tu igitur sortem tuam communem tibi cum magnis his atque aliis claris viris, etsi comparetur, facilem etiam atque optandam, neque fœlicior esse velis his qui dicuntur fœlicissimī.

De dolo malo. Dialog. LXII.

DOLOR.

A Circūscriptoribus sum deceptus. **RA.** Miraris, Mirarer ego si inter homines conuersando illæsus euaderes. Quis homo enim hominem non decipit? Fides exultat, regnat fraus, hocne nunc nouiter perpendis?

Non

Non tanto studio neq; tot laqueis venatores
atq; auceps feras ac volutres captant, quot
versuti homines alios quosque simplices.
Quod si vnquam verum fuit, vestra etate ve-
rissimum est. Monstratur digito fraudum
magistri, & ille prudentior iudicatur qui pe-
ritior est fallendi. Visne igitur non decipi
aut morere aut fuge hominum consortia.
D O. Dolo malo vnde non timui circumuen-
tus sum. R A. Si timuisses, deceptus forte tam
facile non fuisses, & nunc cogita an tu quem
quam aliquando fefelleris. Estis enim fere
omnes ad fallendum prout, feres autem faci-
lius ab altero tibi fieri, alteri quod feceris. Sed
vos & quæ facitis aliis non sentitis, & quæ ab
aliis fiunt vobis pati non potestis, rerum om-
nium iniquissimi iudices. D O L. Dolo amici dā-
num tuli. R A. Erras vt in multis: nullus in
amicitia dolus est. Sed in hoc etiā vulgo er-
ratis, amicos creditis qui non sunt: amicitiaq;
rem inextimabilem atq; sanctissimam facili
probat experimento, vsq; adeo rerum vilium
curiosi, leui comestatione, aut breui cōfabu-
latione quæritis amicum: nec citius quæritis
quam perditis, si tamen quod non habetur
perdi potest. Postea ab amicis vos deceptos
dicitis, & hanc infamiam amicitiae inuritis
innocenti. D O L O R. Dolo damnificatus sum.
R A R I O. Multis profuit falli, eris cautior in
reli

reliquis: quidam paræ rei damno maximarum rerum pericula declinarunt. DOL. Circumscriptor iniquissimus me fefellit. RAT. Immo tuū exercuit atque excitauit ingeniū, docuitq; non fidere nisi expertis & probatæ fidei. Enumerarem exempla quibus casum tuū solareris, nisi essent innumerabilia. Quis enim viuens non decipitur? Quicquid mali mortalib⁹ accidit minus est quàm quod homo patitur ab homine. Et quoniā sequi omniā nec possibile nec necesse est, memento Caninij, qualiter Syracusis fuit dolo malo quondam à Pytio circumscriptus: habet tamē Caninius quo solari queat, eques Romanus ab extraneo & viuente deceptus, cū Augustus Cæsar Imperator Romanus à Romano ciue moriente delusus sit: nota res est, vt Marius quidam qui ipsius Augusti beneficio ab infimo militiæ gradu ad summus honores atq; opes ascēderat, semper publicè prædicare solitus, se illum vnum hæredem habiturum, eiq; bona sua omnia relicturū, à quo omnia p̄cepisset, id ipsum cū pridie quam obiret eidem affirmasset Augusto fraudulētum spiritum emisit, tandem nulla Cæsarei nominis, vel tenui mentione in testamento habita. Dignus verè cuius cadauer vnco in Tyberim traheretur: qui dominum ac benefactorem suū fallere nec morte dedisceret.

DOLOR.

Angustè habito. R. Angusta domus ad multa est habilis: inter alia contra fures utilis, de quibus paulo ante querebaris, q̄ in ea latebras nō habent, sicut ex aduerso de magna domo rectè dicitur, quòd dominum fallit & prodest furibus: arctam sanè vel amplam domum pro numero inhabitātium accipio, tu nūc vt tibi videris angustè habitas. At quāto habitat angustius anima tua quantòq; sc̄dius inter saniem & cruorē, nec migrare illam inde si fieri possit vnquam velis. Do. Arcta domus est mihi. R. Domus lutea cœlestem animum non angustat, sæpe parua domus magnæ gloriæ capax fuit, cum magna interim multæ infamiæ plena esset: nō format domus animum, sed ab illo formam accipit: vt læta igitur atque honesta pauperū tuguria esse possunt, sic infames mœstæque regum arces diuitumque palatia. Nulla tam parua domus est quam non amplificet magnanimus habitator magnòque hospiti præstet idoneam. Do L. Parua domus mea est. R A. Parua Euandri regia magnū cœpit Alcidem, modicis ædibus futurus mundi dominus natus est Cæsar: pastorali casa Romulus ac Remus tā magnæ vrbis auctores educati: non amplis atris habitauit Cato: volu-

bili Dolio Diogenes, Angusto tugurio Hilarion: in ins terræ specubus sancti viri: in exiguis hortulis magni philosophi: sub diuo modicisue sub tentoriis summi duces: in stupendis palatiis Caius & Nero: tu cum quibus habitare malles, elige. D O. Angusta est mihi domus & humilis & inculta. R A. Muri fures ventosque submoueant, & vtriusque peiora vulgi tædia, tecta frigus, æstum, soles, imbres arceant, turres aëreæ volucris, domus ampla superbix, ornata luxuriæ, referta cupidini, nullum virtus spernit habitaculum nisi vitiiis occupatum. D O. Per angustè habito. R A. Visne tibi domus omnis amplissima videatur, sepulchrum cogita.

De carcere. Dialogus LXIII.

D O L O R.

C Arcere claudor indigno. R. Melior est indignus carcer, quàm indigna libertas, multoq; satius immeritum pro iustitia mala pati, quàm per scelus bonis affluere, quanuis nec mala illa dici debeant, neq; hæc bona, sed loquor vt vulgus, quod dolorem malum ingens, voluptatem summum bonum indicat. D O L. Carcere clausus sum. R A. Quis non carcere clauditur, aut quis inde digreditur nisi dum moritur? Vetus hæc tua omniumq; fors est,

est, unde propriæ, vade nouæ igitur querele?
 Ita enim scito, ex quo die natus es & ante-
 quam nascereris, in carcerem atque in vin-
 cula missum te, illius imperio cui omnis cœ-
 li ambitus exigua domus est: & si quid sum-
 mo creditur poëtæ, tenebrosum utique car-
 cerem & cæcum. Illius carceris exitum si fœ-
 licem cupis, huius angustias non horrebis, si-
 cut nec supplicia, nec mortem, nec huma-
 ni aliquid ad quorum patientiam & contem-
 ptum nisi præparatus armatusque erit ani-
 mus in quacunque fortuna, calle graditur
 ancipiti. Do. Turpi carcere claudor atque
 angusto. R. A. Nullus carcer turpior & angu-
 stior nullus, quam iste corporeus quo vsque-
 adeo delectaris atq; unde tantopere solui ti-
 mes. Do. Carcere detineor importuno. R.
 Multos periculo instati atq; hostiū manibus
 carcer eripuit. Multis limen carceris pro cly-
 peo fuit & quod intrasse profuerat exisse no-
 cuit, ut exitu admoniti quod horruerant, uti-
 ne quod optauerant, miserum faterentur. D.
 Carceri mancipatus sum. R. Quid scis an for-
 tasse non carcer, sed ut dicitur custodia sit?
 quotiens vinculis explicitos hostilis mucro,
 siue hoste sæuior paupertas inuasit? quotiens
 euasisse pœnituit, & carcerē quē diuturnum
 queri cœperāt, non fuisse perpetuum quæsti
 sunt? Vidim⁹ in carcere quosda lautè viuētes,

mox inde digressos tenentem ac difficilem vi-
 tam mœsto sine clausisse. D. Miseram in car-
 cere vitam dego. R. Quidam libros in carce-
 re texuerunt, tu querelas tēxis inutiles. Qui-
 dam literas in carcere didicere, tu patiētiam
 dediscis. D. Carcerali custodia vincēt⁹ teneor.
 R. Plerique cauernis ac speluncis, alij se mu-
 rorum angustiis includere, carcerem sponta-
 neū vel dei amore vel mundi odio vulgīq;
 fastidio eligentes: tu si hoc animo non es,
 tuīq; carceris finem cupis, expecta: aut te
 hinc homo eruet, aut mors quæ clauem car-
 ceris alteram habet. Vnus quidem introitus,
 exitus multi sunt: alium misericordia, alium
 ius eruit, alius innocētia sua, alius custodum
 negligentia euasit, alius precio, alius inge-
 nio, & vel subterraneis cuniculis, vel per te-
 nebras amicæ noctis elapsus est, quīōsdam
 patrum memoria terræmotus & ruina car-
 ceris viam fecit: ad postremū quos nihil emi-
 serit, mors absoluit. Nec minus variij euadē-
 tium euentus. Marium consulatui carcer de-
 dit, Iulium Cæsarem Piratarū custodia sum-
 mum misit ad imperium. Hac ætate quidam
 de limine carceris ad dominum transuere,
 & catenam sibi excussam iniecere aliis. De-
 nique regulum & Socratem multosque alios
 non tam carcer extinxit, vt visus est, quàm
 carceri clarus finis eripuit. Et ad summam,
 quosdam

quosdam carcer ad insignem gloriam, alios ad eximiam fortunam, ad regnū alios, multos ad cœlum misit ad sepulchrum omnes, nullum cepit quem non redderet.

De tormentis. Dialog. LXV.

D O L O R.

I N iustè torqueor. R. Quid nunc dicerēs si iustè? Nullum nempe tormentum conscientia maius est. Illa incolumi, hæc externa despicio, intra te consolator tuus. D O. Torqueor prorsus indignè. R. Tortoris misere-
re tui, ille te grauius torquetur, quamuis enim mundus obstrepat: minus mali est pati iniuriam quàm inferre. D O. Torqueor. R A. Nouum mali veteris lamentū: nunquid enim non antea torquebari s? inter tormenta natus, inter tormēta vixisti, inter tormēta moriturus: quid nunc noui accidit? Mutātur tormentorum species, tormenta non desinunt: excute totum tempus ætatis, quem sine tormentis diem egeris, recordare. Aliqua falsis forsan gaudiis adumbrata reperies, veris autem plena tormentis, quibus si acriter æstimes, nullam vitæ partē vacare fateberis. Vnde nō immerito quibusdam omnis vita supplicium visa est: sed vos nihilominus quam hæ philosophicæ voces tangunt, hærent qui pem aurium vestibulo, mentis claustra non

subeūt, hūc ad omnem corporis offensiūcu-
lam ingemiscitis, animi iuge mortiferūmq;
supplicium non sentitis: illic impatiētes, hūc
hēbetes. D. In eculeum leuor. R. Quid refert,
in eculeum an in lectulum torquendus ascē-
deris? Te carnificis nodus premet: at hūc fe-
bris, hunc podagra, hunc vxor, hūc filius, hūc
amica, hunc diuitiæ, hunc paupertas, hunc
medici manus, hunc magistri ferula, hūc ne-
quam seruus; hunc dominus insolens, hūc in-
finita cupiditas spēsque anhelat, nunc torto-
re quolibet peior metus. Perquire mortaliū
status, vix illum inuenies non in eculeo pen-
dentem: sed cū mille sint eculei, nisi ligne-
um non timetis? D. Torqueor. R. Aut inno-
centia in tormentis, aut iustitia te ipsum con-
solare: nam si iniuste torqueris gaudendum
est, experimentum ibi atque aliis & fulgor
quidam tuæ virtutis accesserit, attracti ac su-
blati fragrantior ac notior fama erit: vt bene
oleant, teruntur aromata, & pulcherrima re-
rum ne lateant attolluntur. Sin id iuste pate-
ris acquiesce remedio, & concretæ sordes flā-
mis aut asperitatibus eluuntur, & magni ma-
li medicina tristior sit oportet: quem mor-
borum tædet, amara non respuat, quem sce-
lerum pœnitet, supplicia non recuset. D. In
eculeum tollor. R. Si immeritus, habes vnde
ex alto sæuitiam alienam despicias. At si me-
ritus;

ritus, vnde à terra diuulsus ipse tuū clarius aspicias crimen, quòdq; commissum doles nō doleas plecti. Do. Torqueor. R. Aut tentatur virtus aut punitur vitium, alterum sepe utile, alterum semper expediens. Bona exercitatio iusti est, pessima noeentis impunitas. D. Torqueor. R. Disce iter ad patientiam & ad mortem.

Dè iniusto iudicio. Dialog. LXVI.

DOLOR.

I Niusto iudicio damnatus sum. R. Vnius iudicis, aut paucorum voce testium dannatus populi vocib⁹, aut tacito iudicio, quòdque est melius conscientia ipsa tua, quòdque est optimum diuina sententia absolueudus. Siquidem ad tribunal æternum iudicis iusti prouocatio salua est: solet is perperam iudicata rescindere. DOL. Iniuste iudicor. RA. Vt iustitia iniustos, sic iniustitia iustos premit. Vbi igitur iniusta damnatio, ibi iustus est reus: nemo autem tam demens nisi insaniat vt hæc perueriti seque iniusto iudicio premi velit. Nemo tam pavidus nisi sit pessimus, vt non potius damnari eligat iniusto iudicio quàm absolui. Tanto enim id satius, quāto est melior oppressa iustitia quàm imperiosa nequitia, quantòque est opta-

bilior mēs bona quā propitia fortuna, quā
 uis illa laboribus, hęc delitiis affluat. Plus di-
 cam, tanto est melius iustè etiam damnari
 quā iniustè absolui, quanto est peius impu-
 nitum quā punitum crimen: in hoc enim
 sceleri iuncta iustitia est, malo quidē magno
 bonum ingens: in illo autem scelus & impu-
 nitas, quę nescio an scelero ipso peior sit, vna
 certè & iustitię hostis & multorum radix est
 scelerum. DOL. Iudicio grauior iniquissimo.
 RA. Mens in solido fundata & bene sibi cō-
 scia humeros habet inexpugnabiles, super-
 impone quantumlibet damni, infamię, sup-
 plicij, nullo fasce curuabitur, & viribus suis
 & multo maximè cœlesti ope cōsistet. Erunt
 præterea quorum sese paribus soletur euenti-
 bus haud spernendi comites. Romę Furius
 Camillus ac Liuius Salinator: Athenis Ari-
 stides atq; Melciades, multiq; alij: inter quos
 quidem, quod mireris, Cicero & Socrates: an
 te horū alicui, an Publio Clodio similem fie-
 ri malis? atq; horū quisque ciuis optimus &
 in sua vrbe clarissimus, sed iudicio damna-
 tus, & vel in exilium, vel in carcerem vel in
 mortem actus. Ille verò scelestissimus, & in-
 ter multa flagitia notissimi quoque cōuictus
 adulterij, violentarūque religionum con-
 cordibus omnium iudicum sententiis abso-
 lutus est, quisquam ne adeo falsę metuens
 infā-

infamiae est, qui non illius absolutioni Ciceronis hostis sui damnationem atque exilium anteponat: sed humana hæc atq; cōmunia. Sin alt us aspicias, videbis pressum falso iudicio cœli regem familiamque eius dilectissimam tanti vestigiis hærentem ducis, & qui hunc postea secuti sunt, tanta innocentia tantisque virtutibus in hospitos iudiciarij turbinis incursus ac scopulos incidisse. **DOL.** Falso iudicio offendor. **RAT.** Est qui te iudicet, is qui facit iudicium iniuriam patietibus, quiq; ait: mea est ultio & ego retribuam eis in tempore. Est & vbi non cogitas, ipso iudicis aut testis in pectore, magni ibi habitant ultores, nullius beluæ morsus est acrior quàm conscientiae. **DOL.** Iniusto iudicio læsus sum. **R.** Illatis iniuriis bene uti, ars nō vltima est, qua instructo sæpe profuit iniquitas aliena, cum sua cuique semper nocet, profit nunquam. **DOLOR.** Innocens damnatus sum. **RATIO.** Quid igitur nocens malles? Sic enim Xantippe coniugi Socrates moriens respondet, muliebriter lamentanti, quod is innocens moretur. Atqui & si aliqui contrarium opinati sint, longè tamen est innocentem cōdemnari tolerabilius quàm nocētem. Hic enim solum supplicium graue est, illic & causa supplicij. **DOL.** Iniusto populi iudicio damnatus sum. **RATIO.** Expectas vt populus in te re-

etum videat, quod nec in se nec in alio vn-
 quam vidit? Magnū tuā innocentiae argu-
 mentum fuerit a nocentibus condemnari.
 D. Populus immeritum me condemnat. R.
 Idem hercle non immeritum, sed multa &
 magna promeritum Camillum, de quo nunc
 loquebar, & Liuium ipsum, denique Scipio-
 nem Africanum aliōsque Cornelios tales vi-
 ros iniustis iudiciis agitados ad voluntarium
 coëgit exilium. D. A rege innocens condem-
 nor. R. Eiregum plerumque sententiā non
 iustitiā, sed vindictā sunt: quisquis liberius
 verbum contra licentias regias emisit, cui
 cunque in interitu libertatis frōs obductior
 fuerit, is læsæ reus erit maiestatis. D. Sed con-
 demnor a iudicibus. R. Iniquo iudice nullum
 venenosius est animal: a serpente læsos se do-
 lent quidem homines non queruntur: fecit
 enim serpens quod suum erat, quanuis non
 quod placitum patienti: certè iudices erant
 qui eos etiam de quibus dixi Socratem con-
 demnarunt, Clodium absoluerunt, quorum
 vtrum esset iniquius dubitari potest. Proin-
 de in populis aut sub regibus atque induci-
 bus degenti, propositum animo esse debet,
 aspera quælibet & iniusta patiēda si veniāt,
 non deslenda cūm venerint.

EXilio pellor iniusto. R. Quid tu igitur, iusto pelli malles exilio? Nepe quod ad iniuriæ cumulū ais, in diuersum trahitur: habes enim iniusti exilij solatium comitem sustitiam, quæ iniustos ciues destituens te secuta tecū exulat. D. Iniusto exilio pulsus sum. R. Ante rex expulit, an tyrannus, an populus, an hostis, an tu ipse? Nam si rex, aut iniustum exilium non erit, aut ipse non iustus, atque ita nec rex quidem. Si tyrannus, ab illo te pulsum gaudē, sub quo boni exulant, fures imperant. Si populus, moribus ille suis vititur, bonos odit, & his quosque multiceps tyrannus nunquam sui similem pepulisset: Non te igitur patria, sed malorum cœtibus arceri, neque in exilium, sed in partem bonorum ciuium cogi putes. At si hostis, agnosce iniurię leuitatem, non hostiliter sœuit, qui omnia cum posset, patriam abstulit, spem reliquit. Sin tu ipse, mores populi perosus aut tyranniam abutimur elegisti, non modò ne doleas, sed etiam gloriare virtutē patrię prætulisse: non tu flebilem, sed honestam & prorsus inuidiosam bonis atque optabilem non iam exilij, sed absentię causam habes. Spōtē Pythagoras Samon liquit, Athenas Solon, Lycus-

gus Lacedæmona, Romam Scipio. D. Exilio
 damnatus sum. R. A. Multū exilium hone-
 stauit, multos acrior aliqua fortunæ vis atq;
 iniuria notos reddidit & illustres: quid te ve-
 rat illis inferi, qui quasi ignem de silice clarā
 famam collisionibus quæsiere? D. P. L. In exi-
 lium agor. R. A. Habes in historiis magnos
 rei huius socios, quorum speciosissimus co-
 mitatus, nō sensum modò doloris imminuat
 sed obliuionem afferat. Non minor in exilio
 Camillus fuit quàm fuisset domi: quātus ci-
 uis, quantus exul, qui victorias ac triumphos
 non iustitia minus quàm prosperitate cōspi-
 cuos in Capitolium duxit, mox hinc pulsus
 pro accepta iniuria ingrata salutē patrię re-
 pendit. Non facilē aliud tam clari exulis exē-
 plum fateor: sed Rutilius & Metellus tā nihil
 exilio fracti sunt, vt Rutilius reuocatus ab
 illo cuius nutui non parere capitale erat, exi-
 lium amplexus, reditum cōtempserit, seu ne
 vlla in parte senatui iniustisq; licet legibus
 patrię obstarēt, seu ne fortē exul iterum fie-
 ri posset: A. Metellus eodē quo in exilio pro-
 fectus erat, vultu atq; animo remearet. His
 Marcellus accedat, hic vltimus qui in belli
 ciuilis tempus incidit, pulsus nempe, non so-
 litam modò constātiā honestarūque ar-
 tium studium nō omisit, sed strinxit arctius,
 & publicis liber curis, vni excolendo animo
 tam

tam ardentem incubuit, ut ad scholas missus honestissimas, non ad exilium videretur: quod quidem in Cicerone conspectius operum splendor & literarum copia maior fecit, non exilij modò, sed carceris dulce solatium. DOLOR. Exilium patior. RATIO. Exilium brevè citò te patriæ tuæ reddet: longum verò aliam tibi patriam dabit, unde exulent qui te exulè voluere, dedissetque nunc si ad naturam rerum, non ad opinionem hominum aspiceres. Valde enim angustus est animus qui sic ad unum terræ angulum se applicat, ut quicquid extra sit exilium putet: multum abest exilij depurator ab illa animi magnitudine, cui totus orbis carcer exiguus videtur. Interrogatus Socrates, cujus esset, mundanus, inquit, sum. Verè Socraticum responsum, Atheniensem se alius respondisset, Socrati autem patria omnium mundus erat, non hic solum quem vulgo mundum dicitis cum pars ultima in di sit, sed cœlum ipsum quod hac rectius appellatione comprehenditur. Illi patriæ destinati estis ad quam si suspirat animus, qualibet, in parte terrarum peregrinum atque exulem se noverit. Nam quis patriam vocet ubi non habitat nisi ad breve tempus? Illa verè cuiusque patria dicenda est, ubi quisque perpetuò securus ac tranquillus deget: quare hanc in terris, puto irrita erit inquisitio. Ut

naturæ autem lex est data mortalibus ac præscripti fines, dum hic viuitur terra emnis patria vestra est, intra quam qui se exulem facit, non tem rei quam animi vitio laborat. Non habemus hic manentem ciuitatem, dixit Paulus. Omne solum forti patria est: inquit Naso. Omne homini natale solum, ait Statius. His te vocibus armatum, velim quibus vbique vnus & vel nunquam vel semper in patria tua sis. D O L. Ire in exilium iubeor. R A T. I sponte, peregrinatio erit nō exilium, & memento quibusdam exitum, quibusdam verò reditū pro exilio fore: sunt quibus nunquam peius quam in patria sua fit. D O L. In exilium cogor. R A T. Cupiendo quod cogaris, efficies ne cogaris. Omne violentum patietia vincitur, & desinit esse violentū quod volenti fit. D O L. Ire in exilium est necesse. R A T. Tu fac volens quod vel nolens faceres fac lætus omnia, ne quid mœstus patiaris: ita omnem vim necessitatis, omnes clauos quos ad amatinos illi tribuunt catenasque, omne radium molestiamque; discussis: sed vos impossibilia cupitis, necessaria fugitis, vtrumque nequicquam. D O L O. In exilium co. R A T I O. Immo forsan in requiem, sub obteutu falsæ miseræ veræ fœlicitatis, iam saltem ab inuidia tutus eris, prospera mixtâque cum gloria securitatem arripe: tuis & honestis latebris

bris nihil est dulcius, nullæ his conferri possunt urbium plateæ. D O L O. Pellor è patria, R A T I O. Pulsam te pessimis, optimis inferre, neque te patria, sed patriam te indignam rebus proba. Sentiat illa quid perdidit, tu nihil perdidisse te sentias, mali ciues tui tædio simulque præsentis odio ac suspitione careant, boni autem amore absentis ac desidesio teneantur sequanturque oculis atque animis abeuntem: illi se solos linqui doleant, tu te comitatum gaudeas proficisci. neque in tergum respicias, neque reditum cogitas, neque cum illis esse cupias qui te cupiunt abesse, neque demum quod à te fieri debuit, ab alio factum ægre feras: debuisti credere ciuium inuidiæ, utque illam fugeres, ultro in exilium ire. Huius ego consilij dux eram: nec exempli duces deerant clarissimi: nam imprimis tres magnos. Scipiades id fecisse noueras, tamque perseueranter ut patriam sua præsentia qua nil clarius habebat spoliatam indignam quoque cineribus defunctorum: quidam insuper famoso dignam epigrammate iudicarent: nomina sunt immortali memoria quæ tibi per famam perque omnis historiæ fidem ignota esse non poterant, Africanus Nasica, Lentulus. D O L O. Mittor in exilium. R A T I O. Immo in experimentum tui, videris quem te in exilio præ-

beas, si succumbis exulverus, si consistis exilio clarus, ut multi olim qui inuicti & fulgidi per asperitates incesserunt, ut sequentibus rectum iter ostenderent. Sine tyrannos facere, sine populum furere, sine hostes ac fortunam fremere: pelli potes, capi, caedi perimi, vinci autem nisi manum extuleris non potes neque ornamentis tuis spoliari, cum quibus quocunque ieris & ciuis & patriæ principum vnus eris. D O. Exulatum pergo. R A. Perge alacer, I securus, nescis quam longa sint brachia tui regis: nihil illi longè est: vbique te proteget qui protexit in patria.

De obsessa patria. Dialogus LXVIII.

D O L O R.

Obsessa est patria. R A T I O. Obsessa fuit Troia, obsessa Tyrus, obsessa Carthago, obsessa Hierosolyma, obsessa Numantia & Corinthus, euerſæq; omnes, quem iam pudeat obsideri: ipso urbium caput Roma obsidione tētata est, sed cum iam Roma esse desisset. Quid Capuam, quid Tarentum, quid Syracusas, quid Athenas, quid Vehios minoresve alias loquar? Sunt & sua urbibus fata & paucae fatum obsidionis euasere. Sed longitudo temporum notitiæ rerum obstat, ut ipsis etiam ciuibz suarum fata urbium sint ignota: tu præsentem sentis obsidionem, nec fu-
tu

turas præuides, nec præteritas meministi: sic est vsus quod te premit desles: valde sensibus dediti estis beluarum more. D O L. In patria sum obsessus. R A. Dicebam te incommodū tuū flere iam optabile videri possit exilium, eo quod minus officiat libertati, neutrum tamen officit: si libertas animi vera est: ille & inclusus egredi, & exclusus regredi, & ubi voluerit esse potest. D O L. Obsessus in patria mea sum. R A. Obsessus & Priamus, nō ciuis, sed rex in patria sua fuit, cū tota illa famosa magis quàm fortunata familia. Obsessus Argis Antigonus Macedonū rex, & Eumenes Pergami obsessus hac ætate intra urbem Ianuæ rex Siciliæ Ropertus, nullo veterum regum minor: ū quæ veros reges facit vera vir tus attenditur, tu homuncio sortem regiam lamētaris? Obsessus Ambrosius, obsessus Augustinus: ambo simul intra Mediolanū ambitum. Obsessus ad vltimū Augustinus idē intra episcopij sui muros, quo tempore miseratus lachrymas suas. Deus à terrena illū obsidione ad cœleste regnum trāstulit. D O. Obsideor. R A T. Et quis oro non obsidetur? Hos peccata obsident, illos morbi, hos inimicitie, illos curæ, hos negotia, illos ocia, illos diuitiæ, hos paupertas, illos infamia, hos laboriosa celebritas. Omnes corpus quod tanto opere colitis & amatis, ille vos carcer arctissimus

circuncingit atque obsidet obsidione perpetua. Ipse orbis terrę vbi fremitis & bellis assidujs insanitis, vbi imperiorũ terminos ac regnorum tanto studio prolatis, quā a vobis incolitur, quid est aliud quā quod ait Cicero, quasi quædam parua insula circūfusa illo mari, quod Magnū, quod Oceanū, quod Atlanticū appellatur in terris, quod tamē tanto nomine quā sit paruum vides? Vndique obsessi estis omnes, tu te obsessum vt rē nouam narras: vide potius si quid in te opis aut consilij est quod possis ad tutelā patriæ cōferre: hoc fac potius & memento Syracusij Archimedis operosi senis: querelæ enim nec tibi nec patriæ profuerint. D O L. Obsideor intra patriam meam. R A. Quid tu egitur an alibi malles obsideri: Posses id fateor malle & quidem piē, quo scilicet te obsessio illa esset immunis. Cæterum quod ad te attinet, an solamen exiguum videtur, quicquid sit in patria tua pati, vt quantum lædit aduersitas tantum leniat locus ipse. D O L. Intra muros patrios coarctatus sum. R A. Ita hoc dicis quasi nullæ maiores vobis sint angustia quā murorum. Quā multi ex his qui in vrbibus habitant, sic assidui in curia atque in foro sunt, vt vix toto quā longus est anno semel portas vrbis aspiciant. Adde nomen obsidionis erumpere gestiēt, & vincti sibi compedibus videbū.

buntur arctissimis, non hoc facit obsidio, sed opinio, qua nihil est in vestræ mortalis vitæ fluctuatione potentius. Fabulam locus poscit. Decrepitum quendam senem fuisse nuper Aretij fama est qui nunquam patrium limen excesserat, id cum ad aures præsentium peruenisset, ludendi studio hominem ad se vocant, & sibi compertum dicunt illum clam urbem egredi solitum occulta cum hostibus habere colloquia. Ille autem per sanctos iurare se non solum tunc præsentis belli tempore, sed nec vnquam vlla pace per omnem quantum longam vitam muros urbis egressum Contrailli incredulitatem fingere & suspectum eum reipublicæ dicere. Quid multa? Graui ni pareat poena imposita, ne egrediatur imperant. Illum ferunt impatientia prohibitionis irritatum, die postero, quod nunquam antea visum erat, extra muros patriæ deprehensum. Sic inuictum semper per uicacia animos urgente nitimini & tu nunc te arctatum dicis, & tibi urbs tota non sufficit cui nisi obsidereris, fortè pars minima domus forsitan vna sufficeret, quod maxime studiosis euenire solet. Quid quod ferè omnis obsidio brevis est? Adest loci solamen ac temporis æquanimitas, sola deest ut lugeatis & queramini, non natura rerum sed mollicies vestra est.

De patria euerſa. Dialogus LXIX.

DOLOR.

Quid quòd euerſa funditus eſt patria?
RA. An nò fortunas quarundam ex his
 quas paulò ante nominabam, & ſimiles alia-
 rum innumerabilium audiuiſti? Tyrum &
 Thebas & Perſepolim Perſici regni caput
 euertit Alexander Macedo, quod mireris, ad
 ſuggeſtum ſcorti vnus, magnæ vrbis tenuis
 fortuna eſt. Troiam euertit Agamemnon,
 Saguntum Hannibal, Carthaginem atque
 Numantiam Africanus minor, Hieroſoly-
 mam Titus: aliàsque alij. Romam nullus in
 totum diruit, ſed ſenectus attriuit, ciuilibus
 adiuta diſcordiis. Et quid refert quis euerte-
 rit, quam conſtet euerſam? Ruinæ mediola-
 nenſis recentior fama eſt ſub Frederico im-
 peratore barbaro & immani; quid tu ergo
 tuam patriam rebaris exēptam imperio for-
 tunæ, cui vrbes maximæ: atque imperia ſub-
 eſſent? An vſque adeò te ſefellit amor vt vr-
 bem vnā, quòd tu ibi natus eſſes, fingeres
 immortalē, cū ſit mundus ipſe mortalis?
 Cœlum ruet ac terra, montes & maria mo-
 uebuntur, & creata de nihilo in nihilum re-
 digentur: tu fuiſſe tuam patriam aut miraris
 aut quereris: ſunt, quod paulò ante dicebā, vt
 hominibus, ſic vrbibus mortes ſuæ, Non tam
 crebræ illę quidem quòd & pauciores vrbes
 &

& diuturniores æui sunt, mortitamen obnoxia, non sunt enim soli homines, sed præter animos humana cuncta mortalia. DO. Patria ruit. R. Resurget forsitan: nam & aliquæ surrexerunt, & quibusdā cecidisse materia fuit foelicius resurgendi. Nempe hodie Saguntum & Mediolanū sedibus suis stant: at Mediolano proxima laudum Pompeij vltima, vt aiunt, mutauit locum isdem barbaricis manibus, & sub idem tempus euerfa: similiter & Hierosolyma & Carthago. Spera ergo si spes cecidit, & de patria actū reris, caue tu succubuisse fortunæ. Peior est enim animorū deiectio quàm murorum, virilis non sceminea, virum decet pietas: quanuis doleas patriam cecidisse, noli tamen simul occumbere quando tua nil iam ruina reipublicæ collatura est, quin te ipsum & si quæ sunt ciuium reliquæ ad foeliciora tempora reseruare satage, factis prius nō lamentis opus est, vbi sit etiam ipsa fuga laudabilis. Audisti vt Terentio Varroni cuius culpa ac temeritate penè ruerat imperium Romanum, publicè ab omnibus gratiæ actæ sunt, quòd de republica nō desperasset, quod fecisse collega eius vir clarissimus, & culpæ omnis illius expers videbatur, si aliud nihil est reliqui: at tu saltem cum Biante bona tua tecum portans, quanuis nudis muros patriæ tuæ cadentis egredere, & ad illam pa-

triam aspira, cuius regni non erit finis: quò
cùm tandem Deo te vocante conscenderis,
non obsidionem meruas, nec ruinam, nec
eorum aliquid quæ vestris in vrbibus me-
tuuntur.

De metu perdendi in bello.

Dialogus. LXX.

M E T V S.

BEllo vinci metuo. R A. Pacem quære. M E-
T V S. Valde vinci metuo. R A T. Timor
modestus cautionem, vehemens verò despe-
rationem parit, quarum altera nil in bello
melius, altera peius nihil in rebus omnibus.
M E. Magno prælij quatiore terrore, R. Quid
bellantium timor mali ferat atque ex timore
oriens inestitia. Flaminius ad Thrasume-
num, Crassus apud Carras Pōpeius in Thes-
salia expertus est, quibus in locis & sæpe ali-
bi verum poëticū illum apparuerit: pessimus
in dubiis, augur timor. M E T. Euentum pu-
gnæ nimis horreo. R A. Differ interim dum
spes redit malè pergatur, vnde abstinendum
mens terròrq; denūciat. Solet inesse animis
præsaga quædā vis, cui obstare fortassis non
sit vsquequaque cōsiliū, nō est exēplorum
numerus seu vterū seu nouorū, clarissimis
tribus vti satis habui. M E T. Instantis pugnæ
casum meteo. R A T. Excuteres tuas quas te
me

melius nemo est qui nouerit: vide ne non rei natura vel virium defectus, sed prælagiū sibi fingat ignauia, cui nihil vsquam noui fomiti-
dolosum ac difficile est. Hæc si libertati igitur si gloriæ, si salutis tuæ officit, virtutis auxilio comprimenda est, excitandūsq; ne animus & monstrandum illi sæpe pauciora esse & leuiora pericula quàm pauores, obseruari sæpe oculis falsas imagines rerū terribilium, quibus consternati quidem sine ferro paratam sibi victoriam tradidere hosti. Non est enim falsus atque inacis metus vero lentior, sed eo sæpe vehementior, quo pauentem maiora omnia sibi fingēs error quoque præcipitat: atque ita quod poëta idē ait, malè cuncta ministrat imperus. Si nec his attollere iacentē animam pōtes, sed virtutē pavor exuperat, campo abstine: vix bene geritur, quod pauidè geritur. Sic affectus in aciem si descēdas, tecū erit qui cōtra te dimicet, tu enim ipsius aduersus te melior pars rebellat. Malus semper hospes animi, pēssimus in bellū comes metus.

De stulto & temerario collega. Dial. LXXI.

DOLOR.

STultum habeo ac temerarium collegam
RA. Est aliquid causæ fateor vt timeas, sed ex aduerso aliquid est vt speres; hoc enim vt quibusdam calamitatis, sic aliis gloriæ præ-

buit materiã : temeritas Terentij Varronis
Aemilio Paulo mortem peperit. At L. Furij &
Minutij temeritas M. Furio Camillo, & Q.
Fabio Maximo singularem gloriã quæsiuit:
notæ sunt historiæ. D O L O. Est mihi collega
præceps & inconstãs. Esto tu constans & mo
destus. Nusquam virtus clarior eminet quàm
suo admota contrario. Cur non tu potius il
lum regas quàm te ille præcipitet? D O. Est
insolentissimus collega. R A. An tibi excidit,
vt ipsi de quo nunc diximus Camillo, tribuni
militum consulari potestate quinque simul
collegæ imperio pares vltro se submisere. Ha
bet hoc virtus excellens possessoribus suis
auctoritatem miratoribus reuerentiam ac
pudorem confert. nullo melius modo colle
gæ insolentiã represseris quàm industria ac
virtute. Sic efficies vt illum tibi parem dici
pudeat, sicut puduit minutium, & aut se spon
te subiiciat honestiore suffragio quàm si eũ
tibi populus subiecisset, aut omnes intelligãt
illum tibi parem nomine, rebus imparem, &
quicquid bene gesserit is tuum esse, quicquid
secus illius. D O L. Collega mihi stultus ob
rigit ac peruersus. R A T. Quædam per con
trarium discuntur. Solent magistri tardiuscu
lis discipulis ineptũ aliquid proponere, quod
cũ respuerit disceris ingenium, ad vera fa
cilius retrahatur: redit ad memoriam obscuri
hominis

hominis clarum verbum. Antè non magnū
tēpus cūm Florentia ciuitas statum mutas-
set, quod crebro nimis ac libēter facit, atque
ad imam plebem frena reipublicæ peruenis-
sent, vna ex insolenti grege qui diu tenuerat
illa & mœstus amiserat, vicini inopis mecha-
nici humilitatem spernens: & tu, inquit, qui
neque literas noueris. neque vnquā patrios
fines excesseris, vili semper artificio vitam
trahēns cum paribus tuis, qualiter hac tan-
tam & tam nobilem urbem reges? Ille autem
nihil motus: & quid negocij inquit est? Quid
vos egeritis nullus ignorat, si per omnia con-
trarium agimus aberrare non possumus. O
verbum dignum docti hominis ex ingenio
prodiisse. Tu nunc igitur in collega tuo con-
trarium tibi statuas exemplar, cui dissimilli-
mus fieri velis.

De inconsulto & precipiti magistro militia.

Dialogus LXXI.

DOLOR.

Est mihi magister militiæ inconsultus ac
præceps. R. A. Hoc aliquāto periculosius
non negē. Legiones vestras interroga iacen-
tes ad Trebiam, ad Thrasumenum, & ad Can-
nas, multisque aliis in locis. Si remedium vis,
dubiam sinque militiā. Si id fortē non datur,
at tu fortiter atque industriē ministerium

tuum age, vt inter tui ducis errores tua virtus emineat, nec te ruina opprimat aliena, sed tu potius si qua est via publicæ humeros subiicias ruinæ: rem difficilem, sed neq; impossibilem, neque insuetam iubeo: vt enim sæpe multis militibus obfuit vnus ducis ignauia, sic interdū vnus viri virtus & exercitum seruauit & ducem. Neu sim longior quàm oportet: tu res suis in locis quærēs mihi nōpinum & temporum cōmemoratio sola sufficiet. Publius Decius bello Sannico, Calphurnius Flamina bello punico primo, Africanus minor bello punico tertio, tribuni omnes militū ducunque & exercituum seruatores, tanta esse tua virtus ac fœlicitas potest, vt aliena infamia eximiam in gloriam tuam euagat, Anceps sanè negociū, sed extrema in necessitate vnicum. Proinde vtcunque alios fortuna rotauerit, tu virtutis gubernaculum si mihi obsequi volueris, nec in pace, nec in bello, nec in vita destitues nec in morte.

De infausto prælio. Dial. LXXIII.

DOLOR.

AT prælio victus sum. R A T. Iam timor euauit: sperare incipies, hæc est horum series affectuum. Nam cūm spes & metus de futuro sint, iā vt futurum potest esse quod speres, sic futurū esse desinit quod timebat:

D O L. Magno prælio victus sum. R A T. Tan-
 tum ne animo victus sis: nempe ille si cecidit
 actum est. Meministi ut Marcellus prælio
 victus die proximo in aciem rediit, victorem-
 que suum maiore quam ab illo pridie victus erat
 prælio vicit. Et Iulius Cæsar ad Durachium
 inferior ad Pharsaliā mox ingenti prælio vi-
 ctor fuit. Multi prælio victi, bello fuere victo-
 res; non cadunt animi virorum fortium vnus
 lucis euentu, non magni tantum, sed lon-
 ganimes sunt. Victus hodie, cras pugnabis
 cautius. Ducis artē infauista prælia quasi tri-
 stes fidiq; edocēt magistri, atque vbi sit erra-
 tum plagis admonent: sic agricolam sterili-
 tas, architectum lapsus ædium, equitem ca-
 sus crebri, nautam graues acuunt procellæ,
 errando discitur. D O L. Victus sum. R A T I O.
 Non est victus nisi qui se victum credit, cuius
 spes obruta & extincta est, cuius animus
 amara deposuit. Aspice Romanos, animos,
 cum semper, tum præsertim bello punico se-
 cundo, non tam defectione sociorum, non
 conspiratione regum ac gentium, non tot in-
 fœlicibus præliis ac ruinis penè ultimis victi
 sunt nulla vnquam apud illos mentio pacis,
 nullum diffidentiae vestigium, nulla denique
 nisi alta prorsus & inuicta consilia. Hoc sanè
 quid est aliud quam virtute animi fortunæ
 duritiem mollire, atque illam in pudorem

fui & amorem tui cogere? Tandem igitur ut
 dignum erat emergere, & millies strati surre-
 xere altius, ut non hostes tantum suos mo-
 dō tam formidabiles, sed totum mox ex or-
 dine terrarum orbem virtus illis ac fortuna
 subiiceret. D O L. Victus sum, fateor. R A T.
 Nunc nemum incipis nosse fortunam, & hoc
 saltem boni fugiens inuenisti: nemo ferme
 res magnas gratis discit. Multos docet expe-
 rientia, quos schola non docuit, & præcepto-
 ribus surdum caput hausit oculis quod auri-
 bus non valebat. Nulla rerum humanarum
 certior magistra quàm aduersitas, nulla di-
 scutiēdis erroribus aptior, D O L. Magno for-
 tunæ vulnere corruī. R A T. Surge ne iaceas:
 nusquam clarius quàm inter fortunæ vulne-
 ra prominet animi magnitudo. Nunc nosce
 teipsum quantarūmq; sis virium valde ictus
 intellige. D O L. Speratam victoriam amisi. Si
 insperatam Prudentiam quæsiuisti, non spe-
 randa rerum permutatio videri debet. D O L.
 Victus sum bello. R A T. Bel'o victus liberta-
 tem retinet ac vitā, vitio autem victus utrāq;
 amittit, quisquis igitur illi succumbit, verē
 vincitur. D O L. Victus sum. R A T. Quid scis
 an aliud magno Pōpeio Thessalico dictum,
 dicere & tibi conueniat? Vincere peius erat
 ut damni plus sit peccati minus solet habere
 qui vincitur. Lucrum ingens quod optantes
 qui

quidam, nō vinci modò, sed mori etiam clegerunt : & profectò mercantur egregiè qui morte corporis quærunt animæ salutem, sed pleriq; malis suis gaudent, bonis anguntur, tanta hominum mentes habet cæcitas. D O L. Victus sum. R A T. Potest id quidem tibi non scientiæ militaris inopia, sed fortuitò contigisse. Nusquam enim fortunatior, vt ita dixerim, fortuna quàm in prælio, cum multa alibi, illic omnia posse illam perhibent. D O L. Prælio victus excessi. R A T. At non continuò nudus. Possunt arma victis auferri, vera autem bona quæ sunt arma animi etiam qui videntur victi, retinent. Ea enim vt ex incendio ac naufragio, sic aduerso ex prælio efferruntur: nec illa tantùm quæ in animis abdita ferro tangi nequeunt, sed illa quoq; quæ maxime periclitari in præliis ac ferro expolita videntur, itaque non quisquis bello vincitur bellicis simul spoliatur laudibus, licet etiam armis amicis ex acie fugientem, quodq; est maius in acie pereuntem secum ducis eximij nomen ferre: nam & ad Thermopylas Leonidam non tam victum quàm vincendo fatigatum inter ingentes stratorum hostium cumulos accidisse cum suis Græcæ memorant historiæ, quam Deiphobò famam Maro approbat, & in cæpis Emathæis si Lucano creditur stetit ordine certo infœlix acies: &

nouissimo praelio quod in Africa cum Hannibale gestum est, nec melius instrui aciem, nec acrius potuisse pugnari, vt de victore victus, sic & de victo itidem victor ipse confessus est, vterque ingens rerum talium aestimator: quid amisit autem qui veram artis suae gloriam, & bene gesta rei conscientiam non amisit.

De bello civili. Dialog. LXXIII.

DOLOR.

Bello quatinus civili. RAT. Nomen hoc a ciuibus tractum; & tu vnus es ciuim: vide ergo ne & tu vnus sis qui d malo fomenta praebentium & virili partae culpae non careas. Hic enim est mos alter alterum inflammare, donec singuli furorem publicum exciuerint, tum demum furor publicus singulos vrget ac praecipitat, nec vnquam publicum malum a se incipit, quanuis accessione auctum totam infecterit, siue etiam euerterit ciuitatem; si primam tamen quaeris originem singulorum in erroribus radicatum est. Hoc est autem quod cauendum moneo, ne tu quoque vnus fueris ex his qui vel materia vel statu ciuile incendium aluerint. Multi enim faciunt vnde mox querantur, & quasi ab altero inflatum vulnus suis manibus factum lugent. Multi iam suo incendio periere. Quod si tibi nihil es conscius, pius est dolor boni ciuis.

ciuis in calamitate publica, sed quem soletur
innocētia. Humanis enim malis nullum fle-
bilius culpa est, immo quidē, vt quibusdam
maximis viris placet, nullū aliud est malum.
DOL. Ciuili vexamur bello. RAT. In furorē
ciuium te sequestrum pacis exhibe, si id fru-
stra est, at tu saltē pro libertate vel solus pro-
iusticia partes fac, quod & si patriæ fortassis
inutile, ac tibi certē laudabile: vtriusque rei
exemplum, vna tibi vrbs dabit: Menenium
Agrippam, & Portiū Catonem hunc nouissi-
mum. DOL. Implacabile ciuibz bellum est.
RA. Si nil opis in te est, ambia alios; increpa,
deprecare, obsta, castiga, obsecra;ingere qui-
bus potes publicam ruinam quæ priuatas in
se continet, & cum nullius propria videatur,
est omnium. Deniq; hinc pietate, hinc terro-
ribz animos placa. Si nil apud homines pro-
ficis, deum ora, opta ciuium resipiscentiam
& salutem patriæ, modisq; omnibus boni ci-
uis officium imple. DOL. Bello ciuili respu-
blica in extremo est. RA. Ne quid vel ciui-
bus vel externis bellis inopinum accadat, ne
quis imparatum casus opprimat, semper hoc
vnum volue animo, non homines modò, sed
præter animos humana omnia esse mortalia.
Et vt hominibus, sic vrbibus & magnis impe-
riis suos morbos nūc extrinsecus obrepētes,
nūc ipsum intra corpus exortos in quibz sit

secessiones & simultates & discordiæ & bella ciuilia: esse omnibus constitutum terminum qui præteriri non poterit, suum finem cunctis quæ videntur instare, & si paululum differatur, affuturum tamen. Vbi sunt vrbes clarissimæ, fuisse syluas asperrimas & futuras esse. Stultè de se sperare urbem aliquā quod assequi regina vrbiū Roma nequierit. Hoc inter fata hominum atque vrbiū interesse, quod illa propter innumerabilem infinitamque frequentiam & vitæ breuitatem quotidie in oculis sunt: hæc propter raritatem atque æuum longius, vix semel multis in sæculis & cum stupore cernuntur. Hæc te cogitatio firmiorem contra omnes casus tam publicos quam priuatos faciet. Hæc tibi demum & si non amœnam at utcunq; tolerabilem viam spernet ad inopiam, ad exilium, & ad mortem, docebitq; hoc proprium patriæ tuæ malum, quod omnibus est commune.

De discordia animi fluctuantis. Dial. LXXV.

DOLOR.

A Nimi discordia laboro. R. A. Nullū hoc bellū peius ne ciuile quidē. Illud enim ei ius inter se, hoc homini secum est. Illud inter partes populi in plateis vrbiū, hoc intus in anima, interque ipsas partes animæ geritur

ritur. Itaq; cum sit belli quædam species quæ plus quàm ciuile bellum dicitur, vbi non solum ciues, sed cognati etiã inter se pugnãt, quale inter Cæsarem & Pompeium fuit, de quo dictum est. Ille locus fratres habuit, locus ille patentes, quanto hoc bellum iustius nomen id vendicat, vbi non pater contra filium, nec frater aduersus fratrem, sed homo ipse contra se litigat, quo durante litigio nulla quies animo, nulla potest esse securitas.

Do. Discordat animus, & diuersis secum pugnat affectibus. R. Diuersitatem illam abiiice: vnum velle incipe, tunc composita erit & immota pax animi, cùm discordes affectus quasi seditiosi ciues in vnam cõuenerint voluntatem: alioquin vt cõtrarij & corrupti humores febrem corporum, sic contrarij affectus febrem pariunt animorum, quæ tãto est periculosior, quãto & animus corpore est nobilior, & æterna mors terribilior temporali: utrobq; tamen adhibitum temperamētum & æqualitas quædam ad salutem est via. D. Pugnat animus nec quid velit eligit. R. A. T. Malum simul malique causam stringis, quia nempe non eligit ideo pugnat. Eligat, & cõfestim pugna cessabit. Eligat dico bonũ velle: nam si malum magis magisq; certabit: vitia enim inter sese pugnãt. Semper virtutum cõcordia summa est. D. Animus in par-

658 F. PETRARC, DE REMED.
tes scissus dissidet. R. Animum in tres partes distinxere philosophi, quarum primam in arce, hoc est in capite locauere, moderatricem vitæ humanæ, cœlestem, serenam, semper deo proximam, vbi tranquillæ honestæque voluntates habitant. Duarum reliquarum alteram in pectore vbi iræ æstuant atque impetus: alteram subter præcordia, vbi concupiscentiæ atque libidines, duplex huius pelagi tempestas, quid agendum igitur tibi sit, vides. Fac quod Menenius ille cuius paulo antè memini, persuasit plebivt subesse patriciis in animum induceret, quo impetrato, urbem scissam in duas, ad vnitatem salubri consilio reduxit: & tu coge, vel consilio, vel vi partes ignobiles parere nobilibus, tum demum & non aliter animi pacem spera, qua sublata quid aliud quàm vaga semper & propositi inscيا, & fluctuans & incunctans vita hominum est & cæca prorsus & misera? Multi prius ex hac vita abeunt quam quid velint sciant, D. Fluctuo in consiliis nec quid velim scio. R. Iam dixi, multis hoc accidere, non vno aliquo tantum in tempore, sed & in omni vita, & usque post vitæ finem. Et profectò ex omnibus quæ dixisti, dicturum sue es, vix hoc malo peius aliquid inuenies. D. L. Fluctuo & in diuersum agor. R. A. T. I. O. Maximum argumentum male se habentis animi fluctuatio est:

Ut enim corpus ægrum sæpe thoro voluitur, sic æger animus consiliis agitatur, de quo vix vlla mihi spes salutis parumper abest, quin melius sperem de homine vitiis pertinaciter inhærente, qui si conuersus fuerit ad virtutes, in his forsitan constans erit, quàm de homine vario, nullis se consiliis applicante, qui & si boni aliquid incœperit non cōsistet neque perseuerabit, indocilis stare & fieri potest ut de hoc intelligere liceat Senecæ illud obscurū: quod tota vita elabitur aliud agentibus, modò enim hoc modo illud agentes nunquam idem, semper aliud agere sunt dicendi, quanuis & alios sensus locus iller recipiat. DOLOR. Inter varias curas reactor. RATIO. Quasi inter tumidos fluctus vitæ tuæ puppis consilij inops & magistro destituta concutitur naufragio proxima, ni tu illam dum nondum manu clauus excidit tuto aliquo & salubri sistas in portu, iactisque ancoris conquiescas prius quàm te animi tempestas oppresserit. DOLOR. Fluctus propositi incertus. RATIO. Hinc præter animæ pericula quæ innumerabilia & immensa sunt, ipse quoque oris habitus prædit varius & inconstans, similisque animo à quo vultus fingitur, ut ait Cicero, dūmque hoc in statu fueris, nunc lætus, nunc tristis, nunc pauidus, nunc securus, nunc celer, nunc

tardus incedes insigni varietate conspicuus, quale aliquid traditur de Lucio Catilina: at ubi te primum composueris atq; ad vnū aliquid direxeris, vnū velle cœperis, quod bonum utiq; sit oportet, quoniam natura malorum semper varia est: ubi hoc inquam feceris, præter animi quietem rerum optimam vni:formitas quoque vultus ac tranquillitas consequetur, nec spe vlla, nec metu, nec mœrore mutanda nec gaudio, res quidem venerabilis & paucorum hominū, quæ apud veteres Græcos in Socrate, apud vestros in Lælio laudata est. Postremò verò in principibus vestris Marco Antonio & Aurelio Alexādro.

De ambiguo statu. Dialogus LXXVI.

DOLOR.

AMbiguo in statu sum. R. Quid est quæso de quo ambigis. Moriendū ne mortalibus, an spernenda quæ fugiunt & nullā in prosperis spem habendam, an ineuitabiles casus rerum esse, sed tolerabiles, nec flecti quidem sed frangi posse fortunam? Ad hæc omnia certa sunt. D. Ambiguo in statu positus quid de me futurum nescio, R. Vbi, quando, qualiter moriaris ambigere quidē potes, mori autem oportere, nec malè mori posse, qui vsq; in finem bene vixerit, nec citò mori qui busuis in spaciis vitæ viri boni munus impleuit:

uit: vel si id non licuit at spē dedit, nec alibi quàm in patria qui mundū omnē sibi patriā fecit, nec alibi quàm in exilio, quērā suspirat ad patriā, dubitare ni desipis nullo potes modo. Vnde igitur istę ambages? de fortuna forsitan, an tibi fidem, quod vix vlli vnquā fecit, an suos potius mores seruet tāquā pelagus procellosum, nūc ficta tranquillitate fallax, nunc fluctibus altis minax, nunc horrida naufragiis? Ne de hoc quidē ipso, si qua tibi experiētia rerū est, dubitatio vlla supererit, quāuis enim euentus ambigui: ipsa tamē ambiguitas, ipsa & virtusque te inter incerta certum faciet, certa est, cui cū te totū dederis, prouisa omnia, nihil erit ambigui. D. Ambiguus stat⁹ est mihi. R. At non ambigu⁹ Deo, id sat est, illi te ipsum fidens crede, & dic ei: in manibus tuis sortes meæ, Id cū piē feceris, pone metum, pone ambiguitatē, pone solitudinē. Ille scit quid de te acturus sit, nullius rei dubius, parua quidem, sed firma in nauicula magnum sulcas mare. Fidus tuāq; salutis amātissimus gubernator est: quid refert an viam vector ignoret si magistro nauigij nota est?

De vulneribus acceptis. Dialogus LXXVII.

DOLOR.

Vulneribus crucior grauissimis. R. A. O si animæ tuæ vulnus aspicias, quàm tibi

hæc leuia videantur, sed vos delicatissima corpora insensibiles penè animas habetis. Altera vestri parte nihil; altera pati omnia parati quòdque est funestius non sentire. Do. Vulneribus inflictis afficior. R. A. T. Hostilis mucro loricam penetrat, non animum. Ille nisi ultro suis sese armis spoliet, inuiolabilis ferro est. Disputatum habes à magno quodam viro, paruo quidem, sed arguto volumine, neminem ledi posse nisi ledatur à seipso: cui sententiæ, quanuis ab opinione hominum vehementer abhorreat pro veritate subscripserim. Do. Grauiissimis multisque vulneribus laniatus sum. R. Nullum vulnus grauius esse potest quàm ad mortem, talia verò vno in corpore multa esse non possunt: si vnum, ergo grauiissimum, reliqua omnia leuia sint oportet. Tribus & viginti vulneribus confixus Cæsar, vnum non amplius letale habuit, vt sanè fuerint cuncta letalia, plus ne quàm semel mori potuit? Multa licet ac profunda sint vulnera, vnus est vulnerū effectus, quorū sæpe etiam iu corpus extinctum inhumana repetitio nō vulnerati pœnam, sed sæuitiam vulneratis exaggerat. Do. L. Vulneribus debilitatus sum. R. Sit vtinam simul debilitata superbia cum sororibus suis, & accesserit vulnerum comes humilitas, ne de nihilo scriptum sit: humiliasti sicut vulneratum super

perbum: bonum vulnus & vtile quod plurimum ac maiorum vulnerum medicina est. D. Vulneribus deformatus sum. R. A. An adolescentis illus obliuisceris, cuius mentio bis in hoc sermone indicit: serò quidem sponte faceres quod ab alio factum gemis. R. Transuerso vulnere facies exarata est. R. Non vulnus, sed causam vulneris attendo. Iusto cicatrix bello parta miris modis honestat faciē: viri fortis speciosum pro iustitia susceptum vulnus multoq; speciosior est mors. D. Vulnerere accepto claudus sum. R. Dictum tenes Horatij Coclitis, qui cū die illo quo mirabili magis quàm credibili fortitudine atq; constantia solus Thusci regis exercitum Sublicio in ponte sustinuit, testudine suorum manib⁹ à tergo fracta & collapsa hostibus clausum iter sentiens, utq; erat armatus & mille hinc atq; illinc missilibus circumuētus, ex alto se in Tyberim proiecisset vnóque cum vulnere vnde claudus mansit, inter ruendum accepto, nando ad suos corpore reliquo incolumis peruenisset: idque vitium sibi post tempus in petitione honoris obiiceretur, sic clu sit aduersarium: Minimè enim inquit claudico, sed ita dii immortales voluere, vt per singulos passus meminerim triumphi mei: præclarum planè factisque par dictum. D. Manum vulnere perdidi. R. A. Si læuam,

damnum leuius: at si dexteram, Marci Sergij viri fortissimi remedio vti licet, qui hac manu bello punico amissa sibi ferream fabre fecit, cum qua multis ac trucibus præliis, non odiosus bellator interfuit. Id si parum successerit, dextræ officiū in sinistram transfer. Non fti vt Cæsareus miles Attilius bello Massiliensi, cum iniectam puppi hostili dextram amississet, læua prehensam tenuit donec pelago mergeretur. DO. Vtraque ferro manus abscissa est. R. Vbi plus licentiæ fortuna, ibi plus negocij virtus habet, fortunæ tamen omnis aculeus virtute contunditur, hac armatus etiam sine manibus fortis erit. Memento Cinnigeri Atheniensis, qui post Marathoniā pugnam, opus immortale Milciadis hostibus ad naues profugis imminens, obrûcata manu dextra qua vna nauium fugæ plenā strinxerat, sinistram mox adhibuit, qua rursus abscissa, feræ in morem morsu post affixo sic tenuit quos aliter non valebat. Nec tibi miles ille Cannensis exciderit, qui vulneribus vsu manuum priuatus contra suis intentum spoliis victorem, quod vnum sibi supererat dentibus quidē pro manibus vsus est, ceruicemque eius arreptā vlnis implicuit nec laxauit prius quàm auribus truncis ac naribus, os hostis la cerum tuens, seq; vltus moriens iam lætior expiraret: ferocia hæc illa suauiora mitibúsque

que animis aptiora remedia, vt semper seu rem fragilem caducamque téque velociter deserturam corpus aspicias, vt cum id euenerit, nec concidas nec mireris quidem, sed exteriore mēbrorū ministerio amisso, in ipsos animæ sinus intimos te conuertas, vbi inuenies aliquid magnificè loquendū agendūque, nec lingua opus esse manibus. Do. Vulneribus deformatus sum. R A. Dixi iam, immo si causa vulnerum pulchra, est honestatus ac insignitus viri quidem fortis pro iustitia magnum aliquid aggressi durūque aliquid perpeffi, non fœdis frons sulcata vulneribus videri debet, sed notis stellata fulgentibus, neq; verò cicatrices aut vulnera, sed virtutis dicenda vestigia, & præclara affixa frontibus signa meritum. Proinde si Cæsarum illum quoq; Centurionē Cesium Scæuam miræ virum fortitudinis, sed iustitiæ nullius, mille lacerum perfoffūmq; vulneribus hostes quoque venerati, & propter vnius virtutis admirationem vulnera ipsa deosculantes armorum fragmina & sagittas & tepēti cadauere eductas deorum templis seu sacrū aliquid affigebant. Quid de fortis iustiq; viri preciosis vulneribus sentiendum sic intelligis. Do. Vulneribus multis infirmus ac deformatus sum. R A. Curate miseri vulnera, nisi nunc sanentur hæcura perpetuo. De his enim

terra viderit quæ illa conteget consumetq;
 cicatricosâque corpora excipiens, plana re-
 stituet. D. Inflicto vulnere hac aut illa parte
 corporis truncus sum. R. De partibus litigas,
 totum illic relicturus.

De rege sine filio. Dialog. LXXVIII.

DOLOR.

Regnum est mihi, non filius. R. Parum
 ne tibi igitur solitudinum & curarum
 regni onus imposuit, nisi filij insuper pōdus
 accesserit? Sarcinis vestris delectamini & dul-
 ce est vobis sub fasce succumbere. Nullum
 publicum pōdus regno grauius, nulla priuata
 sarcina grauior quā filius & si nulla charior.
 D. Cui regnum dimittam, nullus est filius.
 R. A. T. Dimitte ciuibus libertatem, nil illi
 gratius, nil te dignius potes. Fuerunt qui vi-
 uentes nec successore carentes hoc ipsum fa-
 cere meditati sunt, Hiero Syracusius & Au-
 gust. Cæsar. Quanto verò satius fuerit multis
 benefacere cūm possis, quā optare vt vni
 malefacias? Quid est autē melius, quid dul-
 cius quā in libertate viuere quid pei⁹, quid
 periculosius quā regnare? p. o. Non est fi-
 lius quem hæredem regni faciam. R. Non
 est tibi materia perpetuandæ tyrānidis: nam
 quid sunt aliud regna quā vetustæ tyranni
 des? Nō sit bonū tēpore quod natura est ma-

lūm. Adde quod persæpe qui in regna succedunt à maiorū suorum calle discedūt: exēplo sunt Hieronimus Siculus tyrannus, & Iugurtha Numidicus, qui Romanorum amicitiam tanta fide ab auis tāmqu; fideliter diu cultam, cum sua vterq; perniciē, altē in solētia, alter perfidia violarūt. Nō habes igitur successorē regni, nō habebis tuorum actuum euerforē, sed habebis populū tui nominis amatorem & cultorem, tui memorem, libertatis tibi per sēcūlā debitorem. Bene tecū egisse fortunā credito, & melius multo quod filium tibi vel abstulit vel negavit, quam quod regnū dedit. D. Sine filio rex sum. R. Nunc honestius atque liberius regna: sæpe amor filiorum ab amore virtutis animū deflexit. Legisti vt apud Taprobanem insulā ingentem, quę lōgē trans Indiam in Orientali sedet Oceano, per transuersum diametrum obiecta Britannia, rex arbitrio populi cōsentientis eligitur vir ex omnibus optimus: nihil sanguis, nihil opes profunt: omne suffragium de virtute oritur, ita vt nunquam iudicio fauor officiat. Sancta & scēlix electio quæ ad nostros reges vtinam peruenisset, neque malis peiores & peioribus pessimi succedentes orbem terrarum tradita per manus nequitia ac superbia corrupissent. Illic tamen quantumlibet optimus ac perfectus vir vnānīni ser-

tētia omnium comprobatus, ad regnū tamē non perueniat nisi & senex & filiis carens, ne aut ætatis feruor aut amor filij transuersum quod non expedit animum agat. Ita qui & si filium habet ad regnum non assumitur, & si post regnum illi fortē filius natus sit, statim regno cecidit: neque enim prudentissimi viri possibile opinati sunt vt idē animus simul & populum curet & filium.

De regno amisso. Dialog. LXXIX.

DOLOR.

Regno excidi. R. Iam solatij genus est filium non habere. DOL. Regno excidi. R. Vtilis casus, in præcipiti sedebas, saluus in plano depositus, & periculosam altitudinem post terga respiciens, videbis te regni solio descendente, ad priuatæ vitæ requiem ascendisse. Et si nulla est sine securitate iucunditas, nulla foelicitas, aliquanto iucundius te, aliquantōq; foelicius atque ita altius esse quā fueras cognosces. DO. Regno depulsus sum. R. Habeto gratiam depellenti, durū auribus, animo liquidū quod iubeo. Depulsus es enim vnde erat abeundum, & quod sponte debueras, coactus facis. Optanda vis quidē non deslenda: nā quis pudor hominē natū aut regnū super homines optare aut se parē factū hominibus indignari, si ex-
celle

cellere pulchrū atq; optabile, quid nī omniū pulcherrimæ rei excellentia exoptanda sit? Non superbix igitur neque licentiæ, sed virtutis, ex qua vera diademata regnum non ex gemmis aurōq; fieri: nemo tam auri cupidus aut gemmarum est qui neget: quis autē quæso hominum non videt, inter homines principatū humanitati debitum, non opibus quæ opulentum hominem faciunt, non humanū magis atq; ita nec meliorē certe nec hominibus altiorē? Sed hic vnus ex multis erroribus vestris est in excellentiæ appetitu, quàm in sua sede contentam vbi non est quæritis, non videntes conequētiam rerum veram & causarum. Sicut enim inter diuites diuitiis, inter robustos virib⁹, inter formosos forma, inter desertos eloquentia: sic profecto inter homines humanitate præcellitur. **D O L O.** Regia de sede cecidi. **R A T.** Si incolumis, per rarum: solent enim qui sic decidūt perire regnōque simul atq; anima spoliari, quibus illa relinquitur, tranquillior gratiorq; si sapiunt, vita est: quod illos minimè latuit, qui nō colapsi aut depulsi, sed & stantes & volētes, aut imperio cessere, aut pontificatum iam sublimiorem regnis & imperiis reliquere. In quibus Diocletianus clarum nomen habet, qui dimissum vltro ad imperium reuocatus spreuit opes turbidas, ancepsque fastigiū & quæ-

fitum ab aliis quærendumq; tantis cædibus
 rursus oblatum expertus exhorruit, & philo-
 sophicè grauitèr q; cum amicis iocans, oseri-
 bus quæ in hortulo suo priuatus sibi ipse plâ-
 tauerat, post habendum censuit. DOL. Regia
 arce detrusus sum, R A. Latentium illa dis-
 criminum plena arat inter quæ dudū cæcus
 animi, quibusdā velut aureis nec minus vr-
 gentibus quia fulgidis manicis atq; cōpedi-
 bus tenebaris, quibus nunc solutus lumine
 reddito, quod fortuna suis auferre sequacib⁹
 solita est, illius circulatricis instabiles ludos
 vides. Et quis avarus adeo, vt non auro visum
 ridimat, eligatq; inopē magis integritatem
 nobilissimī sensus quàm diuitem cæcitatē?
 Atqui non minus nobilis, sed sine cōparatio-
 ne nobilior animi visus est quàm corporis il-
 lum gaude regnī nutantis impēdio redemif-
 se, rem magnam paruo pretio, neq; rem vnā
 tantum, non modò enim cæcitas cum regno
 abiit, sed libertas rediit, publico seruitio libe-
 ratus es. DOL. Regia exuor maiestate. R A.
 Chlamis regia sceptrumq; & diadema, crede
 expertis, pōderosissima rerū sunt. multiplici
 leuatus fasce queri desine. D O. Regnū amisi.
 R A. Immò quidem euasisti, & nudus ex in-
 genti factigio enatasti; solēt terræ rediti que-
 relas premere votāq; soluere, D O. Regni fæ-
 licitatem perdidisti. R A. Seu felicitatem
 mi-

miseram, seu foelicem miseriam dici mauis,
 hanc fateor perdidisti, seu vtramq; simul sal-
 sam foelicitatem verámque miseriam, D O L.
 Regnum simul ac potentiam regiásque opes
 perdidisti. R A T I O. Gaudendum perditis quæ
 te perdere potuissent. D O L O. Regni pote-
 state careo. R A T. Et regni curis & casib⁹ quo-
 rum tædio atque odio quidam solio excede-
 re voluerunt, quod vt vellet, Augustum mo-
 distia, Neronem metus impulit: nōnulli etiā
 excesserunt, vt paulo ante memorauimus. Id qui
 velle nō potest, (Sunt enim peruicaces &
 indomitæ voluntates) necessitati saltem vi-
 ctorique suo gratias agat ad eum statum vi-
 redactus quem optasse debuerit. Primū boni
 animi votum esse debet, honesta consilia li-
 benter amplecti, proximū vel coactè: quod
 magnum illum Syriæ regem non præterit
 Antiochum, qui omni quæ eis Tantum est
 Asia priuatus, senatui populóque Romano
 gratias agebat quòd eum magna nimis soli-
 citudine liberatū ad mediocria redigissent.
 Facetè quidem ille si fictè, sapienter graui-
 terque si verè. D O. Regni è solio descendí.
 R A T I O. Dicebam superbix impudentis,
 addam & amentix negligentis esse conditio-
 nis obliuim, factidire quod sis, esse velle quod
 nequeas: non possunt omnes homines reges
 esse, sit satis esse homines, quid non sui regni

audis sua sordet humanitas: quiescite miseri, bene secum agi putent hi qui reges esse disierint. Cum enim dura omnium mortaliu, tum durissima regum sors quorum & vita in nocens labori & scelerata infamiae, atq; vtraque periculis exposita, quocunq; se verterit difficultatum scopulos rerumque naufragia circa se vidit: hic erupisse tu miseru ducis, nil vnquam tibi foelicius accidit, quam quod miserrimum arbitraris. D O L O. Regnum meum ad alium traslatum dolco. R A T. Non tuum certe, sed fortunae, quae si donare illud tibi potuerat, cur auferre cum velit & transferre non possit? Vide autem ne praeter transferentis voluntatem, quae sola sufficiens est, aliae etiam causae fuerint transferendi, illae scilicet quas quidem sapiens vir expressit, regnum, inquit, e gente in gentem transfertur propter iniustitias & iniurias & contumelias & diuersos dolos. D O. Rex esse desij. R A. Homo esse incipis: ea est enim regnum insolentia, vt quod Christus esse dignatus est, dici se homines dedignentur.

De perditione. Dialogus LXXX.

DOLOR.

PROditus sum ab amicis, R A. Hostibus credo: si amici enim essent, non te proderent. D O L. A familiaribus sum proditus. R A.

R A. Ambiguum est nomē, & familiaris amicus & familiaris hostis dicitur, quo periculum maius vitæ hominum non habet. D O L. Proditus sum ab eis quibus ante alios fidebam. R A. Vix fallitur qui nō fidit. Enim uerò quò maior quisque, eò minus potest tutè fidere, eòq; plus fidere ac pluribus est necesse. Vnde fit, ut cū cōmune, tum vel maximè regium sit prodi, neq; omnino ullum genus tam obnoxium huic malo: proditus à suis, ut fama est, Priamus, proditus Minos, Nysus, Oethes, Agamemnon, Alexander, & ante ipsum Darius. Prodi ex nostris Romulus, Tarquinius Priscus, Servius Tullus, Africanus minor, magnusque Pompeius & Iulius Cæsar, & mille alij, vel reges, vel regibus altiores. Et quid proditos loquor, quasi querendi sint? Quis autem nō proditur, & in parvis quotidie & in magnis, nisi cui nullus est penitus à quo prodi possit? Proditus ad extremum Christus, nec regū peste terrestrium cœlestis ille rex caruit. D O. Proditus sum magis que meorum fraudibus, quàm propriis tangor incommodis. R A. Pie id quidem ac magnificè: nam & Africanus ille cuius proximè memini sese territum, non tātā mortis metu quàm insidiarum à suis apud Ciceronem dicit: veruntamen neutro nimium tangi debes, quādo enim ita iacta fors est ut lu-

crum ac perfidia proditoris, bona fides dam-
nūmque sit, proditi, elige vtrum mauis. DO.
Proditor me sefellit. RA. Plus ille sibi nocuit
quam tibi, te prodidit, se perdidit, te pupugit,
se confodit, te dum spoliatur se perimit. Tibi,
enim regnum fortè vel opes, sibi animam, fa-
mam, conscientiae quietem conuictūmque
hominum eripuit. Nil scelestius proditore,
nil turpius sol videt, cuius obscœnitas tanta
est, vt qui artificio eius egent execrentur ar-
tificem, vt qui cæterorum scelerum famam
quærun, huius infamiam reformident. DO.
Proditus sum. RAT. Proderit forsan ne tam
facilè iterum prodi possis. Multi sæpe paruis
damnis admoniti, magnis occurrere didi-
cerunt.

De amissa tyrannide. Dialogus LXXXI.

DOLOR.

TYrannidem amisi. RA. Si vtile damnum
est amisisse regnum, quanto est vtilius
tyrannidem amisisse? Et si enim, vt dixi, cum
de rege sine filio loqueremur, penè omnia
regna tyrannides fuerint, tēpore tamen quæ-
sierunt robur, ac obliuione hominum velum
sibi iustitiæ texuere, tyrannidis iniustitia si-
mul ac nouitas odiosa est. DO. Tyrannidem
deposui. RAT. Sarcinam reipublicæ grauem,
tibi periculosam, nulli bono vtilem, damno-
sam, multis, omnibus odiosam. DO. Tyran-
nide in

nidem exui. R A T. Ne sis nudus, indue iustitiam, modestiam, parsimoniam, honestatem, pietatem, clementiam, charitatem, vestes optimas, quibus comparandis, nullo opus est auro, sed sola animi voluntate. Vestes paratas bonis omnibus, tyrannis vel incognitas vel inuisas, qui margaritis ac purpura obuoluti, humanitate interim ac virtutibus nudi sunt. D O. Ciues mihi tyrannidem extorserunt. R. Libertatem sibi debitam reliquerunt, vitam tibi inde debitam reliquerunt: tu hanc ciuibus tuis debes, qui tibi præter odium nihil debent. Ita pro gratiarum actione querimoniam instituis. At iam pridē mos iste percrebruit, ut qui fecit iniuriam queratur, qui passus est fileat. D O. Longa tyrannide spoliatus sum. R A T. Seruierunt tibi quibus forsitan te seruire dignius fuit, nunc iniuriam longi & iusti seruitij finem vocas, cum iustitiæ principium iniustitiæ finis sit, ut si multorum calamitates populorum vnus hominis pauisse licentiam turpe fuit, pulchram sit pascere deliisse, deque hoc conqueri impudentiæ sit extreme. D O L. Longa tyrannide sum deiectus. R A. Sponte descendisses melius, optimè verò non ascendisses: Nunc qualitercunque descendisse, bonū ideo, quia iustum, meliorque coacta iustitia, quàm voluntaria iniustitia est. Audite impium tyrannum

apud inferos exclamantem. Discite iustitiam
moniti. Audite & me apud superos exhor-
tantem: discite iustitiam vel coacti. Hæc enim
tempestiua, hic utilisque nunc respuitur: illa ibi
admonitio utique sera est: frustra enim disci-
tur quod fieri amplius non potest. Ponite ve-
rò iam tumentes animos, superbúmque & fe-
rox dominandi votum ponite, etsi non prius
saltem post tyrannidem amissam, tyranni esse
desinite, & optandi, quod iam assequi nō po-
testis, finem facite, si nō iustitiæ saltem vere-
cundiæ hoc præstare, ut mutatis moribus &
nouo habitu mentis assumpto amissione di-
uitiarum ditiores facti, quantum fortunæ de-
trahitur, tantum animis addidisse videamini.
Nunquam ne igitur aduertistis, ut non solus
ille rex regum & dominus dominantium omni-
potens à quo omnis potestas est in cælo & in
terra, manum muneribus suis plenam & ex-
tendit & retrahit, occultis sæpe iustis semper
ex causis, sed temporalis quoque rex regem,
tyrannus tyrannum, & gens gentem deiicit
atque pessundat. An verò nec prophetam illū
querulum audiuiistis: & congregabit, inquit,
quasi arenam captiuitatem, & ipse de regibus
triumphabit, & tyranni ridiculi eius erunt?
Coaptate animum fortunæ, seu diuinæ po-
tius voluntati, & cauete ridiculum scædum-
que illud exemplum Dionysij tyrannorum
pessi

pessimi, qui patria pulsus in exilio puerilium
 literarum scholas tenuisse dicitur, ut quam
 in ciues non poterat, in pueros tyrannidem
 exerceret, trux ingenium affixumq; propo-
 sito honestique inscium atque equi iuris im-
 patiens. DO. Tyrannide amissa valde doleo.
 R A. Quantū doleres iustæ possessionis amis-
 sionem, qui tam doleas iniustæ, quantum re
 propria spoliari, qui sic doleas aliena? D O L.
 Tyrannide me deiectum grauitè fero. R A.
 Feres leuius si causam liberes. Multi quidem
 Tyrannorum solo nominis odio ceciderunt:
 plures tamen certas cadendi causas habuisse
 notissimum est & quotidie fit notius. Apud
 Aristotelem quidem legis in politicis, quòd
 propter vxorum iniurias multæ tyrannides
 perierunt. Id quoquo modo seu actiue seu
 passiuè acceptum fuerit, verum erit, hoc est,
 seu propter iniurias à tyrannidis illatas vxori-
 bus alienis, seu aliis illatas ab vxoribus Ty-
 rannorum. Primi exemplum habet, non mo-
 dò tyrannidum, sed regnorum Troiani scili-
 cet & Romani. Secundi verò Agidem Lace-
 dæmonum tyrannum, qui cū ipse sibi sub-
 ditos spoliasset, ad spoliandas eorum vxores
 amantissimam suam coniugem destinabat,
 quæ sibi causa non vltima esse potuit matu-
 randæ calamitatis, quanuis hic Aristoteli
 notus esse nequiverit, qui ætate floruit Ale-

xandri, neque tam longæuus fuit vt ad huius ætatem peruenire potuiffè videatur, cùm tamen eisdem in libris non fine admiratione quadam Hieronis ac Gelonis nomen inueniam, qui qualiter sibi noti effè potuerint, attenta ratione temporum non fatis expedit. Do. Nec ego alienis iniuriosus vxoribus, nec mea vxor alicui, tyrānide tamen excidi. RA. Sæpe se nocentissimi innocentes putant, sunt tamen & aliæ nō minores causæ præcipitandæ tyrannidis, insolentia scilicet quæ Iulio Cæsari apud historicos obicitur: illa præsertim quod senatui se honorificētissime adenti non assurrexit, quæ hodie nec causa quidem vlla esset. Crudelitas quoq; quæ Mezentium apud Virgilium ad supplicium reposcebat, Caium verò Caligulā, & Neronē, & Domitianum ad supplicium traxit: inuidia qua maius tormentum non inuenisse Siculos tyrannos Flaccus ait: neq; vestros hodie maius inuenire res loquitur: postremò nulla Tyrannorum aut maior pestis, aut crebrior avaritia est. Itaq; reliquæ singulorū, hæc est omnium. Reliquæ singulos ciues afficiūt, hæc populum vniuersum. Superbia & inuidia ipsos inter tyrannos regnant, crudelitas inter paucos sequitur: avaritia inter omnes. Quiescit illa nonnunquam ac minuitur, hæc semper crescit ac vigilat. Qui præesse igitur in populis vo-

lunt,

lunt, vitare imprimis hoc vitium decet, omnémque vitij huius infamiam omnémque suspicionem: nihil est enim quod odiosum æquè faciat tyrannum, æquè præsentia ac dominio indignum. Reliqua interdum magnanimitatis aut iustitiæ sese velo tegūt, hoc vnum vilitatē animi miseriamq; non exuit, & contra communem humani moris errorem, vt nil miserius, nil villus avaritia est, sic nil quoque miserius creditur, nil vilius, idcōque hoc vitio laborantes indignissimi honore & imperio iudicantur. Indignantur homines illi subiici, qui avaritiæ sit subiectus, atq; illum alienum in corpus ius habere, quod suum non habeat in metallum: velle sibi licitum aliorum vitam, ne dicam pecuniam, extorquere, suam tangere non audenti. Prima quidem igitur ad securitatē & quietē via est, non modò tyrannidis appetitum, sed omnē regnandi cupidinē abieciſſe: nam quid stultius, quid laboriosius, quidve periculosius, quàm totius in se vnū populi sarcinas transferre fragilē forsità suis propriis perferēdis? Sin eligere meliora, cōsuetudo veri hostis, & opinionum perversitas nō permittit. Illud est proximū Aristotelici dogmatis meminisse vt scilicet non tyrannum quis se præbeat, sed reipublicæ curatorem. Introitus, inquit, & oblationes oportet videri colligere dispositi-

tionis gratia, & si aliquando opportunum fuerit vti ad bellicas oportunitates: vniuersaliter autem exhibere seipsum custodem & camerarium tanquam communium nō tanquam priorum: & iterū pręparare, inquit, oportet & ornare ciuitatem tanquam procuratorem existentem non tyrannū: & rursus oportet non tyrannū, sed œconomum & regalem videri esse subditis, & non suimet curantem sed procuratorem mediocris vitę persequi non excellentias. His quidem horūque similibus, vt Aristoteli placet, & mihi, fit durabilior principatus: ita tamen talem videri expedit, vt verē etiam talis sit. Simulatio enim tot sub oculis hominum quos res tangit quolibet arte, vel ingenio longa esse non potest. Vide nunc igitur an in parte horum aliqua erraueris, & queri desine & mirari, neque enim tyrannidē his vitiis obnoxia desinere, sed durare mirabile est. Ad summā, & reges, & tyranni omnes, & quicūq; in potētatu aliquo sunt, debēt si regnare diu volunt, acriter excutere memoritēq; dictum illud Catonis apud Liuium: avaritia & luxuria omnia magna imperia euerterunt. D O L. Amissa tyrannide priuatę redditus sum fortunę. R A T. Hostis ciuium eras, factus es conscius, æquā discere ciuilitatem, & beneficium fortunę humilicris agnosce, cū honestius, tum tutius inter

inter ciues bonos quàm super omnes ciues
 viuatur. Iam tibi tranquillior rerum status,
 iam securior vita erit, sine metu, sine suspicio-
 nibus, sine excubiis, sine ferro, quibus in ma-
 lis, quæ nam vitæ suauitas speranda sit nescio.
 D O L. Tyrannide perditâ priuatus dego. R A.
 Elige an lumentis accerbare fortunam malis
 an æquabilitate lenire: profectò enim si non
 vulgi strepitum, sed animum ipse tuum, & in
 silentio præteritiquæ memoriam interroges,
 multis te explicitum atq; elapsum malis in-
 uenies. Iam tutus viuere siccûsque iam mori
 poteris, nec sanguine madidus nec veneno.

De perditâ arcibus. Dialog. LXXXII.

D O L O R.

VAlidis arcibus spoliatus sum, R A T. Ad-
 huc ergo tyrannidis supererant semina
 quæ iam tandem amissis arcibus abiecisti.
 Non est satis venenosum stipitem præcidis-
 se, ni radicem vuleris, qui arcibus fidit, ty-
 rannus esse no desit. D O L O. Montana arce
 priuatus sum. R A T. Vbique arces sunt com-
 pedes libertatis: at in montibus nimbi etiam
 quidam sunt quodammodo, vnde vestra su-
 perbia in subiectos tenet ac fulminet, his
 priuari nō modò flebile, sed optandū est. Sūt
 enim aliqua ex his etiā quæ bona vulgus ap-
 pellat, quibus boni quoque modestiq; animi
 tenerētur atq; ad illicitum vrgeantur, quibus

motibus si ob stare virtutis ope non valeas,
 quid ni optanda sit amissio earum rerum quæ
 hos pariunt motus? D O. Arcem fortissimam
 amisi. R A. Tu fortissimam dicis, fragilem pro-
 bat euentus. Amisisti potius rem vsu ineptam,
 difficilemque custodia, rem inutilem tibi, vi-
 cinis omnibus odiosam: iam dormire nocti-
 bus incipies & dormire alios fines. D O. Tu-
 tissima mihi arx diruta est. R A T Quomodo
 esset tuta quæ periit, ipse tecum cogita: ego
 autem tibi ostendam munitissimam tutissi-
 mamque arcem sine muris, sine turribus, sine
 ullo prorsus operoso rerum apparatu: si vis
 tuto vivere, bene-viue, nil virtute securius.
 Bene autem vivere non hoc dico superbè,
 lautè, pòpaticè, sed iustè, sed sobriè, sed mo-
 destè. Nullis opus est arcibus, quæ non tutum
 te præstiterint sed sollicitum, formidabilem ac
 molestum. Quæ est autem hæc voluptas metui
 nec armari? An illud Laberij notissimum non
 audisti; necesse est multos timeat quem mul-
 ti timent? Hoc ille dixit in Iulium Cæsarem:
 quāto id in alios. illo & minores & formida-
 biliores rectius dici potest, nescio quidem,
 cur tam multi cupiant timeri. Nemo enim
 gratis metuitur unam metuit, & periculosius
 uni est multos metuere quàm multis unum.
 Nonne satius multo est quod nullus te me-
 tuat & tu nullum, quàm quod te multi metuant

& tu multos? Segregari enim ista nequeunt. semperq; metu metus quæritur. Poscis huius dicti causam: illa profectò est quam Ovidius Naso ait: quia quæ metuit quisq; perire cupit, dictum prius est ab Ennio: quem metuit, inquit, oderunt: quæ quisque odit periisse expetit. Eras in tua arce metuendus, sed & metuens, Et quos inquires metuebam? Immo verò quis non omnes metuet qui metui cœperit, sed illos imprimis à quibus ipse metuitur? Nam Cicero Ennium secutus: qui se, inquit, metui volēt à quibus metuētur, eosdē metuant ipsi necesse est. Sæpe idem repeto, quia ita se res habet, nec advertitis in hoc cæci, vt in reliquis, dum supra omnes esse nitimini, infra omnes estis, quid est timore depressius? sic conatus omnis vester in aduersum definit, D O. Arcem mihi charissimam amisi. R A T. Fac tibi chariorem illam quam non perdes. circumualla animum piis intentionibus, honestis vitam actibus, prudentiam ac fortitudinem ante fores loca, iustitiam atque modestiam in propugnaculis, humanitatem ac mansuetudinem vndique in muris, spem, fidem, charitatem arcis in medio, prouidentiam supremæ turris in vertice, bonā famam in circuitu dei atque hominum, adsit amor, absit metus, dignos cole, ceteros præteri neq; cultos neque offensos. Ita nec te alius, nec

tu alium cōtremisces, & in domo humili tutius viues quàm in arce vixisti: hanc tibi arcem nemo vsquam inuadet, hanc tibi nemo poterit aut volet eripere: hac malos in stuporem, bonos in amorem imitandiq; studium excitabis. O quàm facilè erat tranquillum serenamq; vitam agere, ni vos eam inquietam ac turbidam fecissetis: omnia ferme & vestram & proximorum in perniciem conquiritantes. Ad quid enim arces istæ nisi ad vestram simul alienamq; molestiam, vt neque vos vnquam scilicet quiescatis, & instar araneorum muscas & captantiū prætereuntibus insultetis. Atq; cunētis animatibus lustra sufficiunt ac nidi: solus homuncio arces quærit, quo nullum animal superbius nullumq; timidius.

De senectute. Dialog. LXXXIII.

DOLOR.

SENUI. R A T. Viuere optabas & vixisse te pœnitet, an quid aliquid rei est? D O. SENUI. R A. Ibas assiduè & peruenisse te stupes, stupendum potius nisi quò semper ires aliquando peruenires. D O. SENUI. R A. Quid ni viuendo senueris & eundo processeris? An tu ætatem retrogradam expectabas? Vt velox utq; instabile, sic & irremeabile tēpus est. D O L. Velocissimè senui. R A T. Dicebam tibi tēpus fugere, iam credere incipis, dici nequit
non

non modò inter opiniones hominum diuer-
 forum , sed vnus eiusdem hominis quid in-
 ter sit. Iuuenis ante oculos ætatē habens lon-
 gissimam opinatur, hanc ipsam senior à ter-
 go respiciēs videt esse breuissimam. Semper
 futura præteritis longiora videntur, cū vel
 æquē sint breuia, vel eo etiam breuiora, quo
 ad finem properantibus naturalis motus so-
 let esse vehementior. **D O L.** Senui. **R A T.** Est
 vnde gaudeas, si tamen nō inter vitia senui-
 sti, aut si vel ad vltimum surrexisti, bona tibi
 & utilis est senectus, nec exiguum diuini fa-
 uoris iudicium. Meministi vt Aegyptium il-
 lum senem Cæsar alloquitur , nec ingratum
 deis ætatis asserit argumento. **D O L.** Se-
 nui. **R A T I O.** Hac in re saltem vnus ex pau-
 cis, ex tot enim millibus millium eorum qui
 nascuntur , quota pars illorum est qui ad se-
 nium vsq; perueniant? ex his ipsis paucissimi
 sunt quibus iustum senectutis spaciū exple-
 re datum sit. **D O L.** Senui valde. **R A.** Prodigium
 ac stupor valde senis occursum metienti ani-
 mo, quot ille periculosis passibus huc vene-
 rit. Insignis quidem senum raritas, ingens ca-
 suum vitæ mortalis argumentum est. **D O L.**
 Senui. **R A T.** Durum ac difficile stadium cu-
 curristi, mirum nisi iam fessus & quietis ap-
 petens lætē proximam metam spectes. **D O L.**
 Citò senui. **R A.** Vitæ cursus nūc brevis, nunc

breuissimus, longus nunquam, durus semper
asperq; & ambiguus huius vltima pars sene-
ctus, finis autem est mors. Quid hic habes
querimonix singularis? senuisti? Peregisse iā
debes vitæ munus, venisti ad exitū, quiesce.
Amens viator est qui labore viæ exhaustus
velit ad initium remeare. Nihil fessis gratius,
hospitio. DO. Senui. R A. Multum tibi placuit
vitæ labor si eum transisse fers grauiter. DO L.
Senui. R A. Si viuere delectabat, en vixisti, si
oportebat paruisti. Et quis sanæ mentis uel
quod fieri optauerit factum doleat, nisi malè
se optasse sētiat vel quod neq; omitti neque
sine multo labore agi poterat, actum esse nō
gaudeat? Vndiq; igitur gaudendum tibi est,
seu voti compos delectabilis, seu necessario
& graui functus officio. DO L. Senui & volu-
ptates corporis fugauit ætas. R A. r. Vtere ani-
mi voluptatibus quæ nec minores & profe-
ctō stabiliores sunt, nec vnquā fugiunt nisi
cum anima huic hærent, hanc sequuntur: at
corporeæ voluptates venientes culpam fe-
runt, abeuntes pœnitentiā pulorísq; & do-
loris materiam relinquūt His te explicitum
ac liberum gaudere debes, & liberatrici tuæ
gratiam habere quæ te manibus tuorum ho-
stitium eduxit tibiq; debitum munus, sed ne-
glectum dilatūmq; suscepit. DO L. Senui soli-
tūq; voluptatibus careo. R A. Nouis assue-
sce,

scē, habet & senectus voluptates suas, quas
 gustare vbi cœperis, quæ nunc doles amissa
 fastidias & reuerti nolis. DOL. Senui & inca-
 nui. RAT. Boni senis verenda canities plus
 habet, non modò auctoritatis, sed honestæ
 etiam voluptatis, quàm scdæ omnes iuue-
 num illecebræ. Neq; verò mutati coloris te
 pœniteat: nam quis tam corrupto sensu tã-
 que obliquo potest esse iudicio, vt non can-
 didorum calathos-liliorũ quàm nigrantium
 carbonum cistas aspicere, scq; si transformã-
 das sit, cygno similè malit esse quàm coruo?
 DO. Senui & squalentes arant vultum rugæ.
 RA. Et tellus arata fructũ fert vberius, & vitæ
 maturiores fructus bene culta in senectute
 proueniunt. Rugæ te offendunt oris, vultum
 animi cõpone: non illum rugæ occupant, nō
 variāt anni, nisi vt formosior sit in dies. deni-
 que semper te si non tu eũ neglexeris, hone-
 stabit. DOLOR. Senui rugisq; & informi situ
 obsitus vix me ipsũ agnosco. RATIO. Hoc
 tibi iam ab initio euēturum dixi, minus quĩ
 dem auidè speculo imminebis, minus tuis
 forsitan, minus haud dubiè muliercularum
 oculis placebis, quib⁹ placere velle maior ne
 vanitas an libido sit nescio. At qui fidem, qui
 constantiam, qui grauitatem, qui prudētiam
 quærūt, certius inter has rugas quàm in pla-
 nis ac mollibus maxillis se quod cuquint te-

perturos sperent. DOL. Senui meliôrque post
tergum ætas remanet. R. A. Immo deterior:
non semper quæ delectant magis atq; optan-
tur meliora sunt. Multi malum suum concu-
piscūt, quod non esset nisi quia illud Satyri-
ci verum est: pauci discernere possunt vera
bona Do. Senui & lætiores abiere dies. R. A.
Omnium ferme dies temporum inter se si-
millimi, animi hominum diuersi, quin vnus
idemq; animus secum discors, hinc iuuentæ
furor, hinc impatiētia senectæ, talibus vitam
impleuere iudiciis, vt melius putet esse quod
peius est optimūmq; quod pessimum. Cæte-
rūm dies omnes in te boni, bonus enim rex
est & cōditor seculorū. Itaq; hic feruidus,
hic gelidus, hic siccus, hic humidus, hic nu-
bilus, hic serenus, hic turbidus, hic tranquil-
lus, si ad vniuersū decorem naturæq; ordinē
aspicias boni omnes: ad vos autem vestrūm-
quē iudicium relati, ex æquo prope omnes
mali, mæsti, dubij, solliciti laboriosi, anxij,
amari, queruli, flebiles, ærumnosi. In his tu
mihi nescio quos nominas lætos dies, qui dū
aderant, tristes lamentisque suis pleni erant,
nūc vt læti videātur, nihil est causæ nisi quod
abierunt, quodque illis precium desiderium
tibi auget irredituri, multaq; secū tibi olim
segnius forsan amata rapientes: stultus enim
nihil penē amat nisi quod perdidit. DOLOR.

Senui,

Senui, ô si dilapsa redeat iuuentus. R. O non minus stultum quàm inane votum vt tu sentis: at si altius aspires, non inefficax, redibit enim in tempore, & vt scriptum vides: renouabitur vt aquilæ iuuentus tua. D. O. Senui & ætas bona retro est. R. A. Omnis ætas vt bona bonis, sic malè viuētibus mala, vtrisque autem brevis, prorsus & extremo proxima est, vbi vos manet hinc bonorū merces, hinc supplicium malorum, quæ nā hæc igitur ætas bona, vbiq; aspera sempérq; fugax, nisi quātum ad eternitatem via est. Alioquin & si dulce aliquid inesset, omnem fuga dulcedinem, extinctura videretur: quis enim fugiens degustat? Fugienti Dario foetidæ atq; obscenæ potus aquæ suauissimus fuit. Sitis vt putat Cicero, vt ego sentio, gustum metus extinxerat. Urgebat in tergum Alexāder victor: vos à tergo rapidum tēpus premit. Anni celeres præcipitēsq; diei; horæ volatiles: ante oculos autem mors est, nec arctatis redditus, nec impulsis mora, nec præuentis est transitus. Viæ huius tot difficultatibus tantisque terroribus obsessæ, quæ nam quæso pars bona est? sed intelligo, nempe ætatē probris ac libidinibus aptiorem bonam dicitis. Est hic quidem fandi mōs vt bonū dicatur quod affectui intentis aptissimum est, quanuis effectus ipse sit pessimus? sic catenam prædo

capitis infontibus, sic tyrannus arcem liber-
tati plebis impositam, sic veneficus præsen-
taneum aconitū, sic licarius pugionē prom-
ptum cædibus bonum vocat: sic vos igitur
ætatem bonam quæ ad id scilicet quod ma-
ximè cupitis apta est vocatis. Itaq; neminem
istorum qui annos irreduces deplorant, pue-
ritiam quidem vel infantiam videas optari,
quæ profectò optimæ partes essent si abesse
quàm longissimè à senio bonum esset, vt me-
morant, sed nec adultam ac solidam iuuen-
tutem, nec incipientem, nec adhuc viridem
senectam pessimam omnes & periculosissi-
mam vitæ partem, adolescentiam requirunt:
ô quintum & vigesimum annum dicunt, vbi
te reliquimus, ne quem lateat quàm vos præ-
teritarum pœniteat fœditatum, qui non nisi
tempus apprime illis idoneum exoptatis. D.
Sēnui, cur nō cum Virgiliano rege suspirem:
ô mihi præteritos referat si Iupiter annos?
R. At nil tale suspirantem legimus Socra-
tem, nil Platonem, nil Fabium, nil Catonem,
& fuere senes: sed sunt fateor sapientes regi-
bus rariores. Itaq; si rex Euander fuit sapiens
non æquè sanè illud Euandrium suspirium
iam commune nostris est senibus vulgatum
que: surdam stulti senes & profugam adole-
scentiam reuocant ac suspirant: nec suspiriis
tantum seu tacitis votis, sed medicaminibus
irritis

irritis atq; inani artificio naturæ vis affertur
indomitæ: qua in re faceret admodum lufit
Hadrianus princeps canefcenti cuidam cui
aliquid negauerat, eundem postea ad eandem
preces medicato interim crine redeuntem ita
repulit: vade, inquit, hoc iam patri tuo nega-
ui. Do. Senui, ô si mea nunc redeat iuuen-
tus. R. Reuersuram modo illam dixi, iam
reuerfam dico. Si tam facile votorum om-
nium compos fias, nihil iacastum voles, pau-
per certè diuitias optare potest, libertatem
seruus, speciem deformis, sanitatē æger, feli-
cius requiem, exul reditum: at inuētam opta-
re verus senex nequit: puerile potius votum
est. Do L. Senui, heu cur tam citò dulcis me
iuuenta deseruit. R. A. Nunquam non citò
deseruit quod iurabat, nunquam non præ-
properè affuit quod augebat. Vanum au-
tem est optare quod haberi nequit nocuit-
que habitum, & si redeat nociturum sit, sed
iam parce suspiris, dum hoc animo fueris
citò canus fieri poteris, senex nunquam, de-
siderium enim iuventutis in sene quid est
aliud quàm quædam pueritia senectutis? D.
Senui incuruatúsq; sum. R. Iam iam ter-
ram aspice, vnde venis & quo pergis cogita,
hinc egressus, huic redis. Natura te principij
simúlque finis admonet. Poteras aberrare,
publicum tibi iter ostēditur, sanè id quidem

est satis ingredi, vel curuatus iutende: solent
cæci in via manu retrahi. DO. Subitò senui.
R A. Immo sensim, pedetētim, paulatim, le-
nitex, sed nihil cogitantibus omnia subitò
eueniunt, sicut econtra, cogitantibus omnia
nihil est subitum, quòd si flecta tibi fuerat se-
nectus, singuli dies vitæ flecti erāt. Illis enim
passibus ad hunc terminum ibas. DO L. Heu
senui. R A. O votorum instabilitas, huc ma-
ximè anhelabas, huc peruenire optabas, huc
non posse pertingere formidabas, quo cū
peruentum esset ingemisceres, monstrum in-
credibile, nisi tam crebrum esset, senes fieri
volunt omnes, senex esse vult nemo, immo
verò senex esse ad miseriam, senes dici ad in-
iuriam trahunt, quasi sit probrum senuisse,
quod profectò nullis videri debet nisi qui-
bus dedecus sit vixisse, quæ ingens non infi-
cior turba est, cui te tamen exemptum esse
oportet, vt nostro colloquio frui possis: alio
quin vt auribus illabantur, sana consilia in
animum non descendent. DO. Tandem se-
nui. R A T. Et quos ager, & quos æquor, &
quos bellum, & quos alea decipit, singula de-
trimenta dinumerant, tu vnus in finem ex-
pergisceris, & tu queri incipis dum iuxta est
querelarum finis omnium. D. Senui. R. Stul-
tum est senectutem non cogitare nisi cū
venerit: nam profectò si venturam si assidue
venien-

venientem prospexisses, præsentem imper-
turbatus aspiceres. DOL. Heu mihi iam se-
nex sum. RA. Hoc ne igitur desles durum
ac difficile munus impleſſe dumosumq; iter
ac scrupulum transiſſe atq; in amœnam hanc
fabulã peregiſſe? Atqui Comico more plau-
dendum erat. DO. Senex sum. RA. An obli-
tus es vt nuper tibi per familiariter notus
vnus modernorum ſententiam rei huius ex
tempore protulit, non modernam, ſed anti-
quis parem? Amicò enim dicenti: compatio-
r tibi, nam vt video iam ſeneſcis, eſſes vtinam
qualis eras quãdo te primum noui: ſubito il-
le reſpondit: parum ne tibi ergo amẽs videor
niſi ampliorem mihi nunc etiam amentiam
impreceris? Noli quæſo mihi compati quòd
ſum ſenex, ſed compatere quòd iuuenis fui.
O quantum ſenſum tegit breuis iſta reſpon-
ſio, quod metiri nequit niſi qui ætatis huius
bona probauerit & illius mala meminerit.
Bono tuo igitur gratulare, quamquam illud
quoq; verum ſit quòd ſæpe bona inuitis eue-
niunt & mala nolentibus: viro autem bono
& virtutum amico & paſſionum hoſti, pluriſ
eſt haud dubiè dies vnus huius quod accuſas
temporis integer, quam illius alterius in-
teger annus. DOL. Heu mihi, nam ſenui.
RA. T. Iam ſi perſtas tibi quoque cum vul-
go. iure dicitur, non ſenuiſſe miſerum, ſed

vixisse, ita vt hæc sub vitæ finem tam ineptè
dicere: parcite autem iam lamentis querulū
genus, & volentes ite sub imperiū naturæ, ni-
hil flectū quod illius immota lex statuit. Quid
naturale autē magis homini nato quā viuen-
tem senescere, sene mori? At vos conditionis
inmemores vtrūque respuitis, cū vel alte-
rum vel vtrūq; necessario obeūdsi sit. Quod
si neutrū volebatis, & tertio abstinēdu erat,
nascendū mihi credite non fuit. Patimini se-
nescentibus statim mēbris animos aliquādo
senescere, neq; semper in vobis prouerbiū
verū sit: posse vnum animum corpora multa
cōsumere, finite sine murmure corpus simul
atq; animū ad extremum ferri, simul intraue-
re, simul exeāt, neq; altero ad merā properā
te alter retrorsum niti velit alterūmq; retra-
here, frustra tergiuersamini, ire oportet, nec
redire licet: nec subsistere: idq; vobis facilius
debet esse immortalitatem animæ & corpo-
ris instaurationem expectantibus, quā cæ-
teris quibuscunque quibus vel horum alte-
rum defuit vel vtrumque. Frustra inquam
obluctamini: humanūque iugum quod na-
scendo subiistis, excutitis. DOL. Senui & vi-
res corporis imminutæ sunt. R. A. Si auctæ
sunt vires animi, bene est, fœliciter permu-
tasti. Maiora enim gesta esse semper & geri
posse animi viribus quā corporis, nemo ni-
si ani.

si animi inops est qui nesciat: si vires etiam
 animi, ut sæpe accidit, per ignauiam decre-
 uere, fateor inutiliter vixisti, tuum crimen,
 non ætatis. DOL. Senui & res meas agere
 nequeo. RA. Si quid animo sit agendum, tan-
 to id à sene melius fieri constat, quanto & ex-
 perientia illi plus est rerūque notitiæ & pas-
 sionum minus ac malis vinculis expeditior
 animus: at res alias non agere senem decet,
 sed egisse cui corporeus labor omnis à tergo
 est: cui si nunc etiam inhæret nec auelli vult,
 ridiculum illud antiquum renouat Romani
 seris, qui iussus à principe fori laboribus ab-
 stinere, quorum ferias imbecillis hinc ætas,
 hinc fortuna opulens merebatur, sic indoluit
 ut se quasi mortuū fleret atque ab omni fami-
 lia fieri vellēt. Mirus senex qui quietem ceu
 speciē mortis horreret, cum nihil seni aptius
 quiete nihilque sit turpius sene laborioso ac so-
 llicito, cuius vita omnis tranquillitatis exem-
 plar esse debet. Didicisse & potes à philoso-
 phis, quid est illud quāque optabile seni-
 bus bonis viuere, vitæ ut memorant peractæ
 qua maxima tamen pars mortalium inex-
 pleta moritur. DOL. Senui & repenti fugit
 ætas mea. RA. Forma, valetudo, velocitas,
 vires, vestra ferè omnia fugiūt virtus manet
 nec cessura senio nec morti. Illi vni bono
 stabili ab initio insistendum erat. si neglectū

fuit difficilius ad extremum fateor, sed virtutis studium nulla ætas respuit, immo quò difficilius eo clarior virtus. Multi nosse se ipsos ac sapere vix tandem in senio cœperunt, serum quidem at intempestiuum minimè, & si enim non iam vitæ desinenti at instanti altem morti vtile, cui hercle vni horæ ut sit horrore mœsticiâq; transigi pōsset si non vltimum modò, sed totum vitæ tēpus impenderetur bene, nisi fallor, impēsum esset: nam nec frustra nascitur q̄ bene moritur, nec inutiliter vixit qui fœliciter desit. D. Senui, iam vicina mors est. R. Mors æquè omnibus vicina esse potest, & sæpe ibi quòq; vicinior est vbi videtur absentior. Nemo tam iuuenis qui non possit hodie mori: nemo tam senex qui non possit annū viuere, si nil aliud quàm senectus incidat. D. Prorsus senui. R. Immo maturūisti, an hoc desles, an poma cūm maturuerint querantur? si sensus illis ac sermo datus sit & non potius gratulenter se ad id peruenisse ad quod nata erant? Est vti cæterarum rerum, sic ætatis maturitas quædam quæ senectus dicitur, quod ut ita esse videas & ætas & mori iuuenum acerba quidem & dicitur & acerba ests acerbitati autem obiecta maturitas quæ cūm in pomis ac frugib⁹ bona sit, quid nisi in homine sit optima, non quòd nesciam antequam maturescant multa mar-

marcescere, ea verò nō ætatis culpa, sed peruersitas est naturæ, nō quidem omnium, sed multorum qui ad bonū nati magno nīsu in aduersum tendunt. Maturuisse igitur debes si quid in te succi nobilis fuit, iam melloris tui manum securus expecta. Nō mors illa quam metuis, sed laborum finis ac principium vitæ est, non mors inquā sed difficilis vitæ terminus, ad quam pauci tranquilla nauigatione perueniunt, sed penè omnes nudi flentes ac naufragi: tu per mediam senectutē leue iter in finem prospero agens vento è multis rerū fluctibus portum subis: subducēda iam fessa puppis in terram tibi, & quocunque te flexeris de fine cogitandum, idque vtilius fuerit quā ætatem bonam, quod stulti solent, & naturam matrem optimam accusare.

De podagra. Dialogus LXXXIII.

DOLOR.

T Virpi torqueor podagra. R. Nesciebas senectutis morem? Incomitata non venit, magnam sæpe morborum aciem ducit. D. Podagra crucior molesta. R. Extrema & ignobili parte corporis laboras, quid si nobilissimis laborares corde vel capite? D. Pigra coerceor podagra. R. A. Vaga mens hominis freno eget, hunc paupertas tenet, illum carcer aut grauior morbus: ludens te pe

dibus alligat fortuna, non podagra, sed pedicæ sunt, iam disce consistere. Do. Podagra inutilis factus sum. RA. Ad cursum credo vel ad saltum, ad choreas, ad palestram, an te autem ad hæc natum putas? Ad alia si nescis altiora quædam officia natus es, quæ si caput non ægroter, exequi nil prohibet. Studere licet artibus ingenuis, dare operam pietati, seruare iustitiã & fidem, fragile corpus & fugacem mundum spernere, odisse vitia, amare virtutes, colere amicitias, cõsilio patriam iuuare: hæc sũt viri boni munimina, quid hic pedibus loci est? Do L. Debilitatus sum podagra. R. Pugnare cum hostibus forsitan morbus vetet, non cum vitiis, quod neque facilius & crebrius est bellum: & quid scimus an hic ipse dolor corporis contra quem dimices tibi ad exercitium animi datus sit? Do L. Pedibus consistere nequeo. RA. Vide quam de reliquo ædificio spem habeas, cuius fundamentum tam inuolidum sentis. Vigila ne re incautum opprimat ruina: contrahe sarcinulas teque ad migrandum para. Do. Podagra me ingens habet. RA. Solet hic morbus, vt perhibent, diuitias comites habere: en tibi remedium aliud, bene spera, aut languoris amaritudinem opum dulcedo solabitur, aut inopiæ pellet asperitas, ita vel solatium aderit vel finis. Si hæc fatiunt,

sunt, veniet quæ non fallet: illa vitæ malis
 omnibus finem dabit. DOL. Pedum pre-
 mior ægritudine. RATIO. Si salutem cupis,
 aut pauper sis oportet, aut vt pauper viuas.
 Multos hac ægritudine liberasse traditur
 paupertas vera defecatrix corporum, quos-
 dam verò frugalitas, quam voluntariam seu
 fictam & imaginariam paupertatem dixe-
 rim. Vidisti aliquos perpetua vini abstin-
 entia curatos. Ita fit: dolor dolore, clauus cla-
 uo pellitur, vt antiquo dicitur prouerbio:
 vix molestum aliquid sine molestia cura-
 tur. Vt prætereà cum hoc morbo cūmque
 aliis multis pacem habeas, non Baccho so-
 lum, sed & Veneri bellum indixisse profue-
 rit. Sed quid agimus, animorum remedia
 promissimus non corporum. Habes tamen
 quam puto vnicam morbi huius curam.
 Hanc si probas, vtere: si minus, non te fal-
 lant opifices fomentorum. Patientia enim
 in aduersis efficacissimum atque optimum
 & sæpe vnicum remedij genus est. DOL. Po-
 dagræ vitio curuatus sum. RA. Ad iter in-
 habilis minus idoneus ad laborem, non in-
 eptus ad reliqua gerere, non rei modò fami-
 liaris, sed reipublicæ & summi, si ita fors tu-
 lerit, imperij curam potes. Itaque memoran-
 dū valde Septimij Seueri Romani principis
 dictum vnum, qui senex ac podagricus, dum

coniurationem nobilium qui se viuo filium
 eius Augustum dixerant, deprehendisset, cō-
 prehensis auctoribus seditionis ac filio, om-
 nibusque ante solium eius affusis metūque
 vltimi supplicij tremefactis ac territis, ipse
 manu ad caput relata, tandem, inquit, sentitis
 caput imperare non pedes. D. O. Podagra me
 miserum miris modis torquet. R. Noli so-
 las asperitates rerum flere, sed memento si
 quid dulce aut iucundū tibi obtigit, quo in-
 commodum hoc solari possis. Vnus ex mul-
 tis pessimis vulgi mos est, vt in aduersis que-
 rulum atque impatiens, obliuiosum in pro-
 speris & ingratum sit, quo nihil iniquius fieri
 potest: nam quis a quis auribus audiat, exem-
 pli causa, vel Seuerum ipsum quem diximus
 de podagra, vel Domitianū de caluitio quod
 ægerrimē dicitur tulisse, vel Augustum senē
 de sinistri debilitate oculi, vel Iulium Cæsa-
 rem de timore nocturno & quiete visi turbi-
 da, vel postremò alios fortunatissimos viros
 de vna seu de altera naturæ, si dici licitū sit,
 aut fortunæ iniuria sic querentes vt imperij
 atque opum victoriarum ac tantorum in-
 grati atque immemores sint honorum dum
 se homines memineriut quos plenam perse-
 ctamque fœlicitatem hic sperare dementiæ
 sit, amara dulcibus temperare modestiæ, hoc
 podagræ proprium, hoc morborū omnium

commune remedium inuenies sanūmque
 consilium sanctūmque fateberis, senis illius
 læta multa adepti dura multa perpeffi, qui
 bonis de manu Dei læte acceptis mala quæ-
 que patienter succipienda censebat, quanuis
 mali aliquid dare vel facere manus illa non
 nouerit, sed humanam respexit opinionem.
 D O L O. Podagra me in lectulo nodis inso-
 lubilibus pressum tenet. R A T I O. Te iacente
 stare animus potest cœlūmque & terras ac
 maria permeare.

De scabie. Dialogus LXXV.

DOLOR.

S. Cabie premor importuna. R A T, iam nō
 miror si angores meros ægre fers, quan-
 do id luges cui dulce aliquid immixtum est,
 D O L O. Graui vexor scabie. R A T I O. Sunt
 qui hanc salubrem dicant: ego autem ne tam
 mœstæ rei lætum nomen tribuam, arram po-
 tius salutis, siue ad salutem viam dico: mollis
 est quia asperitatem viæ breuem respuit, cu-
 ius exitus sit iucundus. D O L O. Arida me
 scabies exercet. R A T I O. Iam horologio non
 egebis, erit tecum quæ te noctibus excitat
 teq; honesto cuipiam fortassis officio vigilē
 reddat, nemo tam piger quem non scabies
 sollicitum faciat. D O L O. Scabies torqueo r.
 R A. Morbus ignobilis sed nobilis cura

est sopor: itaque nescio an non satis proprie
 & somnus brevis mors, & mors somnus lon-
 gus siue æternus dici possit. D O L. Sumnum
 perdidit. R A. Non vi quidem, sed blandi-
 tiis repetendus est, si incumbas, perdis ope-
 ram, cogi nequit, age aliud, da requiem tem-
 poribus tuis, animo curas leues, improuisus
 aderit, facile animis vagis & corporibus fessis obrepit. D O L. Sæpe mihi somnus inter-
 rumpitur. R A T. Fac quod solitus fertur Au-
 gustus Cæsar lectoribus aut fabulatoribus
 accersitis, interruptum reintegra. Sin gra-
 uioribus curis hoc accidit, pone illas, hunc
 receperis. De huiusmodi enim loqueba-
 tur Maro ubi ait: salubres curas somnos ab-
 rumpere. D O L O R. Somni requiem amisi.
 R A T I O. Et terrorem somniorum noctur-
 nò sive metus, quanuis enim sapientis me-
 liora phantasmata Aristoteles opinetur, &
 verum sit, tamen & vir ille ingenio æquè
 magnus & imperio: ille autem alter san-
 ctitate & patientia æque insignis, de quibus
 paulò ante simul diximus, somniorum gra-
 ues sensere molestias. Nam quid alij len-
 tiant, quisque nouit in se & lectulum pro-
 prium suatum testem habet illusionum at-
 que ambigum & formidinum. Certè horum
 alter tempore extremopere somniū exterreri
 solebat, sicut de illo scriptum est: alter ut di-

xisse dudum videor dum de ocio & quiete
differerem inter cæteras vitæ molestias que
ritur quòd terreant eum somnia & visiones
horrore concutiant. D O L O. Solito minus
dormio. R A. Solito igitur magis viuís: nem-
pe quod doctis placet, vt mors somnus, sic
vita vigilia est, D O L O. Somnum morbus ex-
pulit. R A. Sanitas reducet. D O L O. Som-
num amor exclusit. R A. Bis rem vnā
dicis morbus est enim amor & morborum
maximus. D O L. Somnum metus extinxit.
R A. Securitas succitabit. D O L. Som-
num senectus eripuit. R A. Mors vicina
restituet.

De inquietudine somniorum. Dialogus .

L X X X V I I.

D O L O R.

SOmniis inquietor, R A. Si verum est
quod sapiens quidam ait multas curas se-
quuntur somnia, quod vestri quoque appro-
bant auctores, radicem mali amputa, curas
pelle, somnia quoque pepuleris: quo enim
quæso tot curas & tam nihil profuturas in
tam breui vita, de qua iam ab initio promif-
sum est, quid torqueri iuuat & turbidam cu-
ris vitam & infestam somniis quietem vestra
vobis facit amentia? Diuinam prouidentiam
vestro vultis superare consilio, neque sentitis

vt

ut ex alto vestrae ridentur insaniae vestraeque deliberationes illo de tempore quod non solum extra vestrum arbitrium, sed etiam extra notitiam vestram est. Neque auditis Flaccum exclamantem: prudens venturi temporis exitum caliginosa nocte premit deus, ridetque si mortalis ultra fas trepidat. Omne tempus in vestram trahitis perniciem, de praeterito mœsti, de praesenti anxij, de futuro pauidi trepidique, deque his curis superuacuis dignos metitis manipulos, laborem vigilantes consopiti somnia. Sin illud fortè verum est quod vacantem quoque curis animam inquietam somniis esse vel natura hominis vel peccatū cogit: nōne cū ex mille somniis nec vnum verum esse verum sit: postquam alterutro falli oportet, satius est inquietari somniis quā mulceri, & amara somniare quā dulcia mœsti enim somnij fallacia læta est, læti autem mœsta. D O L. Somniis fatigor. R A T. Sperne totam hanc ineptiam & quiesces, si id nequis, his te solare comitibus qui similia passi sunt, his duobus nominatim quos modo dicebam dum de vigilia quæreris.

CElebrior sum quàm vellem notiorque.
 R A T. An tu hoc spernis quod maximi
 exoptarunt duces ac principes, philosophi &
 poëtæ? quid enim tot laboribus, quid tātis
 bellis ac studiis agitur, nec aliud insignes ar-
 tifices moliantur? Declarat hoc Phidias in
 Mineruæ statua, quod opus omniū quæ ho-
 minum manibus facta sunt, primum aut in-
 ter prima posuerim, nisi cum aliquid in scri-
 bere vetitus fuisset, vultum suum clypeo sta-
 tuæ sit insculpsit, ut & ab omnibus noscere-
 tur, & conuelli inde nisi toto opere dissoluto
 nullo posset ingenio: nosci in præmium sui
 laboris optabat. Si quis enim non famam, sed
 pecuniam cogitare dixerit artifices, in com-
 munibus fortassis assentiar, in illustribus ne-
 gem. Multa sunt rei huius indicia, sic cum ia-
 ctura temporis damnoque etiam sæpe operi
 insistent, ac ne quid famæ excidat lucrum
 spernūt. Comprobauit hoc maxime nobilis
 illa constantia eorum quatuor artificum qui
 ad famosissimum illud opus quod Artemisia
 Carix regina dilectissimi cōiugis memoriæ
 extrui fecit magno precio acciti cum ante
 perfectū opus obiisset regina ipsa vnde ope-
 ris precium operabatur, præstiterunt tamen

vnanimiter in finē, nil iam aliud quàm suum decus & facti memoriam cogitantes. Proinde omnes homines claritatem famamque desiderant: solus tu ne paruo illas tædio emptas velis? D O L. Immo & ego apud prosteros clarus esse cupiam, inter coætaneos recusem.

R A T. Quid ita cū hoc maius eoque difficilius ac rarius sit obstat. quæ præsentium famam interpellat inuidia? D O L O R. Quia inter abscentes mera est gloria, nullus ostrepi, nullus obstat: inter præsentem autem & contradictio & labor, magnus enim labor est magnæ custodia famæ, vt non ineleganter ait quidam. R A T. Nimis aut delicatus aut segnis es. qui sine labore magnum aliud speres, cum pro minimis tot se offerant labores D O L. Ego verò non labores respiciam, sed tædia: nam quis faret assidue visitari obfideri, posci, exagitari, & sui interim negligētem totos dies ac magnā brevis vitæ partē aliis dare, vt tua necessitate posthabita alienę inseruias voluptari quod malum si ab initio incidisset, nunquam ad hanc ipsam famam quę me cruciat ventū esset, sed & nunc præclaros animi conatus & egregia potens est imo edie negocia importunum. R A T. Id quidē ita esse non nego, durum certē, sed tolerabile immo & inuidiosum & optabile: cæterum. vtcunque tuo iudicio

acceptum erit penè ineuitabile: nam quæ ad euadendum via, nisi vel superbia vel ignauia? Altera honestum desiderium te petentium arcebit, altera etiam extinguet. Si quod est aliud remedium, vrbium fuga est, quanquã si claritas vera sit, nec fuga sufficiet, sequitur claritas possessorem suum quocunque perrexerit, & vbicunque constiterit secum erit, nec rure vnquam nec in syluis quidem desinet clarus esse qui in vrbibus clarus fuit. Non potest famæ fulgor abscondi, inter tenebras eminet & ad se oculos atque animos trahit. Nunquid non audisti Dandanum Brachmanorum senem præclarissimum ab Alexandro Macedone vsque ad vltimas Indorum solitudines, cynicúmque Diogenem ab eodem vsque ad illud suum dolium quo provolubili utebatur hospicio visitatos? Nunquid non vsque ad squalidam ac desertam Literni villulam à placatis sola virtutis veneratione latronibus Scipionem Africanum eundémque ab ipsiis hostium ducibus vsque transmaria? Nunquid non Titum Liuium ab vltimis Galliarum extrémáque procul Hispania vsque ad urbem Romam? Nunquid non denique sanctos patres vsque ad intimas & horrendas cremi latebras à Romanis etiã Imperatoribus visitatos? Et sileo Salomonem: immo verò quibus vnquam vir
clarius

clarus visitationibus caruerit? Amici & noti
 mutuis alloquiis & confabulationibus dele-
 ctantur; ignoti autem solo recreantur aspe-
 ctu. Habet enim virorum illustrium præsen-
 tia dulce aliquid, quod non sentit nisi ipse
 qui fruitur: hoc tu laboriosum ne dixeris,
 operosum est fateor, sed & gloriosum. D O L.
 Celebritate nominis atteror. R A T I O. Si
 hanc vis abiicere, virtus abiicienda est cuius
 è radice oritur. Id si merito refugis, ferre
 hanc sarcinam æquo animo est necesse, ad
 quam multi nequicquam omni studio vitæ-
 que ipsius impendio aspirant, at tu forsitam
 aspirasti. Patere te videri ab his qui hoc nisi
 te tuumque nomen diligerent, non optarēt.
 D O L. Multi me vndique vsque ad importu-
 nratem fastidiumq; concelebrant. R A. Quid
 tu igitur, an contemni malles atque abiici?
 D O L. Innumerabiles vsque ad tædium me
 honorant. R A T. Tu verò dei munus agno-
 scito: ille te honorat vt te illum & honorare
 delectet & inhonorasse pœniteat: omnis ho-
 nor & omne quodcunque homini ab homi-
 ne bonum fit, à deo est. D O L. Permolesta res
 est honor immodicus & crebra visitatio. R A.
 Et hæc fateor ac prædulces sunt huius mo-
 lestiæ radices amor & veneratio: his si animi
 gustū applicueris, bene sapere incipient quæ
 molestant, amara dulcibus tempora, non in

hoc tantum, sed in omnibus quæcunque fert præfens vita, in qua non facile reperiās mel cui nō sit admixtum fel, & sæpius amara præponderant. DOL. Celebritate nimia fatigor. R A. Sæpe id quidem accidit, de quo questum diuum Vespasianum nouimus triūphantem, dum solennitate pomparū expectatione ac tædio esset affectus, increpantē seipsum qui triumphum nec sibi nec maioribus sui aut debitum aut speratum tam inaniter in senio appetisset. Quauis autem non sit optanda celebritas per seipsa, ferenda est tamen & amanda. Causæ ipsius virtus & industria, neque vnquam vt illa careas deferendæ, multo gloriosius est labor optabilior quàm ignaua requies. D O L. Saluatoribus obuiis offendor. R A T. Habes huius quoque tædij participem Crispum philosophum: immo quem habes præter illos qui popularibus auris, vt Maronis vtar verbo gaudent? ille tamen insignis questus est. Credo ideo quòd acutissimum virum, talis enim traditur, & suis studiis acerrimè deditum, salutatio crebra & improuisa turbabat, vtque idem ipse ait, perducebat ad mortem. Nil est autem quod queraris, quod optabas accidit, notus in populo vt esses, alioquin tot saluatorum incur sibus non pateres. Poterās latere, poterās quiescere, poterās quod aiūt, in gremio gaudere,

dere, quod optimum vitæ genus aliqui diffi-
niunt: at vos magnis in urbibus noti & clari
esse vultis & ociosi simul & liberi & tranquilli,
quod nihil est aliud quàm in magnis pelagi-
tempestatibus vt immobilis sis, optare: deni-
que superbi fuerit obsequentium amicorum
voces pati non posse a quo animo, cum sint
hostium patienda conuitia.

De dolore ex malis moribus hominum concepto.

Dialogus. LXXXIX.

DOLOR.

Malos mores hominum agrefero. R A.
Si charitate motus laudo: si ira vel in-
dignatione non laudo. Quid ad te enim qui-
bus moribus sint alij, modo tu sis bonus: an
nunc primum intelligis vulgi mores, an tibi
negocij parum sentis vitam tuam compo-
nere nisi inuigiles alienæ & illud aggredia-
re quod nec ars vnquam efficere valuit nec
natura, vnde nihil vnquam speres nisi tædia
& labores? Fuerunt hæ tamen & philoso-
phis curæ, quorum alter in publicum egre-
diens semper flebat, alter cōtra mores homi-
num ridebat, neuter sine causa, sed illud pie-
tati, hoc superbix propinquabat. D O L. Quis
enormes ac subdolos hos habitus ferat? R A.
Malo te per vim dehonestari, ferres si neces-
se esset, qui sponte sua alios deformatos pati

nequeas, sine illos indui ut libet, tu ut licet
atque ut decet induere, atque ita te vlciscere,
non minus lasciuos oculos honesti habitus
offendunt quàm modestos inhonesti. Illi igitur
voluptatem consilio adhibeant suarum re-
rum, tu adhibeas honestatem. Nusquam ali-
bi quàm inter tenebras gratior lux, nusquam
alibi quàm inter vitia virtus est clarior: quid
quereris? aliena fœditas tuo adiciet. decori.
DOL. Quis hos verbos animorum atque hos
perferat inuidos? R A. Linque inuidos sibi,
neq; illis alium cupias tortorem, satis ipsi se
torquent & suis malis & alienis aguntur. ac
tabescunt bonis. Non est compatiendū spon-
te languentibus, non sunt autem contagiosi,
ut corporum, sic animorum verbi, non tran-
seunt ad nolētes: immo verò nobilis animus
vitiis odio ad amorem virtutis accendi-
tur. D O. Quis tot ferat insolētias? R A. Humi-
litas eo acceptior quo pluribus est obfessa su-
perbiis. D O. Quis tot fraudes, quis tot artes
auaritiæ, quis tot species libidinum? R A. Quæ
tibi merito displicent, declina, & quæ in aliis
damnas, ne in te damnent alij caueto. D O L.
Quis hoc gulæ regnum? R A. Maximè inter
ebrios speciosa sobrietas, vbi æquè boni o-
mnes nullus excellit. D O L. Quis tam multa
mendacia? R A T. Si mendacio offenderis ve-
ritati stude. D O. Quis tot vbiq; tyrannides?

R. A. T.

R A T. Non te hinc arma nec opes expediēt, sola virtus est libera. D O L. Totus orbis odio mihi est. R A. Miserari miseros magis decet quā odisse, nisi vt dixi sponte sint miseri: quin tu mundo suos mores linque, tuos reformare stude, & ab aliis euersos in teipsum oculos reflecte, sic & tadium euaseris, & cū mundum nequeas, id quōd potes & debes temetipsum corriges, non est quo te frustra natum credas si hoc feceris.

De minutis tadiū rerum variarum.

Dialogus. x c.

DOLOR.

TUrbidos urbium clamores rerum variarum odi. R A. Ruris silentium syluāscue ama, quæ fieri fugarique nequeunt, fugienda sunt D O L. Vulgi contentionibus fessus sum. R A. Vulgo aurē dum præbueris nō quiesces. D O L. Vulgi strepitu fatigor. R A. Vulgi verba despicio, penē enim quicquid vulgus loquitur aut nihil aut falsum est: at strepitum illum omnem & confusas voces si vitare nequeas, veritum tantū auribus excipe, idque non aliter quā mugitus bouū aut balatus pecudum aut visorum murmur, quid enim nisi beluarum voces sunt vel inertiū vel ferarum? D O. Vulgi fragore perturbor. R A T. Finge animo te acuarum exun-

dantium ac scopulis alisatarum sonitum audire: persuade tibi esse vel ad fontem Sorgiæ vbi ingenti strepitu ex horrendo specu lucidissimus amnis emanat: vel vbi Reatini gurgites quos Nar in Tyberim conuehit alto de colle descendunt: vel vbi ad ea quæ catadupa nominantur, vt ait Cicero, Nilus scilicet ex altissimis montibus præcipitat: vel vbi similiter, vt ferunt, Hister in Euxinum ruit. Denique vbi vel Ligusticæ rupes Aetneis fluctibus ferrenti austro, vel Charybdis oblatranti Scyllæ Sicanis vorticibus torta respondet, consuetudo præstabit, vt quod tædiosissimum sentis, quadam cum voluptate percipias. **D O L.** Latratibus canum vexor. **R A T I O.** Quî vulgi latratus ferre didicit, nullos horrebit canes: nam neque tam multi alij, neque tam rabidi aut mordaces. **D O L O R.** Immitis equus ac fremens, infidus seruus ac contumax, non tantum tædio, sed periculo etiam mihi sunt. **R A T.** De vtroque animali quid sentirem dixi olim & nil nunc muto: addo aliquid, vt vitare quidem possis equi tædium si nil aliud pedes tibi, vt serui autem manus dare possunt, nec lamentis dignum quo carere valeas cum velis. **D O L O R.** Muscarum tædio affectus sum. **R A T I O.** Vide ne muscarum tædio musca fias, & ab alio quam à deo creatam muscam credens in illius qui
musca

muscarum princeps dicitur potestate n venias: quod affecto cuiusdam tædiis similibus accidisse, auctor est Augustinus principium illud Ioānis famosissimum exponens, & musca, & pulex, & brucus, & culex, & cinifex, & locusta, cæteraque huiusmodi creata nō sine certa causa sunt ab illo qui vidit cuncta quæ fecerat & erant bona valde: & si nulla esset alia, illa sola sufficeret, vt his armis humana superbia domaretur. Poruit enim deus Aegyptiis leones, tigres vel dracones immittere, minuta & vilia immisit animantia, quò clarius & cœlestis potentia & terrena fragilitas nota esset. D O L. Pulicibus inquietor. R A T. Sanis cogitatibus conquiesce, cogita nihil mali præter peccatum homini contingere posse: multis non hæc modò facilia, sed quæ videntur grauissima profuerunt: quid scis an si pulices abirent sopor nimius aut malæ libidines subirent? Crede bene in omnibus tecum agi, bene erit. D O L O R. Nocturno pulicum prælio victus sum. R A T I O. Quid superbis igitur vmbra & cinis, quid erigeris iners lutum à pulicibus victus? contra Deum calcitras, iumentum indomitum ac stolidū? D O L O R. Offendor pulicibus. R A. Vis ne tu homines offendere, à pulicibus te defendere, vilissimo impar animali nobilissimum aggredieris & pulicum cibus homines voras?

D O L. Pulicibus agitor. R A. Terrena omnia hominis ad obsequiū facta sunt. Pars vt pascat, pars vt vestiāt, pars vt vehat, alia vt defendat, alia vt exerceant doceantq; & conditionis admoneant, quædam deniq; vt delectent festūque rebus animū leuent, quædam verò vt delectationem noxiam frænent ac salubribus tædiis cōtemptūque huius lucis simulque desiderium vitæ melioris incutiant. Quātum enim quæso mors timeretur, quātumve si tædiis vacua esset placitura mortalibus erat hæc vita, cū tædiis plena sic placeat, sic habitus timeatur: nec vita iucunditas viuanti, nec amœnitas viæ sumper est utilis viatori, expeditque nonnunquā durū aliquid occurrere quo optabilior finis sit.

D O L. Nocturnæ aues flebilibus notis infestæ sunt. R A T I O. Non vt arbitror philomela quæ apud Virgilium flet noctem, ramóq; sedens miserabile carmen integrat, & mœstis latè loca questibus implet: dulcis enim fletus & suaue carmen & delectabiles sunt querelæ. Mœstior te forsitan strix offendit, neque tam proprio quàm poëtarum carminibus infamis bubo, qui quibusdam tamen quàm læti fuerit augurij apud Iosephum legis, quantum vtrunque ridiculum. hinc spem scilicet metūque concipere. Huius enim & multorū tristis aspectus & lugubris cantus ac vterque

que naturalis, nō sic canunt vt vobis aliqui
nunciant, sed quia canere aliter non norunt.
Da illis philomenæ vocem, flebunt dulcius,
nunc naturæ parent suæ: vos naturam ipsam
superstitionibus vestris, vt pareat cogere de
lirando nitimini. D O L O R. Proxima in tur-
re pernox noctua importuna mihi est. R A T.
Noctuam inquietas noctes Augusto facere
solitā audiuiſti, & quē quæſo verebitur quæ
mundi dominum inquietat? D O L O R. Mu-
res thalamum infestant. R A T I O. Quid ſcis
an hoc ipſo in thalamo exorti quem tu forſi-
tan peregrinus inhabitas, de te iuſtius queri
poſſunt, qui natale illis aduena ſolum turbas.
Sed omiſſis iocis horum omnium ratio vna
eſt. Idcirco equidem his infestam vitam agi-
tis, vt diſcatis alteram optare: at illic animū
habeatis, vbi nec mures, nec fures, nec ara-
neæ, nec tineæ, nec dāna, nec tædia vlla ſunt.
D O L. Procaces ranæ, ac ſtrepidulæ tædium
pariunt cicadæ. R A. Finge ſolatium pare-
re, ſolatium erit. Opinio rem quocunq; vult
trahit, non vt verum mutet, ſed vt iudicium
regat & ſenſibus moderetur. Inuentus eſt nu-
per qui rure habitans ad fugandas nocte lu-
ſcinias, ſaxis armatus ſudibūſq; conſurgeret,
quo cū parum proficeret circumſuſas ar-
bores iuberet abſcindi, vt vel ſic prærepto
frondente domicilio abirent, quibus manen-

tibus abire illum oporteret, tamque impor-
 tunis cantibus pullus soporabiisset, is tamen
 proximę paludis in ripa nocturnos strepitus
 ranarum modulatissimam quasi fidium har-
 moniam incertissimus hauriebat, inhumana-
 num ferumque hominem vixque inter ho-
 mines numerandum & moribus quidē qua-
 lem audis fortitan & vidisti, vulgaribus ta-
 mē negociis haud insanum, qui nunc ideo
 ad memoriū rediit ut constaret quantum
 in rebus omnibus possit opinio **DOLOR**,
 Ranarum & cicadarum strepitu offendor.
RATIO. Non illę quidem ut offendant stre-
 punt, sed naturę communis beneficio utun-
 tur. At hoc ipsum superbam impatiētiam ve-
 stram lædit, sicut reliqua quaecunque aliter
 sunt dicunturve quā exigat oculorum ve-
 strorum atque aurium voluptas. Sed ut fabu-
 lā vestri erroris ad antiquas fabulas rem t-
 tam, cogita nunc vel ranas suā veterem que-
 relam & vlticem Latonam raucis vocibus,
 vlticicadas versum in suam speciem Titonum
 stridulis plausibus memorare, sinēque
 fortitam suū illas agere negociū & tu tuum
 ages. Cur iniusti naturę semper accusatores
 innocuis animantibus succēletis, nec aduer-
 tis quanto maiora sunt tadia quę vicissim
 ipsi vobis infligitis? Sileo raptorēsq; urbium
 & mille iniuriarū lædendique artes, mille
 violen

violentias, mille delos, quorum pleni sunt
 vici omnes & compita. Taceo latrunculos
 toto orbe dispersos & itinera interrupta præ
 donibus: quibus magna pars terrarum ho-
 die inuia est, spectacula mundi pulcherri-
 ma prærepta mortalibus, dissimularum il-
 lud & miserriima iam consuetudine roborat-
 um: quis dignis questibus explicet aut hu-
 manæ pondus ignaviæ verbis æquet, quod
 pacatis quoque regionibus passim legitimus
 prædator occurrit, qui sollicitum viatorem
 exhaustumque laboribus & onustum curis
 ære suo spoliat, iniustissimi, nescio cuius iu-
 ris obtentu, quo effectum ut quod amcenis-
 simum fuisset orbem terrarum permeare, id
 alicubi periculosissimum ubiq; sumptuosum
 ac tædiosum sit. Sic vestri principes & patres
 patriæ: immo verò vestra patientia, vestri
 mores libertatem publicam paruo precio vi-
 derunt. Quid custodias loquar superuacuas
 & obstrusos passus ac suspicionib⁹ variis ple-
 na omnia: absentiaque solatium vnicum li-
 terarum, commercium interdictum? Quod
 ipsum quia mutari iam non potest, forti ani-
 mo ferendū est. Verum ut naturæ opera fer-
 re non renuat, qui tot insolentias, tot imma-
 nitates hominum, tot tædia, tot rapinas pati
 solitus didicisse debuit: quàm iniquè natura
 parens leuibus ex causis quotidie laceretur,

cum tot acerba & graua pati hominem ab homine sit necesse. D O L. Magno torqueor calore. R A. Expecta, hyemis tædium hoc pulsura festinat. D O. Frigore crucior importuno. R A T I O. Ecce tibi æstas accelerat huius ipsius allatura desiderium. D O. Frigoribus vrgeor. R A. Vix incommodum inuenies, cui non inuenerit natura remedium. Et sæpe vnus remedia multa sunt: arcent frigus tectum, vestis, cibus, labor, exercitium. Rarò quisquam frigore vincitur nisi victus inèrtia. Piget ignem inter remedia numerare, magnum mortalis ignauix argumentum. Non tam facilè vini è dolio immixta aqua linteo madente detrahitur quàm è turba hominũ hyeme accèso igne inertes à fortibus segregantur: omnes eò confugiunt quibus nihil sanguinis neruorũque animi est, videre licet, sed non libet iuuenes nostros vt formosi videantur deformatos abscissosq; puberens sese ignibus ingerentes, quanto erat honestius pudenda contegere quàm semiuictis natibus in amœnum naribus nidorem respirare? D O. Nunc tremo, nunc æstuo. R A. Credo id facilè, mores noui, & te loquente quod occurrit dicam. Recēs at brevis historia est: pater in Gallis pro capitali causa cum adolescente filio comprehensus, & secundum ritum gētis in ahenum missus ac decoqui iussus

fus erat. Cùm fortè igitur in aquam hyeme
 gelidam nudi ac vinèti pariter descēdissent,
 cœpit adolescens temere, & frigus magna
 dentium collisione testati, vbi subiectis igni
 bus cœpit aqua feruescere, ille lamentis ac
 gemitu impatiētiā caloris exprimere. Con
 trā immotus ad vtrumq; & toruo illum vultu
 respiciens senex: vilissime, inquit, meretricis
 fili, nec frigus igitur nec calorem pati potes?
 Verbum mali forsitan, sed constantis solidiq;
 animi dignumq; quo illæsus è vase mortife
 ro profiliret. Cæterum vestris nūc adolescen
 tibus conuenientissimum, quibus nihil effœ
 minatius, nihil enervatius est, æstare solem
 execrantibus vt Athlætes solent, hyeme ignē
 adorantibus vt Chaldæi. DO L. Nix me tæ
 dio afficit, R A T. Delicati etiam iucunda fa
 stidiunt. Atqui niuem sine ventis descenden
 tem quidam inter pulcherrima ponunt, por
 ro si quid est niue pulchrius, nil certè candi
 dius. DO. Nunc æstibus, nunc frigoribus ni
 miis, nunc siccitate, nūc imbribus angimur.
 R A T. Impatientissimum caloris Alexan
 drum ferunt nempe qui & diræ & prosperæ
 fuit impatiens fortunæ: contrā verò caloris
 ac frigoris patientiam parem dant Hanniba
 li: cur non tu aliquam tibi vel dissimilis par
 tem laudis arripias? æquè ille vtrūque potuit
 ferre, tu neutrum? Hoc vobis primum tribuit

voluptas quæ emollit eneruatque, & vt verè
dicam castrat animos, vt nō hostiles tantum
gladios aut mortem, sed impressiones aëreas
formidetis. Clamo autē & sæpe frustra qui-
dem, quoniam surdis clamo: linquite suum
officium naturæ: nihil sine æternis agit illa
consiliis. Stulti & ignari, ne vna prorsus aque
stillula plus minùve quàm expedit in terrā
cadit: & si non singulorum libidini at salutē
omnium consulitur. **DOL.** Hic luto, hic pul-
uere, hic nubibus, hic ventis ac tonitru tur-
bor. **RA.** Atqui terræ varietas, cœli varia-
tem sequitur: vds aër lutum parit, siccus pul-
uerem, sic de motu aëris venti de, vaporibus
nubes, de ventis ac nubibus tempestates ac
fulmina. prodeunt. Qui rerum causas nouit
& naturæ se præbuit obsequentem, conse-
quentiam effectuum non desebit. Et de vni-
tis licet apud quosdā magna sit quæstio, nō
ne tamen tibi aër omni carens vento penè
semianimis videatur, vt non ineptè quidam
ventum animam dicant siue spiritum? Pulue-
rem certè apud multos viris fortibus dulcem
vides: idque vt de luto etiam credi possit di-
uersorum operum vna virtus efficiet. Toni-
trua verò & concitatiores cœli motus, quid
nisi comminationes & monitus miserantis
dei sunt? qui certè non minaretur nisi ama-
ret hominem, sed feriret, cū multæ & gra-

ues nunquam desint feriendi causa. Ad terrorem verò hæc formidinēque mortalium spectare, sed ante alios illorum qui rebellāt, deo non solum naturæ gnarus meminit poetā, sed vates illa etiam diuini conscia consilij quæ ait: dominum formidabunt aduersarij eius & super ipsos in cœlis tonabit. Formidate verum tonantem aduersarij, enitmini in gratiam redire, vt amici dei effecti, nihil omnino nisi eius offensionem timeatis. Hoc potius agite & querelas mittite. DOLOR. Fusco & nubilo contristor æte. RATIO. Nulla tempestas durat, & sereno nubes succedunt, & serenum nubibus frequens immo iugis alternatio, & ferendum sine questibus quod tam breue est. D. Offendor nubibus. RATIO. Offensio admonitio quædam est, vt iam hinc tibi prouideas ne tenebras quas momentaneas ægrefers, aliquand operpetuas patiaris. DOLOR. Igne cœlesti turbor & grandine & procellis. R. Hæc & his similia ad timorem salutiferum, vel si spernitis ad vindictam sunt. Audi vnum: ignis, sulphur & spiritus procellarum pars calicis eorum. Audi alterum: ignis grando, fames & mors, hæc omnia ad vindictam. DOLOR. Tempestatibus turbor æquoreis. R. Noli hic naturam, sed tuam vel stultitiam vel auaritiam

accusare, quis huc te cogit? D O L O. Tene-
brosis nubibus & contrariis ventis afficior.
R A T. In tenebris natus & in tenebris mori-
turus inter rerum contrarios ventos viuis:
disce quod semper pateris tandem pati. D O L.
Tonitru ac fulmine quatiore. R A T I O. Plus
hic aliquid quàm tædium est. In primo equi-
dem metus ingens nisi stultis quibusdā con-
temptoribus: in secundo autem mors. Itaque
quibusdam visum est de fulmine nō nisi in-
expertum queri. At quis oro nisi amens hæc
non metuat, cū cautum apud fortissimos
hominum Romanos videat veteri statuto vt
Comitia populi Ioue tonante non teneant?
Cæterū metus hic nisi ad emendationem
vitæ spectet inutilis est. Quid prodesse enim
potest timor vbi nullum est remedium for-
midatæ rei? Huc vertenda res igitur vt licet
naturalibus causis tonet ac fulminet: nihilo-
minus tamen commonitorium existimetur
illius qui nullis obstructus causis ipse fons
omnium causarum est. Ille quidem ideo to-
nat in cœlis, vt tu in terris bene viuas & obli-
uione discussa irascētem dominum recogno-
scas, quōdque amore debueras, saltē metu fa-
cias. Nolite queri, omnia æquè bona & mala
expedit vobis, mihi credite, vt sæpius tonet,
& quàm sæpe tonuisse memoriæ traditū est
eo anno quo verus dei aduersarius ac pietatis

tis hostis Domitianus interat, non ut exclametis sicut ille, feriat iam quem volet, sed ut iram dei per is lachrymis ac humili prece vincatis. Do. Ebriorum congressibus lætitiâq; contristor. R. A. Vinum lætificare cor hominis & Bacchum lætitiae datorem, & si David Virgiliusq; non dicerent, notum est. Et quamuis illud quoque verum sit quod horum non facundior, sed sanctior vates ait : fluminis impetus lætificat ciuitatem dei, plus tamen feruidi gaudij sen lætitiae gestientis, ut philosophi vocant. pauca potentis vini dolia, quam multa nitentis aquae flumina continent: factiorq; ebriorum lætitia nil tristius, nihil opificibus & tabernariis, quos merito ciuitatum faciem Cicero vocat, ineptius: vel ferendum tamen vel urbibus abeundum vel foro saltem ac platæis & tabernarum scænis tanquam scopulis abstinendum. Do. Turbis premor frequentiaq; ciuium importuna. R. A. Trux & inhumanum votum est, optare patriae solitudinem quo ipse sis laxior, ob hoc enim illa, olim ut nosti, soror Appij Claudij mulctata, & illa innocens vltimo apud scriptores celebrata est, ut verò istud iniquum & supplicio dignum, sic vitandi studio fastidij se turbis eripere, & si res poscat urbi cedere, modestum ac sapientibus vsitatum est. DOLOR. Longo & segni iudicio laboro. R. A. T. Ad

quid inuenta transactio est nisi vt litem finiat & tarditatem iudicij antecedit? DOL. Mœsto & turbido atteror litigio. RA. Pro te aptis epithetis vsus es, vbi enim lis, ibi nec gaudium nec tranquillitas, esse potest. Tu si litibus vis carere, litium contemne materiam. Auaritia lites parit & partas alit.

De terramotu. Dialogus xci.

MEVS.

TErramotum timeo. R. Magnum fateor naturę parentis incommodum: nec immerito à parentibus segregatum: nempe cunctis grauius sed rarius idque remedij loco sit. Sæpe quidem instans tonitru ecclī facies mœsta prænunciat: terræmotus præsagium nullum est: & si eum Pherecydes aqua putei hausta prædixisse feratur: adde quod aduersus cœli minas aliquod fortasse refugium subterraneæ offerunt cœternæ: quale illud legitur Augusti Cæsaris fulgura metuētis, quod adhuc Rōmæ via cernitur Flaminia & nomen seruat auctoris: contra terræmotum nullæ sunt latebræ, nulla fuga: quo enim extra terram fugiat terrenus homuncio, aut quid fiet si & supra verticem cœlum tonat & sub pedib⁹ terra tremis, nisi fortè quis in pelagus fugiendum dicat, quod

& cœlestis & terrestris varietatis est particeps, & suis insuper motibus inquietum? M. Non tu mihi remedium das ut soles ad periculum exaggeras. R. A. Sentiebam ita tibi visum iri, & sic haud dubiè se res habet. Sunt quæ dissimulati queunt & verbis extenuari, ut quæ fama terribilia visâ erant, re ipsa nunc tolerabilia, nunc & cōtempnibilia videantur: id sanè de quo agitur tale est, ut sua quadam vi humani eloquij argumēta discutiât, vnum est solamen ut dicebam raritas. Vidisti ætatem penè integram terræ motibus vacantem, quo in spacio innumerabiles obtisse non est dubium: qui in vita solum rei terribilis nomen audierit, nullum res visâ terruerit, alioquin quem non conspecta promoueant, vel antiqua illa, vel hæc noua, quorum, vel in libris vel in animis hominum qui viderunt, memoria recens est, quando & olim vno eodémque die motu horrifico & concussa Rhodus & nouæ insulæ profundo maris emerferunt, & vetustæ vrbes Asiæ duodecim corruerunt, nonnullæ etiam terræ hiatus haustæ sunt: dehinc eadem pestis in Achaia Mæcedoniâque defæuit: demum in Campania illa pulcherrima, non Italiæ tantum, sed totius etiam mundi parte circa Senecæ ætatem, qui inter quæstiones naturales rei huius meminit, quando & Herculaneum

& Põpeios, vrbes tractus illius nobilissimas, ipsam quoque Parthenopem ea peste vexatam legis. An ne cuncta sequar, quæ infinita materia est? nuper Alpes aëreas quæ Italos à Germanis separant, quarum motus insolitos Maro ait, & motas & multis in locis disiectas cernere potuisti. Et confestim postea ipsam urbium reginam grauiter agitatam vsque ad ruinam turrium ac templorum aliquotque alias humi stratas, moxq, velut perpetuo malorum ordine Germaniæ partem illam quæ nobilior habetur, totam scilicet Rheni vallem tremuisse atque in ripis Basileam urbem funditus & octoginta eoque amplius castella, vno simul temporis momento corruisse notum est. Horrendum planè negotium nisi arcem terribilium mors teneret. Hanc qui timere desierit, nil timebit, utque eleganter ait Flaccus: si fractus illabatur orbis impavidum ferient ruinæ: nam quid refert an in te lapis exiguus sic descēdat ut perimat, an te ingens obruat Apeninus, seu potius fractus orbis, ut est dictum. si utrobique nil amplius est quam mori, nisi quia quibusdam fortasse mors clarior videri potest quæ maiore infligitur instrumento. Hæc tandem nostri consilij summa est, quando & aduersus fulmen aliquid diximus esse remedij, & vtrunq; vel obstando vel cedendo reliquis malis occurritur,

ritur, contra hoc vnum nec fuga valet nec ingenium nec vis vlla, hunc qui vnus horribilia cuncta facit, ponēdum ante omnia metum mortis: aliquanto non inficior factu difficilius quā dictu, sed nequaquam impossibile. Et quoniam ab hac peste, nec tempus vllum nec locus immunis est, omnibus locis atque temporibus ad omnium quæ vel naturaliter, vel fortuito euenire possunt, tolerantiam præparandum armandūq; animum, quod nisi virtutis amor vitiūque odiū accesserit vtique fieri nequit. Denique quando non cælum modò quod in continuo motu est & elementa vndique cōminantur, sed & terra cui insistitis & quæ periculorum omnium & firmissimum præsidium sperabatur, ipsa quoque concutitur, incolāsque suos fallit ac territat, ad cælum animi volatibus ascendendum: intérque hos rerum motus atque hominum omnem in illo spem habendam qui respicit terram & facit eam tremere, de quo scriptum est: ego dominus & non mutor. Quisquis in illo vestigia deuotæ mentis affixerit, iam in solido & in tuto erit, neque amplius aut ipse mouebitur aut vllos metuet terræmotus. ME. Non possum terræmotibus non moueri. RAT. Potes autem à terra omnem spem atq; omne desiderium remouere? Hoc fac vt securus

viuas eaque vel tremente vel ruente confi-
stas. Stultum est firmam in re tremula spem
habere.

Do peste latissimè sæuiente. Dialog. XCII.

MEVS.

P Estem latissimè sæuientem horreo. R.
Et hic quoque nil amplius quàm mortis
est metus, quo deposito plena securitas parta
erit, cum non is magnis animis nõ depositus
modò sed ne admissus quidem esse debeat:
nã quid minus viri est quàm horrere cõmu-
nia? ME. Pestem timeo. RA. At quid aliud
tibi si moreris ad vñtatum genus moriendi.
pestis addiderit quàm vt comitator moria-
re? Sin euaseris, vt dulcior vita sit, tot circum-
fusis erepta periculis, si mori periculum non
natura est, neq; enim omnes pestis perimit:
alioquin ex hac peste nouissima cui par à sc-
culis non fuit, nullus hominũ euasisset. Eua-
serunt multi, qui melius obiissent. huic vt vi-
des fece solita nũc etiam mundus exuberat,
quam nulla vnquam pestis, nulla mortis ma-
nus exhauriet, tam concreta est. ME. Pestem
metuo. R. Dic quod est verius, mori times,
de quo nobis, vt te video in querelas pronũ
antequã res desinat disceptandũ reor, præter
hoc enim quid est quod pestis nomẽ exhor-
rea, cum potius, vt est dictũ, solatij genus sit.

I cri-

perire cum plurimis. ME. Pestem horreo. R.
 Si ad hoc te humani generis charitas quēdā
 trahit, est quod laudem: nihil est magis homi-
 nis quā humanā incommoda miserrari. Sin-
 tui tantū, est quod arguam: nam quid pestis
 nocitura mortali, nisi ut facias quod factu-
 rus es, nisi illud inter damna cōnumeres, non
 lugeri quod in talibus accidit, & scēliciores
 censēs qui multum fleti ad superos apud Vir-
 giliū memorantur.

De tristitia & miseria. Dialogus XCIII.

DOLOR.

Tristis sum. R. Refert qua ex causa
 tristis sis aut lætus. Ista enim ut alia
 multa indifferētia dixerim quæ leui momē-
 to possint esse bona vel mala. Tristitia nēpe
 de peccato utilis, modō ne desperationi sur-
 repenti clanculum manum dettat gaudium
 de virtute deque memoria bonorum ope-
 rum honestum, modo ne ingerenti se super-
 biæ fores pandat: harū igitur passionum præ-
 mittentur causę, vituperatio illic locū laudis
 inuasit, nunc tu ipse quid sis, tristis cogita.

DOLOR. Huius vitæ materia mœstus sum.

RATIO. Fœlicitas te lætificet akerius vitę:
 neque enim tam hæc misera & si profectō
 miserrima sit, quā illa est scēlix. DO. Mœ-
 stus sum. RATIO. Mali huius tot radices,

quot sunt quæ vno nomine aduersa dicitis, de quibus & multa iam diximus. Et ut te pro num in querelas video, multa nunc etiam sunt dicenda. Est autem quando nulla prorsus apparens causa, non morbi, non damni, non iniuriæ, non ignominia, non errorum mores, neque ullus omnino rerum talium & inopinatus rumor, sed dolendi voluptas quædam quæ mœstam animam facit. Pestis eo fœnestior, quo ignotior causa atque ita difficilior cura est. Itaque hanc ceu animæ scopulum omni velorum ut dici solet ac remorum auxilio fugiendam censet Cicero, cui in hoc quidem ut in multis assentior. **DOL.** Præsentis mœstitiæ cogitatio mœstum facit. **RATIO.** Miseriam conditionis humanæ magnā multiplicemque non nego, quam quidam integris voluminibus defleuere: sed si in diuersum aspicias, multa itidem quæ foelice vitam ac iucundam faciant, videbis. Et si de hoc nemo hactenus, nisi fallor, scripserit, aggressique aliqui destiterint, quod difficilem & contrariam scribingentibus, steriliorem longèque imparem materiam se sortitos intelligerent, eo quod humana miseria nimis multa prorsus euidenter emineat, foelicitas parua & latens stilo altius fodienda sit ut ostendi possit incredulis. An autem ut ex multis summam deliberem, parua vobis gaudij causa est? imago illa simili-

litudo dei creatoris, humana intus in anima,
 ingenium memoria, prouidentia, eloquium,
 tot inuenta, tot artes huic animo famulan-
 tes, huic corpori quibus necessitates vestræ
 omnes diuino beneficio comprehensæ sunt,
 tantæ quoque oportunitates, necessitates
 & tā variæ rerum species, non necessitati tã-
 tum vestræ, sed oblectationi seuientiũ mi-
 ris & ineffabilibus modis, tanta vis radicum,
 tot herbarum succi, tot florum tam iucunda
 varietas, tot odorum & colorum & saporum
 & sonorum ex contrariis orta concordia, tot
 animalia cœlo, terris ac pelago, non nisi ve-
 stris v sibus dedita hominisque solius ad ob-
 sequium creata. Nisi enim peccati iugũ spõ-
 te subiissetis, omnium quæ sub cœlo sunt do-
 minium haberetis. Adde colliũ prospectus,
 apricationes vallium, vmbrosas saltus algẽ-
 tesque alpes & tepentia littora. Adde tot salu-
 bres scatebras aquarum, tot sulphureos fu-
 mantisque, tot nitidos ac gelidos fontes, tot
 infusa & circumfusa terris maria, tot omnes
 assidue mobiles, & immobili stabilitate cer-
 tissimos regnorum fines. Adde lacus maris
 æmolos & stagna iacentia & riuos inter mō-
 tium conuexa præcipites & floreas tipas, ri-
 parumque thoros & prata recentia riuus, vt
 Virgilius ait. Quid sonoris litoribus spu-
 mantes scopulos antraque roscida, & flaues-

centes agros & vineta gemmâtiâ & commo-
ditates urbium & ruris ocia & solitudinum
libertatem? Quid spectaculorum omnium
lucidissimum & augustissimum stellâti scœli
ambitum inconprehensibili celeritate vo-
lubilem? Inque illo fixas & errantes quas di-
citis seu vagantes stellas, solem imprimis ac
lunam clarissima mundi lumina, vt Maro ait
seu lucidum cœli decus, vt Flaccus ait. Huic
terræ fruges, hinc vigor animantium, hinc
varietas tempestatum, hinc no. annum, hinc
mentes & dies & noctes & momenta meti-
mur, sine quibus vita fastidio non careret.
His accedit corpus licet caductum & fragile
imperiosum tamen aspectu serenumque &
erectum aptumque cœlestibus contemplan-
dis: accedit immortalitas animæ & ad cœlū
iter ac precio exiguo merces inæstimabilis,
& quæ in finem sciens distuli, quia tam ma-
gna erant, vt per me illa non capere nisi fidei
magisterio didicissem, & resurgendi spes &
hoc ipsum corpus post interitum, agile qui-
dem lucidumque & inuiolabile multa cum
gloria ressumendi: & quod omnem non hu-
manam modò, sed angelicam dignitatem su-
pereminet, ipsa humanitas sic coniuncta di-
uinitati, vt quideus erat homo fieret, idem-
que vnus numero perfectè duas in se vniens
naturas esse inciperet deus & homo, vt ho-

minem deum faceret factus homo : ineffabilis de pietas atque humilitas , summa hominis fœlicitas ac gloria, altum vndique occultumque mysterium , mirum & salutare commercium, quod nescio an cœlestis , sed profectò mortalis lingua non æquat. Parūne tibi autē vel hoc vno nobilitata conditio humana, parūmque expurgata miseria videtur, seu quip oro altius nō dicā sperare, sed optare, sed cogitare homo potuit quā vti esset deus; Ecce iam deus est: quid iam restat oro quo vota vestra suspirent, nedū reperire quidem sed nec fingere maius aliquid relictum? Certē cū ad salutem vestrā se diuinitas inclinaret, nō aliud cū posset nisi humanum corpus humanāmq; animā assumpsit, nec angelicæ speciei ascribi voluit sed humanā, vt sic quantum te dominus tuus amet agnoscas & gaudeas. Ita enim vt præclare ait Augustinus, demonstrauit carnalibus & non valentibus intueri mente veritatem corporeisq; sensibus dediti, quā excelsum locum inter creaturas habeat humana natura. Quid quòd idem ipse vos, qui hac sua dignatione tam mirifica angelis quoque prætulerat, ipsos vobis angelos custodes adhibuit, vt modis omnibus vestrā inter-creaturas excellentiā demonstraret? Aut nēpe Hieronymus, tantam dignitatem esse animarū

vt vnaquæque ab ortu suo habeat angelum
sibi ad custodiam deputatum. Paterna verè
& plusquam paterna de vobis deo cura est: &
vt dictum Satyrici parumper inflectam: verè
charior est illi homo quam sibi. Quis hæc in-
ter tristitiæ locus aut querelæ? Non natura
igitur vestra, sed culpa mœstos vos & pueru-
los facit, D O L. Mœstum me originis vilitas &
naturæ fragilitas nuditasque & inopia & for-
tunæ asperitas & vitæ breuitas & finis incer-
tus facit. R A T. Multa studio conquiris vt
mœstus sis, contrario instandum erat, vt ho-
nesto gaudio lætus esses: noui autem mores,
cupide malis vestris incūbitis. Proinde quod
ad vilitatem originis attinet, aut corporis
fœditatem quicquid quorumlibet ingeniis
aceruatum est, non solum admota resurre-
ctione illa quæ vera mortalium fides sperat,
& glorificandorū corporum nobilitate dilui-
tur, sed præsentī etiam decore minuitur, in-
terque omnia diuinæ manus opera singulari
quadam hominis mœstate: nam quid ortus
obscœnitas humanę detrahit dignitati? Nón
ne fœda è radice proceræ frondentisque ar-
bores herbosum solū gratis vmbri vestiūt?
Nónne fœdissimo fimo segetes lætæ fiunt,
nec fastiditur origo vilissima rei optime? Vos
segetes dei estis, in area iudicij ventilandæ,
summique patris familias in horreo repon-
nen-

nendæ: terrestris fuerit origo, quanquam nobilis ac cœlestis ex parte sit, sed fuerit qualiscunque ortus quantumlibet difficile incrementum, sedes vltima cœlū sit. Quid illa nuditas imbecillitasq; corporea multarūque rerum grauis indigentia, quæ humanæ conditionis infamiae ascribuntur? Variarum nonne artium ac multiplici remedium suppleantur auxilio, vt magis ad gloriā hominis quàm miseriam trahi possit? Quod animantibus cæteris ratione carentibus præualidam cutim vnguēsq; & villos mater natura prouiderit, homini vnum repertorem omnium contulerit intellectum, vt illa scilicet alieno, hic suo quodam proprio & interno præsidio tutus esset: cætera quantum nascentibus obtigisset, & nō amplius vnus hic tantū haberet, quantum viuendo meditadōque sagaci assequi possit ingenio. Sic seruis dominus ac bubulcis si quid fortè cibi nobilis largiatur, suam cuique portiūculam assignat, vxori nihil, aut filio, vt illi hoc tantum, hi pro eorum captu plus minūve percipiāt: sic illis frenum præponitur, his libertas. Animantibus igitur quæ vel senio vel scabie depilata, aut caligantia oculis, aut pede clauda cōspicimus, remedium nihil est nisi ab homine cōferatur: homo autē per se nudus ingenio vestitur atq; ornatur, etsi res poscat, armatur: claudus atque

debilitatus equo aut naui fertur aut vehiculo aut auxiliantibus bacillis innititur. Denique modis sese omnibus adiuuat attollitque, quin amissis artubus, pedes ligneos, manus ferreas, nasos careos fabricari didicit, & fortuitis casibus obstare valetudinem fatiscentem medicaminibus erigit gustumque torpentem saporibus excitat, visum languidum ocularibus refouet, qua in re maioribus vestris acutius cogitastis, qui vasculis vitreis aqua plenis, vt Seneca meminit, utebantur, prope delectabilis naturæ ludus, blâda parés ac benigna, quod hinc filio eripit inde restituit, & cum tristem fecerit, consolatur. Quid quòd equus, bos, elephas, camelus, leo, tigris, pardus & similia quatarumlibet virium cum senuerint contemnuntur, cum obierint non sunt, cedunt senio, succubunt morti, solû hominem virtute præditû, quæ hominis solius est propria, & venerabilem senectus & mors gloriosum ac foelicé facit, transferens nō extinguens: & ad summa, animalia quædam robustiora sunt homine, quædã velociora, quædam sensibus vegetiora, nullû dignitate præstantius, nullum cuius par cura creatori fuerit. Dedit sphericâ capitis figuram effigiẽmque sydeream: pronaque cum spectent animalia cætera terram, os homini sublime dedit: cælumque videre iussit, & erectos ad sy-

deri,

dera tollere vultus, vñ præclarè ait Naso, licet dictū prius à Tullio: dedit oculos, dedit frontē, in quibus secreta animi relucerēt, dedit rationem, dedit orationem, dedit lachrymas, dedit risum, affectuum signa latentium, quæ quanuis ad argumentum miseriæ quidam trahunt, quòd fletus præcox, risus serus sit: ortus enim statim flet, ante diem quadragessimam non ridet: id vel maximè prudens animal arguit, venturūq; præscium, non equidem finis quem virtutis gubernaculo fœlicem dico, sed difficilem quod ingressus est studij atque instantium laborum. Denique quodcunque robur est aliis, quæcunque velocitas, quæcunque oportunitas, quæcunque commoditas tota homini deseruit. Ille indo mitos boues ad iugum, & feroces equos ad frenum cogit: vrsos vnguibus, apros dentibus, ceruos cornibus metuendos, decus fecit ille mensarum: lynces, vulpes & infinita id genus, quia esui non erant vsui pellis ac corij reseruauit, retibus maria, canibus syluas, volucribus cælum omne lustrauit: & quibus cum nullum erat homini commercium, humanas voces intelligere & humanis nutibus obsequi docuit, sic ex omni naturæ parte partum aliquid. Non est tibi bouis robur, at tibi bos arat. Non est tibi equi celeritas, tibi tamen equus ambulat. Non est tibi herodij vo-

latus sed herodius tibi volat. Non est tibi elephātis aut cameli moles, sed ille tibi turrem vehit, hic sarcinam. Nō est tibi cerui corium, non agni pulues aut vulpeculæ, sed illi hæc tuo nomine possident. An ne igitur his qui vos inopes talium dicunt, haud inelegans responsum illud sit Romani ducis, habere ista hominem nolle, sed hæc habentibus imperare? Et hæc quidem modò breuiter, partim philosophicè, partim catholicè dixerim. Ad ægritudinem verò animi, ita enim hanc philosophi appellant, & depellendam & trāquillitatem reuehendam proderit nosse quid de primo Cicero in Tusculano suo tertia luce differuit, quid de secundo Seneca in eo libro quem de animi tranquillitate composuit. Festinanti quidem ad alia & spectanti metam non vacat vniuersa complecti. Pro tempore igitur alligatum vulnus ostensiq̃ue medici animorum, quibus si hæc non sufficiunt vti queas. Iam tria illa quæ vltimò questus es, ne reponso quidem digna credidi, quando & asperitas fortunæ ipsa est de qua magna pars huius secundi colloquij nostri fuit & futura est, & asperitatem ipsam breuitas lenire debet ac minuere, & incertum vitæ finem statuit natura, vt præsens semper aut proximus crederetur.

DOLOR.

Dentium vexor aegritudine. **RAT.** Quantum fidas intestinis vide, quando ipsa te ossa destituunt. **DOL.** Tremere dentes incipiunt. **RAT.** Quid mollibus spei est, duri & solidi nutant artus? **DO.** Dentibus aeger sum. **RA.** Inualidum & caducum animal est homo, cui etiam quæ præualida videbantur infirma sunt. **DO.** Magnus me dentium dolor habet. **RA.** Et quæ ad decus præcipuûmque oris robur obtigerant doloris in materiam verti vides, ut intelligas quàm mansura sit hæc cui tam securus infides mortalis compago domicilij. **DO.** Iam mihi vnus altérque dens cecidit. **RAT.** Iam ergo vel hinc existima quantum Deo debeas tot tantisque muneribus, quorum paucissimis ac minimis caruisse supplicium & flebile damnum ducas, digna ingratitude pœna est. Seruus ut domini largitatem quam præsentem spernit, absentem lugeat, & quam lucris intelligere noluit damnis intelligat. **DOLO.** Iam dentibus exarmatus sum. **RA.** Iam inermis cum voluptate luctaberis, minus comedes, parcius ridebis, lentius mordebis alienam famam. Loqui parantem fracta sepes dentium frenabit: & si non castitas saltem pudor ab illicitis osculis senilem petulantiam cohi-

bebit. **DOL.** Iam mihi senectus dentes fregit.
RAT. Iure suo illa vsa est: tu naturæ gratias
age quæ tibi hoc suo dono vti permisit in se-
nium quod à multis in iuuentute repetit:
qualis fuit apud vos ille modò regum maxi-
mus qui adhuc virenti æuo penè dentibus
caruit & si iuuenilem hanc iacturam senili
postmodum eximio oculorū, vt ipse aiebat,
quòdque ipse tacebat, ingenij atque animi
vigore solabatur: exemplum vtile omnibus
aliquo vel naturæ vel ætatis incommodo af-
fectis, ne singula defleant, nèue omnem solu-
tum teporem munificentiæ cœlestis iniuriam
vocent, sed seruatis perdita mulceant, aspe-
ra lenibus, dulcibus acria. **DOL.** Dentes mihi
rapuit senectus. **RAT.** Hos si illa non rape-
ret, raptuta mors fuerat. plena ossium sepul-
chra inspicere testarum dentes arentium, pri-
mum quidem terrificè albicantes, mox ru-
ptis vulsos radicibus atque effusos videas,
non hic numerus, non hic robur decórque
valuerit. Filia Mithridatis Ponti regis vtro-
que gemino ordine dentium fuisse legitur.
Prusiæ verò Bithiniæ regis filius pro supe-
riori ordine dentium vnū inferioribus cun-
ctis parem, hoc est vnum os ab vna in alte-
ram maxillam: nec iniuste, nec incommo-
dè portentum habuisse. At Zenobia regina
Orientis inter cæteras formæ laudes, tanto
den

dentium nitore describitur, vt inter loquen-
 dum ridendūque, non dentibus, sed candi-
 dis margaritis plenum os habere videretur.
 Horum quoque nunc busta perquirere singu-
 lare nihil inuenies, cuncta pridenæqua o-
 mnibus sparfit & attriuit mors. Nimis corpus
 amatis ac membra mortalia, nimis animum
 immortalem ac virtutem spernitis: ô cæci
 semper & iniqui rerum æstimatores. D O L.
 Iam sine dentibus sum. R A. Iam ego den-
 tium dolor nullus, sed nullum quoque præ-
 sidium, nullus vsus, sine dentibus cum labore
 præmolendus cibus, & nisi dissimulas, cogi-
 tandum eò tibi iter instare vbi nil editur, at-
 que vbi solo gaudio cibisque animæ viuatur.

De agritudine tibiærum.

Dialogus. x c v.

DOLOR.

Tibiærum vexor agritudine. R A In omni
 ædificio pericolosissimum est illud vi-
 tium quod fundamentis insidet. Cætera
 enim vtcunque corrigas, hoc ruinam trahit,
 qua instante quid est reliquum nisi vtquam-
 primum, è fatifcenti migretur hospitio: D O.
 Tibiærum agritudine sum affectus. R A. Hu-
 ius agritudinis vt multarū causa ferè omnis
 non aliunde quàm ex vobis ipsis est. Iure
 igitur in vos ex vobis orta reflectitur, obliti

enim illud consilium Sapientis: palpebræ tuę præcedant gressus tuos: & illud alterius primum argumentum compositę mētis existimo posse consistere & secum morari, neque consistere potestis, neque gressus vestros attendere, sed vt cæci præcipientes hac illac palpitando discurretis. Quid miri igitur si nunc ad lapidem, nunc ad lignum offenditis, illud planē mirabile est quòd culpas vestras infanti tribuitis naturæ, quinetiam voluptas mira dementiæ equorum vos frementium turbis ingeritis, vnde sæpe ferratorū calcium vestigia reportatis. Nonne tibi videtur quod apud Ciceronem, vni dicitur penè omnibus conuenire? Hæc mala, inquit, stultissime tota ipse tibi addidisti. Sic est hercle: nolite vos fallere, mala vestra magna ex parte vobis ipsi facitis quę postea deploretis. Tu si domi perstitisses, hoc est tecū, neq; hanc forsan ægritudinem, neque harum querelarū materiam inuenisses. Vaga vita & instabilis, quòd variis afficiatur incommodis non iniustum est. D. O. Tibiæ doloribus agitor. R A T. Si tu causam doloribus præbuidisti, gaude culpam plecti, si minus exortem culpæ animum solare. Et si doles molestiam abesse, at abesse culpam gaude. Vtunque se res habeat dolorum cuspidi patientiæ clypeum oppone perpetuum in omni anxietate documentum, quo nulla vnquam

vnquam medicina salubrior reperitur. D O L.
 Tibiæ doloribus prægrauatus sum. R A. Con-
 sulent medici vt iaceas, nec te de lecto mo-
 ueas, haud ineptè illi quidè vt post damnum
 facias quod ante debueras. Ego autem de
 illorum consiliis nil amplius dicā, sed tu ipse
 quāti ea sint precij tuo disces impēdio. Idem
 tamen consulam quod medici, sed respectu
 alio. Illi enim te iacentem fomentis adhibi-
 tis instaurari posse facilius opinantur, dum
 ad locum dolentem nec spiritus adeò con-
 fluunt nec humores vt stanti confluerent aut
 eunti. Ego te in tuo lectulo cōpositum quic-
 quid de salute corporea euenturum sit, sepo-
 sitis intereā curis omnibus tranquillo tanti-
 sper accubitu mitigatis angoribus de sepul-
 chro aliquid cogitare, qualiter ve ibi sis iaci-
 turus, & præsentis status tui cōditionem me-
 tiri velim, mortēmq; ipsam antequā veniat
 tam familiarem tibi efficere, vt non horreas
 venientem. Mors enim sola est quæ possit
 mortale corpusculum ab omni ægritudine
 liberare.

De cecitate. Dialogus. X C V I.

DOLOR.

O Culos perdidi. R A T. O quot simul vitæ
 fastidia perdidisti, quot fœda spectacu-
 lorum ludibria non videbis. D O. Amisi ocu-
 los. R A. Frontis fortasse non pectoris. Hi si

superant, bene habet, salua res est. D O. Cæcus sum. R A T. Non videbis solem amplius, sed vidisti & qualis sit animo tenes, aut si non vidisti, vt in partes fors durior, sic desiderium lentius ignotæ rei D O L. Oculis careo. R A. Cælum terramque non aspicias, sed cœli terræque dominum spectandi facultas non eripitur: multum illa clarior est visio. D O L. Cæcitate perpetua damnatus sum. R A. Non videbis amodo frondosas valles, aëreos montes, floreat cespites, vmbrosos specus, lucidos fontes, vaga flumina, prata virentia, quodque pulcherrimum visu dicunt humani oris effigiem: sed nec cœni cūmulos, nec vndantes cloacas, nec laniata cadauera, & quicquid aspectu fædo stomachum lædit. D O L. Oculorum luce priuatus sum. R A. Vt malo huic nihil aliud boni insit quàm quod hos ludos enormium penitusque deformium habituum non spectabis, optanda cæcitas, quam & si optabilem fuisse sæpe olim fatear, æquè vnuquam nego, quandoquidem spes fugæ nulla est, quocunque terrarum verteris par insaniæ regnum par virtutis exilium, hoc in statu perdidisse oculos fugæ & solatij genus est. D O. Visum perdididi. R A. Et scæminei vultus aspectum. Gaude igitur, clausæ vnde mors intrabat sunt fenestræ, multisque vitiis obstructum iter: auaritia, gula, luxuria, pestesque
aliæ

aliæ suos ministros ac satellites amifere,
 quantum animæ tuæ hostibus demptum est,
 tantum accreuisse tibi credito. D O L. Perdidisti
 oculos. R A T. Perdidisti duces malos qui in
 precipitium te ducebant. Mirum dictum: sæpe
 quidem lucidissima pars corporis totam ani-
 mam in tenebras trahit, iam vocantem ad
 meliora spiritum sequi incipe, & veritati præbe
 aurem clamanti: Nolite quærere quæ viden-
 tur, sed quæ non videntur: quæ enim videntur
 temporalia sunt, quæ autem non videntur æter-
 na. D O. Luminibus careo. R. Culpis tu careres
 plurimis si his perpetuò caruisses, nunc ventu-
 ris malis occurrat virtus ac cæcitas, præteri-
 ta deleant dolor ac pœnitentia: neu lugeas,
 cæcitatē mentis oculos aperturam, lugendum
 forsitan quod dilata est. D O. Lumen oculo-
 rum perdidisti. R A. Lumen animæ verum ser-
 ua. Solent qui alterum oculorum amiserunt al-
 tero, vt aiunt, acutius videre. Id si ita est, quid
 reat nisi vt duobus perditis duobus aliis acu-
 tissimè videas, & tuum facias illud Tyresia
 cæci vatis, sed famosi: obruit ora deus totam-
 que in pectore lucem detulit. Infœlicem te,
 verèque cæcum & prorsus exoculatū si hanc
 geiam perdidisti, quod vt suspicer tuæ si per-
 gis facient querelæ, perditur nempe flebilius
 quod vnicum est habenti. DOLOR. Oculos
 mei capitis perdidisti. R A T. Purga igitur &

absterge quos non perdas, & externis percun-
tibus ad interna reflectere. Illic mihi crede
non in oculis habitat fœlicitas illa quã quæ-
ritis. D O L. Lumen oculis non video. R A T.
Disce vel in tenebris gaudere. An tibi Anti-
patri philosophi responsum excidit lascivum
fortis, sed proprium? cuius cæcitatem cum
amicæ mulierculæ deplorarent, iocans: nulla
ne, inquit, vobis videtur voluptas esse no-
cturna? Facete ille quidem brevitérq;. Multa
enim sunt & in obscuro gaudia, sicut & in lu-
ce dolor multus. Ego autem tibi honesti so-
lius hortator sum. D O. Amisos oculos que-
ror. R A T. Si vsurus malè, gaudendum potius
prærepta tibi nequitix instrumenta. Sin be-
ne, nec sic quidem est quod doleas, rem de-
coram visu, sed pietati ac sancto proposito
minimè necessariã amisisti. Nō membra, sed
animum quærit; Deus: purum illi totumq; ei
offer quem ubi acceperit, quicquid est reli-
qui acceptum feret, nil sibi retinuit qui ani-
mum dedit. D O L. Corporeos amisi oculos.
R A. Si ad cœlum niteris, consolare cum Di-
dymo, quem cæcum ab infantia, inq; hac cæ-
citate vsq; ad exitum summo virtutum exer-
citio insignem sacer Antonius senem visens
nihil monere debere ait, eo quòd oculos
amisisset communes sibi cum muscis & mu-
ribus & lacertis, sed gaudere quòd oculi cō-
munes

munes illi cum angelis salui essent. Antonianum verè cœlestisq̃ue magistri discipulo dignum verbum. Sin ad liberalium studiorum decus aspiras, Homerũ ac Democritum cõtemplare, quorum alter vt fama est, dum mira illa ac diuina dictaret, oculis non videbat animo linceus. Alter sibi oculos eruit ne videret multa, quæ vt ipse arbitrabatur veri visus aciem impedirent, cuius factum quàm vel laude vel vituperio dignum fuerit, nõ disputo, sed inuenit imitatores. Quod si picturam fortè sculpturamve Apellis aut Phidiæ artem tibi mente delegeras, amisisse te aliquid non negem, nisi hoc ipsum lucrum est ab incepto humili retractum cogi altius. DO. Cæcitate inops & inutilis sum. R A R. Quid te ipsum cæce deseris? Nam Tiresias de quo supra diximus, cæcus visu vaticinio clarus fuit. Num Diodorus Stoicus, sed familiaritate Ciceronis quã secta notior sua visum perditum auditus solatio leniebat, eum ei, vt Cicero idem ait, libri noctes & dies legerentur quibus in studiis oculis non egebat? Hic & philosophiæ simul & fidibus, quodque sine oculis fieri posse vix crederes, geometricis quoq; descriptionibus operam dabat, & alienis manibus lineas protrahi iubens suo de illis ingenio differebat. Caius Drusus absque oculis, sed iuris ciuilis notitia tâta fuit vt do-

mus.cius consultorum frequentia quotidie
repleretur; & videbant illi qua iretur ad fo-
rum rectius, qua iretur ad causæ victoriam
non videbant, atque ideo cæci ducis patroci-
nium implorabant, Sed clarissimus omnium
quos famosos cæcitas habuit Appius Clau-
dius, & re cæcus & nominē, qui cæcitate
pressus ac senio, non priuatis modò consiliis
à populo noscebatur quisquis in iure vel in
facto scrupulus incidisset sed auctoritate ac
sentētia senarum regebat vniuersamq; rem-
publicam gubernabat. Tu cōfestim vno de-
stitutus sensu, reliquos omnes atq; insuper-
mentem ipsam abiicis haud aliter quàm qui
vnius damni levis impatientia & vitam & vi-
tæ instrumenta proiiciunt desperatione præ-
cipiti. DOLOR. Cæcus sum nec quo pergam
video. R. ▲. At dux tuus videt, siue is est ani-
mus, siue vnus aliquis ex more. cæci gressum
dirigens, cuius ductu non modo rectum iter
inuenias, sed ad contemptum vitæ nobilem
& præclaræ virtutis actus vltimos ad fastidia
summa peruenias, neq; nisi vis animi desue-
rit generosum facinus, lux amissa præpediet.
Meministi quid sacris Sanson in literis, quid
ciuili bello apud Lucanū Massiliæ Tyrrhe-
nus agat in equore, de quo quidem si poëti-
cæ tubæ minus est fidei, illud certius atq; re-
cētius recordare, quod ætate gestum tua vi-
dere.

adere oculis potuisti: ut Ioānes rex Bohemus
 duorum sine medio Romanorū principum
 alterius filius, alterius pater oculis semper
 iuſſimus, multos ad extremum annos cecus,
 bello hoc quod inter Gallum cui ille fuit ac
 Britānum regem sex iam lustris agitur, dum
 pugna illa omnium asperissima, cui ambo re-
 ges intererant inclinare fortunam suae partis
 intelligeret, duces suos clara voce compel-
 lās: Dirigite me, inquit, ocius in eam partem
 ubi rex hostium est atque omne robur exer-
 citus sui, quod cum mæsti ac trepidi fecis-
 sent, ille equo stimulis adactō eo si præcipi-
 tem dedit, quo spectare alij cæcūque ocu-
 lis prosequi vix audebant, ubi cū fortissima
 hostiū in acie non fortiter modō, sed horri-
 cè pugnans ruit, ipsis mirantibus & laudanti-
 bus qui vincebant. Rem narro notam omni-
 bus, sed nisi mandata sit literis, obliuione pe-
 rituram. Et quid oro glorię viri fortis obfuit
 visu caruisse, nisi ut quę virtus & natura mi-
 rabilem fecerant, stupendum cæcitas face-
 ret? D O L O R. Cæcus sum. R A T I O. Iocari
 incipiam ni desistas queri: nam quid aliud si
 vires attulisse tibi cecitas quivit, quā quod
 de seipso cæcus effectus Asclepiades ait, vno
 scilicet ut puero comitator gradiare?

DOLOR.

Perdidi auditum. **RAT.** Iter ecce aliud tædio præclusum est. Multa oculis, multa auribus hauriuntur tædia, multa utroque calle fastidia in animum penetrant, quibus euitandis ex æquo penè optabiles videantur cæcitas surditatq; habent tamen hæ suas incommoditates ut reliqua ferè cuncta mortalium amarumque aliquid non nego, sed patientia mollius ac virtuti impar. Vbi quænam sit hæ inter proportio incommodorum haud facile dixerim, nisi quòd illa periculosior, ista ridiculiosior: nam quodammodo amentes videri solent qui surdastri sunt: cæci verò magis miseri iudicantur. Itaq; surdos risu, cæcos miseratione prosequimur: sapiens utrumque contemnit, nec quid aliis videatur æstimat, sed quid sit. **DOL.** Auditum perdidi. **RA.** Adulantium iam susurros atq; obtrectantium iurgia euasisti, diuersimodum, sed par malum nisi quòd aliquanto virilius est iurgiis quàm blanditiis adhibere aures. Illis nanq; medicamentum aliquando, his venenū inest semper. Illud ergo sæpe mordendo sanat, hoc mulcendo inquinat, atque ita peior est falsus amor vero odio. **DOL.** Amisi auditum. **RA.** Iam quod ars Vlyxi præstitisse fertur, tibi vel natura præstitit vel casus aliquis, ut si Sirenum

num cantus surdus tutus aure pertrāseas, felicem te si æstimas quot inde pericula penetrare in animum potuissent, quótq; olim inde mēdacía, quot errores, quot demum molestiæ subiere? D. Auditum amisi, R. A. Philomenam credo, vel citharam tibiásque non audies, sed nec rudentes itidem asellos, nec grunientes fues, nec vlulantes lupos, nec latrantes canes, nec sæuientes vrsos, nec rugientes audies leones, nec gementes pueros, nec altercātes auiculas, nec postremò his omnibus grauiores vndique personantes stultorū risus ineptissimos & incōditos fletus & confusas voces, quo nullus vsquam sonus inamœnior. D. Auditu careo. R. Multiplicibus ereptus es fraudibus. Nulla re crebrius fallūtur homines quàm verbis: nihil hinc periculi est surdo. D. L. Obtorquere aures mihi. R. A. T. I. O. Periculosa pars corporis, præcipuèq; principibus qui per illā adulatorum flatibus tumefacti sæpe cum populi lorum risu suaq; perniciē crepuere. D. L. Auditus hebet. R. A. Si cum aliis loqui prohibitum est, tecum loquere, Ciceroniani memor illius: qui secum loqui potest, sermonum alterius non requireret quauis & colloqui surdo quoque permissum legēdo scilicet scribendq;, cum antiquis nempe loquitur qui legit, & cum posteris, qui scribit, ad hæc cœlestis phi

loſophiæ libros & qui legit Deum audit, & qui orat alloquitur. In hoc quidem gemino colloquio nec lingua nec auribus opus eſt, ſed oculis digitisq; ac deuoto animo. Et hîc igitur vt in multis noſtris conſilium Ciceronis amplectemur, vt ſicut cæcus auriũ, ſic ſe ſurdus oculorum ſubſidio cõſoletur. Tu proinde ſi audire homines nō potes, ſcriptos ab hominibus libros lege, & legendos ab hominibus libros ſcribe. Cœlum præterea ac terras & maria reſpice, horũmq; omnium auctorem in ſilentio contemplare. Nil ad hoc ſurditas iſta nocuerit, multum fortasſe proſuerit. D. Auditus me deſtituit. R. Quibus tonis aut numeris diapente conſtet aut diapafon, quibũſve proportionibus aliæ quæ tractantur à muſicis noſſe vel ſurdus poteſt. Et quãuis humanæ vocis fidiũmq; vel organi modos auribus non audiat, ſi tamen cauſas animo tenet, delectationẽ intellectus haud dubiè præfert aurium voluptati. Finge autem & hoſipſos muſicos numeros ſurdo ignotos, modò virtutis numeri noti ſint, ſeq; in illis exerceat bene eſt, nil hic quoq; ſurditas nocet. Melius enim multo eſt bonũ fieri, quàm doctum: & ſi abundè doctus ac ſapiens ſit quiſquis abũdè bonus eſt, at qui malus idem & inſipiens & indoctus omnium licet quæ ſub cœlo ſunt eruditiffimus literarum. D. L.

Auditus

Auditus elanguit. R. Bene quòd hoc tibi non prius accidit quàm fidem quæ auditu maxime constat acciperes illam habēs. Quid queris, seu quid queris? Si hominum cantus aut volucrum non percipis, cantibus cor intēde cœlestibus, internamq; aurem Deo applica. D. Non audio. R. At cogita & dic tibi: si non audio, quid seu ad me seu de me homines loquantur, audiam quid loquatur in me dominus Deus. Illi enim sæpe bellum, hic loquitur pacem semper. D. Nil penitus audio. R. A. Multi silentium appetentes, longis peregrinationibus fatigati sunt, ut aliquibus abditis & semotis in locis quòd cuperent, inuenirēt? tu quod ab aliis operosè quaeritur, ubi libet tecum habes, discē iam bono tuo uti, & trāsacti memor strepitus veterumque tumultuum tandem incipe silentio delectari.

De tædio vite. Dialog. xcviij.

DOLOR.

Vitæ me tædium ingens tenet. R. A. Ex præmissis ortum malum, quo nescio an vix aliud periculosius, quippe molestissimū per se desperationi quonque contiguum atq; ad illam via est, pro quo nominatim institutum est vestris in tēplis auxilium Implorare feliciū animarū, quæ terrenis tædiis vinculisq; corporeis resolutæ cœlestib; perfruuntur

gaudiis ac serenitate mentis æterna. DOL.
Multa me vndiq; vitæ tædia circumdant. R.
Propellēda tædia cogitationibus letis ac spe
bona & amicorū solatio, & librorum, & de-
lectationum honestarū alterna varietate at-
que exercitiis iucundis, & inertię fuga, sed
imprimis patientia rerum & longanimitate
inuiſta, neq; vel præſentium odio vel futuri
deſiderio nec metu deniq; nec ſpe vlla anti-
cipādus vitæ finis, quod ſtulti quidam ac mi-
ſeri fecerunt, qui dum paupertatem vitæque
tædia ac labores temporales fugiunt, in æter-
nos incidunt. Sine Ciceronē noſtrum loqui
mortem Catonis huius vltimi ſuis in libris
officiālibus excuſantē. Sine loqui Senecam,
& hanc ipſam miris laudibus celebrantem,
& multis in locis diſputantem certis ex cau-
ſis arceſſendam manu mortem, verior altera
multoq; melior Ciceroniana ſententia, qua
& tibi & pijs omnibus retinendus eſt anim⁹
in cuſtodia corporis, nec iniuſſu eius à quo
ille vobis eſt datus ex hominū vita migran-
dum, ne ſcilicet aſſignatum munus diffugiſ-
ſe videamini? quin & illud è cœlo tibi etiam
dictum crede, niſi Deus is cuius eſt templum
hoc omne quod conſpicias, iſtis te corporis
cuſtodiis liberauerit, huc tibi aditur patere
non poteſt: & ad ſummam caue ne aut vllō
vnquam vitæ tædio ita mortem cogites, vt
occupare

occupare illam tibi licitum putes, aut villo gaudio ita non cogites, vt incautum illa animum improuisa deliciat.

De gravitate corporis. Dialog. XCXI.

DOLOR.

Grauis sum corpore. R. A. Quæri posses si vt volucris ad volatum, non vt vir ad virtutem natus esses. D. L. Graue corpus & inhabile est, R. A. Hanc querelam Roscio dimitte atque Aesopo: tu si vel per arctum circulum flecti, vel per funem aëreum labi nequis, quid ad rem? ito cum vitis bonis gressu sobrio, gestus ac saltus histrionū sunt: Sapientem vt in actibus, vtq; in verbis, sic in incessu gravitas decet atq; modestia. D. L. Graui corpore sum. R. A. Hæc grauedo vna comitū senectutis esse solet, ne qui illā amiserit, hanc excludat, quandois interdum non ætatis, sed naturæ comes inueniatur: vnde fit vt & iuuenes graues & seniculos agiles videamus. Cæterum & si graui sub corpore sæpe animus levis, & sub leui grauis habiter, corporis tamen atque animi proportio quædam paritasque si obuenerit, haud spernenda est. D. L. Moles corporis ingens est. R. Non minor quāuis inuisibilis animi moles & constantia, hanc illi obiice, nihil graue erit. D. L. Mole corporea demergor. R. A. Agilitate

gaudiis ac serenitate mentis æterna. DOL.
 Multa me vndiq; vitæ tædia circundant. R.
 Propellēda tædia cogitationibus letis ac spe
 bona & amicorū solatio, & librorum, & de-
 lectationum honestarū alterna varietate at-
 que exercitiis iucundis, & inertię fuga, sed
 imprimis patientia rerum & longanimitate
 inuicta, neq; vel præsentium odio vel futuri
 desiderio nec metu deniq; nec spe vlla anti-
 cipādus vitæ finis, quod stulti quidam ac mi-
 seri fecerunt, qui dum paupertatem vitæque
 tædia ac labores temporales fugiunt, in eter-
 nos incidunt. Sine Ciceronē nostrum loqui
 mortem Catonis huius vltimi suis in libris
 officialibus excusantē. Sine loqui Senecam,
 & hanc ipsam miris laudibus celebrantem,
 & multis in locis disputantem certis ex cau-
 sis arcessendam manu mortem, verior altera
 multoq; melior Ciceroniana sententia, qua
 & tibi & piis omnibus retinendus est anim⁹
 in custodia corporis, nec iniussu eius à quo
 ille vobis est dat⁹ ex hominū vita migran-
 dum, ne scilicet assignatum munus diffugif-
 se videamini? quin & illud è cœlo tibi etiam
 dictum crede, nisi Deus is cuius est templum
 hoc omne quod conspicias, istis te corporis
 custodiis liberauerit, huc tibi aditur patere
 non potest: & ad summam caue ne aut vllō
 vnquam vitæ tædio ita mortem cogites, vt
 occupare

occupare illam tibi licitum putes, aut villo gaudio ita non cogites, vt incautum illa animum improuisa deliciat.

Degrauitate corporis. Dialog. XCXI.

DOLOR.

Grauis sum corpore. R A. Quæri posses si vt volucris ad volatum, non vt vir ad virtutem natus esses. D O L. Graue corpus & inhabile est, R A. Hanc querelam Roscio dimitte atque Aescopo: tu si vel per arctum circulum flecti, vel per funem aëreum labi nequis, quid ad rem? ito cum vitis bonis gressu sobrio, gestus ac saltus histrionū sunt: Sapientem vt in actibus, vtq; in verbis, sic in incessu grauitas decet atq; modestia. D O L. Graui corpore sum. R A. Hæc grauedo vna comitū senectutis esse solet, ne qui illā amiserit, hanc excludat, quanuis interdum non ætatis, sed naturæ comes inueniatur: vnde fit vt & iuuenes graues & seniculos agiles videamus. Cæterum & si graui sub corpore sæpe animus leuis, & sub leui grauis habitet, corporis tamen atque animi proportio quædam paritasque si obuenerit, haud spernenda est. D O. Moles corporis ingens est. R. Non minor quāuis inuisibilis animi moles & constantia, hanc illi obiice, nihil graue erit. D. Mole corporea demergor. R A. Agilitate

mentis emerge, & illam extenuare ac discutere laborando stude, circumeundo res multas & difficiles agendo, exercitio mentis & corporis, exilio voluptatum, pelle otia, arcesse negotia, sperne libidines, odi inertiam, curas ama, molliciem abiice, sectare duritiem, asperis delectare, cibo, potu, accubitu, sessione, intentione perpetua, somno breui ac sollicito. Mole corporea laboro. R. Alius contrario, alius alio laborat. Nullius sine labore vita agitur, sed quisquis suum nouit, alienum vel despicit vel ignorat. D. Multum corporeæ molis excreuit. R. A. Si hominis nomen, quod mortale est animal, ab humo dicitur, sic maximè homo erit multa humo oblitus, non potest tamen sic cœlestem naturam terrestris obruere quin & assurgat, nisi se surdā virtuti & malè suadenti credulam præbeat voluptati. D. Graue corpus animam premit. R. Ipsum collige animum & enormem sarcinam magno nisu perfer, ac cogita sæpe cœlestia ingenia ex hoc fasce corporeæ molis erumpere, & miram ad altitudinē peruenire. D. Corporis onere prægrauor. R. Et si uinci nequeat natura, omni tamen studio epitere ut indies & viribus tuis accedat aliquid & sarcinæ detrahatur.

AT graui duroq; sum ingenio. R. Graue-
do molestior, sed hec quoq; minuitur si
diligēter intēderis. R. At pigro obtusoq; sum
ingenio. R. Quid tu igitur huic morbo indi-
gnatione an lamētis succurrendū putas? Lon-
gè alio remedio res eget, non est indulgen-
dū somno, non libidini, non cibo, nō vino,
non inanibus fabulis, nō captandę excusatio-
num causę, & reflexa in naturam culpa iner-
tię succumbendū, sed vigilandum, cogitan-
dum, suspirandum, anhelandum, enitēdum,
assurgendum, incitanda vis animi, excutien-
dus torpor, propellenda segnities, abstinē-
dum voluptatibus, incumbendum studiis.
Nil tam graue quod non leuet, nil tam durū
quod non leniat, nil tam obtusum quod nō
acuat, nil tam pigrum quod non vrgeat, nil
deniq; tam defossum tamq; obstrusū quod
non eruat, tam sopitum quod non excitet in-
tentio. D O L. Ingenio tardo sum. R A. Qui
velocitatē ingenii laudē dicunt, tarditate di-
cturos infamiā certē scio. Malim tamē inge-
nium tardum ac modestum. quàm velox &
præruptum: nam vt indē non insignis glorię
nec spes operum magnorum, ita hinc erro-
rum grauium & turpis ignominie metus est

tolerabilius autem multo est fieri inglori-
 um quàm infamem. Do. Ingenio segni sum.
 R A. Quod equis segnibus fieri solet, stimu-
 los adhibe, non hinc tibi corporis excusatio,
 sed laboris occasio data est. Sunt qui statim
 quod non vltro prouenerit deferendum pu-
 tent, at tu preme, iusta, contède. Generosum
 ani um difficultas erigit, alit labor: illic ma-
 ximè nititur, idque pluris æstimat vbi resistē-
 tiæ plus inuenerit. Factū studio ingeniosum
 Socratem legis, disertumq; Demosthenē, &
 quam multis idem accidit: singulare quidem
 nomen pauci occupāt: rarior est fama, quàm
 meritum. Do L. Ingenio hebes sum. R A.
 Non tibi profectus ideo spes erecta, sed indu-
 striæ inuenta necessitas. Gloriosius autē tāto
 est studio prouehi quàm natura, quāto satius
 proposito boni aliquid agere quàm casu D.
 Ingenio tardo prorsus & inualidorum. R A.
 Si literis uon potes at virtuti stude. Nemo
 non ad illam satis ingeniosus vbi non acumē
 quæritur, sed voluntas, ad quam quidam lite-
 ras nil prodesse, alij obesse etiā opinati sunt:
 ideòq; desertis studiis in solitudines abiere,
 & eximiae illis scientiæ loco fuit ignorantia
 literarum, de quorum iudicio pronunciare
 difficile est. Id de quo constat, extremum ac-
 cipe. Nemo te fallat, nec te vulgi stupor, nec
 stultorum voces moueant: maius rutiúsque est

virtute quàm litetis clarum fieri. Itaque semper illud optabile, sepe istud formidabile res ostendit. Quod si ad virtutem animi literarū lux accesserit, tum demum consumatū quidam atque perfectum est, ea quidem si qua in rebus humanis potest esse perfectio.

De inopi & infirma memoria. Dialogus c. I.

DOLOR.

Sed memoria inopi & infirma sum. R. Est hæc alia senectutis infamia haud verior quam reliquæ, sed ut vera sit, huic quoque studij ope subuenias. DOLOR. Memoria labascit. R. A. Adesto ne corruat & labentem iugi exercitatione sustenta, Fac quod muro ruinam minanti fieri solet, adhibe repagula oportunis locis, & fragilem crebris ac validis adminiculis circumualla. DOLOR. Memoria fluxa est. R. A. Diligentia & artificio illam stringe, cunctis ingenij memoriæq; defectibus occurrit industria. Nil patitur industrie perire, nil minui. Hæc est quæ philosophos & poëtas senes virentissimo ingenio ac stilo, hæc est quæ decrepitos oratores voce solida validisque lateribus ac tenaci memoria seruare potest. Quod nisi sic esset, nūquā Solon & quotidie discens aliquid senesceret, & supremum agens spiritum ad colloquium assidentium amicorum, ex ipsa iam quasi

morte confurgeret: non Chryppus acutissi-
 mum illud ac profundissimum volumē cœ-
 ptum iuuenis in extrema perficeret senectute:
 non Homerus illa ætate diuinum & cœ-
 leste opus excuderet: non Simonides octua-
 gesimo vitæ anno in Pieriū illud certamē iu-
 uenili feruore animi, senili autem maturita-
 te descenderet: non quarto & nonagesimo
 Isocrates ardens illud opus ac mirabile, &
 prope centesimum Sophocles tragici sum-
 mum stili decus suam compleret Edipoden:
 non octogenario maior Cato nulla mutatio-
 ne vocis aut laterum, nullo memoriæ lapsu,
 vel in graui seipsum accusatione defēderet,
 vel clarissimos oratores vltro ipse ad iudiciū
 euocaret. D. Infida memoria est. R. Noli er-
 go illi fidere, sæpe calculum secū pone, quic-
 quid credideris confestim exige, & quod e-
 ras factururus fueras nunc facito. Non est tuta
 dilatio, sic ex malis si quid boni potes, elice.
 Fides socij desidiā parit, diligentiam per-
 fidia. D. Memoria penè nulla sum. R. A. Ea est
 rerum conditio humanarum, vt qui paucio-
 ra meminerit, minor illi fletuum causa sit,
 vbi nec emendatio, nec pœnitentia utilis lo-
 cum habet, quid superest aliud quàm obliuio-
 nis auxilium?

ELoquiū deest. R. A. Altero quærendi odij. instrumento cares, naturæ beneficium agnosce, quæ vt magnū tibi in ancipites reos, sic in te non parū fortunæ ius eripuit multū propter eloquentiam periere: si hinc dubitas, vtriusque eloquij principes interroga: nam minorū ob hanc causam passim pereūtium plena sunt omnia. In quibus idem ipse periculo qui excellētiæ est propior ac notior fama. Sunt quibus obscurum nomen propugnaculum est salutis. Finge autem abesse periculū disertis, nunquam abest labor. Nihil est in rebus tam inane, pro quo tanti labores tantæque vigiliæ vltro suscipiātur, flatus volatilis sic exercet animū, solida quasi virt⁹ in verbis sit. D. Eloquētiæ nihilest mihi. R. Fortasse multū securitatis, quod non esset si eloquentiæ multum esset, multorum quoq; in quibus, & tuta forsitan vt vita, sic & tutior fama erit. D. Nihil est eloquentiæ. R. A. T. O. Cura vt sapientiæ sit aliquid, vt innocentia, vt virtutis. Illa enim paucorum, hæc sunt omnium. Non te insignis poëtarum, non te maior oratorū caritas trahat: immo verò vide vt subitò dictum mutem, si te raritas allicit, hoc age, hac ad illam itur via. Indignum

vel ingini: quod sic cum multis refugis, at
 cū paucis & cum vno loquere, vt clariore fa-
 tear cōciones, dulciora eloquia nō negabis:
 si ne id ipsum potes, ad te redi tecum loque-
 re, quod iam supra monui tuūq; domesticū
 collocutorē excita: semper ille quidē præstō
 est, non insidiatur, nō irridet, non inuidet, nō
 fastidit, nō exactam atque laboriosam querit
 eloquentiā, confabulationibus gaudet fami-
 liaribus interruptisque sermunculis, quin &
 multa sæpè loquenti silētio acquiescit. Disce
 tu illo teste contentus esse, qui non qualiter
 sed quid dicas, seu potius quid dicere velis
 attendit. Disce tibi theatrū honestissimū me-
 dio pectoris extruere. Disce non hominum,
 sed veritatis applausum oprare, & aliquando
 sine strepitu gaudere, contemnātq; modestia
 quā perfecta nonnumquā extinguit eloquē-
 tia. Disce deniq; non ad pōpam viuere, nō ad
 pompam loqui, quo vix maius malū vita ho-
 minum habet. DOLOR. Blefi oris sum. A-
 TIO. Fles ne aliquid tibi commune cum
 Moyse tali viro & tam dei amico? Atqui seu
 antiqua repetis seu moderna circumspicis,
 vt multi occurrent blefi viri optimi, multi-
 que disertissimi scelerati, sic perrari quibus
 vtrumque contigerit singularis eloquentia &
 excellens virtus,

*De amissione lingua & loquela.**Dialogus CIII.*

DOLOR.

Quid quòd linguam ac loquelam perdidisti? **R. A.** Quid si securitatem & requiẽ inuenisti? Quam multos manu innoxios lingua pessundedit? Est voluptas stulta quidem sed communis volentium videri fecisse quæ nec faciunt nec possunt. Mètierus est qui Israëliticum regem filiũque eius occidisse se dixit, & facti innocens mendacij pœnam luit vt periculum cesset: quantus est labor, loqui, respondere, fabulari, fingere, comere verba: sententias librare, cogitare quid & qualiter dicas, quàmque suauiter aërem verberes: ita enim vocem ipsam diffiniunt, qualiter quoque non linguam modò sed reliquũ corpus moueas: nam & huc se porrigit pars vna ratoricæ, qualiter meditabundus humi frontem defigas, quam quorsum ve manum porrigas, quo terram ferias pede, an non satis hæc operosa concinnitas, & prærepta penè musicis opera vt dulciter sonos angis, an non vere loqui labor & silentium quies? **D. L. O.** Nullatenus loqui possum. **R. A. T. I. O.** Quæ deficiente eloquentia dicebam, multa dignius perdita repetuntur lingua. Quando igitur loqui nequis, tace, & quod necessi-

tas iubet, volens facito. Quod ipsi qui loqui possunt sæpe vtilius facerēt, sæpe dolent non fecisse. Tace inquam neu te damnum pati putes, tacēs cogita & quiescens tecum loquere, quæ meliora esse quàm perorare, ne disertique quidem negent. D O L. Mutus factus sum. R A T. Si muti fuissent Cicero & Demosthenes diutius vixissent & leuius obiiissent, D O L. Linguae vsum omnem perdidi. R A. Et mentiendi consuetudinem & fallendi artes & inimicitiarum quærendæque infamiæ instrumentum: plures enim lingua sunt quàm factis infames. Nulla pars corporis ad nocendum promptior, ad frænandum difficilior. Merito ergo quasi magnum aliquid ac rarum protulit ille qui dixit: custodiam vias mea ne dilinquā in lingua mea. Quod cū sanctus quidam vir qui ad discendum sacras literas accesserat, audiuiſſet, abiisse dicitur, nec amplius audire voluisse. Cūq; post longum tempus præceptor suus illum admirans sciscitaretur quid tandiu absens cœptū opus ommississet, respondisse dicitur, quod primū illud ei verbum sat superque negocij attulisset, nec dum illud vnum omni studio posset implere. Hanc tibi custodiā & hoc frænū seu à natura quidem seu à fortuna oblatū ne cōtempseris libensque teregnendū præbe, neve contra tuā sortem calcitres. D O L. Linguam

amisi. RATIO. Nunc maximè quod sapiens iubet, omni custodia serua cor tuum, è duobus custodiis ad vnam redactus, & dimidia laboris parte liberatus facilius pauca custodies & preciosa vigilantius, DOLO. Linguam perdidisti. RATIO. In quibusdam paucis nobile & argutum membrum, in magna autem parte hominum nocens atque pestiferum, & quo multis caruisse sit melius. Sic non solum in seruo verum cernitur, quod Satyricus ait lingua mali pars pessima serui, sed in plerisque etiam liberis quibus nihil peius dedit natura quàm linguam. Bella, doli, adulteria, corruptelæque omnes penè cessarent, nisi lingua malum semen & spargeret & foueret.

DOLO. Linguam perdidisti. RATIO. Si malam, lucratus es plurimum. Magnæ enim diuitiæ sunt, esse inopem malorum. Hæc qui non habet diues nascitur, at qui perdit, diues fit, & nouo auctus censu perdendo inuenit quod inuenièdo perdiderat. Quod si bonam perdidisti, dico iterum, cor conserua: amifisti quidem quo placeres hominibus, serua quo placeas deo: cui si lingua non potes, corde loquere. Si enim de malis scriptum est, Labia dolosa in corde, & corde lucuti sunt: cur non piorum in corde pia labia esse, & ipsi corde etiam loqui possunt vbi sint aures dei? Verum quod alibi scribit idem; non est oc

cultatum os meum à te quod fecisti in occulto. Nulla enim secretissimarum quoque cogitationum abscondita est deo, nec tacitos minus quàm clamantes audit: immo non est apud illum clamor altior vehementiorque quàm cordis clamor, ille silentio delectatur. Hunc clamorem cōpressis labiis promebat ille gregis primùm, postmodū populi pastor famosissimus, qui audire meruit vocem dei dicentis sibi, quid clamas ad me? Non loquebatur & clamabat, immo quidem loquebatur, sed corde. Sicut autem qui deum audit surdus non est, sic quem deus audit non est mutus.

De virtutis inopia. Dialogus CIIII.

DOLOR.

AT. virtutis inops sum. **R**A. Verum damnum, iustus dolor, nisi quòd aliæ omnes inopiæ naturales aut fortuitæ ac violentæ esse possunt: hæc vna proculdubio volūtaria est. Cæteræ nanque vel in corpore, vel in ingenio memoriæque vel eloquio, seu externis in rebus sunt, quæ quidem omnia, non qualia exoptantur, obveniunt, sed qualia cuiusque fors tulerit, hæc vna autē in voluntate consistit, quam pro arbitrio sibi quisque moderatur atque efficit. Neque verò alia potest esse homini bona volūtas, nisi quam vult is cuius illa est, qua & hoc ipsum vult & quæcunque

vult alia: alioquin si vt virium vtque ingenij
sive eloquij siue opum defectus inuito acci-
dit sic accideret voluntatis, nec præmio di-
gna virtus nec supplicio digna esset iniqui-
tas: nunc autem non voluntas vobis hæc aut
illa, sed huius atque illius electio ac liber-
tas nascentibus data est, quæ in bonum flexa
bonos facit, in aduersum malos, vt licet hæc
vt libet, & si vt libet bene vti libeat, haud du-
biè dei donum, vt malè autem, peruersitas sit
volentis illud penitus non licet, vt non & vo-
luntas bona virtutis & mala vitij radix sit,
atque ita virtutis inopiam non patitur nisi
qui vult, quoniam prima & maxima pars vir-
tutis est velle. D O L O R. Quid quòd virtu-
tem volo nec assequor? R A T. Multi se id pu-
tant velle quòd nolunt, id nolle quòd vo-
lunt, sic quisque se fallit, seque boni auidum,
non modò aliis, sed sibi etiam persuadere ni-
titur, nec cuiquam facilius persuadet quàm
delectabilis vera virtus, falsa virtutis opinio
sic, delectat vt populum & amicos fallere
& falsi insuper dulce sit. D O L. Scio me velle
ne c posse ideo bonum fieri. R A T. Vt sit ita,
velle non sufficit; desiderio opus est, eoque
non modico sed vehementi. Vos autem ma-
la vestra feruentissimè cupitis, bona vultis
repidissimè, vnde fit, vt diuites multi sint, bo-
ni autem paucissimi. Nam quid miri est si ci-
tius

tius ad optatū ardens intentio quàm voluntas lenta prouehitur? D O L O. Vellem bonus esse si possem. R A. Stude, nam poteris, & si bona fide vis esse, iam incipe, sed segnitie vita. Si enim minima rerum non habentur gratis, quid de virtute speres, qua nil in rebus hominum maius est, nil altius? Non tu illam quasi diuerticulum curarum, sed vt rectum atque vnicum iter ad fœlicitatem cogitâ. Vt ca illi & insiste summo nisu, totôque animi pondere, neque verò temporis particulam, vt iucundo cuidam exercitio, sed vt ordinario vitæ officio, quod te beatum & nullius egen-tem rei faciet: vniuersum tempus, omne studium impende, quod rebus sæpe vilissimis impendisti, & ad memoriam refer illud sanum magisque efficax quàm comptum verbum Marci Varronis ex Satyrarum eius libro: si quantum operæ sumpsisti, inquit, vt tuus pistor bonum faceret panem, eius duodecimam philosophiæ dedisses, ipse bonus iam pridem esses factus, quod sic accipias velim, non vt terreæ philosophiæ quæ ex frequentatis actibus habitū spōdet, cuius quantitas sit promissi fides experti sciunt, sed cœlesti sapientiæ sospitatrici optimæ, suisque consiliis atq; auxiliis te virtutis, quæ ve per hanc quæritur salutis debitorem statuas, sentiâsque pia confessione, grato animo quôdque est

scriptum: nemo potest esse continēs nisi deus det, & hoc ipsum erat sapientiæ scire cuius esset hoc donum, tibi nominatim dictū credas atque ad omnem virtutem intelligas referendum. DOL. Valde quidem esse cupio nec sum bonus. R. A. An valde cupias res docebit. Intensæ voluntatis indicium perseverantia est. Siue autem gratuitum dei donum virtus, & profectò eam largitor ille sydereus nisi constanter optantibus instantèrque precantibus vix tribuit: siue tanta in re vllæ sunt partes ingenij humani, & cum intenttione feruida res egeat, tum & cōtinua eget & diuturna: nam quod studio quæritur repēte non prouenit, sed quocunque te verteris perseveranti opus est animo. Omissis ergo neglectisque omnibus hīc incumbe, idque fiet alacrius si memineris semperque descriptum antè oculos habueris, ad hoc vnum atq; ad nihil aliud te venisse in hanc terrenam habitationem; & hoc à te vnum exigī, vt virtutum gradibus cœlum petas, ita vt quicquid agis aliud vel superuacuum vel damnosum sit.

De auaritia. Dialog. cv.

D O L O R.

Avaritiæ stimulis vrgeor. R. A. Bene ais, stimulis: nam & quærendarum opum cupiditates stimuli quidam, & quæsitæ opes spinæ

spinæ sunt. Ita enim illas vocat qui mentiri nescit: præclaræ verò diuitiæ quæ & quærendæ torqueant & quæsitæ. At si corpusculum si naturam, si vitæ respicias breuitatem, videbis te frustrâ superuacuis curis angî & paucorum egentem multa desiderare. Insuperque dum quærendis inhias, parta non cerne-re, atque ita quodammodo quærenda perdere, quo nihil est stultius. D O L. Multa quærendi vrgeor appetitu. R A. Nec aduertis quòd inter quæredum tempus & vita cui illa quærebantur elabatur. Sic mira perplexitas incidit, dum vita abundare videmini, diuitiis indigetis, dùmque indigentia illa præterit, superuenit altera, & diuitiis abundantes indigetis vita. Non hoc ignorabat ille sapiens vbi loquitur de eo parsimonizante qui dicit: in ueniam requiem mihi & manducabo nunc de bonis meis solus, & nescit quod tempus prætereit & relinquet omnia aliis & morietur. Et idem alibi: qui aceruat iniuste, aliis congregat & in bonis illius alius luxuriabitur: O terribile dictum, sed commune quotidieque se oculis ingerens, nec idcirco proficiens in animis avarorum. Idem rursus: avaro. inquit, nihil est scelestius, & nihil est iniquius quàm amare pecunias. Et vt scias quoniam verò omnia consonant, vt ait Aristoteles, ecce vt ecclesiastico sapienti cõsonat Le-

cularis pucuniæ, inquit Cicero, fugienda cupiditas: nihil est enim tā angusti animi tāmque parui quān amare diuitias.

De inuidia & liuore. Dialogus C V I.

D O L O R.

INuideo. R A. Superior affectus vt bene tibi esset optabat, hic vt malè sit aliis, tanto hic illo & auaritia peior liuor. Bene ergo Sapiens idem de quo modò dicebam: nequā, inquit, est oculis liuidi, insatiabilis oculus cupidi. D O. Inuidia torqueor. R A T. Inuidia Siculi non inuenerè tyranni, maius tormentum, Flaccus ait: idque ad vestros tyrannos pestilenti austro impellente translatum est. D O. Inuidia crucior. R A. Simul & peccas & plecteris expedita iustitia. D O. Fœlicitas vicini mihi parit inuidiam. R A. Credo hercle, nemo vestrum regi Parthorum aut Persarum inuidet, nec illi quidem vobis. fuit quando vicissim inuidebatis, quia vicinitatem faciebat imperij magnitudo. Sed an non satis est propriis malis angī quæ tam multa sunt, nisi & aliena bona vos crucient, vndique miseri & infani? D O L. Vicinis inuideo. R A. Tritus mos, inuidia sippa est, longinqua non videt: vicinitas atque prosperitas inuidiæ sunt parentes. D O. Inuideo alienis bonis. R A. Si es inuidus & pusillanimis sis oportet, omnibus
ex vi

ex vitiis nullum pigrius inuidia, altos in animos non ascendit, nullum quoque miserius, itaque reliqua omnia bonum aliquod licet falsum præsupponūt, hæc solis malis pascitur & torquetur bonis, & quod aliis optat iam sibi habet malum. Alexandri ergo Macedonis dictum placet: inuidos homines nil esse aliud quàm tormenta seu torrores suos proprios: leuis adolescentis verbum graue.

De ira. Dialogus CVIII.

DOLOR.

SEd irascor. **R A T.** Ego aduersis opem polliccor non vitiis, nō fortuita enim illa sed voluntaria sunt & in vestra potestate, quis te igitur cogit irasci? **D O L.** Irascor offensus. **R A.** Is fortasse qui offendisse te arguitur, se offensum absque te queritur: non tantum est offensus, quantum insolentiæ. **D O L.** Ira æstuo. **R A T.** Furis ergo: ira furor brevis est, inquit Flaccus: fit autem à plerisque mala consuetudine & impatientia longus furor. Ennius autem iram initium dixit insanix, cum plerisque nimis illam sequentibus finis & insanix sit & vitæ. Siquidem hæc etiā pestis, vt superior, etsi sæpe alios, semper tamen ante alios possessorem suum torquet & cruciat, vt mirer vnde quibusdam videri potuerit, huic nescio quid melle dulcius in-

esse, habet fortasse ultio dulce aliquid, effectum, inhumanum, ira nihil nisi amarum habet. D O L. Irascor ob iniurias. R A. Vix iracundus unquam adeo quisquam fuit, ut nulla re laceffit irasceret, nisi forte Cælius senator, iracundissimus ille mortalium, qui clienti suo in omnibus sibi consentienti atque omnia confitenti, irascens exclamavit: dic aliquid contra ut simus duo: durum caput qualiter tulisset iniurias qui obsequium non ferebat? D O. Irascor, quia offendor. R A. Hac in parte vulgo plurimum erratur: queruntur causæ, finguntur offensæ, inque his ipsis quæ veræ sunt causæ, iræ modus exceditur. In omnibus peccatis velum aliquod excusationis obtriditur, & est excusatio ipsa peccatum: tu quia non tibi ut deo paretur, irasceris, & tamen deus ipse quotidie verbis ac rebus offenditur nec semper irascitur, vos omne verbum casu elapsum ad iniuriam capitalem trahitis, impatiens genus. D O. Irascor sic meritis. R A. Si de te quidem malè, si de republica, modò non ira, sed iustitia illa sit, optimè: & ad summam mordicus, ut dici solet: Ciceronianum illud est tenendum, ira procul ut absit cum qua nihil rectè fieri, nihil consideratè potest. Iure ergo laudatur Archytæ Tarentini dictum, & Platonis amici sui factum, quorum primus dum se studiis dedito possessiones suas culpa vilis

lici destructas aspiceret, in eum versus: sumerem, inquit, ex te debitas pœnas nisi tibi iratus essem. Alter iratus seruo, nō impunem dimisit vt Archytas, sed amico commisit vt supplicium exigeret, veritus ne se iræ impetus quò nō deceret, impelleret. Hæc horumque similia frænare iram debent, ne sequaces suos vt solita est in infamiam clademq; præcipiter.

De gula, Dialogus CVIII.

D O L O R.

GVla vellicor. R A T. Dixi iam, his medemur quæ inuitis accidunt: nā quis sponte ægrotantibus medeatur? D O L. Gula sollicitor. R A. Propriè id quidem: nulla res tam vilis tam sollicitos vos habet. Stupor & pudor est cogitare quò se humanum inclinar ingenium ad maiora creatū, nisi respuere terrarum tractus, cœliq; & maris abdita penetratis: meditati estis retia & hamos & viscum & laqueos & rapaces volucres imperio parere, & prædari vobis docuistis, ad nil aliud nisi vt gulæ satisfiat, quam non modò explendo, sed onerando fatigatis, & angustum ventrē varia arte laxatis ac premitis obsequendo, cui aliquantò vtilior fames esset, vtilissima verò sobrietas, & fœdo illi ac misero sacculo simulque & syluis & nubibus & fluctibus pacem

linquentes: ita tamen eunt res, hic est mos nobilium ante alios, hæ sunt artes quæ liberales fuerant, mechanicæ euasere, ipsiq; qui bellorum duces ac philosophi ac rectores urbium ac patres patriæ esse debent, venatores atq; ancupes facti sunt, utque intelligas nullam esse reliquam spem salutis, Nobilitati tribuitur quod est gulæ, aut proculdubio vanitatis. Hoc malum nullo melius modo quàm generosa quadam indignatione, & rei ipsius extimatione, contunditur, vel sensim, ut Cicero ni placuit, vel repete, ut Aristoteli visum est: Multum confert cogitatio exitus, quod cum omnibus vitis sit commune, tamē huic proprium atque luxuriæ.

De torpore animi Dialogus. c i x.

DOLOR.

TOrpeo in agendis. R A. Quis miretur si post gulæ studium prægrauatū corpusculum animi torpor obrepat? D O L. Animi aggrauor torpore. R A. Torpor hic ex imperfecta uoluntate oritur, mox ut bonum velle cœperis, ardor erit atque impetus, qui cū ad multa sit pessimus, est optimus ad virtutem. D O L. Torpeo & ad bonæ opera lentus assurgō. R A T. Est torpor quidem animis oblitus, nec minus ardor quidam generosa pars animæ, sed & hic ardor accendetur & ille torpor

excutitur fuga temporis intellecta, quæ tanta est, ut vix metiri eam quâvis celer animus possit, & specie virtutis adamata, quæ talis est ut si corporeis oculis cerni posset, quod vult Plato, mirû sui amorem paritura esset. Hinc te amor igitur, illinc metus excitet, utraque res in summis, neque qui amat enim neque qui metuit, torpere solet, & tamē hoc ipsum ne torpor soporque vos noxius premat, ad diuinas laudes surgentes nocte precamini, nō est somno locus aut inertia, ubi vos hinc mors territat, hinc honestas allicit. Quis enim inter magna pericula magnâq; præmia consopitur? Vbi ad ista respexeris, redibit vigor ad animum, fugiet somnus ab oculis cogitantis quantum nunc etiam superet imperfecti, quantum transierit ociosi, quod quia non sit longas ætates inutiles effluxisse conspiciamus & senes attonitos ac stupentes dicere, quid hîc in tot annis egimus? Comedimus, bibimus, dormiuimus, serò tandē experfecti sumus. Cuius mali præcipua causa est torpor iste quē vereris abigēdus in tēpore stimulis industriæ, freno prouidentia, ne cunctando ad inglorium finem cū multitudine rapiaris.

De luxuria. Dialog. CX.

DOLOR.

A Estu quatior libidinum. R A T. Atqui libidinem torpor gignit, gula autem

illam parit, quid miri igitur filiam post patē-
tes sequi: Gulam certè & luxuriam commu-
nes vobis esse cum beluis, maximèq; bestia-
lem vitam vestram facere: sapientibus visum
est: itaq; cum sint alia grauiora mala, nullum
vilius. D O L O R. Libidine rapior. R A. Quo-
nam verò nisi ad mortem animæ & corporis
& infamem notam feramq; pœnitentiam, &
fortasse inutilem? I nunc igitur & raptantem
sequere, quæ te tales raptet ad exitus. Cogita
attem innumerabilium casus miserabiles ac
famosos, non modò singularium hominum,
sed vrbiũ & regnorum, qui tibi partim vi-
su, partim auditu & maximè lectione debent
esse notissimi, raptanti nequaquam, vt arbi-
tror, manum dabis. Audi enim quid hinc do-
ctissimi viri senserint ac scripserint. Volupta-
tes ait Cicero, blandissimæ dominæ maiores
partes animi à virtute detorquent. In hoc, in-
quit Seneca, nos complectuntur vt strangu-
lent, non aliter ergo quàm latrunculi viatori-
bus insidiantes eosq; seducētes ac perimē-
tes declinandæ sunt. In quod valde proderit,
si illud præclarissimè apud Liuium à Scipio-
ne Africano dictum Massanißæ dictum sibi
quisquis ac peste laborabit, accipiat: vinces,
inquit, animum, cæue deformes. multa bona
vno vitio & tot meritorum gratiam maiore
culpa quàm causa culpæ est corrumpas. Idq;
facti

facilius fiet, si quis acriter rei villitatem, ob-
scœnitatem, breuitatē, finem cogitet, at lon-
gum dedecus horæque fugacis forsitan aut
momenti vnus illecebras multorum anno-
rum pœnitentia vel æterno fortasse suppli-
cio puniendas.

De superbia. Dialogus CXI,

DOLOR.

Superbia extollor, R A. Quid superbis au-
tera terra & cinis? Tunc tantorum malo-
rum fasce obrutus atq; oppressus extolleris,
qui si te omnibus malis explicitus virtutum
omnium alis euectus attollereres, hoc vno bo-
na omnia corrupisses. Nihil est enim odio-
sius deo quàm superbia. Per hanc enim illē
pulcherrimus creat^r raptim corruit per quā
tu peccator vis ascendere. Si sic illi ob idvñū
accidit, quid per hoc aliis culpis adiunctum
tibi euēturum arbitraris? malum sarcinis tuis
cumulum superimposuisti. D O L O. Super-
bia vehor. R A T. Cur quæso, an non te mor-
talem, an non assiduē fatiscentem, an nō pec-
catorem, an non mille casibus expositum, an
non morti obnoxiiū incertæ, an non deniq;
te miserum meministi, & non famosissimū
illud Homericum audiuisti: nihil miserius
terra nutrit homine? Scire velim quid te ho-
rum potissimē ad superbiam cohortatur, an

fragilitas, membrorum, exercitiūsq; morborum, an vitæ breuitas, an cæcitas animi inter spes vanissimas metusq; perpetuos fluctuantis, an præteritarum obliuio, an ignorātia futurorum, ac præsentium, an hostium insidiæ, an mortes amicorum, an aduersitas perseuerās, an fugitiua prosperitas? Hæ non aliæ vobis sunt ad superbiam scakæ, his ascenditis ad ruinam. Atqui cætera hominum pericula, & si iniustam aliquam, tamē exculationem superbia & inuidia nullam habent. **DOL.** Doleo me superbum. **R.** de peccato dolere primus ad salutē gradus est. Et sicut superbia est extollere, sic humilitas est dolore seq; submittere, quod quidē facile factu erit mox vt oculos in te ipsum tota intentione reflexeris, quod cum ita sit, nolo tibi nec oportet librorum partes scriptas aduersus peccata congerere, hoc satis est cuncta arbitrij tui esse destitura illico vt bona fide volueris, vtq; aiūt, receptui cecineris teque ad tua signa conuerteris, quod ad præsens malum atinet. Vnum illud adiecerim: superbiā esse ægritudinem miserorum ac stultorum: tales nempe sunt haud dubiè qui superbiunt: neq; enim aliter superbiunt, neq; verò sine causa in libro Sapientię scriptum est: omnes insipientes & infelices supra modū animæ suæ superbi sunt. Certè animæ suæ si sapirent, modus erat humiliari

miliari cōditionis imbecillitate cognita, Sic enim eodem libro scriptū legis: Rex hodie est & cras morietur. Cū enim morietur homo, hæreditabit serpentes & bestias & vermes: initium superbix hominis apostatare à deo, quoniam ab eo qui fecit illum recessit, quoniam initiū omnis peccati superbia est. Nota sunt reliqua, quibus acriter circumspectis monstrum est superbus homuncio.

De febribus. Dialog. cxii.

DOLOR..

Febribus æstuo. R A T I O. Aestus hic aut tempore finiendus aut frigore, vtrunvis fecerit bene erit. D O L. Febribus vigeor. R A T I O. Omnis hic contra naturam motus plus habet impetus quàm diuturnitatis, & sæpe duorum facit alterum, aut corpus expurgat, aut animam absoluit, D O L O R. Febribus teneor. R A T I O. Non longum teneberis, expecta: citò te vel sanum oportet esse vel liberum, vtrunq; optimum. D O. Febribus laboro. R. Illico requiesces: natura cum morte cōfligit, operire exitū duelli, prope est hora vel hinc te morbo, vel omnibus exemptura. D O. Febribus ardeo. R. Minus malū est corpus ardere quàm animū, de

quo precedentes tuæ seqtem proximæ sunt querelæ: quid si ardor alterius salubris est alteri; Quid si hic ardor quamuis asper optabilis est? Quantum denique boni est præsentis vitæ mala breui gustu perennis admonere supplicij, vt infinitas amaritudines declinare studeant qui tam grauitè paucis horis amariscula tolerant, atq; his angustijs discant illas euadere, quibus nec phycus, nec herba medebitur, nec dies creticus, nec mors quidẽm. D O L O, Febribus vr̃or. R! A. Vermiu cibis excoquitur; fer te alijs vri, cui totiens alia vsta sunt & de supplicio consilium cape, ex quibusdam malis remedia constantur: sæpe paruus dolor ac præsens vt vêturis ac grauius occurreretur admonuit, sitq; vt ilis qui molestus erat. Fœlix incēdium breue quod æterni refrigerij causa est. D O L O. Febribus exerceor. R A. Eris iam bonæ valetudinis æstimator idoneus. Vos enim homines dei dona nisi amissa vel intermissa non noscitis, ingratum genus, D O L. Febre, vexor importuna. R A. Diu simul esse non potestis. Nemo diu ardet, aut illa te deferet, aut tu illa

De dolore iliaco atque ecstasi. Dialog. c x i i i.

DOLO.

Iliacum, patior dolorem. R A. Sperare incipe, quandoquidem quod tam tristius metuas

metuas, nil est. Sicut autem ad extrema gaudij peruenisse principium est doloris, sic extremitas doloris principium gaudij fit oportet. Contrariorum hæc lex est: alterum ex alterius fine oritur. **DOL.** Doloře torqueor iliaco. **RA.** Spes est fateor acerba solatij, nil acerbius pati posse. **DOL.** Iliaco crucior dolore. **RA.** Qui dolet ac metuit ille miser est, vndique tibi pars altera miserix metus eripitur: nam quid oro metuat qui ipsam quæ ab omnibus præque omnibus metuitur mortem sperat? **DOLOR.** Iliaco dolore discrutior. **RATIO.** Disce viuens mori, quodque non nisi semel fit, sæpius experire, facies securius tandem semel quod tam sæpe tentaueris, nihil enim noui facies, simillimus dolor iliacus morti est nisi quod mors faciliior breuiorq; vt qui hunc fortiter tulit, nisi metus alter interueniat, multo illam fortius sit laturus. **DOL.** Doloře rumpor iliaco. **R.** Magnitudo ipsa doloris finem spondet: nemo enim diu moritur. **DOL.** Quid quod dolor extasim parit? **RA.** Longos febrium dolores breui transigis suspirio. **DO.** Aduentare extasim intelligo. **RA.** Vix id quidem intelligere est: nam & repente aduenit & præsens intellectū viribus suis priuat. **DOL.** Linqui animo incipio. **RA.** O fœlix qui rem necessariam, vtq; aiunt, durissimā finē sensu sis

obiturus. Do. Sæpe extasim incurro. R. Sæpe mortuus reuiuiscis. D. Sæpe extasim mortiferam experior. R. Hanc plus quàm semel experiri nequis. Nemo enim plus quàm semel moritur, quod autem optimum mortis gen⁹ esset inter doctos ac præclaros viros aliquãdo quæsitū est, vbi Iulius Cæsar interfuit summus vir & imperio & doctrina, qui & ipse tēpore extremo, vt de illo scriptum est, repēte linqui animo solebat, quam quæstionem ille sic absoluit, vt repentinum atq; inopinū interitum commodissimum diffinit. Quæ sententia & si pietati veræq; religioni. fortassis asperior videatur, sic tamē & cuilibet sapienti & præsertim pio verēque religioso viuendum est, vt sibi nil repentinum aut subitum esse possit, & si quid tale incidat animo, celeritas ipsa non noceat & profuit corpori.

De totius corporis dolore ac languore vario.

Dialogus CXIIII.

DOLOR.

TOto corpore languo. R. Si non languet hospes corporis animus bene est, quicquid tuguriolo suo eueniat saluus eruperit. Do. Toto corpore crucior, ingens malum. R. Stoici vnum in rebus omnibus humanis bonu n dicunt, virtutem. Et quanuis alij aliter, hæc verior tamē viriliórque sentētia

visa

visa est, cui consequens est, vnum quodque quod huic bono obiicitur malū esse vitium, quod sit vt dolor corporis molestissimus sit, malum tamen vtique non sit. Do. Hei mihi misero ego torqueor, tu disputas, philosophicæ fabellæ. RA. Iure te miserum dicis, vel hoc ipso quod humanæ vitæ regulas fabellas vocas. Do. Sonora hæc in scholis famosa per libros, sed nec eculeos nec ægrotantium ascensura grabatulos, dicuntur scribunturq; facilius quàm probantur. RA. Immo verò & ad dolorem & ad ægritudinē & ad mortem profunt, sed non omnibus, quippe quæ non omniū insedere pectoribus, & profectò quibus credita non sunt, salubria esse non possunt. Do. Heu ego crucior, tu disputas. RA. Iste tuus dolor necessario aut lentus erit aut intensus, atq; ita vel facilem vel breuem patientiam requirit. DoL. Hei mihi, summo crucior dolore. RA. TIO. Si summus, nempe brevis est dolor, parce gemitibus aut fugiet aut fugiat est necesse: sit vtriusque libertas in scribis: interim forti animo ferre mortalia speciosum ac virile est. DoL. Speciosum dictu fateor factūve possibile quidem reor. RA. Non impossibilitas rerum est, sed mollicies hominum quæ virtutis innumeros desertores fecit, & faciet dum omne difficile tāquam impossibile respuitur,

virtus perit cuius materia difficultas quidē
sed honesta est. **DOL.** Sumus homines non
dij, & moribunda corpuscula vim doloris
ferre non valent. **RA.** Fragilia corpora hu-
mana non negem, sed non vsqueadeò quin
vsq; ad toleratiam omnis aduersi sat virium
habitura sint, nisi maior multo esset infirmi-
tas animorū. Illa est quæ viro indignos eiu-
latus & muliebres atq; humiles voces elicit.
Quid est enim oro te, cur impossibile homi-
ni censeas quod sæpè olim & potuisse vides
hominem & fecisse? **D.** Heu mihi rursus ad
historias vocor & in medio dolorū æstu vix
præsentium, vix mei ipsius memor ad memo-
riam protrahor antiquorum. **RA.** An non
ergo clarorum recordatio virorum qui simi-
lia fortiter passi sunt magnum affert in omni-
rerum asperitate solatium & lenimen? **DOL.**
Sento, ad imitandū rarissimos hortaris, glo-
riosa consilia, sed alta nimium supràq; homi-
nem. **RA.** Quid supra hominem dicis, non
deorum tibi, sed hominum rationes, homi-
nūmq; exempla proponimus. **DO.** Homi-
num fateor, sed paucorum, éstque vltima &
exacta raritas nullitati proxima: nō multum
inter Phœnicem & Chimæram interesse di-
xerim: illos sequor qui Chimæram nihil esse
volunt, apud alios nanq; Siciliae mons est. **R.**
Quasi verò imitandus tibi proponatur Phœ-
nix

nix & non acies virorum, quæ quo rarior, eo dignior cui similis fieri velis, quisquis raros sequi negliget, rarus esse vir non poterit. D. Video, vnum ex paucis fieri iubes, vnus ex multis sum. R. Prope nullum te maluerim quàm ex multis vnum: nescio enim an nō esse, an stultum esse sit melius: atqui plurimorum idem & stultorū è numero sit oportet. DOL. Ego verò nil peius esse quàm nil esse scio. R. Nescis quid mali sit esse aliquid, nec esse quod debeas. DO. Ita hoc dicis, quasi quod vni fortè accidit, debitum sit omnib⁹, idq; ad omnes trahi velis. RA. Malè ais fortè, virtus enim non fortuita, sed deliberatiua prorsus & electiua est, non casu equidē quærenda, sed studio. Neque ego quod vni casus dedit, ad cunctos, sed quod virtus multis tribuit ad vnum traho, ad omnes tractura libētius, sed in vno etiam defatigor. DO. At non omnia possumus omnes. R. Non poëticum modò, sed pastorum est verbum: scio, sed te posse aliquid quod nō omnes possint, immo iam potes velle, cupio. DO. Quid heu miserū inquietas, nōne satis igitur torquet dolor? RA. Quietem potius afferre & hūc tibi tortorem auferre meditor, quod nisi tu qui potes manum dederis sola non possum. DOLOR. Pape, quid hoc est quod me posse ais, an possum dolorem non sentire quem sen-

tio, aut malum negare quod pessimum experior? R. Primum non requiro, obstat enim natura, alterum ne impetrem, non natura, non veritas, error solus obstitit. Do. Proh superi quorsum hæc inania quæ philosophica dicitis, scio planè dolorem non esse animi vitium, sed corporis, scio dolorem aliud esse quàm perfidiam, dolere aliud quàm furari, hæc me ut noua ne doceas, satis magnum, & si nil aliud addideris, per se dolor malum, cuius ego non noscendi consilio, sed ferendi seu quòd mallim depehēdi egeo, noui enim nossemque utinam minus quid est dolor.

RA. Et ego dolorem rem acerbam scio, immitem, horridam, amaram, tristem, naturæ aduersam, sensibus odiosam, sed quæ virtutis ope non dico dulcescere, quod Epicurus dixit, secum ipse dissentiens, sed leniri frangiq; forsque etiam si vera animum virtus armauerit, aut sentiri parcius aut quodāmodo nec sentiri quidem possit. Do. Armatus an inermis ego dolorem valde sentio & malum grande profiteor. RA. Professionem aliam ex te optabam. Do. Si rursus ad speciosa retrahimur, delectant aures verba magnifica, sed vera animum, quid si dolor enim corporis animi patientia maior sit? R. Quid si nullæ corporis vel illecebræ vel molestiæ, nulli angores stantis atque obstantis ani-

animi viribus pares sunt? Quid si in omni luctamine modò nō volens terga dederit, sed toto nisu ac bona fide restiterit, semper superior fuit, semper abiit victor? D. Quid verò si doloris intolerantiam morbi sceditas grauat & fastidium & pudor? Quid si lepra putre corpus ac miserum inuasit? Quid hic mihi sermo tuus iste contulerit? R. A. Multum sanè ni respuis, ostendet tibi te qui cuncta respiciens, te non vides, iubebit meminisse terreum & mortale corpusculū tibi esse non aëreum neque æternum, nec mirari quidem oportere nec indignari si putredo in terram suam, si in sedem fluxerit esse hominis, mentem & suprema eius ni rebellent adfœlicitatem perpetuitatēque dispositā, eiusdē partes infimas & morti obnoxias & omnis miseræ capaces: seu lepra igitur, seu epilepsia, seu quid, his turpius aut tristius inciderit, cogitandum tibi acriter in miseriarum vasculum descendisse, quod suum erat destinatumq; illi figulo ab æterno, contra quē lutea vasa ne murmurent admonentur, quòd illud in honorē, hoc in cūtumeliam, verū cūcta fragilia finxerit atq; mortalia. D. Ergo, ego te consule sine murmure & gemitu leprā feram? R. A. Planè me consule atq; auctore, cui si ostenderis murmur aut gemitum vtilem tibi leuamēque aliquod mali esse, veris

ultro consiliis vtrumque permiserim seu iusserim. Quòd si indignatio & querelæ nil aliud quàm accessio mali sunt, quid morbo corporis addere animi morbum iuuat téque miseriorem flendo facere & illum tibi forsitan infestiores, qui labores hominum ex alto videt, patientiámque considerat, quem aut remedio compenset aut præmio? Anverò aduersus omnes corporeas pestes, seu quoniam nominatim vnam defles parum solatij, contra hanc ipsam est nosse lepram. superficiali vitium vel coloris esse non valetudinis aut integritatis sensuum atq; membrorum, vt Augustino visum scimus, nec physici contradicunt, sed vt cutem penetret artúsq; dilacerans in præcordia ima descendat, quod fecisse legitur Plotino ingenti Platónico? In animam certè descendere nisi ipsa consenserit non potest, qua incolumi non pluris extrinsecus corporis sui habitus apud illā erit, quàm bene valentem apud hospitem, quàm hospitij fortè paries extimus ventis ac imbribus scaber sit. Quid quòd lepra possessorem suum vulgo erit consortiòq; hominum sæpe eorum quos vt fugeres recusandum nihil nulliusque non auxilium implorandum erat vt ad calculum res redeat, multis, illa corpus rædiis implicans, multis animum explicuit. DOLOR. Heu quid credam rerum pessima lau-

laudanti. **RATIO.** Rerum pessima non corporis, sed animi vitia morbiq; sunt, nec idcirco ego lepram, sed æquanimitatem & patientiam laudo, nec indignanter nimiumque flebiliter ferre. suadeo humanarū tuam propriam rerum sortem, cum summo tibi præsertim imperatore ac philosopho Constantino scilicet ac Plotinodē quo ino id diximus communem: postremò ante oculos habere cœli dominum non lepram odisse, sed vitū: cūque ipsum angelorum iudicem atq; hominum, de quo scriptum est: neq; habitabit iuxta te malignus neque permanebunt iniusti ante oculos tuos, non tamen leprosos horuisse seu fugisse, sed illorum domos adisse atque conuiuuiis interfuisse. **DOLOR.** Tu me verbis superas. dolor rebus, ego autem non philosophorum nugis hac in re, sed sensibus meis credo, illi mihi quid renuncient scio. **RATIO.** Primum quidem philosophorum aliquot, ut verè ais, iugis quas nec excusare possum nec negare, philosophiæ totius grauitas non perit, quæ in eo quod nunc agitur, ut in multis laboranti animæ vna in terris tuta proculdubio arx est: deinde nihil absurdius inter mihi amicos quàm sensuum fallaci iudicio verum quæri, ingenio ac studio veritas est quærenda non sensibus. **DOLOR.** Heu quid me crucias & dolori meo addis tedium.

proferas remedium, iam nunquam tu, nunquam philosophia tecum faciet, ut non sentiam quod sentio. R. A. Mos gerendus delicato ac fastidienti agro, permittendumque aliquid interdum, quod per se nocivum, sed utetis desiderio sit utile. Itaque facile patiar, ut si languor, si supplicium si offensio afflictioque corporis mala sunt, quæ incommoda Stoicis dici videntur, honestius ipse quoque dolor hinc oriens dici viderique malum, & si ita vis ingens possit, sed virtute superabile: utque iam litigio verbi cedam, amicus noster Cicero nos reducet in gratiam. Non enim dolorem, inquit, dolorem esse nego: cur enim fortitudo desideraretur? sed eum opprimi dico patientia, si modò est aliquid patientia, si nihil est, quid exornamur philosophia, aut quid eius nomine gloriosi sumus? Hæc Cicero multa ibi præterea diuinè contra hoc seu incommodum seu malum in Tusculano suo, scilicet secunda luce disseruit quinque dierum disputationes pari librorum numero complexus, quem signasse tibi locum volui, valet enim miris modis ad id quo nunc eges, maximè patientiam roburque animi, quo eneruato atque amisso, falsæ vulgi subeunt sententiæ, & indigni viro gemitus erumpunt. DOL. Nunc languori meo propius adhibes manum, docens ubi illa reperiam quæ in hoc statu

statu Stoicorum opinionibus inhumanis ac
 faxeis potiora & mihi oportuniora confido
 quanuis & confilendo diffidā, quia dum re-
 medij audis sæpe locum illū repeto ad tole-
 rantiam doloris, nunquā mihi per me, nūquā
 vel Ciceronis ipsius vel cuiusquā ope virium
 satis inueni. R. Ego hanc diffidentiam non
 reprehēdo, sed laudo, nemo sibi multū fidat,
 inque omni difficultate non ab homine, sed
 à Deo speret auxilium: at non ita vt armatos
 vêturos sibi de cœlo deos credat, malis forsā
 interdum, nunquam certè diuinitas inertib⁹
 fauit: vt subsidio dignus sis, quod in te est fa-
 cito, excitandus, attollendus & armandus est
 animus, contrāque suos hostes in aciem e-
 ducendus. D. Reliqua, nisi fallor, intelligo: v-
 num quæro, quæ nā sunt hæc arma animi quæ
 memoras? R. Bene habet: iam concipio spem
 salutis tuæ. Inter asperitates enim rerum fle-
 re muliebri est, consultare autem, niti, obsta-
 re, implorare consilium atque auxilium, id
 virile est & ad vincendum efficax. Arma
 quidem animi & bellandi artes pro diuersi-
 tate hostium multæ & variæ sunt. Nec vl-
 lum philosophiæ munus vtilius aut san-
 ctius quàm de his agere, quæ vt reor ali-
 quanto magis ad vos pertinent, quàm nosse
 quid agant astra, quid naturam Iuppiter in-
 tuens promittat, quid Saturno iunctus Mars

minetur, quos Mercarius interpres vagus à patre fratrèque mores capiat, quos ab obuiis quibusque, vnde imber & æstus, vnde tremor terris, qua vi maria alta tumescant, & nō nosse vnde æstus ac tumor tremorque ac debilitas animorum, quibúsve remediis temperetur æstus. compescatur tumor, tremor ac debilitas roborentur ac firmentur: quo in studio & si Socratem ludat Aristoteles, idem tamen mutato fortasse animo huic rei non mediocrem operam dedit, sed hæc passim in philosophorum voluminibus sparsa sunt, quæ ignaris ingerere operosum nimis neq; cōpendij huius est: scienti verò superuacuum, cui non doceri expediat, sed moneri. DOLOR. Scio ita esse, neque de omnibus quærebam, sed hoc vnum quæ tu mihi cōtra hūc hostem cui nunc congredior dolorem, arma monstrares. RATIO. Ad id tibi nec melius possum nec breuius respondere. quàm Cicero. Quærit enim vt tu, & quæ sunt, inquit, ista arma? respondetque illico, contentio, confirmatio, sermónque intimus. DOL. Edissere oro singula: legi quidem hoc sæpe olim, tamen vereor ne mihi accidat quod multis solet, qui apud se legentes intelligere sibi omnia videntur, apud alios locuturi tū demum nihil intellexisse se intelligunt. Dic si libet quænam ista contentio est? R. A. Satis id qui

quidem si parum ultra progrediare in ipsius
 Ciceronis verbis apparet: sed ne quid me fru-
 stra poposceris, dicā idem aliter, Multa sunt
 animis corporibúsq; similia, & ut nullum
 tantum corporis robur, sic nullus animi tan-
 tus est vigor, qui non improviso & graui fa-
 sce curuelcat: fac prouideant, erigentur, ne
 vtrunque sua moles opprimat, sed deprehē-
 dat intentum, sæpe ad subitum magni hostis
 occursum vir fortissimus licet expauit, da-
 spacium colligendi sese inque instans discrimen
 animum intendendi, venientem hostē
 securus excipiet, visis cæstibus pugnaturi
 athletæ brachia viso onere subituri illuc cer-
 uix intenditur, & illa pugnam firmius obeunt
 & hoc pondus intenta fert leuius cui negli-
 gens ac remissa succumberet. Adhunc igitur
 modum insigni difficultate conspecta ani-
 mus contra illā intendendus est, quod si ad
 plenum fiat, terribilium omnium victor eua-
 det: alioquin incredibile dictu est, lentus at-
 que imparatus animus quā paruis sæpe
 deiicitur: hæc est illa animi Ciceroniana con-
 tentio, seu sic dici mauis intentio. quæ (ad
 hoc enim duobus his vocabilis sensus idem)
 & origo, quæ ut vides apud illum in promif-
 cuo vsu sunt, deque vnus verbi fonte descen-
 dunt. D O L O. Video téque libēs audio, sed
 quid est confirmatio? R A. Dicam, est in ipsis

quoque fortissimis animis nescio quid admixtum diffidentia & veris imbutos falsa circumsonant, tantumque coit errorum popularium ad arcem mentis expugnandam, ut iudicium tenere difficile sit. Subit interdum torpor quidam, subit dubitatio, an vera sint quæ à doctissimis atque sanctissimis viris de virtute patientiæ, de honestis specie de splendore gloriæ dici solent, an id verius quod ab aliis disputatum vulgus probat, vacuitatem doloris optimam, pessimum dolorem, voluptatem boni finem: & illæ quidem paucorum, hæ ferme omnium voces sunt, quarum sæpe tantus est sonitus ut paucae illæ voces adhortantium audiri nequeant, & custodes arcis exterriti omiſſa defensione fugâ cogitent: in hoc statu dubium nutantemque præiudiciis firmare animum oportet, ne de sententia excidat, ut olim Dionysius Heracleotes, qui cum Zenonis præceptoris sui de dolore sententiam dolore victus abiiceret, à Cleante condiscipulo irrideri meruerit: non inquam excidat, sed resistet, inque arrepto vestigio pedem figat, intelligens quid in rebus verum, quid umbratile, neque larvas horreat, neque clamoribus moueatur, certus dolorem nihil nisi ignauiam, virtute autem & ignauiam & dolorem & mortem & dura omnia vinci posse: inque hac sententia fixus & im-

mobi

mobilis perseveret, promptus pro virtute pa-
 ti fortiter, quod multis cogitare terribile est
 quódq; nūquam ab homine fieri posset, qui
 non super auri ac gemmarum speciē, super
 muliebre formam, & super omne concu-
 piscibile virtutis pulchritudinem adamasset
 hac confirmatione animi & falsæ opiniones
 & vani metus infirmantur & acies doloris ob-
 tunditur: fitque quod Cicero idem vult, ut si-
 cut in prælio pavidus miles abiectisq; ar-
 mis viso hoste diffugiens sæpe ipse sibi peri-
 culum fecit ubi impavido periculum non
 fuisset, sic ignavum animum & sensibus ob-
 sequentem sola cogitatio doloris exanimat
 qui virtute firmatus atq; armatus incolumis
 ac doloris victor & prope nil molesti sentiens
 evasisset. Patientia enim non modò animi
 vim augeri, sed asperitatem ipsam doloris
 imminui & penè ad nihilum redigi, atque
 hinc esse ut acerrimo in dolore recti qui-
 dam & immoti, alij etiam læti sint, quod
 fieri non posset nisi animus à sensu doloris
 adversus ipsam de qua loquimur firmita-
 tem atque constantiam induisset. DOLOR.
 Intelligere videor, sed perge, quid est ser-
 mo intimus? RATIO. Et hoc dicam, genero-
 sa mens æquè voluptatum dolorumque con-
 temptrix, & utrisque pariter cedere nescia,
 ubi adesse periculum seque circumventam

hostibus suis videt arma capit, obuiamque
 progrediens seque iu praelium cohortans,
 multa secum, multa cum deo suo loquitur.
 quanuis hoc vltimū Cicero vel nesciuit vel
 non rite sciuit, non defectu ingenii, sed gra-
 tiæ. Tali sanè colloquio ad decoris obseruā-
 tiam atque ad illa quæ diximus ad incenden-
 das vires, ad consummanda consilia nullum
 efficacius: aliis tamen verbis contra volupta-
 tum blanditias atque aliis contra dolorum
 minas esse vtēdum, & quibus vtroque pro-
 num est aduertere scienti, quænom vel illæ
 blāditia vel hæ minæ quàmque impares sint
 virtuti. Sed quoniam horum de altero sermo
 erat, exemplo agā vnico, sed insigni, quo in
 reliquis omnibus instructior fias: quis est hic
 in dolore sermo intimus? meministi quibus
 verbis Lucanus magnum Pompeium inter
 carnificum gladios, vsum facit, sed quia hoc
 pro qualitate personæ à poëta fictum, & se-
 cundum viri similitudinem animo viri illius
 in eo statu cōuenientibus verbis expressum
 est. Exemplum verum recēsq̃ue alterum
 adiiciam, hac ipsa ætate superant qui vide-
 runt adhuc multi. Sannitem illum imperter-
 ritum & inuictum senem, qui dum iussu il-
 lius cuius nomen suppressisse silentio melius
 fuerit, curru per ciuitatem duceretur nudus
 inter duos carnifices candētibz forcipibus,
 hinc

hinc illinc membra carpêtes, populo ad tam
 miserum tânque indignum spectaculum la-
 chrymante, siccis ipse oculis graui & cōstan-
 ti voce sese alloquens dicebat: quid facimus
 anime? Noli oro succumbere, nihil aut ira-
 scaris aut metuas, graui sunt ista sed breuia,
 & pro nostra æterna ne dubites salute gra-
 uiusque supplicium hoc iubenti fuerit quàm
 ferenti: erige te anime & depelle formidi-
 nem, spera in deo, statim erit finis. Quibus
 verbis, quantam sibi cogitabis, certè pectori-
 bus audientium incredibile dictu est: quan-
 tam cum misericordia firmitatem, constan-
 tiam, securitatem, patientiam infuderit & si
 arctius æstimanti: nō ille intimis de quo agi-
 mus, sed extimus sermo esset: nempe qui, vt
 dixi, à multis exterius audiretur, si hæc & his
 similia & ab aliis in silētio dici possunt & ab
 hoc ipso forsitan dicebātur: vt vicissim enim
 nunc tacebat, nunc in voces quas diximus
 erumpebat. Potest & aliter ille idem sermo
 intimus videri: vnde non quo prodeat cogi-
 tanti & huius quidem secum, at cum deo lo-
 quentis in doloribus inque periculis, nullum
 clarius exemplum quàm Iob primi, Theo-
 dosius secundi. Ille manu dei tactus atq; vl-
 ceribus oblitus, quanta deū libertate iurgan-
 ti similis compellet seq; ardēti & querula de-
 uotione in deum erigat: hic cum paucis in-

numerabili ac barbarico circūuentus exercitū, quo feruore, quibūſve ſuſpiriis ceu præſentem deum inuocet, audiuiſti. D O. Audiui planè & memini & exēplis doceor quid velis gratiāmque nō mediocrem Ciceroni habeo de cuius tribus exiguis granis tres ingentēſque ariſtas meſſui, ex quibus cultu adhibito meſſis vberior naſci queat. R A. Ita ſe res habet, doctorum hominum verba prægnantia ſunt, plus continent ſenſuum quàm prætendunt vt nil aliud me loquente viſus es mihi dōlorum & querelarum tantisper oblitus, vnde elicis vehementem quoque cogitationē rei cutuſpiam honeſtæ, atq; in illam à rebus aliis quibuſcunque animi totius abſtractionem multū & dolori & moleſtiis omnibus poſſe remedium aſſerre. D O. Poſteſt eſſe vt dicis, ſed mihi nunc etiam multum deeſt ad ſalutem illam quam intēdis animi, magnōque ſum in dubio an his omnibus leniatur ſeu tollatur dolor, an verba ſint animos occupantia aurēſque mulcētia, ad dolorem nihil. R A. Verba corporibus non medēntur, fateor, niſi forſitan incantationes & anilia carmina fidei aliquid merētur aut medētur morbis animorum, quorū proſectō ſanitas corporeū dōlorem aut extinguit aut mitigat. Nunquam ſi patientia nulla eſſet, tam multa de illa viri doctiſſimi diſeruiſſent, nunquam tot huiuſce rei

rei argumenta animo oculisque & auribus hæssissent, quot memoria imagines rerum tenes, quàm multa vidisti aut legisti, quot historias audisti quibus nō probatum tibi, sed demonstratum esse debeat ita esse ut dico, & si non doloris omnem sensum patientia eripi, quod ipsum tamen & fieri posse & factū esse contendimus, at doloris certè victoriā ferendique viriliter vires dari. Quid verò te plus habuit G. Marius vir literarū inops, sed virtutum diues militarium, an non ipse carneus atque osseus fuit? Quid plus Mutius Pompeiusq; Quid plus habuit Zeno, quid Theodorus, quid Theodatus, Possidonius, Anaxarchus, innumeriq; alij, quorū quidam seruili conditione, sed animorum ingenuitate mirabile omne supplicium pertulerunt, non modò fortiter, sed iucunde? Quid si ad vestros animum memoriāque reflexeris, inuenies in hoc numero pueros etiā ac puellas tulisse cū gaudio, quod vos viri sine fletu & queribus non ferretis. Sed iam de re, ut aiunt, omnium asperrima, plura quàm pro consuetudine diximus: desinendum est, dolorem enim si non lenit virtus, verba non lenient. DO. Heu hinc tu me vrges, hinc dolor, & cui credam nescio. RATIO. Crede nobilior: in quod illud quoque plurimum adiuerit, meminisse summum illud & eximium mundi

decus, eum scilicet qui diuinam atq; humanam in se vnuit naturam, tot tantóque pro te passum cruciatus, vt quæ pateris illorum collatione facilia, immo verò dulcia longèque suauia iudicari possint. Validissimum hoc remedij genus scrutantes cuncta philosophi nesciuerunt.

De furore. Dialogus CXV.

M E T V S.

NImius dolor ne furorem pariat metuo. **R A.** Obsta illi cogitationibus bonis & placidis. Quidam furori viam passionibus faciunt ex multis affectibus nō sanis, vera tandem prodit insania sicut ex contrariis vera virtus frequentatis actibus quæri habitum, philosophicum dogma est. **M T.** Furere metuo. **R A T.** Si animi vitio ille tibi amandus, armatura animi virtus est, at si corporis, consulendum succurrendūque illi est, si qua rei huius ars est ipsos apud corporum magistros qui phyfici nuncupantur, quæ si in hoc vt in multis aliis aut nulla est, aut professoribus suis incognita: ego artem hanc vnā tibi præscripserim, abstinentiam, & omnis excessus fugam. Notum illud atque antiquum: viri sancti virtutibus corpus ædificant, multum conferunt animo simul & corpori freno libidinum ac gulæ. Multos strauit luxuria, multos oppressit crapula, multos somnus, multos

multos ebrietas sepeluit, multorum vitæ feruor atque impetus & furibunda licentia verum abiit in furorem. MET. Timeo naturaliter in furorem agi. R A T. Quod natura infert durum potest esse non miserum: culpa enim caret quæ miseriæ est radix. Quando autem prouidendi obtrigit facultas vnum facito, vt te furor, si vitari nequit, in securo saltem statu animæ reperiatur. Innocens si furere cœperis aut innocens resipisces aut innocens morieris. Nulla ætas, nulla sanctitas, nulla custodia sic innocentiam conseruat vt furor, qualem inuenit, talem reddit. MET. Furere metuo. R A T. Heroas comites ac reginas metuis. An fastidis Herculem & Aiace Hecubam & Cassandram, an ex alio genere Lucretiam spernis & Empedoclem? ME. Furere pertimesco. R A. Multa vaticinari solitos furentes accepimus, sic quo nullam acumen sani capitis peruenisset, vagus & rapidus furor venit; atque hinc Craij quam vos diuinationem dicitis, à furore Manticem dici volunt. MET. Horreo vim furoris. R A T. Et sanos mœstos & furentes lætos vidimus falsa quanuis opinione: habet & error voluptatē suam. MET, Furendi pauor animum exagitat. R A T. Laborum ferias quidam simulato furere quaerere, verus furor ferias veras dabit.

minus paropsides quam sagittas, non mensa,
 non domus, nō cubiculum periculis suis va-
 cat. Dubia quælibet atque suspecta præsen-
 tētmque vīris intentant omnia mort. m: quod
 in tempestate ait Maro, in tranquillo vobis
 accidit, & hoc vestræ illæ tam dilectæ vobis
 afferunt diuitiæ: paupertas verò præter im-
 merito apud vulgus infamati nominis no-
 tam tuta habet omnia. Et si quando turbę in-
 sciæ pulvis ac strepitus conquiescat, optabi-
 lia ac suavia pœnitus & tranquilla. Tandem
 ergo fictilibus & vitreis vasculis terreni ho-
 mines bibite atque edite si securi bibere vul-
 tis ac edere, aureis vasis ac gemmatis venena
 miscentur. Quorsum pergis avaritia? Ipsum
 quoque iam venenum gemmas amat atque
 aurum. Contra hanc pestem neque Pontici
 regis neque alterius efficacius antidotum
 quam paupertas. DOL. Venenum hausi, mors
 præcordiis innatat. R A T. Vbi semel morien-
 dum esse decreueris, quod decretum esse de-
 bet omnibus qui se meminerint mortales,
 quid refert an id sitiendo facias an bibendo?
 Et rursus an tuo sanguine madidus an vino?
 Magnos compotores factique huius habeo
 comites, Alexandrum, Hannibalem. Philip-
 pomenem, Mithridatem, ipsum Claudium,
 Therameum Socratem.

Mori timeo. RA. Hic non timor, sed cogitatus esse debet, qui si nouus incipit, nec à prima ætate tecum creuit: si per interualla rediens non assiduus fuit, improuidè vixisti: inhesisse medullitus vtilissimum illud Flacci carmè debuit, inter spem curanq; timores inter & iras omnè crede diem tibi diluxisse supremum, vt is esses, de quo idè alibi ille potens sui latùsq; deget, cui licet indies dixisse vixi, cras vel atra nube polum pater occupato vel sole puro, hoc est nempe illud à philosophis laudatū, sed per paucis datum viuere vita peracta, MET. Mori timeo. RA. Et nasci timuisses & viuere. Vitæ limen initium mortis est, vita ipsa cursus ad mortem, seu verius mors quædam, viuendo vel ad moriendum ibas, vel quod sapientibus visum est, in horas certè moriebaris Quid nūc igitur times si mors vitam vel comitabatur assiduè, vel necessario sequebatur? Illud quidem docti tantū, hoc etiam vulgus intelligit, quicquid est natum moritur, quicquid moratur natum erat. MET. Timeo mori. RA. Mori times animal rationale mortale. Atqui si primum verè esses, secundum vt arbitror non timeres, humanam quippe naturam duo hæc in vnum iuncta perficiunt, ratio scilicet &

& mors, Illa animam concernit, hæc corpus, sed inopia rationis metum mortis induxit. MET. Mortem metuo. R A T. Nihil est metuendum quod affert necessitas naturæ. Qui naturalia enim odit aut metuit, naturā ipsam oderit oportet aut metuat, nisi fortè partem eius licitam amplecti licitum & laudare, respuere alteram ac damnare, quo nihil est insolentius, non solum hominī cum deo sed hominibus inter se. Itaque vel totum recipis vel totum reiicis amicum, ne si tantum grata decerpseris, non æquus amicitia cultor atque arbiter videare MET. Mortem horreo. R A. Si quid in morte mali est. id ipsum metus mortis exasperat. At si nihil, magnum ipse metus malum est: stultitia est malum suum vel augere vel facere. MET. Nomen ipsum mortis exhorreo. R A T I O. Nomen mortis infame mortalium fecit infirmitas. Si quid animi virium inesset, nihilo plus terroris esset in morte quam in cæteris quæ per naturam fiunt. Quid enim magis mori timeas quàm nasci, adolescere, senescere, esurire, sitire, vigilare, consopiri? quod ultimum planè simillimum morti est, atque ideo somnum alij consanguineum, alij verò mortis imaginem dixerunt. Néue seu poëticus lepos aestimetur, seu philosophicum acumen, ipsa veritas amici mortem somnum dixit, & se-

mel facere metuis quo quotidie delectaris:
inconstantiam quidem hanc docti mirantur
atque arguunt. M. E. Trita hæc apud philoso-
phos ac vulgata sunt, delectantque dum re-
sonant, interpone silentium timor redit. R. A.
Immo equidem manet, nam si abiisset non
rediret, & est non inficior vulgi præcordiis
timor mortis innatus: sed eruditum virum
vulgaria sapere deforme est, quem deceat ut
modò dicebam, non turbæ vestigia sed pau-
corum sequi: nam quod de philosophis di-
cis, miror quid ita, cum à nautis nauigandi,
ab agricolis si rendi, à ducibus bellandi con-
siliū capiat, viuendi consilia à philoso-
phis sumpta contemnitis, & pro corporis cu-
ra medicos euocatis, pro cura animi philo-
sophos non aditis, qui si philosophi veri sunt,
utique & animorum medici & artifices sunt
viuendi? Nam si falsi & solo philosophiæ no-
mine tumidi, non modò non consulendi sed
vitandi sunt, quibus nihil est importunius,
nihil insulsius, quorum abundantiore est quàm
vellem ætas hæc, cum egentissima sit viro-
rum: & quoniam à præsentibus præter meras
nugas nihil est quod speres, si ad priscos redi-
tum inuentumque aliquid apud illos fuerit
quod ægritudinē tuam leuet. noli spernere &
dicere quod indocti dicunt, à philosophis
ista sumis: respōdebo enim tibi cū Cicerone

metue

metuebam ne a lenonibus dicere, & reuera,
 vbi nam pisci venarique, nisi vbi pisces
 ferèque habitant in aquis atque nemoribus?
 Vbi fodi aurum, vbi gemmas legi, nisi vbi
 hoc nascitur? Illæ scatent in terræ venis ma-
 risque littoribus: vnde nisi à mercatoribus
 merces, vnde statuas ac tabulis pictis nisi à
 statuariis atque pictoribus? Vnde demum
 philosophica à philosophis peti iubes? Quæ
 etsi apud illos pro thesauris abdita atque ab
 illis inuenta sint, eadem tamen ab aliis in
 apertum eruit & vel aceruatiùs vel clarius
 atque expressius vel breuius. Postremò vel
 aliter dici possunt audiendi similia omnibus
 spem datura successum paucis: ea est vis or-
 dinis ac iuncturæ, quod & in poëticiis ele-
 gantissimè Flaccus docet, & sæpe aliter at-
 que aliter & aliquando potentius affectura
 animos tanta est gratia, vel notissima re nar-
 rantis, tanta vetustis nouitas, tanta lux ful-
 gidis, tantus formosus decor additur, quod
 non hoc ideo dixerim, quia alibi non pos-
 sem, sed quia tu hic materiam obtulisti. No-
 lo enim quia ignaræ superbiæ mos est, semel
 audita nec fortè intellecta dum repetuntur
 quasi trita & vulgata fastiditas. MET. Ac quie-
 sco, rectè quidem in his monitis te versatū
 video, etsi ab incepto procul, adhuc enim
 mortem nihilominus horreo. R A T. Sunt
 que

quædaam nomine & opinione hominum maiora quàm re, multa horrori eminus fuerant quæ vicina sunt risui, temere creditur inexpertis: nemo ex his mortis infamatoribus compti aliquid loqui potest, nihil ipse expertus, nihil ab experto didicit. Mortuum quavis interroga filebit, is cui iam rei veritas nota est, garrient quibus incognita & vanis auguriis astruent quod ignorant, hinc asperitissima hinc occultissima rerum mors arcanum & coniecturale nogocium suspicionibus agitur, in dubio bonis opinionibus exhæredum tenendumque potius quod iucundum faciat quàm quod inæstū animum. MET. Animus mortem timet. RATIO. Si sibi superuacuus timor, immortalis est enim ipse, si corpori sui hostis curā gerere pietas indebita: sin dissolui metuit, nimis carcerem & compedes suas amat stultus amor. M E. Timore mortis exagitor. R A. Stulti omnes mori metuunt, neq; id miror quibus fœlicitas omnis in corpore est, quod extinguere morte nō est dubiū. Iure igitur boni sui finē pauidi cogitant mœsti vident: natura enim hominis hæc est, ut infœlix esse nolle nequeat virū doctum cui non alia corporis quàm vili mancipij cura est, cui in casu animi omne studium semper fuit, omnis amor, omne desiderium, omnis spes mortē corporis non aliter quàm digressum

sum matutinum è nocturno quodā inamœ-
 no & incommodo prorsus hospitio spectare
 decet. MET. Mortem non timere non possū.
 R. A. Posses vitæ huius exitum non timere, si
 alterius ingressu sperare posses aut optare:
 tuus hic timor inde oritur. Quamuis enim
 formidati vulgo exitus multæ tradatur cau-
 sæ, omnes tamē vitæ illius spe proposita eua-
 nescunt. METVS. Mortem metuo. R. A. T. Me-
 tum hunc parit impremeditatio maximè &
 inopinaneccessitas moriendi, in viro docto ac
 sapiente turpissima, & præsertim sene, cuius
 si rite doctus verèque est sapiens, vita omnis
 meditatio mortis est: quod si philosophiæ vi-
 sum fuit antiquæ, quid nūc nouæ pietati quæ
 summa philosophia & vera est sapientia, vi-
 deatur? Aspice vt qui alieno imperio parent
 subito, longum iter iussu agere solliciti & tri-
 stes raptim complicandis sarcinulis inbiant,
 vt queruli quod prædictum eis antè nō fue-
 rit indignantēsque abeunt, vt sæpe in tergum
 versū, & nunc quoque hoc, nunc illud obliui
 murmurent. Atqui nulla via est lōgior quàm
 mori, nulla durior vt perhibent infestiorque
 latrūculis, nulla deniq; obscurior, suspectior
 & incertior, quæ vt cuncta cessarent certè ir-
 remeabilis via est, quo attentius providen-
 dum, ne quid obliuiscamini, quoniam hinc
 digressis non licebit quod vtentibus ceteris.

metum mortis sensibus infitum præcipuèq;
vulgarium, philosophi verò mortem neque
malum neque bonum, eo quòd per seipsam
nec timendam diffiniunt, nec optādā, inter
indifferantia numerantes, quæ pro qualitate
fruentium, nūc mala nūc bona fieri volunt:
quod illi enim ex vestris video probari, qui
peccatorum pessimam, preciosam vorò san-
ctorum mortem ait. **M E T.** Mortem metuo,
mortem edi. **R A.** Equidem vnde hic mor-
talibus merus mortis, vnde hoc odium mi-
ror, nisi mollities animorum nota sit, qua
hunc scilicet aliòsque degeneres augetis at-
que alitis pauores: an non vides vt magna
pars mortalium ipsum nomen mortis exhor-
reat? quod quid est aliud quàm naturam pro-
prium horrere, atq; id odisse quod natus sis,
quo nihil inter homines stultius, nihil ingra-
tius in deum. Quam multi autem nomen il-
lud ægrè audiunt, quod semper internam au-
rem pulsare debuerat. Nempe sine quo non
est qui seipsum cogitare possit: quid nanque
se cogitet, nisi quod est animal mortale?
Quotiens in se quisq; reflectitur, nõne sibi
illico nomen mortis occurrit? Sed refugitis,
quasi per aurē mors irrūpat, & auertitis ani-
mum atq; id cogitis obliuisci, quod mox sui
memoriā vel inuitis ingeret. Recusatis ecce
mortem cogitare quā confessim & cogitare

oportebit & pati,cius passio facilius seque-
retur si cogitatio præcessisset: nunc simul in
angustia altera alterā exasperat. Omne enim
inopinum ac subitum animam quatit. Aequè
stultum est vel appetere aliquid frustra, vel
vitare velle quod nequeas, eòq; stultius utrū-
que quo damnifius futuram impleſſe quod
cupias: atq; nil damnofius in humanis malis
quam dei ſuisq; ipſius & mortis obliuio, quæ
tria numero ſic connexa ſunt vt vix valeant
diſſolui: at vos veſtri memores videri vultis
& principij & finis immemores. Obſeruasti
hos qui domui ſuæ diſponunt, vix eſt qui di-
cere audeat, cum moriar, ſed ſi moriar, quaſi
in dubio ponitur quo nihil eſt certius. Neq;
idipſum ſi moriar clarè ſonat, ſed ſi quid de
me eſſet aliud, quidnam eſſet hoc aliud quæ-
ſo & non potius idem ipſum quod de omni-
bus fuit, eritve vel qui nati vel naſcitur ſunt
quibus vt vita, ſic & mortis multa ſunt gene-
ra, neceſſitas vna moriendi? Hæc tu cupis ex-
cutere, quam nec patres tui nec vlli vnquam
reges gentium excuſſere, nec excutient qui-
dem. Tergiuerſamini vt libet, ita vobis eue-
niet, vt his qui cōtra hoſtilis ferri aciem ocu-
los claudunt, quaſi periculum quod non vi-
dent, nec ſenſuri ſint: feriemini, moriemini,
ſentietis: an cæci autem, an videntes, id in ve-
ſtra manu eſt. Optate igitur bene mori, quod
ipſum

ipsum nisi bene vixeritis, frustra est: optate inquam & enitemini, & quod in vobis est facite: reliquum illi cōmittite qui quos in hāc vitam ultro non vocatus intulit, egressurus non nisi vocat⁹ & rogatus manum dabit: nō mori autem nolite optare: non modò enim impudens arrogāsq; , sed inefficax etiam & inane votum est. Affluescite ò mortales naturæ legibus, & ineluctabili iugo colla submittite. Et si vos ipsos amati, quòd nati estis amate, non quòd nati nō esse velletis: neq; enim natura vobis sed vos illi obsequi fas est. ME. Pauorem mortis abiicere diu quidē frustra nitor. R. Miror quid tam diu frustra niteris: quo te debuit cogitatio prona perducere? Turpis est enim tam brevis periculi si periculum non natura & periculorū finis est mori: turpis est inquam viro tam momentanei discriminis tam longæus pavor, & tot anni anxij atq; suspensū ad horæ seu suspirij vniuseuentum. Vñne autem mali huius ultimum remedium, vis mortis metu perpetuo liber esse? bene viue, vita laudabilis mortem spernit, sæpe etiam cupit, deniq; hæc terribilium omnium summa est. Siquidem labor, dolor, aduersitas, infamia, carcer, exiliū, damnum, bellum, seruitus, orbitas, paupertas, senium, ægrotudo & mors, fortibus viris nihil sunt: aliud nisi experiētiae schola, camp⁹ patien-

tia, gloria palæstra.

De voluntaria in seipsum manuum iniectio.

Dialog. CXVIII.

METVS.

MORTEM mihi conscire propositum est.
 R. Rem vnā nunc metuere, nunc optare, hæc tota constantia vestra est. Nunc tu mortem muliebriter formidabas, nunc eandem inhumanè appeti, rogo quānam subita mutandi animi causa est? M. Cogor ipse mihi manua iniicere. R. Si cogaris iam nō voluntaria manuum iniectio est, quāuis dicatur, quod coacta volūtas volūtas est, sed profectò non libera, nec voluntas propriè quæ volendo fit. A quo autem cogaris nosse velim. Iniici autem manus vel inuito possunt, tu tibi illas iniicere nisi volens nequis. M. E. T. Magnæ sunt causæ quæ me mori velle cogunt, R. A. T. Magnæ fateor si cogunt, sed non cogerent si vir esses. Nunc in vestrā animi molitiem nihil est inualidum, vide antē an quæ sint hæc causæ rite præfagiā: ira, indignatio, impatientia, furor quidam in se versus, obliuio denique tuipfius: Nam si te hominem meminisses humana omnia æquo animo toleranda cognosceres, neque parui mali immo ne mali quidem odio maximum in malum velles incidere. M. E. T. V. S. Iniicere mihi

hi manū cogor extremis malis. R. Non sunt extrema quæ te premūt mala, summū illud & extremū malū quod te vrget, desperatio, cæteris enim malis aliquid huic vni nihil potest esse remedij. Quæ sunt autē hæc extrema quæ dicis mala nisi labor forsitan & paupertas? Hæc sunt enim quæ poëta cōmemorat, de his agēs: qui sibi letum / insontes peperere manu lucēmq; perosi proiecere animas. De quorū sera pœnitētia mox adiecit: quām vel lent æthere in alto, nūc & pauperiē & duros perferre labores. Sunt ne autē tam graua mala hæc quorum primū boni omnes, forti atq; æquo animo tulere, de quo suo loco diximus, quidā spōte insuper elegerunt atq; hinc gloriosi ac in æternum diuites facti sunt, sæculum viris conuenire apud Crispū, atque ad id nasci hominem, apud sanctum illum & afflictum senem legimus. At vos inquietissima animalia quicquid non ad nutum avaritiæ vestræ fluat vestraque libidinis iustam voluntariæ causam mortis opinamini, tam delicata, tam preceps luxuria vestra est, vt leuibus ex causis non fortunæ tantum, sed vobis ipsis irascamini, inque ipsum Deum calcitrāres in pia ora laxeris, quasi quicquid id est in quo non vobis dominus vester obsequitur, iniuria grauis sit. MET. Magnis malis victus mori eligo. RATIO. beurre

vitæ credo familiari vitio stultorū omnium. Sapien-
tibus enim omnis vita iucunda est: læ-
tam libenter, tristem ferunt patienter, etsi in
rebus ipsīs nequeunt, patientia delectantur:
nil in rebus lætius, nil dulcius est virtute. Illa
est quæ molesta lenit, obliqua dirigit, dura
mollit ac mitigat, ardua atque aspera quæq;
complanat. Cessant querimonix, cessant præ-
cipitia: & ad summam, sapientis vita nil sere-
nius neq; tranquillius: hi autem animorum
fletus atque angores, hæ nubes ac procellæ
quæ in scopulos fragilē vitæ cymbam tradūt
ē sola stultitia oriuntur. M. Morbi impati-
entia mori elegi. R. Stultè eligis ac superbè:
sine dominum de corpore tuo quod ipse fe-
cit arbitrio suo statuere. An quod tibi tuo in
ædificio vis licere, in quo non lingua, non la-
pides tu fecisti, in quo denique præter stru-
cturam nihil est tuum, id in suo licitum do-
mino omnium non vis, qui non in illo tan-
tū carnem & ossa & sanguinē & spiritum,
sed cælum & terras & maria & omnia quæ
in eis sunt, creauit ex nihilo? Nec dicas apud
te ipsum: corpus meum graui dolore an-
gitur. Nec tu dominium, sed vsum corporis
accepisti breue ad tempus: an tuæ luteæ do-
mus te dominum credis? Inquilinus es, qui
regit, omnia is est omnium dominus. Do-
lore nimio cogor ut mori velim. R. A. T.
Hic

Hic fortassis ad experientiam dolor datur, qui si molestus est, esse poterit utilis: si intolerabilis, lōgus certē non erit: expecta domini reuocantis edictum: cūmq; vocatus fueris, responde & non prius. Fixa est die tua, quam nec anticipare fas est, nec differre possibile. Præoccupauerunt tamen hanc multi, & dum paruum fugiunt breuēmq; molestiam, in æternas se atque irremediabiles demerserunt. Habuitque hæc opinio magnos auctores: Anneum Senecam imprimis, qui ad eam tam constanter, & tam sæpe reuoluitur, vt mihi quidem veritus videatur ne non propria sua sit, mirariq; cogat interdum vnde tam tristis sententia tanti viri pectus inuaserit. Vtq; alia filicam quæ prosequi longum est, quadam ad Lucillum epistola: si inutile, inquit, ministeriis est corpus, quid ni oporteat educere animam laborantem? Dehinc paucis interiectis: proficiam, inquit, ex ædificio putrido ac ruenti. Male ais ò Seneca, & multa bene dicta vno polluis maledicto. Non migrandum nempe, sed expectandum est: sine, ædificium tuum ruat, vt antequam fugias opprimaris. DOL. Non possum pati quæ imminet, mori malo. RAT. Ab hoste forsitan inferendam mortem quæ fortiter lata sit, turpis esse non potest, cūm hæc voluntaria non possit esse, non turpis.

quia cōtra domini superioris imperium est,
contrà quod nihil bene fieri potest. DOLOR.
Mori malim quàm quæ instantia sunt vide-
re. RATIO. Non est viri non posse erectis
oculis vtranq; fortunæ faciem spectare, mu-
liebre est trepidos oculos auertere. Quid est
autem quod te turbat vsque adeo vt solius
opem mortis implores? Tu ane forsitan, an
tuorum, an patriæ laborantis aduersitas? Len-
ta illa duo quidem: nihil enim potest fortu-
na cui non possit virtus obstare: tertium hoc
pium, sed pietate languida & inerti. Siquidē
patriæ seruitus & tyranni facies morte po-
tius repellenda quàm declinanda sunt. Id est
enim viri opus, hoc fœminæ. Quæ tamen in
re Catonis mortem miris laudibus. Seneca
idem effert sua illa peculiari opinione de qua
diximus. Non sic Cic. excusasse cōtentus lau-
dibus abstinet. Ait enim Catoni: incredibili
grauitate naturæ perpetuæque constātia mo-
riendum potius quàm tyranni vultum aspi-
ciendum fuisse, quam tamen Brutus aspexit
& illius potius morte tollendum quàm sua
morte fugiendum censuit. Quod quàm bene
seu quam male fecerit, non laboro: fecit ta-
men, Cicero autem dum Catonem exrusat
sua illius sententiæ melioris obliuiscitur
quàm ante annos plurimos libro sexto Rei-
publicæ posuerat. Ex verò est huiusmodi dū
Pub li-

Publium Africanum minorem in cœlo cum patre atque auo colloqui somniantem & audita immortalitate animi ac fœlicitate viæ alterius moriendi auidum induxisset, patrē mox inutile desiderium castigantem fecit his verbis: non est ita, inquit ille: nisi enim deus is cuius hoc templum est omne, quod conspicias istis te corporiis custodiis liberauerit, huc tibi aditus patere non potest: homines enim sunt hac lege generati qui tuerentur illum globum quem in hoc templo medium vides qui terra dicitur, quare & tibi Publi, inquit, & piis omnibus retinendus est animus in custodia corporis, nec iniussu ei^o à quo ille vobis est datus ex hominum vita migrandum est, ne munus assignatum à Deo diffugisse videamini. An non satis Ciceroniana hæc excusatum arguunt Catonem? Et planè si ab Imperatore terreno ad custodiam loci cuiuspiam deputatus non auderes iniussus te remouere, ferrētque ille hoc grauiter si contrarium fecisses, quid cœlestis putas Imperator, cui tanto pl^o obedientiæ debetur, quanto maior deus est homine? Fuit nuper priscæ virtutis Stephanus Columnensis, non hac solùm sed omni ætate vir clarissimus futurus, hîc ab ingenti illo suo hoste cui potentia impar erat obseffus, turrim vbi plurimum periculi videbatur,

quædam nomine & opinione hominum maiora quàm re, multa horrore eminus fuerant quæ vicina sunt risui, temere creditur inexpertis: nemo ex his mortis infamatoribus compti aliquid loqui potest, nihil ipse expertus, nihil ab experto didicit. Mortuum quavis interroga filebit, is cui iam rei veritas nota est, garrient quibus incognita & vanis auguriis astruent quod ignorant, hinc aspertissima hinc occultissima rerum mors arcanum & coniecturale nogocium suspicionibus agitur, in dubio bonis opinionibus exhæredum tenendumque potius quod iucundum faciat quàm quod inæstū animum. MET. Animus mortem timet. RATIO. Si sibi superuacuos timor, immortalis est enim ipse, si corpori sui hostis curā gerere pietas indebita: sin dissolui metuit, nimis carcerem & compedes suas amat stultus amor. M E. Timore mortis exagitor. R A. Stulti omnes mori metuunt, neque id miror quibus fœlicitas omnis in corpore est, quod extingui morte nō est dubiū. Iure igitur boni sui finē pauidi cogitant inæsti vident: natura enim hominis hæc est, ut infœlix esse nolle nequeat virū doctum cui non alia corporis quàm vili mancipij cura est, cui in casu animi omne studium semper fuit, omnis amor, omne desiderium, omnis spes mortē corporis non aliter quàm digressum

sum matutinum è nocturno quodā inamœ-
no & incommodo prorsus hospitio spectare
decet. MET. Mortem non timere non possū.
R. A. Posses vitæ huius exitum non timere, si
alterius ingressu sperare posses aut optare:
tuus hic timor inde oritur. Quamuis enim
formidati vulgo exitus multæ tradatur cau-
sæ, omnes tamē vitæ illius spe proposita eua-
nescent. METVS. Mortem metuo. R. A. T. Me-
tum hunc parit impremeditatio maximè &
inopinaneccessitas moriendi, in viro docto ac
sapiente turpissima, & præsertim sene, cuius
si rite doctus verèque est sapiens, vita omnis
meditatio mortis est: quod si philosophiæ vi-
sum fuit antiquæ, quid nūc nouæ pietati que
summa philosophia & veræ est sapientia, vi-
deatur? Aspice vt qui alieno imperio parent
subito, longum iter iussi agere solliciti & tri-
stes raptim complicandis sarcinulis inhiant,
vt queruli quod prædictum eis antè nō fue-
rit indignantēsq; abeunt, vt sæpe in tergum
versū, & nunc quoque hoc, nunc illud obliui
murmurent. Atqui nulla via est lōgior quàm
mori, nulla durior vt perhibent infestiorque
latrūculis, nulla deniq; obscurior, suspectior
& incertior, quæ vt cuncta cessarent certè ir-
remeabilis via est, quo attentius providen-
dum, ne quid obliuiscamini, quoniam hinc
digressis non licebit quod vtentibus ceteris.

metum mortis sensibus insitum præcipuèq;
vulgarium, philosophi verò mortem neque
malum neque bonum, eo quòd per seipsam
nec timendam diffiniunt nec optādā, inter
indifferantia numerantes, quæ pro qualitate
fruentium, nūc mala nūc bona fieri volunt:
quod illi enim ex vestris video probari, qui
peccatorum pessimam, preciosam vorò san-
ctorum mortem ait. **M E T.** Mortem metuo,
mortem edi. **R A.** Equidem vnde hic mor-
talibus metus mortis, vnde hoc odium mi-
ror, nisi mollities animorum nota sit, qua
hunc scilicet aliòsque degeneres augetis at-
que alitis pauores: an non vides vt magna
pars mortalium ipsum nomen mortis exhor-
reat? quod quid est aliud quàm naturam pro-
prium horrere, atq; id odisse quod natus sis,
quo nihil inter homines stultius, nihil ingra-
tius in deum. Quam multi autem nomen il-
lud ægrè audiunt, quod semper internam au-
rem pulsare debuerat. Nempe sine quo non
est qui seipsum cogitare possit: quid nanque
se cogitet, nisi quod est animal mortale?
Quotiens in se quisq; reflectitur, nonne sibi
illico nomen mortis occurrit? Sed refugitis,
quasi per aurē mors irrūpat, & auertitis ani-
mum atq; id cogitis obliuisci, quod mox sui
memoriā vel inuitis ingeret. Recusatis ecce
mortem cogitare quā confestim & cogitare

ipsum nisi bene vixeritis, frustra est: optate inquam & enitemini, & quod in vobis est facite: reliquum illi cōmittite qui quos in hāc vitam vltro non vocatus intulit, egressuris non nisi vocat⁹ & rogatus manum dabit: nō mori autem nolite optare: non modò enim impudens arrogāsq; sed inefficax etiam & inane votum est. Affluēscite. ò mortales naturæ legibus, & ineluctabili iugo colla submitte. Et si vos ipsos amati, quòd nati estis amate, non quòd nati nō esse velletis: neq; enim natura vobis sed vos illi obsequi fas est. Mē. Pauorem mortis abiicere diu quidē frustra nitor. R. Miror quid tam diu frustra niteris: quo te debuit cogitatio prona perducere? Turpis est enim tam brevis periculi si periculum non natura & periculorū finis est mori: turpis est inquam viro tam momentanei discriminis tam longæuus pavor, & tot anni anxij atq; suspensū ad horæ seu suspirij vniūseuentum. Visne autem mali huius vltimum remedium, vis mortis metu perpetuo liber esse? bene viue, vita laudabilis mortem spernit, sæpe etiam cupit, deniq; hęc terribilium omnium summa est. Siquidem labor, dolor, aduersitas, infamia, carcer, exiliū, damnum, bellum, seruitus, orbitas, paupertas, senium, ægritudo & mors, fortibus viris nihil sunt: aliud nisi experiētiæ scholæ, campus patien-

ff

318 F. PETRARC. DE REMED.
tia, gloriæ palæstra.

De voluntaria in seipsum manuum iniectio.

Dialog. CXVIII.

METVS.

MOrtem mihi conscire propositum est.
R. Rem vnā nunc metuere, nunc o-
ptare, hæc tota constantia vestra est. Nunc tu
mortem muliebriter formidabas, nunc ean-
dem inhumanè appetis, rogo quānam subi-
ta mutandi animi causa est? M. Cogor ipse
mihi manua iniicere. R. Si cogaris iam nō vo-
luntaria manuum iniectio est, quāuis dicatur,
quod coacta volūtas volūtas est, sed profectō
non libera, nec voluntas propriè quæ volen-
do fit. A quo autem cogaris nosse velim. In-
iici autem manus vel inuito possunt, tu tibi
illas iniicere nisi volens nequis. M. E. T. Ma-
gnæ sunt causæ quæ me mori velle cogunt,
R. A. T. Magnæ fateor si cogunt, sed non co-
gerent si vir esses. Nunc in vestrā animi mol-
litiem nihil est inualidum, vide antē an quæ
sint hæc causæ rite præfagiā: ira, indignatio,
impatientia, furor quidam in se versus. obli-
uio denique tuipsum. Nam si te hominem
meminisses humana omnia æquo animo to-
leranda cognosceres, neque parui mali im-
mo ne mali quidem odio maximum in ma-
lum velles incidere. M. E. T. V. S. Iniicere mi-
hi

hi manū cogor extremis malis. R. Non sunt extrema quæ te premūt mala, summū illud & extremū malū quod te vrget, desperatio, cæteris enim malis aliquid huic vni nihil potest esse remedij. Quæ sunt autē hæc extrema quæ dicis mala nisi labor forsitan & paupertas? Hæc sunt enim quæ poëta cōmemorat, de his agēs: qui sibi letum, insontes peperere manu lucēmq; perosi proiecere animas. De quorū sera pœnitētia mox adiecit: quām vel lent æthere in alto, nūc & pauperiē & duros perferre labores. Sunt ne autē tam grauiā mala hæc quorum primū boni omnes, forti atq; æquo animo tulere, de quo suo loco diximus, quidā spōte insuper elegerunt atq; hinc gloriosi ac in æternum diuites facti sunt, sæculum viris conuenire apud Crispū, atque ad id nasci hominem, apud sanctum illum & afflictum senem legimus. At vos inquietissima animalia quicquid non ad nutum avaritiæ vestræ fuit vestræque libidinis iustam voluntariæ causam mortis opinamini, tam delicata, tam preceps luxuriā vestra est, vt leuib; ex causis non fortunæ tantū, sed vobis ipsis irascamini, inque ipsum Deum calcitrāres impia ora laxeris, quasi quicquid id est in quo non vobis dominus vester obsequitur, iniuria gravis sit. MET. Magnis malis victus mori eligo. RATIO. beurre

vitæ credo familiari vitio stultorū omnium. Sapientibus enim omnis vita iucunda est: læ tam libenter, tristem ferunt patienter, etsi in rebus ipsīs nequeunt, patientia delectantur: nil in rebus lætius, nil dulcius est virtute. Illa est quæ molesta lenit, obliqua dirigit, dura mollit ac mitigat, ardua atque aspera quæq; complanat. Cessant querimoniæ, cessant præcipitia: & ad summam, sapientis vita nil serenius neq; tranquillius: hi autem animorum fletus atque angores, hæ nubes ac procellæ quæ in scopulos fragilē vitæ cymbam tradūt è sola stultitia oriuntur. M. Morbi impatientia mori elegi. R. Stultè eligis ac superbè: sine dominum de corpore tuo quod ipse fecit arbitrio suo statuere. An quod tibi tuo in ædificio vis licere, in quo non lingua, non lapides tu fecisti, in quo denique præter structuram nihil est tuum, id in suo locum domino omnium non vis, qui non in illo tantum carnem & ossa & sanguinē & spiritum, sed cælum & terras & maria & omnia quæ in eis sunt, creauit ex nihilo? Nec dicas apud te ipsum: corpus meum graui dolore angitur. Nec tu dominium, sed vsum corporis accepisti breue ad tempus: an tuæ luteæ domus te dominum credis? Inquilinus es, qui regit, omnia is est omnium dominus. Do. Dolore nimio cogor ut mori velim. R. At.

Hic

Hic fortassis ad experientiam dolor datur, qui si molestus est, esse poterit utilis: si intolerabilis, lōgus certē non erit: expecta domini reuocantis edictum: cūmq; vocatus fueris, responde & non prius. Fixa est dies tua, quam nec anticipare fas est, nec differre possibile. Præoccupauerunt tamen hanc multi, & dum paruam fugiunt breuēque molestiam, in æternas se atque irremeabiles demerferunt. Habuitque hæc opinio magnos auctores: Anneum Senecam imprimis, qui ad eam tam constanter, & tam sæpe reuoluitur, ut mihi quidem veritus videatur ne non propria sua sit, mirariq; cogat interdum unde tam tristis sententia tanti viri pectus inuaserit. Utq; alia sileam quæ prosequi longum est, quadam ad Lucillum epistola: si inutile, inquit, ministeriis est corpus, quid ni oporteat educere animam laborantem? Dehinc paucis interiectis: profiliam, inquit, ex ædificio putrido ac ruenti. Male ais ò Seneca, & multa bene dicta vno polluis maledicto. Non migrandum nempe, sed expectandum est: sine, ædificium tuum ruat, ut antequam fugias opprimaris. DOL. Non possum pati quæ imminet, mori malo. RAT. Ab hoste forsitan inferendam mortem quæ fortiter lata sit, turpis esse non potest, cū hæc voluntaria non possit esse, non turpis,

quia cōtra domini superioris imperium est, contrā quod nihil bene fieri potest. DOLOR. Mori malim quā instantia sunt videre. RATIO. Non est viri non posse erectis oculis vtrāq; fortunæ faciem spectare, muliebri est trepidos oculos auertere. Quid est autem quod te turbat vsque adeo vt solius opem mortis implores? Tuāne forsitan, antuorum, an patriæ laborantis aduersitas? Lenta illa duo quidem: nihil enim potest fortuna cui non possit virtus obstare: tertium hoc pium, sed pietate languida & inerti. Siquidē patriæ seruitus & tyranni facies morte potius repellenda quā declinanda sunt. Id est enim viri opus, hoc fœminæ. Quæ tamen in re Catonis mortem miris laudibus. Seneca idem effert sua illa peculiari opinione de qua diximus. Non sic Cic. excusasse cōtentus laudibus abstinet. Ait enim Catoni: incredibili grauitate naturæ perpetuæque constātia moriendum potius quā tyranni vultum aspiendum fuisse, quam tamen Brutus aspexit & illius potius morte tollendum quā sua morte fugiendum censuit. Quod quā bene seu quam male fecerit, non laboro: fecit tamen, Cicero autem dum Catonem exrusat suæ illius sententiæ melioris obliuiscitur quā ante annos plurimos libro sexto Reipublicæ posuerat. Ex verò est huiusmodi dū

Pub / i -

Publium Africanum minorem in cœlo cum patre atque avo colloqui somniantem & audita immortalitate animi ac fœlicitate vitæ alterius moriendi avidum induxisset, patrē mox inutile desiderium castigantem fecit his verbis: non est ita, inquit ille: nisi enim deus is cuius hoc templum est omne quod conspicias istis te corporiis custodiis liberauerit, huc tibi aditus patere non potest: homines enim sumus hac lege generati qui tuerentur illum globum quem in hoc templo medium vides qui terra dicitur, quare & tibi Publi, inquit, & piis omnibus retinendus est animus in custodia corporis, nec iniussu ei^o à quo ille vobis est datus ex hominum vita migrandum est, ne munus assignatum à Deo diffugisse videamini. An non satis Ciceroniana hæc excusatum arguunt Catonem? Et planè si ab Imperatore terreno ad custodiam loci cuiuspiam deputatus non auderes iniussus te remouere, ferrétque ille hoc grauiter si contrarium fecisses, quid cœlestis putas Imperator, cui tanto pl^o obedientiæ debetur, quanto maior deus est homine? Fuit nuper priscæ virtutis Stephanus Columnensis, non hac solùm sed omni ætate vir clarissimus futurus, hîc ab ingenti illo suo hoste cui potentia impar erat obsecsus, turrim vbi plurimum periculi videbatur,

vni suorum conseruandam certus de illius fide commiserat, quæ dum cuniculis suffossa latentibus tremere ac ruinam minaretur, fugientibus sociis atque hortantibus, vt salutis suæ descendendo consuleret, cum iam nihil utilis mora esset, sibi verò periculosa etiã & funesta: non descendam, inquit, nisi ille me reuocet à quo hic positus fui. Id dum Stephano nunciatum esset, & ipse illi metuens atq, eum reuocaturus accurreret, turris fundamentis fatiscētibus magno corruit fragore: sic fidelis custos oppressus est, quem vix erutum ruinis dominus suus mæstus ac lachrymans sepeliuit: eumque dum vixit & piè desiderauit & fidem eius sæpe meritis laudibus in familiari colloquio prosecutus est. Quid his verbis velim vides: talis enim tibi commissi corporis custos esse debes deo, qualis hic creditæ sibi turris domino suo fuit, fuisse tamen nihilominus non me latet mortē Catonis illa ætate laudatam à multis ac opinione hominum gloriosam. Notumq, est illud Iulij Cæsaris, qui dum victor Vticam properaret, vbi ille se peremerat, audita eius morte, Cato meæ gloriæ, inquit, inuidit, & ego suæ inuideo: præclarum aliquid haud dubiè videbatur cui vir maximus & gloriosissimus inuideret. DOL. Quid igitur obstat: mihi aut quid prohibet sapientis viri mortem in-

uidiosam summo hominum & excusatam
 sapientibus ac laudatam sequi, vitæq; diffi-
 cultates innumeras auxilio spontaneæ mor-
 tis euadere? Mori volo. RA. Vbi nete ina-
 nis spes rerum fallat. Sunt nepe^{re} alij quàm pa-
 res eloquio, nihil ad rem at certè sententia
 potiores, qui Catonis hanc mortem neque
 laudent neque excusent, sed grauissimè re-
 prehendant. In quibus Augustinus scrutator
 veritatis acerrimus, non hanc fuisse illi ar-
 cessendæ mortis causam, disputat, ne sub Cæ-
 saris imperio viueret cum filio suo, cum ipse
 auctor fuerit ad Cæsarem confugiendi dé-
 que illius clementia sperandi monia, nec fe-
 fellit: quòd si turpe credidisset, non filium se-
 cum vel venenovel ferrovel morte qualibet
 ab eiusmodi turpitudine liberaasset, cum Mā-
 lius Torquatus sit laudatus quòd filium ipse
 suum qui contra patris imperium pugnaasset
 ac vicisset, occiderat. Neque enim turpius di-
 ci potest procacis hostis esse victorem quàm
 superbo parere victori. Quid ergo Cæsa-
 rem dignum iudicauit qui filio vitam da-
 ret, atque sibi indignum censuit vel inui-
 dit? Et ad summam, mortis illius solam cau-
 sam fuisse deprehendit inuidiam, quod nec
 Cæsar ipse dissimulauit vt modò diximus.
 Aliud enim timere quid poterat, aut quid
 principem non tulisset à quo pridem con-

fule curia eiectus fuerat, & coniectus incar-
 cerem, & qui se tanta tãque p̃senti iniuria
 non occidit, quo inani metu, qua se falsa opi-
 nione superbix aut crudelitatis occiderit?
 Quid tam horrificum vultus Cæsaris habuit
 ut esset morte etiam fugiendus, viri omnium
 non tyrannorum modò, sed principium ele-
 mētissimi atque mitissimi, etiã potentioris
 nullum, multos certè ferociores sua ille vi-
 derat ætate: immo verò nullum viderat mi-
 tiorē? Iure igitur alter quidam scriptor egre-
 gius & fide clarus & eloquio: mihi, inquit,
 Cato videtur causam quæsisse moriendi, non
 tam ut Cæsarem fugeret quàm ut Stoicorū
 decretis obtēperaret quos sectebatur, suū-
 que nomē grandi aliquo facinore clarifica-
 ret. Cui quid mali potuerit accidere si viue-
 ret, non inuenio. Gaius enim Cæsar ut erat
 clemēs nihil aliud efficere volebat etiam in
 ipso belli civilis ardore quàm ut bene mere-
 ri de republica videretur, duobus optimis
 ciuibus Cicer. ac Catone seruatis. En tibi alia
 præt̃er inuidiam causa moriēdi vanitis stul-
 ta, vtraque nec Catone digna, neq; illa pror-
 sus anticipandæ mortis sufficiens causa est.
 D O L O R. Mori malim quàm sic viuere. R A.
 Quid scis an hæc tibi tam tristis vita multis
 optabilis, multis inuidiosa sit? Sed impatien-
 tia res cunctas exasperas. D O L O R. Mori
 opto.

opto.R. Vt timidis metum mortis, sic desperatis vitæ odium extorquere difficile est: vitam tamen æquanimiter perferendam, mortem fortius expectandam, hæc nostri remedij summa sit.

De morte. Dialog. CXIX.

DOLOR.

MORIOR.R. Ad extrema perventū est: iam nec mortē metuēs nec optabis, de quibus duobus totidē me proximis tractatibus fatigasti: iam præterea nec dolebis, nec corporis a nimiq; defectibus subiacebis, nec rerum tædiis, aut morbis, aut senio, aut hominum dolis, aut fortunæ varietate lassabere, quæ si mala sunt, mali finis utiq; bon⁹ est. Tu paulo ante de his omnibus querebaris nūc eorundem de fine conquereris, vide ne sis iniquus. vnā rem qui simul doleas esse & finire. D. MORIOR.R. Iter patrum, immo omnium latū tritūmq; iter gradieris: solus ne tibi nescio quid aliud demum maluisses: perge autē, non est aberrandi metus, tot sunt viæ duces comitēsq;. D. Heu morior.R. A. Si quis est quem flentem mori deceat, ridere dedecuit viuētem, cū instare semperque supra verticem videret vnde mox flēdum sciret, risum illū haud dubiè fletus hic nō longo seiunctus

spacio sequebatur. DOL. Morior. RAT. Non est ferendus qui sui generis sorte luet, non moreris utique nisi mortalis esses: sin id desles quod mortalis sis, non est flendi locus, ubi esse desinis quod inuitus es, flendum erat ab initio dum inciperes esse quod nolebas, nunc gaudendum, esse enim incipies im mortalis. DOLOR. Morior. RA. Omnes hi qui lectulum tuum modo ambiunt, omnes præterea quos vidisti vnquam, omnes de quibus audisti aliquid aut legisti, & quantula ea pars hominum est quam nosse poteris, omnes omnino qui vel olim nati sunt vel omnibus terris ac sæculis nascentur, iter hoc egerunt acturi que sunt. Cerne animo longam præcedentium longamque sequentium cateruam, comitum quoque & hac ipsa hora tecum simul obeuntium non paruum numerum, pudebit credo sortem publicam priuatis urgere querimoniis, dum ex omnibus vel vnum cui inuideas non videbis. DOLOR. Morior. RA. Hoc est impassibilem fieri & iugum fortunæ pariter ac mortis excutere: geminum ingens bonum, quod viuēti nulla vnquam prosperitas largiretur. Cogita autē quæso quot tibi & quàm graues curæ, qui superant labores: si non dicam infinitam, sed annorum mille qui vnus iam præteritæ diei spacio comparantur certam vitam accipisses, quod

quod optimè æstimabis, si hius brevis ac fugacis & incertæ vitæ tædia, próque hac totiens susceptos labores molestiâque memineris. DOLOR. Morior. R A T I O. Ita mortem fletis ô mortales quasi magnum aliquid vita esset, quod si esset mîgnū aliquid, muscæ haberent & araneæ & formicæ. Si semper beneficium vita esset, semper mæleficiū esset mors, quæ magnum beneficium est interdum, dum vel ab intolerabilibus malis, vel ab his quæ summa sunt mala peccatis instantibus animam eripit præservâtque. Atqui ut magnum aliquid inter vos sola est virtus sic si per se spectetur vita hæc, miseriarum innumerabilium officina est, quam qui claudi dēlet, is ferias respuit malorum, & quietem odit, quam qui appetit, laboriosæ finem vitæ cupiat necesse est: quādo nullus alius est vel laborum vel malorum finis, quid spes igitur? Dies adest qui si traheretur, votis erat optandus & fortassis ut res hominum sunt & fortunæ vis immensa & insultus varij, sæpe etiā vitis opratus est tibi. DOLOR Morior R A T, Immo è terrea & caduca domo ad æthereū atque æternum migras habitaculum, & in limine pedem habens mæstus auelleris atque inuitus, & nescio quid retro anxie respectans an sordium quas dimittit oblitus, an bonorum ad quæ pergis incredulus. Profectò si

quod paulo ante dicebam, & quod magni dixerunt viri, vestra quæ dicitur vita mors est: illud est consequens, vt eius finis quæ mors dicitur, vita sit. **D O L. Morior. R A T I O.** Rex te tuus carcere liberat, iam vincula franguntur quæ fecisse mortalia pium patrem libuit. Idq; vel maximè ad illius in sericordiã pertinere, & Plotino visum, & vestris approbatũ sciens, quid queraris nescio. **D O L. Morior. R A T.** Vocat te rex tuus fœlix nunciũs. Sæpe est enim nec videtur faustum quod inuitis acciderit. Consensum adhibe, nũc sentire incipies quàm bene tecum agitur, hic quem metuis carceris exitum & malæ vitæ reputans & mortis bona prælagiens, quatiſi olor ille Socraticus diuinationis particeps & ob id sacer Apollini moriendo cantabis, si non voce, saltem animo; & nisi quod ab sit, graue nimis in expiatorum te criminum pondus premit, quod fecisse Vespasianus corpore legitur, tu facies mente. vt assurgas moriens, nec te dignum censeas iacentem mori, neque minus hac in parte tibi tribuas, quàm ille sibi, quod non vt ille, sis princeps: mors enim nescit imperium, principes non agnoscit, adæquatix optima multa forsã id vita, certè nihil illi licuit quod nõ liceat tibi, quin & plusculum diuinæ opis tibi ni respui satisfuturum spero, non quia tu melior, sed quod tu gra-

tui

tuito dei amore sc̄licior, qui negata magnis
 & sapientibus abscondita concessit paruulis
 & reuelauit indoctis. Adde quòd tum vtilius
 tum facilius tuum erit assurgere. Illius enim
 conatus corporeis viribus egebat, quas mor-
 bus extenuat, mors extinguit, tibi ad assur-
 gendum non nisi animi viribus est opus
 quæ vicinia saepe mortis augentur. DOLOR.
 Morior. RATIO. Quic in tuto trepidas?
 quid in plano cespitas? quid in prono hæ-
 sitas? Non tibi ingeram quæ hoc loco di-
 sputant philosophi; multa sunt enim quæ
 morienti occupatio & angustia temporis
 non admittunt, debuit tibi profundè admo-
 dum hæsisse quicquid vbique de hac re ab
 antiquis philosophis disputatum est: vt enim
 ipsi idem volunt, asperarum rerum om-
 nium remedia superuacua facere potest rara
 quidem, sed, in finem rara prosperitas, quæ
 aduersus mortem differuntur, ea semper vti-
 lia semperque necessaria, vt sint moriendi
 non fortuita sed naturalis & iruicta necessi-
 tas facit. In cæteros sanè multa & valida
 in Tusculano ipso, cuius supra memini prima
 luce recolligit Cicero, quæ nisi olim didice-
 ris, nunc docendi spatium non est, quibus ef-
 ficet, siue in malis sit qui moritur, siue in bo-
 nis esse videatur, quia tamen ex quo fortunæ
 iaculis patet omnis hominum status, a malis

cum nō à bonis morte discedere, quod acer quisque humanarū obseruator rerum haud dubiè verum sentit. Morte igitur non offensus se, sed sibi consultum iri existimat, iam latè illam cogitans & cū venerit visurus vt liberatoris sui nunciam seu ministram, & cū transierit respecturus, ceu fenestram vnde mūdi laqueos & carcerem carnis euaserit. Illud Cicero idem disputando consequitur, seu perit animus seu transfertur, vt vel mali nihil, vel boni plurimum sit in morte, argutè fortassis apud suos, apud vos nempe non philosophis modò, sed ne vulgo dubiū, credo hercle, nec apud eum ipsum de quo sæpe loquimur Ciceronem, quod magnificētissimè multis testatus est locis, sed vel sui collocutoris, vel illius æui diffidentix seruibat. At sumnam igitur sic teneto vt scias immortalem esse animam, quod non solū cōcors vestrę gētis opinio, sed philosophorum omnium excellentissimè tenuerūt: nulla tibi spes in occasu animæ quæ natura talis est vt moti nequeat, neque hinc fidas nil mali superesse post obitū, quod nulla sit futura anima quæ pati possit. Sed quia creator animæ ipse est mitis, ipse pius ac misericors, opus suum non despiciet seque veraciter inuocātibz prope erit. In illum preces, in illum vota, in illum spes vltimæ ferantur, in illius no
men

men extrema delinant suspiria. I securus, nil timeas, natura parens benignissima nihil fecit horrificum, mortem formidabilem error facit hominū non natura rei providæ. si quid magnum voluis animo, si quid altum struis, humiles & ineptas vulgi voces actaque despicere, verū illos suspice, quorū imitatio ad veram gloriam via est: apud nostros quidem latè felicitēq; morientium, innumerabilia sunt exempla. Sin antiquiora perquirimus, multi occurrēt, qui mortē non modò ferant fortiter, sed arcessant, quod in Marco Catone, sicut modò diximus Marcus Cicero accusat, Seneca autē laudat: nobis verò neutrum sit probatur, sed secundum minus, quia tolerabilius est errorem excusare quā laudare: nos vtrūque reiicimus, quoniam ut vocatum respondere & reuerenter parere laudabile, sic imperatoris iniussu commissa de custodia & corporis statione discedere capitalis est habēda defectio, & vel exilio graui, vel summo plectenda supplicio. Sciens reposito ut altius imprimam: abundē enim, nisi fallor, hæc omnia superior tractatus explicuit.

DO. Morior. RAT. Immo carnis tributum, naturæ debitum persoluis mox futurus liber, fac libens quod vel nolens faceres, & ut bene ait quidam mortis hortator, cupias quodcunque necesse est. Non est utilius, im-

mo quidem non est aliud in necessitate consilium, quicquid sit à volente fit leuius, & desinit esse necessitas si voluntas accesserit. DO. L. O. R. En morior. RATIO. En te dominus præstolatur. Accelera ne titubes neu cuncteris; pone suspensiones, non tu tibi charior es quàm illi: quis vocatus ab amante diffidit? Adhuc fortè miraberis timuisse quod optandum esset. Multa iam solutus scies quæ vincutus nullo vnquam studio didicisses, vsque adeo vt arcana rerum nosse volentibus, ad quæ mortali velo obsita acies vestra non penetrat, quæ profectò cupiditas naturalis est homini, sed vehementior studioso, nil morte melius putem, nílque quod breuius ad optatum ferat. DO. L. Morior. R. A. Immo obdormis vitæque fessus vt arbitròr requiescis. DO. Morior. R. A. Vade in eternam requiem, nunc primùm viuere incipis. Bona mors initium est vitæ.

De morte ante diem. Dialogus c. x x.

DOLOR.

Quid quòd ante diem morior? R. A. Ante diem nemo moritur: sed non omnibus dies idè: immo vt vates ait eximius: Stat sua cuique dies, ad quàm quisque cùm venerit, metam attigit. Et quoniam nec redire datum nec subsistere, trāseundum est. DO. Ante diem morior,

moriør. R. A. Posset id verum esse si in diem debitor fuisses, purus debitor semper debet: semper itaq; nutum sui creditoris obseruet, & semper in numerato habeat quod debet. Habet autē semper dum mortale corpus habet, nullo metuo, nullo opus est fœnore, dormi habet: immo quocunque ierit secum habet, & vt dicitur in manu habet vnde se liberet. quo saluto nil naturæ amplius, & nil iam cœlestibus vllis debet: vt Virgilius ait, Pone igitur hanc querelam: antē diem non reposcitur, quod omni debetur die, quin pro eo quod dicebam gratias age, quia scilicet ad id debitum nec prece, nec possessione, nec pignore, nec vsura, indiges, quod vltimū dixisse fertur Spartanus ille vir fortis incognitus, sed dignus agnosci, cū ad mortem ductus, ob hoc ipsum imperterritus iter atq; alacer, quod capite suo satisfacere Lyeurgi legibus posset. D. O. Morior ante diem. R. A. Non inteligo quid sit ante diem mori, nisi quod vulgo dicitur ante lucem, seu cū primum elucescit, quæ exercitiis eius quam nunc agis animæ aptissima hora est: alioquin quis omnino hominum ante suum diem moritur cū ille sit suus dies in quo moritur non alius? D. O. Ante tempus morior. R. A. Neq; ante tempus neq; post tēpus, sed in tēporē morieris, nisi sic forte tēpus accipis quod tu tibi, non natura seu

fortuna præfixerat. Ante illud enim sic non mori potes, sicut nec post illud viuere. DO L. Morior ante tēpus. RA. Quis nisi amens queritur ante tempus absolui vinculis & carcere relaxari? Lætandū mediis fidiis si ante tempus accidisset, sed nec accidit nec accidere potuit, suum tēpus habent omnia, hic te terminus manebat, hic metam fixerat qui te in hoc vitæ stadium induxit: si de hoc fine quereris, & de alio quolibet queri posses. DO. Citò morior. RA. Citò natus eras: non moritur citò qui iam senuit. Quòd si non senueras, cessat, altera pars querelæ, quāuis si portio vitæ vltima est senectus, non senuisse nō potest quisquis moritur. Sed intelligo senectutē vt vulgus, annorū congeriem multorū, cui non vt reliquis finis est alius quā mors, de initio discrepant variis sententiis, sed pro viribus senescentium pròque valetudine corporum atque animorum habitu ad concordiam redigendis. Tota denique res huc redit, vt vel mortis incusare celeritatem desinas, vel molestias vitæ prolixioris quæ de mortis ipsius tarditate proueniunt, sed vos vobiscum dissidentes nec mori vultis nec senescere, cum vtrunque certè vel alterum sit necesse. DO L. Amplius viuere poterā. RA. Immo certè non poteras: nam si posses, puto viueres: sed hoc dicere vis, volebam seu sperabam: & vt est

animus mortalium vitæ auidus, spei credulus, vtroque perfacile tibi assentiā. At si dicere vis, debebam, quia pauculos adhuc dies viuere ætati non indebitum videretur, non æque consenserim: quidam enim serius obeunt, multi ocius, nūquam nullus, hæc inter nihil in cōmune prouisum, nisi vt omnes mortales vna lex teneat, vnum mortis imperium, alio tamen atque alio moriēdi genere diuersisque vitæ spaciis: sic rei vnus modus multiplex tempusque peruarium est. Acquo animo igitur quisque suum mortis genus, suum diē mortis expectet, nec auiditate vitæ, nec fastidio quod indocti ingrati que omnes faciunt de natura legibus queratur aut litiget. D O. Modicum vixi. RA. Nullus tantum vixit vt non sibi modicum vixisse videretur, & est planè modicum quicquid hīc viuatur: itaque si diu viuere delectat, vitam illā querite vbi semper viuatur, quæ & si hīc nō sit, tamē hīc quaritur. D O. Vixi modicum. RA. Quid si plus vixisses, nunquid ideo nō vixisses modicum? Spacia vitæ huius imparia & incerta sunt, vnum omnibus est commune, cuncta sunt breuia: vixit aliquis octoginta annos, quid hic quæso plus habet quā qui octo? Verte acriter te in te nec te fallat vulgi furor quid plus inquam habet qui diutius vixit, nisi fortè curas laboresque & dolores & æ-

dia ac peccata in lucro ponitis? Aut quid
 plus haberet si vixisset octingentis? Est in ex-
 pectatione fateor. pusculum aliquid: at cum
 spacium vtrunque transferit, mihi crede, ni-
 hil inuenies quo plus vixisse feliciter sit. DO.
 Morior dum bene agere cogitabam. R A-
 T I O. Quid agere cogitabas nec agebas? Sic
 forsitan in perpetuum cogitasses? Sunt qui
 bene agere semper cogitent, nunquam ta-
 men incipiant. Quod si bene agere cœperas,
 ne dubites, quanuis boni operis finem mors
 præuertat, apud cæca hominum iudicia, for-
 tasse aliquid, sed spernendum, apud infallibi-
 lem rerum æstimatorem nil tibi subtrahitur,
 integra merces tua est, non actuum modò,
 sed votorum. DOL. In medio rerum appa-
 tu morior. R A T. Hoc non mortis, sed mo-
 rientium culpa est, qui breuissimam vitæ te-
 lam, tum maximè ordiuntur dum præciden-
 da erat, quod nisi sic esset, non tam sæpe inex-
 pletis vitæ muneribus morte præuenirentur
 sed expletis ac transactis viuerent, qua pro-
 fectò nulla dulcior vitæ est: hanc tamen dul-
 cedinem non tam vitæ breuitas quàm viuen-
 tium torpor hominibus eripit, quibus nulla
 ideo longa est vita, quia quantuncunque sit
 temporis nunquā viuunt, semper viuere me-
 ditantur, & iam senes inter noua vitæ consi-
 lia fluitantes. ceteri sine serui principium
 ante

antecedunt. D O L. Morior dum magna pararem. R A. Hoc multis magnis viris ferèque omnibus accidit. Falluntur homines cum in multis, tum in morte præcipuè, quam venturam nemo est qui nesciat, dilaturā sperant, & abesse procul fingunt sibi quā vicinam semper hinc vitæ breuitas & fuga temporum facit, hinc fortunæ vis & casuum humanorum circumfusa varietas. Et ô cæcitas mira, quòd quid vobis sit sperandum in aliis saltem aliquando non discitis: sed sic est, ægrè ad amaras cogitationes animus redit: itaque dum sibi quisquis longissimum vitæ spatium spondet. dūmq; vel æuum Nestoris, vel ut ait Cicero, Metelli fortunā sperat, denique dum se quisque prædilectū naturæ filium credit, de primordiis agitanter finis occupat, & multa deliberantes improuisa repente mors aggreditur modiciq; intercipit apparatus. D O. Viridi morior ætate. R A. Ut nil iu hoc aliud boni sit prouisum tibi est saltem senio ne marcescas. Senectus enim quanuis non sit grauis, ut apud Ciceronem ait Lelius, utque à nobis supra disputatum est, aufert tamē eam viriditatem, in qua quidem, ut Scipionē ille, sic tu nunc etiam & te fuisse commemorat, multis tu fortasse desiderio, nulli iā fastidio futurus sis, quod in longa ætate vitare quantalibet virtute subdifficile est. D O L. Iuueni.

mior. R A T. Nosti quid in vita passus fueris, quid passurus ignoras, & mihi crede, in hoc tam vario tamq; immiti fortunæ regno qui præmoriatur comitem fallit. D O L. Morte præpedior ne cœpta perficiam. R A. Iustè id quidem, agitis enim semper quæ peregrisse pridem decuit, peractique nihil est, hoc maxime vobis grauem mortem facit ac miseram : & si quidem absq; tua culpa cœpta peragere nequiuisti, sufficiat voluisse. Sin per ignauia distulisti, displiceat neglexisse. Quod si forsan hæc lamentis causa prætenditur, verè autem nihil aliud quàm vitæ prolixitas & dilatio mortis optatur inanis, licet publici voti tandem te vel serò pudeat : audite tamè me mortales vsque adeo vitæ cupidi, quæro ex vobis sequestrato virtutū exercitio, quid omnino aliud vita hæc quam segnis & inutilis mora est quæ quantūlacunque fuerit, nequit non esse breuissima. Dictum ergo placer illius cuius Augustinus meminit, quē in extremis agentem cū amici solarentur ac dicerēt, ex eo morbo quamminimè periturum esse: respondit, si nunquā bene, at si aliquando, cur non modo? D O L. Interruptis rebus mior. A T. Si ad mentem redeunt, aut rebus gestis aut ingenio clariores, magna pars inexpleris operibus obiere, paucis in hac breui vita contigit vt concepta seu iam incepta
per

perficerent: tu verò quoniam communi hominum more has te in angustias impegisti, nec præterea retractari possunt, vnam hanc emergendi viam arripe, non ut ad multa interrupta flebiliter inutiliterque respicias, sed ut viriliter quod vnum restat expedias, bene mori.

De morte violenta. Dialogus CXXI.

DOLOR.

Sed violenta morte pereo. **R. A.** Si nolen's moreris, violenta mors omnis est, at si volens, nulla. **DO.** Per vim morior. **R. A.** Si quidẽ vitæ vis aufertur, quid interest febris, an gladius, dum liberè egrediare, quid refert, an ergastuli tui fores sponte pateant, an frangantur? **DOL.** Vi morior. **R. A.** Mutæ sunt species mortis, sed mors vna, quæ an violenta sit, an non, morientis arbitrium est, vim vis maior superat, consensus extinguit. Sapiens sic instructus est, ut quibus nõ potest obstare, consentiat. Quid tu inquires: percussori meo ut consentiam iubes? quidam non consenserunt modò, sed gratias egerunt: inuentus est qui percussorum suorum ignorantiam excusaret & supremo illis anhelitu veniam precaretur: neque ego te cruento consentire carnifici iubeo, sed inuictæ sorti, cui qui non sponte paruerit, vi parebit. **DOL.** Morior hostili manu. **R. A.** Quid tu igitur amici manu mori posse

credideras, quando id tibi nisi ab ignorante
 contingeret? DO. Hostili dextera pereō. R A.
 Hostiles euadis manus: ille dum iræ suæ ob-
 sequitur libertati tuæ consulit, potestati suæ
 detrahit, nilque amplius in te potest. D O L.
 Hostili manu occumbo. R A. Satius est sub
 iniusto hoste procumbere, quam sub iusto
 rege. Illic enim occisoris est crimen, hîc oc-
 cisi. DO. Hostili ferior manu. R A. Quid tua
 magis interest quam dextera quam quo gla-
 dio feriare? Nō de manu, sed de vulnere quæ-
 ritur, quanuis & Pōpeius manu Cæsarîs fe-
 riri pro mortis solatio videatur apud Luca-
 num optare, & apud Statiū Capaneus Ipseū,
 apud Virgilium Aeneas lausum, Camilla
 Ornithum, quōd illorum manu occidantur,
 consolentur. DO. Ferro morior. R A T. Com-
 munis tibi cum maximis fortuna, cūque
 optimis viris bona pars eorum quos vel præ-
 sens vita foelicissimos habuit, vel æterna san-
 ctissimos habet, gladio periere, quos si nu-
 merem non breuiloqui monitoris, sed longi
 opus erit historici. DO L. Gladio pereō. R A.
 Alij aliter, quidem laqueo, quidam lapsu,
 quidam vnguibus leonis, aut apri dentibus,
 multis ferri copia defuit, dum optarent gla-
 dio perire. D O L. Ferro ferior. R A T. Quid
 scis an maiori exitio subtraharis, quōdque
 miserrimum censes, grauioris miseræ fuga
 sit?

fit? Dixi suprà vt Plotinum alterum à Platone philosophiæ decus pestilens lepra percussit: id non dixi, vt alterum ab Homero poeticiæ Craie lumun Euripidem canes moribus lacerarunt. Lucretius vestrorum vatum primo proximus, cui tam multa Virgilium auferre non puduit, amatorio poculo accepto in morbum rabiemque compulsus, gladio ad postremum pro remedio usus est. Herodes rex Iudææ tam serdo morborum agmine circumuentus interiit, vt compendiosior ferri mors inuidiosa sibi esse potuerit, utque auguror, fuerit. Romanus princeps Hadrianus morbi tædio victus, impatientiam doloris ferro abrumpere si licuisset, optauit. magnum quendam virum hac ætate vermes toto scatentes corpore, mures alium exedisse narrantur. Inter tam multa ludibria humani corporis si electio tribuatur, quis imbecillis adeo vt nō ferrum ambiat? D O L. Ignibus pereor. R A T. Quidam animæ vim naturamque igneam extimâtes, id facillimum mortis genus opinati sunt. D O L. Flammis absumor. R A. Vermibus ereptum corpusculum non erascet. D O L. Fluctibus obruor. R A. Piscibus conuiuium, bustum tibi amplum, nubile, nitidum. Et quid refert corpus terreum, terræ reddas an pelago? D O L. In freto morior. R A T. Non vbi, sed qualiter moria

moriaris ad rem pertinet, ubiq; bene mori licet, ubiq; malè: non in loco, sed in animo est quid fœlicem mortem facit aut miserã. **D O.** In mari pereo. **R A T.** Persuasum multis scio in mari miserum mori, quòd æthereus atque ardēs spiritus suo contrario videatur opprimis: sed vt dixi nihil locus ad miseriam, animus totum. Itaq; de hac re nauæ nescio cuius responsionem probò, quem cùm quidam interrogasset, vbi nam pater eius obisset, In mari, inquit. Cùmq; idem ille de auo & proauo atq; atauo nominatim ex ordine quæsiuisset, responsumq; idem de singulis accepisset: intulit, & nunquid tu, inquit, mare ingredi non times? Respondit nauta dissimulans, & vbi nam tuus obiit pater? Suo, ait, in lectulo, vbi tuus, inquit, & is ait & proauus & maiores. mei omnes suis in lectulis obiere. Tum nauta: num tu, inquit, tuum non times in lectulum ascendere? Eleganter quidem aliquantòq; plus quàm nauticè. De morte igitur natura viderit quæ mortales fecit, at de genere mortis, de loco, de tempore viderit fortuna. **DOLOR.** Veneno morior. **R A T.** Comites tibi illustres pridem dum de hoc vno ageretur exposui Regia quidem mors est gladius, sed venenum magis. Et ad summam: ridiculum valde est vbi de morte decreueris, de instrumentis esse anxium.

DOLOR.

SEd ignominiosa mors est. R. A. Mortem
 ignominiosam facit non genus aut quali-
 tas, sed causa supplicij. DOLOR. Ignominiosè
 morior. R. A. T. I. O. Nemo bonus malè mori-
 tur, nemo malus bene. Honestā mortē non
 funeralia, non ministri, nō purpureę faciunt
 exuviae, non inuersi clypei atq; enses, & fletus
 dominum familia, & vulgi clamor ac lamē-
 ta, & mœrore vxor insignis & pietate filij &
 deiecta ceruice ante feretrū nigro indutus,
 ac lachrymis grandibus humens & homo,
 nō postremo funereus laudator, & imagines
 aureę diuitis sepulchri, defunctiq; titulus vi-
 cturus in marmore donec sua quoq; licet se-
 ra lapidibus mors sit, sed virtus & clarū me-
 ritis viri nomen, nō vulgaris egeni auræ, sed
 suapte eminens maiestate, quod nō præceps
 & cæcus fauor hominum, sed rerum series &
 innocens vita pepererit, atq; vsq; ad mortē
 veritatis & iustitiæ suscepta defensio: interq;
 medias mortis minas imperterritus atq; in-
 fractus animus ac generosa fiducia. Contra
 his decoribus honestam mortem, quis igno-
 miniae quæso locus est, aut quomodo turpi-
 ter mori potest qui sic moritur? Seruilem in
 modum virgas adhibe & tortores & laqueos
 & secures, fige cruces & rotorum radios at-

tolle & quadrigas in diuersum age lacera
huc & illuc membra rapturas : adde ignes &
eraticulas prunis impositas atque oleo vasa
feruentia, & ferarum dentes fame armatos :
adde vncos & gemonias ac tracta per vicos
laniata cadauera , & quicquid iniuriæ atque
opprobrij, seu viuû, seu examine corpuscu-
lû pati potest : dura mors fortasse videbitur,
ignominiosa certè nō fuerit : immo verò nō
nunquam eo clarior quo durior. Itaq; appa-
ratus hic exterior & tumultus , & tubæ , &
carnificum truces vultus & irata vox tyran-
ni, nihil prorsus ad rem, intra teipsum te re-
flecte, ibi te quære atq; excita, omnibûsque
quæ supersunt animi viribus ad extremos
casus accingere, aures ab inuiso strepitu, à
supplicij ponipâ oculos auerte, tacitûsq; to-
tam animam recollige atq; hortare, resque
ipsas examina non umbras rerum, tu si mor-
tem ipsam rectis oculis spectare audes, nec
ferrum puto, nec restim, nec liuentes calices
nec stilantes carnifices horrebis : vanum est
enim ipsum hostem cûm contempseris, eius
faleras aut signa metuere. D O L O. Ignomi-
niosa mortè damnatus sum. R A: Sæpe
actor seu delator infamis & obsceni testes
& obsecurus iudex, reu autem ipse clarissi-
mus: sæpe ignobilis vulgo mors nobilis vero
gloriosusq; qui moritur. Iam vt fideam reli-
quos

quos, quod & nimis multi & multo impates sunt, quæ vsquam ignominiosior mors quam crucis: in qua pepēdit eximium illud & prænitidum cœli decus ac terræ, ne tale aliquid ignominiosum sibi censeat vlla fors hominis. Et quoniā summo nihil est altius, in hoc desino: omne genus mortis honestare potest: virtus, virtutem nulla mors inquinat.

De morte repentina. Dialog. CXXIII.

DOLOR.

AT repente nimis morior R A T. Paulo. Ante si recolo sentisse tedicabas, miror quomodo repentina mors seni est, qui nisi, non dicam, delirat, sed insanit: semper ante oculos mortem habet: nanq; cūm omni ætati salubriter sit consultum, vt omnem diem sibi vltimum credat, hoc amplius rite consultur senectuti, vt omnem horā sibi putet extremam: neq; illud modò nō audiat quod est apud Tulliū: nemo tūm senex qui se annum non putet vivere: sed ne id quidē quod Seneca ait, dic. DOL. Subitò morior. R A. Quid hīc dicam, nisi vt repetā quod ille olim summus hominū, nec minor ingenio quā fortuna, vno ne integro quidē ante suum oblitū d e quasi iam verum experientiæ vicinitate præfigiens, dum de hoc ageret, repentinam atq;

improvisam mortem commodissimam iudicavit, quod iudicium ab ea videbitur religione dissentiens quæ ab hac morte liberari flexis genibus Deum orat: neq; ego hanc sententiam ubi sit libertas amplector, aliud tibi nempe cogitandum est, neq; vero hanc optabilem, sed ubi sit tolerabilem mortem dico. Siquidem sapienti quicq; eminus cuncta præviderit, inopinum nihil accidere posse non ambigitur. Unde fit ut improvisa mors non sit cuius provida vita fuit: nam quo pacto rerum maxima negligat, qui parva, qui minima etiam librare sit solitus? Humanis autem in rebus quid mihi maius morte monstraveris, quid par morti? DOLO. Velocissimè morior. RATIO. Impræmeditata modò non sit mors, quo velocior eo facilior: & supplicium enim si quod est, utique breve est, sensumq; ipsum celeritate preveniens, & morti detrahatur quod est in morte durissimum, metus mortis.

De egrotante extra patriam. Dial. CXXIII.

DOLOR.

A Liens in patria ægrotat. R A. Quid refert cuius sit patria, ægritudo utique tua est. DOL. Ludis me, ego extra patriam ægrotat. R A. Qui extra unam patriam est, intra aliam sit oportet, extra omnem patriam nec ægro

ægrotare nec sanus esse quisquā potest. Do.
 Diuerticula verborum quæris, extra meam
 patriam ægroto. R. Vnum hoc bonum huic
 inest malo, nemo grabatulū tuum premer,
 non importuna vxor aut filius, sui vterq; so-
 llicitus, negligens tui. Quotiens putas viro
 vxor, patri filius, fratri frater in vltimis labo-
 ranti puluinar iniecerint, & mori adiuuerint,
 quem alienigenæ vetuissent. Sæpe ubi maior
 est charitas ubi minor creditur, certe nullus
 astantium morbo tuo gaudebit, nullus tibi
 mortē optabit. Quæris causam? Nullus hæ-
 reditatem tuam expectabit: omne in facinus
 spes & cupiditas impellunt, hæc tranquillitas
 non faciliē tibi in patria cōtigisset: multi stra-
 tum circumfisterent sub officij specie funeri
 inhiantes, quæ cogitatio egrotati egritudo,
 nisi fallor, altera est: obsessu hinc lupis hinc
 vulturibus se cernent: iam cadauer mēte ca-
 ptāribus. Do. Extra patriam ægroto. R. Quid
 sis, forsitan nunc in patriam redis: rectum &
 breue iter in patriam est mori. D. Extra pa-
 triam æger sum. R. O superuacua semper &
 inanes hominum querelæ, quasi verò arden-
 tior extra patriam febris aut durior sit poda-
 gra: nilum hoc omne quod videtur volun-
 tarium est, atq; in vestra positum potestate,
 vt pestes aliæ quascunque falsa animis inue-
 nit opinio.

buit, eoque illum modo in patriam suam rediisse
 somniorum interpretes dixerunt, ne qua peni-
 tus pars somnij falsa esset: ego quid de som-
 niis sentirem dixi alibi: de hoc in patriam re-
 ditu quid occurrerit modo dixerim. DO-
 LOR. Extra patriam mori cogor. RA. Dixi-
 dum de exilio loqueremur & repeto, aut ne-
 mo extra patriam moritur aut omnes. DO-
 CTIS quidem viris placuit omnem mundi pla-
 gam patriam esse, & praesertim forti animo
 quem non huius aut illius partis amor astrin-
 xerit, aliis eam tantum ubi bene esset: con-
 tra, nullam hic esse homini patriam quibus-
 dam visum est: illa communis, haec altior phi-
 losophia est. D. Morior procul a patria in qua
 natus sum. RA. Vbi morieris illa demum ve-
 rior patria tua est: illa te diutius possidebit
 nec vagari sinet & proprium perpetuumque
 incolam sinu amplexa costringet: discere hanc
 terram pati quae te ortum alibi transforma-
 bit in se. DOL. Procul a patria mors me ma-
 net & sepulchrum. R. Et coelestes illi diuini-
 que homines quos una aetas & eadem media
 mundi parte genuerat, toto orbe dispersi sunt
 mortibus ac sepulchris. Illum Ephesus, illum Sy-
 ra, illum Persis, illum habet Armenia, illum
 Aethiopes, illum Indi, illum Achaia, illos Ro-
 ma, illam ultima servat Hispania, quosdam
 tamen ex his loco mortis ablatos esse, nunc

in Italiae urbibus fama est qua terreni erant
 pars quidem aetherea pridē haud dubiē cœ-
 lum tenet. DOLOR. Extra patriā mori oportet.
 RATIO. Quid secundi ordinis viros lo-
 quar? Illum Stridoni Bethleem prius & post
 Roma, illum Gallia Pannoniæ, atque illum
 Athenis abstulit Parisius, hunc Græciæ atque
 hunc Hispaniæ rapuit Roma, hunc Medio-
 lanum Romę viuum, hunc defunctum Afri-
 cæ Sardinia, mox Sardinia Ticinum occidē-
 tis duo lucida sydera æqua meritis iūcta ani-
 mis, vicinæ corporibus. qui sunt de quibus
 loquor intelligis, atque ideo multa festinans
 transeo. Sed ne tertij ordinis exemplum de-
 fit. Illum Palæstinæ Cyprus tulit, illum Nur-
 siæ Campania, hos Hispaniæ Italia illū qui-
 dem Bononia, hunc Pataviū. DOL. Intelligo
 planē singula, sed adhuc inuitus procul à pa-
 tria morior. R. Et ego planē causam rei hu-
 ius intelligo, quòd scilicet sanctissimis spiri-
 tibus cœloque semper herentibus nullæ iam
 terrenæ patriæ cura esset, quæ nondum tibi
 deposita, sed mihi crede, si cœlo inhias depo-
 nenda est: attingam tamen dehinc alios vir-
 tutis amicos, cœli memores, nondum tamē
 cœli studio terrę oblitos. Samij ossa Pythago-
 ræ Metapontus texit. Ciceronem Arpini or-
 tum, Romæ altum, Caietæ sinus exanimum
 vidit. Plinium quem infantem lauit. Athesis,
 gran-

grandæuum Veseui ciuis extinxit. Virgiliū mundo dedit Mantua, Brundisium, siue, vt alij perhibent, Tarentum rapuit, nunc Neapolis tenet. Ouidium Sulmo compegit, Ponticum soluit exilium. Terentium Comicum vt fama est, Carthago genuit, Roma docuit, Archadia sepeliuit. Flaccum Horatiū Apulia, Ennium Calabria, Statiū prouincia Narbonensis, Ausonium Vasconia, tres Annæos, siue vt alij volunt, quatuor, duos Senecas videlicet Galionem & Lucanum misit Corduba, & hos omnes, & Plautum Arpinatem, & Lucillum Aruncum, & Pacuuium Brundisium. & Iuuenalē Aquinatem, & Propertium Vmbrum, & Valeriū Anriatem, & Catullum Veronensem, & Varrum Cremonensem, & Gallum Forliuiensem, & Aëtium Pisaurensem, & Cassium Parmensem, & Claudianum Florentinū, & Persiū Volaterranū, & mille alios Roma retinuit, ac magna ex parte humo condidit, Tito Liuiio Patauino vix serum velut ad sepulturam patriæ restituto: sic ex diuerso multos Roma eadem genuit alibi morituros. Orbis terræ quasi domus angusta est & ipse quadrangularis, cuius ab extremo ad extremum transitus, & hic viuere, illic mori. Non pluris est fortibus animis quàm pro vario vsu balneum triclinio seu brumali æstiuum thalamum mutare. Trita est om-

nibus maximèque illustribus alternatio hæc
originis & sepulchri. DOLOR. Scio sic esse
extra patriam tamen mœstus, morior. R A-
TIO. Nihilo lætior in ea ipsa quam tuam
dicis patriam moreris, sed indulgetis fletibus
dolendiq; causas aucupamini, tanquam
sua illis insit delectatio, quod si animum
vulgi erroribus circumuentum sanctæ do-
ctæque simul ac discretæ paupertatis exem-
pla non adiuuant, fortunatioribus agam, si
quod doles regibus ac Cæsaribus accidisse
monstrauero, dncumque clarissimis maxi-
morum ne hominum fortunam sis recusa-
turus videro. DOLOR. Quid dictura quos-
ve in medium prolatura sis sentio: sed quid
opus est verbis? doleo extra patriam mori,
mortisq; molestiam locus grauat. RATIO.
Medicam manum horres, video, pergam
tamen, quàm fœliciter tu videto, mihi ve-
rum dixisse ac fideliter monuisse sat fuit.
Alexandrum Pella genuit, Babylon peremit,
Alexandria conditoris sui nomen ac cine-
rem custodiuit. Alterum Alexandrum Epi-
ri regia pauperat, Lucanus amnis obruit. Cy-
rum Persis regem tulerat, Scythia truncum
tulit. Marcum Crassum magnūque Pom-
peium Roma & Romanum imperium om-
ne suspexerat, quæ vivorum magnitudinem
oleraisset, utique mortuorum si sors sineret
suffectu

suffectura cineribus, sed alterum trans Eu-
 phratem tellus pressit Assyria, alterum Ae-
 gyptiaci gurgitis vnda contorsit. Catoni
 huic ultimo Roma principium uomen, fi-
 nem cognoménque dedit Utica Cornelios
 Scipiones Roma progeniuit nobilissima &
 Reipublicæ saluberrima germina quibus
 seruanda sæpe esset & ornanda, hos sic sua
 fors distribuit ut duo hi qui dicuntur magni
 Hispana tellure obruti, superior Africanus
 Linterni, Nasica Pergami, Lentulus intra Si-
 ciliam, seiunctis habitent sepulchris: soli ex
 hoc numero Asiaticus atque Africanus mi-
 nor Romæ iaceant, melius quolibet in exi-
 lio iacturi. Ille carcere mulctatus, hic
 morte. Sic per sæpe ubique melius viuas,
 melius moriari quàm in patria, nusquam
 durius iaceas quàm domi. Tres Decij, etsi
 duos tantùm fama celebret, extra patriam
 animosissimè ceciderunt, cum Latinis pu-
 gnans pater, cum Etruscis filius, addidit
 Cicero & cum Pyrrho nepos: quid nunc ex
 ordine occurrentes eximios duces sequar,
 omnes Romæ genitos, sex extinctos alibi?
 Attilium Regulum pro seruanda patria simul
 atque hosti fide, quo crudelius, eo gloriosius
 morientem vidit Africa, & sequenti bello
 Gaium Flaminium Cortona, Aemilium Pau-
 lum Cumæ, Claudium Marcellum Venusia,

Tiberium Gracchum Lucania procumbentem vidit, nulli horum Romę mori contigit. Dux spes ingentes imperij Romani in ipso ætatis flore succisæ, Drusus & Marcellinus, etsi ambo in patriam reuerſi, ambo tamen procul à patria: ille in Germania obiit, hic Baione. Quid nunc, tu ne Tarquinio superbior, tu ne potentior Sylla es? Atqui ille Cumis, exul, hic dominus Puteolis expirauit. Quid minores loquar? Augustus Cæsar pater patriæ, extra patriam obiit apud Campaniæ Nolâ. Tiberius dispar moribus imperio par, apud Căpaniæ Misenum. Vespasianus ac Titus optimi principes vt patrem & filium decebat, vna & eadem villa, quanuis prope, extra urbem tamen obiere. At Traianus in occidente natus, in oriente defunctus est. Septimus Seuerus Africa humilem habuit originem, Romę superbum imperium, Eboraci autem in Britannia sepulturam. Theodosium in Hispaniis ortum, defunctumq; Mediolani, Constantinopolis accepit quæ iam prius aliunde æditum sui nominis possidebat auctorem. Quid de aliis dicam? Lycurgum Sparta profugum: Cretâ suscepit. Eadem Creta Saturnum regem pulsum à filio abeuntem vidit, Italii finibus abditum humatumque audiuit. Africę lumen Hannibalem regit vrna Bithynici. Theseum The-
mi

mistoclem ac Solonem, tres Atheniensium coronas sic fortuna dispersit, ut primum Syrus, secundum Persis, tertium Cyprus sepeliret: imparia tantis cadaueribus sepulchra: dies me deficiet singulis immorantem, neque te historiis: obruere proposui, sed monere. **DOLOR.** Teneo, sed hos omnes & quoscunque enumerare alios potes, extra patriam defunctos fateor, sed volentes nego, dolentisque arbitror. **RA.** Vnde hoc tibi nisi quod stulti omnes, secundum se alios estimant, neque quod sibi difficile est cuiquam possibile suspicari possunt: & fortasse illi veteri potius prouerbio præbuiisti aurem: bonum est peregre viuere, mori malum, cum vtrunque potius bonum sit, modò bene fiat, longanimiter atque honestè: malum vtrunque, si malè, si flebiliter atque ignauè dicam quod mireris, quòdque prouerbio penitus sit aduersum, si qua locorum querimonia iusta est, hanc ego facilius viuenti promiserim cuius vtrunque forsitan intersit, quàm morienti, cui omnis loci cura superuacua est iam locis omnibus abituro. **DOLOR.** Tangis animum, adhuc tamen in patria mori malletm. **RA.** Voluntas humana nisi virtus ac sapientia illam frenet per seipsam indomita & effrenis est. Quòd si altius attendas, totum hoc ad te nihil pertinere fatebere, quando neque hic

amplius esse potes, neq; ossib⁹ tuis superesse
 sensus aliquis quo discernant vbi durius aut
 mollius cubeat, neq; quo tendis aliunde fa-
 cilius peruenisses aut breuius. Eleganter Ana-
 xagoras peregre moriēs, an in patriā referri
 vellet amicis interrogantibus, nihil necesse
 est, inquit: & adiecit causam: vndiq; enim ad
 inferos tantundem vix est, quod responsum
 non minus conuenit ad cœlū ascensuris
 quā casuris ad inferos. DOL. Vtinam domi
 morerer. R. Si illic esses, forsan alibi esse o-
 ptares, sic enim habe, & quod viuens debue-
 ras, disce vel moriens, perdifficile est vobis,
 ô mortales, morem gerere delicati & queru-
 li, quibus quod habetis omne vilissimum est
 semper, & solū id optimū quo caretis. D.
 O si domi morerer. R. Multa ibi forsitan vi-
 deres quæ mortē tibi efficerent grauiorē,
 vnde ideo te semotum crede vt reiectis cu-
 ris omnibus deum solū atque animam co-
 gitares.

De moriente in peccatis. Dialogus CXXVI.

DOLOR.

MORIOR in peccatis. R. A. Hæc iam nec
 naturæ nec fortunæ, sed, tua propria
 culpa est. DOL. In peccatis morior. R. A. Pri-
 mum peccare quis te compulit? Deinde quis
 vetuit commissa diluere? Postremò quis nūo
 etiam

etiam feram licet pœnitentiam impedit: Vtque ad extremum spiritum liber est animus. DOLO. Peccata mea moriens mecum fero. RATIO, Caue ne id facias, venenosum mortiferumq; viaticum depone dum vaca, dumque est qui illud tollat ac deleat, vt scriptum est, proiciatque post tergum suum in profundum maris, & quantum distat ortus ab occidente longe faciat abs te: hanc tu horam neglexeris, quæ semel elapsa non redibit: quod licet horis omnibus sit commune, vt eant semper, nunquam redeant: in vna tamen omnissum hora in altera forsan restaurari datum fit: at extremæ horæ negligentia prorsus irreparabilis est. Itaque quod in arca pis animæ disputationibus inuentum ferunt, vitæ huius errores quasi leues quidam lapsu, in plano sunt vnde facillè possis assurgere: at peccatum mortis graui & ex alto præruptoque simissimum est ruinæ, vnde facultas nulla sit resurgendi, huic tanto discrimini cui posthac nunquam securrere valeas, nunc occurre dum vales, & memento non modò quid vestri dicant, sed quid Cicero qui de morientibus in diuinatione sua disputans: tu vel maxime, inquit, laudi stude, eosque qui secus quàm decuit vixerunt peccatorum suorum maxime pœnitet. Quid à quoquam quæso religiosius, quid vtilius

dici potest fiat modò quod dicitur, pœniteat
 que ve. scio: Anceps fateor ac periculosa di-
 latio, & quæ plurimos fallit qui purgationē
 animæ quæ festinè nimis esse nō potest, sciē-
 tes volentēque procrastināt & in finem tra-
 hunt, quo tempore circumuienti & arctati vi-
 ciniāque mortis attoniti, nihil de conceptis
 expediunt. De quo quoniam multa dicuntur
 à vestris, haud impertinens est audire quid
 hic quoque Virgilius & ipse testis externus
 dicat, quibus verbis hanc desidiam negle-
 ctāque confessionem notet, ex illius ore
 mirabile, vbi apud inferos iudicem illum fa-
 cit iustitia & æquitate notissimū, qui vt ipse
 ait custigātque auditque dolos subigūtq; fa-
 teri: quæ quis apud superos furto lētatus ina-
 ni distulit in seram commissā piacula mor-
 tem. Sed quinuus hoc periculosum adeo sit,
 nihil tamen desperatione periculosius, nihil
 peius vestrę salutis hostis inuenit. Cætera
 enim suis cuncta remediis leniuntur, hoc
 malorum maximum atque vltimum, abeun-
 tem vbi animam oppresserit, nullus iam re-
 medio locus est. Huic ergo cū semper, tū
 in fine vehementius obliſtendum est, quod
 & tunc vrgere acrius solet, & nihil iam est re-
 liqui quo salutis consilia cunctando reicias.
 Neque verò te hinc metus arceat, nec te pu-
 dor dolorque dilationis impedian, peius est

nulquam quam ad vesperam expergisci, & omnino quicquid malè differtur, peius omittitur. DOLOR. Morior absque vlla spe. RATIO. Malè ais, immo verò spem proestam recipe, & admotam pectori totis animæ vlnis amplectere, stringe, conserua. DOLOR. Magnum est peccatum meum valde. RATIO. Nullum tam magnum peccatum hominis esse potest, quin multo maior misericordia dei sit. DOLOR. Quis poterit tot peccata dimittere? RATIO. Et quis putas nisi ille de quo sũt hostes admirantes litigabant & quærebant: quis est hic qui etiam peccata dimittit? DOLOR. Quis tantorum veniam merebitur peccatorum. RATIO. Nullus fortasse merebitur aut meritus fuit, multis tamen data est gratis, & dabitur, modò sũt qui illam fideliter ac reuerẽter imploret. Nullam quidem esse remissionem criminum ingentiũ persuadere aliquid, vt perhibent, Constantino principi voluerunt: at id falsum esse, nõ modò apud vestros constat, apud quos remissio peccatorum per baptismũ, & per pœnitentiam nota est, sed apud Paganos etiam fama fuit, falsa licet, quorũ morbis ideo inefficax erat medicina, quòd eis nondum medicus cœlestis aduenerat, proinde nisi mundari à peccato animus, & deleri posset iniquitas, frustra id totiens peccator ille primum maxi-

mus postmodū vir sanctissimus precaretur.

DOLOR. Peccati conscientia spem precipidet.

RAT. Peccati memoria pœnitentiam ac dolorem animo afferre debet, non utique spem auferre: sed vos omni ex parte fallimini, in peccato feruidi, post peccatum gelidi: peccādo quidem exultatis in memorando autem desperatis. Multis passim peccant sub spe veniē contra verò multi cum peccauerint, veniam desperant, & utrique errant: nam & illis ab initio spem damnosam pellere, & his in finē salutiferam spem tenere consiliū erat. **DOL.**

Gravem culpis mors precipitat, quid agam?

RATIO. Quid nisi quod egisse iam pridem decuit, ut infaustam sarcinam festinantes abiciās, qua leuius ibis planē, non præcipitare: ibisque non curuus, non titubans, sed erectus certo ac stabili vestigio & spe bona, Age erdo ne differas, neu diffidas, est qui exoratus ab humeris illam tuis transferat qui grauiora iam transtulit, cui nil graue nil difficile est. Et quanuis pigra dilatio excusatione careat, laude non caret emendatio fera licet: satius est enim serò, quam nunquam, resipiscere: confortare, respira, multos à limine tartari paucæ piæ lachrymular reuocant. Stat dexter ad lectuli tui caput, qui non solum infecto illi se mundare velle respondit, sed quatrIduano iam fœtenti ut

sur

surgeret, imperavit, teque etiam nunc expectat ut mundari velis ac surgere, non minus ipse, hodie quam tunc pius, nec solito minus potens: adhuc quo in statu mori velis in te est, adhuc sine peccatis mori potes, non quod peccata non fuerint, sed non eiunt. Et si enim in præteritis nullum ius nisi obliuionis habere Deum Plinius secundus existimet, habet tamen quod ille vir curiosissimus non vidit, ius etiam abolitionis, itaque facta licet infecta esse non possint, ex facto tamen oriens peccatum sic deleri potest, ut iam amplius non sit, ita ut sicut scriptum est: queratur peccatum & non inueniatur, non quod se peccati vinculis absolueret potestque sit humanæ, sed quod piæ hominum voluntati contritæque cordi diuinum nunquam desit auxilium.

De moriente s. licito quid de patrimonio ac liberis futurum sit Dialogus CXXVII.

METVS.

Quid de patrimonio sperem, quid de liberis? R. A. Et patrimonium dominos inueniet & liberis sua fors erit, M. E. T. Quid de tantis diuitiis fiet? R. A. T. R. O. Ne dubita ne hæredi nimix videantur, nunquam tantæ erunt quin aliquid desit, de his tamen illa viderit quæ res vestras hæcque tam

dilectas opes huc illuc iaculatura contorquet. ME. Quid facient filij? R A T. A terreno patre desertos, in suam curā cœlestis pater accipiet, non relicturus vt tu, neque orphanos factururus: ille eos nutriet: & docebit à iuventute eorum, modò dociles se præbeant, & vsque in senectam & seniū, vsque ad mortem & sepulchrum non destituet. Spes nascētis hominis deus est, non genitor quānuis diues quānuis rex ille sit, Non est ædificandum in arena sed in petra: omnis spes de homine brevis & caduca est, Filij igitur tua spe delusi ponent in Deo spem suam, & cātābunt cūm David: pater meus & mater meā dereliquerunt me, dominus autem assumpsit me. Multorum indolem filiorum & virtutum semen mentibus insitum parentum blanditiæ extidyerunt: sicut ex diuerso, molliciē sæpe discussit orbitas ac paupertas. ME. Quo deuenient opes? R A. Vnde venerunt reuertentur, hoc est ad fortunæ manus: inde rursus ad alios atque alios abituræ apud neminem diu mansuræ. Vagæ sunt enim, stare nesciunt. Néque sine mysterio: rotundam nummi formam opinati sut, sed volubilitatis indicium esse dixerunt quidā facetè, non inficior, sed non minus triangularis, aut quadra volubilis haberetur, quod attinet ad diuitiarum fluxum, quarum natura est labi assiduè ac

volui, odisse vnus seras arculæ, crebris ac variis possessoribus delectari, siue vt rubiginē motu vitent, siue vt fallāt circuitione quamplurimos, siue vt cū dominis suis de instabilitate contendant? hanc tu igitur moriens, vel viuenti superuacuam curam pone, quin si locuples morieris, agnosce fortunæ fidem raram & vsque ad exitum euita, diuitiāsque iam tibi non necessarias aliis. At si pauper, expectatus proficiscere seu ingētes seu exiguæ seu nullæ opes tibi fuerint, modicum ad te olim posthac verò nil ad te pertinet nisi quod inopem vixisse securius quando laboriosa hæc vitæ vel præsidia vel tormenta mortem quæque sollicitant. M E. Quid erit de filiis? R A T. Erit vbi viuat tuum nomē si sint boni, si quæ ea desolatio mortis est, non totus interiisse videberis, in illorum vultibus inque actibus te sibi redditum amici credēt & gaudebunt: at si mali, est cur cupidè deseras quos corrigere nequiuiisti & corrigendos ac domandos mundo tradas ac fortunæ, néve illos moriēs suspires qui te mori segnius suspirant, & fors ocius mortuum suspirabunt. M E T. Quid de opibus? R A T. Times ne à te dimissæ non sint dominos reperturæ? Expectantur, exoptantur, æstimantur, neque tam de contemptu quàm de certamine metuendum: proinde iam nunc hæc diuitiæ tuæ esse desinent,

cuius autem sint futuræ, quid filios aspicias? Sciri autem non potest quidem nec oportet, fat est scire tuas fuisse si fuerunt tuæ, & non potius illius rerum dominæ transeuntiū atq; mortalium quæ fortuna dicitur: sed sic tuas dico, hoc est tibi ad breue tempus, obsecutas, iam verò tempus est abeundi cedendiq; aliis sine illis parumper obsequatur & vicissitudinē suam seruēt, nisi ambitiosè mori (& quod stulti quidam facere) tua tecum tumulto vis inferri, quandoque sepulchrorum effossoribus profutura: denique iam terræ metalliq; curam proice, cælum tandem téque ipsum cogita. **M E T V S.** Opes meæ fugiunt à me. **R A T I O.** Putabásne mansuras cūm fugeret vita, cūm tu ipse continuè rapereris? **R A T.** Quid de opibus meis erit postquam meæ esse defierint? **R A T I O.** Quid de eis erat antequam tuæ esse inciperent? **M E.** Opes tantas linquo nudus abiens. **R A T.** Nudus intrasti, nudus egredere, non est quod queraris, sed vnde gratias agas. Alieni vsus medio tempore tuus fuit, nil tuum tibi præripitur, sed expleto vsu reposcitur alienum: è vicinia migrantes aduenæ ultro si quis est pudor cominodata vasa restitunt. **M E T.** Heu nil tantis ex opibus mecum fero. **R A T I O.** Aufer quantum attulisti, vel si mauis, quantum reges auferunt. **M E T V S.** Quid impuberes
tani

nati agent? R A T. Adolescent si vixerint ac senescant, & ipsi suas agent vias fortunámque suam & labores vitæ obibunt, interim sub tutela dei erunt, & tu forsán sine patre impubes vixisti.

De moriente anxio quid vxor eo mortuo sit

acta. a. Dialog. C X X V I I I

M E T V S.

Quid dilecta vxor post me faciet? R A. Nubet forsitan, quid ad te? M E. Quid, faciet chara vxor? R A. Tuo iugo absoluta vel subibit aliud, vel libera ceruice vagabitur, vel iam fessa subsistet & quietē sola meditabitur. M E T. Quid ager vxor amantissima? R A T. Quid cum te euaserit actura sit cogitas, cum tibi subiecta quid egerit nescias? Magna pars mortalium, quod domi suæ fiat nescia. quid in cælo agatur, quidve in terris sit agendum quærit. Sanè quid deinceps agat vxor, ipsa eadem vel maritus alter viderit, ad te amplius cura ista non pertinet. M E T. Vereor ne post meum obitum nubat coniunx. R A T I O. Quædam viuentibus viris nubunt, Fecit hoc apud Hebræos Herodias, apud Aphros Sophonisba, apud Romanos Martia & Liuia, quanuis has duas virorum consensus ac iussus excuset: tuæ vni viro licet mortuo nubere non licebit? Atqui pauca viuis

coniugibus fidem præstant, tu gelido etiam cineri fidem poscis? Si fida tibi vsq; ad diem vitæ vltimum vxor fuit, quid ni totum coniugalis fidei munus impleuerit? **M. T.** Ne secundo vxor nubat metuo. **R. A.** Ne primo nuberet, magis forsitan metuendum erat: id ad te pertinuit, hoc ad alterum pertinebit. Sic est autem metuenda contemnitis, spernenda metuitis, nil in rebus iusto precio æstimatis, Maritalis thori duellum securus intraſti non cogitas quid periculi adires, id intrare alium times? **M. E.** Nollem fateor vxorem alteri nubere. **R. A.** Perfectæ quidem pudicitix secundæ nuptiæ quantū licet fateor vitandæ sunt, sed vitanda magis periculosa viduitas. Est vbi nubere non tantum permittitur, sed oportet. Difficile est formosam solam castè viuere. **M. E.** Dulcis alteri coniunx nubit. **R. A. T.** Raræ sunt earum etiam quas honestas dicunt, quibus non super præſentē coniugem, alter iam animo desponsatus sit. Mortalis mihi, inquiūt, vir est, quid si hic obeat, num ille mihi aut ille erit aptissimus, quē virtus, quem nobilitas, quem gratia, quem facundia, quem forma conciliet? **M. E. T.** Vxor mea nubit alteri. **R. A. T.** Tua quidem vxor minimè: ne tua enim sit amplius mors faciet: nec mirabere si coniuges separat quæ corpus atque animæ vincula dissoluit. **M. E. T.** Nubit iterum vxor

inea.

mea. R A T. Et Romanorum ducum nupsere iterum vxores, ser communem cum maioribus fortunam. M E. Nubet vxor alteri. R A. Et Romani duces & principes viduas duxere: & sanctissimus rex Dauid viduas duas in coniugium duxit, quæ minorum fuerat vxores, & fortasse te maior aliquis tuam ducet, hanc tu illi tum linque sollicitudinem qui eò pergis vbi non nubitur. M E T. Nubet alteri dulcis vxor. R A T. Si meliori nupsert, gratulare prosperitati eius quã amasti. Sin peiori, gaude salutem quòd tu illi iam notior chariorque futurus sis. Multæ primos viros nosse ac diligere secundo demum matrimonio didicerunt.

De moriente solcito quid post se patria euenturum sit. Dialogus CXXIX.

M E T V S.

Quid post me de patria mea erit? R A. Bonorum omnium patria vna est, & maiorum altera, harum cui te ascribi in ciuem feceris videto: tertia enim patria nulla est, sed diuersorium aut transitus. M E. Quid de patria mea erit? R A. Patria illa quam petis, vno semper in statu est: ista quã deseris (quod sæpe iam diximus) non patria, sed exilium tuum fuit. M E T. Quid patria post me ager? R A. Regia cogitatio esse solet, quid post se

regnis atque vrbibus euenturum sit, qualem
 fuisse legis aut magno illi regi Assyriæ, aut
 Romano illi principum maximo, priuatam
 fortunâ hæc cura superminet. Quando verò
 ad vltimum sic affectus es, vt illam miseriæ
 officinam atque illud hospitium doloris vbi
 rapidum vitæ tempus multis in laboribus ne
 dicam gemitibus, exegisti, patriâ nunc etiâ
 tuam voces: & vis scire quid actura sit, di-
 cam: faciet nempe quod fecit & quod faciunt
 aliæ: at quid, inquires? Tumultuabitur, dissi-
 debit, nouarum rerum sectabitur & partium
 simultates mutabit dominos, innouabit le-
 ges, vtrumque sæpe in peius, in melius raro:
 calcabit prætereâ egregios ciues, attollet in
 dignos, pellet immeritos, prædones ærarij
 colet, blâdos diligeret, veridicos oderit. bonos
 spernet, venerabitur potentes, libertatis ho-
 stes adorabit, defensores reipublicæ perse-
 quetur, flebit ac ridebit inaniter, aurum gem-
 masque misabitur, virtutes abiiciet, amplexa-
 bitur voluptates, hi sunt mores vrbium. Ne-
 mo tibi non certus horum vates fuerit; nisi
 qui semper rûre vixerit, vel obtusis auribus
 ac oculis vrbes intrauerit. **M E T V S.** Quid
 post me patriæ accidet? **R A T.** Quid solici-
 tus, quid ve anxius es? quicquid patriæ acci-
 derit, tua iam domus ab incendiis, à furibus,
 à ruinis tuta erit. Nihil ad te pestilens annus,
 nihil

nihil annus exuberans, nihil æstus, nihil siccitas, nihil imbres ac grandines niuësque & glacies & nimium gelu, nihil feræ vel volucres, nihil bruchu aut locusta, nihil denique terræmotus ac fremitus procellarum, nihil annonæ caritatis, nihil hostium incurfus aut bella ciuilia. M E T V S. O quis patriæ status erit, seu quis dēum finis? R A T. Quis putas nisi qui maximarum vrbiū fuit, quique omnium erit, puluis, cinis, sparsī lapides, nudum nomen? Possem id innumeris argumentis ostendere, sed rem tenes. Ad summam: nil ab homine fit æternum nil humanum, præter animam, immortale. Cœpta definent, fata deficient, structa ruent, quid plus æquo angeris, quid æstuas? si in cœlo eris & hoc ipsum & mortalia cuncta despicias: num qui ad inferos descendunt, charitate amissi, Deum atque homines deique opera simul atque hominum odisse credibile est.

De studio fame anxio in morte. Dialogus. C X X X.

DOLOR.

Quid de me post fata dicent homines. R A. Intempestiua sollicitudo, hoc à iuuentute prouisum esse debuit: qualis ferè vita hominum talis est fama. D O. Quid de me loquentur? R A T. Quid respondeam nisi

illud doctissimi atque omnium eloquentissimi Ciceronis: quid de te alij loquantur ipsi viderint, sed loquentur tamen: sermo autem omnis ille angustiis cingitur his regionum quas vides, nec vnquam de vlllo perēnis fuit, sed obruitur hominum interitu & obliuione posteritatis extinguitur. D O L. Quid de me dicent homines qui post me nascentus. R A. Dicerem aliter ista quàm Cicero si melius dici posse crederem. Quid autem, inquit, interest ab his qui postea nascentur sermonem fore de te, cū ab his nullus fuerit qui ante te sunt nati? Vnum addidit quod tunc forsan dubitabile, forsan falsum, nunc certissimum & absq; vlla prorsus hæsitatione verissimum est. Qui nec pauciores, inquit, & certè meliores fuerunt viri: nam quis est oro iam qui dubitet nunquam quales fuerint, futuros homines? ita in peius inclinata sunt omnia ruinæque proxima. Cura ergo mirabilis ignotorum atque imparium dicta metuere, cū excellentium ac votorum opiniones ac verba contempseris. D O L. Quæ mihi fama erit extincto? R A. Facile melior quàm viuenti cū gluerit liuor. Rarè enim vitæ hominum superstes inuidia est: vt autem virtus radix est gloriæ, sic decepatrix inuidia, vtque litidus pollex præsens impedit, sic amotus veræ laudis restituit incrementum: itaque multis busti limen

limen inuidiæ inaccessum magnæ gloriæ vestibulum fuit. D O L O. Quantum me longa manet fama? R A T I O. Longa forsitan ut vos longum dicitis, verè autem apud vos nihil est longum. ut verò non modò longa sint omnia, sed æterna, sola virtus efficere potens est, præcipueque iustitia, de qua scriptum est: in memoria æterna erit iustus, quod ut potuit, poëta vester expressit, ubi ait: sed famam extendere factis, hoc virtutis opus est. D O L O. Quali post obitum fama ero? R A T I O. Quid refert quale sit quod mox vel nescies vel cõtemnes? Quid ad te hominũ flatus dum tu flatu cariturus sis? Spirantem vesci delectarique auris non miror, at defectum stupeo. D O L O. Quid de me post obitum dicetur? R A. Et quid putas nisi quod mereberis bonum, malum, multum, parum, nihil, in quibusdam mendax, sed in pluribus verax fama est, alioquin longa utique non est, diuturnitatis fundamentum veritas, ruinosum atque imbecille mendacium. D O L O R. Qualis mihi post exitum fama erit? R A T I O. Qualis ante exitum fuit vita, nec minus in exitu. De hoc ergo tempus omne præteritum, sed imprimis præsens hora viderit. Sic enim habeto quali quisque dignus sit fama post mortem nulla re melius quàm morte censerì, quippe cùm multos per omnem vitam in-

glorios & obscuros, sola (dictu mirabile)
mors illustret.

De moriente sine filiis. Dialogus CXXXI.

DOLOR.

Sine filios morior. RAT. Eo alacrior mori
debes atque expeditior proficisci, nil post
tergum relinquēs quod te vellicet. Ille ingens
morientium dolor cessat ex commiseratiōe
oriens deferendę prolis, immaturę præser-
tim & paterno præsidio indigentis pەرque
ætatem inopiámque consilij & iniuriis & ca-
sibus multis expositę. DOL. Nati quos, & opta-
bam sperabámque superstitēs præcesserunt.
RAT. Habes ad quos ire cupias, non à qui-
bus doleas abire, non exiguum solamen. DOL.
Mors acerbā filiorum orbus ut moriar
cogit. RAT. Hoc si miserum censes, quid est
quod vel orbum mori cogat vel vixisse coë-
gerit, cum vnde tibi filios eligas, ingenuo-
rum iuuenum tanta sit copia, eo fortassis ob-
sequentiores & tui amantiores habiturus
quàm quos tuo de sanguine genuisses, quod
illos casu quodam, hos certo iudicio quæsi-
uisti? Filij illi antequam noti, hi autem noti
& dilecti & electi antequam filij. Itaque to-
tum illi hoc naturę, hi beneficio tuo impu-
tent quod filij tui sint, vnde fit ut sæpe hæc
fuerit fausta successio cui tutò non medio-

cre

cre tantum patrimonium, sed sumimum imperium crederetur. Nosti ut Iulius Cæsar prole carens, sibi Augustum, ille Tyberium penè intitus quidem, ut post Nerua Vlpium Traianum, ille Eluum Adrianum, ut is rursus Antonium pium, ille Marcum Aurelium sibi filium fecit, fecissetque ille alium quemcunque fœlicius quàm Commodum genuisset, nulli commodum, cunctis incommodum, vnicū tanti patris infortunium, vnūque ex paucis Romani imperij probrum ingens atque apertissimum argumentum, quāto adoptio sit fœlicior genitura, quòd cum primi ex ordine diu ac fœliciter imperassent hic tantorum vestigiis ducū spretis iter deuium ingressus, breui & turpi nō imperio, sed tyrannide, cum rempublicā fœdisset misero quidem, sed se digno sine procubuit, publicūque ludibrium in se vertit. Iā inde præterea ante hos longè secundum illud fulmē belli Punici, maleūque Carthaginis Africanus illius magni filius in decus gētis assumpserat, hoc scilicet fato, ut quam urbem auus concusserat, hāc nepos eius euerteret, ut Florus ait historicus, ex Aemilia in Corneliā familiam translatus, vtriusque decus vltimum fateor non minimum. Ex his vides quòd nec tibi nec principi deesse filius potest, quòdque est optimum: bonis bona non desit

electio, quæ si adsit, talem tibi fortasse filium dabit, qualem non dedisset vxor, & votium matrimonij effectum coniugalibus expeditus vinculis inuenies, sic naturæ defectui lex prouidit. **DOL.** Quomodo nunc domui meæ disponam? orbus morior. **RAT.** Magnam verò pietatis, magnam laudis oblatam tibi ne respuas materiam, & quod filiis forsitan ingratum ac vel malè cumulaturo, vel quoniam vterq; mos est in vltis pessimos versuris breuiq; omnia profusuris conferre decreueras, confer honestius, confer vtilius, confer stabilius. Pergami quidem rex Attalus, populum Romanum nec egentem certè, & Asiaticis profectò diuitiis corrumpendum testamento sibi hæredem fecit: ego tibi alium populum, quem instituas ostendam: hinc te amicorum, hinc egentium turba circumstant, ex vtraq; tibi filios adoptare permitteris, quorum alij te digressum dulci secum commemoratione detineant, alij te quò pergis pia precum festinatione præueniant, vt quæ hic erogaueris illic centuplicata reperias, scænus vberimū certissimūq; viaticum iter istud acturis. **DOL.** Morienti mihi nullus est filius. **RAT.** Quid si multi essent, an ex his tibi, seu custodem domus ac pecuniæ, quæ tua certè amplius non erit, eligeres, seu in prælio mortis athletam ipsum quoque mortalem, seu deni

denique comitem ad sepulchrū, vltra enim nec te tui quidem comitentur, nec Metellū sui: brevis à lectulo mortis ad sepulchrū via est: quid refert an hīc solus iaceas, an ibi? Friuolæ prorsus & ineptæ causæ filios optandi: nam si in illis, vt vulgo dicitur, seruari ac perpetuari tuum nomē optabas, ipse quoq; vulgariter fallebaris. Siquidem filiorum obscuritas profectò creberrima nec illustrare ipsa vtiq; nec seruare paternum potest nomen: ac perrara filiorum claritas, vt ipsos semper filios claros facit, sic parentes interdum vici-
nitate sua contegit obscuratq;, quasi minora sol sydera, quod nusquam euidentius quàm in Iulij Cæsaris patre cognoscitur, quem pene ignotum filij splendor fecit. Et ad summam quisquis in filio sui nominis spem reponit, rem pertenuem labilēque in vase fictili locat ac ruinoso, quodque est incōsultius non suo, rē maioris apud vulgus quàm apud doctos precij, neutris tamen contemnendam, sed cum honestius, tum certius locandam in suis incorruptibilibus vasis ac solidis, in virtute propria, in rebus gestis, in literis. D O L.
Sine natis morior. R A T. Non sunt in quos tuæ sese spargant curæ, in te versæ omnes quo instructior liberiorq; digrediere, te vnū respiciens, te metiens. Sis quāuis & quam foelix moriari, nec incertus moreris, an vel

miseriæ sit addendū, vel fœlicitati detrahendum tuæ, aliena seu turpitudine seu fortuna, & si enim aliis aliter videatur, in quorū ergo sententiam sum pronior, vt magnis tamen scimus visum esse philosophis, sibi orū euentibus imminuitur paterna fœlicitas. Imbecille bonum quod in crastinū prominet & pendet ex altero, quod si opinionē hanc admittimus, quid hinc sit intelligis, dubitari enim, nequit quin multi fœlicius obituri fuerint, si sine filiis obiissent.

De moriente, qui metuit insepultus abiici.

Dialog. CXXXII.

METVS.

INsepultus abiiciar: R A T. Alitibus inuides. An feris, an piscibus? nam si metuis tibi baculum seu custodem iuxta te boni iube, quod à cadauere depellantur. MET. Ludis in malis meis, nam profectò nil sentiam. R A. Quid igitur times quod nō sentias? Nam si sentias probes, sententiam enim sepelire necare est. MET. Inhumatus iacebo. R A TIO. Tu nisi te tellus presserit illam premes, te nisi terra cōtexerit cœlum teget. Notum est illud: cœlo tegitur, qui nō habet urnam Illud quoq; notissimum: facilis iactura sepulchri: facilis inquam sic, vt nulla facilior: MET. Inhumatus ero, graue dictu. R A T. Dictu nescio, re autē profectò leuissimum, multoque tolerabilius sepul

sepulchro exui quàm domo quàm lodice
quàm sagulo. **M. E. T.** Inhumatus ero, fœdum
visu. **R. A. T. I. O.** Fœdum fortasse aliis, tibi au-
tem nihil minus. Omnem quidem sepultu-
ram non nisi viuorum causa institutam esse,
doctorum omnium auctoritas & res ipsa cō-
sentiunt: id quæ sic esse sepulchrorum species
iudicio est, quæ introrsus inculta & horrida
rude incolis suis saxū obicit, exterius multa
impensa & artificum ingenio elaborata mar-
moreas spectantibus atque aureas præendit
imagines. **M. E.** Insepultus ero, turpe aspectu.
R. A. T. I. O. Parum ne oro negocij tui habes, ni
fiscipias alienum? Prouideāt quos res tãgit,
hanc tu enim turpitudinem nō videbis. **M. E.**
Insepultus, linquat, miserum. **R. A.** Et ma-
gnus Pompeius tantus vir insepultus iacuit:
immo nec iacuit, sed iactatus est fluctibus
obrutusq;. Neq; adeo te delirum reor, vt opi-
nionem tua factus ille fœlicior sit sepulchro,
sicut nec collega eius Marcus Crassus in-
fœlicior, quod qui eum sepeliri iuberet, ne-
mo affuit. In reliquis enim penè pares exi-
tu fuere, nisi quod Crassī caput vt ditissi-
mum auarissimūque omnium decebat, au-
ro grauius fuit seruatum, ramen vtrunque
ludibrio: nisi forte tertius horum collega fœ-
licior, quod altissimi atq; pulcherrimi colossi
situs in verticæ ostenditur, cæssa etiam tem

pla despectans, bello quidem fortunatiorem fateor, busto negem : sic hoc saxum illo pulchrius fateri oportet nō felicius. Quæ enim ista felicitas non sentientis seu saxi seu saxo abdit? Alioquin si sepulchro fœlix sit, nemo felicior Mausolo. MET. Inhumatus ero. RA. Inhumati essent Paulus Aemilius & Claudius Marcellus tales viri, nisi hostis illos infestissimus sepelisset, admiratione virtutis nisi fallor, & verecundia victus, non pietate vlla, quæ in illius viri præcordiis nulla fuerat: vt sepulturam ego illam penè inuisam futurâ ipsis arbitrer sepultis, & si eis optio data esset, inhumatos se iacere maluisse. Insepultus quoq; Cyrus iacuit Persarum rex, neq; id sibi neque vter Scythicus infamiæ fuit, sed cruenti mores, quibus acerrimam illam exprobrationem iniuriâmq; promeruit. Quid verò nunc singula nuda cadauera colligo, & vel Romanos principes vel externos reges, non solum sepulchri vltimo & optato quidem, sed inani honore spoliatos, quin etiâ lacertos discerptosq; & membratim sparsos, vt inuidiosum diceres integro cadauere iacuisse, cum obuersentur animis inhumatarum strages gentium, atque, vt ita dixerim insepultus orbis? nempe cum ipso quem dicebam Cyro, ducēta Persarum milia, & cum Crasso sexdecim florentissimæ legiones, &
ad

ad Cānas Romanorum ciuium ac sociorum
 octogintaquinq; & eo amplius milia, quin-
 quaginta sex milia Pœnorum, Hispanorum,
 Ligurum & Gallorum ad Metaurū amnem
 ipso cum duce hostium, & ad aquas Sextias,
 (id est loco nomen) ducēta Theutonū haud
 procul ab Alpibus, vtrobiq; duce Mario, cen-
 tum quinquaginta vt quidam sunt auctores,
 & qui minus dicunt sexaginta non amplius
 Cimbrorum milia insepulta iacuerunt. Apud
 Philippos verò regum gentiūmq; omnium
 auxilia & Italici sanguinis flos vigorque, sic
 placitū saperis hoc sepulchro carentes, cam-
 pos Aemonios ferāsq; & vultures impingua-
 runt. Quid ad Egatēs insulas deleta Cartha-
 ginensium classis? Quid Massilientium ante
 portus sui hostia, inq; ipso fidelis patriæ pro-
 spectu? Quid (ne semper Italos labores lo-
 quar) classis Atheniensium ante urbem Syra-
 cusiā demersa quale habuit sepulchrū? Si-
 leo Salaminam & Marathonem trecentāq;
 milia illic fusa Persarum, & si alij duplo am-
 plius dicam. Transeo Hebræorum conflicta-
 tiones Scytharumq; & Amazonidum, Ara-
 būmq; & Parthorum prælia & Medorum.
 Præterea Alexandri Macedonis in Oriente
 victorias stragēsque illas inermium populo-
 rum. Pestes taceo tales, sæpe vt cadauer cha-
 rum licet abstraxisse parumper pietas fuerit.

Incurſus quoq; ſerpentum atq; immanium
beluarum, quarum impetū Dicæarchus do-
cet, vt ait Cicero, quædam hominum genera
eſſe cōſumpta. Tempeſtates præterea & quo-
tidiana naufragia: nam qui flammis pereunt
non egētes buſti dixeris, Omitto furores do-
meſticos inteſtināmq; diſcordiā de qua di-
ctum eſt: bellum ciuile ſepulturam vix duci-
bus præſtare poteſt, quod de externo verius
etiā eſt bello. Nec ruinas urbium ſequor,
Troia Hieroſolymę, Carthaginiſ, Corinthi,
Numantiæ ac Sagunti, aliarūque multa-
rum vbi magna pars ciuium muris oppreſſa
labentibus & ſic patrię conſepulta eſt. Mitto
deniq; terræmotus quibus multi sæpe mor-
tales obruti, pro ſepulchro totum terræ ma-
tris vterum habuerunt, quod cum olim nu-
perq; crebrum malum fuerit diuerſis in lo-
cis, nuſquam tamen quam in Aſia inſignis,
vbi duo lecim vrbes vno die, horrificiſ terre
hiatibus hauſtæ memorantur: hæc tam mul-
ta dixerim, vt ridiculū tibi mecum eripiam
qui morte magis damnum metuis ſepulchri
atque illud huic vni corpusculo deeſſe ſers
grauiter, quod tam multis hominum & bel-
latorum, & quod fuit indignius ſanctorum
inſup̄er millibus deſuiſſe cōpertum eſt. ME-
TVS. Deſuncto mihi terra negabitur, præ-
durum. R A. Non id durum ſed tu mol-

lis qui nec sentiens lædi queas. M E. Mortuo mihi terra negabitur, indignum. R A T. Quid ita, illane tibi igitur an tu illi deditus? Atqui terra tibi fortasse negabitur, nō tute-
ræ, poterit bustum tibi casus aliquis vel ini-
ria hostilis eripere: tu è terra veniens in ter-
ram redeas oportet: id tibi domini tui ore
prædictum falsum esse non potest. M E T V S.
Non me gremio tellus teget. R A T I O. At tu
illam teges nudo corpore, quid ad te plus
hoc post mortem pertinebit quàm nūc per-
tinet? Vbi olim vnguium aut crinium excre-
menta, vbi febris erutum sanguinem, vbi de-
niq; puerilis tunicæ seu fasciæ infantilis fra-
gmenta dimiseris? An oblitus es Theodori
Cyrenæi apud Tullium elegans responsum,
cui cūm Lyſimachus rex mortem crucis, vt
auguror minaretur: istis quæso, inquit, ista
horribilia minitare purpuratis tuis, Theodo-
ri quidem nihil interest humi ne an sublime
putrescat: te nisi tellus sinu excipiat ac su-
per hæc sustinebit, hinc te gramina vestient,
hinc ornabunt flores læti hospite, hinc te im-
bres madefacient, hinc sol vret, hinc glacies
stringet, hinc mouebunt auræ, & fortasse na-
turalius fuerit vt compactum ex quatuor e-
lementis corpus in totidem resoluator. M E-
T V S. Inhumatus linquor, horridum auditu.
R A. In opinione horror non in re, quan-

doquidem apud alios horridum terra tegi,
 pulchrum igne cōsumi, quod maioribus ve-
 stris visum scimus: apud alios pulchrum à fe-
 ris aut canibus laniari: innumeri de hac re
 sunt gentium ritus, quos curiosius à Crispo
 collectos strinxit Cicero: tu nuda iacebis hu-
 mo: ast illū premit lapis horridus, illum pu-
 tres glebæ obruent, illūmersum voluent vn-
 dæ: illum ventipendulum agitabunt, grando
 feriet, lacerabunt corui, demum preciosissi-
 mē conditos ac velatos purpura, vermes ro-
 dent: quidnam verò habet amplius qui mar-
 more tegitur atq; auro, quam qui flens apud
 poëtam ait: nunc me fluctus habet versantq;
 in litore venti? Et si ille erroris publici mo-
 rem sequēs iniici sibi terram horret, nisi for-
 te nunc etiā fabulis acquiescis anilibus, cen-
 tum annos errare animas insepulorum ho-
 minum circa Tartarei amnis ripam, quas sa-
 na utiq; ac religiosa mens respuit. ME T. Bu-
 stum mihi patrium eripitur. R A. Patrius ce-
 spes si relinquitur, bene est, habes quod tibi
 Phocion vir magnus: invidiat, quem ciuem
 de se àliter meritum ingrata Athenarū vrbs
 defunctum quoq; suis finibus expulit, inau-
 dita crudelitas. M B. Insepultus abiiciat. R A.
 Age res tuas, curam hanc relinq; viuentibus.

INDEX DIALOGORVM

OMNIVM QVI IN LIBRIS

F. Petrarchæ de remediis
vtriusque fortunæ
continentur.

* * *

D E etate florida.	fol. 16
De forma corporis.	21
De valetudine corporis.	25
De sanitate restituta.	28
De viribus corporis.	29
De velocitate corporea.	30
De ingenio.	31
De memoria.	33
De eloquentia.	36
De virtute.	40
De virtutis opinione.	43
De sapientia.	46
De religione.	51
De libertate.	53
De patria gloriosa.	56
De origine generosa.	63
De origine fortunata.	69
De lauto victu.	70
De conuiujs.	76
De vestitu cultique corporis insigni.	82
De ocio & quiete.	75

De suauī odore.	91
De cantu & dulcedine musica.	96
De choreis & tripudiis.	100
De pila ludo.	105
De ludo aleæ & calculorum.	106
De ludo taxillorum prospero.	109
De hīstrionum iocis.	113
De ludis palastricis.	116
De variis spectaculis.	120
De equis.	126
De venenatu & aucupio.	131
De numeroſo famulatu.	134
De magnificentia ædium.	138
De arcibus validis & munitis.	140
De ſapelleſtili precioſa.	143
De gemmis & margaritis.	145
De gemmarum poculis.	146
De gemmarum ſignis.	163
De tabulis pictis.	165
De ſtatuis.	168
De vasis Corinthiis.	172
De librorum copia.	177
De ſcripturum fama.	184
De magiſtero io.	190
De variis titulis ſtudiorum.	191
De titulis negotiorum.	196
De titulis bellorum, militia & ducatu.	199
De amicitiis regum.	291
De amicorum abundantia.	204

DIALOGORVM.

De amicis incognitis nisi per famam.	209
De amico unico & fideli.	211
De diuitiarum copia.	215
De inuentione auri fodinae.	218
De inuentione thesauri.	219
De fœnore.	221
De agro fertili & exculto.	223
De viridariis.	227
De gregibus & armentis.	231
De elephantibus & camelis.	233
De simiis & ludicris animalibus.	235
De pauonibus, pullis, gallinis, apibus & columbis.	236
De piscinis.	238
De auariis, auibusque loquacibus & canoris.	241
De coniugij claritate.	247
De formosa uxore.	250
De uxore fœcunda & facunda.	252
De optima dote.	253
De gratis amoribus.	256
De ortu filiorum.	266
De filio infante festiuo.	268
De insigni natorum forma.	270
De filij fortitudine ac magnanimitate.	273
De filia castitate.	275
De optimo genere.	276
De secundis nuptiis.	277
De natorum coniugio.	279

De nepotibus.	282
De filiis adoptiuis & priuignis.	284
De excellenti praeceptore.	286
De insigni discipulo.	288
De patre bono.	290
De matre amantiſſima.	291
De fratribus bonis, piisque sororibus ac formosis.	293
De bono domino.	296
De serenitate aeris.	300
De prospera nauigatione.	301
De uolua portus apprehensione.	302
De carceris exitu.	304
De tranquillo statu.	306
De potentia.	311
De gloria.	313
De beneficiis in multos collatis.	316
De more populi.	320
De occupata tyrannide.	322
De regno & imperio.	326
De exercitu armato.	339
De classe instructa.	342
De machinis & balistis.	343
De thesauro reposito.	346
De uindicta.	347
De spe uincendi.	353
De uictoria.	355
De inimici morte.	357
De spe pacis.	359
	De

DIALOGORVM.

De pace & induciis.	362
De pontificatu.	365
De felicitàte.	369
De spe bonis.	372
De hereditatis ex pectatione.	377
De alchimia.	381
De promissis aruspicum.	384
De lato rumore.	390
De expectatione filij vel amici vel villici vel uxoris.	392
De expectatione meliorum temporum.	397
De sperato Principis aduentu.	399
De fame spe post obitum.	401
De gloria ex edificijs sperata.	403
De sperata gloria ex conuictu.	407
De multiplici spe.	408
De pace animi sperata.	410
De spe vite eterne.	411

DIALOGORVM
libri secundi index.

DE deformitate corporis.	fol. 435
De imbecillitate.	439
De aduersa valetudine.	441
De ignobili patria.	443
De originis obscuritate.	446

<u>De obscœna origine.</u>	453
<u>De seruitute.</u>	458
<u>De paupertate.</u>	464
<u>De damno passo.</u>	466
<u>De tenui victu.</u>	476
<u>De originali inopia.</u>	479
<u>De numerosæ prolis graui sarcina.</u>	481
<u>De amissa pecunia.</u>	486
<u>De vadamonio.</u>	498
<u>De amissione temporis.</u>	501
<u>De aduerso ludo taxillorum.</u>	505
<u>De sponsa alteri adiudicata.</u>	505
<u>De uxoris amissione.</u>	508
<u>De importuna uxore.</u>	512
<u>De raptu coniugis.</u>	514
<u>De impudica uxore.</u>	515
<u>De uxore sterili.</u>	523
<u>De filia impudica.</u>	524
<u>De aduentitio dedecore.</u>	526
<u>De infamia.</u>	528
<u>De quesito ex indignis laudibus pudore.</u>	534
<u>De amicis infidelibus.</u>	536
<u>De ingratis.</u>	538
<u>De seruis malis.</u>	542
<u>De seruis fugitiuis.</u>	546
<u>De vicinis importunis.</u>	548
<u>De inimicis.</u>	550
<u>De præcepta facultate vindictæ.</u>	552
<u>De odio populari.</u>	555
De	

De inuidia passiue.	556
De contemptu.	557
De promissi muneris tarditate.	560
De repulsis.	561
De iniusto domino.	564
De indocte preceptore.	569
De discipulo indocili ac superbo.	570
De nouerca	573
De duritie paterna.	574
De contumaci filio.	578
De discordi fratre.	580
De amisso patre.	582
De amissa matre.	583
De amisso filio.	584
De infantis filij casu misero.	588
De filio qui alienus inuentus est.	589
De amisso fratre.	593
De morte amici.	597
De absentia amico um.	600
De graui naufragio.	603
De incendio.	605
De graui negocio ac labore.	607
De duro itinere.	610
De sterilitate annua.	614
De villico malo & superbo.	617
De furtis.	619
De rapinis.	621
De dolo malo.	622
De habitatione angusta.	625

De carcere.	826
De tormentis.	629
De iniusto iudicio.	631
De exilio.	635
De obsessa patria.	640
De patria eversa.	644
De metu perdendi in bello.	646
De stulto & temerario collega.	647
De inconsulto & precipiti magistro militia.	649
De infausto pralio.	650
De bello ciuili.	654
De discordia animi fluctuantis.	656
De ambiguo statu.	660
De vulneribus acceptis.	661
De rege sine filio.	666
De regno amisso.	667
De proditione.	672
De amissa tyrannide.	674
De perditis arcibus.	681
De senectute.	684
De podagra.	697
De scabie.	701
De vigilia.	702
De inquietudine somniorum.	704
De celebritate nominis inportuna.	706
De dolore ex malis moribus hominum concepto.	

711.

De minutis radiis rerum variarum.	713
De tremotu.	726

De

DIALOGORVM.

De perisimilissime faciem.	730
De tristitia & miseria.	731
De dentium egritudine.	741
De egritudine tibiærum.	743
De cecitate.	745
De auditu perduto.	752
De tædio vite.	755
De grauitate corporis.	757
De grauis ingenij tarditate.	759
De inopi & infirma memoria.	761
De eloquentia defectu.	763
De amissione lingue & loquela.	766
De virtutis inopia.	769
De auaritia.	772
De inuidia & timore.	774
De ira.	775
De gula.	777
De torpore animi.	778
De luxuria.	779
De superbia.	781
De febribus.	783
De dolore iliaco atque extasi.	784
De totius corporis dolore ac languore vario.	786
De furore.	804
De veneno.	806
De metu mortis.	808

De voluntaria in seipsum manuum iniectione.

INDEX DIALOGOR.

De morte ante diem.	834
De morte violenta.	841
De morte ignominiosa.	845
De morte repentina.	847
De egrotante extra patriam.	848
De moriente extra patriam.	850
De moriente in peccatis.	858
De moriente sollicito quid de patrimonio ac liberis futurum sit.	863
De moriente anxio quid uxor eo mortuo sit actura.	867
De moriente sollicito quid post se patria euenturum sit.	869
De studio fame aprio in morte.	871
De moriente le liis.	874
De moriente qui metuit insepultus abiici.	878

Finis indicis.

A01 1466127









